

# 此土著述(其)

## 第 133 册


卷一之一(困一)	二	卷一之二(困二)	二四
卷一之三(困三)	四二	卷一之四(困四)	六四
卷一之五(困五)	七七	卷二之一(困六)	八九
卷二之二(困七)	一〇一	卷二之三(困八)	一一七
卷二之四(困九)	一三一	卷三之一(困十)	一四八
卷三之一(横一)	一六八	卷四之一(横二)	一八六
卷四之二(横三)	二〇五	卷五之一(横四)	二二三
卷五之二(横五)	二三八	卷五之三(横六)	二五三
卷六之一(横七)	二七〇	卷六之二(横八)	二九二
卷六之三(横九)	三一二	卷七之一(横十)	三三〇
卷七之二(假一)	三四三	卷七之三(假二)	三七二
卷八之一(假三)	三九八	卷八之二(假四)	四一七
卷九(假五)	四三七	卷一〇(假六)	四五六
卷一一之一(假七)	四七六	卷一一之二(假八)	四八九
卷一二之一(假九)	五〇六	卷一二之二(假十)	五二五
卷一二之三(途一)	五三九	卷一三之一(途二)	五五九

一五·一五五七 大方廣佛華嚴經疏鈔會本八〇卷(一至一六之四)

唐于闐國三藏沙門 實叉難陀譯 唐清涼山大華嚴寺沙門澄觀撰述

(困一—困十、横一—横十、假一—假十、途一—途十、滅一—滅十)

卷一三之二 (途三)	五七七	卷一三之三 (途四)	五九三
卷一三之四 (途五)	六〇六	卷一三之五 (途六)	六二〇
卷一三之六 (途七)	六三六	卷一三之七 (途八)	六四七
卷一三之八 (途九)	六五八	卷一三之九 (途十)	六八〇
卷一四之一 (滅一)	六九八	卷一四之二 (滅二)	七一二
卷一四之三 (滅三)	七二四	卷一四之四 (滅四)	七四二
卷一五之一 (滅五)	七六一	卷一五之二 (滅六)	七七三
卷一六之一 (滅七)	七九二	卷一六之二 (滅八)	八〇四
卷一六之三 (滅九)	八二〇	卷一六之四 (滅十)	八三六



大方廣佛華嚴經疏鈔會本

唐于闐國三藏沙門實義難陀譯  
唐清涼山大華嚴寺沙門澄觀撰述

大方廣佛華嚴經疏鈔會本



清刻龍藏佛說法變相圖

大方廣佛華嚴經疏鈔會本第一之一困一

唐于闐國三藏沙門實義難陀譯

唐清涼山大華嚴寺沙門澄觀撰述

世主妙嚴品第一

上來十例各顯一理然亦無盡若依常用

應依三分謂初品為序現相品下正宗法

界品內爾時文殊師利從善住樓閣出下

明流通序中就文分二初此土序二結通

十方無盡世界序初中復二初證信序後

爾時如來道場下發起序二結通者文在第五卷末彼文

有三初結此界次結華藏內後結華藏外然此二序廣如常解

今但略陳初證信者若原其所由則阿難

請問如來令置如智度論及大悲經說

請問者智論第二云佛涅槃時於拘尸那  
園娑羅雙樹間北首而臥一心欲入涅槃  
阿難親屬愛心未除未離欲心沒憂海  
不能自出爾時長老阿泥樓豆語阿難言



汝是守佛法藏人，不應如凡人自沒憂海。一切有為法，是無常相。汝莫憂愁，又佛首。付汝法，汝今愁悶，失所付事。汝當問佛，佛。淫樂後，我等云：何行道？誰當作師？惡性。種云：何共住？佛經之首，作何等語？如是。種。未來要事，應當問佛。阿難聞是事，已心。問小醜，得念道力，助於佛不後所臥牀邊。以是事問佛，佛告阿難：若今現存，若我過。去依止念處，莫依止餘。乃至廣說，身受心。法除世間貪愛，又云：從今日後，解脫戒經。

是汝大師，如解脫戒經說：身口意業，應如。是行又專，匿比丘如梵天，治若心，賴後。應教迦旃延，經即可得道。復次是我三阿。僧祇劫所集法寶，藏是藏初首，應作如是。說言：如是我聞。一時佛在某國土某。處樹林中，是我法門初首，應作如是。說。以故三世諸佛法經，首皆稱是語。今我經。初亦應稱此。如是我聞。一時等語。及大慈。經說者，案大慈經第五云：佛告阿難，我今。以是正法寶藏，付囑於汝。勿令毀滅。阿難。

白佛言：我今云何修行法眼，乃至復云。何結集法眼，佛告阿難：我滅度後，有諸大。德比丘，僧衆集法毗尼時，彼諸大德摩訶。迦葉，最為上首。阿難說大德諸比丘，求。應如是問世尊。何處說大阿波陀那何處。說摩訶尼陀那。乃至云：何處說聲聞藏。綠。覺藏菩薩藏。阿難時諸比丘，如是問。已。汝。應答言：如是我聞。一時佛在摩伽陀國。善。提樹下，初成正覺。如是我聞。一時佛在拘。耶城，如是乃至云：如是我聞。一時佛在拘。

尸那城力士生地阿利羅跋提河邊安羅。雙樹間，乃至云：佛說經已，一切大眾皆大。歡喜，頂戴奉行。阿難汝應若覈其所以。意。如是結集法眼，餘可例知。若覈其所以。意。有六焉：一為異外道故，外道經首皆立阿。優以為吉，故此約如是二為息諍論故，智。度論云：若不推從佛聞言，自制作則諍論。起故今廢我從聞，從佛來故經傳歷代。妙軌不輟，此局我聞。今廢我從聞下上智。論文此下生公志成。上論三為離增減過，故佛地論云：應知說。此如是我聞，意避增減異分過，失謂如是。法我親從佛聞，文義決定，非謂傳聞有增。減失四為斷衆疑，故真諦引律云：結集法。時阿難昇座，變身如佛，衆起三疑：一疑大。師涅槃重起，二疑他方佛來，三疑阿難轉。身成佛，說此如是我聞。三疑頓斷，既言我。聞，即非佛明矣。上二義通約信聞五為生。

四一

二

信故智論云說時方人令生信故此局後  
四六為順同三世佛故此通六種

若準佛地論科為五事一總顯已聞二教  
起時分三別顯教主四彰教起處五顯所  
被機今依智論開初總顯已聞作信聞二

種為六成就一信二聞三時四主五處六  
眾

然信聞二事文局初首義通九會時主二  
種文義俱通處眾二事文義俱局隨相則

爾約實互融然信聞二事下料揀通局謂  
如是我聞唯經初有而九會

經如是法義我皆得聞時主俱通者會會  
之初皆云爾時世尊等處眾俱局者摩竭  
非初利天等處局十佛刹菩薩列名異故  
新舊菩薩亦不同故隨相則爾等者一會  
即一切會何有上來略依三分二序然此  
眾等而不通耶

經體勢少異故依五分釋文而合後二名  
依人證入補為今四分者初舉果勸樂生

信分二修因契果生解分三託法進修成

行分四依人證入成德分此四科見玄談  
品會釋義等文

此處藏無係後人所補因下就第一舉果  
分科無根且信解行證是作疏之本理宜  
從就第一舉果分中或科為十一教起因

緣分即初一品二大眾同請分三面光集

眾分四毫光示法分五眉間出眾分已上

在第二品內六普賢三昧分七諸佛同加

分八法主起定分九大眾重請分已上在

第三品內十正陳法海分在後三品內若

以義從文且分為三一教起因緣分二現

相下說法儀式分三世界成就下正陳所

說分就初分中亦分為十一總顯已聞二

一時下標主時處三始成正覺別明時分

四其地下別顯處嚴五爾時世尊下教主

難思六有十佛世界下眾海雲集七從爾

時如來道場下稱揚讚德八爾時如來師  
子座下座內眾流九爾時華藏下天地微  
祥十如此世界下結通無盡

如是我聞

今即初也如是我聞者謂如是一部經義

我昔親從佛聞故佛地論云謂傳佛教者

言如是之事我昔曾聞如是總言依四義

轉一依譬喻二依教誨三依問答四依許

可具如彼論餘更有釋意不殊前此上總

合信聞一依譬喻者如有說言富貴如毗沙門如是所傳所聞之法如佛所

說此則以佛所說如毗沙門我今所聞如  
富貴人則以佛說為喻也亦有說言如是  
文句如我昔聞此以昔聞喻今聞也故云  
譬喻故有釋如是云兩法相相似謂之如一  
法無非謂之是相即譬喻耳二依教誨  
者如是當聽我昔所聞此即傳法者之教  
誨也亦有云即佛教誨謂如是法是我佛  
說應當諦聽如有人言汝當如是讀誦經  
論三依問答者謂眾問言汝當如是說昔定  
聞耶故此答言如是我聞四依許可者謂

第一三三冊 大方廣佛華嚴經疏鈔會本 一五·一五五七

結集時諸菩薩眾咸共請言如汝所聞當  
如是說傳法菩薩便許可言如是當說如  
我所聞如是說言我當為汝如是而思如  
是而作如是而說等又許可者或信可言  
是事如是謂如是法我昔所聞此事如是  
齊此當說定無有異由四義故經初皆置  
如是我聞然上總意遍此四義非別理也  
餘更有釋者刊定記別開有九義一以總  
釋為一義次用上四別成五義六以許可  
中第二釋云又許可者或信可言為第六

意此是大乘法師重釋第四許可非別義  
也設有異釋大同許可又引功德施論為  
第七釋云如是我聞者顯示此經是佛世  
尊現覺而演非自所作亦同佛地總意耳  
八引長耳三藏依三寶釋若大乘法師用  
之乃是離釋下文當引九引梁朝雲法師  
云如是我聞者將傳所聞之法先當標舉  
一部經教我於佛所聞者此亦全同佛地  
總意故云餘更若離釋者先釋如是信成  
有釋意不殊前

就也智論云佛法大海信為能入智為能  
度信者言是事如是不信者言是事不如  
是故肇公云如是者即信順之辭也信則  
所言之理順順則師資之道成經無豐約  
非信不階故稱如是若離釋者下第二離釋信關於中總明先

五 龍藏

依智論合如是二字通釋是信順之辭然論具云佛法大海信為能入智為能度如是者即是信也若人心中清淨信是人能入佛法若無淨信當知是人不入佛法不信者言是事不如是是不信相信者言是事如是用智論意非是別理是以疏言故釋公云也復有人於聲上加云信為入法之初恭智為究竟之玄術信則所言之理順順則師資之道成由信故所說之法皆

可順從由順從故說聽二途師資建立此亦後人傍於智論筆公後加言則雖多亦非異理故疏收其異義立為別釋意同言異並畧不存後人不知重重因循皆列為異有云聖人說法但為顯如唯如為是故稱如是此唯約所詮之理次真諦三藏云真不違俗名之為如俗順於真稱之為是真俗無二故稱如是此約所詮理事有云聖人

下此下自狹之寬以釋此第一最局唯取如故即劉虬注無量義經若云如斯之言是佛所說則唯約能詮有云如者當理之言言理相順謂之如也是者無非之稱若云如斯下即梁武帝釋此約能詮通詮事理有云如者當理之言者通

能所詮舍於事理理者道理此明說事如非唯真如即生公釋法華經事說理如理明能詮之教稱於事理也融云如是者感應之端也如以順機受名是以無非為稱衆生以無非為感如來以順機為應此明說事下此即於生公釋中傍出遠公約法以釋意明生公即遠

公意然彼具云一約法解阿難道彼如來所說如於諸法故名為如說理如理說事如事說因如因說果如果如法之言是當道理故曰如是良以乘法名為非故如法之言得稱為是其言雖多但是道理之言耳故不異生公融云如是者謂以如字為佛應是字為機經以言教出於感應故云感故新寬前經以言教下後通妨難恐如是此兼對機有難云如即是應是即為

感何不名為感應我聞故為此通有引此為注法華釋云注是劉公用融公義耳上來諸釋各是一途更有諸釋言異意同更有諸釋者謂長耳三藏就三寶釋云一就佛三世諸佛共說不異故名為如以同說故稱之為是此大同梁帝二約法云諸法實相古今不異故名為如如來為說故稱為是此同劉云聖人說法但為顯如三約僧釋云以阿難聞望佛所教所傳不異

故名為如永雜過非故名為是此同佛地  
總意故云言異竟同又實公約雜五辯釋  
云第一句如是此經離執有增蓋謗故云  
如是第二句如是此經離第二執無損滅  
謗第三句如是此經離第三執亦有亦無  
相違謗第四句如是此經離第四執非有  
非無愚癡謗第五句如是此經離第五執  
非非有非非無藏論謗此上五謗當理之  
言即皆攝盡又真諦三藏約二諦釋既離  
有無則離俱及俱非等故亦不異前釋故

云言異 若依生物之信應如智論及佛地  
意同 論合釋若取敵對阿優應如真諦所釋今

當廣之外謂阿之言無優之言有萬法雖  
衆不出有無此即斷常之計今云如即真

空是即妙有既無俗外之真故空而非斷  
無真外之俗故有而非常即對破邪宗以

彰中道一代時教不出於斯故云如是  
取若

敵對者百論云外道立阿優為吉智論云  
荒王昔有七十二字以訓於世教化衆生  
後時衆生福德轉薄荒王因茲吞噉在口  
兩角各留一字是其阿優亦云阿囉梵語  
輕重 若華嚴宗以無障礙法界曰如唯此

無非為是應隨教門深淺以顯如是不同  
若華嚴宗下第二以宗揀定即約教以釋  
上通諸教今先舉圓宗後應隨教門下依  
五教以釋既如是為當理之言明於二諸  
則小乘人法為俗生空為真始教之中四  
重真俗終教之中事理真俗二相交徹如  
真諦所解頓教則真俗兩亡亡言絕慮方  
稱當理如無常經應以生老病死定可厭  
等相為當理之言與此所明不得稱是

二我聞者聞成就也將欲傳之於未聞若

有言而不傳便是徒設不在能說貴在能

傳故次明我聞我即阿難聞謂親自聽聞

云何稱我即諸蘊假者云何稱下先徵釋我我諸蘊假者通

於諸 此用何聞若依大小乘法相各有三

說一耳聞非識二識聞非耳三緣合方聞

然或具四緣八緣等此用何聞下徵聞重釋通於我聞若依大

小乘下約教別釋於中三既初法相中舍

前小乘及與始教於中初正釋言小乘三

者初薩婆多宗自有三義一法救論師耳  
聞非識謂難自分識依根方聞然聞體是  
根非是於識如聞既爾見等亦然故離心  
云自分眼見色非彼眼識見非慧非和合

不見障外色故二妙音師謔闕非耳根無  
 覺故三成實師和合能聞上三並如俱  
 界品及婆沙第十三說大乘有三者一耳  
 非識如雜集第二云耳界有何相謂能聞  
 聲論伽三十五云數數於聲作意至能聞  
 故二識聞非耳梁燿論云聞有三義一聞  
 體謂耳識二聞資糧謂音聲三聞果謂即  
 聞慧唯此耳識以為正聞三和合能聞佛  
 地論云聞謂耳根發識領受聲塵瑜伽論  
 云聞謂聽聞即是耳根發生耳識聞受教  
 故然或具四緣八緣等者通釋大小乘和  
 合聞義上言四和合但合根識今取具緣故  
 云四八然其四八是生識緣若取能聞者  
 所發識則或五或九故疏云等言或四者  
 即是小乘一空二根三境四作意故智論  
 云爾時耳根不壞聲在可聞處作意欲聞  
 情塵意合即耳識生隨耳識生即意欲聞  
 方能分別種種因緣方得聞聲釋曰聲在  
 可聞處即空二即作意情即是根故中論  
 內諸六根品為六情品古云根含識義目  
 之為情塵即是境意即是根加此為五發  
 生耳識非是緣也若約分別聲塵則同時  
 意識亦是緣也種種因緣得聞聲總結也  
 言八緣者於前四上復加於四謂一空二  
 根三境四作意五根本依脚類六染淨依  
 緣七境別依託此依離此因緣必不生  
 依諸有為法皆託此依離此因緣必不生  
 故分別依者即第六識染淨依者即第七  
 識根本依者即第八識根即同境依故唯

識第四云由此五識俱有所依定有四種  
 謂五色根六七八識隨一依別故如有偈云  
 同境分九綠生耳識唯從八鼻舌身三七後  
 眼識三三四若加等無聞於前各加一釋曰  
 三九綠者復加於明闇中無見故耳已除  
 眼七更除空此三合中知故後三即六七  
 明也六識五緣更除染淨即所依根第七識或  
 八即所發識染淨即所依根第七識或  
 四四謂除染淨染淨即所發識故前六識  
 中約為根故除此第七中約為識故除復  
 除第八第八即總故此第八但有種子作意及  
 根或四即更加境此上諸釋因便故來  
 雖因耳處廢別從總故稱我聞法雖無我  
 言語便故隨順世間故稱我聞非邪慢心  
 而有所說 妨一有問言現是耳聞云何言  
 我聞故為此通明我為總該眼耳等諸  
 根故即佛地論文二有問言一切佛教誡  
 於無我阿難已入理聖人那同凡夫而  
 稱我聞故此通云法雖無我是牒問意後  
 言語便下即是通釋於中先顯正後非邪  
 慢下揀非此中通是二論之意謂智論第  
 一有三復次以釋無我說我一云復次世  
 間法中說我非第一義中說以是之故諸  
 法空無我世間法故難說於我無實體故  
 二云復次世間語言有三根本一邪二慢

三名字前二不淨後一是淨一切凡夫具  
 三種語見道學人具二種語謂慢名字諸  
 聖人一種語謂名字內心不計實法隨世  
 間人共傳是語佛弟子順俗故說我無咎  
 三云復次若人著無我相諸法是我實餘皆  
 妄語是人應難此一切法實相無我云何  
 言如是我聞今諸佛弟子知一切法空無  
 所有是中心不著亦不著諸法實相何况  
 無我中心有所著以是義故不應難言何  
 以說我釋曰上三復次一隨世間故二破

邪見故三不著無我故二者依瑜伽論第  
 六云畧由四義故稱我聞一為世間語便  
 易故二為隨順世間故三為斷除決定無  
 我怖畏故四謂宣說自他得失今生決定  
 信解心故願揚第九雜集第十三皆同此  
 說釋曰此與智論大同論第一智論暑  
 無易故不出二即智論第一三即智論第  
 三謂著無我即無我怖者謂若定無我為  
 誰修學故不說無我著即今怖不著故不  
 說無我此怖自除四即第二謂隨世流布  
 即能令他生決定信解之心已如二論言  
 異意同故今疏明舍於二論取其言同言  
 語便易即瑜伽第一非邪慢心而有說即智  
 論第二智論第一非邪慢心而有說即智  
 論第二意中所揀二語大乘法師傍智論  
 意立三種我妄執我即此邪我二者假  
 施故我謂大涅槃樂淨常我除二乘倒強  
 於世間假名此依是智論名中收而智論  
 我正同智論三語之中名字我耳然此中

更有問言為佛說法而言我聞為不說法  
 而言我聞即本質影像之義已見教體中  
 故疏若依無相我既無我聞亦無聞從緣  
 不問空故而不壞假名即不聞聞耳若依無相  
 相宗合於三教謂始教頓教實教謂若但  
 云我既無我聞亦無聞即大乘初門為始  
 我離念頓顯即頓教意其從緣空故有三

者向上成前二教無我所以二者向下不  
 壞假名即不聞之聞為實教意謂事理無  
 礙故聞即不聞無二義故故智論云聞者  
 云何聞用耳根聞耶用耳識聞耶用意識  
 聞耶若耳根聞耳識聞耳識聞耳識聞若  
 耳識聞耳識聞一念不能分別故不應聞若  
 意識聞耳識聞亦不能聞何以故先五識  
 五塵然後意識亦不能聞何以故先五塵  
 唯識過去未來五塵若意識能識現在五  
 塵者言聾人亦應識色聲何以故意識不  
 破故答曰非耳根能聞亦非耳識亦非意  
 識是聞聲事從多因緣和合故得聞聲不  
 得言一法能聞聲何以故耳根無覺故不  
 應聞聲識亦無色無對無處故亦不應聞  
 聲聲無覺亦無根故不能知聲釋曰此上  
 皆明相離不能聞已如前法相宗中引今明  
 即辯和合能聞即無聞皆實教意若劉公注  
 和合而聞聞即無聞皆實教意若劉公注  
 法華經云陰入非主為我聽受非情曰聞  
 深照緣起悟解法空若斯人也願命之所

因然後傳而無執物我同致釋曰此初亦始教意從深照緣起下即實教意然皆屬無相宗攝又言不聞聞者即涅槃十九十地品中當引大意但明事不礙理故不聞約理不礙若約法性此經旨趣傳法菩薩事故為聞

以我無我不二之真我根境非一異之妙耳聞無礙法界之法門也  
若約法性下第而但明圓教中意言以我無我不二之真我者合兩經意一者淨名云於我無我而真我是不二之真我二者涅槃云無我法中有真我是故敬禮無上正當今意即口順世間心造真境真自在我根境非一異之妙耳者以根與境共為緣起因根說境因境說根互相融即故曰非異兩相歷然阿難故曰非一斯為妙耳何所不聞然阿難所不聞經或云展轉傳聞或云如來重

說或云得深三昧或自然能通  
然阿難十聞難謂有問言阿難是佛得道夜生年滿二十方始出家年至三十如來方命以為侍者自三十年前如來所說阿難不聞何以經初皆言我聞故為此答各有四意大為兩節前三帶權後一顯實一或展轉聞者自有數說一報恩第六云阿難所不聞依涅槃四十云我涅槃後阿難比丘所未

聞者弘廣菩薩當廣流布阿難所聞自然宣通三智論第二云迦葉阿難於王舍城結集三藏是時長老迦葉謂阿難言佛罵累汝法令持法藏汝應報佛恩佛在何處最初說法諸大弟子能守護法藏者皆已滅度唯汝一人在汝今應隨佛心憐愍眾生故集佛法藏時阿難種眾僧已坐師子林時大迦葉說偈言佛聖師子王阿難是佛弟子師子座處坐觀眾無有佛如是大德眾無佛失威神如夜無月時虛空不清淨如大智人說汝佛子當演何處最初說今汝當布現是時長老阿難一心合掌向佛見如是展轉聞佛在波羅奈佛為五比丘初開甘露門說四聖諦法苦集滅道諦阿若憍陳如最初得見道及八萬諸天聞是得見道以是等文明是傳聞故云或展轉傳聞或云如來重說者報恩經第六明阿難佛命為侍者阿難從佛請求三願一者不受佛故衣二者不受佛別請三者所未聞法更請重說如來將入涅槃前更正阿難重說或云得深三昧自然通達者金剛華經云阿難得法性覺自在王三昧故如來前所說經皆能憶持與親聞無異涅槃亦云阿難多聞士若在若不在自然能解了常與無常義法華得受記竟云世尊若希有令我念過去無量諸佛法如今日所聞我今無復疑安住於佛道方便為侍者護持諸佛法既云得記竟方悟亦帶上方據方便為侍者即密顯實矣



就跡而說實是大權菩薩影響弘傳如不

思議境界經斯為良證但隨機教別故見

聞不同上皆就迹下顯實於中上一句是

彼經云爾時復有千億菩薩現聲聞形亦

來會坐其名曰舍利弗目犍連乃至云阿

難提婆達多跋難陀等而為上首皆已久

修六波羅蜜近佛菩提為化眾生於雜染

上現聲聞形釋曰是大菩薩方為顯本故

為實說如法華五百弟子品云諸比丘諦

聽佛子所行道善學方便故不可得思議

知眾樂小法而畏於大智是故諸菩薩作

聲聞緣覺即阿難章中云方便為侍者護

持諸佛法即大權明矣但隨機教別者亦

含多義一成立上諸說但隨機教別見聞

三種阿難受持三藏故云隨機教別見聞

不同三種阿難即大乘集法經說玄中已

經等並上來總顯已聞科竟

一時佛在摩竭提國阿蘭若法菩提場中

第二標主時處者即三成就言一時者時

成就也時者亦隨世假立時分一者揀異

餘時如來說經時有無量不能別舉一言

略周故云一時如涅槃云一時佛在恒河

岸等即法王啟運嘉會之時也亦隨世假

法中時不可得中論云因物故有時離物

何有時物尚無所有何況常有時今隨世

俗說有一時智論意同揀異餘時者謂趣

眾一時耳即法王啟運者即聲公語意亦

可知啟者開也嘉者善也易云元者善之

長也亨者嘉之會也謂佛開大運演說真

乘即嘉善亦可機教一時謂上言如是言

雖當理若不會時亦為虛唱今明物機感

聖聖能垂應凡聖道交不失良機故云一

時亦可機教下二感佛者主成就也具云

勃陀此云覺者謂自他覺滿之者雖具十

號佛義包含故偏明之義見題中佛者下

提但稱為覺若云佛陀此云覺者然覺有

三一自覺謂雙覺事理如睡夢覺如蓮華

開此揀凡夫二者覺他揀異二乘三者覺

滿揀異菩薩故云自他覺滿之者若禪觀

說亦云離心名自覺離色名覺他色心俱

離為覺滿以依起信心體離念名本覺故

題中總有在摩竭下處成就也真身無在

而無不在故次辯之真身無在下總顯大

意言無在者體相寂

寥雜能所故無不在者體圓通故故下經

云譬如虛空通至一切色非色處非至非

不至何以故虛空無身故如來亦爾遍一

切法遍一切眾生過一切國土非至非不

至何以故如來身無身故為眾生故示現

其身又無在即體無不在即用體用無礙

故為真身此亦淨名身子于答天

女意女身色相無在無不在也

摩竭提國

者通舉說處此云無毒害以國法無刑戮

故表能化法或云遍聰慧聰慧之人遍其

國故表所化機阿蘭若法者別舉說場也

阿蘭若者此云無誼諍即事靜也法者所

證真理二障業苦誼雜斯盡也事理俱寂

故加法言菩提場者菩提云覺即能證大

智圓明究竟也場者證菩提之處也然事

處即天地之中王舍城之西二百里金剛

座上約法則萬行皆是道場理智相會之

所故為表所說如所證故不移其處說之

若圓融時處等並如前說為表所說下釋

中所證非是隨

正故不移證處

始成正覺

第三別明時分者前標一時未知何時故

今別顯是初成佛時亦彰大師出現時也

此教勝故眾教本故在於初時三別明時

先顯前生起雙標二時初言尚總幾日之

謂說法時及成佛時

初九會之文同此初不初言尚總下二後

一教初速近略為三解一約不壞前後相

二微初通局

說纔成初七說前五會第二七日說十地

等第九一會乃在後時以祇園身子皆後

時故畧為三解下第三解釋此上總標三

義即為三別三解之中初之一解微

初速近近在一念答初通局局初五會第

二解在二七之後而通九會第三解取前

師即一念之初取後第二師通於九會初

正明時分中明九會分為三時非總初也

以祇園身子等者出後時所以祇園在後

者佛成道後在王舍城因長者為子娶妻

至於此城開佛發心方造精舍故為在後  
 身子等在後者素報忌經初度五人次度  
 耶舍門徒五十人三次度優樓頻螺門徒五  
 百次度加耶門徒三百次度那提門徒一  
 百次度篤子門徒一百次度目連門徒一  
 百合有一千二百五十五人十二年化迦葉兄  
 成道第一年度五比丘第二年度化迦葉兄  
 弟三人第五年度身子目連五人者一拘  
 隣二頰鞞亦云馬星跋提三摩訶男四  
 力迦葉五拘利太子二是毋親三是父親  
 釋曰既身子等在後今第九會常恒之說  
 有此等五百及祇園則在後矣  
 不妨後時雖能頓說有所表故初五信解  
 行願最在初故故皆云不離道樹第六會  
 因地證位居其次深故無不起菩提樹言  
 法界極證最在於後故亦顯二乘絕見聞  
 故雖異處別時亦不相離為寄穢土以顯  
 淨故須前後耳常恒之說下第二處伏難  
 時處圓融要歷三時並通玄趣故此釋云  
 常恒之說就無息時後時不談豈名常說  
 二有難云如來圓音頓演何要三節方盡  
 幽微故此通云雖能頓演表法淺深故須  
 三節三有難云若表三節三七日中一七  
 一節足得成表何要後時故此答云三七

未有聲聞不得顯於不共之教故須後時  
 故疏云亦顯二乘絕見聞故四有難云處  
 歷穢土時不相融豈順華嚴圓融之旨故  
 此答云正為融於異時及與穢土即一判  
 那即是淨故故疏云雖不相融等若爾世親那云初  
 七不說但思惟行因緣行耶世親纔見十  
 地即為論釋或則未窮廣文或則知見有  
 異未全剋定菩提流支意大同此若爾世親下即  
 第三會論文言思惟行因緣行者因謂自  
 所得法緣謂所化之器欲將已所證法為  
 眾生說名為行因緣行故法華經云我所  
 得智慧微妙最第一眾生諸根鈍著樂癡  
 所盲如斯之等類云何而可度等是也彼  
 思不得一乘機今思即得一乘機為異耳  
 二順論釋九會皆在二七日後二七非久  
 亦名始成  
 三約實圓融釋皆在初成一念之中一音  
 頓演七處九會無盡之文海印定中一時  
 印現三約實圓融即以應機出世機感即  
 應應即有時無非時失以應機出現下火  
立理謂若機熟不

應便為失人未熟而應 故祇園身子蓋是 虛心有待二俱失時

九世相收重會之言亦猶燈光涉入 故祇園身

子下三通妨難謂有問言若初成頻說初 成未度身子等眾何處得有五百羅漢故 今答云九世相收次有難云祇園身子等 縱許九世相融一念一時何有重會前時 後時方有重故故今通云重會之言亦猶 燈光冰入如點燈蓋似有後有前發光之

後光無前後而相涉入今重會義但似燈 光一時之中不妨兩會法則有重時不重 也

故法界放光亦見菩薩遍坐道場成正

覺故 故法界下四引文為證有三初引法 界品文證是初成法界品內見坐道

場初成正覺明知 此經十地之初無二七 法界同初會時

之言二七之言順別機故 此經十地下次 引十地經證無

二七 故諸經論顯初說時有多差別謂普

耀密迹二經第二七日即說三乘法華過

三七日方云說小四分律中六七興顯行

經七七五分八七智論五十箇七日有云

與十二游經一年大同時既不定說亦不

同皆根器所宜見聞有異 故談經論下後 會諸教時明二

七言非為楷定並隨機故謂密跡三乘主 中已說普曜說十二因緣而三乘俱益十 二因緣通三乘故三乘既益明通說三法 華過三七日者經云我始坐道場觀樹亦 經行於三七日中思惟如是事等初欲說 一而無一機次念說權諸佛皆讚乃至云 舍利弗當知我聞聖師子深淨微妙音稱 南無諸佛復作如是念我出濁惡世如諸

佛所說我亦隨順行思惟是事已即起波 羅奈諸法寂滅相不可以言宣以方便力 故為五比丘說是名轉法輪便有約佛赴

機無時不說望器無感夫曾有說登地恒

見常說一味之經就佛而言無說不說若

攝方便皆一乘之印現差別耳無涯之說

不應局執故應總攝以為十重如前已辯

約佛就機下會於 權實勸令善知 上顯時分次釋成正覺

義約教不同

小乘三十四心斷結五分法身初圓名成

正覺是實非化 小乘已下別明五教一小 乘三十四心者如婆沙八

十二說俱舍根品云傳說菩薩三十四心  
便成佛故言三十四心者見道一十六心  
謂八忍八智雖有頂食有十八念謂斷有  
頂惑有九無間九解脫道如是十八足前  
十六處三十四一切菩薩決定先於無所  
有處已得離貪方入見道不復須斷下地  
煩惱唯斷有頂一地之惑但三十四心一  
坐成佛五分法身初圓者即戒定慧解脫  
解脫知見如十藏品是 大乘之中約化八  
實非化者揀異大乘

相示成約報十地行滿四智創圓名曰始

成正覺 大乘之中下 據實即古今情亡心

無初相名之曰始無念而照目之為正見

心常住稱之曰覺始本無二目之為成 實據

下第三終教古今情亡即觀行意但當無

念為始成故心無初相即起信論云菩薩

地盡覺心初起心無初相以速離微細念

故得見心性心即常住名究竟覺今疏離

其語用無念而照名之為正者若唯無念

寂而失照若但照體照而失寂並稱不正

正在雙行見心常住稱之曰覺即上所引

起信論文得見心性心即常住名究竟覺

始本無二目之為成者起信云謂始覺同

本覺無復始本之異名究竟覺即是成義

約法身自覺聖智無成無不成

約法身下

第四頓教

意言無成無不成者經云譬如世界有成  
壞而其虛空不增減一切諸佛成等提成  
與不成無差別既無有成何有不成又體  
湛寂故曰無成不礙隨緣故無不成即成  
頓教 若依此經以十佛法界之身雲遍因  
陀羅網無盡之時處念念初初為物而現  
具足主伴攝三世間此初即攝無量劫之

初無際之初一成一切成無成無不成一

覺一切覺無覺無不覺言窮慮寂不壞假

名故云始成正覺如出現品及不思議法

品廣顯攝前諸說皆一乘之所現也 若依

下第五圖教言以十佛法界之身雲者即

成正覺等十佛義並如前言念念初初為

物而現者即體之應應無盡時生成即成

念念機感念念成矣成既不已故曰初初

一成一切成者事事無礙故出現品云

如來成正覺時於其身中普見一切眾生

成正覺故如來成即眾生成矣况佛佛平

等一切成佛又於一處成即一切處成故

十地中第十願云願於一切世界成阿耨

多羅三藐三菩提不離一毛端處於一切

毛端處皆悉示現等又云如於此處見佛

坐一切塵中亦如是佛身無去亦無來所

照

有國土者明現等無成不成義不異前一  
覺一切覺者若覺一法一法之中一切具  
足無覺者遠離覺所覺故無不覺第四別  
者朗鑑在懷亦不存於不覺相故

顯處嚴者然此下處主及眾即三世間嚴

三中前二即如來依正眾即淨土輔翼不

空第四別顯處嚴中即如來依正者別顯  
處嚴是依教主難思是正眾海雲無是

眾而言輔翼不空者菩薩即十八圓滿中  
輔翼圓滿不空即眷屬圓滿謂淨土中無  
有四趣龍鬼等眾是今初器界嚴者即廣  
佛欲示淨土不空故

於前場之嚴顯成前覺之妙異於餘經之

處於中四事各十種嚴明即染顯淨即為

四別第一地嚴地二樹嚴第三宮殿嚴第

四師子座嚴然此諸嚴各具三釋一約事

可知二表法謂地表心地法身樹表菩提

宮殿表無住涅槃座表法空等三就因行

謂一以窮心地法身之因報得增上金剛

之地二以般若為因三以悲智相導為因

四亦以法空為因然或一行行成一切嚴

或一切行成一嚴或一行行成一嚴或一切

行成一切嚴以通融別純雜無礙今但明

一行一嚴顯所表故然或一因下通難謂

以就因各別所表故有問言因果圓融何  
為約所表故別屬因耳然通別無礙然

各攝無盡之德故四事皆有十句初總後

別今且就文各分為四

其地堅固金剛所成

今初心地十句分四者初一總顯地體二

四地相具德三四地上具嚴四一舉因結

用今初標以堅固釋以金剛諸教或云木

樹草座多云座是金剛今全地金剛則權

實斯顯徹華藏故廣如彼品徹華藏者以

大蓮華地金剛所成故此依本經若依觀

佛三昧海經第二亦異常說而未盡源彼

云爾時菩提場地化以金剛滿八十里其

色正白不可具見此相現時菩薩眉間白

毫相光端潔正直轟然東向長一丈五尺  
有十楞現釋曰既有里數又言化以故非

說極

上妙寶輪及眾寶華清淨摩尼以為嚴飾諸  
色相海無邊顯現

次上妙下地相具德約因釋者一寶輪者

一攝一切圓行致故二及眾寶華開覺悅

他故三清淨摩尼圓淨明徹故以上三行

用嚴心地故結云以為嚴飾上皆形色四

即顯色謂青黃等殊名諸色相種種重疊

深廣如海互相映發等彼波瀾或諸色俱

生或更相攝入含虛瑩徹現勢多端名無

邊顯現此由隱顯自在定散無礙隨機利

行之所致也

摩尼為幢常放光明恒出妙音眾寶羅網妙

香華纓周帟垂布摩尼寶王變現自在雨無

盡寶及眾妙華分散於地寶樹行列枝葉光

茂

三摩尼下明地上嚴者一寶幢曲有五句

一摩尼為體二三光音明用四五網纓辯

飾就因行者降魔伏外為幢智光常照慈

音外悅願行交羅戒香芬馥四攝周垂故

二摩尼雨寶表神通如意隨機變現雨法

寶故三妙華散地亦多因行遍嚴心故四

寶樹行列者德行建立故

佛神力故令此道場一切莊嚴於中影現

四佛神力下舉因結用佛力者出所因也

嚴具多門別說難盡故總云一切悉現或

於樹中現或於上諸嚴具及地中現明一

一行中皆道場故或於樹中現者以上別

或諸嚴具及地中現中第四寶樹行列故言  
者以是歎地華勝故初地嚴竟

其菩提樹高顯殊特

第二覺樹嚴者即大智因感有十一句分

四初一總顯高勝長聳迥露圓妙獨出故

約因即智超數表為高本性不昧為顯成

物具德曰殊更無二真為特約果樹即菩

提長聳等者謂長聳為高迥露釋顯圓妙

釋殊獨出為特然柔西域記長一百尺即畢鉢羅樹

金剛為身瑠璃為幹眾雜妙寶以為枝條寶

葉扶踈垂蔭如雲寶華雜色分枝布影復以

摩尼而為其果含暉發燄與華間列

二金剛下六句明體攝眾德一身是金剛

金剛三昧本智因故正行成立為樹身也

二幹是瑠璃本智發解內外明徹故三雜

寶枝條解隨境差故四條假葉以為嚴智

資定而深照寶葉雖異共成一蔭百千定

門同歸一寂自蔭蔭他也五寶華異色在

樹分枝承光則色同於地布影表神通等

法依定有差俱承智光影現心地表神通

即淨行品若見華開當願六華雖不同果

皆如意無邊行海同趣菩提若自利果成

內則含輝若身心湛寂外便發焰若觸境

斯明若利他果立未熟則含輝解生佛相

已熟則發焰還流教光體如之行所成果

無異因之果故與華間列故下經云菩薩

妙法樹生於直心地等故下經云菩薩妙

文云信種慈悲根智慧以為身方便為枝

幹五度為繁密定業神通華一切智為果

最上力為鳥垂陰覆三界釋曰此五十九

經所以引者意明表法皆有文據非是臆

其樹周圍咸放光明於光明中兩摩尼寶摩

尼寶內有諸菩薩其眾如雲俱時出現



三其樹下三句明妙用自在展轉成益初  
依菩提智放教智光次依智光雨圓明法  
寶後教成悲智即菩薩現前無心行成故  
如雲出依菩提智等者菩提即是證智教  
謂差別之用乃至言教即教證二  
道十地廣明無心成行者陶隱君云雲無  
心而出岫鳥卷飛以知還凡舉雲義雖有

多種多  
明無心

又以如來威神力故其菩提樹恒出妙音說  
種種法無有盡極

四又以下一句舉因結用謂佛力為因流  
音演法以如如力則智演法音還如性

因

主

故無盡極廣多故無盡豎長故無窮無間  
故稱恒也

如來所處宮殿樓閣廣博嚴麗充徧十方

第三如來所處下明佛宮殿嚴十句分四  
初一總明分量宮可覆育即是慈悲殿可

朝宗所謂圓寂悲智相導若樓閣相依廣  
者無邊法無外故博者不隘法內空故嚴  
者莊飾具眾相故麗者華美法義備故充  
十方者稱法性故  
眾色摩尼之所集成種種寶華以為莊校

二眾色下二句體相圓備一體是摩尼積  
德鎔融之所成故二相嚴多種神通等法  
悲寂用故

諸莊嚴具流光如雲從宮殿間萃影成幢無  
邊菩薩道場眾會咸集其所以能出現諸佛  
光明不思議音摩尼寶王而為其網如來自  
在神通之力所有境界皆從中出一切眾生  
居處屋宅皆於此中現其影像

三諸莊嚴下六句妙用自在一眾行發光  
灑法如雲雲更多義至下當辯二光幢獨

出萃者聚也即承光聚影而成謂悲寂交際承智起應降魔超出故三內容衆海無邊菩薩即道場外者亦在其中即依中有

正亦果中有因即明涅槃衆聖冥會即明

等者無有一聖不證涅槃猶如百川皆歸大海故擊公云恬焉而夷怕焉而泰九流

於是乎交歸衆聖於是手冥會矣四聲光寶網網者爲防

禽穢以益殿嚴猶大教網外防惡見內益

悲寂教皆圓妙以寶而成故能出佛智光

圓音妙說言不思議音略有四義一音聲

繁廣二所說難量三聲即無聲四一具一

切五出生果用即正報大用在此依中依

正混融參而不雜明依大涅槃能建大義

故曰出生六無染現染衆生是正居處是

依染違性淨不言出生妄無自體還依真

現染違性淨等者即通外難謂有問言涅槃既無不包染淨同在其內何以果用

即言出生居處屋宅不言出生故今釋云染淨之法涅槃實包淨則煩惱染則違證會涅槃方有大用故曰出生染既違淨非此出矣而體不離故云依現耳

又以諸佛神力所加一念之間悉包法界

四又以下舉因顯廣謂德廣難陳故今總

結由佛力故一念頓包事理染淨一切法

界況多念耶然上充遍十方即通局無礙

集菩薩衆出佛神通即攝入無礙現生舍

宅即染淨無礙悉包法界廣匿無礙一念

即能延促無礙又集菩薩因果無礙出佛

神通依正無礙十種宮殿此應說之然上充通

者上直消經文此下會成無礙十種宮殿者亦約表法之宮殿耳亦同上文妙法樹

矣即五十四經經云佛子菩薩有十種宮殿何等爲十所謂菩提心是菩薩宮殿恒

不忘失故十善業道福德智慧是菩薩宮殿教化欲界衆生故四梵住是菩薩宮殿

一切煩惱不能染故生淨居天是菩薩宮殿今諸衆生離難處故生雜染世界是菩薩

薩宮殿今諸衆生斷煩惱故現處內宮要

四一

二十三

子眷屬是菩薩官殿成就往昔同行衆生故現居輪王後世釋梵是菩薩宮殿為調伏自在心衆生故一切菩薩行遊戲神通皆得自在是菩薩宮殿善遊戲諸禪定解脫三昧智慧故一切佛所授無上自在一切智王灌頂記是菩薩宮殿住十力莊嚴作一切法自在故是為十若諸菩薩安住其中則得灌頂一切世間神力自在

### 其師子座高廣妙好

第四其師子下師子座嚴十句分四初一

總顯形勝師子座者人中師子處之又說

無畏之法故得法空者何所畏哉空乃高

而無上深不可測廣而無外邊不可窮妙

乃即事而真好謂具德無缺空乃高而無上者疏有三

美釋師子座今唯約表法釋高廣妙好事則可知下多就表

摩尼為臺蓮華為網清淨妙寶以為其輪衆

色雜華而作瓔珞堂榭樓閣階砌戶牖凡諸

物像備體莊嚴寶樹枝果周迴間列

二摩尼下六句體德圓備一座臺摩尼即

處正中正可依處摩尼隨映有差法空隨

緣成異中道妙理正是可依二周座華網

即外相無染交映本空三淨寶為輪輪謂

臺之處中周而輪圍即具德周遍四華纓

周垂諸覺諸通垂化周攝諸覺諸通者淨名云覺意淨妙

華淨行品云神通等法如華開敷五寶嚴填飾堂等略舉

凡諸總包無處不嚴故云備體顯於法空

全收萬像無事非理故六寶樹間飾間上

物像也即菩薩妙法樹隨化分枝隨因感

果並依無相義曰周迴凡聖相資名為間

列即菩薩等者釋寶樹枝果周迴間列菩薩妙法樹即前文所引前云方便為枝

餘今以權實為枝隨樹不同分枝差別隨枝有華各各成果隨因有異感果不同並

依無相不離法空之座

摩尼光雲互相照耀十方諸佛化現珠王

一切菩薩髻中妙寶悉放光明而來瑩燭

三摩尼光下二句妙用廣大一淨寶出光

如雲涉入法空亦爾一一智中知一切法

一一法體顯一切智為互照也一一智中者如一實

智知遍法界理一權權智窮事無邊法界別事無不知也一一法體者如於一塵能

顯實智權智道中智二主伴寶用互相發證智教智無邊智門

揮謂佛化摩尼能作佛事智論云輪王寶

珠但隨人意能雨寶物天寶堪能隨天使

令佛寶十方能作佛事菩薩寶珠亦能分

作智度論者即第十二論說寶有三種人寶天寶菩薩寶人寶力少唯有清淨光

色除毒除尼除闇亦除饑渴寒熱種種苦事天寶亦大亦勝常隨逐天身可使令可二十四

共語輕而不重菩薩寶勝於天寶兼能有人天寶用又能令一切眾生知死此生彼

因緣本末譬如文殊師利冠中毗楞伽明鏡見其面像

寶珠十方諸佛於中顯現今菩薩寶珠即

是其類下文雲集菩薩寶珠亦爾如文殊師利者

即文殊般泥洹經說文殊身如紫金山等其文殊冠毗楞伽寶之所嚴飾有五百種

色一一色中日月星辰諸天龍宮世間眾生所希見事皆於中現用此嚴

座者凡初成佛皆一切諸佛現形灌頂一

切菩薩親授敬養故因果寶珠俱來瑩燭

如來從果起用故云化現理圓解滿義曰

珠王菩薩心頂智照圓淨故曰髻中妙寶

寂照照寂皆瑩淨照燭用此嚴座下出嚴所以言寂照照寂

者準瓔珞經妙覺方攝寂照等覺照寂今菩薩寶義同照寂如來寶珠即當寂照

復以諸佛威神所持演說如來廣大境界妙

音遐暢無處不及

四復以下一句佛加廣演佛境如空故云

廣大有感斯至為無不及顯教皆從法空

所流是故所流還周法界非智不顯故云

佛力佛境如空者即問明品云如來深境界其量等虛空一切眾生入而實無

所入顯教皆從下上統事說此下約表無有一法不從法界流無有一法不歸於法

界故從法界流顯處嚴竟還周法界



大方廣佛華嚴經疏鈔會本第一之二 困二

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時世尊處于此座於一切法成最正覺

第五爾時世尊下明教主難思前但云佛

未顯是何身佛又但云始成正覺未知成

相云何故今顯之教主難思疏文有二先

起對前二文一對標謂具十種深廣功德

即是遮那十種無盡法界身雲遍於法界

成正覺也非權應身謂具十種深廣下總

法界成正覺者答其成相文分為二先總後別今初總

辨即菩提身具無盡德為世所尊座相現

時身即安處智處諸法無前後故於一切

法示所覺境即二諦三諦無盡法也成最

正覺示能覺智開悟稱覺離倒為正至極

名最獲得名成此當相解初總辨疏文有

即菩提身總示所屬具無盡下釋世尊次

座相下釋爾時次於一下釋釋餘文開悟

稱覺者二諦中道理本湛然妄惑所翳久

迷不見今二障既寂若雲卷長空故名為

開了了分明若晴天廓微故名為悟悟

即覺悟如睡夢覺開即開發如蓮華開若

揀別者凡夫倒惑佛覺重昏二乘雖覺不

名為正但知法有未知法空但悟我空未

知我有有猷生死空該涅槃顛倒未除豈

得稱正設許稱正亦未名最菩薩雖正有

上有修不得稱最設位極稱最亦未得名

成若揀別者下第二寄對以釋仍舍二意

一對凡名覺對小名正對因名最對位

極名成二者對凡名覺對邪名正對小名

最對因名成一時雙牒如文思之但悟我

空未知我者謂敵體與菩薩相反二乘

知我空法有菩薩知法空我有然二乘所

有真我菩薩知有二乘不知若約二空

了我空與菩薩同不了法空與菩薩異有

猷生死空該涅槃者此出上空有之過由

謂法有故狀淨名善意菩薩曰生死涅槃

空無可狀故淨名善意菩薩曰生死涅槃

為二若見生无性則無生死無縛無解不  
 生不滅如是解者是為入不二法門又寶  
 印手菩薩曰樂涅槃不樂世間為二若不  
 樂涅槃不厭世間則無有二所以者何若  
 有縛則有解若本無縛其誰求解無縛無  
 解則無樂故是為入不二法門二乘不能  
 如是解故故云空者所謂生死不空者謂大  
 經意涅槃云空者所謂生死不空者謂大  
 涅槃今二乘謂生死却為不空以涅槃無  
 除永寂却是於空故云空該涅槃顛倒未  
 除者倒有八種外道謂世間為常樂我淨  
 為四顛倒二乘永寂計為涅槃則無常樂  
 我淨復為四顛倒若謂世間無常樂我淨  
 涅槃乃有常樂我淨則名八行皆非顛倒  
 是則二乘但有無常樂我淨之四例此約  
 與之若奪二乘二乘既不能知涅槃常樂  
 我淨則於無常樂我淨亦不如實知其  
 漫該如食木偶成字故光不了生死實  
 性即是涅槃要離八倒故云顛倒未除豈  
 得稱正餘如涅槃四倒品說設許稱正亦  
 未名最者此對邪名正對小名最以上與  
 之能知我空異乎外道故得名正不能雙  
 覺二空及不空義故不名最善薩雖正下  
 亦有二意初對二乘不名正義今對菩薩  
 方得名正有上者上有佛故有修者未絕  
 學故設位極下對上二乘得名正義則善  
 薩許得最名但未我佛獨能故云成最正  
 成故佛方成耳

覺謂如量如理了了究竟已出微細所知

二

二

障故我佛獨能下第三結歸就佛具有成  
 覺境中以釋覺義如量覺俗如理覺真三  
 諦中道亦如理攝亦是合上二智覺於中  
 道了了究竟揀異善薩故涅槃云十住菩  
 薩見不了了唯佛世尊名為了了故闍王  
 云了了見佛性猶如文殊等已出微細下  
 釋上了了究竟之言障有三種一現行二  
 種子三習氣習氣種子名為微細佛已盡  
 故然二障習氣通障菩提及大涅槃若就  
 別說斷煩惱障顯於涅槃  
 今成正覺畧言所知耳

智入三世悉皆平等

後智入下第二別中分二初總科二別釋  
 即約十德別顯十身文即分十一三業普  
 周二威勢超勝三福德深廣四隨意受生  
 五相好周圓六願身演法七化身自在八  
 法身彌綸九智身窮性相之源十力持身  
 持自他依正今初即別顯菩提身之相也  
 以成菩提時得無量清淨三輪故文中分  
 二先法後喻法中三先意次身後語

一三

周者十中後五全十身名前五無首身言而義具之一即菩提身前總中已示二即威勢身三福德身四意生身五相好莊嚴身今初意業即釋上

成正覺前云於一切法此云三世乃橫豎影略耳智入平等是正覺成也智即二智三智四智無障礙智

二智者即如理如量也此復有二一以如量智達俗名入三世以如理智證真名悉平等故佛地論云以二智覺二諦是也二者證差別性即無差別故三世即平等瑜伽云如其勝義覺諸法故名等正覺

一釋二智二釋三智三釋無障礙智四釋四智以無障礙智約義即圓故列在後因三諦成故釋居前一如量智者然入有二義一達二證故以達入俗以證入真然二智相者攝論云如人初開目是名加行智如人正閉目是無分別智即彼復開眼後得智亦爾應知如虛空是無分別智於中現色像後得智亦爾如其勝義者證第二義上則二智別覺二境則三世為俗平等為真今覺俗即真是故三世即是平等勝

義是真諸法是俗今以真智而覺於俗故今諸法即真勝義以其性相非一異故言三智者即俗智真智中道智也此亦二義一真俗互泯雙遮辯中則三世平等二相兩亡方為智入二真俗雖即而不壞相即雙照明中此二覺三諦之境

真故非俗真即俗故非真非真非俗即是中道三世即平等故非三世平等即三世故非平等為兩亡也二真俗雖即而不壞相者謂即有之空方是真空即空之有方為妙有空有不二兩相歷然如波即水而恆動水即波而恆濕故云雙照此二覺下結成在境為一諦而三諦在心為一觀而三觀在果為一智而三智如一圓珠珠相喻有珠淨喻空圓明喻中三無前後此喻一諦而三諦若以明鏡照之珠上三義一時頓現即喻一觀而三觀若就鏡中觀珠珠之與鏡非一非異則喻心境二而不二為真境既雙泯而雙現智亦寂照而雙流為無障礙智覺無障礙境為正覺也

境既雙泯下第三仍前三智釋無障礙智謂合前二種中道為無障礙然前三智圓融已為無礙而求明遮照無礙故復雙融明無障礙然雙泯即前雙遮雙現即前雙照若境雙



浪則無心於真俗為寂也若境雙現則心  
種中道既無障礙一  
種二諦居然相融  
言四智者即圓鏡等

四智也通緣三世境故並入三世  
會釋然四智廣義次下喻中廣引論釋今  
此但取其同義言通緣三世者四智皆  
緣三世之境果位八識相應之智皆  
緣三世故云並入三世下釋平等  
言平

等者鏡智離分別故依持平等  
論云此智心品離諸分別所緣行相微細  
難知故云離諸分別又云純淨圓德現種  
依持故云依持平等意云雖言現行功德  
之依種子功德之持由無分別故得平等

平等性智證平等性故  
法自化有情皆悉平等即此  
所觀平等故云證平等性  
妙觀察智觀

察平等  
法故云觀察平等  
成所作智普利平等

有情故普於十方示現種種變化三業此  
即普利之義不揀  
怨親豈非平等  
四智圓融一句攝盡下

身語等皆是四智之所發現  
四智圓融下  
五如數勝也下

身語等者明此中用四智之意以觀下  
佛德與唯識論釋四智同故云皆是四智  
之顯現所以總中  
宜用四智釋也  
四智圓融無二性故修

生本有非一異故不失經宗  
有難云四智皆提有為無漏非我經宗何  
得吞雜釋此古旨故今通云四智皆提性  
相二宗皆具有之但義小異耳用之無異  
謂圓融無二是其一義故彼宗說四不得

寶珠喻其四智便具四智故下出現以四  
海有四寶珠其四智便具四智故下出現以四  
寶若大海中無此寶珠乃至一寶亦不可  
得何等為四一名積集寶二名無盡藏三  
名遠離熾然四名具足莊嚴佛于此四寶

故娑竭羅龍王以此寶珠端嚴方正置於  
言中深密處故佛子如來應正等覺大智  
慧海亦復如是於中有四大智寶珠具足

無量福智功德由此能生一切眾寶  
獨覺學無學位及諸善法智慧之寶何  
為四所謂無別無著巧方便大智寶一  
智難不為無名法切著巧方便大智寶一

寶者無共而便為分難智為獨無量  
寶者無共而便為分難智為獨無量  
寶者無共而便為分難智為獨無量

無此四寶有一衆生得入大乘終無是處  
此四寶寶簿福衆生所不能見何以故置  
於如來深密藏故補以直端深妙行即  
其一智皆云平均正端深妙行即  
智之德故况同一性居然融通言修生本  
有者是第二意不同彼宗彼宗四智修生  
涅槃本有今即四智是本覺智修生之然  
四非別有體如金成像金像不殊故

上能覺即成上菩提就其所覺即法身也

然上能覺下第三總  
結所以結者欲明一

理智無二為真法身

菩提身已具法報  
二身况具下九 初意業竟

其身充滿一切世間

二其身下身業也通三世間故云一切此

正覺身以是十身之總故此其身通於三

身十身無不充滿

初總明身業且寄一身  
以明下明攝十以為三

故法身普遍世所同依故智身證理如理

遍故色身無礙亦同理遍

法身下明法身  
本體周遍智身  
修成如體而遍色身即體之用遍法身如  
虛空通智身如日光遍色身如日影遍

並是圓遍而非分遍謂一切世間一一纖

塵等處佛皆圓滿總看亦現別看亦現

是言並是圓通者若大若小皆圓滿故非

分通者非是分折散布令通謂一切下示

圓通相續塵亦圓通則可了總看亦現者

看亦現者則向一佛佛身充滿於法界故別

全身故下經云如於此處見佛坐一切塵

中亦如是佛身無去亦無來所有國上皆

明現是也又總別看者總則一身處處皆

有別則支分眼耳鼻等各遍法界故現相

品云佛眼云何無有 又國土等即是我身

量耳鼻舌身亦復然 又國土等即是我身

土等體外無別我故我即土等我之體外

無土等故餘一身互望融攝猶多燈光

各互相遍 又國土下二圓融總攝通謂前

通即是所通能所互融故又明一一身相

融和雜通故又上納佛身上十身謂等提

願化力莊嚴等今明三世間無礙之十身

謂國土衆生等故十身相作千何不融故

云猶如燈光遍室內諸佛身智亦復然 二身

業竟 其音普順十方國土

三其音下語業也順有三義一順異類言  
音經云一切衆生語言法一言演說盡無  
餘故二順所宜說法如來於一語言中演  
說無邊契經海故三則順遍佛以一妙音  
周聞十方國故

譬如虛空具含衆像於諸境界無所分別又  
如虛空普徧一切於諸國土平等隨入

二譬如下喻顯通喻三業然佛三業非喻

能喻唯虛空真如略可顯示更以餘喻便

為誇佛二喻此下總明大意然佛三業非  
喻能喻者八十卷末云三界有無

一切法不能與佛為譬喻譬如山林鳥獸  
等無有依空而住者虛空真如及實際涅  
槃法性寂滅等唯有如是真實法可以顯  
示於如來即其文也又佛地論第四云如  
契經言乃至所有施設譬喻諸如來所  
有功德一切皆是誇讚如來唯除一喻所  
謂虛空可喻如來戒等然虛空喻有同不  
同故下經云解如來身非如虛空一切妙

法所圓滿等此顯不同今分取同義同義

多種如下十忍品然虛空等者上兩句標  
下釋二相先釋不同即

第五回向之文此明佛有自利之德不同  
虛空不能自利而言等者取次下經文  
云於一切處今諸衆生積集善根悉充足  
故此明如來有利他之德不同虛空今分  
取同下二釋同義但是分同義云佛子此  
下十忍品者即第十如空忍經云佛子此

菩薩了無一切法界猶如虛空以無相故一

切世界猶如虛空以無起故一切法猶如

虛空以無二故一切衆生行猶如虛空無

所行故一切佛猶如虛空無別故一切

佛力猶如虛空無差別故一切禪定猶如

虛空三際平等故佛身猶如虛空無著無

不可言說故一切佛身猶如虛空無著無

礙故釋曰上所引文若取總通無相無起

等皆是虛空多義若取別相唯取無分別

無差別無著無礙以喻於佛佛力佛身故

又彼忍下文云譬如虛空一切法依不生  
不沒又云不可破壞又云一切法依不生  
依止而無所依又云無生無滅能持一切  
世間生滅又云非行非住而能示現種種  
方隅又云非非非非非非非非非非非非  
又云非非非非非非非非非非非非非非  
云非非非非非非非非非非非非非非非  
淨非非非非非非非非非非非非非非非  
前非非非非非非非非非非非非非非非  
無邊際等皆喻菩提經具有合今畧不引

例喻於佛亦具上諸義以十忍位是等覺故故可同佛今有二喻開

成四義一舍攝喻兼無分別義二普通喻

兼遍入義以此四喻喻意業者下經云佛

智廣大同虛空故此總喻也以此四喻下喻其所喻別

喻三業即為三段古人唯將前喻喻於業後喻身語普通喻身隨入前語今並喻

三業但引文證居然可知初引經總釋下

經等者通於二智四智然下三句云普通

一切衆生心悉了世間諸妄想不起種種

異分別了世妄想即是量智不起分別即是

是理智而今但取廣大同意量智包含而普

空則二四皆廣故云總也量智包含而普

遍理智無分別而證入二智取前喻中包

含之義及後喻中普遍之義以斯二義並

喻量智量智知差別故似包含義無法不

知是普通義理智無分別者取前喻無分

別義後喻平等隨入義總取二義以前理

智理智即無分別智又大圓鏡智純淨圓

方能證入真如法

德現種依持能現能生身土智影即含攝

義又大圓鏡智下二以二喻喻四智於中

義先引唯識證包含義後引當經雙證二

品謂此心離諸分別所緣行相微細難

知不忘不愚一切境相性相清淨離諸雜

奈純淨圓德現種依持能現能生身土智

像釋曰純者無雜淨者離染圓者滿義現

種依持者現行功德之依種子功德之下

持能現能生身上三智之影餘文可知下

經云菩提智普現一切衆生心念根欲等

而無所現無所現言無有分別下經云下

經雙證二義經云譬如大海普能印現四

天下中一切衆生色身形像是故共說以

為大海諸佛菩提亦復如是普現一切衆

生心念根欲等而無所現無所現言無有

分別者上現心欲等即證舍攝義今證無

分別義然唯識鏡智亦有無分別義前疏

總中已引用故今舉之然無所現有平

其二義一所用故今舉之然無所現有平

等性智觀一切法自他有情悉皆平等亦

無分別無分別言顯無差別平等性智者

識論云二平等性智相應心品謂此心品

觀一切法自他有情皆悉平等大慈悲等

恒共相應隨諸有情所樂示現受用身土

形像差別妙觀察智不共所依無住涅槃

之所建立一味相續窮未來際釋曰由昔

因中執有我故自他差別今我執既無故

皆平等隨十地有情所樂由無住涅槃所

立此識恒共悲智相應一味無漏亦無分

別者彼論無有無分別言今言亦無分別  
 乃有二意一依唯識四智通緣真如境故  
 是無分別二者約境無差別故名無分別  
 今初論云大圓鏡智緣真如故是無分別  
 緣餘境故後得智攝其體是一隨用分二  
 了俗由證真故說為後得餘三分二準此  
 應知釋曰準此論文四智各通二智並通  
 真俗今且從增勝二喻各配二智無分別  
 下即第二意然所觀二境無分別故能觀  
 之智亦無分別故無分別言顯無差別此

顯平等性智無分別義與鏡智不同鏡智  
 無分別若明鏡之無心平等性智無分別  
 如日合空無異相故名無差別謂不分  
 別差別相故攝論第八云應知一切法  
 本性無分別所分別故下經云於一切義  
 無故無分別智無

**無所觀察等** 故下經者二引當經即出現  
 成正覺時於一切義無所觀察而言等者  
 等取餘經云於法平等無有疑惑無二無

相無行無止無量無際遠離二邊住於中  
 道出過一切文字言說釋曰無所觀察證  
 大圓鏡無分別義於法平等下 **是以太虛**  
**證平等性無分別義餘義兼具**

**含眾像眾像不能含太虛太虛不分別眾**  
**像眾像乃差別太虛以況我法不能容佛**  
**智佛智乃能容我法有我法者分別如來**

是如來者不分別我法

二普遍喻中妙觀察智無不遍知即普遍

義成所作智曲成無遺即隨入義

二以第二喻喻妙觀察智及成所作智疏  
 文有四一引唯識言妙觀察者論云三妙  
 觀察智相應心品謂此心品善觀諸法自  
 相共相無礙而轉攝觀無量總持定門及

所發生功德珍寶於大眾會能現無邊作  
 用差別皆得自在兩大法雨斷一切疑今  
 諸有情皆獲利樂釋曰神用無方稱之曰  
 妙緣自共相名為攝論云圓成實性為共相  
 即同無常等又攝論云圓成實性為共相  
 依他起性為自相言攝觀者攝即攝義觀  
 即觀察六度道品為功德寶諸神通等為  
 作用差別既觀有情自相共相等明無不  
 遍知也成所作智等者論云四成所作智  
 相應心品謂此心品為欲利樂諸有情故

昔於十方示現種種變化三業成本願力  
 所應作事釋曰既云種種三業成所作事  
 豈非委曲成就於物無所遺漏此言即周  
 易繫辭云範圍天地之化而不過曲成萬  
 物而不遺注云範圍者擬範天地而周備  
 其理也曲成者乘變以應物不係一方者  
 也則物宜得所矣此說易之德今借況佛  
 之德耳唯識論結云如是四智相應心品  
 雖各定有二十二法能變所變種種現俱生  
 而智用增以智名顯故此四品總攝佛地

一切有為功德皆盡 又下經云佛智廣大

會二宗義已如上說 同虛空普遍一切衆生心此即智體遍悉

了世間諸妄想此約智用遍又云得一切

法界量等心此約證遍智性全同於色性

故此約理遍 又下經云下於中先釋普遍

智用遍此二即第八十經已如前引三約

契證遍心與境冥即出現品善提章文四

約理遍者即義引起信論云問曰若諸佛

法身離於色相者云何能現色相答即此

法身是色體故能現於色所謂從本已來

色心不二以色性即智性故色體無形說

名智身以智性即色性故說名法身遍一

切處所現之色無有分齊隨心能示十方

世界無量菩薩無量報身無量莊嚴各各

差別皆無分齊而不相妨此非心識分別

能知以真如自在用義故釋曰此文亦可

證下身遍今但取其二性不異之義以明

智性之遍上言智體以智云何遍入不壞

為體今是理性與前懸隔 能所有證知故故下經云世間諸國上一

切皆隨入智身無有色非彼所能見 云何

釋隨入不壞能所者由前普遍之言有其  
二義一有能所遍二無能所遍謂約體遍

衆生却是智中物故若約理遍所遍全是  
能遍體故則能所不二故今此義不壞能  
所所證能證二相容差故下經云下引證  
即問明品佛境甚深中答佛境入文然彼  
中意入有二義一者色身入二者智身入  
今取智入身入可見智入唯智能知故云  
非彼所 由隨於如即入無所入故云平等  
能見所 由隨於如即入無所入故云平等  
由隨於如下釋平等入言此乃義引淨名  
目連章云法隨於如無所隨故謂若有所

隨所隨則在能隨之外能隨之法乃在所  
隨如外所隨之如不隨能隨由無所隨當  
體如矣若約觀行隨如之心不生真顯如  
矣問明亦云如來深境界其量等虛空一  
切衆生入而實無 是以虛空遍入國土國  
土不遍入虛空有國土處必有虛空有虛  
空處或無國土虛空之於國土平等隨入

國土之於虛空自有彼此  
虛空可喻佛智國土可喻三世三世有處  
佛智必在其中佛智知處三世或無其體

三世有處等者佛智通達染淨無礙一念  
普觀無量劫故佛智無不遍知如來定慧  
無邊際故前觀無始後無終故言佛智知  
處三世或無其體者謂真如實際涅槃法

性是佛智證佛智之於三世平等隨入三

世之於佛智自有始終

此猶約不二而二說耳若二而不二國土

虛空三世佛智同一性故皆互相入舉一

全收此猶下四總結難思初明其隨入由上隨入之言約不壞能所故云不二

而二說耳則喻中虛能為能入國土為所

入法中佛智為能入三世為所入所入不

得為能入今皆互相入則國土亦入亦入

亦然智通三世今明三世亦通佛智

世間圓融則言思道斷故名佛智為不思

議也三世間者兼結上宋包含之義及無分別悉皆圓融故云不可思議

以二喻喻身業者一毛尚容法界全分必

舍眾像次以二喻喻身業即第二段亦具四義初義引經文奉况以釋舍攝

之義故云一毛尚容法界全分必舍眾像

世界成就品云一毛孔內難思刹等微塵

妙法出現品云一皆有遍照專在來會中宣

行計其數虛空邊際不可得佛一毛孔無

世界而無障礙皆出現身業第二喻云譬

如虛空寬廣非色而能顯現一切諸色而

彼虛空無有分別亦無戲論合云如來身

亦復如是一切眾生諸善根業皆得成就

即含攝義而如來身無有分別即第二義

出現身業下引此一喻證前舍攝無分

別但合文未具具云如來身亦復如是以

智光明普照明故令一切眾生世出世間

亦無戲論何以故從本已來一切執

著一切戲論皆永斷故對文可知佛身

充滿於法界即普遍義佛身充滿者即現相品下三句云普

現一切眾生前隨緣赴感靡不周而恒處

此菩提座此四句皆普遍義今但用初句

足已又云譬如虛空遍至一切色非色處

為燈又云譬如虛空遍至一切法

非至非不至如來身亦復如是遍一切法

一切國土等即普遍義又云譬如虛空遍至一切等者引此

第一三三冊 大方廣佛華嚴經疏鈔會本 一五·一五五七

三三 龍藏

身無身故為果主故示現亦非至非不至  
其身分但略引足證通義  
即平等隨入義身故非至非至即平等無

一至即不礙次以四義喻諸  
至是隨入義業者即第三段

一語言中具一切語言故業者即第三段  
如次證四義言如來於一語言中具一切

語言故者即證含攝義亦是義引即出現  
語業中第四善口天女喻合云當知如來

亦復如是於一音中出無量聲隨諸眾生  
心樂差別皆悉過至悉令得解釋曰據其

未向可證適至今但取前即含攝義又妙  
嚴品云如來於一語言中演說舍支天鼓

無邊契經海亦即含攝義也  
無心出故舍支天鼓

品如響忍云如帝釋夫人阿修羅女名曰  
舍支於一音中出百千種音亦不心念今

如是出菩薩摩訶薩亦復如是入無分別  
界成就善巧隨類之音於無邊世界中恒

轉法輪天子鼓即出現語業第三天鼓覺悟  
喻結云佛子彼天鼓音無主無作無起無

滅而能利益無量眾生下法合竟結云而  
如來音不住方所無有言說即無心出義

又如隨好品天鼓為諸地獄天子說法云  
諸天子如我說是佛不著我法云

切諸佛亦復如是自說是佛不著我法云  
著我所即無心義故諸論皆云佛身如摩

尼珠無心現色佛已如天女如來音聲無不  
鼓無心出聲皆無分別義如來音聲無不

至故如來音聲無下亦出現語業第一相  
音聲故此證應知如來音聲無斷絕普入

第三普適義應知如來音聲下此全證平等隨  
法界故應知如來音聲下此全證平等隨

又云如來音聲無邪曲即平等義隨其信  
解令歡喜故即隨入義又云如來下引於

入二義彼文具云應知如來音聲無邪曲  
法界所生故言隨其信解令歡喜者具云

應知如來音聲隨其心樂皆令歡喜以空  
說法明了故上來四文皆出現語業

一喻遍喻三業故云正覺得無量清淨三  
輪明文昭然非是穿鑿菩提身竟以空下

三結示有歸謂既明文具有故應不一喻下  
可唯以初喻喻智後喻喻身語也

業普周竟

身恒徧坐一切道場菩薩眾中威光赫奕如

日輪出照明世界

第二身恒下威勢身超勝謂隨諸有情所

第二身恒下威勢身超勝謂隨諸有情所



樂示現受用身土影像差別無不周遍

諸下即唯識論平等性智之用謂以四身

唯識第十云一他受用身謂諸如來由平

等智示現微妙淨功德身居純淨土為住

十地諸菩薩眾現大神通轉正法輪決眾

疑網令彼受用廣大法樂釋曰彼唯淨土

今十身圓融染淨言一切道場者略有十

交徹與彼小異斗言一切道場者略有十

種一智身遍坐法性道場二法身非坐而

坐道場三法門身安坐萬行道場四幻化

身安坐水月道場此四義便故來

別說既十身圓融隨舉一身即已具一坐  
已如十身坐處次當別釋坐義一智身遍  
坐法性道場者法性是所證以能證智安  
處理故二法身等者法身既無能所故曰  
非坐非坐之坐湛然安住名坐道場三法  
門身等者即淨名經光嚴童子章云佛告  
光嚴童子汝行諸維摩詰問疾光嚴白佛  
言世尊我不堪任諸彼問疾所以者何憶  
念我昔出毗耶離大城時維摩詰方入城  
我即作禮而問居士從何所來答我言  
吾從道場來我問道場者何所是答曰直  
心是道場無虛假故發行是道場能辦事  
故深心是道場增益功德故善提心是道  
場無錯謬故布施是道場不望報故持戒  
是道場得願具故忍辱是道場於諸眾生  
心無礙故精進是道場不懈退故禪定是  
道場無調柔故智慧是道場現見諸法故  
廣說乃至云一念知一切法是道場成就  
一切智故如是善男子善薩若應諸波羅  
蜜教化眾生諸有所作果足下當知皆  
從道場來住於佛法矣釋曰光嚴謂事道  
場故問道場何者是淨名以法表示故萬  
行為得道之處即是道場故曰法門身上  
萬行道場耳四幻化身安坐水月道場者  
涅槃云吾今此身是幻身則所得道之處  
如水月中故昔人云修習空華萬行安坐  
水月道場降伏鏡像天魔證成夢中佛果  
意云若因若果皆若正約威勢身略辯六  
從緣生如幻夢故

類道場一遍一切同類世界道場如名號  
 品等說二一切異類世界謂樹形等如世  
 界成就品三一切世界種中四一切世界  
 海中並如華藏說五一切微塵中文云如  
 於此會見佛坐一切塵中亦如是等六刹  
 塵帝網無盡道場并前十種故云一切若  
 約威勢下別辨十身之一坐六類道場但  
 自狹之寬威勢既通變化他受用身故約  
 諸刹漸寬周遍法界乃至重重如名號品  
 等者等取四聖諦光明覺品及昇切利天  
 官品謂遍法界虛空界皆有百億四天下  
 等一類相似佛皆過故已如前引其名號  
 四諦皆先列百億後結周遍皆有百億十  
 千名等故知皆是同類界也下之五類至  
 見下當言菩薩眾中威光赫奕者正顯威勢  
 超勝勝於勝者故獨言菩薩非不超餘如  
 日輪出照明世界約喻以顯映山出沒無  
 隱顯故處處全現無異體故喻遍坐道場  
 言菩薩眾中等者即以此文顯是威勢身  
 也映蔽菩薩故映山出沒者謂映山出沒

如化身坐道場無隱顯者即法身坐道場  
 處處全現下即報身坐道場以即應即真  
 故隨處即全 大明流空餘輝掩耀赫日之  
 皆無異體 照難究其涯喻彼威光超映菩薩菩薩不  
 能測也大明流空下正釋威勢大明即日  
 薩星喻餘眾正取映奪是威勢義兼菩薩  
 不測亦威勢義赫日之照等者即夜摩會  
 赫日揚光輝十方靡不充其光無限量無  
 有能測知有目斯尚然何況盲冥者諸佛  
 亦如是功德無邊際不可思議劫莫能分  
 別既云照世則終益生盲先照高山獨言  
 菩薩既云照世下通妨謂有問言既十身  
 耶故義取喻中如日輪出之言既十身  
 則無所不益故云終益生盲六

三世所行眾福大海悉已清淨  
 第三三世下福德身深廣三世佛德昔皆  
 遍學今三際已斷垢習斯亡故眾福皆淨  
 今三際已斷者此下釋清淨義若有三世  
 相福非清淨稱法界修故無三際謂不從  
 前除來非向後際去不於現在住法身已  
 淨為斷三際福豈可量萬行之上垢習斯

亡故云清淨謂恆  
沙煩惱皆已盡故

而恆示生諸佛國土

第四而恆下隨意受生一隨他意處處受

生二隨自意能無不生謂慈悲般若恆共

相應感而遂通窮未來際四即意生身然

者是喻猶如意去速疾無礙故二者是法

自有二義一隨自意二隨他意總謂隨意

速疾而成故謂慈悲般若若等者此即唯識

平等性智之用下配屬於化身菩薩舉一相

實則此身亦通他受用隨十地菩薩意所

生故又悲智相導通化用故化身即是無

住涅槃之大用故感而遂通者即周易繫

辭云夫易無思也無為也寂然不動感而

遂通天下之故非天下之至神其孰能與

於此注曰至神者寂然而無不應斯蓋功

用之母象數之所由生意明亡象方能制

象遺數方能極數非動方能應動彼取易

之虛無無動故能無不動今借此言以况

如來內體圓寂外應羣生躡上眾福已淨

之體寂便言而恆示生故云寂然不動

感而遂通即法身無生無所不生耳

無邊色相圓滿光明徧周法界等無差別

第五無邊色下相好莊嚴身色無盡故名

四二

十七

色無邊十蓮華藏微塵數相名相無邊而

皆稱真則一一無邊諸相隨好放光常光

皆稱法界故云圓滿廣處陔處皆圓現故

名無差別

演一切法如布大雲

第六演一切法下即願身演法謂雨大法

雨斷一切疑故下經云毗盧遮那佛願力

周法界一切國土中恒轉無上輪初標示

雨大法雨斷一切疑即引唯

識妙觀察智之文別成此義然經二句上

法下喻文含多意一雲喻於身雨為說法

法喻影略又先興慈雲後霑法雨一雲一

雨所潤不同亦隨物機宜雲雨各異掩塵

蔽日普覆無心等三勝經委釋總有五意

一雲喻法身雨喻說法

法喻影畧者出現語業第十娑竭羅龍七

降雨喻中廣說諸處雲色不同雨亦各別

合中云佛子如來應正等覺無上法王亦

復如是欲以正法教化眾生先布身雲彌

覆法界隨其所欲為現不同所謂或為衆  
 生現意生身雲或為衆生現化身雲或現  
 力持身雲諸力不可壞身雲無畏身雲法界  
 慧身雲皆有或為衆生現言次云此相現已  
 身雲皆生身之與心皆得清涼然後從如  
 一切衆生身大慈悲雲大不思議雲雨不  
 來大法身雲大法雨令一切衆生身心清淨所  
 思識廣大法雨令一切衆生身心清淨所  
 謂為坐菩提場菩薩兩大法雨名法界無  
 差別等故知雲為現身雨為說法言法喻  
 影畧者法中但有法說喻中但有與雲故  
 若具應云廣現化身演一切法如布大雲  
 兩大法雨又先與慈雲等者亦即上出現  
 所引之文一雲一雨等者即法華藥草喻  
 品云一雲所雨稱其種性而得生長華果  
 數實雖一地所生一雨所潤而諸草木各  
 有差別喻也合云迦葉當知如來亦復如  
 是出現於世如大雲起以大音聲普遠世  
 界天人阿修羅如彼大雲適覆三千大千  
 世界釋曰上即合雲次云如來于時觀是  
 衆生諸根利鈍精進懈怠隨其所堪而為  
 說法種種無量皆令歡喜快得善利釋曰  
 上即合雨何以知是一耶次云如來知是  
 一相一味之法所謂解脫相離相滅相究  
 竟至於一切種智即一雲一雨之義偈云  
 其雲所出一味之智即一雲一雨之義偈云  
 亦一雲一雨所潤不問下云為大衆說甘  
 露淨法其法一味解脫淫藥以一妙音演  
 暢斯義乃至云正見邪見利根鈍等雨  
 法雨而無懈倦一切衆生聞我法者隨力

所受住於諸地或處人天轉輪聖王釋梵  
 諸王是亦隨物機等者亦出現意上引法華雲  
 也亦隨物機等者亦出現意上引法華雲  
 雨則一所謂明佛能具異現十身雲降  
 異在於物今明佛能具異現十身雲降  
 十法雨如安竭羅龍王與雲或閻浮檀金  
 尤明色或毗琉璃光明色或白銀光明色  
 或玻璃光或明色等即雲不同次云所謂於  
 大海中雨清淨水名無斷絕於他化自在  
 天雨蕭笛等種種樂音名為美妙等即雨  
 不同也故云雲雨各異掩塵蔽日等者即  
 十地經及法華意法雲地云佛子此地善  
 薩以自願力起大悲雲震大法雷通明無  
 量以爲願力起大悲雲震大法雷通明無  
 身周旋往還於一念頃普遍十方百千億  
 那由他世界微塵數國土演說大法摧伏  
 魔怨復過此數於無量百千億那由他世  
 界微塵數國土隨諸衆生心之所樂盡甘  
 露雨滅除一切塵埃及普覆義無心之義  
 法雲釋曰此即掩塵及普覆義無心之義  
 乃是通說即出現云復次佛子譬如海中  
 有大龍王名大莊嚴於大海中降雨之時  
 或降十種莊嚴雨或百或千或百千種莊  
 嚴雨佛子莊嚴雨無分別但以龍王不思議力  
 令其莊嚴乃至百千無量差別如來應正  
 等覺亦復如是為諸衆生說法之時或以  
 十種差別音說或百或千或以百千或以  
 八萬四千音說或八萬四千或以百千或以  
 以無量百千億那由他音聲各別說法今  
 其聞者皆生歡喜如來音聲無所分別但

以諸佛甚深法界圓滿清淨能隨眾生根之所宜出種種言音皆令歡喜等即無心義即安竭與雲喻中亦云雖彼龍王其心平等無有彼此但以眾生善根異故而有差別亦是無心之義法華亦云我無貪著亦無限礙又云等兩法兩而無懈倦皆無心義

一一毛端悉能容受一切世界而無障礙各

現無量神通之力教化調伏一切眾生

第七一一下化身自在謂於大眾會能現

無邊作用差別皆自在故謂於大眾下即引唯識妙觀察

智之用釋文中二先明廣容無礙謂於如

來身一一毛頭容一切刹而無障礙無礙

有二義一以小毛現多大利則一多大

小無礙二此毛多刹與彼毛多刹參而不

雜則隱顯無礙廣容無礙者謂法界如空有其二義一廣容二普適

今一塵如法界之後各現下普適以廣容

不礙普遍故還於前毛內刹中神力調生

若廣逾十方示現種種變化三業成所作

事居然易了以廣容下出毛內調生所以謂廣容則收法界入於一毛

普適則展一毛適於法界今毛正容無邊

刹時即普適故便適所容刹內若廣適下

身逾十方而無來往

第八身逾下法身彌綸以法為身本來湛

遍故無來往彌綸即周遍包羅之義以法為身等者先明法性身逾無

來往依法現色還如法身在此即是在彼亦

不待往來依法現色下約應化法身明無來往所以用此釋者由下以三

身收之以此

智入諸相了法空寂

第九智入下智身寫性相之源相別曰諸

性皆空寂性靜故寂相無故空

三世諸佛所有神變於光明中靡不咸觀一

切佛土不思議劫所有莊嚴悉令顯現

第十三世諸佛下力持身能持自他依正  
 於中先持正報神謂妙智變謂現身轉變  
 變現俱名為變皆能持之尚持於他況於  
 自事後段亦然力持等者疏文有二先正  
 釋力持後以三身收束前  
 中又二初正報二  
 依報今即初也後一切佛土下能持依

報橫盡諸土豎窮諸劫所有嚴事常持令  
 現

上約十身若約三身者則初三段皆名報  
 身而恒下化身身遍十方下法身就報身  
 中前一自受用報後二即他受用報故云

處菩薩眾上約十身今以三身收束於中  
 初約三身四身然則十望於三  
 有通有局菩提為總亦是化身餘九身中  
 願化力持此唯化身意生感勢通他受用  
 及與變化福智相好通於二報及變化身  
 法局法性今取順次故為此配所以前昔  
 提身復明真身向來法身復  
 明色身欲順今次第配故耳以諸教中說  
 三身四身成說等別今皆圓融於一始成

無不頓具二出收束所以謂有問言何用  
 更以三身收束十身故今釋云  
 以諸教三四迥然不同今明圓融一身具  
 三則權實有別言三身成異者法身無成  
 出障為成報身四智創圓為成化身八相  
 善提樹下為成三身說異者法身無說報  
 身佛樹相見亦無有說化身有說若攝末  
 歸本應化非真佛亦非說法者即報身說  
 報同所證是法身說言四身成說異者於  
 報身中開自他受用自受用遍法界成則

無所說他受用為十地成為十地就若依  
 楞伽四佛皆說而說不同言四佛者一化  
 佛二報生佛三如如佛四智慧佛初化次  
 報後二皆法如如及如如智為法身佛亦  
 可智亦是報自受用故言說異者化身說  
 五戒等因緣法報佛說三性法謂為地上  
 菩薩說今成佛故法佛唯說離心自性則  
 以無念會於法界是故法佛唯說法性智  
 佛說者依淨法界了相智  
 覺如說而解故名為說  
 十身為正三四

義兼又毛內調生光中持刹如空普遍等  
 亦即國土等十身三世間圓融豈報化之  
 云別四融國土等十身毛內調生則有眾  
 生身聲聞身緣覺身菩薩身及業報  
 身光中持刹是國土身如空普遍是虛空  
 身菩薩眾中亦菩薩身如來居然可見三  
 世間下謂十身中眾生業報即眾生世間  
 國土虛空即眾世間餘是智正覺世間此

三情非情與染非染異尚得為一豈一如  
 來身上而分報化之殊明知權說漏歷難  
 可比此  
 圓融 是知略以十德歎於教主其一  
 德無不圓融當去情思之矣

大方廣佛華嚴經疏鈔會本第一之二

音釋

纖思廉切 範音 分分扶問切 詰齊才詣  
細微也 赫赫赫切 奕奕言切 錯錯倉各切 謬謬併誤也 靈未成切 靈靈也  
赫奕切 奕奕言切 錯錯倉各切 謬謬併誤也 靈未成切 靈靈也

大方廣佛華嚴經疏鈔會本第三之三 因三

唐于闐國三藏沙門實叉難陀 譯

唐清涼山大華嚴寺沙門澄觀撰述

第六有十佛世界下明眾海雲集眾雖深

廣難測略故十門一集意二集因三辯類

四定數五權實六地位七前後八有無九

聞不聞十釋文

今初來至佛所何所為耶有十義故一為

影響為主伴故二為作輔翼得圓滿故如

普賢等常隨之眾三為守護如來如執金

剛等諸佛住處常勤護故四為莊嚴如道

場神等常為嚴淨佛宮殿故五為供養如

偈讚即正行供養華幢等即財供養故六

為發起此經諸請難者即其事故七為闡

法獲益當機領悟即其類故八為表法諸

首諸林表信行等皆同名故及座出菩薩

等顯奇特故亦通表萬行俱成佛故九為

順證佛菩薩等證說不虛故十為翻顯即

聲聞不聞顯法不共故為斯多意所以眾

海雲集非唯證信而已也一為影響者此集意中十意皆

聞取下經此初意引即諸大菩薩及下證法如來皆互為主伴若影之隨形響之應

聲二為作輔翼者亦是義引二為守護者經云皆於往昔無量劫中恒發大願願常

親近供養諸佛又下經云一切諸佛化形所在皆隨化往一切如來所住之處常勤

守護四常為嚴淨者此即主城神德下經云皆於無量不思議劫嚴淨如來所居宮

殿所以標道場神此中等字等城神故然道場神合嚴道場以道場神所歎德中但

云皆於過去值無量佛成就願力廣與供養釋曰由無嚴飾之文故等取城神之文

耳五為下以義繁重故總相引偈讚下妙嚴品其華幢等即二十二經昇梵率天宮

品六為發起者即解脫月七 第二集因亦亦總引八九十並顯可知

有十因一曾與毘盧遮那如來同集善根

故二蒙佛四攝曾攝受故三往在生死聞



圓法故四曾發大心護一切故五往發大  
願願事佛故六隨逐如來無歇足故七樂  
聞正法心無倦故八善能散滅我慢心故  
九福智已淨身周遍故十同一法性善根  
大海之所生故為此多義得預斯會中有

集因亦通集意及隨諸眾各有別因可以

思準一曾與者即善薩德中云此諸善薩

修善薩行二蒙佛者即第二經初總數眾

劫海中修善薩行以四攝事而曾攝受三

即義引入法界品諸聲聞等往在生死不

曾聞此故不見聞反顯善薩昔曾聞故四

即夜又王德云皆勤守護一切眾生此亦

義引如海雲言發哀愍心有怖畏者咸守

護故五即身眾神德文云皆於往昔成就

大願供養承事一切諸佛六即足行神德

文云皆於過去無量劫中親近如來隨逐

不捨即無厭足七即乾闥婆王德文云皆

於大法深生信解歡喜受重勤修不倦八

即主風神德文云皆勤散滅我慢之心亦

阿修羅德文云悉已精勤摧伏我慢及諸

第一三三冊 大方廣佛華嚴經疏鈔會本 一五·一五五七

佛亦通就義說具二嚴者方能周遍至諸  
佛所十亦善薩德文云皆從如來善根海  
生中有集因亦通集意者謂即五六七八  
五約往願承願而來即是集意由願得來  
即是集因六約隨逐心樂隨逐即是樂意  
由樂隨逐故得來集即是集因七約樂聞  
大法而來即是集意由樂得來即是樂因  
八約散我為數散我即是集意由散我故  
方得在會即是集因初四後二但是其因  
同集善等故得在道場但為集因非為別

來為同集善等故非集意及隨諸眾各有

別因者即下經文隨名歎德然上所引即

是其文然經隨便宣歎德不同如風神云

散滅我慢之心語其大意總此十因通

多眾故此別第三辯類即上集意便成十

說隨眾別因第三辯類即上集意便成十

類一影響眾二常隨眾三守護眾四嚴會

眾五供養眾六發起眾七當機眾八表法

眾九證法眾十顯法眾準前可知

第四定數者稱法界眾焉能數知即文而

言九會都數總有一百七十五眾都序之

中有四十一眾謂同生有一異生三十九

師子座中一若兼取前菩提樹中所流及

四三 龍藏

宮殿中無邊菩薩總四十二衆此四十三遍於九會第一會中有二衆謂新集十方衆佛眉間衆添成四十五第二會有新舊二衆第三四會各有四衆謂新舊及證法衆天衆第五會一百一十一衆謂新舊衆昇天品內供養衆有一百七并天衆證法衆第六會四衆謂天衆同生異生證法衆七八兩會各唯一衆謂普賢等舊衆第九會三衆謂菩薩聲聞及天王等舊衆舊衆雖重隨會別故并皆取之然此諸衆或總爲一一乘衆故或分爲二以有實衆及化衆故或可爲三人天神故或爲四佛菩薩人非人故或五非人開天神故或六加畜生故或七天分欲色故或八菩薩有此界他界故或九他方有主件故或十加聲聞

故或一百七十五如前說故或無量無邊義類多方故一一或以佛刹塵數等爲量故又如新集菩薩毛光出衆例上皆爾故一一衆皆無分齊此猶約相別若融攝一一會中皆具一百七十五衆以稱法界緣起之會互相在故上且約一界若通十方及異類刹塵帝網無盡無盡是爲華嚴海會衆數

第五權實者夫能對揚聖教影響其跡靡不是權當機之流多皆是實諸教所明穢土之中雜類菩薩聲聞皆通權實地前是實地上是權法身無生生五道故淨土菩薩唯實實報生故雜類聲聞是權攝論云欲令淨土不空化作雜類衆故若依此經同生異生皆通權實海印定現實德攝故

隨緣隨位而示現故第二會初云莫不皆  
是一生補處故第十類辯權實者影響  
一眾自有二類一果德眾謂能加證法諸  
佛互為主伴非權非實若位極菩薩影響  
一向是權故有經云昔為釋迦師今為佛

弟子二尊不並化故我為菩薩等當機唯

實餘八通權實

對前十類下對前別辯云互為主伴非權非實者然

權實有其二類一本高迹下如佛為菩薩二木下迹高如菩薩為佛今既是佛則非迹下實是如來又非本下則是實非權無權可對故亦非實同果海故皆為釋迦師累有二經一即放鉢經但云昔為釋迦師今為佛弟子二尊不並化故我為菩薩二

菩薩處胎經第四亦同此說文云計我成佛身此利為最小座中有疑故於胎現變化我身如微塵今在他國土三十二相明在在無不現昔為能仁師今乃為弟子佛通極廣大清淨無增減我欲現佛身二尊不並立此界現受教我利見佛身下取意引佛利名無礙佛名界仙尊經云我身儒首是又云利土名究竟佛名大智慧慈亦結屬已云我身儒首是當機唯實者上至等覺下至地前俱有當機並皆稱實餘八通

權實可第六地位者有說一切皆是果位以意得 第六地位者有說一切皆是果位以是舍那海印現故或說一切皆因果海非可見聞世尊亦是因者識所現故或皆通因果果不捨因隨類現故因位願力助佛化故當機之流正修趣故或俱非因果緣起大眾同真性故將此對前權實則果位一向權因位通權實若對前十類影響證法通因果餘八唯因因位高下難以準定將此料揀者初對第五門料揀第七前若對前十類即對第三門料揀 第七前後者初列菩薩後列餘眾者表從本以起末下讚即後明菩薩者表尋末歸本良以木末無二故二文互舉又從本流末必先小後大故自在天為末攝末歸本必從深至淺故先明自在然皆顯法界緣起逆順自在故也又表四十二位一一皆徹因門

並該果海故互舉前後令物不作優劣之

解故第七前後等者謂約列眾餘經或從勝先列或從微至著或先列聲聞後

列善薩今此眾海何者為先今明列與讚

德前後不同然以善薩為本雜類為末讚

中先三卷明雜類讚後第五卷方明善薩

讚故云尋末歸本又從本下通妨謂有難

言就先列中既善薩為本雜類為末先本

後未即合諸天之內從自在天次明廣果

次列三禪等何以先明欲界後列初禪二

禪等耶是則先小後大矣故今答云善薩

為本猶如一乘雜類為末如流三乘三乘

之中初於鹿苑轉於四諦漸次歸大故先

列欲界後列色界如次而上故云先小後

大故自在為末末即末後耳攝末歸本者

又有難言讚德之中表尋末歸本後明善

薩者則合先明月天讚末後方明自在

天讚何以雜類之中先明自在讚耶故今

答云攝末歸本必從深至淺謂善薩是所

歸之本雜類是所攝之末攝末必從勝先

攝如海攝百川必先攝江次攝大河次攝

小河次攝溝洫故攝歸一乘先攝權大次

攝緣覺次攝聲聞次攝人天一毫之善無

不皆攝故先明自在天讚表是所攝之中

先攝勝也末明月天等表所攝之中後收

也第八有無者亦有十類一約界無無色

二約趣無地獄此二非器故若約轉生有

地獄天子若約所益亦通無色三界皆益

故三約洲但列閻浮餘三畧無故或成難

故四約乘無二乘不共教故下為顯法亦

不見聞故智度論云若小乘經初唯列聲

聞若大乘經初具列菩薩聲聞若一乘經

初唯列菩薩故指此經為不共教或大乘

經唯列小者為引攝故如金剛經或唯列

大亦屬大乘主伴具者必是一乘五約部

無四眾未說小教故六約主無人王王未

知故七約三聚無邪定彼障隔故生盲之

流但冥益故八約內外無外道非彼測故

九約諸天無無想入邪定故十約善惡無

惡魔不為違害天中攝故上十且隨相說

圓融應有即無所不具四約乘無二乘者

此段有四一正明

二為顯法下通妨謂有難言若無二乘第

九會中何得有耶答云為顯法耳次又難

云若為顯法則有二乘答云亦不見聞與無同故三智論云下引證云明無小乘是不共義四或大乘經下重通妨難正通智論兼通正義謂有問言現有唯小而是大乘如金剛經那言列小是乘經耶答云為引攝故智論就其大畧故唯列小乘是也

實當會自聞縱不起前而趣於後亦各不相知若約頓機許一時頓領通縱不起前下

言若約實眾不互聞者如來說法既不起前而趣於後如何聽眾不得互聞故今答云約佛前後圓融約根互不知覺故法慧云一切闍浮提皆言佛在中我等今見佛住於須彌頂則上之九門且從顯著略為知各不相知也

此釋中本廣本或隱或顯不可執文

第十釋文第一會中前總四十眾大分為

二初一同生餘是異生地論云解脫月

是同生眾故又云同生眾請則知兼有地

前明知不約地位餘釋云云不符論意云

何名為同異生耶然有二義一謂雜類作

諸異生種種形故菩薩得法性身同人作

一類菩薩形故二菩薩為同者通諸位故

神等為異法界差別德故釋云者有

菩薩為異謂小乘斷惑同故有云出家菩薩聲聞為同餘並為異此約形相同故上

二解俱非論意以經八會無聲聞故論釋地經亦無初成正覺無出家故或云

名異生性故有云八地以上為同無漏

故上之二解亦連論文論主但云解脫月

是同生眾本不曾言約地位故又論明大

求請云有同生眾請有地前故所以知有

者由金剛藏云有行未久解未得隨識而

行不隨智聞此生疑隨惡道我惑是等故

不說大眾承此便請明大眾之中有行未

久即地前故復有釋云雜類為同以受彼

彼同類身故菩薩為異不約同彼眾生類

故此亦連論解脫月為同故又有釋云菩薩

差別故此約實義豈得為釋同異之殊明

知上來並非正解故云餘釋云云不符論

意疏云何名為下上出同異生體今釋同

異生義然其二釋前約事相後約表法又

有將此四十眾以配地位同生眾中開之

為二謂十普菩薩即是圓因對前菩薩以

為所信從海月光下及執金剛為十住復  
 將一一位中十名如次配於十度海月光  
 等十菩薩配初發心住此住本即是禮其  
 十菩薩復配禮中具十則令十住自有百  
 度歷於五位有五波羅蜜以等覺位亦  
 有十故主釋神下十眾配十行修羅下配  
 十向三十三天下配十地前十菩薩是  
 等覺地此配則似生情然經勢多端配亦  
 無失但不俟如此不次謂四十眾以配三  
 賢十聖下師子座眾以配等覺眉間出眾  
 以配妙覺則四十二眾  
 配四十二位於理甚直

有十佛世界微塵數菩薩摩訶薩所共圍繞  
 其四十眾文皆有三一標數辯類二列名  
 結數三攝德周圓今初同生眾中第一標  
 數辯類中初標辯佛世界者下辯世界略  
 有三類一世界二種三海今云世界則非  
 種非海權實共許一三千界一佛化境故  
 或名佛刹佛土皆準此也微塵者七極微  
 量也謂抹三千界並為微塵一塵為一菩  
 薩則數已難量矣況舉十數表無盡耶菩

薩摩訶薩者辯類也即揀非餘眾具云菩  
 提薩埵摩訶薩埵今從略耳然有三釋一  
 菩提是所求佛果薩埵是所化眾即悲  
 智所緣之境從境立名故名菩薩二菩提  
 是所求之果薩埵是能求之人能所合目  
 故名菩薩三薩埵此云勇猛謂於大菩提  
 勇猛求故摩訶云大大有四義一者願大  
 求大菩提故二行大二利成就故三時大  
 經三無數劫故四德大具足一乘諸功德  
 故前二通地前後二或唯地上更有諸大  
 亦不出此此等並是舍那佛自眷屬動止  
 常隨故云所共圍繞  
 其名曰普賢菩薩摩訶薩  
 二其名列名結數先列其名後結略顯  
 廣今初夫聖人無名為物立稱雖得名千

差而多依行德行德皆具而隨宜別標直  
大意中初總標無名故莊子云至人無已  
神人無功聖人無名今約利生無名強立  
耳雖得名下總辨立名此辨立名別因言  
多依行德者亦有因姓因父母等故行德  
皆具下通妨謂有難云既依行德而諸善  
薩德行皆具何以成別故云隨宜別標隨  
便宜故謂有得云弟子堅固善提心從師  
以受灌頂位妙修定慧但觀察深入業用

善巧門即普賢菩薩又云導諸有情勝善  
提以四攝法而攝取即金剛王菩薩無厭  
大悲未曾捨即金剛愛善薩見行小善便  
稱美即金剛善哉善薩無聞檀施等虛空  
即金剛寶善薩亦虛空藏善薩別名能以  
慈光破惡冥即金剛日善薩亦云金剛光  
有所樂求恒不逆即金剛幢善薩發言先  
笑令心喜即金剛笑善薩能於妙法無染  
中即金剛法善薩善用般若斷諸使即金  
剛利善薩亦即文殊師利是無上法輪恒  
不退即金剛因善薩亦云金剛轉法輪善  
薩四辨演說無所畏即金剛語言善薩諸  
佛眾生事業中即金剛業善薩恒被堅誓  
慈悲甲即金剛護善薩亦云金剛甲冑善  
薩摧破魔羅勝軍眾即金剛藥又善薩亦  
云金剛牙善薩堅持諸佛所秘門即金剛  
拳善薩又如乘聲濟物即觀音手先十  
中兩華便名華手等皆隨德隨宜

同名普者顯具法界總相德故後十異名

者顯具法界別相德故總別相融同一法  
界今初十名之普是別之總普下十異顯  
即普能別普義方成今初十名下應有難  
界總相之德何得更有普云前云十普既顯法  
德普光等殊故為此通此是古今諸佛  
同行普賢之行隨於諸位差別不同縱成

正覺亦普行攝故先明之此是古今下明  
然其釋名皆取下文所得法門以成會釋  
由得解脫各隨所得以立其名所以前云  
依德行立此若不了言普賢者體性周遍  
但尋下經自當分明

曰普隨緣成德曰賢此約自體又曲濟無  
遺曰普隣極亞聖曰賢此約諸位普賢又  
德周法界曰普至順調善曰賢此約當位  
普賢又果無不窮曰普不捨因門曰賢此  
約佛後普賢位中普賢悲智雙運佛後普  
賢智海已滿而運即智之悲寂而常用窮  
未來際又一即一切曰普一切即一曰賢

此約融攝所以先列者為上首故法門主  
 故法界體故一切菩薩無不乘故無一如  
 來非此成故令諸聞者見自身中如來藏  
 性行普行故上雖多義離釋今從別稱合  
 釋無處不賢名曰普賢即體普也此一為  
 總餘九為別

普德最勝燈光照菩薩摩訶薩

二德普謂稱性之德充於法界以為最勝  
 委照無遺如燈之光

普光師子幢菩薩摩訶薩

三慧普遍照嚴刹決定高出故

普寶燄妙光菩薩摩訶薩

四行普內行圓淨智焰外燭故稱為妙

普音功德海幢菩薩摩訶薩

五音普具一切音演佛淨土深廣高出之

四三

十一

行故

普智光照如來境菩薩摩訶薩

六智普照佛法界無盡境故

普寶髻華幢菩薩摩訶薩

七心普智寶嚴於心頂通行等華高出物

表故

普覺悅意聲菩薩摩訶薩

八覺普遍覺性相聲皆悅機故無不歸者

普清淨無盡福光菩薩摩訶薩

九福普障無不淨稱真無盡故

普光明相菩薩摩訶薩

十相普無光相之光相遍益眾生故六相

圓融思之

海月光大明菩薩摩訶薩

二海月下十異名菩薩一海月光大明者



十德十山皆依大海十地十度皆依佛智海中看月淨而且深依智嚴刹深而且淨如海即大如月即明故以名之

雲音海光無垢藏菩薩摩訶薩

二講如雷震故曰雲音辯才汎濫猶如海

光又海上有光天涯無際佛智起用一念

普周淨惑無窮名無垢藏

功德寶髻智生菩薩摩訶薩

三修治二嚴猶如淨寶祕密高顯故有髻

言

功德自在王大光菩薩摩訶薩

四法王出現作用自在二嚴圓滿為功德

光

善勇猛蓮華髻菩薩摩訶薩

五勇猛化生不染化相兩法玄妙如解髻

珠

普智雲日幢菩薩摩訶薩

六慈雲智日互相資映長劫普應高出如

幢

大精進金剛齋菩薩摩訶薩

七堅利智慧與精進俱故得稱大智為行

本若齋為壽因

香燄光幢菩薩摩訶薩

八戒等行發是為香焰種智高直故曰光

幢

大明德深美音菩薩摩訶薩

九智光遍照是大明德稱真適物名深美

音

大福光智生菩薩摩訶薩

十大智發光遍照佛境令福非福相所亦

稱大

如是等而為上首有十佛世界微塵數

二如是等下結略顯廣

此諸菩薩往昔皆與毗盧遮那如來共集善根修菩薩行皆從如來善根海生

四三

十三

第三此諸菩薩下攝德圓滿中二初別歎

勝德後總結多門初中亦二初二句就緣

歎餘就行歎今初初句往因同行顯主伴

有由後句從德海生明長為輔翼言毗盧

遮那者毗即遍也盧遮即光明照義迴就

方言應云光明遍照然有二義一身光遍

照盡空法界乃至塵道二智光遍照真俗

重重法界身智能所合為一身圓明獨耀

具德無邊故立斯號又毗者種種義盧遮

障義那者盡義入義即種種障盡種種德

圓故普賢觀經云釋迦牟尼名毗盧遮那

遍一切處即身亦遍非唯光遍又云其佛

住處名常寂光即土亦光矣又云常波羅

蜜所攝成處我波羅蜜所安立處即德圓

義又云淨波羅蜜滅有相處即障盡義又

云樂波羅蜜不住身心相處不見有無諸

法相處即證入義又云如寂解脫乃至般

若波羅蜜是色常住法故明皆即應即真

為本師矣此經文證本品當辯又毗者種

釋毗盧名以梵語多舍故有此釋下後引

經具釋然彼經由普賢今行者懺悔行人

問云我於何所懺悔故有此教今以疏問

一切處其佛住處名常寂光常波羅蜜所

攝成處我波羅蜜所安立處淨波羅蜜滅

有相處樂波羅蜜不得身心相處不見有

無諸法相處如寂解脫乃至般若波羅蜜

是色常住法故但言共集善根即備道資

觀經文自分經疏糧修菩薩行即作所應作云何共集互為

主伴故主伴有三一迴向主伴二同行主

伴三如相主伴皆稱共集主伴有三者一

善根互相回向故今成佛遍為主伴二同行者同修禪戒等行三二俱稱性居然相

後句言善根海生者謂佛德無邊積妙

法寶智定盈洽故稱為海從生有四一從

自佛善根海生謂已圓十身故二從本師

海生佛為勝緣曾已攝受授法令行得成

滿故三與遮那同於餘佛海生以上云共

集故四從法性佛海生以上德海諸佛共

同平等一味但稱性修即是從生不揀自

他故梵本云與佛同一善根海生謂佛德

海義即金光明意彼經偈云佛德無邊如

大海無限妙寶積其中智慧德水鎮恒盈

百千勝定威充滿即同海故從自佛者由

於佛身起菩薩用云從彼生

### 諸波羅蜜悉已圓滿

三

十四

第二諸波羅蜜下就行德以歎夫大士必

崇德廣業虛心外身崇德故進齊佛果廣

業故行彌法界虛心故智周萬法而不為

外身故功流來際而非已故德難名矣夫

士下先彰歎意先兩句標崇德廣業者周

易上繫云子曰易其至矣乎夫易聖人所

以崇德而廣業也注云窮理入神其德崇

也兼濟萬物其業廣也次復云智崇禮早

崇效天卑法地注云智以崇為貴禮以卑

為用又云威德大業至矣哉富有之謂大

業日新之謂盛德虛心外身者即老子意

後其身而身先外其身而身存今偈其言

謂菩薩虛曠其心智絕能所七身為物一

向利他故下經云菩薩所修功德行不為

自己及他人但以最上智慧心利益眾生

故回向即略分為三一明自分因行德二

新意也勝進果行德三二行無礙德初中亦三一

自利行圓二利他行滿三證理位極今初

有三句一諸度行圓謂六度十度八萬四

千多劫積集究盡事理故云圓滿

慧眼明徹等觀三世

二慧眼下十眼明徹分別名慧照矚稱眼障翳斯盡智無不矚故云明徹五眼之中慧眼觀理無異味故云等觀十眼之中慧眼觀事事無不見故名等觀是則委見

其事為明深達其性為徹欲以一眼含諸

具通事理但舉其慧

五眼之中一肉眼二天眼三慧眼四法眼

五佛眼釋相如難世間品今唯取慧眼十眼者前五眼外更加五眼而業用多異文云所謂肉眼見一切色故天眼見一切衆生心故慧眼見一切衆生諸根境界故法眼見一切法如實相故佛眼見如來十力故智眼知見諸法故光明眼見佛光明故

出生死眼見涅槃故無礙眼所見無障故一切智眼見普門法界故釋曰見諸根境界即是見事即五眼中智徹配五眼中慧徹之言明配十眼中智徹配五眼中慧

於諸三昧具足清淨

三於諸下深定已滿三昧者此云等持遠

離沉掉平等持心趣一境故而云諸者其

餘諸緣亦一境故真如三昧為其定體隨

境入別塵數多端故云諸也橫則無定不

窮豎則深入無際故云具足定障永亡故

云清淨豎則深入者法華云禪定智慧解脫三昧深入無際

辯才如海廣大無盡

第二辯才下利他行滿有三句即三輪化

益一語含四辯即正教輪辯謂巧顯深理

才謂巧應機宜萬法咸演則廣大無涯千

難殊對則無竭盡故如海也又海遇風緣

則洪浪雲涌智逢機請則口辯波騰請者

既許無邊辯亦廣大無盡

具佛功德尊嚴可敬

二具佛下身業神通輪謂三業無失智深

巨撓為具佛功德故得外儀儼若肅然可

敬

知衆生根如應化伏

三知衆生下意業記心輪根義總明文舍

性欲言如應者根有生熟化不失時器有

大小授法無謬化謂教化即應攝受者而

攝受之伏謂調伏即應折伏者而折伏之

由此具行入正法故即應攝受下即勝雙經文由此具行入正

法故者即取意結之彼云折伏攝受今正法久住多分折伏剛強攝受柔弱

入法界藏智無差別

第三入法界藏下證理位極亦三句一證

理法謂以大智證入平等真法界藏依佛

性論說有五藏一如來藏謂在纏含果法

故二自性清淨藏謂在纏不染三法身藏

謂果位為功德所依四出世間上上藏謂

出纏超過二乘菩薩五法界藏謂通因果

外持一切染淨有為故名法界內含一切

四三

十七

恒沙性德故復名藏此義寬通故今證入

依佛性論者即第二卷辨相分第四自體

有二種一者別相二者通相別相有三何

者為一者如意功德性者謂如來藏有

其五種何等為五一如來藏自性是其藏

故說一切諸法不出如來藏自性無我為相故

是其藏義以一切聖人四念處等正法皆

取此性作境未生得生已生得滿是故說

名為正法藏三者法身藏至得是此藏義

此一切聖人信樂正性信樂願聞由此信

樂心故今諸聖人得於四德乃過恒沙數

等一切如來功德故說此性名法身藏四

者出世藏實是藏義世有三失一者對

治可滅盡故名世為此法則無對治故名

出世二不淨住故名世由虛妄心果報

念念生滅不住故此法不爾故名出世三

由有倒見故心在世間則恒倒見如人在

三界心中決不得見苦法忍等以其虛妄

故名世此法能出世間故名真實為出

世藏五者自性清淨藏以秘密是其藏義

若一切法隨順此性則名為內是正非邪

則為清淨若諸法違逆此理則名為外是

邪非正名為染濁故言自性清淨藏故勝

鬘經云世尊佛性是如來藏是正法藏

是法身藏是出世藏是如來清淨藏由說

此五藏義故如意功德得顯現為顯此義

故說如意寶喻譬如有人以宿業故感得如意寶珠得此珠已能隨其意有所樂事自然得成佛性亦爾由事善知識修諸福慧感得此性使隨修行者意各各自得三乘之果故如意功德是其別相釋曰然疏引五藏即賢首疏其第五藏即論第二正法藏是名則小異大旨則同取其最後順經法界義故當第五復名法界藏耳然論正法藏云因是其義今疏云通因果者謂能與因果諸位功德為因故論云一切聖

人四念處等而為因故言智無差別者所證之藏平等要無分別方契此則智自無差

所證之藏下釋智無差別於中分二先正釋然有三釋連

成一義第一智自無差如以圓蓋稱於圓函今但論蓋圓耳謂所證平等故須無差別智方證於理若差別智即不能證即由上義能所不殊又此能證智與所證藏

冥合一味無有境智之異故云無差此復

有二一同無相故下經云無有少法為智

所入亦無少智而入於法二同法界故則

能所各互攝盡故下云無有智外如為智

所入智攝智如盡故亦無如外智能證於

四三

十八

如如全攝智故即由上義下第二意能所不殊無差如魚符相合又

此下明一味無差如水乳此復有二者前即真空一味後即妙有一味前即無相

後即若皆一味豈令智同於境而無智耶法性

古德釋云智相盡故不有能令智相盡故

不無不爾豈今諸相皆盡而智獨存智相盡故

不有則同如一味能令智相盡故不無則智有功能反照智空不取於智斯為真智

故不無智不爾下反釋是故於境則不礙反成不有一味之義

真而恒俗於智則不礙寂而恒照即境智

非一境則不礙俗而恒真智則不廢照而

恒寂即境智非異境則空有無二智則寂

照雙融故云無差別也是故下結成於中先以寂照對真俗

二境辨非一異後境上來所釋約真理寂

寥與止寂相順俗諦流動與觀照相順起

信等中且為此釋上來所釋下二申今意三初成昔解明有文據

出於起信為出論意則今昔解未盡其源謂前結成之中於境不礙真而恒俗智則

不礙寂而恒照雖明不礙若別對者意以  
 心寂對於境真對於俗以  
 唯照對俗唯寂對真則雖融空有二境  
 寂照二心終不得言境則不礙俗而恒真  
 心則不礙照而恒寂則心境非異明知本  
 意相對別也故疏取其意示論意云真理  
 寂寥與止寂相順俗諦流動與觀照相順  
 言起信等者出其所據也等取喻如及別  
 經論言起信中者即彼修行信心分中云  
 云何修行止觀門所言者謂一切境  
 界相隨順奢摩他觀義故所言觀者謂分  
 別因緣生滅相隨順毗鉢舍那觀義故云  
 何隨順以此二義漸修習不相捨離雙  
 現前故若不依形色不依於空不依地水火  
 依氣息不依見聞覺知一切諸想隨念不  
 風乃至不依一切法本無諸想隨念不以  
 除亦遣除想以一切法本無諸想隨念不  
 生念心不滅亦不得隨心外念境界後以  
 心除心若不馳散即當攝來住於正念是  
 正念者當知唯心無外境界即復此心亦  
 無自相念不可得若從座去來進止  
 有所施作於一切時常念方便隨順觀察  
 久習淨熟其心得住於上皆論文止中  
 隨順得入真如三昧釋曰常念方便及分  
 則知無相不生不滅觀中常念方便及分  
 別因緣生滅明是止順於理觀於事又  
 論下文云復次若人唯修於止則心沈沒  
 或起懈怠不樂善遠離大慈是故修觀  
 修習觀者當觀一切世間有為之法無得

久停須臾變壞一切心行念念生滅以是  
 故苦等釋曰上亦多就事明觀又下論云  
 唯除坐時專念於止若餘一切悉當觀察  
 應作不應作止觀俱行所謂雖念諸法自  
 性不生而復即念因緣和合善惡之業苦  
 樂等報不失不可得釋曰此之雙行亦明念  
 亦即念性不可得釋曰此之雙行亦明念  
 自性不生是止念因緣和合是觀故既出  
 論意真理寂寥與止寂相順俗諦流動與  
 觀照相順而上云等取喻如七十七中亦  
 龍禪定有於三品一奢摩他品二毗鉢舍  
 那品三雙運品大旨與起信多同故致等  
 言未盡其源以令照真不得名照照俗之  
 時不得即寂故雖未盡其源下次辯順違文  
 相便將寂照敵對真俗故是有乖以今照  
 真下出其有乖所以由以寂對真故單照  
 真時無照以照對俗故單觀俗時無寂故  
 統收經論中意或以理觀對於事止謂契  
 理止妄是也或以事觀對於寂寂謂無念  
 知境是也或事觀對於寂寂謂觀於一境  
 心不動搖是也或理觀對於寂寂謂忘心照  
 極是也畧舉其四廣如賢首品此由約單  
 觀若約雙融事理如下疏文若依古釋則  
 全無事止亦無理觀云何更得三觀一心  
 三止齊運若云約真則境智無二約俗則  
 境智非一斯則有約真而結云境則空有  
 無二智則寂照雙融明其結云境則空有  
 照事之觀與理之寂耳請細詳之今正釋

者謂言用則同而異由境不能照智有照  
故言寂則異而同境智無異味故同故無  
心於彼此志心契合故異故不失於照功

智異木石故故名真智證理境則唯寂智

則寂而常照今正釋者下三申正義有四初約證理以釋境智非一異

義即肇公說若無知論中之意而使以疏  
問而釋之彼論先有難云聖智之無惑智  
之無俱無生滅何以異之邪答曰聖智之  
無者無知惑智之無者無其無雖同所  
以無者異也何者夫聖心虛寂無知可無  
可曰無知非謂知無惑智有知故有知可  
無可謂知無非曰無知也無知即般若之  
無也知無則真諦之無也是以般若之與  
真諦言用則同而異言寂則異而同同故  
無心於彼此異故不失於照功是以辯同  
者同於異辯異者異於同斯則不可得而  
異不可得而同也何者內有獨鑒之明外  
有萬法之實萬法雖實然非照不得內外  
相與以成其照功此則聖所不能同用也  
內雖照而無知外雖實而無相內外寂然  
相與俱無此則聖所不能異寂也是以經  
云諸法不異者豈曰續竟哉鶴夷岳盈輕  
然後無異哉誠以不異於異故雖異而不  
異耳故經云甚奇世尊於無異法中而說  
諸法異又云般若與諸法亦不一相亦不

異相信矣釋曰但觀上來所引論文則疏  
之中自分主客但觀疏文中間釋論則論  
旨趣居若約照俗則以後得智照差別之  
境

若約融真俗者境則真俗不二智則權實

雙行亦為一味而不失止以雖雙行而即

寂故若約融真俗者下三約雙融所以辯此者自有二意一者古德自科入法

界藏云一證理法故於止義唯就理明今  
此別明事理無礙二者即所證理是即事  
之理不遮雙融但上雙融唯取權智對於  
真止故為非耳故今不要以止對真而智  
自有權實雙融對真俗雙融以與昔別況  
云而不失止則二智之上自有二止權智  
之上自有隨緣止實智之上自有體真止二止  
亦融對上二智即止觀雙融若融智境方  
為味若約三觀及融境智至下當辯三觀若約  
下四約三觀說謂空觀假觀中道觀在心  
則空假中一心對境無諦有諦中道第一  
義諦三諦之境三觀自有三止空觀有體  
真止假觀有隨緣止中道觀有離二邊分  
別止三止三觀六法一詩以契一諦三諦  
之境境智一味則有九法皆成一味更有  
異門等並  
如下說





因時時俗有險易而剛古雅以適今時一  
 不易也愚智天隔聖人巨階乃欲以千載  
 之上微言傳合百王之末俗二不易也  
 阿難出經去佛未久尊者大迦葉今五百  
 六通迭察迭書今雖千年而以近意裁量  
 彼阿羅漢乃疏統若此此生死人而平  
 若此豈將不知法者勇乎斯三不易也涉  
 茲五失本遠三不易譯梵為秦詎可不慎  
 乎今用此意故云誠乃不易荀文小左右  
 下示譯方執先二句總今取意即什公意  
 教公摩訶般若波羅蜜經序云執筆之次  
 三惟七師五失三不易之誨揚焉若屬憂  
 懼盈懷難復履薄臨深未足喻也幸冀宗  
 匠通鑿文雖左右而旨不違中遂謹受案  
 譯敢當此任故會意釋經姚秦羅什為最  
 若敢對翻譯大磨三藏稱能若理不可通  
 下別示方執如下萬字非字虛空無形引  
 梵以正新引得夫譯人意近則會之以晉  
 經者如今經云以是發心當得佛故引晉  
 經云以是發心即是佛故譯人意謂即佛  
 恐溢果佛故云當得若爾上云初發心時  
 便成正覺何異即佛況下復云即得如來  
 一身無量身等豈唯當成為是是知即佛  
 約圓融門當成但是行布之意今以行布  
 釋於圓融故言意近須引晉經以成正理  
 又如出現品菩提章云於一切義無所觀  
 察但得寂義故引晉經解一切義則止觀  
 具矣如是等文其類多矣許可引斥今此  
 文中廣引梵本言言恒與智俱者明智窮  
 異意同故成繁長

來際文含二義一望前謂雖在因中一地  
 而願力持一切地功德皆與智俱盡未來  
 際不離一地如一地餘地亦爾是故因門  
 盡於未來但是一一諸位菩薩不見作佛  
 時二望後以盡未來之大智入如來之果  
 海也雖有二義順前義勝 初自分因行  
 德竟  
 了達諸佛希有廣大祕密之境  
 第二了達下明勝進果行分二一得果法  
 二起果用今初有四句一入佛密境此有  
 二意一佛即密境以三業業具非餘測故  
 謂非色現色摩尼不能喻其多非量現量  
 應持不能窮其頂不分而遍一多不足異  
 其體全法為身一毛不可窮其際此身祕  
 密也佛言聲也非近非遠目連尋之無際

身子對而不聞非自非他若天鼓之無從  
猶谷響而緣發無邊法海卷之在一言無  
內圓音展之該萬類是謂佛口密也意則  
無私成事等覺尚不能知密之至也皆廣  
大無涯超絕竒特故云希有二佛之密境

謂即一乘如來如見禪定解脫深入無際  
帝網之境時乃說之故云希有久默斯要  
甚為祕密又權實隱顯唯佛方知故云祕  
密今洞見其源故云了達

善知一切佛平等法

二善知下入佛平等亦有二意一佛佛平  
等謂一切諸佛體性平等法身無二故智  
慧平等德無增減故內用平等悲願普應  
故二者佛所證法平等即第一義此二無  
二稱此而了故名善知

已踐如來普光明地

三已踐下明得佛位謂佛有十地如大乘  
同性經說一甚深難知廣明智德地乃至  
第十名毘盧遮那智海藏地此十同是佛  
地約德用成別今普光明當其第一普即

廣義光明即明甚深難知此文雖略義在

普中舉初攝後理實皆踐又普光明亦十

地之總總不出於普法智光故

如大乘等者經云一

甚深難知廣明地二清淨身分威嚴不思  
讚明德地三善明月幢寶相海藏地四精  
妙金光功德神通智德地五大輪威藏明  
德地六虛空內清淨無垢發光開相地七  
廣勝法界藏明界地八最勝普覺智藏能  
淨無垢遍無礙智通地九無邊德莊嚴回  
向照明地十毗盧遮那智海藏地釋曰此  
上十地同是佛地約用成別廣有其相  
如彼

入於無量三昧海門

四入於下證佛三昧謂海印等定皆深廣

如海並通一實故得稱門

於一切處皆隨現身世法所行悉同其事總持廣大集眾法海辯才善巧轉不退輪

第二於一切下明起果用文有三業一現

佛身業遍世同事二同佛意業總持大法

三得佛語業能轉法輪不退有四一稱理

不退無改說故二應機不退無虛發故三

利益不退聞已必定故四制伏不退天魔

外道不能動故復有四種不退謂信位證

念今當第四念不退也不退有四等者此有兩種四不退義

前義即十地論一向約利他大用而說後四不退如常所辨信謂十信已滿十千劫故亦是第六不退心也位即十住第七不退住不退墮聲聞辟支佛地故名位不退證謂初地已證真如已得不退念即八地已上念念入法流心心趣寂滅故得不退

第二勝進果行德已竟

一切如來功德大海咸入其身一切諸佛所

在國土皆隨願往已曾供養一切諸佛無邊際劫歡喜無倦一切如來得菩提處常在其  
中親近不捨恒以所得普賢願海令一切眾  
生智身具足

第三一切如來下二行無礙德謂引攝佛

德不礙修因故文有五句一引攝佛德然

有二義一則行成攝果二則諸佛同加二

一切下隨佛遍生不揀淨穢也三已曾下

供佛集福十方無邊三世無際此一切佛

皆供養故歡慶有遇不住福相故長時無

厭四一切下長為輔翼義通真應五恒以

下悲願調生不以偏小利物唯以同體普

願攝物令證菩提方顯智體圓足

成就如是無量功德

第二成就下總結多門無得而稱也菩薩

之德焉言不可周宜以類取故云如是無  
 量無德而稱等者此借論語泰伯篇言子  
 曰泰伯其可謂至德也已矣三以天下  
 讓民無德而稱焉意云德既至深故不能  
 稱數也謂泰伯即武王伯祖文王之伯弟  
 名季歷即文王之父合當泰伯長子承嫡  
 知弟季歷必生聖子讓而不受託採藥於  
 吳故為至德

大方廣佛華嚴經疏鈔會本第一之三

音釋

溝洫溝居候切洫勿概切 胃直又切 遽大計  
 易轍直列切 迭徒結切 叡俞蒨切 齋音齊壯  
 也車轍也 更也 馮朱欽切 醫查計  
 汎濫汎字楚切浮也 矚視也 惕他歷  
 疾撓奴巧切 掉徒了切 刈倪制切 惕他歷  
 也撓亂也 掉挫動也 刈割也 惕切音  
 也別憂 嫡長曰嫡

田三

二十六

大方廣佛華嚴經疏鈔會本第一之四 因四

唐于闐國三藏沙門實叉難陀 譯

唐清涼山大華嚴寺沙門澄觀撰述

第一異生眾中總三十九眾相從為三第

一雜類諸神眾第二阿修羅下八部四王

眾第三三十三天下欲色諸天眾

復有佛世界微塵數執金剛神

今初有十九眾通名神者靈祇不測故文

皆三段第一標數辯類第二列名結數第

三攝德圓滿今第一金剛神眾初辯類中

以執持此杵守護佛故然一一類皆通有

所表如地表心地海表德海等觀其歎德

則知通意今此表般若堅利導於眾行到

彼岸故

所謂妙色那羅延執金剛神

二所謂下列名結數然諸眾立名皆隨所

得法門為物立稱一那羅延者此云堅固

由見佛妙色皆不可壞故受此名那羅延者取下

得法以釋此名下經云妙色那羅延執金

剛神得見如來示現無邊色相身解脫門

日輪速疾幢執金剛神

二見佛身毛猶如日輪現種種光速摧障

惱故名曰幢見佛者下經云日輪速疾幢

執金剛神得佛身一一毛孔

如日輪現種種光明雲解脫門偈云佛身

須彌華光執金剛神

三見佛身光映蔽一切猶如須彌顯于大

海神通等法如華開敷故

清淨雲音執金剛神

四圓音隨類如雷震故

諸根美妙執金剛神

五現為世主以美妙根令物悟故

可愛樂光明執金剛神

六智光演法令愛樂故

大樹雷音執金剛神

七寶飾妙相如華嚴樹方便警物如雷震

音

師子王光明執金剛神

八福深相妙炳著光明如師子王處眾無

畏

密嚴勝目執金剛神

九慈眼視物為吉祥目神通之焰密現物

前故

蓮華光摩尼髻執金剛神

十雨此嚴具及光明故

如是等而為上首有佛世界微塵數

如是等結數下諸眾皆類此知至得法處

名當自顯恐厭繁文下略不釋

皆於往昔無量劫中恒發大願願常親近供

養諸佛隨願所行已得圓滿到於彼岸

第三皆於下攝德圓滿十句分二初二句

總彰願行由昔願力得預法會常為親侍

由今行滿故能遍侍

積集無邊清淨福業於諸三昧所行之境悉

已明達獲神通力隨如來住入不思議解脫

境界處於眾會威光特達隨諸眾生所應現

身而示調伏一切諸佛化形所在皆隨化往

一切如來所住之處常勤守護

後積集下別顯滿相一福積淨業二智達

定境事定之境隨事百千理定之境即真

如實相不思議定則以無礙而爲其境今皆智照故云明達三通隨佛住四入用難思五處衆超絕六應物調生七隨佛化形八護佛住處文並可知

復有佛世界微塵數身衆神

第二身衆神文三同前初辯類有二義一身謂神之自身衆即同生同名及所隨者凡有其一必更有二共有其三三故名衆能所合目名身衆神二約所主謂此類神專以變化多身爲佛事故衆即同生同名者謂左右有童子

所謂華髻莊嚴身衆神光照十方身衆神海音調伏身衆神淨華嚴髻身衆神無量威儀身衆神最上光嚴身衆神淨光香雲身衆神守護攝持身衆神普現攝取身衆神不動光

明身衆神如是等而爲上首有佛世界微塵數皆於往昔成就大願供養承事一切諸佛所謂下二名三德文並可知

復有佛世界微塵數足行神

第三足行神亦有二義一謂依止足行衆生及守護故如下善見比丘足行之神持華承足故下德中戀仰如來二足所行處即道路神通表修行履佛所行故

所謂寶印手足行神蓮華光足行神清淨華髻足行神攝諸善見足行神妙寶星幢足行神樂吐妙音足行神栴檀樹光足行神蓮華光明足行神微妙光明足行神積集妙華足行神如是等而爲上首有佛世界微塵數皆於過去無量劫中親近如來隨逐不捨復有佛世界微塵數道場神



第四道場神從所依所守得名下諸神衆類皆同此言道場者非唯護佛道場但有莊嚴道場之處即於中護故下德中願供養佛表護萬行道場及修行者故

所謂淨莊嚴幢道場神須彌寶光道場神雷音幢相道場神雨華妙眼道場神華纓光髻道場神雨寶莊嚴道場神勇猛香眼道場神金剛彩雲道場神蓮華光明道場神妙光照耀道場神如是等而爲上首有佛世界微塵數皆於過去值無量佛成就願力廣興供復有佛世界微塵數主城神

第五主城神表行德防禦法城心城故如摩耶處說

所謂寶峯光耀主城神妙嚴宮殿主城神清淨喜寶主城神離憂清淨主城神華燈燄眼

四

五

主城神燄幢明現主城神盛福光明主城神清淨光明主城神香髻莊嚴主城神妙寶光明主城神如是等而爲上首有佛世界微塵數皆於無量不思議劫嚴淨如來所居宮殿德中以已德行嚴佛宮殿者一佛殿爲所

守之最瑩飾爲尊佛故二主伴善根互融攝故三瑩飾自心佛安處故

復有佛世界微塵數主地神

第六主地神表深重願荷負行德故亦表心地爲依持故

所謂普德淨華主地神堅福莊嚴主地神妙華嚴樹主地神普散衆寶主地神淨目觀時主地神妙色勝眼主地神香毛發光主地神悅意音聲主地神妙華旋髻主地神金剛嚴體主地神如是等而爲上首有佛世界微塵

數皆於往昔發深重願願常親近諸佛如來  
同修福業

復有無量主山神

第七主山神通表萬德高勝性皆閑寂別  
表智德最高故德中云得清淨眼名中多

有尤稱

所謂寶峯開華主山神華林妙髻主山神高  
幢普照主山神離塵淨髻主山神光照十方  
主山神大力光明主山神威光普勝主山神  
微密光輪主山神普眼現見主山神金剛密  
眼主山神如是等而爲上首其數無量皆於  
諸法得清淨眼  
復有不可思議數主林神

第八主林神表以無漏智導於衆行森聳  
建立故德中云皆有可愛光明

所謂布華如雲主林神擢幹舒光主林神生  
芽發曜主林神吉祥淨葉主林神垂布皎藏  
主林神清淨光明主林神可意雷音主林神  
光香普徧主林神妙光迥曜主林神華果光  
味主林神如是等而爲上首不思議數皆有  
無量可愛光明

復有無量主藥神

第九主藥神表行德伏惑資益法身若約  
利他則三業不空如藥樹王故下德中性  
皆離垢即伏惑去病也仁慈祐物即進善  
補益也名中總名主藥藥旣不同神神各  
別吉祥者主香茅之類也清淨光明謂乳  
石之流名稱普聞如藥樹王雪山忍草等  
明見十方謂眼藥等約法準之  
所謂吉祥主藥神梅檀林主藥神清淨光明

主藥神名稱普聞主藥神毛孔光明主藥神  
普治清淨主藥神大發吼聲主藥神蔽日光  
幢主藥神明見十方主藥神益氣明目主藥  
神如是等而為上首其數無量性皆離垢仁  
慈祐物

復有無量主稼神

圖四

七

第十主稼神稼者樹五穀也表萬行法味  
資益自他他益稱心故德中大喜成就

所謂柔輭勝味主稼神時華淨光主稼神色  
力勇健主稼神增長精氣主稼神普生根果  
主稼神妙嚴環髻主稼神潤澤淨華主稼神  
成就妙香主稼神見者受樂主稼神離垢淨  
光主稼神如是等而為上首其數無量莫不  
皆得大喜成就  
復有無量主河神

十一主河神即河伯之流也表法河流注  
潤益群品又於生死瀑流拯彼漂溺江河  
淮濟清濁俱河故生死法流此神皆主  
一主河神即河伯之流者外典說為河伯  
故莊子秋水篇云秋水時至百川灌河涇  
流之大雨涘渚涯之間不辨牛馬言其廣  
也於是焉河伯欣然自喜以天下之美為  
盡在已順流而東行至於北海東面而視  
不見水端於是焉河伯始旋其面目望洋  
向若而歎曰野語有之曰聞道百謂萬分  
之一以為莫己若者我之謂也釋曰若即  
海若海神名也如下引之皆此章具今但  
取名河伯亦名馮夷故洛神賦云馮夷鳴  
鼓女媧  
清歌

所謂普發迅流主河神普潔泉澗主河神離

塵淨眼主河神十方徧吼主河神救護眾生  
主河神無熱淨光主河神普生歡喜主河神  
廣德勝幢主河神光照普世主河神海德光  
明主河神如是等而為上首有無量數皆勤  
作意利益眾生

德中勤益生者謂遇洪流則平波息浪逢  
汴沫則微風輕動水性之屬深止而住居  
陸行之流富生而應采導百川而去害灌  
萬頃而開利為勤作意利益衆生約所表  
法隨意消息

復有無量主海神

十二主海神即海若之輩表具含萬德一  
一深廣也

所謂出現寶光主海神成金剛幢主海神遠  
離塵垢主海神普水官殿主海神吉祥寶月  
主海神妙華龍髻主海神普持光味主海神  
寶燄華光主海神金剛妙髻主海神海潮雷  
音主海神如是等而為上首其數無量悉以  
如來功德大海充滿其身

名中三名遠離塵垢者瑜伽八十六云現

斷煩惱離故遠塵彼隨眠離繫故離垢今  
約近事塵謂塵境垢即煩惱六根對境了  
彼性空故曰遠塵衆惑不行誠為離垢心  
境相藉離垢由於遠塵

復有無量主水神

十三主水神者通上河海等水及雨露霜  
雪等也表法水含潤等多義理故

所謂普興雲幢主水神海潮雲音主水神妙  
色輪髻主水神善巧漩復主水神離垢香積  
主水神福橋光音主水神知足自在主水神  
淨喜善音主水神普現威光主水神乳音徧  
海主水神如是等而為上首其數無量常勤  
救護一切衆生而為利益

德中拯溺為救濟危為護謂已溺邪見貪  
受水者救之將沉者護之而為利益即雲

雨等潤發生萬物也法合可知

復有無數主火神

十四主火神即宋無忌之流也以顯智慧

火燒煩惱薪成熟善品破無明闇耳

所謂普光燄藏主火神普集光幢主火神大

光普照主火神衆妙宮殿主火神無盡光髻

主火神種種燄眼主火神十方宮殿如須彌

山主火神威光自在主火神光明破闇主火

神雷音電光主火神如是等而爲上首不可

稱數皆能示現種種光明令諸衆生熱惱除

滅

德中夫火有二能一能爲益二能爲損今

用益止損表法亦爾示慧光以去闇用益

也除惑若之熱惱止損也

復有無量主風神

十五主風神通表方便無住無所不摧別

表如下

所謂無礙光明主風神普現勇業主風神飄

擊雲幢主風神淨光莊嚴主風神力能竭水

主風神大聲徧吼主風神樹杪垂髻主風神

所行無礙主風神種種宮殿主風神大光普

照主風神如是等而爲上首其數無量皆勤

散滅我慢之心

復有無量主空神

十六主空神表法性空別即離染周徧等

亦各如名辯

所謂淨光普照主空神普游深廣主空神生

吉祥風主空神離障安住主空神廣步妙髻

主空神無礙光燄主空神無礙勝力主空神

離垢光明主空神深遠妙音主空神光徧十

方主空神如是等而為上首其數無量心皆離垢廣大明潔

德中若情塵亂起翳本性空智日高昇則情雲自卷空有日而廓爾無際智合理而杳然無涯故云爾耳

復有無量主方神

十七主方神即東方青帝等類也表顯邪

正方隅使行無迷倒即東方者此主五方有五帝東方甲乙木

其色青故東方為青帝南方丙丁火其色赤為赤帝西方庚辛金其色白為白帝北方壬癸水其色黑為黑帝中央戊己土其色黃為黃帝若十二神即一方有三故故

成十二大集經說十二獸皆是

大菩薩示迹為之如彼經說

所謂徧住一切主方神普現光明主方神光行莊嚴主方神周行不礙主方神永斷迷惑主方神普遊淨空主方神大雲幢音主方神髻目無亂主方神普觀世業主方神周徧遊

四

十一

覽主方神如是等而為上首其數無量能以方便普放光明恒照十方相續不絕

德中身智放光無不引攝名普放也無時不放所以稱恒如日周天故相續不絕

復有無量主夜神

十八主夜神表於無明黑闇生死長夜導

以慧明令知正路

所謂普德淨光主夜神喜眼觀世主夜神護

世精氣主夜神寂靜海音主夜神普現吉祥

主夜神普發樹華主夜神平等護育主夜神

遊戲快樂主夜神諸根常喜主夜神出生淨

福主夜神如是等而為上首其數無量皆勤

修習以法為樂

德中夜分亡寢是日勤修翻彼長迷故以

法為樂

復有無量主晝神

十九主晝神於晝攝化顯行德恒明也

所謂示現宮殿主晝神發起慧香主晝神樂勝莊嚴主晝神香華妙光主晝神普集妙藥主晝神樂作喜目主晝神普現諸方主晝神大悲光明主晝神善根光照主晝神妙華瓔珞主晝神如是等而為上首其數無量皆於妙法能生信解恒共精勤嚴飾宮殿

德中先修正解後勤正行有信無解增長無明有解無信還生邪見信因解淨解藉信深晝之義也上來多主器界故但名神準梵本除金剛神餘皆女神表慈育故菩薩同於彼類以攝衆生自下攝領有情皆受王稱並是丈夫復有無量阿脩羅王

第二八部四王衆文有八段前四雜類後

四能統是天王所統是八部今初阿修羅亦云阿素落梵音楚夏耳婆沙譯為非天佛地論云天趣所攝以多行諂媚無天實行故曰非天依阿毗曇亦鬼趣攝諂曲覆故正法念經鬼畜二攝以羅睺阿修羅是師子子故伽陀經天鬼畜攝具上說故由此或開六趣或合為五多好鬪諍懷勝負故或居衆相山中或居海下如正法念說然有大力者廣修福故今之修福有懷勝負諂媚心者多生其中依阿毗曇亦鬼趣攝者若依雜心第八修多羅品亦畜生趣攝有言阿修羅與天同趣是故說言汝先是天問若然何不見天帝耶答語曲所覆故有說是大力餓鬼天趣不攝故問若爾釋天云何與相習近耶答天貪色故勝負多故

所謂羅睺阿修羅王毗摩質多羅阿修羅王

巧幻術阿脩羅王大眷屬阿脩羅王大加阿脩羅王徧照阿脩羅王堅固行妙莊嚴阿脩羅王廣大因慧阿脩羅王出現勝德阿脩羅王妙好音聲阿脩羅王如是等而為上首其數無量

四四

十三

羅睺此云攝惱以能將手隱攝日月令天

惱故二毗摩此云絲也質多羅種種也謂

此王能以一絲幻作種種事故

悉已精勤摧伏我慢及諸煩惱

德中實者因果俱慢故權應偏摧非不斷

餘故云及也

復有不可思議數迦樓羅王

二迦樓羅昔云金翅正云妙翅以翅有種

種寶色莊嚴故此就狀翻若敵對翻此云

大喙項以常著龍於喙中故此鳥能食龍

魚七寶然鳥及龍各具四生謂卵胎濕化後後勝前前劣不能食勝謂卵生鳥不能食胎等勝能敵劣化食四生如增一辯以化食化暫得充虛亦表菩薩攝生故離世間品云菩薩迦樓羅如意為堅足乃至搏

撮人天龍安置涅槃岸

化食四生者化最勝故濕生鳥食濕

胎卵三生龍胎生鳥食胎卵二生龍卵生鳥唯食卵生龍然劣不能食勝若有食者其鳥即死而可食者日食一龍王五百小龍繞四天下周而復始次第取食其鳥命將盡時至海取龍為龍吐毒復不能食飢火所燒從翅入海直下至風輪際為風所吹還復却上如是七返無處停足遂至金剛山頂命終以會龍故其身毒氣發火自燒難陀龍王恐燒寶山降雨滅火滴如車軸其身肉消散唯有心在大如人階紺瑠璃色輪王得之用為珠寶帝釋得之為髻中珠亦表菩薩下約表以釋引文云乃至者彼經具云菩薩迦樓羅如意為堅足方便勇猛翅慈悲明淨眼住一切智樹觀三龍安置涅槃岸天人

所謂大速疾力迦樓羅王



大速疾力者增一中說此鳥食龍從金剛  
山頂鐵杈樹下入海取龍水未合間還至  
本樹是為速疾

無能壞寶髻迦樓羅王清淨速疾迦樓羅王  
心不退轉迦樓羅王大海處攝持力迦樓羅

王

十四

十四

大海處攝持力者即是攝彼命將盡者食  
之而龍受三歸及袈裟一縷在身則不可  
取菩薩亦爾如前引離世間品說又出現  
云取善根熟眾生置佛法中此為命盡若

心有邪歸斷見所覆則不可取

而龍受三歸者菩薩

處胎經佛自說昔為金翅鳥七寶官殿等  
時入大海求龍為食時彼海中有化生龍  
龍子八日十四日十五日受如來齋八禁  
戒法時鳥銜龍出海金翅鳥法若食龍時  
先從尾吞求尾不得已經日夜明日龍出  
尾示金翅鳥云化生龍者我身是也我若  
不持八關齋法者汝可食我我奉齋戒汝  
屈滅我金翅聞已悔過自責云佛之威神

甚深難量請龍入宮龍即遊入乃請龍受  
八戒一縷在身即觀佛三昧海經又出現  
下即彼如來行中金翅闍海喻如來無  
礙行經云佛子譬如金翅鳥王飛行虛空  
回翔不去以清淨眼觀察海內諸龍宮殿  
奮勇猛力以左右翅鼓揚海水悉令兩闍  
知龍男女命將盡者而搏取之如來應正  
等覺金翅鳥王亦復如是住無礙行以淨  
佛眼觀察法界諸宮殿中一切眾生若種  
善根已成熟者如來奮勇猛十力以止觀

兩翅鼓揚生死大愛海水使其兩闍而撮  
取之置佛法中令斷一切妄想戲論安住  
如來無分別無礙行釋曰觀前經文自  
知廣略下釋救攝引出現品亦是此文

堅固淨光迦樓羅王巧嚴冠髻迦樓羅王普  
捷示現迦樓羅王普觀海迦樓羅王

普觀海者即周四天下求命盡龍

十四

十五

普音廣目迦樓羅王如是等而為上首不思  
議數悉已成就大方便力普能救攝一切眾  
生

德中大方便力即雖了眾生空而能入有  
是十力止觀也普能救攝即鼓生死大愛

海水取善根熟者如出現品說

復有無量緊那羅王

三緊那羅者此云疑神謂頂有一角形乃似人面極端正見者生疑為是人耶為非人耶為此立稱依雜心論畜生道攝亦云

歌神以能歌詠是天帝執法樂神即四王

眷屬表菩薩示眾生形而非眾生常以法

樂娛眾生故 亦云歌神即唐三藏譯

所謂善慧光明天緊那羅王妙華幢緊那羅

王種種莊嚴緊那羅王悅意吼聲緊那羅王

寶樹光明緊那羅王見者欣樂緊那羅王最

勝光莊嚴緊那羅王微妙華幢緊那羅王動

地力緊那羅王攝伏惡眾緊那羅王如是等

而為上首其數無量皆勤精進觀一切法心

恒快樂自在遊戲

德中要勤觀察則得法樂怡神自他兼樂為自在遊戲

大方廣佛華嚴經疏鈔會本第一之四

音釋

杵 歌呂切 擢 直角切 迫 迫戶切 曜 笑切 寥 寥遠也

聳 前勇切 榦 居案切 與 與幹同 木 木旁 沁 同治 爽

也 輓乳究切 漩 漩音旋 澗 澗音伏 瀑 蒲報切 疾

雨 蘇故切 逆 逆音命 切 關 競 丁侯切 唳 蘇故

也 汧流而上也 泳 為命切 關 競也 唳 蘇故

切 鳥樹杪 杪 木末也 搏 搏怡各切 掇 掇怡各切 極

音 杖初加切 木 阿修羅 羅 梵語也 亦 云阿素

非 迦樓羅 梵 梵語也 亦 云揭路 緊 那羅 也 梵語

云 緊捺洛此云疑神又 腔 部禮切 也

云 人非人緊居忌切 腔 部禮切 也

大方廣佛華嚴經疏鈔會本第一之五 困五

唐于闐國三藏沙門實義難陀 譯

唐清涼山大華嚴寺沙門澄觀撰述

復有無量摩睺羅伽王

四摩睺羅伽者此云大腹行即蟒之類亦

表菩薩遍行一切而無行也

所謂善慧摩睺羅伽王清淨威音摩睺羅伽

王勝慧莊嚴摩睺羅伽王妙目主摩睺羅

伽王如燈幢為眾所歸摩睺羅伽王最勝光

明幢摩睺羅伽王師子臆摩睺羅伽王眾妙

莊嚴音摩睺羅伽王須彌堅固摩睺羅伽王

可愛樂光明摩睺羅伽王如是等而為上首

其數無量皆勤修習廣大方便令諸眾生未

割癡網

德中此類尊駭故令方便捨癡

復有無量夜叉王

五夜叉王初一是北方天王即毗沙門是

也若從能領是天眾攝今從所領為名然

四王各領二部從一立稱夜叉此云輕捷

飛空速疾故亦云苦活此天又領一部名

羅刹此云可畏

所謂毘沙門夜叉王自在音夜叉王嚴持器

仗夜叉王大智慧夜叉王斂眼主夜叉王金

剛眼夜叉王勇健臂夜叉王勇敢大軍夜叉

王富資財夜叉王力壞高山夜叉王如是等

而為上首其數無量

名中云毘沙門者此云多聞以福德之名

聞四方故此一是天夜叉之王餘九是夜

叉夜叉即王雖一是天又從所領況九皆

夜叉故非天眾下三例然如龍中娑竭羅

王豈是天耶

皆勤守護一切衆生

德中此類飛空噉人故菩薩示爲其王翻

加守護亦令愛見羅刹不害法身慧命亦

愛見者淫樂十一淨囊喻中羅刹乞淨囊合以愛見羅刹謂一切衆生或因貪愛煩

惱破戒如有人明信因果正見在懷但爲

或經遂破禁戒名愛羅刹二者以見不正

撥無因果起諸邪見斷常等見便破禁戒

謂破無罪名見羅刹但彼令破戒此害慧

命以之爲異

羅刹義同

復有無量諸大龍王

六龍王亦初一是天即西方天王

所謂毘樓博叉龍王娑竭羅龍王

毘樓博叉唐三藏譯云醜目毘樓醜也博

又目也日照三藏譯云毘遍也多也樓者

具云嚙波此云色也博吃又此云諸根也

謂眼等諸根有種種色故以爲名此不必

四五

二

醜此王主二部謂龍及富單那富單那者

此云熱病鬼也娑竭羅此云海也於大海

中此最尊故獨得其名

雲音妙幢龍王欲口海光龍王普高雲幢龍

王德又迦龍王

德又迦舊云多舌以嗜語故正云能害所

害德又者能害也迦者所害也謂若瞋噓

視人畜皆死

無邊步龍王清淨色龍王普運大聲龍王無

熱惱龍王

無熱惱者即阿耨達池之龍也諸龍有四

熱惱今皆離故四熱至下當釋智論云此

龍是七地菩薩須彌藏經云是馬形龍主

又一切龍總有五種形類一象形善住龍

王爲主二蛇形難陀龍王爲主三馬形阿

四五

三

那婆達多龍王為主四魚形婆樓那龍王

為主五蝦蟇形摩那斯龍王為主

兩卷此即下卷功德天自敘云我與世尊  
往昔於因陀羅幢相王佛所同時發誓願  
今願悉滿心慈滿足是故如來出現於世  
我今得住功德之處我今雖復住功德處  
猶未圓滿昔本誓願何以故此處多有象  
龍下即義引謂惡龍惱害眾生請佛除滅

佛告須彌藏龍仙菩薩云汝於往昔然燈  
佛所為化諸龍起大勇猛今四生龍有於  
惡毒氣毒見毒觸毒留毒貪瞋癡毒云何  
當命如法除滅彼善薩答我入其窟入深  
三昧彼當降伏廣說竟云我從阿僧祇劫  
勇猛精進故能教化一切眾生此諸龍王  
於大乘法精進修行謂此善住龍王為一  
切象形龍主此難陀龍王為一切地龍  
主此阿耨達龍王為一切魚形龍主此婆  
樓那龍王為一切魚形龍主此摩那蘇婆  
帝龍王為一切蝦蟇形龍主如是等諸大  
龍王能與眾生作諸衰惱自餘諸龍自力  
不堪作上衰患此五大龍安住大乘有大  
或德是大龍王各各佛前率諸眷屬不令  
起作如上灾禍於佛法僧三  
寶種性人住於世不令速滅

如是等而為上首其數無量莫不勤力興雲  
布雨令諸眾生熱惱消滅

德中外則雲行雨施散去炎毒內則慈雲

廣被法雨普霑散葉感之熱惱

德中雲行雨施者語  
出周易乾卦象曰大哉乾元萬物資始乃  
統天雲行雨施品物流形大明終始六位  
時成時乘六龍以御天乾道變化各正性  
命保合大和乃利貞首出庶物萬國咸亨  
釋曰乾為龍也六爻皆龍今釋  
於龍宜取乾德沉雲行雨施

復有無量鳩槃茶王

七鳩槃茶王

所謂增長鳩槃茶王龍主鳩槃茶王善莊嚴  
幢鳩槃茶王普鏡益行鳩槃茶王甚可怖畏  
鳩槃茶王美目端嚴鳩槃茶王高峯慧鳩槃  
茶王勇健臂鳩槃茶王無邊淨華眼鳩槃茶  
王廣大天面阿修羅眼鳩槃茶王如是等而  
為上首其數無量

初一是南方天王即毘樓勒又此云增長  
主謂能令自他善根增長故此王更領一

部謂薛荔多薛荔多者此云魔魅鬼餘如

音義餘如音義者前後不多引音義以鳩

樂茶此譯為陰囊其狀稍段故指在

音義耳德云冬

皆勤修學無礙法門放大光明

德中此類障礙深重故偏明無礙自學權

四五

實無礙法界智光以利眾生

復有無量乾闥婆王

八乾闥婆此云尋香謂諸樂兒不事生業

但尋諸家飲食香氣即注設樂求食自活

因此世人號諸樂人為乾闥婆彼能執樂

故以名焉亦云食香止十寶山間食諸香

秣即帝釋執樂神也帝釋須樂此王身有

相現

所謂持國乾闥婆王樹光乾闥婆王淨目乾

闥婆王華冠乾闥婆王普音乾闥婆王樂搖

四五

五

動妙目乾闥婆王妙音師子幢乾闥婆王普

放寶光明乾闥婆王金剛樹華幢乾闥婆王

樂普現莊嚴乾闥婆王如是等而為上首其

數無量

提頭賴吒即東方天王此云持國謂護持

國土安眾生成此從所領為名更領一部

名毘舍闍此云噉精氣謂噉有情及五穀

精氣故

皆於大法深生信解歡喜愛重勤修不倦

德中大法即大緣起法也信解故歡喜深

心故受重既歡既重故不替修行 二八

部四王眾竟

第三月天子下十二段明欲色諸天眾天

者自在義光明義清淨義智論云天有三

種一人天謂帝王二生天謂欲色等三淨

天謂佛菩薩第一義天今通後二然諸天  
 壽之長短身之大小衣服輕重宮殿勝劣  
 俱舍十一及瑜伽等論起世等經皆廣辯  
 之恐繁不叙然諸天壽者俱舍世界品云  
 人問五十年下天一晝夜乘  
 斯壽五百上五倍倍增色無晝夜殊劫數  
 等身量無色初二萬後後二二增言身量  
 者頌云欲天俱盧舍四分一增色天踰  
 踏那初四增半半此上增倍倍唯無雲滅  
 三釋曰俱盧舍為一踰踏那則四天王天身  
 以八俱盧舍為一踰踏那則四天王天身  
 長半里至第六天身長三里以半里半里  
 增故有引三法度經云切利天身長一由  
 旬衣二由旬廣一由旬者以彼誤譯里為  
 由旬不知彼失故妄引耳四天王天半里  
 切利天則一里餘可例知上云劫數等身  
 量者色界梵眾天身長半由旬則人壽半  
 劫餘可例知云初四增半半者二梵輔天  
 則一由旬三十大梵則一由旬半四少光則  
 二由旬此上諸天皆倍倍增唯無雲天減  
 三由旬所以減者略出一意唯無量光天  
 四由旬光音則八少淨十六無量淨三十  
 二遍淨六十四至無雲天合有一百二十  
 八減却三由旬有一百二十五此上七十  
 倍倍增之至色究竟天欲成一萬六千劫  
 故則身長一萬六千由旬又云少光上下  
 天大全半為劫謂少光已上大全為劫謂

八十中劫為一劫也自下諸天大半為劫  
 即四十中劫為一劫也言中劫者即一增  
 一減劫也言衣服輕重者四天王衣十二  
 銖切利六銖夜摩三銖兜率一銖半化樂  
 一銖他化半銖上皆減半也言宮殿等殊  
 者月天長阿舍云其城正方一千九百六  
 十里高下亦爾二分天金一分瑠璃王座  
 三十里遙看似圓而實正方日天同此但  
 量加半由旬三十三天中宮名善現周萬  
 踰踏那高一半金城雜飾其地柔軟中有  
 殊勝殿周千踰踏那此上諸天皆倍倍勝  
 可以意得今但略消名意故指廣在餘  
 復有無量月天子

文中先有七段明欲界天後有五段明色  
 界天前中即分為七今初月天子月者缺  
 也有虧缺故下面頗胝迦寶水精所成能  
 冷能照表菩薩得清涼慈照生死夜如云  
 菩薩清涼月等  
 所謂月天子華王髻光明天子眾妙淨光明  
 天子安樂世間心天子樹王眼光明天子示  
 現清淨光天子普遊不動光天子星宿王自

在天子淨覺月天子大威德光明天子如是等而為上首其數無量

名中初一是總雖標總稱即受別名下皆準比

皆勤顯發衆生心寶

德中顯發衆生心寶者水珠四五見月則流潤

發光淨心遇緣則慈流智發生了既發正因顯然生由性成則了非外入生與不生無二發乃發其本心故顯發雙辯

復有無量日天子

二日天子日者實也常充實故下面亦頗朕迦寶火精所成能熱能照表菩薩智照故又日以陽德月以陰靈一能破暗表根本破惑一能清涼表後得益物又依寶性論法日有四義一破暗如慧二照現如智

三輪淨如解脫四上三不相離如同法界

也又日以陽德月以陰靈即文選月賦中言

所謂日天子光燄眼天子須彌光可畏敬幢天子離垢寶莊嚴天子勇猛不退轉天子妙華纓光明天子最勝幢光明天子寶髻普光

明天子光明眼天子持勝德天子普光明天子如是等而為上首其數無量

名中可畏敬幢者為惡者畏其照明為善者敬其辦業以斯超出故以名幢皆勤修習利益衆生增其善根

德中居者辦業成就本行等利益也生長穀稼開敷覺華等為增長善根如出現品復有無量三十三天王

三三十三天者佛地論等皆云妙高山四面各有八大天王帝釋居中故有三十三



也下釋天名皆依佛地

所謂釋迦因陀羅天王普稱滿音天王慈目  
寶髻天王寶光幢名稱天王發生喜樂髻天  
王可愛樂正念天王須彌勝音天王成就念  
天王可愛樂淨華光天王智日眼天王自在  
光明能覺悟天王如是等而為上首其數無  
量

名中言釋迦等者釋迦能也因陀羅主也  
具足應云釋迦提桓因陀羅提桓天也即  
云能天主撫育勸善能為天主故更有異

釋如音義說更有異釋等者彼云釋迦正  
云釋迦羅此云帝也因陀羅  
此云主也古來釋同佛釋種族望之稱謬  
之深矣又楞伽大雲疏云大帝名有一百  
八令略舉三一因陀羅此云尊重三十三  
天共尊重故二云釋迦此云勇猛威德勇  
猛勝諸天故三云不蘭陀此  
云降伏以能降伏阿修羅故  
皆勤發起一切世間廣大之業

四五

德中言發起廣大業者令修普賢行故以

此天居地天之頂總御四洲雖勝事頗多

猶懼修羅之敵若修善者眾即天侶增威

苟為惡者多即諸天減少故多好勸發況

受佛付囑大權應為至如堅常啼之心施

雪山之偈成尸毘大行破盧志巨慳談般

若於善法堂中揚大教於如來會下等皆

是發起廣大業也猶懼修羅者修羅天  
有甘露味諸天求修羅

之女色因起諍競廣有因緣若修善者正

法念經說帝釋知修羅欲求速遠天使令

觀閻浮之人為修善多為作惡多若修善

多知戰必勝故生歡喜若為惡者多不孝

父母不敬四五三寶則生憂悴知戰不勝今言

減少者兼辦餘時為惡必墮三塗故人天

減少況受佛付囑者則淨名大品等皆屬  
天帝大權應為者小乘中就是須陀洹若  
準此經例是大權菩薩至如下引事證成  
堅常啼之心大品般若施雪山之偈即涅  
槃十三成尸毗大行即方便報思經破盧  
志巨慳即盧志長者經談般若等者大品  
廣說揚大教等者淨名大品等  
其類非一恐厭文繁不能具出

復有無量須夜摩天王

四須夜摩天王須者善也妙也夜摩時也具云善時分天論云隨時受樂故名時分天又大集經此天用蓮華開合以明晝夜又云赤蓮華開爲晝白蓮華開爲夜故云時分也隨此時別受樂亦殊故論云隨時受樂也

所謂善時分天王可愛樂光明天王無盡慧功德幢天王善變化端嚴天王總持大光明天王不思議智慧天王輪齋天王光燄天王光照天王普觀察大名稱天王如是等而爲上首其數無量皆勤修習廣大善根心常喜足

德中心恒喜足者喜足在於第四今慕上而修

復有不可思議數兜率陀天王

五兜率陀天王此云喜足論云後身菩薩於彼教化多修喜足之行故得少意悅爲喜更不求餘爲足

所謂知足天王喜樂海髻天王最勝功德幢天王寂靜光天王可愛樂妙目天王寶峯淨月天王最勝勇健力天王金剛妙光明天王星宿莊嚴幢天王可愛樂莊嚴天王如是等而爲上首不思議數皆勤念持一切諸佛所有名號

德中彼天是諸佛上生之處故今修念佛三昧也召體曰名響頌人天爲號通號別名皆悉念也不計一方故云一切以諸如來同一法界體德均故念即明記而慧逾增持而不忘故無間斷以佛爲境何五塵

之能惑哉

復有無量化樂天王

六化樂天王論云樂自變化作諸樂具以自娛樂又但受自所化樂不犯他故名爲

善化也變謂轉變轉麤爲妙化謂化現無

而忽有

所謂善變化天王寂靜音光明天王變化力

光明天王莊嚴主天王念光天王最上雲音

天王衆妙最勝光天王妙髻光明天王成就

喜慧天王華光髻天王普見十方天王如是

等而爲上首其數無量皆勤調伏一切衆生

令得解脫

德中以出世化故得解脫

復有無數他化自在天王

七他化自在天王論云令他化作樂具以

自娛樂顯已自在故

所謂得自在天王妙目主天王妙冠幢天王

勇猛慧天王妙音句天王妙光幢天王寂靜

境界門天王妙輪莊嚴幢天王華藻慧自在

天王因陀羅力妙莊嚴光明天王如是等而

爲上首其數無量

名中寂靜境界門者境爲入理之處即是

門也根無躁動故稱寂靜根即門也根無

取著方見境空合爲門也故鶩掘經云明

見來入門具足無減修

皆勤修習自在方便廣大法門

德中物我自在即廣大法門 初欲界天

衆已竟

復有不可數大梵天王

第二色界諸天衆有五衆以第四禪有二

衆故然四靜慮攝天多少下經頻列至十  
藏品當會釋之多依十八初靜慮四二三  
各攝三天皆舉最上以勝攝劣故但列一  
下文說頌遍觀諸天第四靜慮自攝九天  
上五小乘聖居非此正被異生位中廣果  
至極故今列之大自然在天三千界主所以  
別列

今初大梵天王衆佛地論云離欲寂靜故  
名爲梵具云梵摩此云清潔寂靜謂創離  
欲染故名清潔得根本定名爲寂靜

所謂尸棄天王慧光天王善慧光明天王普  
雲音天王觀世言音自在天王寂靜光明眼  
天王光徧十方天王變化音天王光明照耀  
眼天王悅意海音天王如是等而爲上首不  
可稱數

尸棄此云持髻謂此梵王頂有肉髻似螺  
形故亦名螺髻或云火頂以火災至此故  
貌如童子身白銀色衣金色衣禪悅爲食  
皆具大慈憐愍衆生舒光普照令其快樂

德中本修慈心得生梵世等流相續還愍  
衆生好請轉法輪故智光照物不爲汙行  
故身光發揮若有遇之身心悅樂

復有無量光音天王

第二光音天二禪第三天也智論亦云第

二禪通名光音彼天語時口出淨光故有

云彼無尋伺言語亦無用光當語故名光

音瑜伽名極光淨謂淨光遍照自他處故

所謂可愛樂光明天王清淨妙光天王能自  
在音天王最勝念智天王可愛樂清淨妙音  
天王善思惟音天王普音徧照天王甚深光

音天王無垢稱光明天王最勝淨光天王如是等而爲上首其數無量皆住廣大寂靜喜樂無礙法門

德中定生喜樂離尋伺故得寂靜名然凡

得之捨動求靜故非廣大味定之喜非無

四五

五

礙法今菩薩即動而靜不散不味是爲廣

大無礙法門也

復有無量徧淨天王

第三遍淨天此天離喜身心遍淨故

所謂清淨慧名稱天王最勝見天王寂靜德

天王須彌音天王淨念眼天王可愛樂最勝

光照天王世間自在主天王光燄自在天王

樂思惟法變化天王變化幢天王星宿音妙

莊嚴天王如是等而爲上首其數無量悉已

安住廣大法門於諸世間動作利益

德中身心遍淨未爲廣大物我無二普益

世間方爲廣大也

復有無量廣果天王

第四廣果天即第四禪第三天於異生善

果此最廣故所有功德勝下三故

所謂愛樂法光明幢天王清淨莊嚴海天王

最勝慧光明天王自在智慧幢天王樂寂靜

天王普智眼天王樂旋慧天王善種慧光明

天王無垢寂靜光天王廣大清淨光天王如

是等而爲上首其數無量莫不皆以寂靜之

法而爲宮殿安住其中

德中此天離八災患世中最寂今以實智

住本寂之宮

復有無數大自在天王

第五大自在者梵云摩醯首羅是也於三

千界最自在故智論第二云此天有八臂  
 三目乘白牛執白拂一念之間能知大千  
 雨滴下經同此智論第九過五淨居有十  
 住菩薩住處亦名淨居號大自在天王又  
 三乘中立此為淨土是報身所居約實但  
 是第十地菩薩攝報之果多作彼王耳  
 所謂妙燄海天王自在名稱光天王清淨功  
 德眼天王可愛樂大慧天王不動光自在天  
 王妙莊嚴眼天王善思惟光明天王可愛樂  
 大智天王普音莊嚴幢天王極精進名稱光  
 天王如是等而為上首不可稱數皆勤觀察  
 無相之法所行平等

德中三界之頂非無相不超非離相求故  
 所行平等

然上釋名歎德多從義便以順類殊若約

四五

十四

實德無不互有皆可虛求 衆海雲集竟

大方廣佛華嚴經疏鈔會本第一之一之五

音釋 囊 奴當切 隈 烏回切 茨 瓜音 銖 慵朱切

鏐 式灼切 臆 乙力切 魔 覽於切 藥 乳切

也 兜率陀 梵語也亦云觀史多 此云知足 兜當侯切

大方廣佛華嚴經疏鈔會本第二之一 困六

唐于闐國三藏沙門實義難陀 譯

唐清涼山大華嚴寺沙門澄觀撰述

自下大文第七稱揚讚德分亦是發起序

第七稱揚讚德分一對十分之名稱揚讚  
誄本師功德二云亦是發起序者對三分

料經謂序正流通一品是序常途分二一  
證信二發起今以前六分皆為證信此下

四分總為發起讚揚發起佛德出眾顯於  
佛用發起大經不同古德但用天地植祥

為發  
起也

爾時如來道場眾海悉已雲集

文中有三第一總結威儀住第二此諸眾

下總顯德行因緣第三所謂下別明得法

讚佛前中有三初結眾集次明相異後顯

意同今初數廣德深故名眾海起於自地

集空道場多數大身重重無礙雲之象也

又浮雲無心龍吟則起菩薩無住佛現爰

來

無邊品類周徧滿形色部從各各差別

二無邊下相異也不唯上列故云品類無

邊旋環不空故云周匝遍滿大小等形妍

媠等色部主徒從各有區分故云差別

隨所來方親近世尊一心瞻仰

三隨所下意同也隨所來方參而不雜皆

得見佛各對目前其猶百川各全觀月同

無異念故曰一心諦矚欽承瞻而且仰不

唯直覩丈六乃徹見法界身雲

第一總顯德行因緣者以上列中隨宜別

歎今方總顯德行齊均又與下別得法門

以為總故前同生眾中共集善根亦是別

故又前共集明主伴所由今曾攝受顯眷

屬所以影略其文

第二總顯德行因緣先  
總彰大意何名總顯德

行因緣先釋總顯自有二義一望前為總  
前四十衆各隨所宜以歎勝德所歎則局  
如歎海神云佛功德海充滿其身等今總  
顯四十衆德二望後為總下四十衆得法  
各異今總顯具德前同生衆下躡跡成難  
謂有難云前顯同生云皆與此處遮那共  
集善根豈非總耶故今答云前局同生今  
該同異四十衆德方得名總又前明共集  
下重通所難非唯總別不等責亦文意有  
殊前之共集與佛德齊故為主伴今曾攝  
受惟為佛攝故為眷屬為分二義前略攝  
受此略共集可互影取故云影略其文

重障山見佛無礙

此文多勢且分為三初明離障見淨二如  
是下受化根深三種無量下德行圓備初  
後是因中一是緣以因奪緣大眾自見以  
緣奪因佛力令見因緣和合無定親疎故  
因緣間說又初段德行現深後二因緣宿  
著久攝今見即緣成因感應道交故常居  
佛會此文多勢下二科判也言多勢者或可分三或可分二二中立名亦可有

異於中有三初科為二初後是因下料揀  
又初段下對前且字今為二故又攝今見  
下亦是料揀上三分中二即是緣初後是  
因者約自行為因佛攝為緣今得見佛由  
昔曾攝攝即親因緣緣既今初離障見淨  
者煩惱即煩惱障也心垢即所知障也此  
障翳心迷所知故言一切者謂分別俱生  
若種若現言餘習者二障氣分麤重麤重  
如畢陵上慢迦葉不安今皆位極菩薩智  
現情亡證理達事心鏡瑩淨故云已離若  
諸位圓融一斷一切斷亦通初位言一切別俱生若種若現者謂二障各二一者分別謂因邪師邪教及邪思惟此見道斷入  
初地時便永斷盡二者俱生不由上二生  
而便有此修道斷地地斷之此又二種一  
者現行二者種子若所知現行地地斷之  
若煩惱現行亦地地斷煩惱種子直至金  
剛定斷二障氣分麤重者二障氣分  
即熏習所成揀異現障故云習氣然習氣  
有二謂因與果於現起障能為因者亦名  
種子此因習氣根本智斷此因已現不  
起故不起現因但麤重者唯名習氣此果  
習氣後得智斷斷現麤重知現無故言麤



重者遠細輕故塵重有三一現起蓋重貪  
 等令心無堪任故二種子塵重煩惱種子  
 障諸智故三塵重塵重實非煩惱似煩惱  
 故如身于曠習畢陵慢習等今即第三以  
 經云餘習故又位極故前二即是一切中  
 攝故疏釋云若種若現上言已斷即有能  
 斷之道棟異伏道故云已斷斷道有二一  
 根本無分別智現證二空所顯真理無境  
 相故能斷二障種子現行二後得無分別  
 智雖不親證無力能斷迷理隨眠而於安  
 立非安立相明了現前無倒證故亦能永  
 斷彼修所斷迷事隨眠上來皆是唯識論  
 意更有釋者所知障中亦有二種一於所  
 知境而能為障即是不染汗無知而非法  
 執如於五明處有所未解但是無知何曾  
 有執然唯識云由我法執二障俱生若證  
 二空彼障隨斷者據見道分別障說以證  
 空理而斷障故言是障而非執者據修道  
 斷俱生障說以過知有成障智故上來所  
 知之障二所知障名所知障此體即是  
 善心所以彼空有二相未除帶相觀心  
 有所得故前據了俗此據證真說名智障  
 此障對治亦有二種一者解有二者達空  
 空有俱明名遍知如然唯識正義惟所知  
 之障今就理通故亦用之問永斷習氣唯  
 是如來云何此衆皆云已斷答此有二釋  
 一約法相離盡唯是如來若據分記亦通  
 菩薩經說塵重三位斷故深密經說三  
 塵重一者在皮初地即斷二者在膚八地  
 方斷二者在骨唯佛地斷雖則餘位亦斷

塵重而三位顯是故偏說初地捨凡入聖  
 位故八地無漏常相續故佛地果滿頓得  
 捨故文此即是八地菩薩故言摧重障山  
 云斷也二約圓融如疏文顯言摧重障山  
 者通以喻顯以能摧道摧二障山障體堅  
 厚崇聳如山又別則智障菩提惑障圓寂  
 通則俱障及一切佛法故名爲重言見佛  
 無礙者斷障果也然有二義一就能見以  
 明無礙由斷二礙智明理顯理顯故見法  
 性身智明故見佛智身理智冥一見無礙  
 身無礙亦即涅槃二約所見明無礙者具  
 十無礙已如上說

如是皆以毗盧遮那如來往昔之時於劫海  
 中修菩薩行以四攝事而曾攝受

第二如是下受化根深於中初總後別初  
 中如是者指前斷障之衆劫海者明攝時  
 曠遠言四攝者即攝化之方謂布施愛語

利行同事布施是攝緣與彼資持故愛語是攝體正示損益故利行是攝處安住善

處故同事謂釋疑令彼決定故布施是攝緣等者略

示四攝之相然瑜伽說各有九門至賢首品當略明之

一一佛所種善根時皆已善攝種種方便教

化成熟令其安立一切智道

後一一下別示攝相於中向言劫海曾攝

何所攝耶謂一一佛所何時攝耶種善根

時將何法攝謂種種方便攝相云何謂教

化成熟教化約始成熟就終攝意云何令

其安立一切智道道者因也謂唯為佛果

修佛因耳

種無量善獲眾大福悉已入於方便願海所

行之行具足清淨於出離道已能善出常見

於佛分明照了

四六

五

第三種無量下德行圓備前攝何益令德

圓故於中先辯因圓後入果海今初文有

五句一種無量善已超七地殊勝善根故

二悉已下已超八地大願滿故三所行下

已超十地行滿障淨故四於出離下前明

德圓此具出道一道無量道已超生死不

住涅槃故云善出五常見下結成見佛謂

德高十地是以常見非比量見故曰分明

不取色相名為照了又塵毛刹海佛遍重

重有德斯觀名分明照了已超七地殊勝善根者以七地

有空中方便慧有中殊勝行功用行滿故

云無量一道無量道者一道者一切無礙

人一道出生死故離世間品說一道是菩薩

道不捨獨一菩提心故二道是菩薩道

謂方便智慧故三道四道乃至十道又云

菩薩有無量道無量助道無量修道無量

莊嚴道各列十句則萬行綱目皆菩薩道

又塵毛刹海下上是通相般若之意此是

華嚴一乘玄旨

以勝解力入於如來功德大海

二以勝解力下入果海也此一段文望前是別總具德中別入果故望後是總四十眾中解脫標故今且屬前於中二初乘因入果是比智知如見鸞翔知太虛可冲矚

龍躍知宏海可汎也謂以勝解力印可佛

言知福慧之深遠以信解力瞻仰佛化知

慈悲之廣大是入如來功德大海亦是勝

解印持果德此一段下總顯文意以總具

中自有七句今但是二故云別也既言得於諸佛解脫之門則是四百餘門之總標

也義雖兩向科且屬前初乘因入果者以勝解力即是乘因入於如來功德大海即是入果冲者和也深也虛也高也昇也今

正是昇義兼虛高亦是勝解印持果德者前則印化比知二嚴與慈悲皆牧道也今云印果則心冥果海為證道也

### 得於諸佛解脫之門遊戲神通

二得於下明分得果用言解脫門者佛果

障寂大用無礙故稱解脫真解脫者即是

如來通智遊入故號門也眾各證契故名

為得此解脫即門佛得其總眾海得別又

佛解脫但名解脫眾所得法稱之為門以

能通入彼果用故此解脫之門又眾所得

法離障自在名為解脫智所入處亦名為

門以因解脫入果解脫亦稱為門此解脫

即門言解脫門者先別釋三初解脫門三

三三字皆屬於佛二解脫屬果門屬眾海中自分能所二將已解脫望果為門然總

別圓融因果交徹重重無礙方為真解脫

門故下或歎佛果德或歎因行或約天等

所得欲影顯故然總別下二國融融上三

果交徹融後二義重重無礙通上三義且

如總具於別別亦具總則一解脫門中有

一切解脫門次遊戲神通正明入相遊戲者出

入自在神通者難測無壅故約觀心者心

境無礙稱為解脫由此入理故號為門若以門為門非能通矣門即如實何所通耶正入雙亡為真門矣如此入者則本覺湛然名窮果海真非妄外則因果圓融心境無涯則解脫無際矣

正入以下後順結能所雙寂故曰雙亡門

四六理歷然稱為正入正入則理無不契雙亡則過無不寂

七第三所謂下

別明得法讚佛四十眾中各先長行得法即經家序列後說偈讚即當時所陳然眾集偈讚並在一時又不累書故編之作次而各得一者顯佛德無盡故乘別入總盡眾不能及故故海慧云如來境界無有邊各隨解脫能觀見而普賢得十者顯等佛無盡故

所謂妙燄海大自在天王得法界虛空界寂靜方便力解脫門

文中先異生眾後同生眾前中三初諸天次八部後諸神今初分二先色天後欲天前中有五今初自在天長行十法第一法界等者即法身解脫也法界虛空界即用所遍處空即事空法界之言義兼事理謂非但遍空亦遍空內色心等事及空有稱真之理又但言空則一重遍今云法界則重重皆遍何者謂空界容一一塵處及彼事物一一塵中皆稱真故各有無邊刹海佛身大用皆悉充滿故下頌云無窮盡也言寂靜者體也然有二義一明前大用無用相不礙常寂二由此智用即寂同真是故隨一一用遍一切處也言方便者用也亦有二義一明前寂無寂相不礙大用二內同真性不礙外應羣機故云方便寂

用無礙所以稱力及空有稱真之理者此  
外空外空離法是斷滅空理空即事名為  
真空若以外空亦心所現亦由對色滅色  
方顯則此斷空從緣無性即性空也故十  
八空明大空者謂十方空即十方虛空亦  
是性空矣是故疏云空有稱真之理即有  
之空皆性空也一明前大用等者此二義  
中一用同體寂二用同體適方便二者一  
由忘寂故不礙用二由依寂故能起用

脫門

自在名稱光天王得普觀一切法悉自在解  
二普觀一切法悉自在者智身解脫也此  
有三義一以普眼於一切法無不能觀二  
觀一切法不壞事而全理三於一法中見

一切而無礙並名自在

清淨功德眼天王得知一切法不生不滅不  
來不去無功用行解脫門

三知一切法不生等者自共相解脫也亦  
有二義一知不生等內證真理二無功用

圖六

行外應羣機三自相解脫者以一切法各  
今皆不生故名解脫此明無彼生相則法  
體不生故名自相若直達生住滅相亦共  
相然不生等佛法之體釋有多門略申一  
二一別釋以不生滅約境不來去約行初  
不生滅略有五義初不生滅略有五重者  
即合前三而義別五即融四句而無礙就  
別約三性中各三釋者初一通就當性說  
二約當性二義說三對三無性說唯圓成  
二義小異云何三性各二義耶通計二者  
一情有二理無依他二者一緣生一就遍  
二無性圓成二者一性有二相無一就遍

計由是妄執無法可生滅也又情有即是  
理無故不生也理無即是情有故不滅也  
不滅不生是一法也又求遍計相不可得  
故不生能顯無相性故不滅不滅即不生  
亦一法也一就遍計下遍計三義也一遍  
二約二義者情有合是生理無體是滅今  
此情有即是理無何有生耶正理無處方  
是情有故非滅也下例可知三對無性者  
由無遍計方顯無相故唯識云即依此三

圖六

九

性說彼三無性是知若無二就緣起性謂  
 通計安知無相下亦例然  
 法無自體攬緣而起即生無生既本不生  
 故無可滅也又緣起無性故不生無性緣  
 起故不滅中論云以有空義故一切法得  
 成是故不生即不滅不滅即不生為一物

也又推緣無起故不生能顯無生性故不

滅二就緣起性者一通說因緣之法依他  
 而起因緣所生無有生故故經云一切  
 法無來是故無有生以生無有故滅亦不  
 可得二明二義中文緣起無性故者緣生  
 即無性也無性緣起者無性即緣生也前  
 句即因緣故空此句即無性故有故引中  
 論以有空義故一切法得成唯證後句二  
 顯無性中若無因緣不知無性故論四句  
 推之諸法不自生亦不從他生不共不無  
 因是故知無生若不推此安知無生無生  
 即是生無三約圓成性謂非是有為故無  
 自性性也  
 彼生滅相也又非妄心境故不生聖智所  
 證故不滅又體非遷變故不生隨緣令法  
 起故不滅不滅即不生為一物也  
 三約圓成初義

可知二約二義中大小異耳前二謂二三皆  
 約二義二即法相宗二義於此二義顯無  
 性義謂非妄心境故即相無義聖智所證  
 故即性有義而非妄心境故遠離我法所  
 執便能顯得勝義無自性性文體非遷變  
 下約不變隨緣法性宗中二義既不變故  
 不生由此不變方能隨緣則不生是不滅  
 義既以隨緣為不滅由隨緣不失自性方  
 知不變則不滅是不滅  
 生故云為一物也  
 四通就三性混融於

一法上就遍計故不生就圓成故不滅就

依他故亦不生亦不滅就三無性故非不

生非不滅四通就三性等者即合前三而

成四句如一念心剎那起即具六義謂  
 一念之心是緣起法是依他起情計有實  
 即遍計所執體本空寂即是圓成三性備  
 矣既即依三性說三無性故六義具矣今  
 於三性成其三句三無性上共成一句謂  
 一念之上既理本無故遍計為不生本無  
 之理即是圓成故不滅依他即無性故亦  
 不生而不壞相故亦不滅三句備矣言就  
 三無性非不生非不滅者上約遍計故不  
 生今約計即無性故無彼不生為非不生  
 也上約圓成故不滅今圓成即是勝義無  
 自性性故非不滅上約依他亦不生亦不  
 滅今依他即生無自性性故何有亦不生  
 亦不滅故上三性不出不生不滅今就彼

三性以成三無 五然此四句合為一聚圓

性故雙非也 融無疑頓思可見 五中融四句而無礙以

有六義故總融合言合四句者非第二不

四門中四句合前別說總說四句耳

來不去者約行謂正智背捨妄執而無去

向證真理而不來又依體起用而不去應

機現前而不來又往應羣機而不去恒歸

寂滅而不來不來即是不去無二為一味

也由此大智無念應機如摩尼天鼓無思

成事故云無功用行也 二不來不去下有

背捨是去而云不去者智照妄空無可捨

故照惑無本即智體故向證真理合是來

義如如來故而云不來者真不可得故照

體無自即真理故經云如來者無所從

來又依體起用等者第二雙約體可說也

依體起用故是去以即體之用故不去應

機現前合是來以應不離體如月之影故

不來又往應羣機而不去等者第三雙約

用說往應合是去應無應相故不去恒歸

寂滅合是來滅不可得故不來又即體之

用往而不去用即體故歸而不來前對於

佛上明去機上明來此對機上明去佛上

明去機上明來此對機上明去佛上

明來又前對機見佛來此對佛自歸來三

義雖殊皆顯不來即不去也由此下釋無

功用摩尼約身天 二通釋者不生不滅亦

鼓約口無思約意 言不生滅約

可約行不來不去亦可約境 二通釋者既

行不來去約境此亦是局何名為通已上

是賢首意不生滅局境而不通行不來去

局行而不通境今翻其不通令 謂妄念斯

通則四義俱通境行故名為通 寂猶若虛空何生何滅又雖起大用見心

寂猶若虛空何生何滅又雖起大用見心

無生用謝歸寂了本無滅又常稱真理寂

照居懷於此心中有何生滅此約行釋不

生滅也 謂妄念下別亦約三性以成觀行

又雖起大用下約依他觀 約境釋不來去

三又常稱真下約圓成觀 者猶如空華無可去來又緣會即來來無

所從故無來緣謝而去去無所至故無去

又諸法即如如豈來去 約境釋不來下亦

又緣會下約依他又諸法即如下約圓成

而並從揀略各出一義例前不生亦可具

五亦應前三別說四五融通如遍計上亦

應云情有即是理無故不來理無即是情

應云情有即是理無故不來理無即是情

應云情有即是理無故不來理無即是情

有故不去等但改生滅二三展轉釋又何  
 字為來去二字餘準前思  
 以不生滅由無來去故何以不來去由無  
 生滅故三展轉釋所以為此釋者有三意  
 故如經云一切法無來是故無又既無來  
 有生等即此亦名相因釋也  
 去則非一非異不生不滅則無斷無常智  
 契前理故無功用不礙生等故云行也又  
 無來去則非一異者次正是展轉釋欲明  
 不生滅等四含義無盡故略舉八不即中  
 論宗論云不生亦不滅不常亦不斷不一  
 亦不異不來亦不去而青目釋之有展轉  
 相釋今取此勢故為此釋云何不來不去  
 則得為異對此非一非異耶謂若有來去  
 則有能所能所為一今無來去故無一異  
 云何不生不滅則得不常不斷謂若許有  
 生生即是有定有則常若許有滅滅則是  
 無定無則斷今無生滅何有斷常故中論  
 問云不生不滅已總破一切法何故復說  
 此六事耶答為成不生不滅故謂有人不  
 信不生不滅而信不常不斷若深求不常  
 不斷即是不生不滅故知二義相成從智  
 契下釋是則不生之生生之不生無功用  
 無功用是則不生之生生之不生無功用  
 故常寂行故常用寂用無二是於功用得

圖六

十二

解脫也斯為正法之要義味難盡無狀繁  
 文是則不生之生下生與不生展轉相成  
 上來諸不相成總顯不生之理今則性  
 相相成以此不生不同斷滅故不礙於生  
 若礙於生非真不生故不礙生成不生也  
 是則緣生故無性無性故  
 緣生二義相成真不生也  
 可愛樂大慧天王得現見一切法真實相智

慧海解脫門

四現見一切法等者觀義解脫也現見之  
 言揀比知故真實相言略有三義一以智  
 觀事實事不虛故下經文觀有為法如  
 實相故二以慧觀理實所謂無相無相不  
 相名為實相三以無礙智知無二實窮實  
 故深盡邊故廣稱智慧海不為相縛是解  
 脫門  
 不動光自在天王得與衆生無邊安樂大方  
 便定解脫門



五與衆生等者慈障解脫也離諸危怖曰安適悅身心爲樂見佛則獲二利故安樂也煩惱不生故得定也佛德難思故樂定無邊斯爲大方便也

妙莊嚴眼天王得令觀寂靜法滅諸癡暗怖

解脫門

四六

十三

六令觀等者悲障解脫也衆生癡故造業造業故受苦闇故不見未來不見未來即顛墮故大怖之極莫越愚癡令觀本寂則癡相本空尚不造善豈當爲惡尚不造善等者然邪

說空謂豁達無物或言無礙不妨造惡若真知空善順於理恐生動亂尚不起心惡背於理以順妄情豈當更造若云無礙不礙造惡何不無礙不礙修善而斷惡耶厭修善法恐有著心恣情造惡何不懼著明大邪見惡衆生也

善思惟光明天王得善入無邊境界不起一切諸有思惟業解脫門

七善入等者業障解脫也佛現十方是無邊境了無依性稱爲善入尚不依佛寧造業思尚不依佛者意同前義入理觀佛恐懷觀心更造業思特違至理可愛樂大智天王得普往十方說法而不動無所依解脫門

八普往十方等者即無相解脫門也雖身應十方寂然不動智宣諸法泊爾無依不取於相如如不動故

普音莊嚴幢天王得入佛寂靜境界普現光明解脫門

九入佛等者即名相解脫也佛智契如名入寂境寂而能應故普遍十方身智發光又令物入無相故靜無名故寂

名稱光善精進天王得住自所悟處而以無邊廣大境界爲所緣解脫門

十中此天王名與前列中少倒前名極精進名稱光上下諸文多有此例或義存名

異或廣略參差皆譯者不善會耳法門名

住自等者此離二取相能益自他解脫門

自悟處者即離覺所覺自覺聖智常現前

也而以無邊等者謂緣無邊法界度無邊

衆生得廣大菩提也此離二取相者唯識

見二名色三王所四本末本即第八異熟

末即六識異熟今當相見所覺是相能覺

是見遠離覺所覺名自覺聖智故楞伽云

一切無淫樂無有淫樂佛無有佛淫樂速

離覺所覺即斯義也上是第一經第二又

云佛告大慧前聖所知轉相傳授妄想無

性菩薩摩訶薩獨一靜處自覺觀察不由

於他離見妄想上上勝進入如來地是名

自覺聖智之相

### 大方廣佛華嚴經疏鈔會本第二之一

#### 音釋

妍媸 妍倪堅切美也 鸞 盧官切 壅 委勇切  
媸 媸克之切醜也 鸞 神鳥也 壅 塞也

瞥 匹滅切篇  
入聲驟也

大方廣佛華嚴經疏鈔會本第二之二 困七

唐于闐國三藏沙門實義難陀 譯

唐清涼山大華嚴寺沙門澄觀撰述

爾時妙猷海天王承佛威力普觀一切自在天衆而說頌言

二上首說偈中二先彰說儀後明正說今

初談海是當衆上首仰承佛力爲衆申心

十地論云承佛力者顯無我慢普觀十方

示無偏心今觀已衆通局小異耳十地論云承佛

力等者論中但云示無我慢無偏心故昔人或將通配二句疏意以別配爲正故便

配然頌總有四種一名阿耨鞞羅觀婆頌此

不問長行與偈但數字滿三十二即爲一

偈二名伽陀此云諷頌或名不頌頌不頌

長行故或名直頌謂直以偈說法故三名

祇夜此云應頌四名喼馱南此云集施頌

謂以少言攝集多義施他誦持故今此即

伽陀頌也下皆準之爲何意故經多立頌

略有八義一少字攝多義故二諸讚歎者

多以偈頌故三爲鈍根重說故四爲後來

之徒故五隨意樂故六易受持故七增明

前說故八長行未說故今此正唯前二義

兼五六

二正說中十偈次第各一法門結集取此

以爲長行非此頌前也然此中長行與偈

有多不同謂偈字則定長行多少不同而

長行則約天得法偈中即是歎佛此必然

也若二文互望或因果之殊或體用有別

或互相影略或難易更陳或法喻不同或

能所遞舉故傳授者善消息之二文相映

於義易了結集取此者以昔人皆云頌長

行故然此中長行下相對料揀

者示說偈儀然上舉四種明偈體式次明八義即立偈之由然通重頌及與孤起華藏品有十例五對唯約祇夜今此料棟唯局此文雖是孤起而經家廣列故須會釋總有六對一因果者如第十偈云佛於無邊大劫海為衆生故求菩提此舉因故長行即云自所悟處此顯果也第二體用者第二偈云能然照世妙法燈用也長行云普觀一切悉自在體也第三影略者長行云知一切法不生不滅不來不去偈中但云了相無有即偈略也第四偈云永滅衆生癡暗心長行但有現見一切法即長行略也第四難易者如初天王長行但云得法界虛空界寂靜者如初天王長行不見偈文難為解釋第五法喻不同者長行第二但云觀一切法偈云能然照世妙法燈是也第六能所遞舉者初天王但云法界虛空界是所遞處偈中則云佛身普遍諸大會則長行闕能遞且就初段具有六對況下諸段顯文甚多言傳授者善消息之者易豐赴云天地盈虛與時消息釋云消者盡也息者生也謂可加則加可減則減可出則出可沒則沒故言消息二文相映者長行不了則觀偈文偈文難見則觀長行則易了也

佛身普徧諸大會充滿法界無窮盡寂滅無性不可取為救世間而出現

四七

二

今初天中初二句即前所遍法界虛空兼明能遍佛身則十身皆遍無窮盡者一出現無盡若高山之出雲二非滅盡法猶虛空之常住次句寂靜也由無性故不可取為一異俱不俱等後句方便合二為力此

偈是說者自法故不結天名下並準知一現無盡等者然還源觀說有三過一一塵普周法界遍即經充滿法界無窮盡二一塵出生無盡遍即疏前意三一塵含容空有過即疏後意不可取為一異等者普遍諸會此應有異充滿法界此應唯一今性相俱寂故皆巨得若有一異則合此為俱一異既亡俱從何有若有俱句違此雙非俱句已無雙非寧立故四句皆違百非俱亡寂乎唯寂而言等者亦不可說有無等四真應等殊唯證相應耳

如來法王出世間能然照世妙法燈境界無邊亦無盡此自在名之所證  
二中初句是上自在佛為法王於法自在故次句觀也第三句普也後句結法屬人

爲他說故然其結名義同法門恐繁不配他皆倣此

佛不思議離分別了相十方無所有爲世廣開清淨道如是淨眼能觀見

三中初句無功用也不思議是標離分別

是釋次句即不生等相即生等無即不義

第三句即行也長行約要先知法無生方

得成無功用偈則要無分別方能見法無

生內證與外用同時所以二文前後

如來智慧無邊際一切世間莫能測永滅衆

生癡暗心大慧入此深安住

四中初句明廣次句明深即上智慧海也

第三句自見法實故能令物不迷事理

如來功德不思議衆生見者煩惱滅普使世

間獲安樂不動自在天能見

五中初句方便定也次二句與安樂也

衆生癡暗常迷覆如來爲說寂靜法是則照

世智慧燈妙眼能知此方便

六中初句即前癡闇謂長迷妄境鎮覆真

心也次句即令觀寂靜次句因滅無明則

得熾然三菩提明是前滅義因滅無明則得熾然三菩提

提明者即涅槃二十一南經十九高貴德王菩薩品因瑠璃光菩薩欲來放光佛問

文殊文殊初入第一義答云世尊如是光明名爲智慧智慧者即是常住常住之法

無有因緣云何佛問何因緣故有是光明廣說無因緣竟不後云世尊亦有因緣因

滅無明則得熾然阿耨多羅三藐三菩提燈今略義引耳

如來清淨妙色身普現十方無有比此身無

性無依處善思惟天所觀察

七中初二句即善入無邊境無邊境即所

應處也無有比善也次句無性者感而應

故無依者思念寂故由此能令物不造業

如來音聲無限礙堪受化者靡不聞而佛寂然恒不動此樂智天之解脫

八中初二句即普徃十方說法次一句即不動無依

寂靜解脫天人主十方無處不現前光明照

耀滿世間此無礙法嚴幢見

九中初句即入寂靜境次二句即普現光明

佛於無邊大劫海為衆生故求菩提種種神通化一切名稱光天悟斯法

十中初十一字即無邊境為所緣求菩提即自所悟處次句既緣其境必起通化前

文略耳

復次可愛樂法光明幢天王得普觀一切衆生根為說法斷疑解脫門

四七

五

第二明第四禪廣果天長行十法中一普觀等者此應根授法明於不知根說法無果障中得解脫也斷疑生信是說法果故謂觀機識病稱根說法藥病無謬故疑除疾愈

淨莊嚴海天王得隨意念令見佛解脫門

二中隨意念言略有二意一隨念何佛如名應之二隨念有淺深令見佛有麤妙此於現身得解脫也

最勝慧光明天王得法性平等無所依莊嚴身解脫門

三中法性平等者唯一味也無所依者離能所也莊嚴身者證真莊嚴即非莊嚴故雖現世間還如法性不依諸有此於有依得解脫也

自在智慧幢天王得了知一切世間法一念  
中安立不思議莊嚴海解脫門

四中知世間法者謂衆生世間心法各異  
知已隨宜現通說法故云安立一念速安  
非人天外道所能思議以此莊嚴如來教  
海此於安立教法遲鈍障得解脫也

樂寂靜天王得於一毛孔現不思議佛刹無  
障礙解脫門

五一毛等者約偈不思議解脫力也無礙  
有二義一唯就所現則毛中多刹自互無  
礙二雙就能所一毛不大而多刹不小一  
多大小皆無礙也又由無大小相故此於  
取著障得解脫

普智眼天王得入普門觀察法界解脫門  
六普門者一門攝一切門名爲普門隨一

一門各全收法界故於其中觀察法界深  
智契達故名爲入此於隨相中得解脫  
樂旋慧天王得爲一切衆生種種出現無邊  
劫常現前解脫門

七中衆生無邊根器各異應形說法種種  
不同既根熟不休故窮劫長現此於畏苦  
不化生障得解脫

善種慧光明天王得觀一切世間境界入不  
思議法解脫門

八中觀一切等者謂觀事入理理超情表  
云不思議此於諸業報得解脫

無垢寂靜光天王得示一切衆生出要法解  
脫門

九中法門無邊出者爲要根器萬品故出  
要難思此於著相得解脫

廣大清淨光天王得觀察一切應化眾生令入佛法解脫門

十中種種方便但隨所應終成種智名入佛法以大悲出現皆等而故此於不欲利生得解脫上云出要令離妄苦今云入法

令得真樂也

四七

七

爾時可愛樂法光明幢天王承佛威力普觀一切少廣天無量廣天廣果天眾而說頌言  
頌中觀已眾內三類天者上五淨居非所被故十偈次第一如長行

諸佛境界不思議一切眾生莫能測普令其心生信解廣大意樂無窮盡

初中前二句即所疑境界境界之言通分齊所觀普令者觀根為說故生信解者斷疑也信佛大用分齊難測故斷佛上疑生

其正解信佛所觀之境則斷法上疑亦生正解謂如有疑云為存因果非真空耶為是空故無因果耶今明只由真空能立因果因果立故乃是真空也第四句釋一切之言佛以利生為意樂故既該一切故廣

大無盡

只由真空能立因果下答一疑念此句明其以有空義故一切法得

成若無有空義因果定有便墮於常言因果立故乃是真空者即因緣故空義若離因果以明空者是斷空故

若有眾生堪受法佛威神力開導彼令其恒觀佛現前嚴海天王如是見

二中初句即憶念次二句令見佛

切法性無所依佛現世間亦如是普於諸有無依處此義勝智能觀察

三中初句即法性平等無依次二句即莊嚴身謂如法性為嚴故無依處



隨諸衆生心所欲佛神通力皆能現各各差別不思議此智幢王解脫海

四中初一句即了一切世間次二句即一念安立不思議莊嚴海

過去所有諸國土一毛孔中皆示現此是諸佛大神通愛樂寂靜能宣說

五中初二句即毛孔現刹上云不思議佛刹但以橫多今云過去乃豎窮前際皆示現者如鏡現像次一句是無障礙令應度者見即佛神通依佛鏡智而觀乃法性恒爾

一切法門無盡海同會一法道場中如是法性佛所說智眼能明此方便

六中初二句即普門次一句即法界末句義兼於入

四七

八

十方所有諸國土悉在其中而說法佛身無去亦無來愛樂慧旋之境界

七中初二句即爲一切衆生種種出現次句即無邊劫常現前謂約機隱顯佛無去來故常現也

佛觀諸法如光影入彼甚深幽與處說諸法性常寂然善種思惟能見此

八中初句即觀一切世間也次二句即入不思議法也若約理論深是深非甚今不壞事而即理故曰甚深全攬理以成事名爲幽與處兼上二法常寂然釋上義也以

四七

九

諸法即寂故不可以理事思也

佛善了知諸境界隨衆生根雨法雨爲啓難思出要門此寂靜天能悟入

九中初二句示一切衆生次一句顯出要

法

世尊恒以大慈悲利益衆生而出現等雨法  
雨充其器清淨光天能演說

十中初二句即觀應化衆生次句令入佛  
法

復次清淨慧名稱天王得了達一切衆生解  
脫道方便解脫門

第三明三禪長行十法第一門即寂普現  
名爲方便說即是道由說入佛解脫海故  
此於體用有礙得解脫也又方便言亦通  
入解脫之方便也

最勝見天王得隨一切諸天衆所樂如光影  
普示現解脫門

第二門隨一切等者謂不能普現得解脫  
也光影之言略有二釋一謂因光發影影

但似質而不似光依智現形形隨衆樂不  
隨自智隨樂即應名普示現二水中之月  
亦名光影謂佛月不來影現心水影多似  
月少似於水謂水動則流光蕩漾水濁則  
似晦魄臨池若止而且清則圓璧皎皎此  
亦隨自他意也此就天王且隨天衆所樂  
偈就於佛無不應也光影之言略有二者  
賢首更有一義今不  
存之故云略也彼釋云謂如明淨物得日  
光曜於屋壁上有光影現如來應機現身  
亦爾然有多義一緣集義謂大智明淨悲  
願日照於衆生陰室之內現於佛影二速  
疾義無遠不至故三無礙義不可執持故  
四有用義能破暗故五無生義無所有故

廣如十忍品說此義似有穿鑿故略不存  
今疏所用二影者然攝論影略有三一映  
質影二水月影三鏡像影廣如十忍品今  
是前二今云光影故略鏡像正是初義謂  
日喻如來身樹等形質以喻衆生日無異  
體質有萬差樹側影斜形端影正影不現  
於日內但在質邊弄影多端隨心萬品二  
水月影以月有光亦名光影影多似月者  
如月圓缺故少似  
水者隨動靜故

寂靜德天王得普嚴淨一切佛境界大方便  
解脫門

第三門佛境界有二一如如法性是佛證  
境二十方國土是佛化境嚴淨亦二離相  
息妄則嚴如境萬行迴向則嚴化境此二  
無礙大方便也此於無巧莊嚴得解脫也  
須彌音天王得隨諸衆生永流轉生死海解  
脫門

第四隨諸等者謂大悲深厚故隨入生死  
衆生無邊故永流轉而示導也此於無大  
悲捨衆生障得解脫也

淨念眼天王得憶念如來調伏衆生行解脫  
門

第五門佛調衆生或折或攝或兼二行雖  
悲願多門皆令趣無上道若憶念此居然

四七

十一

受化不滯於權此於勝所緣有忘念障得  
解脫或折攝等者勝鬘云應攝受者而攝  
受之應折伏者而折伏之攝受折伏  
則正法  
又住

可愛樂普照天王得普門陀羅尼海所流出  
解脫門

第六得普門等者佛以稱法性之總持包  
攝一切總持故云普門復能流演無盡故  
得稱海此於聞思有忘失障得解脫也

世間自在天王得能令衆生值佛生信藏  
解脫門

第七門謂佛出難值引之令值信心難生  
勸之令生信含衆德所以名藏下經云信  
爲寶藏第一財故此於嫉妬邪見障得解  
脫也

光燄自在天王得能令一切衆生聞法信喜

而出離解脫門

第八能令等者上令信佛此令信法仰依即信領解便喜信可趣入喜則奉行因得解脫名而出離此於迷覆衆生障出離道得解脫

樂思惟法變化天王得入一切菩薩調伏行

如虛空無邊無盡解脫門

第九門謂衆生界法界調伏界虛空界皆無邊無盡菩薩悲智以方便界開示法界行調伏界等虛空界於有限礙障中得解

脫故謂衆生界等者瑜伽有五無量界此前列四後言以方便界者即調伏方便界故

五具矣

變化幢天王得觀衆生無量煩惱普悲智解脫門

第十觀衆生等者由悲故憐愍由智故觀

察觀察煩惱知病行已化而度之此於無悲無方便障得解脫也

星宿音妙莊嚴天王得放光現佛三輪攝化

解脫門依據

爾時清淨慧名稱天王承佛威力普觀一切

少淨天無量淨天徧淨天衆而說頌言

頌中十一頌初十次第如前長行依梵本

列名中此長行闕第十一天彼名星宿音

妙莊嚴天王下言妙音者略而未迴

了知法性無礙者普現十方無量刹說佛境

界不思議令衆同歸解脫海

第一頌中初二句是了達方便依法性而

現故後二句說即是道說不思議解脫令

衆同歸

如來處世無所依譬如光影現衆國法性究

竟無生起此勝見王所入門

二中初二句明光影普現無依故如影第

三句成上二義以無生故如影無依略不

明隨天所樂

無量劫海修方便普淨十方諸國土法界如

如常不動寂靜德天之所悟

四七

十三

三中初句標方便無量劫修兼顯大義次

二句正明方便嚴佛境界

衆生愚癡所覆障盲暗恒居生死中如來示

以清淨道此須彌音之解脫

四中初二句即衆生永流轉謂無明所盲

覆本淨心造業受身故恒居生死次句即

隨而示之

諸佛所行無上道一切衆生莫能測示以種

種方便門淨眼諦觀能悉了

五中總相頌佛調生行初句高次句深後

句廣

如來恒以總持門譬如刹海微塵數示教衆

生徧一切普照天王此能入

六中初二句即普門陀羅尼次一句即所

流出示教者示其善惡教使修行稱性無

偏故遍而無盡

如來出世甚難值無量劫海時一遇能令衆

生生信解此自在天之所得

七中初二句值佛次句生信藏不信則佛

難值正信唯佛能生既值佛生信反覆相

成今之一遇何得不信

佛說法性皆無性甚深廣大不思議普使衆

生生淨信光燄天王能善了

八中初二句即所聞之法以無性爲法之

真性次句即令眾生信喜出離淨則出不信濁成無漏故

三世如來功德滿化眾生界不思議於彼思惟生慶悅如是樂法能開演

九中初句能調伏人前因此果耳化眾生界即調伏行無邊無盡為不思議思惟悅生是名為入

眾生沒在煩惱海愚癡見濁甚可怖大師哀愍令永離此化幢王所觀境

十中初二句即眾生無量煩惱謂利鈍二

使愛見羅刹皆甚可怖也次一句以悲愍

之以智令離愛見羅刹甚可怖畏者即涅槃第十一已如前引

如來恒放大光明一一光中無量佛各各現化眾生事此妙音天所入門

十一中既闕長行對名略顯初二句星宿

圖七

十四

莊嚴義也謂佛光流於法界祭若星羅次句即妙音莊嚴化眾生事不出三輪上云妙音舉一立稱耳若長行立名應云得放光現佛三輪攝化解脱門

復次可愛樂光明天王得恒受寂靜樂而能降現消滅世間苦解脱門

第四二禪長行十法初中二義一內證真樂經論共說樂有五種謂一因二果三苦對除四斷受五無惱害無惱害樂更有四種謂出家遠離樂禪定適悅樂菩提覺法

則七

十五

樂涅槃寂靜樂今當第四若通取受字兼禪定菩提則舍因果言恒受者以無所受受諸受故若待境界即非恒也二而能降下外建大義降神現相除苦因果此於涅槃體用障得解脱也經論共說樂有五種等者論即喻伽等經

即善戒經第二自利他品經云云何名  
 快樂快樂者有五種一者因樂二者受  
 樂三者斷受樂四者遠離樂五者菩提樂  
 云何因樂因內外觸因緣故有受樂  
 是名因樂因行善法得他世樂是名因樂  
 云何受樂從因緣身得增長心得安隱  
 是名受樂受樂者有二種何等為二者  
 有漏二者無漏無漏有二一者學地二  
 無學有漏有三欲界色界無色界二有  
 內外入故有六觸六觸有二一者身樂二  
 者心樂五識共行名為身樂意識共行名  
 為心樂修習聖道斷諸受故道得增長無  
 有諸受名斷受樂永斷煩惱身心無患名  
 遠離樂受常樂故名菩提樂或有說言無  
 想定者名為斷樂是義不然何以故不  
 受樂故遠離樂者有四種一者出家樂二  
 者寂靜樂三者斷樂四者菩提樂世間之  
 人多有憂苦永斷是苦名出家樂斷欲界  
 貪名寂靜樂永斷煩惱名為斷樂受常樂  
 故名菩提樂菩薩常能施眾生樂名菩提  
 樂菩薩摩訶薩自受常樂轉施眾生名菩  
 提樂何故名為因樂是樂因故名為因樂  
 不名受樂受樂者不名因樂以斷多樂故  
 樂者不名因樂不名受樂以斷多樂故  
 為斷樂遠離樂者不名因樂以斷多樂故  
 名斷樂以觀生死眾過患故名智慧樂菩  
 提樂者不名因樂不名受樂不名斷樂不  
 名遠離樂無邊常故名菩提樂名無勝樂  
 名無邊樂名無上樂亦名常樂名寂靜樂  
 菩薩摩訶薩能以如是五種之樂施於眾

生是名因樂義今疏望彼經數名不同若  
 欲會者果及苦對除即是受樂開出無惱  
 害者即遠離樂及菩提樂經中遠離有四  
 今云出家遠離樂含其二種出家即第一  
 遠離兼得第三斷樂復開菩提為菩提涅  
 槃二樂若瑜伽九十六說樂有二種一者  
 欲樂二者遠離遠離復有三種一劣謂無  
 所有已下二中謂第一有三勝謂滅受定  
 然世尊依第一義說有三種最寂靜樂謂  
 等解脫故總攝為三一應遠離二應修習  
 即前三上中下遠離名有上遠離三最  
 極究竟解脫無上住樂即前貪等解

喜樂藏解脫門

清淨妙光天王得大悲心相應海一切眾生

第二門謂無緣大悲與性海相應拔世憂

患故出生喜樂無盡名藏此於惱害心得

解脫

自在音天王得一念中普現無邊劫一切眾

生福德力解脫門

三一念等者修福德因感依正果福之力

也雖多人多劫所感念劫融之頃現此於

時劫得解脫也

最勝念智天王得普使成住壞一切世間皆悉如虛空清淨解脫門

第四門謂以佛力不動成住壞三皆如空劫常清淨也此於遷變得解脫也

可愛樂淨妙音天王得愛樂信受一切聖人法解脫門

五愛樂等者謂信樂佛菩薩法敬奉修行則二障得解脫也

善思惟音天王得能經劫住演說一切地義及方便解脫門

第六門地謂地智義謂清淨即離念超心地也方便者教導及入地之由入住出等也以無盡辯演無盡法故能經劫

演莊嚴音天王得一切菩薩從兜率天宮沒

四七

十七

下生時大供養方便解脫門

七一切等者通有二義一現多身與多供供多佛皆稱真故名大方便即長行意二一念八相遍法界故名大方便即偈中意於上自在名為解脫

甚深光音天王得觀察無盡神通智慧海解脫門

八於定慧障得解脫

廣大名稱天王得一切佛功德海滿足出現世間方便力解脫門

九果滿應機是於現身化生無堪任性得解脫

最勝淨光天王得如來往昔誓願力發生深信愛樂藏解脫門

十見佛大願雲愛樂隨學此於自輕障得



解脫

爾時可愛樂光明天王承佛威力普觀一切  
少光天無量光天極光天衆而說頌言

二頌中十偈次第依前

我念如來昔所行承事供養無邊佛如本信  
心清淨業以佛威神今悉見

今初前三句明寂靜樂通舉因樂以顯果  
樂後句降現之用

佛身無相離衆垢恒住慈悲哀憫地世間憂  
患悉使除此是妙光之解脫

二中初句即所相應海次句即能應大悲  
大悲荷物故名爲地次句即生喜藏憂除  
故喜患除故樂

佛法廣大無涯際一切刹海於中現如其成  
壞各不同自在音天解脫力

三中初句能現次句所現 四七

佛神通力無與等普現十方廣大刹悉令嚴  
淨常現前勝念解脫之方便

四中初二句即普使成住等次一句頌如  
虛空清淨以三災彌綸而淨土不毀故然

三四二偈似如前却且順文釋耳

如諸刹海微塵數所有如來咸敬奉聞法離  
染不唐捐此妙音天法門用

五中初二句咸敬奉是愛樂餘是聖人次  
一句即上法及信受也

佛於無量大劫海說地方便無倫匹所說無  
邊無有窮善思音天知此義

六中初句經劫住次二句即地義方便無  
邊是一切也

如來神變無量門一念現於一切處降神成

道大方便此莊嚴音之解脫

七中通頌八相普周略無供養

威力所持能演說及現諸佛神通事隨其根

欲悉令淨此光音天解脫門

八中初句是前智慧次句神通次句無盡

及海以隨根令淨是深廣故

如來智慧無邊際世中無等無所著慈心應

物普現前廣大名天悟斯道

九中初二句即德海滿足次句出現世間

佛昔修習菩提行供養十方一切佛一一佛

所發誓心最勝光聞大歡喜

十中三句通明前昔誓願力第四句結中

便顯深信愛樂藏以文云大歡喜故

大方廣佛華嚴經疏鈔會本第二之二

音釋

盟

烏沒切

奧

於到切

蕩

蕩徒浪切

漾

漾徒浪切

浮

浮遊貌

餘

餘亮

盲暗

盲眉庚切

目

唐

唐捐

捐謂徒棄也

也

也

也

也

也

大方廣佛華嚴經疏鈔會本第二之三 困八

唐于闐國三藏沙門實叉難陀 譯

唐清涼山大華嚴寺沙門澄觀撰述

復次尸棄梵王得普住十方道場中說法而

所行清淨無染著解脫門

第五初禪長行十法中一普住等者大用

應機故普遍說法用而常寂故行淨無染

得心無行故行淨了境無相故無染

慧光梵王得使一切衆生入禪三昧住解脫

門

二佛為定境住定則所見深故

善思慧光明梵王得普入一切不思議法解

脫門

三普入等者法海難量名不思議一言演

盡名為普入

普雲音梵王得入諸佛一切音聲海解脫門

四圓音隨類名音聲海要無分別方入佛

聲

觀世言音自在梵王得能憶念菩薩教化一

切衆生方便解脫門

五能憶等者化生即是趣菩提行故以宿

住智明記

寂靜光明眼梵王得現一切世間業報相各

差別解脫門

六衆生報異隨業有差佛示現受令生正

信

普光明梵王得隨一切衆生品類差別皆現

前調伏解脫門

七於法自在方能隨類調生

變化音梵王得住一切法清淨相寂滅行境

界解脫門

八佛身無相等法性之清淨現而同化爲寂滅之行矣

光耀眼梵王得於一切有無所著無邊際無依止常勤出現解脫門

九不著諸有故能常現三業無邊更無可依

悅意海音梵王得常思惟觀察無盡法解脫門

十觀性無相猶如虛空何有可盡察用隨

宜如擊水文隨擊隨生復何可盡

爾時尸棄大梵王承佛威力普觀一切梵身

天梵輔天梵衆天大梵天衆而說頌言

偈中先上首觀衆開成四天合則梵身即

衆亦有經云梵衆梵身梵輔梵眷屬身即

四八

二

是衆輔即眷屬

佛身清淨常寂滅光明照耀徧世間無相無行無影像譬如空雲如是見

十偈初中初句法身普遍道場次句智光說法次句行淨無染境相智行既亡則大

用影像亦寂後句通以喻顯雲不離空空不礙雲以況寂用

佛身如是定境界一切衆生莫能測示彼難思方便門此慧光王之所悟

二中初二句入禪之境如來法身即是心

四八

三

性若能觀之爲上定故次句示入方便雖多同入一寂

佛刹微塵法門海一言演說盡無餘如是劫

海演不窮善思慧光之解脫

三中初句即不思議法次二句明普入義

以一言說盡故一言說盡之辯劫海亦不

能窮顯法無盡也約能包則一言說盡約

能久則劫海莫窮然一言但說利塵未是

無盡設欲一言盡者則二三兩句相違一

言說盡劫海更何所演而得無窮更有所

演前則不盡又不可重說若欲通者總望

則可說盡隱映重重則不可盡如擊水

小擊大擊遍擊各隨文生盡未來際擊盡

未來文生為難思法也以一言說盡故者釋此一偈疏文有二意一佛法

對說前句一言說盡顯佛勝德後句劫說

不窮明法無盡約能包下總就佛說是歎

佛故前二句能包後一句能久然一言但

說利塵下通妨謂有問云前言說盡後云

不窮豈不相違答有二意一順文通二約

理通今初經云佛刹微塵法門海一言演

說盡無餘刹塵法外更有無盡之法何妨

劫海演說不窮故反成之設欲一言盡者

則二三兩句相違初明前達於後後更有

所演下後達於前若欲通下二約理會通

則前二句直是說盡一切諸法後之一句

不妨無窮若一言不盡者佛非不思議故云總說則盡成於前句隱映無盡成於後句兼以喻顯皆遺忘集意

諸佛圓音等世間衆生隨類各得解而於音

聲不分別普音梵天如是悟

四中圓音之義文略有三義一廣無邊二

別詮表三無分別如次三句餘如出現品

辯

三世所有諸如來趣入菩提方便行一切皆

於佛身現自在音天之解脫

五中初二句即教化衆生方便行三世諸

佛皆以利他為向菩提自清淨業故次句

前就梵王故云憶念今據如來故身現耳

一毛尚現何況全身

一切衆生業差別隨其因感種種殊世間如

是佛皆現寂靜光天能悟入

六中初句業相差別次句報相差別次句  
現同世間

無量法門皆自在調伏衆生徧十方亦不於  
中起分別此是普光之境界

七中前二句即隨類調生調法自在故能

隨類廣遍次句顯明前義無思成事故

佛身如空不可盡無相無礙徧十方所有應  
現皆如化變化音王悟斯道

八中初二句明佛體性即前清淨寂滅不  
可盡下略顯四義如空次句佛用應現為  
行既皆如化不失寂滅

如來身相無有邊智慧音聲亦如是處世現  
形無所著光耀天王入此門

九中初二句所現無有邊次句勤現無依  
著

法王安處妙法四八宮法身光明無不照法性無  
比無諸相此海音王之解脫

十中初二句常思大用無盡謂安住大悲  
宮能現大事故次句常觀法體無盡

復次自在天王得現前成熟無量衆生自在  
藏解脫門

自下第二欲界諸天文有七段第一他化  
天王長行十法中一謂現衆生前自在調  
伏使其成熟化法無盡故名為藏

善目主天王得觀察一切衆生樂令入聖境  
界樂解脫門

二觀世樂相皆苦故應捨觀世樂性即入  
聖樂

妙寶幢冠天王得隨諸衆生種種欲解令起  
行解脫門

三隨樂斷疑令起正行

勇猛慧天王得普攝為一切衆生所說義解

脫門

四一言普攝諸義遍於時處為物而說

妙音句天王得憶念如來廣大慈增進自所

行解脫門

五做佛修慈

妙光幢天王得示現大悲門摧滅一切憍慢

幢解脫門

六示現等者大悲十力摧彼慢高而無摧

心故云示現

寂靜境天王得調伏一切世間瞋害心解脫

門

七以智慧光照諸世間令離二毒之闇則

無惡趣之果瞋癡障重故與偈互陳

妙輪莊嚴幢天王得十方無邊佛隨憶念悉

來赴解脫門

八十方等者為念佛三昧純熟故隨念何

佛即能得見如休捨解脫等

華光慧天王得隨衆生心念普現成正覺解

脫門

九應念現成

因陀羅妙光天王得普入一切世間大威力

自在法解脫門

十普入等者寂用自在現世調生總名威

力

爾時自在天王承佛威力普觀一切自在天

衆而說頌言

佛身周徧等法界普應衆生悉現前種種教

門常化誘於法自在能開悟

偈中亦十初中初句體遍次句用周故能  
現前次句教藏能成後句所成自在開於  
法藏悟深法門即成熟也

世間所有種種樂聖寂滅樂為最勝住於廣  
大法性中妙眼天王觀見此

四八

二中初二句二樂次句令入

七

如來出現徧十方普應群心而說法一切疑  
念皆除斷此妙幢冠解脫門

諸佛徧世演妙音無量劫中所說法能以一  
言咸說盡勇猛慧天之解脫

三四可知

世間所有廣大慈不及如來一毫分佛慈如  
空不可盡此妙音天之所得

五中三句共顯如來大慈初二句舉劣顯  
勝次句以喻正顯謂世慈有相若須彌之

高大海之廣終可傾盡佛慈稱性若芥子  
之空投刃之地即不可盡又如空有普覆

常攝廣容無礙難壞無盡略舉一無盡耳

芥子之空者即四十一經云佛子譬如虛  
空於蟲所食芥子孔中亦不減小於無數  
世界中亦不增廣其諸佛身亦復如是見  
大之時亦無所增見小之時亦無所減今

但取能喻投刃之地者即莊子中庖丁為  
文惠君解牛十九年而刀若新發於剛  
君問其故答云臣始見牛為全牛也今見  
非全牛彼節者有間而刀刃者無厚以無  
厚入有間恢恢乎其於遊刃必有餘地矣  
故文選云投刃皆虛日牛無全今借其骨  
間小空以對上小  
空為真俗之況耳

一切眾生慢高山十力摧殄悉無餘此是如  
來大悲用妙光幢王所行道

慧光清淨滿世間若有見者除癡暗令其遠  
離諸惡道寂靜天王悟斯法

毛孔光明能演說等衆生數諸佛名隨其所  
樂悉得聞此妙輪幢之解脫

樂悉得聞此妙輪幢之解脫



六七與八文亦可知

如來自在不可量法界虛空悉充滿一切衆

會皆明觀此解脫門華慧入

九中初二句明佛體普遍無成不成次句

隨衆生心現成正覺

無量無邊大劫海普現十方而說法未曾見

佛有去來此妙光天之所悟

十中普現十方即普入一切世間餘皆威

力自在餘皆威力自在者大集經云孩子于以啼為力女人以瞋為力外道以見為力波旬以生死為力菩薩以慈悲為力佛以智慧為力故以說法皆為威力

復次善化天王得開示一切業變化力解脫

門

門

第二化樂天長行十一法中一為物開示

諸業如化化雖體虛而有作用為力業亦

從緣無性而報不忘

四八

八

寂靜音光明天王得捨離一切攀緣解脫門

二捨離等者攀取緣慮是惑病之本若心

境無得則捨攀緣攀取緣慮是惑病之本者即淨名問疾品經云

何謂病本謂有攀緣從有攀緣則為病本

何所攀緣謂之三界云何斷攀緣以無所得若無所得則無攀緣何謂無所得謂離

二見何謂二見謂內見外見是無所得故今疏云心境無得則捨攀緣

變化力光明天王得普滅一切衆生癡暗心

令智慧圓滿解脫門

三閻減智生如月盈缺

莊嚴主天王得示現無邊悅意聲解脫門

四示現等者梵聲微妙故云悅意應遍十方故云無邊

方故云無邊

念光天王得了知一切佛無盡福德相解脫

門

五知一切等者此有三義一福德之相有

十蓮華藏世界微塵數故無有盡二謂清淨慈門等無限因所生故一一因果皆稱真故一一即無有盡皆同虛空三大慈悲行是福德相使盲聾視聽等皆慈善根力故涅槃經中有聞讚佛為大福德怒云生經七日母便命終豈謂大福德相讚者云年志俱盛而不卒暴打之不瞋罵之不報是故我言大福德相怒者聞而心伏故慈為無盡福相然與前義相成涅槃經中有聞讚佛等者即三十八經南經三十五諸婆羅門欲與佛拈力爾時復有一婆羅門作如是言瞿曇沙門成就具足無量功德汝等不應與評大眾答言癡人云何說言沙門瞿曇有大功德其生七日母便命終是何得名福德相耶婆羅門言罵時不瞋打時不報當知即是福德相其具足三十二相八十種好無量神通是故當知是福德相無憍慢先意問訊言語柔順初無盛德年志俱盛心不卒暴王國多財無所愛德捨之出家如棄涕唾是故我言沙門瞿曇成就具足無量功德大眾答言善哉仁者瞿

曇沙門實如所說成就無量神通變化我不應與彼捫試是事釋曰文甚昭著今但義引略不引相好者前已有故然與前義相成者第二義慈為相因此義慈即是相果由因致復能顯因故云相成

最上雲音天王得普知過去一切劫成壞次第解脫門

六三達圓智了三世劫此就天王且言宿住耳

勝光天王得開悟一切衆生智解脫門

七開悟等者此門闕偈上下文中屢有開悟即同法華開示悟入以開攝示以悟攝

入謂開示約能化悟入約所化以開攝示二釋前即嘉祥意四句雖殊不出能所開示約能化悟入約所化全彼疏文彼更釋云能化有大開之與曲示所化有始悟之與終入意云但就有性名為大開言此是

凡夫性此是聖人性因果理行即名曲示豁然了知故名為悟修行契證目之為入則始淺終深下引論意則彼論云開者無初深終淺以入約因故

上義謂除一切智智更無餘事即雙開菩提涅槃謂以知見之性為涅槃知見之相為菩提衆生本有障翳不現佛為開除則本智顯故示者同義三乘同法身故悟者不知義不知唯一實事故今令知成報身

菩提故入者令證不退轉地故即是因義為證初地已上為菩提涅槃因故廣如彼

釋彼論云下即第二釋彼論先釋如來知見云佛知見者如來能證如實知彼義故疏意云如實即法性所證也知彼義即能證大智也能所知見皆名知見正同今經開示正覺境界正覺即能證境界即所證今疏但出開等四句開者無上義論標

名也除一切智智更無餘事者釋所開即一切智智一切智是根本智重言智者是後得智根本名知後得名見除此二事更無有餘能勝過此故名無上即雙開菩提涅槃者釋所開一切智智也謂以知見之性下釋雙開義衆生本有下疏釋開義大乘法師釋開云開者出生顯證之義謂出生菩提顯證涅槃故即法相宗之意故下釋悟云令悟知見性相並皆本有本有大今疏意不然知見性相並皆本有本有大

智光明遍照法界義故涅槃云佛性名第一義空知見性也第一義空名為智慧知見相也在因為性相在果為菩提涅槃故云衆生本有障翳不現耳智障菩提感障涅槃二障俱無菩提涅槃一時俱顯故云佛為開除則本智顯現示者同義別示知見之性以成菩提言不知唯一實事者經云之相以成菩提言不知唯一實事者經云唯此一事實餘二則非真一實事即是知見上三皆果斷德智德以總別故而成三句入即因義未知何可能證故示與無量智業無量智者即果中一切智智體用而言業者是彼因也所以要舉初地已上為因者登地證如為涅槃因能證地智為菩提因故十地論釋經究竟如虛空即菩提因際云即因善決定究竟如虛空即菩提因如依空生色色不盡故盡未來際為涅槃因常果無窮故二果即智性相也又開者即般若故論云除一切智智更無餘事示即法身悟即解脫三德涅槃即是三句入

是三德之因上有三意一約佛性釋二約菩提涅槃釋三約三德涅槃釋會之並同佛性有果有果即菩提涅槃故三德涅槃攝菩提故亦佛性故餘如前後釋禪宗之解如

問明品

妙髻天王得舒光疾滿十方虛空界解脫門

八稱性之光有何難遍

喜慧天正得一切所作無能壞精進力解脫門

九一切等者謂契理具修長劫無倦故衆魔外道所不能摧

華光髻天王得知一切衆生業所受報解脫門

門

十善惡等殊苦樂等異皆知性相

普見十方天王得示現不思議衆生形類差別解脫門

別解脫門

十一示現等者無邊品類一毛頓現更無

來去尤顯難思

爾時善化天王承佛威力普觀一切善化天

衆而說頌言

偈中脫於第七唯有十偈

世間業性不思議佛爲群迷悉開示巧說因

緣真實理一切衆生差別業

初中初句總次句開示後二句顯如化力

差別業者果不亡故

種種觀佛無所有十方求覓不可得法身示

現無真實此法寂音之所見

二中初句所攀緣後二無得然緣境有二

一真二妄真佛有緣亦成妄惑況於妄耶

種種觀者五求不得故謂佛有耶常見爲

惑謂佛無耶邪見深厚四句百非所不能

加故無所有非唯一佛十方亦然應化示

現非真實故求實無得即見真身真即無

緣佛尚應捨何況餘境

是五求不得等者即

偈云非陰不離陰此彼不相在如來不有

陰何處有如來計有五故一謂即陰是如

有我我爲如來計有五故一謂即陰是如

來二謂離陰有如來三謂陰能有如來今並非

謂陰中有如來五謂陰能有如來今並非

之若陰即如來陰生滅故佛應生滅故云

非陰二若謂離陰有如來者以何相知如  
 求墮常過離陰生滅故云不離三若謂  
 如來中有陰如器中有果則亦是異如來  
 亦墮常故四若陰中有如來在五若如來  
 亦有別異過故云此彼不相在五若如來  
 能有五陰陰屬如來者則如人有子亦有  
 別異過異則如來者則如人有子亦有  
 成異過初即是一總合但是一異過耳故  
 觀法品破我但云若我是五陰我即為生  
 滅若我異五陰即非五陰相今細推尋故  
 有五求皆不可得上之五求但能破有今  
 四句並非故言謂佛有耶常見為感謂佛  
 無耶邪見深厚此且雙破有無而有過則  
 微無過則重故云深厚彼論偈云邪見深  
 厚者則說無如來如來寂滅相分別有亦  
 非如是性空中思惟亦不可者亦違有無  
 四句百非所不能加故無所有者結歸經  
 文華中論中略說三種四句皆不能加初  
 偈云空則不可說非空不可說共不共巨  
 說但以假名說此一四句共即俱句不共  
 則雙遮若別說者一空二非空三亦空亦  
 非空四非空非非空此皆雙遮辯中第二  
 四句云寂滅相中無邊無邊等四今並拂之  
 句云寂滅相中無邊無邊等四今並拂之  
 非唯此四泛爾隨相皆悉非之然百非有  
 二義一約十惡說如下當明二約通相說  
 謂離一切分別之相耳故論結云如來過  
 戲論而人生戲論破慧眼是皆不見  
 佛請起心動念並為戲論非觀如來應如  
 淨名觀阿闍品故疏結云真則無緣佛尚

應捨何況餘境即借用全  
 剛法尚應捨何況非法

佛於劫海修諸行為滅世間癡暗惑是故清

淨最照明此是力光心所悟

世間所有妙音聲無有能比如來音佛以一

音徧十方入此解脫莊嚴主

三四可知

世間所有眾福力不與如來一相等如來福

德同虛空此念光天所觀見

五中初二句福德相次句無盡相相好者

經云盡人中福不及一天乃至云盡世間

福不及如來一相等相好經云盡人中福

一切世間福不及如來一毛功德一切毛

功德不及一好一切好功德不及一相故

各福相云不及如來一相等

等取喻伽四十九亦如是說

三世所有無量劫如其成敗種種相佛一毛  
 孔皆能現最上雲音所了知

六中約天之智普知約佛一毛能現○七  
十方虛空可知量佛毛孔量不可得如是無  
礙不思議妙髻天王已能悟

八中初二句明毛孔過空謂靈智證理非  
如虛空真理超事故亦非比無限理智不

可分析隨其少分即融攝重重故一毛之  
量便越虛空次句別示越相謂毛孔不大

而無涯即廣陲無礙故杜絕思議之境前  
即一光外展今即一毛內廣文綺互耳一

毛本自遍空十方豈得難滿毛孔過空疏  
有三段說二

禮過一如來靈智能證真理虛空不能證  
二如來稱真之理空超過事空事空即斷  
滅空故三無限理智下雙結上二皆不可  
分理無分限智契於理亦無分限智結靈  
智理結真理既不可分一毛稱真則重重  
融攝此處之空豈不能攝於餘處之空

佛於曩世無量劫具修廣大波羅蜜勤行精  
進無厭怠喜慧能知此法門

九中初句長時修次句無餘修次句無間  
修具此三修故進力難壞而言廣大波羅  
蜜者至第五經釋

業性因緣不可思佛為世間皆演說法性本  
淨無諸垢此是華光之入處

十中初句總顯業之性相即緣生果報之  
不亡便是無性之非有故不可有無思也

次句佛如是說天如是知次句以法性示  
業性

汝應觀佛一毛孔一切衆生悉在中彼亦不  
來亦不去此普見王之所了四八  
十五

十一中初二句小一現大多為一難思次  
句現時不來不現不去又難思也

復次知足天王得一切佛出興世圓滿教輪  
解脫門

第三知足天長行十法中第一天得總相  
法門諸佛將興皆生彼天下生之時普應  
法界頓闡華嚴爲圓滿法

喜樂海髻天王得盡虛空界清淨光明身解  
脫門

二盡虛空等者光明色身皆遍空界了不  
可取故云清淨

最勝功德幢天王得消滅世間苦淨願海解  
脫門

三以淨願力滅惑業苦

寂靜光天王得普現身說法解脫門

善目天王得普淨一切衆生界解脫門

四五可知

寶峰月天王得普化世間常現前無盡藏解  
脫門

六普化等者普卽無偏常卽無間示其真  
樂卽如來藏

勇健力天王得開示一切佛正覺境界解脫  
門

七自覺智境佛已入之故示物同悟故

金剛妙光天王得堅固一切衆生菩提心令  
不可壞解脫門

八以淨福堅菩提心

星宿幢天王得一切佛出興咸親近觀察調  
伏衆生方便解脫門

九謂仰觀下化

妙莊嚴天王得一念悉知衆生心隨機應現  
解脫門

十卽照現迅疾也

大方廣佛華嚴經疏鈔會本第二之三

音釋

橋慢 橋舉奇切 傲也  
 慢莫宴切 倨也  
 曩世 曩乃郎切 曩昔也  
 世謂昔世也  
 卒暴 卒蒼沒切 暴猛急也  
 校也 岳切  
 摧殄 摧徒祖回切 折也  
 殄徒典切 滅也  
 報 報吳經切  
 斃 斃石也  
 摘 摘古猛切 附也

因八

十六



大方廣佛華嚴經疏鈔會本第二之四 困九

唐于闐國三藏沙門實義難陀 譯

唐清涼山大華嚴寺沙門澄觀撰述

爾時知足天王承佛威力普觀一切知足天

眾而說頌言

困九

如來廣大徧法界於諸眾生悉平等普應群

情闡妙門令入難思清淨法

偈中初偈前半即出世義上句體智俱遍

下句悲用皆普後半即圓滿教輪前句即

實之權為妙門後句會權入實為圓滿

佛身普現於十方無著無礙不可取種種色

像世咸見此喜髻天之所入

二中可知

如來往昔修諸行清淨大願深如海一切佛

法皆令滿勝德能知此方便

三中初二句以行淨願次句雜染本空故

前令滅佛法本具故今令滿妄盡真顯二

言相成

如來法身不思議如影分形等法界處處闡

明一切法寂靜光天解脫門

四中初二句依體普現若月入百川尋影

之月月體不分即體之用用彌法界體用

交徹故不思議次句稱根說法尋影之月

者北中法喻影略若具更云以月隨影萬

流異見尋用之體體本寂然為寂靜光也

眾生業惑所纏覆憍慢放逸心馳蕩如來為

說寂靜法善日照知心喜慶

五中前半即所淨之眾生具三雜染故於

中上句標下句略示惑相慢是根本憍逸

隨惑憍謂染自盛事慢謂恃已陵他放逸

即是縱蕩憍為染法所依慢能長淪生死

放逸衆惑之本故偏舉此三蕩者動也謂境風鼓擊飄蕩馳散次句能淨法門謂不

取於相當體寂故

便是根本等者六根本小之一也僑逸隨惑者

二十隨煩惱中之二也僑是小隨放逸是

大隨並如初發心品今略釋之以經有意

故慢謂已下釋三惑相以順經文故唯識

云慢謂恃已於他高舉為性能障不慢生

苦為業謂若有慢於彼有德心不謙下由

此生死輪轉無窮受諸苦故疏云慢能

長淪生死論云云何為僑於自盛事源生

衆著醉做為性能障不倫染依為業故疏

云僑為染法所依論云云何放逸謂於染

淨品不能防修縱蕩為性障不放逸增惡

振善所依為業故疏云放

逸即是縱蕩餘可思準

二

一切世間真導師為救為歸而出現普示衆

生安樂處峯月於此能深入

諸佛境界不思議一切法界皆周徧入於諸

法到彼岸勇慧見此生歡喜

若有衆生堪受化聞佛功德趣菩提令住福

海常清淨妙光於此能觀察

六七及八丈並可知

十方刹海微塵數一切佛所皆徃集恭敬供

養聽聞法此莊嚴幢之所見

九中通顯上既親近必當敬養聞法以聞

調他為真供養列名中云星宿幢今故莊

嚴與長行互出

衆生心海不思議無住無動無依處佛於一

念皆明見妙莊嚴天斯善了

十中前半所知衆生心上句標深廣下句

顯相念慮不住多於草故廣也深者有三

義一恒轉如流故不住二本體寂然故不

動三從緣妄起無別所依次句即一念悉

知

復次時分天王得發起一切衆生善根令永

離憂惱解脫門

第四時分天十法一善根若發憂惱自除  
妙光天王得普入一切境界解脫門

二以無限方便普證法身之境

無盡慧功德幢天王得滅除一切患大悲輪  
解脫門

三悲摧感苦故名爲輪

善化端嚴天王得了知三世一切衆生心解  
脫門

四以三達智知機授法

總持大光明天王得陀羅尼門光明憶持一

切法無忘失解脫門

五陀羅尼等者總持入理故名爲門以慧

爲體故云光明若取助伴則兼念定念即

明記故能憶持定乃心一常無忘失四無

礙等一切諸法皆是所持

不思議慧天王得善入一切業自性不思議

方便解脫門

六可知

輪齋天王得轉法輪成熟衆生方便解脫門

七轉法等者轉法示菩提之道即是成熟

衆生方便

光燄天王得廣大眼普觀衆生而往調伏解

脫門

八十眼圓見隨宜往調

光照天王得超出一切業障不隨魔所作解

脫門

九超出等者超出業障使離惡因不隨魔

作捨惡緣也

普觀察大名稱天王得善誘誨一切諸天衆

令受行心清淨解脫門

十等雨法雨誘令進善使彼受行誨令斷  
 惡得心清淨此就於天偈通一切  
 爾時時分天王承佛威力普觀一切時分天  
 衆而說頌言

偈中亦十

四九

佛於無量久遠劫已竭世間憂惱海廣關離  
 塵清淨道永耀衆生智慧燈

初偈通顯前半彰已已離後半開發能離

善根

如來法身甚廣大十方邊際不可得一切方  
 便無限量妙光明天智能入  
 生老病死憂悲苦逼迫世間無暫歇大師哀  
 愍誓悉除無盡慧光能覺了  
 佛如幻智無所礙於三世法悉明達普入衆  
 生心行中此善化天之境界

四九

三

總持邊際不可得辯才大海亦無盡能轉清  
 淨妙法輪此是大光之解脫

二三四五文並可知

業性廣大無窮盡智慧覺了善開示一切方  
 便不思議如是慧天之所入

六中初句即業性言廣大者一念造一切  
 故無窮盡者未得對治無能止故有多門  
 故次句善入智了自入開示令他入次句  
 入門多種

轉不思議妙法輪顯示修習菩提道永滅一  
 切衆生苦此是輪齋方便地  
 如來真身本無二應物隨形滿世間衆生各  
 見在其前此是燄天之境界  
 七八亦可知  
 若有衆生一見佛必使淨除諸業障離諸魔

業永無餘光照天王所行道

九中初句見佛為緣次二見佛二益一正

智生必內超業障二佛為真導豈外逐魔

緣既不隨魔安造魔業十魔並離故致諸

言十魔並離者即五十八經一慈魔二煩  
惱三業四心五死六天七善根八三昧

九善知識十菩提  
法智下廣有釋

一切眾會廣大海佛在其中最威耀普雨法

雨潤眾生此解脫門名稱入

十亦可知

復次釋迦因陀羅天王得憶念三世佛出興

乃至剎成壞皆明見大歡喜解脫門

第五三十三天眾長行有十一法初中承

力故憶念念過去佛者曾入此天故三世

有二一亦念未來二過去自互相望亦有

三世生大喜者境殊勝故慶自福故

普稱滿音天王得能令佛色身最清淨廣大  
世無能比解脫門

二能令等者然佛身無染淨大小亦無勝

劣猶若虛空雲屯即闇日朗即明色昏即

劣物隔言小今妄雲盡而智光照故清淨

性空現故廣大妙色顯故無比皆解脫力

故曰能令

慈目寶髻天王得慈雲普覆解脫門

三大慈不揀怨親若雲無心而普覆

寶光幢名稱天王得恒見佛於一切世主前

現種種形相威德身解脫門

四恒見等者人天世主多恃威德故佛現

超之令其敬喜

發生喜樂髻天王得知一切眾生城邑宮殿

從何福業生解脫門

五知其因果差別使物勤修因果並得名福

端正念天王得開示諸佛成熟衆生事解脫門

六開示等者示佛調生令菩薩做習

高勝音天王得知一切世間成壞劫轉變相

解脫門

七初成後壞住時轉變乃至毛孔細刹皆

悉知之言轉變者福人出世則琳琅現矣

薄福者出則荆棘生焉

成就念天王得憶念當來菩薩調伏衆生行

解脫門

八憶念等者佛毛現因調行天憶則能思

齊

淨華光天王得了知一切諸天快樂因解脫

門

九一切諸樂以佛爲因具勝德故就樂增

勝說諸天耳

智日眼天王得開示一切諸天子受生善根

俾無癡惑解脫門

十開示等者受生善根即念佛力開示令

不迷惑則去放逸而進修

自在光明天王得開悟一切諸天衆令永斷

種種疑解脫門

十一疑自疑他疑理疑事有多種種如聞

空疑斷聞有疑常聞變是則疑其兩分聞

雙非疑無所據又聞空疑有聞有疑工等

互相疑也今開之使悟

疑自疑他等者然疑有二一相通說

於諸諦理猶豫爲性能障不疑善品爲業

二者五蓋中疑略有三種一疑自謂已不

能入理二疑師爲彼不能善教三疑法謂

於所學爲今出離爲不出離如有病人疑

自疑醫疑藥病終不愈今言疑自疑他疑  
理疑事即五蓋中之三種也合其事理皆  
所疑法通相說也如聞空疑斷者略示疑  
理事之相亦通一切疑也疏有二勢一當  
句生疑謂聞空疑斷等不了真空將謂斷  
滅等二又聞空疑有者即空有五疑而云  
等者等取聞疑是則疑雙非聞雙非則疑  
兩是今聞之可思更畧示其義謂聞空莫  
疑斷是即事之空非斷滅故聞有莫疑常  
非定性有從緣有故聞雙是莫疑兩分但  
雙照二諦無二體故聞雙非莫疑無據以  
但邊過令不著故又聞空莫疑於有是即  
有之空故聞有莫疑於空是即空之有故  
聞雙是莫疑雙非是即非有無為有無故  
聞雙非莫疑雙是是即  
有無方是非有無故

爾時釋迦因陀羅天王承佛威力普觀一切

三十三天衆而說頌言

偈中亦有十一

我念三世一切佛所有境界悉平等如其國  
土壤與成以佛威神皆得見

初中云平等者化儀同故又以世俗文  
字數故說有三世非謂如來有去來今又

以世俗下即淨名第二  
唯改菩提為如來耳

佛身廣大徧十方妙色無比利群生光明照  
耀靡不及此道普稱能觀見

二中初句廣大次句無比次句清淨然古  
德明通有六義一廣謂總法界為身故二

遍全徧一塵至十方故三妙色即無色無

色之色故四勝無有比故五益利物無涯

故六用光破闇故

如來方便大慈海往劫修行極清淨化導衆  
生無有邊寶髻天王斯悟了

三中前半即慈雲上句果大下句因深一

切佛法依慈悲慈悲又依方便立俱稱深  
廣故致海言次句即普覆也

我念法王功德海世中最上無與等發生廣  
大歡喜心此寶光天之解脫

佛知衆生善業海種種勝因生大福皆令顯  
現無有餘此喜髻天之所見  
諸佛出現於十方普徧一切世間中觀衆生  
心示調伏正念天王悟斯道  
如來智身廣大眼世界微塵無不見如是普  
徧於十方此雲音天之解脫  
一切佛子菩提行如來悉現毛孔中如其無  
量皆具足此念天王所明見  
世間所有安樂事一切皆由佛出生如來功  
德勝無等此解脫處華王入

次六可知

若念如來少功德乃至一念心專仰諸惡道  
怖悉永除智眼於此能深悟

十中初二句即前善根少功德者以少況  
多彰因爲勝次句即人天受生故離三惡

怖

寂滅法中大神通普應群心靡不周所有疑  
惑皆令斷此光明王之所得

十一中初句即能開之法是寂滅智通次  
二句由普應故疑皆斷也

復次日天子得淨光普照十方衆生盡未來  
劫常爲利益解脫門

第六日天長行十一法旣爲日天多辯光  
益初一名及法門皆是總也謂佛身智光  
猶如彼日無私而照是曰淨光此光體也

次辯光用略有四義一約心高下齊明故  
名普照二約處則窮十方界三約時盡於  
未來四約功用常無間斷如斯利益即大  
智之功

光燄眼天子得以一切隨類身開悟衆生令



入智慧海解脫門

二以一切等者衆生本有佛智如海潛流  
今佛以隨彼彼類身設種種方便務在開  
悟令其證入

須彌光歡喜幢天子得爲一切衆生主令勤

修無邊淨功德解脫門

三衆生愛染漂泊無依佛德無礙應爲其  
主隨修絕染名淨功德一行契理即曰無  
邊况其具修耶

淨寶月天子得修一切苦行深心歡喜解脫

門

四修一切等者以智導悲爲物受苦故深  
歡喜

勇猛不退轉天子得無礙光普照令一切衆  
生益其精爽解脫門

因九

十一

五謂體離障惑用而遂通故云無礙若身

若智俱得稱光周而不偏故云普照身心

明利是益精爽爽明也大集經云國王護

法增長三種精氣一地精氣謂五穀豐熟

二衆生精氣謂形貌端嚴無諸疾疫三善

法精氣謂修施戒信等今文正在第三益

其福智義兼前二法力遠資故

妙華纓光明天子得淨光普照衆生身令生

歡喜信解海解脫門

六淨光等者身智二光淨物身心信解深

廣于何不喜

最勝幢光明天子得光明普照一切世間令

成辨種種妙功德解脫門

七晝則勤心修善業故

寶髻普光明天子得大悲海現無邊境界種

種色相寶解脫門

八大悲海等者謂無緣大悲坐於道樹出  
多奇寶故色相寶者應言寶色相圓明可  
貴故以寶為體寶莊嚴故具十蓮華藏塵  
數故云種種一一色相用周法界名現無  
邊境如是皆從大悲海流悲海包納不揀  
賢愚故

光明眼天子得淨治一切衆生眼令見法界

藏解脫門

九慧除癡翳法眼則淨淨見法界法界即

藏藏如前說

持德天子得發生清淨相續心令不失壞解  
脫門

十發生等者謂於佛所發生清淨心曾一  
供養能令其福續至菩提故如出現品食

金剛喻況相續耶

普運行光明天子得普運日宮殿照十方一  
切衆生令成就所作業解脫門

十一使物居業莫越日光令人進德寧過  
法義

爾時日天子承佛威力普觀一切日天子衆  
而說頌言

偈中亦有十一

如來廣大智慧光普照十方諸國土一切衆  
生咸見佛種種調伏多方便

初中前半淨光普照後半常為利益滅惡

生善破愚為智等為多方便

如來色相無有邊隨其所樂悉現身普為世  
間開智海欲眼如是觀於佛

佛身無等無有比光明照耀徧十方超過一

切最無上如是法門歡喜得

二三可知

爲利世間修苦行往來諸有無量劫光明徧  
淨如虛空寶月能知此方便

四中前半即一切苦行此有四難一背已

利世難二行相唯苦難三處經諸有難四

時劫無量難於此具行故云一切次句明

深心歡喜亦有四義一爲物苦行滿本願

故義在初句二智照苦性本空寂故即有

光明照空三遍淨無染非雜毒故即遍淨

如空四自他有果非無利故即第三句全

佛演妙音無障礙普徧十方諸國土以法滋

味益群生勇猛能知此方便

放光明網不思議普淨一切諸含識悉使發

生深信解此華纓天所入門

五六可知光網之義如賢首品

世間所有諸光明不及佛一毛孔光佛光如

是不思議此勝幢光之解脫

七中通明舉劣顯勝以辯難思故能成辨

諸妙功德言世不及者世雖多光益非究

竟佛光雖少必徹真源不可盡故以一況

諸

一切諸佛法如是悉坐菩提樹王下令非道

者住於道寶髻光明如是見

衆生盲暗愚癡苦佛欲令其生淨眼是故爲

然智慧燈善目於此深觀察

解脫方便自在尊若有曾見一供養悉使修

行至於果此是德天方便力

八九與十文亦可知

一法門中無量門無量千劫如是說所演法

門廣大義普運光天之所了

十一中初句即能照法門猶一日宮千光

並照隨舉一法有無量門然有二義一約

相類如一無常門有生老病死聚散合離

得失成壞三災四相外器內身剎那一期

生滅轉變染淨隱顯皆無常門餘亦如是

二就性融不可盡也次二句普運照義一

日周天則日日無盡一門歷事則劫劫難

窮方便多門終歸一極廣者無邊大者無

上

復次月天子得淨光普照法界攝化衆生解

脫門

第七月天長行十法初名法門亦總稱也

謂光有身智二殊法界亦事理兩別事即

機之身心及所依剎身光照身令覺照剎

圖九

十四

令淨智光照心破癡照理令顯身智二光

相即則所照四法亦融以之稱普並除惑

障俱得淨名

華王髻光明天子得觀察一切衆生界令普

入無邊法解脫門

二觀察等者悲心普觀授以多法令入無

邊法界

衆妙淨光天子得了知一切衆生心海種種

攀緣轉解脫門

三衆生藏識皆名心海前七轉識名攀緣

圖九

十五

轉轉謂轉生亦流轉也緣境非一立種種

名故經云藏識海常住境界風所動種種

諸識浪騰躍而轉生喻云洪波鼓溟壑無

有斷絕期既知機殊隨應授法

等者此疏義引具云譬如巨海浪斯由猛  
風起洪波鼓溟壑無有斷絕期藏識海常

故經云藏  
識海常住

住等同此義至問  
明品當廣分別耳

安樂世間心天子得與一切衆生不可思議

樂令踊躍大歡喜解脫門

四與一切衆生等者謂示物聖樂令得初  
地此樂本有染而不染爲不思議

樹王眼光明天子得如田家作業種芽莖等

隨時守護令成就解脫門

五謂以菩提心爲家二利爲作業並以身  
口爲牛利智爲犁耕於心地下聞熏種生  
信解芽起正行莖開諸覺華獲菩提果自  
利則以不放逸隨時守護利他則以能化  
大願守護不令魔惑禽獸侵犯從因至果  
得成就也

出現淨光天子得慈悲救護一切衆生令現  
見受苦受樂事解脫門

六慈悲等者謂慈護現樂悲救其苦令見

因果斷惡修善名真救護

普遊不動光天子得能持清淨月普現十方

解脫門

七以佛智風持大悲月使明見正覺離苦

清涼

星宿王自在天子得開示一切法如幻如虛

空無相無自性解脫門

八開示等者一切法有二種一是所迷謂  
緣起不實故如幻緣成故無性二是能迷  
謂遍計無物故如空妄計故無相又緣起  
法有二義一無相如空則蕩盡無所有是  
相空也二無自性如幻則業果恒不失即  
性空也此二不二爲一緣起是故兩喻共  
顯一法既不迷能所則悟真如成正智火

言此二不二者融上性相二空俱非了義何者  
 耶謂若不達者性相二空故若云相空性又不  
 謂法若性空猶如畫火無有熱性而似火  
 空以性相異猶不見其相而有其性如角峯  
 相如木中火不見其相而有其性如角峯  
 垂頤即是牛相負重致遠是其性故性主  
 於內相礙於外若一空者彼一空性若得  
 意者此二相成謂由從緣無性名爲性空  
 故令體相無不空寂即相空也此以性空  
 成於相空由諸相蕩盡是故空中無色無  
 受想行識方顯法性本自空耳此以相空  
 成性空故二空相成性云不二也又說性空  
 總有三義一法無定名空則相未空二  
 法之真性本空則一切法性自空矣非推  
 無性故名爲空則一切法性自空矣非推  
 之使空則悟具如成一切法性自空矣非推  
 法三自性三性文顯五法相者謂徧計無  
 物故亡名也妄計無相絕妄想也緣起無  
 相故亡相也悟具如即圓  
 咸成正智火五法具矣

淨覺月天子得普爲一切衆生起大業用解脫門

九悲願爲物現相好形是大業也

大威德光明天子得普斷一切疑惑解脫門

十普斷等者毛光普演何疑不斷

田九

十七

爾時月天子承佛威力普觀一切月宮殿中  
 諸天衆會而說頌言

偈中亦十

佛放光明徧世間照耀十方諸國土演不思  
 議廣大法永破衆生癡惑暗

境界無邊無有盡於無量劫常開導種種自  
 在化群生華髻如是觀於佛

初二可知

衆生心海念念殊佛智寬廣悉了知普爲說  
 法令歡喜此妙光明之解脫

三中初句即心海攀緣轉若以生滅八識

即彼第八亦名爲轉以恒轉故云念念殊

恒故非斷轉故非常

若以生滅八識即彼第八亦名轉者以起  
 信中則生滅與不生滅和合故有藏識海  
 常住之言如長行辯今取唯識宗八識唯  
 是業或辨生故皆生滅言以恒轉故者即  
 引證也論釋第一能覺即阿賴耶於中因

果法論間之恒轉如瀑流論有問云阿鞞  
耶識為斷為常論答云非斷非常以恒轉  
故恒謂此識無始時來一類相續常無間  
斷是界趣生施設本故性堅持種令不失  
故轉謂此識無始時來一念生滅前後變  
異因滅果生非常一故可為轉識熏成種  
故恒言速斷轉表非常猶如瀑流因果法  
爾云念念殊者即以論恒轉之言會同經  
文新新而生念念而滅念念殊故體恒不

即彼如來藏功德常具義亦不離如彼瀑  
流離水無流離流無水又如海波濤有漂  
溺故多畜養故法合思之次句明了知謂

此識深細唯佛智知故次句示心海性即  
是佛智不令外求稱機故喜新新已下義  
引上論念念

殊故下會法性宗與如來藏非一非異故  
起信云謂不生不滅與生滅和合非一非  
異名阿鞞耶識由念念殊是生滅故與藏  
非一即此生滅心恒沙性德本來具足故  
名不離不即不觀即不一不異如彼瀑流  
者即向所引唯識後文云如瀑流水非斷  
非常相續長時有所漂溺此識亦爾從無  
始來生滅相續非常非斷漂溺有情今不  
出離又如瀑流離因風等擊起諸波而流  
不斷此識亦爾離過來緣起眼等識而恒

相續又如瀑流深水上下魚羊等物隨流  
不捨此識亦爾與內習氣外觸等法恒相  
續轉釋曰但觀上引於疏文中二宗合釋  
如瀑流水即唯識文離水無流通二宗義  
若成法相離第八識廣如問明又如海波  
離即起信云如大海水因風波動水相風  
濤即不相捨離海即成識如長行說恒常住  
相不相捨離海即成識如長行說恒常住  
故見如來藏此即成上離水無流亦乃生  
下有所漂溺即唯識上生人天猶如漂草  
下有三望猶如湖魚多畜養故又兼法性  
此中具有恒沙性德一切至實自此而生  
若取法相阿陀那識甚微細一切種子如  
瀑流我於凡愚不聞演說彼分別執為我  
亦多畜養義義氣二宗言法合思之已如  
上說玄文又明至問明品當廣分別二宗  
之異謂此識微細即如向引傷文即唯識  
第三引解深密偈次句示心海性即是佛  
智者上句佛智為能了故八十經云佛智  
廣大如虛空因九了世間諸妄想故今此即  
出現品云一切眾生無不具有如來智慧  
如大海水潛流四天下地故云即是佛智  
不令外求者即淨名云諸佛解脫當於  
衆生心中求稱彼圓機故生歡喜

彼法性門安樂思惟如是見  
四中初二句明失聖樂聖安樂者即聖智

涅槃本有今無故沉迷妄苦次句明與示其性有樂非苦外名不思議見性得樂性

即是門即聖智涅槃本有今無者約法相說涅槃本有聖智本無故無苦撰

覺法之樂今約法性涅槃聖智皆有性淨即法性門是則真樂本有失而不知云無有耳故初地云諸佛正法如是甚深而諸凡夫心慳邪見既失真樂妄苦本空得而

不覺是故因九沉迷若覺本性不沉迷故故第

三句示其性有令其覺性了彼苦性真寂靜樂云樂非苦外是以長行名不思議見性得樂性即是門者若約解苦無苦苦為見性之門今約見性成

佛故性為聖樂之門

如來希有大慈悲為利衆生入諸有說法勸善令成就此目光天所了知

五中但是法說如來即田主也悲佃物田

為利入有是所作業為利同於求果入有

似於耕犁說法即是下種勸善正當守護

令熟可知

世尊開闡法光明分別世間諸業性善惡所

行無失壞淨光見此生歡喜

六中前悲救護語其本心此明智光彰其

所用悲智相導能真救也

佛為一切福所依譬如大地持宮室巧示離

憂安隱道不動能知此方便

七中初句佛為福依月為涼本次句應言

大風持宮而今云爾即是轉喻大地如佛

宮室如福次句即照現義亦清涼義

智火大明周法界現形無數等衆生普為一

切開真實星宿王天悟斯道

八中可知

佛如虛空無自性為利衆生現世間相好莊

嚴如影像淨覺天王如是見

九中初句佛如虛空大業性也次句大業

體也不利衆生非大業故次句大業相依



光有影可以知動靜依鏡有像可以辯妍

媿然彼影像無自性相如來相好當知亦

爾依光有影等者疏開影像一字以為兩喻影謂光影喻像謂鏡像喻然此二喻

有通一切今取別義光影之喻喻佛現多

端故云有動靜質動影動質靜影靜鏡像

佛身毛孔雀演音法雲覆世悉無餘聽聞莫

不生歡喜如是解脫光天悟

十亦可知 天衆竟

### 大方廣佛華嚴經疏鈔會本第二之四

#### 音釋

趁離呈切纏纏澄延切瀑滂報切馳馳與凌同纏纏澄延切瀑滂報切馳馳與凌同

蕩蕩馳陳知切廣廣謂廣大開闢也關關毗亦切廣廣謂廣大開闢也

逼逼迫筆力切寬寬廣大開闢也關關毗亦切廣廣謂廣大開闢也

柱柱切枝也溟溟各切溟溟各切海海各切頤頤下音也頤頤下音也

大方廣佛華嚴經疏鈔會本第三之一 因十

唐于闐國三藏沙門實叉難陀 譯

唐清涼山大華嚴寺沙門澄觀撰述

復次持國乾闥婆王得自在方便攝一切衆

生解脫門

因十

自下第二有八段明八部四王衆初四段

皆初一是天義如前釋今初乾闥婆王長

行十法初一即東方天王謂攝受折伏逆

順多端善巧應機故名自在

樹光乾闥婆王得昔見一切功德莊嚴解脫

門

二昔見等者謂令衆生見佛一切功德莊

嚴佛一毛而為利益一一皆爾故云昔見

淨目乾闥婆王得求斷一切衆生憂苦出生

歡喜藏解脫門

三以慈愍方便除憂則喜生憂苦既如海

廣深喜樂亦難盡名藏然則世之憂喜生

乎利害利害存乎情偽苦樂存乎吉凶吉

凶存乎愛惡愛惡盡則吉凶苦樂皆亡情

偽息則利害憂喜永斷如此方為永斷憂

苦喜樂生焉

然則世之憂喜生乎利害下上顯釋經文此下密取經意

舉世憂喜況出世樂即周易繫辭之文而

倒用之先具出易文易云剛柔雜居而吉

凶可見矣變動以利言註云變而通之以

盡利也易云吉凶以情遷註云吉凶無定

唯人所動情順乘理以之吉情逆違道以

相攻而吉凶生焉即今說云吉凶存乎愛

惡則愛惡是吉凶之因也易云遠近相取

而悔悟生情偽相感而利害生即今說云

憂喜存乎利害利害存乎情偽是則情偽

為利害因故註云情以感物則得利偽以

感物則致害則有憂喜故利害是憂喜之

因故上易云遠近相取而悔悟生意云相

取相資也順之則喜逆之則憂順則利也

逆則害也又次易云凡易之情近而不相

得則凶或害之悔且各今為順逆之次第

不順既次但曉易文疏文自了愛惡盡下

彰滅吉凶憂喜所以易難無文乃易本意

即知無憂無喜方為大喜無苦無樂真樂耳

華冠乾闥婆王得永斷一切衆生邪見惑解

脫門

四永斷等謂得佛決定智先則邪惑永斷

喜步普音乾闥婆王得如雲廣布普蔭澤一

切衆生解脫門

五謂慈雲普蔭材與不材皆涼慧澤廣霑

三草二木咸發

慈雲普蔭材與不材皆涼

法華材者可為棟樑成器之木也不材無所堪也莊子行山見伐木者止其傍而不取周歎曰此木以不材得終其天年及還至故人家主人將殺鴈豎子曰一能鳴一

不能鳴請奚殺主人曰殺不能鳴者弟子問周曰山中之木以不材得終天年主人之屬以不材致死先生將何處焉周笑對曰將處夫材與不材之間然材不材之言雖在莊子意亦法華第三云我觀一切普皆平等乃至云貴賤上下持戒毀戒威儀具足及不具足正見邪見利根鈍根等兩法兩而無懈倦即材與不材皆涼也言三草者謂小草中草上草二木謂小樹大樹以人天乘為小草經云或處人天轉輪聖

王釋梵諸王是小藥草二乘為中草經云知無漏法能得涅槃起六神通及得三明獨處山林常行禪定得緣覺證是中藥草菩薩為上草經云求世尊處我當作佛行精進定是上藥草此通說大乘為上以大乘登地已上慈陰義廣復加二樹七地已前小樹經云又諸佛子專心佛道常行慈悲自知作佛決定無疑是名小樹八地已上為大樹經云安住神通轉不退輪度無量億百千衆生如是菩薩名為大樹而言

咸發者經云佛平等說如一味雨隨衆生性所受不同如彼草木所薰各異等

樂搖動美目乾闥婆王得現廣大妙好身令

一切獲安樂解脫門

六現廣等者現身益物也稱性普應故廣

大具相清淨故妙好

妙音師子幢乾闥婆王得普散十方一切大

名稱寶解脫門

七佛出說法是大名稱佛法衆僧俱稱為

寶令此遠聞義云普散

普放寶光明乾闥婆王得現一切大歡喜光

明清淨身解脫門

八現一切等者身光普照塵不能染見者必歡智光悅機惑累不生又歡喜也故云大喜

金剛樹華幢乾闥婆王得普滋榮一切樹令

見者歡喜解脫門

九法水遍滋菩提實行行既樹立見者必歡無復二乘一切皆菩提樹也

昔現莊嚴乾闥婆王得善入一切佛境界與衆生安樂解脫門

十善入等者一多無礙名爲佛境天王智達故云善入

爾時持國乾闥婆王承佛威力普觀一切乾闥婆衆而說頌言

偈中亦十

諸佛境界無量門一切衆生莫能入善逝如

空性清淨普爲世間開正道

如來一一毛孔中功德大海皆充滿一切世

間咸利樂此樹光王所能見

世間廣大憂苦海佛能消竭悉無餘如來慈

愍多方便淨目於此能深解

十方刹海無有邊佛以智光咸照耀普使滌

除邪惡見此樹華王所入門

佛於往昔無量劫修習大慈方便行一切世

間咸慰安此道普音能悟入

前五可知

佛身清淨皆樂見能生世間無盡樂解脫因

果次第成美目於斯善開示

六中初句現身次一句一切獲安樂也世

間即一切也無盡樂總顯也謂佛現於世

足履影覆若在人天現增快樂若在下苦

七日之中身心安樂乃至終獲涅槃之樂

故云無盡足履影覆至身心安樂者涅槃中猶自戰懼至佛影中坦然安樂世尊履地去地四指然當足下蟲皆得生天於如來所種少善根如食金剛必至涅槃

樂先因後果先世後出世皆次第義又總

取偈意佛身清淨是解脫因生無盡樂是

解脫果又總取偈意等者上別配三句竟有五對因果一取初句上四字為因第三句初二字是果由佛身淨今眾解脫故二以第三句初解脫字為因第二句為果此是如來作用解脫令眾生得樂故上為一

對世無盡樂又解脫因能現淨身又解脫

果世無盡樂下三以第二句為因第三句初解脫字為果以世樂為因出世解脫樂為果故四以第三句初解脫字為因第一句初四字為果佛證離障解脫方能起於大用而現身

見即為清淨身果五又佛身清淨下唯就初句自分因果上四字

見即為清淨身果初句自分因果上四字

為因下三字為果由佛身淨令物樂見無有厭足六以下三字為因上四字為果由物樂見自感淨身又眾生若樂見則淨身有果若不樂見則淨身無果即以他為果故上即眾生樂見是安樂因無盡安樂第三對

是樂見果七眾生樂見下以初句下三字上人間常受安樂八第二句為因初句下三字為果樂見若得樂樂見即有果樂見

若無樂樂見便無無盡安樂是淨身因能

現淨業是無盡果九無盡安樂下以第二句為果由得無盡世樂故終得清淨之身此舉世尊因中修行之果勤物亦然十能現淨業是無盡果者即以第二句中下三字為因第一句上四字為果謂無盡樂即涅槃樂安住涅槃能建大事方現淨身是故淨身是無盡樂果故上釋云終獲涅槃

為無盡樂則無盡樂言有其二種一則出世如上所明二連取一句即世無盡樂如純陀施佛果報無盡應不

成佛故約世樂說無盡耳如是展轉因果

名次第成結云如是展轉者遂互相成也

眾生迷惑常流轉愚癡障蓋極堅密如來為說廣大法師子幢玉能演暢

七中初一句寶所濟機堅謂難壞密謂無隙間無空處智不得生次句正散寶也

如來普現妙色身無量差別等眾生種種方便照世間普放寶光如是見

八中結句應云普放寶光如是見而云妙

音譯者之誤妙音屬前師子幢故

大智方便無量門佛為群生普開闢入勝菩提真實行此金剛幢善觀察

九中初二句法水普滋次句道樹普榮也又方便多門是開權也入菩提行是顯實

也種種方便但為一乘是普滋也

一剎那中百千劫佛力能現無所動等以安樂施群生此樂莊嚴之解脫

十中初二句佛境也次句安樂也佛力能現無所動者遮妄見也非促多劫就一剎

那非展剎那受於多劫本相如故名無所

動隨應度者佛力令見

後次增長鳩槃荼王得滅一切冤害力解脫

門

第二鳩槃荼王長行十法中初即南方天

王謂內惑外讐皆名怨害安住忍力並能

伏之

龍土鳩槃荼王得修習無邊行門海解脫門

二修習等者二利之行趣果曰門深廣難

窮名無邊海

四

莊嚴幢鳩槃荼王得知一切眾生心所樂解

脫門

三知其現欲如應化伏

饒益行鳩槃荼王得普成就清淨大光明所

作業解脫門

四普成就等者鈍識者現之以通利智者示之以法遍世多劫名普成就並如虛空故云清淨俱能照世即是光明三輪化生是所作業

可怖畏鳩槃荼王得開示一切衆生安隱無

畏道解脫門

四十

七

五世間感苦可畏不安菩提涅槃安隱無畏萬行爲其因道則無畏滅果成矣

妙莊嚴鳩槃荼王得消竭一切衆生愛欲海

解脫門

六消竭等者愛欲漂流深廣如海智日赫

照則妄竭眞明

高峯慧鳩槃荼王得普現諸趣光明雲解脫

門

七謂於諸趣普現身雲耀通明等之電光

也

勇健臂鳩槃荼王得普放光明滅如山重障

解脫門

八普放等者身智光明遣除二障

無邊淨華眼鳩槃荼王得開示不退轉大悲

藏解脫門

九多劫修悲究竟滅苦爲不退轉悲多方

便故復名藏爲安衆生所以開示

廣大面鳩槃荼王得普現諸趣流轉身解脫

門

十普現等者稱性神通無來去而流轉

爾時增長鳩槃荼王承佛威力普觀一切鳩

槃荼衆而說頌言

成就忍力世導師爲物修行無量劫永離世

間憍慢惑是故其身最嚴淨

偈中初偈通顯明佛已滅怨怨之大者莫越憍慢有之則卑陋滅之則端嚴

佛昔普修諸行海教化十方無量眾種種方便利群生此解脫門龍主得

佛以大智救眾生莫不明了知其心種種自在而調伏嚴幢見此生歡喜

神通應現如光影法輪真實同虛空如是處世無央劫此饒益王之所證

眾生癡翳常蒙惑佛光照現安隱道為作救護令除苦可畏能觀此法門

次四偈可知

欲海漂淪具眾苦智光普照滅無餘既除苦已為說法此妙莊嚴之所悟

六中初句欲海欲為苦本云具眾苦次二句消竭既欲惡止當說善行欲為苦本者法華云諸苦

所因貪欲為本

佛身普應無不見種種方便化群生音如雷

震雨法雨如是法門高慧入

七中初句普現身雲次句明等電光故云種種次句兼明雷雨雷有二義一遠震二

發生謂蟄蟲發動草木發萌圓音之雷可

以思準

次句明等電光者下經云通明無畏以馬電光謂十通十明十無畏等皆稱電光故云方便圓音之雷可以思準者謂雷震百里今周法界二發生是標云何為發耽著禪味起大功用是蟄蟲發動云何為生令諸眾生善根萌芽未生令

四十

九

清淨光明不唐發若遇必令消重障演佛功德無有邊勇臂能明此深理

為欲安樂諸眾生修習大悲無量劫種種方便除眾苦如是淨華之所見

神通自在不思議其身普現徧十方而於一



切無來去此廣面王心所了

餘三可知

復次毗樓博又龍王得消滅一切諸龍趣熾然苦解脫門

第三龍王眾準偈及梵本皆有十前第二

卷中長行脫第五但有十法今長行十一

法初一即西方天王法門及第二如偈當

釋

娑竭羅龍王得一念中轉自龍形示現無量

眾生身解脫門

雲音幢龍王得於一切諸有趣中以清淨音

說佛無邊名號海解脫門

三與偈文通有六義一諸趣是化處二淨

音是化具三佛名是化法四神通是化本

五眾生是化機六隨樂是化意

皎口龍王得普現無邊佛世界建立差別解

脫門

四普現等者謂一毛普現無邊依正以毛稱性能廣容故廣容即是普遍故能現之佛還自住於毛孔所現刹中能所無雜依

正區分大小宛然名建立差別

皎龍王得一切眾生瞋癡蓋纏如來慈愍令

除滅解脫門

五靜法云準梵本有焰龍王得一切眾生

瞋癡蓋纏如來慈愍令除滅解脫門謂大

四十

十

慈居懷則三毒俱滅

雲幢龍王得開示一切眾生大喜樂福德海

解脫門

六開示等者佛大慈悲是福德海二資糧

滿然後得故眾生慈福即是百川佛毛示

現以表同體既知同體自然朝宗因示悟

入故得大喜樂

自然朝宗者謂百川趨海如萬國歸朝禮云春見曰

朝夏見曰宗

德又迦龍王得以清淨救護音滅除一切怖

畏解脫門

七慈音智俱故云清淨淨無貪愛何畏何

憂

無邊步龍王得示現一切佛色身及住劫次

第解脫門

八示現等者謂於身中現身土也

清淨色速疾龍王得出生一切衆生大愛樂

歡喜海解脫門

九觀佛首行深廣故愛樂歡喜海言通二

謂歡喜供養

昔行大音龍王得示現一切平等悅意無礙

四十一

十一

音解脫門

十示現等者謂爲衆演音故云示現音有

四義一類多謂一切二普遍謂平等三稱

根清雅故云悅意四一音隨類故云無礙

無礙即方便也

無熱惱龍王得以大悲普覆雲滅一切世間

苦解脫門

十一謂此無熱龍住清涼池出香美水流

注四海導引百川時布慈雲降澍甘澤是

故能滅諸世間苦

爾時毗樓博叉龍王承佛威力普觀一切諸

龍衆已而說頌言

汝觀如來法常爾一切衆生咸利益能以大

慈哀愍力拔彼畏塗淪墜者

偈有十一初中諸龍有四熱惱名熾然苦

今並有治一金翅所食苦初句爲治以觀

佛法同三歸故二行欲時復本身苦三鱗

甲細蟲苦並第二句爲治學佛等利故四

熱砂著身苦後二句爲治以不堪蟲癢熱

砂中蟻今大悲哀愍故能治之有說四苦

無鱗甲細蟲而有風吹寶衣露身之苦亦

以第二句治之就龍且說龍趣末句約佛

通拔畏塗諸龍皆有四種熱惱者經論不

同然誘佛經說如阿那婆達名

龍王三種過患皆悉遠離一者熱沙不置

其頭二者不以蛇身行欲三者無迦樓羅

鳥之畏彼喻發菩提心離三界惡然會之

亦同無鱗甲細蟲而有風吹者由有細蟲

故顯熱沙此二則同其風吹寶衣露

身即現復本身之耻所以互有開合

一切衆生種種別於一毛端皆示現神通變

化滿世間娑竭如是觀於佛

二中此就佛論示現前約龍云能轉又前

一念時促今一毛處小二文影略餘九可

知但第五偈即前所脫

佛以神通無限力廣演名號等衆生隨其所

樂普使聞如是雲音能悟解

無量無邊國土衆佛能令入一毛孔如來安

坐彼會中此談口龍之所見

一切衆生瞋恚心纏蓋愚癡深若海如來慈

愍皆除滅談龍觀此能明見

一切衆生福德力佛毛孔中皆顯現現已令

歸大福海此高雲幢之所觀

佛身毛孔發智光其光處處演妙音衆生聞

者除憂畏德又迦龍悟斯道

三世一切諸如來國土莊嚴劫次第如是皆

於佛身現廣步見此神通力

我觀如來往昔行供養一切諸佛海於彼咸

增喜樂心此速疾龍之所入

佛以方便隨類音為眾說法令歡喜其音清  
雅眾所悅普行聞此心欣悟

眾生逼迫諸有中業惑漂轉無人救佛以大  
悲令解脫無熱大龍能悟此

復次毗沙門夜又王得以無邊方便救護惡

眾生解脫門

四十

十三

第四夜又王眾長行十法

第四夜又王下  
前之十段長行

得頌委釋第十一段去即摘難釋此下多  
不釋得偈有難者懸引釋於長行之中講  
者自對會之

謂善者自樂不待加哀惡者必苦心則偏

重巧救多門故云無邊又此天能伏惡鬼

令不犯眾生是救護也

自在音夜又王得普觀察眾生方便救護解

脫門

二普觀悲救救苦護善不滯空有故云方

便

嚴持器仗夜又王得能資益一切甚羸惡眾  
生解脫門

三惡業障重名甚羸惡又羸無善力謂一  
闡提惡即弊惡謗方等經者明示妙理是

謂資益

大智慧夜又王得稱揚一切聖功德海解脫

門

四做佛歎佛得名聞果

跋眼主夜又王得普觀察一切眾生大悲智

解脫門

五悲智二照合為一心與法身俱故恒觀

察

金剛眼夜又王得種種方便利益安樂一切

眾生解脫門

六妙音說法利益多端唯應度者聲暨能益

勇健臂夜又王得普入一切諸法義解脫門

七教廣理深一句能演即是普入

勇敢大軍夜又王得守護一切衆生令住於道無空過者解脫門

八令物離邪則能住正爲守護矣然住正道者則不分別是邪是正云不思議

住正道者

下即淨名入不二法門品中珠頂王菩薩之言

富財夜又王得增長一切衆生福德聚令恒

受快樂解脫門

九集福德因受快樂果由身智光得增長也

力壞高山夜又王得隨順憶念出生佛力智光明解脫門

十

十

十念佛修因生十力果天未證極故云隨順

爾時多聞大夜又王承佛威力普觀一切夜又衆會而說頌言

偈中亦十文顯可知

衆生罪惡深可怖於百千劫不見佛漂流生

死受衆苦爲救是等佛興世

如來救護諸世間悉現一切衆生前息彼畏

塗輪轉苦如是法門音王入

衆生惡業爲重障佛示妙理令開解譬以明

十

十五

燈照世間此法嚴仗能觀見

佛昔劫海修諸行稱讚十方一切佛故有高

遠大名聞此智慧王之所了

智慧如空無有邊法身廣大不思議是故十

方皆出現皎目於此能觀察

一切趣中演妙音說法利益諸群生其聲所  
暨眾苦滅入此方便金剛眼

一切甚深廣大義如來一句能演說如是教  
理等世間勇健慧王之所悟

一切眾生住邪道佛示正道不思議普使世

間成法器此勇敢軍能悟解

世間所有眾福業一切皆由佛光照佛智慧

海難測量如是富財之解脫

憶念往劫無央數佛於是中修十力能令諸  
力皆圓滿此高幢王所了知

復次善慧摩睺羅伽王得以一切神通方便  
令眾集功德解脫門

第五摩睺羅伽眾十法一普現威光名為  
神通不動性淨示涅槃因故云方便依因  
集德必得無依涅槃

淨威音摩睺羅伽王得使一切眾生除煩惱  
得清涼悅樂解脫門

二除惑契寂是清淨因清涼悅樂是涅槃  
果

勝慧莊嚴髻摩睺羅伽王得普使一切善不

善思覺眾生入清淨法解脫門

三善者善之不善者佛亦善之善覺亦亡

乃入本淨善者善之等即道德經云善者吾善之不善者吾亦善之

妙目主摩睺羅伽王得了達一切無所著福  
德自在平等相解脫門

四福非福相染不可著非福現福名自在  
相佛佛無二是平等相

燈幢摩睺羅伽王得開示一切眾生令離黑  
暗怖畏道解脫門

五無智黑因如燈開示怖畏苦果如幢為

歸

最勝光明幢摩睺羅伽王得了知一切佛功

德生歡喜解脫門

六以知佛德同空齊已一性故歡喜也

師子臆摩睺羅伽王得勇猛力為一切衆生

四十

十六

救護主解脫門

七見理決斷聞深不怖聞淺不疑聞非深

非淺意而有勇八風不傾為勇猛力既以

自正必能正他為救護主聞深不怖等者大分深義所謂

空也聞說於空謂同斷滅故令人怖故大品云既非先有亦非後無自性常空勿生

驚怖聞淺不疑者淺謂涉事方便多門則令疑惑今知隨宜何所疑耶聞非深非淺

疑無所據使身心茫然知非深為妙有非淺為真空離身心相方為勇猛可造斯境

又此三句亦即三觀初空次假後中道三句齊聞一念皆會

衆妙莊嚴音摩睺羅伽王得令一切衆生隨

憶念生無邊喜樂解脫門

四十

十七

八往修喜因故見念皆喜

須彌臆摩睺羅伽王得於一切所緣決定不

動到彼岸滿足解脫門

九見理智成則緣不動智為行本諸度悉

圓亦猶海納百川更不流矣

可愛樂光明摩睺羅伽王得為一切不平等

衆生開示平等道解脫門

十開生等理示佛等應破情不等令悟性

等為平等道

爾時善慧威光摩睺羅伽王承佛威力普觀

一切摩睺羅伽衆而說頌言

十偈如次文顯可知

汝觀如來性清淨普現威光利群品示甘露

道使清涼衆苦永滅無所依

一切衆生居有海諸惡業惑自纏覆示彼所

行寂靜法離塵威音能善了

佛智無等巨思議知衆生心無不盡爲彼闡

明清淨法如是嚴髻心能悟

無量諸佛現世間普爲衆生作福田福海廣

大深難測妙目大王能悉見

一切衆生憂畏苦佛普現前而救護法界虛

空靡不周此是燈幢所行境

佛一毛孔諸功德世間共度不能了無邊無

盡同虛空如是廣大光幢見

如來通達一切法於彼法性皆明照如須彌

山不傾動入此法門師子臆

佛於往昔廣大劫集歡喜海深無盡是故見

者靡不欣此法嚴音之所入

了知法界無形相波羅蜜海悉圓滿大光普

救諸衆生山臆能知此方便

汝觀如來自在力十方降現罔不均一切衆

生咸照悟此妙光明能善入

後次善慧光明天緊那羅王得普生一切喜

樂業解脫門

第六緊那羅王十法一世喜樂業皆因佛

生

妙華幢緊那羅王得能生無上法喜令一切

受安樂解脫門

二聞深適神故法喜無上終得涅槃無盡

安樂

四十一

十六

種種莊嚴緊那羅王得一切功德滿足廣大

清淨信解藏解脫門

三佛德深廣信亦包含

悅意吼聲緊那羅王得恒出一切悅意聲令

聞者離憂怖解脫門



四音演真法令聞故妄憂除而意悅

寶樹光明緊那羅王得大悲安立一切衆生

今覺悟所緣解脫門

五達境唯心而本空則安立衆生於覺悟

普樂見緊那羅王得示現一切妙色身解脫

明十

十九

門

六難遇益生所以示現相嚴常住名為妙

色

最勝光莊嚴緊那羅王得了知一切殊勝莊

嚴果所從生業解脫門

七大智普慈是二嚴果一切智因是能生

業

微妙華幢緊那羅王得善觀察一切世間業

所生報解脫門

八業細難窮自觀示物

動地力緊那羅王得恒起一切利益衆生事

解脫門

九神通益物無間稱恒

威猛主緊那羅王得善知一切緊那羅心巧

攝御解脫門

十知機巧化謂攝心正智御心如境

爾時善慧光明天緊那羅王承佛威力普觀

一切緊那羅衆而說頌言

十頌次第文並可知

世間所有安樂事一切皆由見佛興導師利

益諸衆生普作救護歸依處

出生一切諸喜樂世間咸得無有盡能令見

者不唐捐此是華幢之所悟

佛功德海無有盡求其邊際不可得光明普

照於十方此莊嚴王之解脫

如來大音常演暢開示離憂眞實法衆生聞者咸欣悅如是吼聲能信受

我觀如來自在力皆由往昔所修行大悲救物令清淨此寶樹王能悟入

如來難可得見聞衆生億劫時乃遇衆相爲

嚴悉具足此樂見王之所親

四十

二十

汝觀如來大智慧普應群生心所欲一切智道靡不宜最勝莊嚴此能了

業海廣大不思議衆生苦樂皆從起如是一切能開示此華幢王所了知

諸佛神通無間歌十方大地恒震動一切衆生莫能知此廣大力恒明見

處於衆會現神通放大光明令覺悟顯示一切如來境此威猛主能觀察

復次大速疾力迦樓羅王得無著無礙眼普

觀察衆生界解脫門

第七迦樓羅王依賢首靜法皆云準頌長

行脫第五執持王一智無著故見無礙悲

普觀故通悉調

不可壞寶髻迦樓羅王得普安住法界教化

衆生解脫門

二遍坐覺樹名住法界現通說法名爲教化

化

清淨速疾迦樓羅王得普成就波羅蜜精進

力解脫門

四十

五

三進策諸度往修故成

不退心莊嚴迦樓羅王得勇猛力入如來境

界解脫門

四境界如偈文難思則入方爲勇猛

大海處攝持力迦樓羅王得入佛行廣大智

慧海解脫門

五諸本多脫遇本有文云大海處攝持力

迦樓羅王得能竭衆生煩惱海解脫門多

是古疏本脫今依有本然偈約能竭說佛

福智 今南藏能竭衆生煩惱海

堅法淨光迦樓羅王得成就無邊衆生差別

智解脫門

六衆生無邊故成就智多

妙嚴冠髻迦樓羅王得莊嚴佛法城解脫門

七城有三義一防外敵二養人衆三開門

引攝 城有三義下文有二意先解長行城義後會偈頌門義前中有三初立城

三今言法城通教理行果行契理教則無

不俱嚴故 次今言法城已下出城體 各有三義謂了心

城之性空則衆惑不入見恒沙性德則萬

行爰增道無不通則自他引攝 三各有三義下別釋

教理行果皆有防外敵等三而四法為三

以理行合釋非理不顯行非行不顯理故

初若了心城之性空則衆惑不入是防外

敵義性空是理謂自性淨心不與妄合即

理防外敵了空即行衆惑不入即行為城

名防外敵見恒沙性德則萬行爰增即是

第二養人衆義恒沙性德是不空藏是理

所養見即行體萬行爰增即行養人衆義

以知法性本寂有大智慧增定慧等道無

不通則自他引攝者第三開門引攝義道

無不通言舍二意一理即是道無不通故

即開門引攝二行契於道則無所不通故

能引攝二便能契果絕百非以成解脫養

利之行 衆德以全法身開般若而無不通矣 便能契下

約果城說三義果由理行故便能即方顯

契果位三德為涅槃城之三義矣 教城無非養所詮旨句句通神 方顯教下

三城皆因能詮方有斯多義故偈云廣大 巨窮重重四門故無數量究竟能闡唯我 世尊 有斯多義下二會釋偈文重重四門

門義言四重者一即單四句如向所說二  
 複四句謂一有有無二無有無三亦  
 有亦無有亦有亦無四非有非無有非  
 有非無無而言複者四句之中皆說有無  
 故第三具足四句者四句之中皆具四故  
 第一有句具四者謂一有有二有無三有  
 亦有亦無四有非有非無第二無句中四  
 者一無有二無無三無亦有亦無四無非  
 有非無第三亦有亦無無三亦有亦無亦  
 無有二亦有亦無無三亦有亦無亦  
 無四亦有亦無非有非無第四非有非無  
 具四者一非有非無有非無非有非無三  
 非有非無亦有亦無四非有非無非有非  
 無上四四一十六句為具足四句第四絕  
 言四句者一單四句外一絕言二絕四句  
 外一絕言三具足四句外一絕言有三絕  
 言若為見釋上諸四句一皆有一十八  
 使相應是見即外道見故若約佛法歷四  
 教四門各生四見又一種四句各一絕言  
 如是一一亦各有八十八使六十二見百  
 八等惑若破諸見一一見破一一成門故  
 云重重四門又重重者如一有一無門具諸  
 四句則歷常無常我與無我等亦有四  
 句謂一有無常二無無常三亦有亦無  
 常四非有非無無常等又歷萬行謂布施  
 等如云一有布施二無布施三亦有亦無  
 布施四非有  
 非無布施等

普捷示現迦樓羅王得成就不可壞平等力

解脫門

四十

三三

八法身無相故不可壞體即真如凡聖平等無分別智安住證會名成就力

普觀海迦樓羅王得了知一切衆生身而為現形解脫門

九現同類形方便調伏

龍音大目精迦樓羅王得普入一切衆生殺生行智解脫門

十衆生殺生皆由行業佛生死智方能普

入

大方廣佛華嚴經疏鈔會本第三之一

音釋

蟄 直立切 癢 以兩切 駮 勝扇切 馬 蔭 於禁切  
 也 踏 徒到切 遞 大計切 耽 都合切 複 音福  
 也 滌 徒也 慰 紆胃切 癡 越之切 迷 於計切  
 滌除 滌音狄 慰 安也 癡 也 迷 於計切

也 漂 淪 漂 音 飄 流 也 淪 龍 泰 切 沒 也  
 也 及 巨 思 巨 音 火 切 捷 疾 也 羸 惡 羸 倫 爲 登 巨 至

大方廣佛華嚴經疏鈔會本第三之二 橫一

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時大速疾力迦樓羅王承佛威力普觀一

切迦樓羅衆而說頌言

續一

頌文如次配釋可知

佛眼廣大無邊際普見十方諸國土其中衆

生不可量現大神通悉調伏

佛神通力無所礙徧坐十方覺樹下演法如

雲悉充滿寶髻聽聞心不逆

佛於往昔修諸行普淨廣大波羅蜜供養一

切諸如來此速疾王深信解

如來一一毛孔中一念普現無邊行如是難

思佛境界不退莊嚴悉明觀

佛行廣大不思議一切衆生莫能測導師功

德智慧海此執持王所行處

但第五偈或有前脫故略釋之初二句甚

深廣大次句福智相嚴行通因果因深果

遠已不思議復有一行是如來行所謂大

乘大般涅槃則行爲果果皆絕言道佛行

如出現品後有一行是如來行即涅槃第十一至下當引

如來無量智慧光能滅衆生癡惑網一切世

間咸救護此是堅法所持說

法城廣大不可窮其門種種無數量如來處

世大開闡此妙冠髻能明入

一切諸佛一法身真如平等無分別佛以此

力常安住普捷現王斯具演

佛昔諸有攝衆生普放光明徧世間種種方

便示調伏此勝法門觀海悟

佛觀一切諸國土悉依業海而安住普雨法

兩於其中龍音解脫能如是

復次羅睺阿脩羅王得現為大會尊勝主解

脫門

第八阿脩羅王十法一修羅尊勝等須彌

之高如來威光蔽十方大衆衆生各見真

橫一

二

勝主也

毗摩質多羅阿脩羅王得示現無量劫解脫

門

二彼能以一絲作種種事今一刹那現於

多劫調生等事

巧幻術阿脩羅王得消滅一切衆生苦令清

淨解脫門

三以多法門入佛境界則苦滅心淨種種

法門亦如幻也下云苦末羅即巧幻梵音

大眷屬阿脩羅王得脩一切苦行自莊嚴解

脫門

四多劫多苦為物非已如尸毗救鴿薩埵

投崖已是丈夫最勝嚴飾况終剋寂智萬

德以嚴翻顯無利勤苦誠為可醜既為物

而行故有大眷屬如尸毗王代鴿即智論第五及報恩經皆本師

本行如常所知

婆稚阿脩羅王得震動十方無邊境界解脫

門

五以大幻通力動刹悟機不怖衆生斯為

大力大力婆稚華梵異耳

橫一

三

徧照阿脩羅王得種種方便安立一切衆生

解脫門

六開種種權門安衆生於一極之樂權為

入大之本故皆佛智因權實不迷斯為遍

照

堅固行妙莊嚴阿脩羅王得普集不可壞善  
根淨諸染著解脫門

七萬善順理普不可壞斯解脫處何染不  
亡功歸正覺故偈云佛力如是修者堅固  
妙嚴

廣大因慧阿脩羅王得大悲力無疑惑主解  
脫門

八悲用智故普令無疑主斯事者廣大因  
慧

現勝德阿脩羅王得普令見佛承事供養修  
諸善根解脫門

九供事修善有勝德故

善因阿脩羅王得普入一切趣決定平等行  
解脫門

十普入諸趣明處無不遍偈云三世時無

不均同有佛姓名為決定具上三義平等  
行焉不宣實義非善音也此上一段及後  
夜神皆結歸名上下例然恐繁不釋  
爾時羅睺阿脩羅王承佛威力普觀一切阿  
脩羅衆而說頌言

頌文如次可知

十方所有廣大衆佛在其中最殊特光明徧  
照等虛空普現一切衆生前

百千萬劫諸佛土一剎那中悉明現舒光化  
物靡不周如是毗摩深讚喜

如來境界無與等種種法門常利益衆生有  
苦皆令滅苦末羅王此能見

無量劫中修苦行利益衆生淨世間由是牟  
尼智普成眷屬王斯見佛

無礙無等大神通徧動十方一切剎不使衆



生有驚怖大力於此能明了

佛出於世救眾生一切智道咸開示悉令捨

苦得安樂此義徧照所弘闡

世間所有眾福海佛力能生普令淨佛能開

示解脫處堅行莊嚴入此門

佛大悲身無與等周行無礙悉令見猶如影

像現世間因慧能宣此功德

希有無等大神通處處現身充法界各在菩

提樹下坐此義勝德能宣說

如來往修三世行諸趣輪迴靡不經脫眾生

苦無有餘此妙音王所稱讚

復次示現宮殿主畫神得普入一切世間解

脫門

自下第三諸神眾有十九眾今初主畫神

十法一智了物心如空入色光照身器如

橫一

五

日合空身遍器中如像在鏡世間主力能

攝此身此身之性等世間故皆入觀機故

名普入所入之處即為宮殿智了物心如

空入色者取

下得意得中如空是喻光明之言合於法

喻餘皆是法法喻相對畧有三八一以初

句佛智為能入第三句眾生心行為所入

入者了達義故八十經云佛智廣大同虛

空普通一切眾生心悉了世間諸妄想不

起種種異分別此即智了物心而云如空

入色者出現品云譬如虛空通至一切色

非色處二言光照身器如日合空者即以

第二句光明為能入第四句為所入一切

世間即眾生世間及器世間故云光照身

器即取上空喻為所入取光明上法喻皆

為能入光通二種身光照事智光雙照事

理三身通器中如像不在鏡者即唯取第四

句自有能所則無不入言通三種入一光

身等至等  
五經當釋

發起慧香主晝神得普觀察一切衆生皆利  
益令歡喜滿足解脫門

二義圓稱機故滿心成益

樂勝莊嚴主晝神得能放無邊可愛樂法光

明解脫門

三身法二光皆可愛樂

華香妙光主晝神得開發無邊衆生清淨信

解心解脫門

四法兩潤種已含實者解開善未芽者信

發

普集妙藥主晝神得積集莊嚴普光明力解

脫門

五無法不悟名普明力曠劫修集成智莊

嚴

橫一

六

樂作喜目主晝神得普開悟一切苦樂衆生  
皆令得法樂解脫門

六方便開示世樂亦苦令其悟入見理法  
樂如歡喜地也

觀方普現主晝神得十方法界差別身解脫  
門

七如來身雲就體則非有無約機則差別  
遍於十方不可謂之無約佛則稱真法界  
不可謂之有此則隨緣非有之法身恒不  
異事而顯現以化寂滅非無之衆生恒不  
異真而成立即無差別之差別也

大悲威力主晝神得救護一切衆生令安樂  
解脫門

八處危者護之令安有苦者救之令樂  
善根光照主晝神得普生喜足功德力解脫

門

九衆生闍於多欲故沉淪長夜以法開曉  
喜足爲先喜足智俱是功德力能令離苦  
得安樂故

妙華瓔珞主畫神得聲稱普聞衆生見者皆  
獲益解脫門

橫一

十有覺德行故名稱普聞既福廣名高故

不虛其益

十有覺德行者即毛詩言註云覺大也

爾時示現宮殿主畫神承佛威力普觀一切  
主畫神衆而說頌言

偈文可知

佛智如空無有盡光明照曜徧十方衆生心  
行悉了知一切世間無不入  
知諸衆生心所樂如應爲說衆法海句義廣  
大各不同具足慧神能悉見

七

佛放光明照世間見聞歡喜不唐捐示其深

廣寂滅處此樂莊嚴心悟解

佛雨法雨無邊量能令見者大歡喜最勝善

根從此生如是妙光心所悟

普入法門開悟力曠劫修治悉清淨如是皆

爲攝衆生此妙藥神之所了

種種方便化群生若見若聞咸受益皆令踊

躍大歡喜妙眼畫神如是見

十力應現徧世間十方法界悉無餘體性非

無亦非有此觀方神之所入

衆生流轉險難中如來哀愍出世間悉令除

滅一切苦此解脫門悲力住

衆生暗覆淪永夕佛爲說法大開曉皆使得

樂除衆苦大善光神入此門

如來福量同虛空世間衆福悉從生凡有所

作無空過如是解脫華纓得

復次普德淨光主夜神得寂靜禪定樂大勇健解脫門

第二主夜神十法初七夜神是善財十地

善友見解深廣彌顯衆海法門難思一普德淨光即善財離垢地善友彼名全同法

門名寂靜禪定樂普游步普游步言即大勇健也寂靜禪定樂即是定體現法樂住

故名爲樂大勇健者即是定用健則堪能勇則無畏謂見佛淨機游戲神通故名勇

健亦游步也勇健廣大故稱普德無惑智俱可謂淨光

喜眼觀世主夜神得廣大清淨可愛樂功德相解脫門

二即發光地善友彼名喜目觀察衆生解

脫名大勢力普喜幢謂此解脫德無不備八

化無不周名大勢力即今廣大身惑俱淨無不樂見故云普喜悲爲德相即幢義也

觀察普喜名爲喜目

護世精氣主夜神得普現世間調伏衆生解脫門

三即焰慧地善友彼名普救衆生妙德護世精氣方是救生由護生故顯德之妙也

法門全同次第又當謂感必現前調令清淨故

寂靜海音主夜神得九積集廣大歡喜心解脫門

四即難勝地善友彼名寂靜音海法門名念念出生廣大喜莊嚴念念出生即積集義見佛利生故生大喜莊嚴二義一見佛

修歡喜因嚴樂見果故二積集此喜神自莊嚴由定發音名寂靜音深廣如海

普現吉祥主夜神得甚深自在悅意言音解脫門

五即現前地善友彼云守護一切城增長威力偈云尸利以梵音含於二義一云吉祥二翻為守故下譯跋陀室利以為賢首又以首字音同義別彼為頭首法界品中乃為守護皆譯者方言少融耳若以義會增長威力即是普現吉祥正當次第法門又同彼云甚深自在妙音解脫妙音故悅意悅則意淨即寂能演故名自在

普發樹華主夜神得光明滿足廣大歡喜藏解脫門

六即遠行地善友彼云開敷一切樹華一

切開敷即普發也法門彼云菩薩出生廣大喜光明文少倒略耳舊經云菩薩無量歡喜知足光明知足滿足文相近也謂能知如來巧智示法大福威光故曰光明佛以福智滿足物心則含喜名藏

平等護育主夜神得開悟衆生令成熟善根解脫門

七即不動地善友彼名大願精進力救護一切衆生法門名教化衆生令生善根教化開悟文異義同今生成熟始終異耳謂現通示相皆為調化一切善根皆令生長平等護育即救護一切精進大願故能為之今文略耳

遊戲快樂主夜神得救護衆生無邊慈解脫門

八念念久修恒遍救護是無邊慈也此與善財歡喜地善友似同而文多異又非其次故但直釋

諸根常喜主夜神得普現莊嚴大悲門解脫

門

九於三毒難壞衆生以大悲門現莊嚴身

故石室留影毒龍革心况現身耶石室留影毒龍

華心者華變也即觀佛三昧海經彼事極長今當答意即第七經佛告阿難云如來到那乾訶羅國古山麓舊華林毒龍池側青蓮華泉北羅刹石穴阿那斯山雨爾時彼穴有五羅刹化作龍女與毒龍通龍復降毒羅刹亂行飢饉疾疫已歷四年時王驚懼禱祀神祇於事無益下取意引有來受那乾訶羅王弗巴浮提請廣現神變羅刹毒龍既受化已爾時龍王長跪合掌勸請世尊唯願如來常住此間佛若不在此發惡心無由得成無上菩提世尊不在龍窟復受王請人城教化遊行往昔行菩薩道處諸龍皆從聞佛欲還復啼哭雨淚白佛言世尊請佛常住云何捨我不見佛當作惡事墜惡道爾時世尊安慰龍

王我受汝請坐汝窟中千五百歲釋迦文佛踊身入石猶如明鏡人見面像諸龍皆見佛在石內影現於外爾時諸龍合掌歡喜不出其池常見佛日爾時世尊結跏趺坐在石壁內衆生見時遠望則見近則不現諸天百千供養佛影亦說法時梵天王合掌恭敬以偈頌曰如來處石窟踊身入石裏如日無障礙金光相具足我今頭面禮牟尼救世尊經文甚廣復令衆生觀於佛座見丈六像坐於草座作一石窟高丈八尺深二十四步青白石相又想此窟成七寶窟復見佛像踊入石壁等廣弘明集說遠公有石影讚說處所與經全同云在西域那伽訶羅國南山古仙石室中度流沙運道去此一萬五千八百五十里感世之應備於別傳西域記第八亦說遠公序云昔遇西域沙門輒食遊方之說知有佛影而傳者尚未曉然及在此山值闍賓禪師南園律學道士與昔聞既同並是其人遊歷所經因其詳問乃圖之為銘曰廓矣大像理玄無名體神入化落影離形迴輝層巖凝映虛亭在陰不昧處暗逾明鏡出蟬蛻朝宗百靈應不同方迹絕杳冥其茫茫荒宇靡勸靡獎淡虛寫容拂空傳像相具體微神姿自朗白毫吐曜昏夜中奘感誠乃應扣機發響留音停岫津悟冥嘗撫之有會功弗由曩其餘如廣弘明集闍賓禪師即耶舍三藏

示現淨福主夜神得普使一切衆生所樂滿

足解脫門

十本為衆生故成自德令他樂滿

爾時普德淨光主夜神承佛威力徧觀一切

主夜神衆而說頌言

汝等應觀佛所行廣大寂靜虛空相欲海無

涯悉治淨離垢端嚴照十方

偈中十偈如次初中初句解脫之力能觀

次句即寂靜樂神以此定觀佛此體故下

經云普見三世佛而無取著以知如來無

相性相本空故故云寂靜虛空相也次句

即大勇健準下經則自他兼淨也次句定

果也上約佛說若約天說即四句皆是定

用以住此解脫能見佛體用因果故

一切世間咸樂見無量劫海時一遇大悲念

物靡不周此解脫門觀世親

橫

導師救護諸世間衆生悉見在其前能令諸

十二

趣皆清淨如是護世能觀察

二三可知

佛昔修治歡喜海廣大無邊不可測是故見

者咸欣樂此是寂音之所了

四中稱理遍喜為廣大無邊縱內心不搖

而外現威怒更深難測

如來境界不可量寂而能演徧十方普使衆

生意清淨尸利夜神聞踊悅

五以寂故能遍

佛於無福衆生中大福莊嚴甚威曜示彼離

塵寂滅法普發華神悟斯道

六以衆生本來自盡故是寂滅是以智窮

妄末理無不顯妄徹真源惑無不盡喜方

滿足餘四可知

十方普現大神通一切衆生悉調伏種種色相皆令見此護育神之所觀

如來往昔念念中悉淨方便慈悲海救護世間無不遍此福樂神之解脫

衆生愚癡常亂濁其心堅毒甚可畏如來慈

愍爲出與此滅冤神能悟喜

標一

十三

佛昔修行爲衆生一切願欲皆令滿由是具成功德相此現福神之所入

復次徧住一切主方神得普救護力解脫門  
第三主方神十法一現身說法令悟得果

皆救護力

普現光明主方神得成辦化一切衆生神通業解脫門

二神通示相是能成辦業衆生出苦是所成辦業

先行莊嚴主方神得破一切暗障生喜樂大光明解脫門

二法光破闇斷智生智與法喜俱生斷以寂滅爲樂

周行不礙主方神得普現一切處不唐勞解脫門

四普現說法聞必惑滅故不唐勞

永斷迷惑主方神得示現等一切衆生數名號發生功德解脫門

五聖人無名隨物立名貴在生德及滅惑

耳

徧遊淨空主方神得恒發妙音令聽者皆歡喜解脫門

雲幢大音主方神得如龍普雨令衆生歡喜解脫門



六七可知

瞽目無亂主方神得示現一切衆生業無差

別自在力解脫門

八業同性空並不失報俱無差異性相無

礙為自在力說能感報令除惡業說業性

空善業亦亡

普觀世業主方神得觀察一切趣生中種種

業解脫門

九前約說業性相令物絕業此約知業差

別擬隨機化

周徧遊覽主方神得所作事皆究竟生一切

衆生歡喜解脫門

十世人靡不有初鮮克有終今聖人有志

有能故所作究竟世人以人隨欲不能兼

亡今有慈有愍故令物喜謂十波羅蜜無

橫一

十四

不究竟四無量心令物歡喜世人靡不有初等者本即

毛詩王註周易亦用此言靡無也鮮少也

克能也世人以人隨欲者書云小人以人

從欲君子以欲從人言不能兼亡者亡無

也然兩字相連即莊子意而亡字有心則

自他忘不恃已功也

今云兼於無道之人耳

爾時徧住一切主方神承佛威力普觀一切

主方神衆而說頌言

頌中次第配釋可知

如來自在出世間教化一切諸群生普示法

門令悟入悉使當成無上智

神通無量等衆生隨其所樂示諸相見者皆

蒙出離苦此現光神解脫力橫一

十五

佛於暗障衆生海為現法炬大光明其光普

照無不見此行莊嚴之解脫

具足世間種種音普轉法輪無不解衆生聽

者煩惱滅此徧住神之所悟

一切世間所有名佛名等彼而出生悉使衆生離癡惑此斷迷神所行處

若有衆生至佛前得聞如來美妙音莫不心生大歡喜徧遊虛空悟斯法

佛於一一剎那中普雨無邊大法雨悉使衆

生煩惱滅此雲幢神所了知

一切世間諸業海佛昔開示等無異普使衆

生除業惑此髻目神之所了

一切智地無有邊一切衆生種種心如來照

見悉明了此廣大門觀世入

佛於往昔修諸行無量諸度悉圓滿大慈哀

愍利衆生此徧遊神之解脫

復次淨光普照主空神得普知諸趣一切衆

生心解脫門

第四主空神長行十法一智慧造理則十

眼廣照日月合空則萬像歷然

普遊深廣主空神得普入法界解脫門

二身智二光遍入法界

生吉祥風主空神得了達無邊境界身相解

脫門

三佛身如空是無邊境無生無染爲吉祥

風

離障安住主空神得能除一切衆生業惑障

解脫門

四廣說聖道則離三障安住二空

廣步妙髻主空神得普觀察思惟廣大行海

解脫門

五上求下化名廣大行爲安衆生如妙髻

焉

無礙光皎主空神得大悲光普救護一切衆

生

生厄難解脫門

六沉生死之厄難悲智光以濟之

無礙勝力主空神得普入一切無所著福德

力解脫門

七不礙福智相導是謂勝力

離垢光明主空神得能令一切衆生心離諸

蓋清淨解脫門

八或由智遣

深遠妙音主空神得普見十方智光明解脫

門

九妙音善說

光徧十方主空神得不動本處而普現世間

解脫門

十不壞本處而稱周十方

爾時淨光普照主空神承佛威力普觀一切

橫一

十七

主空神衆而說頌言

偈中十頌如次

如來廣大目清淨如虛空普見諸衆生一切

悉明了佛身大光明徧照於十方處處現前

住普遊觀此道佛身如虛空無生無所取無

得無自性吉祥風所見

三中空有四義舍於五法一離能取生即

絕妄想二離所取相無相無名三境無自

性即是如如四心無所得是爲正智迷如

以成名相妄想是生悟名相之本如執翻

成智如外無智智體即如此二猶空寂照

無礙如斯見佛是曰吉祥空有四義舍於五法者四義即

無生等五法即名等今當先釋五法後消

疏文五法經論皆具且依楞伽列次者即

名相妄想正智如如以爲其次若喻伽七

十二云一相二名三分別四真如五正智

分別即妄想異名相謂言談安足事處名

即於相所有增語分別謂三界行中所有

心非一切言談安足事處正智界有種種  
 行唯出世間正智二世間出五法為假為  
 曰上即根本下即後得此之五法為假為  
 實然相通假實亦具假實二有名唯假有  
 分別同相以有三界心所實法故是實  
 有若虛妄計度故是假有真如唯實有二  
 智俱實有此五二諦何諦所攝前三世俗  
 有真如勝義有根本智勝義有後得智通  
 二有五從何生名從欲生相與分別俱從  
 想分別生真如無生智從聽聞正法如理  
 作意生此之五法為一為異今且將相望  
 餘四法論異不異者一相與名若異名應  
 實有不異取相應得名二與分別若異則  
 分別應非相若不異分別外相應以分別  
 為性三與真如若異則相之勝義應非是  
 如觀者應捨相求如正覺真如應不覺相  
 若不異真如無差別相亦無差別得相之  
 時應得真如又得真時亦應得相應不與  
 淨四相與正智如相與分別說應知名與  
 分別及正智及分別於正智皆當言異餘  
 畧可知以五法屬文後述如下辯因起融攝  
 中先以五法屬文後述如下辯因起融攝  
 言迷如以成一名二相三妄想是生者此顯  
 時唯有三法一名二相三妄想是生者此顯  
 通該一切而不必同時謂妄想正智此必  
 不並故今有妄想決無正智其如名相  
 則有隱顯此中迷故如則隱名相則顯  
 次云悟名相之本如執翻成智者此顯悟  
 時但有其二一正智二如如既有正智決

無妄想了得如如名相即隱雖不壞相舉  
 體即空理奪於事無不蕩盡是故空中無  
 色等法故楞伽云謂了名相及與妄想本  
 不可得名為正智如不生則境如矣妄想不  
 自不生釋曰名相不生則境如矣妄想不  
 生則心如矣了心境如外無智智體即如者  
 智及如如存次云如外無智智體即如者  
 復融上二以為一味如外無智智體即如者  
 智智體即如是以智攝如合為一味故下  
 經云無有智外如為智所入亦無如外智  
 能證於如即斯義也故疏結云此二箇空  
 寂照無礙寂即是如照即是智如日合空  
 雖有二事一相難分

如來無量劫廣說諸聖道普滅衆生障圓光  
 悟此門

四中長行及列並名安住今云圓光圓光

續一

十八

表智安住表定二事相資前後互舉並能

滅障於理無違

我觀佛往昔所集菩提行悉為安世間妙髻  
 行斯境一切衆生界流轉生死海佛放滅苦  
 光無礙神能見

六中生死海者瑜伽七十云五法相似生死得大海名一處無邊相似故二甚深故三難度故四不可飲故五大寶所依故釋曰由前四義衆生流轉由第五義菩薩入之且約分喻第九十云由三相故不同水海一自性不同分謂水海唯色一分二淪沒不同唯人畜故唯沒身故三超度不同未離欲者亦能度故生死海反上可思餘七偈可知

清淨功德藏能爲世福田隨以智開覺力神於此悟衆生癡所覆流轉於險道佛爲放光明離垢神能證智慧無邊際悉現諸國土光明照世間妙音斯見佛佛爲度衆生修行徧十方如是大願心普現能觀察復次無礙光明主空神得普入佛法及一切

### 世間解脫門

第五主風神十法一以方便風合智日光智入深法而無障礙身入世間而無影像普現勇業主風神得無量國土佛出現咸廣大供養解脫門

二菩薩以求菩提之大心持稱真之供具等虛空之廣大不礙事之繁多而以全法之身一念供無邊之佛如彼風力無不成也

飄擊雲幢主風神得以香風普滅一切衆生病解脫門

三長風忽來浮雲散滅慈風忽起惑苦病亡

淨光莊嚴主風神得普生一切衆生善根令摧滅重障山解脫門

四福智莊嚴之風摧壞如山之障  
力能竭水主風神得能破無邊惡魔衆解脫門

五十力降魔十軍皆殄獨名竭水者欲愛

為初故十力降魔十軍皆殄者智論第六云欲為汝初軍憂愁軍第二饑渴

軍第三渴愛軍第四睡眠軍第五怖畏軍第六疑軍為第七舍毒軍第八利養軍第九著虛妄名聞自高軍第十輕慢於他人汝等軍如是一切世間人及諸一切天無能破之者我以智慧箭修定智為弓摧破汝魔軍如坏跡投水今以愛欲為水故偏之語

大聲徧吼主風神得永滅一切衆生怖解脫門

六毛孔慈音滅除五怖若百竅異吹遍吼

悅機言若百竅異吹者義則可知事出莊子

樹杪垂髻主風神得入一切諸法實相辯才

海解脫門

橫一

二十

七智入實相故妙辯如海如風擊樹故能下垂

普行無礙主風神得調伏一切衆生方便藏

解脫門

八調生方便為智所入故名為藏

種種宮殿主風神得入寂靜禪定門滅極重

愚癡暗解脫門

九禪定宮殿必定慧雙游故能滅癡闇約

佛則動寂無二見必滅癡

大光普照主風神得隨順一切衆生行無礙

力解脫門

橫一

三

十日月明照非風不運智行無礙方便力

焉

爾時無礙光明主風神承佛威力普觀一切

主風神衆而說頌言

十偈可知

一切諸佛法甚深無礙方便普能入所有世  
間常出現無相無形無影像

汝觀如來於往昔一念供養無邊佛如是勇  
猛菩提行此普現神能悟了

如來救世不思議所有方便無空過悉使衆  
生離諸苦此雲幢神之解脫

衆生無福受衆苦重蓋密障常迷覆一切皆  
令得解脫此淨光神所了知

如來廣大神通力克殄一切魔軍衆所有調  
伏諸方便勇健威力能觀察

佛於毛孔演妙音其音普徧於世間一切苦  
畏皆令息此徧吼神之所了

佛於一切衆刹海不思議劫常演說此如來  
地妙辯才樹杪善神能悟解

佛於一切方便門智入其中悉無礙境界無

邊無與等此普行神之解脫

如來境界無有邊處處方便皆令見而身寂

靜無諸相種種宮神解脫門

如來劫海修諸行一切諸力皆成滿能隨世

法應衆生此普照神之所見

大方廣佛華嚴經疏鈔會本第二之二

音釋

婆稚 梵語也正云跋稚迦此云鶻古音切

珍 後典切 窳 若巾切 苦末羅 梵語也此云

苦 舒瞻切 窟 苦骨切 窟 梵語此云賤

大方廣佛華嚴經疏鈔會本第四之一 橫二

唐于闐國三藏沙門實叉難陀 譯

唐清涼山大華嚴寺沙門澄觀撰述

復次普光燄藏主火神得悉除一切世間暗

解脫門

橫二

第六主火神長行十法有二準梵本此脫

第四一以進力現世除物無明以最初故

偏從火義

普集光幢主火神得能息一切衆生諸惑漂

流熱惱苦解脫門

二惑有二義一漂二惱善巧迴轉則能息

之

大光徧照主火神得無動福力大悲藏解脫

門

三稱性之福相惑不動與大悲合自利不

動俱能攝德無盡名藏

衆妙宮殿主火神得觀如來神通力示現無

邊際解脫門

此神名及法舊本無依今經補出頗與偈文相合

四有云準梵本神名勝上縈光普照法門

名普能除煩惱塵謂劫海行滿故今能現

通滅感偈云衆妙宮神同前列名衆妙即

勝上義耳然諸本多無或有本則具云衆

妙宮殿主火神得大慈悲廣蔭衆生解脫

門恐是傳寫脫漏耳

無盡光髻主火神得光明照曜無邊虛空界

解脫門

五光明照耀等者日光合空等空無際智

符寶相稱實無邊雖曠劫修成全同本有

窮靈極數妙盡難思實爲惑本即是正因

智照心源即是了因

日光合空等者初舉喻也智符已下二合



以智合日以實相合空符者分而合也實  
相體上本有智光無始迷之今方朗悟即  
我始會之非照今有故與實相分而合也  
實相無造智亦無造如空無際光亦無際  
雖曠劫修成全同本有者以偶文會義也  
倘云德劫修成不可思求其邊際莫能知  
義乃修成智無際耳何得分而合也故今  
答云雖則修成全同本有是以經云演法  
實相今歡喜故疏結云窮靈極數即是修  
成妙盡難思即符本有亦猶始覺同本覺  
無復始本之異為究竟覺窮靈極數之言  
即肇論劉遺民所難般若無知論語具云  
但今談者所疑於高論之旨欲求聖心之  
異為謂窮靈極數妙盡真符耶謂將心體  
自然靈怕獨感耶若窮靈極數妙盡真符  
則寂照之名故是定慧之體耳若心體自  
然靈怕獨感則舉數之應固已幾乎息矣  
此公意云若窮靈極數妙盡真符則修極  
於無修窮靈為照妙盡為寂亦是之定  
慧何用別立無知若心體自然靈怕獨感  
則是體本無知固合無乎應用何以言般  
若無知對緣而照故結云談者當以法會  
應機觀變之知不可謂之有論主答云  
意謂妙盡真符不可定慧為名靈怕獨感  
不可稱舉數已息兩言雖異妙用常一迹  
我而乘在聖不殊也釋曰觀肇公答上句  
云既真符心體何可以定慧為名若以定  
慧為名則未符心體答下句意云靈怕獨  
感與窮靈極數二義相合何得息於舉數  
之應故云兩言雖異在聖不殊也今疏總

不用彼難答本意借其問中一句謂窮其  
靈鑑極其數運妙無不盡則合心體難思  
耳如空與日今畧申十義以辯難思一謂  
日與空非即非離二非住非不住三而日  
善作破闇良緣顯空之要四雖復滅闇顯  
空空無損益五理實無損事以推之闇蔽  
永除性乃無增空界所含萬像皆現六而  
此虛空性雖清淨若無日光則有闇起七  
非以虛空空故自能除闇闇若除者必假  
日光八日若無空無光無照空若無日闇  
不自除九然此闇性無來無去日之體相  
亦不生不滅十但有日照空則乾坤洞曉  
以智慧日照心性空亦有十義準喻思之  
以智慧日照心性空下無以  
法合憑喻解法故云準思 非唯釋此一  
文乃遠通眾經該羅前後  
種種燄眼主火神得種種福莊嚴寂靜光解

脫門

六體寂發照名寂靜光以斯成福莊嚴身相

十方宮殿如須彌山主火神得能滅一切世間諸趣熾然苦解脫門

威光自在主火神得自在開悟一切世間解脫門

七八可知

光照十方主火神得永破一切愚癡執著見解脫門

九分別法相永離不了愚癡悟法實性便無執著之見

雷音電光主火神得成就一切願力大震吼解脫門

十以行扶願故能現世作師子吼

爾時普光燄藏主火神承佛威力普觀一切主火神衆而說頌言

頌加第四餘並可知

汝觀如來精進力廣大億劫不思議爲利衆生現世間所有暗障皆令滅

衆生愚癡起諸見煩惱如流及火然導師方便悉滅除普集光幢於此悟

福德如空無有盡求其邊際不可得此佛大悲無動力光照悟入心生喜

我觀如來之所行經於劫海無邊際如是示

續三

四

現神通力衆妙宮神所了知

億劫修成不可思求其邊際莫能知演法實相令歡喜無盡光神所觀見

十方所有廣大衆一切現前瞻仰佛寂靜光明照世間比妙燄神所能了

牟尼出現諸世間坐於一切宮殿中普雨無

邊廣大法此十方神之境界

諸佛智慧最甚深於法自在現世間能悉闡

明真實理威光悟此心欣慶

諸見愚癡為暗蓋眾生迷惑常流轉佛為開

闡妙法門此照方神能悟入

願門廣大不思議力度修治已清淨如昔願

心皆出現此震音神之所了

復次普興雲幢主水神得平等利益一切眾

生慈解脫門

第七主水神長行十法一無緣大慈是曰

平等

海潮雲音主水神得無邊法莊嚴解脫門

二無邊行法莊嚴自他

妙色輪髻主水神得觀所應化方便普攝解

三

五

脫門

三寂然不動以觀機感而遂通以隨攝若

冬則積雪凝白夏則無處不流寂然不動以觀機者

此言即周易繫辭具云夫易無思也無為也寂然不動感而遂通天下之故今借此

也言

善巧漩瀆主水神得普演諸佛甚深境界解

脫門

四妙音演佛深旨令悟妙法旋瀆

離垢香積主水神得普現清淨大光明解脫

門

五身智二光遍覺開化大充法界清淨無

垢

福橋光音主水神得清淨法界無相無性解

脫門

六清淨法界性相俱絕德無不見則大用

不亡

知足自在主水神得無盡大悲海解脫門

七衆生不窮故大悲無盡滿而不溢有知

足義焉流止從緣斯為自在

淨喜善音主水神得於菩薩衆會道場中為

大歡喜藏解脫門

八處處見佛故大喜無窮喜從佛生即佛

名藏若聆泉流之響無不悅也

普現威光主水神得以無礙廣大福德力普

出現解脫門

九性相無礙之福故能普現神通若空色

相暎之流威光蕩漾

吼聲徧海主水神得觀察一切衆生發起如

虛空調伏方便解脫門

十調生行廣如空無邊用靡暫停如空無

盡

爾時普興雲幢主水神承佛威力普觀一切  
主水神衆而說頌言

清淨慈門刹塵數共生如來一妙相一一諸  
相莫不然是故見者無厭足

偈中第一偈前半辯一相因果次句例餘  
後句辯益初言清淨者離過無緣故門如

塵數者隨宜利樂故以慈為因得妙相果  
以相為因得無狀果然如來相有純有雜

此就純門若以雜門則隨一相一毛皆收  
二

如來法界行盡亦相相皆爾純雜無礙因  
果相融圓成非分成故佛一相一毛即同

法界無有分量今此神從一慈門入無盡  
相耳此約十身之相

前半辯一相因果等  
者疏又有二先清經  
文辯十身相後引經論辯三身相今初言  
純雜無礙因果相融者然如來相亦具四

句一切一因一相二一因一切相此皆純門  
三一切因一相四一切因一切相皆純門  
門正純恒雜而常純故云無礙由因相  
無礙果相亦無礙故得圓成非分或耳以  
一切純雜無礙之行成一相故此一相  
即同法界况因果交徹因中有無盡之果  
果中有難 若三十二相之因但說一相一  
思之因 因如智度瑜伽等論涅槃大集等經至相

海品當引

若三十二相下第二引經及論  
說三身相唯語化身而總指在

餘智論當三十二相唯語化身而總指在  
十九經云善男子若菩薩摩訶薩持戒不  
動施心不移安住實語如須彌山以是業  
緣得足下平滿如奩底相若於父母所和  
尚師長乃至畜生以如法財供養供給以  
是業緣得足下平滿如奩底相若於父母所  
盜於父母師長常生歡喜以是業緣得成  
三相一者手指纖長二足跟修長三其身  
方直若菩薩修四攝法攝取眾生以是業  
緣得網縷指如白鵝王若菩薩父母師長  
若病苦時自手洗拭捉持案摩以是業緣  
得手足軟嫩若菩薩持戒聞法惠施無厭  
以是業緣得節蹠躡滿身毛上靡若菩薩  
專心聽法演說正教以是業緣得鹿王瑞  
若菩薩於諸眾生不生害心飲食知足常  
樂惠施瞻病施藥以是業緣其身圓滿如  
尼拘陀樹立手過膝頂有肉髻無見頂相  
若菩薩見怖畏者為作救護見裸露者施

與衣服以是業緣得陰藏相若菩薩親近  
智者遠離愚人善喜問答掃飾行路以是  
業緣皮膚細滑身毛右旋若菩薩常以飲  
食衣服卧具醫藥香華燈明施人以是業  
緣得身金色常光照耀若菩薩行施之時  
所珍之物能捨不吝不觀福田及非福田  
以是業緣得七處滿相若菩薩布施之時  
心不生疑以是業緣得柔輦聲相若菩薩  
如法求財以是業緣得柔輦聲相若菩薩  
師子身上身臂肘臍纖若菩薩遠離兩舌惡

口恚心以是業緣得四十齒白淨齊密若  
菩薩於諸眾生修大慈悲以是業緣得二  
牙相若菩薩常作是願有來求者隨意給  
與以是業緣得師子頰若菩薩隨諸眾生  
所須之食悉皆與之以是業緣得味中上  
味若菩薩自修十善福以化人以是業緣  
得廣長舌若菩薩不訟彼短不誇正法以  
是業緣得梵音聲若菩薩見諸怨憎生於  
喜心以是業緣得目映紺色若菩薩不隱  
他德稱揚其善以是業緣得白毫相善男  
子若菩薩提修習如是三十二相  
業因緣時則得不退菩薩之心

世尊往昔修行時普詣一切如來所種種修  
治無懈倦如是方便雲音入  
佛於一切十方中寂然不動無來去應化眾  
生悉令見此是髻輪之所知

如來境界無邊量一切衆生不能了妙音演說徧十方此善漩神所行處

世尊光明無有盡充徧法界不思議說法教化度衆生此淨香神所觀見

第五偈初言無盡以顯光常次充法界以

橫二

辯光遍不思議者以顯光深非色現色非

八

青黃而青黃故其第三句是顯光用餘八

可知

如來清淨等虛空無相無形徧十方而令衆

會靡不見此福光神善觀察

佛昔修習大悲門其心廣徧等衆生是故如

雲現於世此解脫門知足了

十方所有諸國土悉見如來坐於座朗然開

悟大菩提如是喜音之所入

如來所行無罣礙徧徃十方一切刹處處示

現大神通普現威光已能悟

修習無邊方便行等衆生界悉充滿神通妙

用靡暫停吼聲徧海斯能入

復次出現寶光主海神得以等心施一切衆

生福德海衆寶莊嚴身解脫門

第八主海神十法頌脫第三一為物供佛

是等施福得衆寶相以莊嚴身

不可壞金剛幢主海神得巧方便守護一切

衆生善根解脫門

二巧隨根欲說法護善使其長成

橫二

九

不雜塵垢主海神得能竭一切衆生煩惱海

解脫門

三謂演深廣法體煩惱空梵本偈云一切

世間衆導師法雲大雨不可測消竭無窮

諸苦海此離垢塵入法門若準此文乃竭

苦海

恒住波浪主海神得令一切衆生離惡道解

脫門

四若見佛境則感亡苦息準現經文三是煩惱四是於苦若依梵本前苦後惑既譯

人脫漏致使文義參差故古德云脫第四

頌結名既同故知脫第三恒住波浪者即

是普用水爲宮殿

吉祥寶月主海神得普滅大癡暗解脫門

五以智滅癡

妙華龍髻主海神得滅一切諸趣苦與安樂

解脫門

六爲行所遷一切皆苦菩提因起則生滅

苦亡便得涅槃寂滅安樂

普持光味主海神得淨治一切衆生諸見愚

癡性解脫門

七將智滅癡未免於見了癡見性癡見自亡真妄等觀是佛境也

寶燄華光主海神得出生一切寶種性菩提心解脫門

八一切衆生有佛種性圓明可貴具德稱

寶佛眼普觀佛智普示正因令顯如出金

藏大心若起如種生芽故云出生緣了二

因爲能悟之妙道正因令顯如出金藏即涅槃經如貧女家中寶

藏之喻

金剛妙髻主海神得不動心功德海解脫門

九了如不取則心不搖動湛如停海萬德

攸歸故須彌可傾魔豈能燒一念降魔如

本行集了如不取則心絕動搖者金剛經云不取於相如如不動須彌可傾

魔豈能燒者即高僧傳中慧暹禪師之事雲林修定有一惡鬼而現其前有身無首

令禪師懼公安然不懼而憇之言喜汝無  
頭痛之患次現無腹之鬼復云喜汝無五  
臟之憂如是隨來隨遠竟不能成魔又化  
為天女云天帝令我以備掃灑公曰我心  
如地難可傾動無以革棄見試天女乃騰  
空而去讚曰大海可竭須彌可傾彼上人  
者執志堅貞今用  
一句義意全同

海潮雷音主海神得普入法界三昧門解脫

樓二

十

門

十八法界定如法界遍

爾時出現寶光主海神承佛威力普觀一切  
主海神衆而說頌言

偈文可知

不可思議大劫海供養一切諸如來普以功  
德施群生是故端嚴最無比  
一切世間皆出現衆生根欲靡不知普爲弘  
宣大法海此是堅幢所欣悟  
一切世間衆導師法雲大雨不可測消竭無

樓二

十一

窮諸苦海此離垢塵入法門

一切衆生煩惱覆流轉諸趣受衆苦爲其開

示如來境普水宮神入此門

佛於難思劫海中修行諸行無有盡永截衆

生癡惑網寶月於此能明入

佛見衆生常恐怖流轉生死大海中示彼如

來無上道龍髻悟解生欣悅

諸佛境界不思議法界虛空平等相能淨衆

生癡惑網如是持味能宣說

佛眼清淨不思議一切境界悉該覽普示衆

生諸妙道此是華光心所悟

魔軍廣大無央數一刹那中悉摧滅心無傾

動難測量金剛妙髻之方便

普於十方演妙音其音法界靡不周此是如

來三昧境海潮音神所行處



復次普發迅流主河神得普雨無邊法雨解脫門

第九主河神十法一行成雨法若霈然洪  
靈滅惑生德若懸河迅流無所滯礙

普潔泉澗主河神得普現一切衆生前令永

離煩惱解脫門

二現身息惱若泉澗洗心

離塵淨眼主河神得以大悲方便普滌一切

衆生諸惑塵垢解脫門

三真實滌垢慈智相資若碧沼澄潭空色

交映故名離塵淨眼

十方徧吼主河神得恒出饒益衆生音解脫

門

四圓音遍益若崩浪發響

普救護衆生主河神得於一切舍識中恒起

十二

十二

無惱害慈解脫門

五拯救潭溺

無熱淨光主河神得普示一切清涼善根解脫門

六善根無惑可謂清涼若阿耨達池永無

熱惱

普生歡喜主河神得修行具足施令一切衆生永離慳著解脫門

七施門無量令彼無慳若蘊藻菱蓮普令

物喜

廣德勝幢主河神得作一切歡喜福田解脫

門

八行福契實故見無不欣若深湖廣陂是

爲廣德

光照普世主河神得能令一切衆生雜染者

清淨瞋毒者歡喜解脫門

九方便慧力雜染皆淨慈彼怨害瞋反成  
歡若萬頃波澄光映天下

海德光明主河神得能令一切衆生入解脫

海恒受具足樂解脫門

十總收萬善令會涅槃若彼百川咸會大

海由智海故名海德光明

爾時普發迅流主河神承佛威力普觀一切

主河神衆而說頌言

偈亦可知

如來往昔爲衆生修治法海無邊行譬如霈

澤清炎暑普滅衆生煩惱熱

佛昔難宣無量劫以願光明淨世間諸根熟

者令悟道此普潔神心所悟

大悲方便等衆生悉現其前常化誘普使淨

治煩惱垢淨眼見此深歡悅

佛演妙音普使聞衆生愛樂心歡喜悉使滌

除無量苦此徧吼神之解脫

佛昔修習菩提行爲利衆生無量劫是故光

明徧世間護神憶念生歡喜

佛昔修行爲衆生種種方便令成熟普淨福

海除衆苦無熱見此心欣慶

施門廣大無窮盡一切衆生咸利益能令見

者無慳著此普喜神之所悟

佛昔修行實方便成就無邊功德海能令見

者靡不欣此勝幢神心悟悅

衆生有垢咸淨治一切怨害等生慈故得光

照滿虛空普世河神見歡喜

佛是福田功德海能令一切離諸惡乃至成

就大菩提此海光神之解脫

復次柔軟勝味主稼神得與一切衆生法滋味令成就佛身解脫門

第十主稼神十法一功德智慧二種法味資成佛身

時華淨光主稼神得能令一切衆生受廣大喜樂解脫門

二喜樂由於苦除

色力勇健主稼神得以一切圓滿法門淨諸境界解脫門

三衆生爲所淨之境

增益精氣主稼神得見佛大悲無量神通變化力解脫門

四悲深故通廣

普生根果主稼神得普現佛福田令下種無失壞解脫門

橫二

十四

五下種佛田必至果無壞

妙嚴環髻主稼神得普發衆生淨信華解脫門

六智敷物信獲果稱華

潤澤淨華主稼神得大慈愍濟諸衆生令增長福德海解脫門

七慈眼視物故福聚無量慈則恬和怡悅偈云勝道

成就妙香主稼神得廣開示一切行法解脫門

橫三

十五

八以行成佛故始成即宣

見者愛樂主稼神得能令法界一切衆生捨離懈怠憂惱等諸惡普清淨解脫門

九懈於修習憂惱是生勤策諸根衆惡清淨

離垢光明主稼神得觀察一切衆生善根隨  
應說法令衆會歡喜滿足解脫門

十隨根爲說遂求故喜

爾時柔軟勝味主稼神承佛威力普觀一切  
主稼神衆而說頌言

偈文可知

如來無上功德海普現明燈照世間一切衆  
生咸救護悉與安樂無遺者

世尊功德無有邊衆生聞者不唐捐悉使離  
苦常歡喜此是時華之所入

善逝諸力皆圓滿功德莊嚴現世間一切衆  
生悉調伏此法勇力能明證

佛昔修治大悲海其心念念等世間是故神  
通無有邊增益精氣能觀見

佛徧世間常現前一切方便無空過悉淨衆

生諸感惱此普生神之解脫

佛是世間大智海放淨光明無不徧廣大信

解悉從生如是嚴髻能明入

如來觀世起慈心爲利衆生而出現示彼恬

怡最勝道此淨華神之解脫

善逝所修清淨行菩提樹下具宣說如是教

化滿十方此妙香神能聽受

佛於一切諸世間悉使離憂生大喜所有根

欲皆治淨可愛樂神斯悟入

如來出現於世間普觀衆生心所樂種種方

橫二

十六

便而成熟此淨光神解脫門

復次吉祥主藥神得普觀一切衆生心而勤

攝取解脫門

第十一主藥神十法十頌一順情則易攝

逆意則難調故普觀之

梅檀林主藥神得以光明攝取衆生俾見者  
無空過解脫門

離塵光明主藥神得能以淨方便滅一切衆  
生煩惱解脫門

二三可知

名稱普聞主藥神得能以大名稱增長無邊

善根海解脫門

四始學者以名為實賓大士以名為佛事

毛孔現光主藥神得大悲幢速赴一切病境

界解脫門

五以慈善根力放月愛等光身心兩病纒

念便滅

慈善根力者慈善根即涅槃第十  
五經云復次善男子善哉四無量

心能為一切諸善根本下廣說慈心行施  
發起大願竟云善男子一切聲聞緣覺善  
薩諸佛如來所有善根慈為根本善男子  
菩薩摩訶薩修習慈心能生如是無量善  
根謂不淨觀等皆從此生結云如是等法  
慈為根本善男子以是義故慈是真實非  
虛也

十七

虛妄也若有人問誰是一切諸善根大當  
言慈是以是義故實非虛妄善男子能為  
善者名實思惟實思惟者即名為慈慈即  
如來慈即大乘大慈即慈慈即如來善男  
子慈即菩提道菩提道即是如來如來即  
慈次廣說慈德是一切善法下廣說慈德  
如提婆達多欲害如來令阿闍世王放毒  
財醉象我即入慈定舉手示之即於指端  
出五師子即便怖畏舉身投地敬禮我足  
善男子我時手指實無師子乃是修慈善

根力故令彼調伏廣說緣起皆悉結歸慈  
善根力放月愛等光即涅槃二十經爾時  
世尊在雙樹間見阿闍世王入月愛三昧  
已放大光明其光清涼往照王身王身疾  
愈鬱蒸除滅乃至王問者婆何等名為月  
愛三昧者婆答言有六義似一譬如月光  
能令一切優鉢羅華開敷鮮明月愛三昧  
亦復如是能令衆生善心開敷是故名為  
月愛三昧二如月能令行路歡喜此三昧  
能令修習涅槃道者歡喜三一日至十五  
日光色漸明此能令善根增長四十六至  
三十日形色漸減此能令漸減煩惱五能  
除鬱蒸此能除貪瞋惱熱六如月衆星中  
王甘露一味人所愛樂月愛三昧亦復如  
是諸善中王甘露一味一切衆生之所愛  
樂是故復名  
月愛三昧

破暗清淨主藥神得療治一切盲冥衆生令

智眼清淨解脫門

六迷理迷報二愚盲冥起惑造業備受衆

苦佛以正法金錒開其智眼令明三諦故

云清淨佛以正法金錒者即涅槃第八迦

甚深難見難入佛言善男子如百盲人為

治目故造詣良醫是時良醫即以金錒抉

其眼曠以一指示問言見不盲人答言我

猶未見復以二指三指示之乃言少見善

男子是無量菩薩雖已具足諸波羅密乃至

十住猶未能得見於佛性如來既說即便

少見是菩薩既得見已咸作是言甚奇世

尊我等流轉無量生死常為無我之所惑

亂善男子如是菩薩位階十地尚不了了

知見佛性何況聲聞緣覺之人能得見耶

淨梁為金錒經初一說名一指示中間重

說名二指示經未復說名三指示下台中

未見佛性並如有人延公云金錒喻教扶

喚者教能生解喻破無明即今疏意故名

一時之中不具三指又以時喻指以未全  
同故疏自釋以三諦為三指指為旨趣義  
甚分明一時橫觀皆觀三諦豎至十住亦  
證三諦第一指者即示俗諦言凡是有心  
定當作佛皆有佛性二者示真諦為第二  
指云佛性者名第一義空三示中道為三  
指經云佛性即是無上菩提中道種子故  
非有如虛空非無如兔角故知三諦喻於  
三指

普發吼聲主藥神得能演佛音說諸法差別

義解脫門

蔽日光幢主藥神得能作一切衆生善知識

令見者咸生善根解脫門

七八可知

橫二

六

明見十方主藥神得清淨大悲藏能以方便

令生信解解脫門

九無愛見之大悲生物德故名藏

普發威光主藥神得方便令念佛滅一切衆

生病解脫門

十世醫療治雖瘥還生永滅生德無先念  
佛因病因光皆是方便謂佛有無邊相  
有無邊好好放無邊光光攝無邊衆言隨  
念者佛德齊均隨緣隨樂趣稱一佛三昧  
易成敬一心濃餘盡然矣況心凝覺路闇

佛三

十九

蹈大方

爾時吉祥主藥神承佛威力普觀一切主藥  
神衆而說頌言

頌可知

如來智慧不思議悉知一切衆生心能以種  
種方便力滅彼群迷無量苦  
大雄善巧難測量凡有所作無空過必使衆  
生諸苦滅梅檀林神能悟此  
汝觀諸佛法如是往昔勤修無量劫而於諸  
有無所著此離塵光所入門

佛百千劫難可遇若有得見及聞名必令獲  
益無空過此普稱神之所了

如來一一毛孔中悉放光明滅衆患世間煩  
惱皆令盡此現光神所入門

一切衆生癡所盲惑業衆苦無量別佛悉蠲  
除開智照如是破暗能觀見

如來一音無限量能開一切法門海衆生聽  
者悉了知此是大音之解脫

汝觀佛智難思議普現諸趣救群生能令見  
者皆從化此蔽日幢深悟了

如來大悲方便海爲利世間而出現廣開正  
道示衆生此見方神能了達

如來普放大光明一切十方無不照令隨念  
佛生功德此發威光解脫門

復次布華如雲主林神得廣大無邊智海藏

解脫門

第十二主林神十法十頌一佛德無邊皆

依智晦舍德流光所以名藏

擢幹舒光主林神得廣大修治普清淨解脫

門

二等衆生悲是為廣大一一離障名普清

淨

生芽發耀主林神得增長種種淨信芽解脫

門

三一切勝因皆為佛道各各心淨則種種

芽生

吉祥淨葉主林神得一切清淨功德莊嚴聚

解脫門

四一切功德莊嚴一毛一一皆然故佛為

德聚良以佛果攬因皆圓成非分成是故

橫二

干

一因生一切果一果收一切因皆圓融無

礙耳

垂布燄藏主林神得普門清淨慧恒周覽法

界解脫門

五智通萬法是曰普門客塵不生故曰清

淨悟如日照頓周法界功如拂鏡說智漸

明明是本明漸為圓漸悟如等者楞伽經

唯用一彼經大慧白佛言世尊云何淨除

自心現流為頓為漸答中先明四漸後說

四頓漸經云佛告大慧漸淨非頓一如恭

羅果漸熱非頓如來漸除衆生自心現流

亦復如是漸淨非頓如大地漸生非頓十行

漸成非頓十行

四如習藝漸就非頓十行

修行未證理故下之四頓約已證理一明

鏡頓現喻經云譬如明鏡頓現一切色像

如來淨除一切衆生自心現流亦復如是

頓現無相無所有清淨法界至此初二

日月頓照喻云如日月輪頓照顯示一切

色像如來為離自心現流習氣過患衆生

亦復如是頓為顯示不思議勝智境界此

八地三藏識頓知身安立受用境界彼諸依

知自心現流及身安立受用境界彼諸依



持佛亦復如是頓熟衆生所處境界以修  
 行者安處於彼色究竟天此佛光明照  
 覺聖趣亦復如是佛所作依佛性無性  
 見妄想照令除滅此亦法相有性無性  
 唯取頓照中一日光頓照喻雖舉鏡喻非  
 明鏡頓照自取拂鏡之喻正同大通時  
 勤拂拭莫遠惹塵埃而復自融通又上  
 漸四頓多依地位古今同爲此釋亦順  
 文今釋通於橫豎則位位之中皆有頓  
 然約橫論頓復有多義一頓悟漸修如  
 九層之臺則可頓見要須躡階而後得  
 今亦如是頓了心性即佛無法不具  
 而須積功遍修萬行此約解悟二者頓  
 漸悟即如磨鏡一時遍磨明淨有新舊  
 頓修悟則新勝此約證悟三頓修頓悟  
 利劍新絲千莖齊斬一時齊斷亦如染  
 絲一時齊染一時成色萬行齊修一時  
 悟四新修漸悟猶如新竹節節不同此  
 今用今言悟如日照即解悟證悟皆悉頓  
 也即頓修頓悟功如拂鏡亦非漸修是頓  
 修漸悟義言明是本明漸爲圓漸者此融  
 上二恐人謂拂鏡非頓明鏡本來淨何用  
 拂塵埃故爲會之此是六祖直顯木性破  
 其漸修今爲頓經明其漸證隨漸明皆  
 本明矣故云明是本明即無念體上自有  
 真知非別有知是心體也言漸爲圓漸者  
 即天台智者意彼有言云漸漸非圓漸者  
 圓非漸圓謂漸家亦有圓漸圓漸者  
 漸漸家漸者如江出岷山始於濫觴漸家

圓者如大江千里圓家漸者如初入海雖  
 則漸深一滴之水已過大江况濫觴耶圓  
 家圓者如窮海無涯底故今云漸是  
 圓家漸尚過漸家之圓况漸家之漸

妙莊嚴光主林神得普知一切衆生行海而  
 興布法雲解脫門

六知遍趣行如應布法

可意雷聲主林神得忍受一切不可意聲演  
 清淨音解脫門

清淨音解脫門

七了音聲性皆同佛音故無不可意能令

世間皆聞佛音方云清淨

香光普徧主林神得十方普現昔所修治廣  
 大行境界解脫門

大行境界解脫門

八昔行稱周法界是廣大境神通普令物

見做而行之如下喜目即其事也

妙光迥曜主林神得以一切功德法饒益世

間解脫門

九衆生諂佞自不修德寧有進賢之心今

福智益他則物我兼利偈云諛諛即諂佞

也衆生諂佞自不修德者詩云內有進賢之志而無諛諛之心蒼頡篇曰諛謂諂

佞也

華果光味主林神得能令一切見佛出與常

敬念不忘莊嚴功德藏解脫門

十敬念則佛興佛興則莊嚴德藏障重者

不念不見於佛豈無常哉故應見常見也

大方廣佛華嚴經疏鈔會本第四之一

音釋

聖礙聖古賣切礙牛迅疾也離慳著離力離切

智切遠難也慳丘閑切需需普蓋切誘九以切

恪也著直畧切黏著也需需需也療力照切蠲除九以切

也切恬怡恬音甜安也怡治也藥如切

諛音消諛諛諛謂陰險不正也藥如切

漩復漩旬緣切復水回流也藻子皓切菱閭承切

也力兼切輻方六切跟古痕切縵莫半切統均也直切

亡運而充切蹀戶瓦切臚均也直切

也切喘市充切裸赤體也肘陟柳切頰古協切

也旁眈陟涉切鬼吾回切躡毘亦切金錀切

正作鏡邊送扶扶一決切挑也躡尼輒切

也切濫觴濫盧瞰切觴尸羊切療力照切瘡楚登切

翦切病也

大方廣佛華嚴經疏鈔會本第四之二 橫三

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時布華如雲主林神承佛威力普觀一切

主林神衆而說頌言

橫三

佛昔修習菩提行福德智慧悉成滿一切諸

力皆具足放大光明出世間

悲門無量等衆生如來往昔普淨治是故於

世能爲益此擢幹神之所了

若有衆生一見佛必使入於深信海普示一

切如來道此妙芽神之解脫

一毛所集諸功德劫海宣揚不可盡諸佛方

便難思議淨業能明此深義

我念如來於往昔供養剎塵無量佛一一佛

所智漸明此醜藏神之所了

一切衆生諸行海世尊一念悉了知如是廣

大無礙智妙莊嚴神能悟入

恒演如來寂妙音普生無等大歡喜隨其解

欲皆令悟此是雷音所行法

如來示現大神通十方國土皆周徧佛昔修

行悉令見此昔香光所入門

衆生諛諛不修德迷惑沉流生死中爲彼闡

明衆智道此妙光神之所見

佛爲業障諸衆生經於億劫時乃現其餘念

念常令見此味光神所觀察

復次寶峯開華主山神得入大寂定光明解

脫門

第十三主山神十法一寂而常照故光無

不闡

華林妙髻主山神得修習慈善根成熟不可

思議數衆生解脫門

二相光熟機皆慈善根力如涅槃廣明

高幢普照主山神得觀察一切衆生心所樂

嚴淨諸根解脫門

三修因嚴根本為順物故矚蓮目而欣樂

靚月面而歡心或見諸根一一皆周法界

喜益深矣

離塵寶髻主山神得無邊劫海勤精進無厭

怠解脫門

四如空不染故長劫無怠

光照十方主山神得以無邊功德光普覺悟

解脫門

五礙故長眠唯福智之能覺

大力光明主山神得能自成熟復令衆生捨

離愚迷行解脫門

精三

二

威光普勝主山神得拔一切苦使無有餘解

脫門

微密光輪主山神得演教法光明顯示一切

如來功德解脫門

次三可知

普眼現見主山神得令一切衆生乃至於夢

中增長善根解脫門

九若睡若寤皆令聞法進行斯為佛業如

大瓔珞經說過去有佛凡欲說法令大衆

眠夢中說法令增善根覺得道果涅槃亦

橫三

三

云其人夢中見羅刹像等亦表萬法皆夢

大夢之夜必有大覺之明

涅槃亦云其人夢中見羅刹像

即當第九如來性品迦葉菩薩曰佛言世尊云何未發菩提心者得菩提因佛告迦葉若有聞是大涅槃經言我不發菩提心中怖懼羅刹語言吐善男子汝今若不發菩提心當斷汝命是人惶怖寤已即發善

提之心是人命終若在三趣及在人天續  
復憶念菩提之心當知是人是大菩薩摩  
訶薩

金剛堅固眼主山神得出現無邊大義海解

脫門

十稱性法門無邊大義一音能演是出現  
也

爾時開華布地主山神承佛威力普觀一切  
主山神衆而說頌言

往修勝行無有邊今獲神通亦無量法門廣  
闢如塵數悉使衆生深悟喜

衆相嚴身徧世間毛孔光明悉清淨大慈方  
便示一切華林妙髻悟此門

佛身普現無有邊十方世界皆充滿諸根嚴  
淨見者喜此法高幢能悟入

歷劫勤修無懈倦不染世法如虛空種種方

便化群生悟此法門名寶髻

衆生盲暗入險道佛哀愍彼舒光照普使世

間從睡覺威光悟此心生喜

昔在諸有廣修行供養刹塵無數佛令衆生

見發大願此地大力能明入

見諸衆生流轉苦一切業障恒纏覆以智慧

光悉滅除此普勝神之解脫

一一毛孔出妙音隨衆生心讚諸佛悉徧十

方無量劫此是光輪所入門

佛徧十方普現前種種方便說妙法廣益衆

生諸行海此現見神之所悟

法門如海無邊量一音爲說悉令解一切劫

中演不窮入此方便金剛目

復次普德淨華主地神得以慈悲心念念普

觀一切衆生解脫門

第十四主地神十法一念念無間平等普

觀修慈護法故得金剛之體金剛即內照

之實也 修慈護法故得金剛之體亦涅槃

不壞身故以長壽品答長壽問由不殺及  
施僧之食為因金剛身品答金剛不壞身  
問因於護法故經初明金剛身義云爾時  
世尊復告迦葉善男子如來身者是常住

身不可壞身金剛之身非雜食身即是法  
身下迦葉難次如來廣答金剛身相後迦  
葉微因云唯然世尊如來法身金剛不壞  
而未能夠知所因云何佛告迦葉以能護持

正法因緣故得成就就是金剛身迦葉於  
往昔護法因緣今得成就是金剛身常住  
不壞善男子護持正法者不受五戒不修  
戒儀應持刀劔弓箭持守護持戒清淨

比丘此後廣說護法之相便引往昔此拘  
尸城有歡喜增益如來末法之中覺德比  
丘能師子吼為破戒比丘刀杖所逼時有

國王名為有德與破戒比丘共戰時王被  
鎗舉身周遍覺德讚王王聞法已即便命  
終生阿閼佛國為彼如來第一弟子覺德

比丘却後壽終亦生彼國為第二弟子故  
知能護功高所護生公釋金剛身云長壽  
之與金剛皆共談丈六但內外之異長壽  
為外應之跡金剛為內照之實實照體圓  
故無方也然則長壽金剛並義通內外而  
金色示滅故以實照為常實則至妙之色

橫三

五

亦常不變矣然長壽對凡夫之天促金剛  
對凡身之危脆故無長無短方為長壽非  
實非虛始曰金剛而推其因由護法者護  
法今法久住獲法身矣今疏文中言修慈  
護法者護法即涅槃  
文修慈即今得意

堅福莊嚴主地神得普現一切眾生福德力

解脫門

二一毛福力頓現眾福

妙華嚴樹主地神得普入諸法出生一切佛

刹莊嚴解脫門

三證入無生不礙嚴刹

普散眾寶主地神得修習種種諸三昧令眾

生除障垢解脫門

四一向為他

淨目觀時主地神得令一切眾生常遊戲快

樂解脫門

五觀機出現名為遊戲

金色妙眼主地神得示現一切清淨身調伏  
衆生解脫門

六現淨感身方調物惑

香毛發光主地神得了知一切佛功德海大  
威力解脫門

七內具德海現威力身如地含海濶發生

百穀百穀苗稼皆地香毛故

寂音悅意主地神得普攝持一切衆生言音

海解脫門

八長行一言盡攝無餘偈頌則一言普遍

無極

妙華旋髻主地神得充滿佛刹離垢性解脫  
門

九焰雲普遍令物離垢爲性

金剛普持主地神得一切佛法輪所攝持普

橫三

六

出現解脫門

十法能攝持心行如金剛之輪佛則不動

現世若須彌出海

爾時普德淨華主地神承佛威力普觀一切  
主地神衆而說頌言

此下頌中亦有二句結法屬人可以意得

如來往昔念念中大慈悲門不可說如是修

行無有已故得堅牢不壞身

三世衆生及菩薩所有一切衆福聚悉現如

來毛孔中福嚴見已生歡喜

廣大寂靜三摩地不生不滅無來去嚴淨國

土示衆生此樹華神之解脫

佛於往昔修諸行爲令衆生消重障普散衆

寶主地神見此解脫生歡喜

如來境界無邊際念念普現於世間淨目觀

時主地神見佛所行心慶悅

妙音無限不思議普為衆生滅煩惱金色眼

神能了悟見佛無邊勝功德

一切色形皆化現十方法界悉充滿香毛發

光常見佛如是普化諸衆生

妙音普徧於十方無量劫中為衆說悅意地

神心了達從佛得聞深敬喜

佛毛孔出香燄雲隨衆生心徧世間一切見

者皆成熟此是華旋所觀處

堅固難壞如金剛不可傾動踰須彌佛身如

是處世間普持得見生歡喜

復次寶峯光曜主城神得方便利益衆生解

脫門

第十五主城神十法有云脫第九法十頌

具足一光等方便成熟利益

妙嚴宮殿主城神得知衆生根教化成熟解

脫門

二應病與藥令得服行

清淨喜寶主城神得常歡喜令一切衆生受

諸福德解脫門

三護法法存則物受福德教理行果皆有

護也教理行果皆有護也者有毀謗教不

惜身命折伏護持為護教也得音契

離憂清淨主城神得救諸怖畏大悲藏解脫

門

四悲救無盡名藏

華燈燄眼主城神得普明了大智慧解脫門

五了佛大智

燄幢明現主城神得普方便示現解脫門

六方便現身



盛福威光主城神得普觀察一切衆生令修

廣大福德海解脫門

七同修佛德

淨光明身主城神得開悟一切愚暗衆生解

脫門

八迷真俗理故云愚闇佛出開示令其悟

入本迷無始猶若生盲雖聞譬喻竟不識

乳唯佛出世方能曉之本迷無始等者即

有二文一即二十八經明八喻後云善男

子凡所引喻不必盡取或取少分或取多

分或復全取如言如來面如滿月是名少

分善男子譬如盲人初不見乳轉問他言

乳爲何類彼人答言如水蜜貝水則濕相

蜜則甜相貝則色相雖引三喻未得乳實

二者第十四經南本十三喻諸外道不識

常樂我淨以四種喻謂貝稻米末雪鶴經

云如生盲人不知乳色便問他言乳色何

似他人答言色如白貝盲人復問是乳色

者如貝聲耶答言不也復問貝色爲何似

橫三

八

似答言猶如白鶴是生盲人雖聞如是四  
種譬喻竟不能識得乳真色釋曰貝可喻  
常未可喻樂雪可喻淨鶴可喻我然經中  
前三各該領解而鶴一種略無該領應言  
如鶴動耶然其四喻皆是眼境彼但身觸  
何能知耶非唯外道不知四德智眼未開  
空欲暗證猶彼盲人觸四境也言唯佛出  
世方能曉之者示其出世常樂我淨開其  
智眼了  
見分明

香幢莊嚴主城神得觀如來自在力普遍世

間調伏衆生解脫門此神名及法舊本無依

合九準梵本云香幢莊嚴髻主城神得破

一切煩惱臭氣出生一切智性香氣解脫

門謂正使爲臭物殘習爲臭氣智性爲香

體利物爲香氣香氣若高山之出雲稱智

性而無盡臭氣若香風之卷霧等性空之

無邊煩惱則塵習雙亡智慧則自他兼利

有本亦具云香髻莊嚴主城神得開發衆

生清淨妙智解脫門亦恐傳寫之脫漏耳

橫三

九

義不異前偈云現夢中者夢是神遊亦見  
聞之氣分也夢中尚調況於覺悟如迦旃

延為弟子現夢境界等

夢是神遊漢武故

善因夢者乃詐為夢云朕夢見殿上兩瓦  
化為鴛鴦飛空而去是何微也圓夢者曰  
宮中必有恭死之者帝曰戲之耳言未畢  
監司奏云宮人相殺帝曰朕實不夢而有

徵者何耶對曰夢是神遊陛下欲言即是  
夢也亦見聞之氣分者即智論五夢之中

見聞多故為夢也言五夢者一熱氣多故  
夢火二冷氣多夢水三風氣多夢飛空四

見聞多入夢五天神與並如下夢忍如迦  
旃延為弟子現夢者莊嚴論說迦旃延有

弟子為希羅王捨王位出家於山林中修  
道有一隣國王名阿槃地遊獵至山其王

安寢宮人詣比丘所比丘為其說法王覺  
謂訪我宮人遂鞭撻比丘比丘通苦心生

悲恨我不相犯非理見辱遂欲還家為五  
伐彼師勸不止便言且留一宿明當任去

即留一宿夜中迦旃延示之以夢夢見還  
國國人迎之却立為王與大臣商議徵兵

伐怨而戰敗失道遂被彼擒將欲刑戮忽  
遇本師本師告言前苦相勸何為不從此

王夢中號訴師言大師救命失聲便覺悲  
涕白師不復還家是為迦旃延之善巧覺

化不得夢  
化便遂

寶峯光目主城神得能以大光明破一切眾  
生障礙山解脫門

十二障五蓋重疊如山非智光明莫之能

破

爾時寶峯光曜主城神承佛威力普觀一切

主城神眾而說頌言

導師如是不思議光明徧照於十方眾生現

前悉見佛教化成熱無央數

諸眾生根各差別佛悉了知無有餘妙嚴宮

殿主城神入此法門心慶悅

如來無量劫修行護持往昔諸佛法意常承

奉生歡喜妙寶城神悟此門

如來昔已能除遣一切眾生諸恐怖而恒於

彼起慈悲此離憂神心悟喜

佛智廣大無有邊譬如虛空不可量華日城

神斯悟悅能學如來之妙慧

如來色相等衆生隨其樂欲皆令見燄幢明

現心能悟習此方便生歡喜

如來往修衆福海清淨廣大無邊際福德幢

光於此門觀察了悟心欣慶

橫三

十

衆生愚迷諸有中如世生盲卒無覩佛爲利

益興於世清淨光神入此門

如來自在無有邊如雲普徧於世間乃至現

夢令調伏此是香幢所觀見

衆生癡暗如盲瞽種種障蓋所纏覆佛光照

徹普令開如是寶峯之所入

復次淨莊嚴幢道場神得出現供養佛廣大

莊嚴具誓願力解脫門

第十六道場神十一法十一偈一出現字

兩用謂有佛出現即出現莊嚴具而爲供

橫三

二

養佛昔如是神以大願做之

須彌寶光道場神得現一切衆生前成就廣

大菩提行解脫門

二對物成行令物做之施爲行先故偈偏

舉

雷音幢相道場神得隨一切衆生心所樂令

見佛於夢中爲說法解脫門

三夢覺皆化則時處俱遍

雨華妙眼道場神得能雨一切難捨衆寶莊

嚴具解脫門

四外寶內眼重重難捨爲物說行故云能

兩

清淨燄形道場神得能現妙莊嚴道場廣化

衆生令成熟解脫門

五清淨焰形神前列中無謂色相道場俱

妙莊嚴並為熟物

華纓垂髻道場神得隨根說法令生正念解脫門

六疑境界者以唯心為正念疑法性者以無得為正念實則無正無邪方稱曰正無

念不念是真念矣諸念不生正念方生耳故隨根兩法斷疑生智

兩寶莊嚴道場神得能以辯才普兩無邊歡喜法解脫門

七辯才兩法稱根故喜

勇猛香眼道場神得廣稱讚諸佛功德解脫門

八深廣讚佛故名實雙美

金剛彩雲道場神得示現無邊色相樹莊嚴道場解脫門

九樹王眷屬並如經初

蓮華光明道場神得菩提樹下寂然不動而充徧十方解脫門

十即前身遍十方而無來往智入諸相了法空寂也

妙光照曜道場神得顯示如來種種力解脫門

十一種種力者佛有無量力故因行亦然皆嚴具顯示既示道場之神故得道場事

中解脫

續三

主

爾時淨莊嚴幢道場神承佛威力普觀一切道場神眾而說頌言

我念如來往昔時於無量劫所修行諸佛出興咸供養故獲如空大功德

佛昔修行無盡施無量刹土微塵等須彌光

照菩提神憶念善逝心欣慶  
如來色相無有窮變化周流一切刹乃至夢  
中常示現雷幢見此生歡喜  
昔行捨行無量劫能捨難捨眼如海如是捨  
行為衆生此妙眼神能悟悅

橫三

十三

無邊色相寶燄雲現菩提場徧世間燄形清  
淨道場神見佛自在生歡喜

衆生行海無有邊佛普彌綸兩法雨隨其根  
解除疑惑華纓悟此心歡喜

無量法門差別義辯才大海皆能入兩寶嚴

具道場神於心念念恒如是

於不可說一切土盡世言辭稱讚佛故獲名

譽大功德此勇眼神能憶念

種種色相無邊樹普現菩提樹王下金剛彩

雲悟此門恒觀道樹生歡喜

十方邊際不可得佛坐道場智亦然蓮華步

光淨信心入此解脫深生喜

道場一切出妙音讚佛難思清淨力及以成

就諸因行此妙光神能聽受

復次寶印手足行神得普雨衆寶生廣大歡

喜解脫門

蓮華光足行神得示現佛身坐一切光色蓮

華座令見者歡喜解脫門

第十七足行神十法初二可知

最勝華髻足行神得一一心念中建立一切

如來衆會道場解脫門

三內則念念安於理事外則處處建立道

場

攝諸善見足行神得舉足發步悉調伏無邊

衆生解脫門

四舉足下足海印發輝諸有威儀無非佛事

妙寶星幢足行神得念念中化現種種蓮華網光明普雨眾寶出妙音聲解脫門

五以華以光兩寶雨法

樂吐妙音足行神得出生無邊歡喜海解脫門

六眾生無邊是佛化境見佛聞法故生歡喜

梅檀樹光足行神得以香風普覺一切道場

眾會解脫門

七圓音警物等梅檀之香風暫一熏修覺身心之調順餘三可知

蓮華光明足行神得一切毛孔放光明演微妙法音解脫門

橫三

十四

微妙光明足行神得其身徧出種種光明網普照曜解脫門

積集妙華足行神得開悟一切眾生令生善根海解脫門

爾時寶印手足行神承佛威力普觀一切足行神眾而說頌言

佛昔修行無量劫供養一切諸如來心恒慶悅不疲厭喜門深大猶如海

念念神通不可量化現蓮華種種香佛坐其上普遊往紅色光神皆覩見

橫三

十五

諸佛如來法如是廣大眾會徧十方普現神通不可議最勝華神悉明矚

十方國土一切處於中舉足若下足悉能成就諸群生此善見神心悟喜

如眾生數普現身此一一身充法界悉放淨

光雨眾寶如是解脫星幢入

如來境界無邊際普雨法雨皆充滿眾會觀

佛生歡喜此妙音聲之所見

佛音聲量等虛空一切音聲悉在中調伏眾

生靡不徧如是梅檀能聽受

一切毛孔出化音闡揚三世諸佛名聞此音

者皆歡喜蓮華光神如是見

佛身變現不思議步步色相猶如海隨眾生

心悉令見此妙光明之所得

十方普現大神通一切眾生悉開悟眾妙華

神於此法見已心生大歡喜

復次淨喜境界身眾神得憶佛往昔誓願海

解脫門

第十八身眾神十法一淨喜境界神者初

列處名華髻莊嚴或是名廣略舉其半或

梵音相類譯者之誤未勘梵本

光照十方身眾神得光明普照無遺世界解

脫門

海音調伏身眾神得大音普覺一切眾生令

歡喜調伏解脫門

二三可知

淨華嚴髻身眾神得身如虛空周徧住解脫

門

四相即無相故如空遍住空非獨虛亦遍

於色住非分住一塵亦周如芥子空即不

可盡身與法性不可分故空非獨虛者意

是虛空出現品云譬如虛空遍至一切色

非色處故住非分住一塵亦周者如來在

一塵中亦全法界之廣大身皆

無量威儀身眾神得示一切眾生諸佛境界  
解脫門

五威儀施化無心頓現斯即佛境難以言思

最勝光嚴身衆神得令一切饑乏衆生色力滿足解脫門

六佛為良田出世難遇一與微供果獲五

常略言色力亦有常命安樂辯才此五皆

常方云滿足受報無盡故悉離貧窮

者疏文具列即涅槃第二純陀施食處說下迴向施食中當廣明之受報無盡者亦純陀事即三十一經師子吼菩薩白佛言世尊如佛先告純陀云汝今已得見於佛性得大涅槃阿耨多羅三藐三菩提是義云何世尊如佛所說施畜生者得百倍報乃至云施不遺菩薩及最後身諸大菩薩如來世尊所得福報無量無邊不可稱計不可思議純陀大士若受如是無量報者是報無盡何時當得阿耨多羅三藐三菩提此下廣說施相下佛答意云如何難言純陀報無盡者謂世間報然業有多種不必定受隨人所造愚智等殊今純陀大智將此施業唯為菩提及利衆生云何今受人天之報不得菩提况所造業及受果報皆是垂跡若善若惡非現生後受是業報

下廣說業有定不定愚智輕重一切聖人為壞定業得輕報故不定之業無果報等則報無盡者是約世間今疏為順悉離貧窮故引世間受報無盡耳非取彼經師子吼菩薩之難意

淨光香雲身衆神得除一切衆生煩惱垢解脫門

七齒光除垢表所說淨故

守護攝持身衆神得轉一切衆生愚癡魔業

解脫門

八有染於五塵無慈於六趣者愚癡魔業也體五欲性虛已兼亡彼業斯轉而名云

守護攝持者善守根門攝散持德則遠魔

矣然魔事惑不出三毒及慢魔惱衆生不

出三事謂上妙五欲及諸苦具為說邪法

則三毒是生三毒內著即為魔業今守護

覺察魔如之何即偈中解脫道也



普現攝化身衆神得普於一切世主宮殿中  
顯示莊嚴相解脫門

九此有三意一身雖周於法界多示爲王  
攝御自在故二八相處於王宮俯接物故  
三法界菩提樹下法王宮故

不動光明身衆神得普攝一切衆生皆令生  
清淨善根解脫門

十迷於本空故有妄苦無漏本有是淨善  
根

爾時淨喜境界身衆神承佛威力普觀一切  
身衆神衆而說頌言

我憶須彌塵劫前有佛妙光出興世世尊於  
彼如來所發心供養一切佛  
如來身放大光明其光法界靡不充衆生遇  
者心調伏此照方神之所見

如來聲震十方國一切言音悉圓滿普覺群  
生無有餘調伏聞此心歡慶

佛身清淨恒寂滅普現衆色無諸相如是徧  
住於世間此淨華神之所入

導師如是不思議隨衆生心悉令見或坐或  
行或時住無量威儀所悟門

佛百千劫難逢遇出興利益能自在令世悉  
離貧窮苦最勝光嚴入斯處

如來一一齒相間普放香燈光燄雲滅除一  
切衆生惑離垢雲神如是見

披三

十八

衆生染惑爲重障隨逐魔徑常流轉如來開  
示解脫道守護執持能悟入

我觀如來自在力光布法界悉充滿處王宮  
殿化衆生此普現神之境界

衆生迷妄具衆苦佛在其中常救護皆令滅

感生喜心不動光神所觀見

復次妙色那羅延執金剛神得見如來示現

無邊色相身解脫門

第十九執金剛神長行十法一見如來身

普現非別豈唯凡現之處即無邊相亦隨

橫三

十九

一一色相皆無有邊

日輪速疾幢執金剛神得佛身一一毛如日

輪現種種光明雲解脫門

須彌華光執金剛神得化現無量身大神變

解脫門

清淨雲音執金剛神得無邊隨類音解脫門

二三四可知

妙臂天主執金剛神得現為一切世間主開

悟衆生解脫門

第五神初卷中名諸根美妙今但云妙臂

文義俱闕又加天主以現為世主故

可愛樂光明執金剛神得普開示一切佛法

差別門咸盡無遺解脫門

六法海深奧繁節差別巧說令現無有遺

餘

大樹雷音執金剛神得以可愛樂莊嚴具攝

一切樹神解脫門

七約神且說寶飾為嚴巧攝已衆約佛方

便相好為嚴無不攝也

師子王光明執金剛神得如來廣大福莊嚴

聚皆具足明了解脫門

八因深故大福為能嚴果勝故德相皆明

足

密談吉祥目執金剛神得普觀察險惡衆生

心為現威嚴身解脫門

九惡謂十惡險者惡之因也能陷自他及險道故

蓮華摩尼髻執金剛神得普雨一切菩薩莊嚴具摩尼髻解脫門

十若以現文則摩尼髻是所雨若以義取此神名摩尼髻亦得髻是能雨一切菩薩嚴具是所雨表菩薩智光圓滿故

爾時妙色那羅延執金剛神承佛威力普觀一切執金剛神衆而說頌言

汝應觀法王法王法如是色相無有遺普現於世間佛身一一毛光網不思議譬如淨日輪普照十方國如來神通力法界悉周徧一切衆生前示現無盡身如來說法音十方莫不聞隨諸衆生類悉令心滿足衆見牟尼尊處世宮殿中普為諸群生闡揚於大法法海

橫三

二十

漩復處一切差別義種種方便門演說無窮盡

偈中第六云漩復者水之漩流洄復之處一甚深故二迴轉故三難渡故法海漩復亦然一唯佛能究故二真妄相循難窮初後故三聞空謂空則沉於漩復聞有謂有

等皆類此知故云一切差別義也真妄相循難窮

初後故者若言先妄後真真則有始若謂先真後妄妄由何生若妄依真起真亦非真若妄體即真妄亦無始為破始起立無始言始既不存終從何立無終無始豈有中問故中論云大聖之所說本際不可得生死無有始亦復無有終若無有始終中

橫三

主

當云何有是故於此中先後共亦無真妄兩亡方說真妄真妄交徹無定始終聞空謂空則沉於漩復者大分深義所謂空也以空為空雖深而沉矣餘三句亦然不取空相則無所沉何以故空相不可得故若復見有空諸佛所不化故空即有故有等亦然

無邊大方便普應十方國遇佛淨光明悉見

如來身供養於諸佛億利微塵數功德如虛  
空一切所瞻仰神通力平等一切利皆現安  
坐妙道場普現衆生前燄雲普照世種種光  
圓滿法界無不及示佛所行處  
餘並可知 上來異生衆竟

大方廣佛華嚴經疏鈔會本第四之二

音釋

稗稍 稗美侯切 句兵也 危脆 脆此芮切 物易斷也 鴛鴛於袁切 鴛於良切 漩復 漩句錄切 復房六 替果 替五

切日但 有眩也 明矚矚音燭 視也

大方廣佛華嚴經疏鈔會本第五之一 橫四

唐于闐國三藏沙門實叉難陀 譯

唐清涼山大華嚴寺沙門澄觀撰述

復次普賢菩薩摩訶薩入不思議解脫門方便海

自下第二同生眾文分為三初明普賢菩薩

薩得一切法門次十普菩薩各得一門後

十異名菩薩各一法門此三各有長行及

頌

就初普賢長行中二初總標所入二別顯

十門今初二句先指陳法體次辯法功能

今初言不思議者謂數過圖度理絕言思

故言方便海者謂不動真而成事巧以因

門契果故云方便謂不動真而成事者即

有不迷於空巧以因契果者即事事無礙之方便因果交徹故

入如來功德海

後入如來下辯法功能謂證入因圓趣入

果海故然前後但明以別入總故各得一

解脫門猶如百川一一入海今明以總入

總如海入海故得難思解脫門復稱能入

為方便海以普賢是同異二眾之上首故

所謂有解脫門名嚴淨一切佛國土調伏眾

生令究竟出離

二所謂下別顯十門以彰無盡一嚴土調

生謂隨所化眾生取佛土故一切佛土者

豎通四土橫該法界橫豎相融故一塵一

刹皆廣大嚴淨故云一切演最妙法故令

所調究竟出離豎通四土等者並如世界

處有四土故以法性之土為三土體故本  
通常自受用土量周法界一如法性他受  
用土及變化土不離上二猶如物影不離  
空及日光而他受用及變化土隨心異見

亦如兩影互相涉入故一塵中則有四土  
橫過法界即十方一切差別國土橫豎相  
融有以豎融橫則一塵之中有十方國以  
橫融豎則一塵四土常過十方結成可知

有解脫門名普詣一切如來所修具足功德  
境界

二佛遍塵道詣彼修德乃了彼境

有解脫門名安立一切菩薩地諸大願海

三通辯安立菩薩六種功德一位二願餘

四在偈

有解脫門名普現法界微塵數無量身

四身普應機演所證法

有解脫門名演說徧一切國土不可思議數

差別名

五國土不同所敬各異故隨宜立稱成益

不空如名號品

有解脫門名一切微塵中悉現無邊諸菩薩

橫四

二

神通境界

六塵中現身說菩薩行境

有解脫門名一念中現三世劫成壞事

七以時隨法融令三世劫及劫中成壞一

念中現無所障礙然事通能所能成壞事

謂火水及風所成壞事天地萬像

有解脫門名示現一切菩薩諸根海各入自

境界

八菩薩根海雖繁廣多類但能入自所知

境界豈能測量佛無邊法則顯前來眾海

橫四

三

未測佛德普賢能知此理

有解脫門名能以神通力化現種種身徧無

邊法界

九明如來身體同虛空用周法界

有解脫門名顯示一切菩薩修行法次第門

入一切智廣大方便

第十攝因成果故云一切菩薩行入一切智也妙音宣此故云顯示此亦別釋標中

第二句

爾時普賢菩薩摩訶薩以自功德復承如來威神之力普觀一切眾會海已即說頌言

頌中次第如前十門

佛所莊嚴廣大刹等於一切微塵數清淨佛子悉滿中而不思議最妙法

第一偈前半嚴淨佛國後半調伏眾生兼

顯人法為嚴之義佛子有三一者外子謂

諸凡夫未能紹繼佛家事故二者庶子謂

諸二乘不從如來大法生故三者真子謂

大菩薩從大法喜正所生故此言清淨意

顯第三最妙法者揀非權小昔以妙法淨

所化心故所感土亦有清淨佛子來生其國還兩妙法

如於此會見佛坐一切塵中悉如是佛身無去亦無來所有國土皆明現

二中前半明總遍別中後半明體用無礙

亦是總遍總中

前半明總遍別中者然能遍所通不難依正依正各

二一總二別全佛身為正之總一毛孔等為正之別一佛國土為依之總一微塵等為依之別今以前半佛遍塵中故云總遍別中言體用無礙者上句是體無去來故下句是用現諸土故亦是總遍總者身遍國故

顯示菩薩所修行無量趣地諸方便及說難

思真實理令諸佛子入法界

二中四句即前四義一修十勝行二起十

方便三所證十如四正證法界成薩婆若

地位為總餘五為別

出生化佛如塵數普應羣生心所欲入深法

界方便門廣大無邊悉開演

四中前半普現身後半演所證

如來名號等世間十方國土悉充徧一切方

便無空過調伏衆生皆離垢

佛於一切微塵中示現無邊大神力悉坐道

場能演說如佛往昔菩提行

三世所有廣大劫佛念念中皆示現彼諸成

壞一切事不思議智無不了

佛子衆會廣無限欲共測量諸佛地諸佛法

門無有邊能悉了知甚爲難

次四偈可知

佛如虛空無分別等真法界無所依化現周

行靡不至悉坐道場成正覺

九中初句智身欠句智身等法身後二句

化用等法身之周遍略舉正覺實通一切

橫四

五

故上云種種

佛以妙音廣宣暢一切諸地皆明了普現一

衆生前盡與如來平等法

十中三句攝因後句成果

復次淨德妙光菩薩摩訶薩得徧往十方菩

薩衆會莊嚴道場解脫門

第二十普菩薩各得一門第一菩薩前列

名中無以前與普賢共爲十普今普賢別

說故加爲十以表圓足然偈文具十長行

中第七菩薩及法門俱脫又脫第八菩薩

法門及第九菩薩名至文當知十中第一

嚴處說法皆名爲嚴

普德最勝燈光照菩薩摩訶薩得一念中現

無盡成正覺門教化成熟不思議衆生界解

脫門



二塵塵皆成正覺已爲無盡方是正覺一門有如是等無量成正覺門如出現品辯隨所成正覺門調生亦爾故云成熟不思議衆生界

普光師子幢菩薩摩訶薩得修習菩薩福德莊嚴出生一切佛國土解脫門

三修行福海嚴出剎海

普寶燄妙光菩薩摩訶薩得觀察佛神通境界無迷惑解脫門

四以深妙智觀難思境故多處不迷多劫不厭

普音功德海幢菩薩摩訶薩得於一衆會道場中示現一切佛土莊嚴解脫門

五如一逝多林會頓現一切淨土會會皆爾念念現殊

普智光照如來境菩薩摩訶薩得隨逐如來觀察甚深廣大法界藏解脫門

六法界含攝無盡故名爲藏觀佛法界之身一毛即無分限

普覺悅意聲菩薩摩訶薩得親近承事一切諸佛供養藏解脫門

七佛昔行因無佛不供今成佛果無衆不歸猶如百川馳流趣海

普清淨無盡福威光菩薩摩訶薩得出生一切神變廣大加持解脫門

八遍剎充塵劫窮來際皆佛加持之力

普寶髻華幢菩薩摩訶薩得普入一切世間行出生菩薩無邊行門解脫門

九若無大悲不入生死則不能出菩薩行門如不入海安能得寶此即化他成已不如

入海安能得寶即淨名佛道品譬如不下  
巨海則不能得無價寶珠如是不入煩惱  
大海則不能得一切智寶故

普相最勝光菩薩摩訶薩得能於無相法界  
中出現一切諸佛境界解脫門

十即依體起用

橫四

七

爾時淨德妙光菩薩摩訶薩承佛威力普觀

一切菩薩解脫門海已即說頌言

十方所有諸國土一剎那中悉嚴淨以妙音

聲轉法輪普徧世間無與等

如來境界無邊際一念法界悉充滿一一塵

中建道場悉證菩提起神變

世尊往昔修諸行經於百千無量劫一切佛

剎皆莊嚴出現無礙如虛空

佛神通力無限量充滿無邊一切劫假使經

於無量劫念念觀察無疲厭

汝應觀佛神通境十方國土皆嚴淨一切於

此悉現前念念不同無量種

觀佛百千無量劫不得一毛之分限如來無

礙方便門此光普照難思剎

如來往劫在世間承事無邊諸佛海是故一

切如川鶩咸來供養世所尊

如來出現徧十方一一塵中無量土其中境

界皆無量悉住無邊無盡劫

佛於曩劫為衆生修習無邊大悲海隨諸衆

生入生死普化衆會令清淨

佛住真如法界藏無相無形離諸垢衆生觀

見種種身一切苦難皆消滅

頌文前已配釋欲表菩薩法門互入故不

結法屬人後段亦然

復次海月光大明菩薩摩訶薩得出生菩薩

諸地諸波羅蜜教化衆生及嚴淨一切佛國土方便解脫門

第三十異名菩薩亦各一法長行中一得成菩薩四種方便一地位二度行三調生即行位所作四嚴刹通二利因果也或一地一度滿或地地諸度滿此一爲總下九皆別然不出上四多顯調生

雲音海光離垢藏菩薩摩訶薩得念念中普入法界種種差別處解脫門

二謂遍轉法輪

智生寶髻菩薩摩訶薩得不可思議劫於一切衆生前現清淨大功德解脫門

三普示滅惑

功德自在王淨光菩薩摩訶薩得普見十方一切菩薩初詣道場時種種莊嚴解脫門

四普嚴場會

善勇猛蓮華髻菩薩摩訶薩得隨諸衆生根解海普爲顯示一切佛法解脫門

五以法隨機

普智雲日幢菩薩摩訶薩得成就如來智永住無量劫解脫門

六爲物永存

大精進金剛齋菩薩摩訶薩得普入一切無邊法印力解脫門

七法印悟物

橫四

九

香嚴光幢菩薩摩訶薩得顯示現在一切佛始修菩薩行乃至成就智慧聚解脫門

八頓顯終始

大明德深美音菩薩摩訶薩得安住毗盧遮那一切大願海解脫門

九同佛往修

大福光智生菩薩摩訶薩得顯示如來徧法界甚深境界解脫門

十光顯如來難思之境以偈對釋文並可知

爾時海月光大明菩薩摩訶薩承佛威力普觀一切菩薩衆莊嚴海已即說頌言

諸波羅蜜及諸地廣大難思悉圓滿無量衆生盡調伏一切佛土皆嚴淨

如佛教化衆生界十方國土皆充滿一念心

中轉法輪普應羣情無不徧

佛於無量廣大劫普現一切衆生前如其往

昔廣修治示彼所行清淨處

我覩十方無有餘亦見諸佛現神通悉坐道

場成正覺衆會聞法共圍繞

廣大光明佛法身能以方便現世間普隨衆生心所樂悉稱其根而兩法

真如平等無相身離垢光明淨法身智慧寂靜身無量普應十方而演法

唯第六偈略須開示初句所證性淨法身

言無相者示真如相身即體義在纏不染

出障非淨凡聖必同故云平等次句出纏

法身也真如出煩惱障故云離垢出所知

障故云光明又塵習雙亡故云離垢真智

圓滿故曰光明淨法身者揀於在纏後半

體用無礙身由出纏故應用無方約理即

是體用無礙約用則止觀雙運故得果則

寂照爲身即用之體故寂即體之用故智

體用既無不在佛身何有量耶故能普應

十方此句正顯化用故經云水銀和真金

能塗諸色像智慧與法身處處應現往即

斯義也經云水銀和真金能塗諸色像者金如法身水銀如般若以般若照

機真身隨感故天台智者亦用此義以釋法華壽量應用

法王諸力皆清淨智慧如空無有邊悉為開

示無遺隱普使衆生同悟入

如佛往昔所修治乃至成於一切智今放光

明徧法界於中顯現悉明了

佛以本願現神通一切十方無不照如佛往

昔修治行光明網中皆演說

十方境界無有盡無等無邊各差別佛無礙

力發大光一切國土皆明顯

爾時如來師子之座衆寶妙華輪臺基陛及

諸戶牖如是一切莊嚴具中

自下第八明座內衆流分於中長分十段

一明出處二顯衆類三列衆名四結衆數

橫四

十一

五興雲供六供衆海七敬繞佛八座本方

九歎德能十申偈讚今初座即是總寶等

爲別如是已下結廣從略非獨輪等故云

一切所以此能出者良以座該法界依正

混融一一纖塵無不廣容普遍座所遍刹

恒在座中故從中出非是化也若約法空

之因及法空之座則萬行爲嚴能生菩薩

一一各出佛刹微塵數菩薩摩訶薩

二一一顯衆類皆菩薩故

其名曰海慧自在神通王菩薩摩訶薩雷音

普震菩薩摩訶薩衆寶光明髻菩薩摩訶薩

大智日勇猛慧菩薩摩訶薩不思議功德寶

智印菩薩摩訶薩百目蓮華髻菩薩摩訶薩

金釵圓滿光菩薩摩訶薩法界普音菩薩摩

訶薩雲音淨月菩薩摩訶薩善勇猛光明幢

菩薩摩訶薩

三其名列衆名出處既多名亦多種略舉上首十名耳即如次十方

如是等而爲上首有衆多佛刹微塵數同時出現

四如是等下結衆數嚴具非一故有衆多刹塵

此諸菩薩各與種種供養雲所謂一切摩尼寶華雲一切蓮華妙香雲一切寶圓滿光雲無邊境界香燄雲日藏摩尼輪光明雲一切悅意樂音雲無邊色相一切寶燈光燄雲衆寶樹枝華果雲無盡寶清淨光明摩尼王雲一切莊嚴具摩尼王雲如是等諸供養雲有佛世界微塵數

五此諸菩薩下興供雲

彼諸菩薩一一皆興如是供養雲雨於一切道場衆海相續不絕

六彼諸下供衆海衆多菩薩各與刹塵供雲已重疊難思況相續不絕而諸供具皆稱雲者乃有多義謂色相顯然智攬無性

從法性空無生法起能現所現迥無所依應用而來故來無所從用謝而去故去無所至而能含慈潤溼法雨益萬物重重無礙有雲像焉上下諸文雲義皆爾

現是雲已右繞世尊經無量百千市

十四

十二

七現是雲已下明敬繞佛順向殷重瞻望不足乃至百千

隨其方面去佛不遠化作無量種種寶蓮華師子之座各於其上結跏趺坐

八隨其下坐本方參而不雜也如師子子

亦師子故菩薩座亦名師子自化自坐者

自心智現還自安處故諸佛菩薩坐多跏

趺者為物軌故智論引偈云若結跏趺坐

身安入三昧等若結跏趺坐者等取餘

天下除體懶覆心身輕不疲倚覺悟亦輕

便安坐如龍蟠見畫跏趺坐魔王亦驚怖

何況入道人安坐

不傾動即第八論

是諸菩薩所行清淨廣大如海句

九是諸菩薩下歎其德能有十二句初

總餘別

得智慧光照普門法句隨順諸佛所行無礙

句能入一切辯才法海句

別顯一一各是一種清淨廣大略東為三

初三明三業清淨廣大一智證普法二身

隨佛行三語入辯海中一義求亦通三業

得不思議解脫法門句住於如來普門之地

句已得一切陀羅尼門悉能容受一切法海

句次三明得法清淨廣大一獲自分解脫二

住勝進果位三遍具諸持普門地言即同

經初已踐如來普光明地

善住三世平等智地句已得深信廣大喜樂

後五福智清淨廣大初二正明後三重顯

今初中一智安理事故云善住二福無不

修故生信喜然三世平等經初已明今更

略示謂依生及佛善住平等且依佛說佛

佛平等法身智身無增減故若依眾生生

生平等煩惱業苦有支皆等若生佛相望

者凡夫現在等佛過去進修得果等佛現

在成佛究竟等佛常住然三世平等下重

釋善生三世平等

智地文三初指前操舉二別明義相三結  
釋善住智地之言初唯約佛如問明品十  
方諸如來同一法身等二唯 此約三世互  
約生六道雖差皆三雜染

望煩惱佛則本有今無衆生則本無今有  
菩提則衆生本有今無諸佛則本無今有

約迷悟異則說本今涅槃之性非三世攝  
故知三世有法無有是處 此約三世下別

禁四出得釋今先叙彼經後方釋疏言四  
出偈者四處出故亦名四住一即第十經

中出二即十七經三即二十七經四即二  
十八經初段即如來性品南經第九等薩

品文殊師利白佛言世尊今此純陀猶有  
疑心佛微文殊文殊師利言純陀心疑如

來常住以得知見佛性力故若見佛性而  
為常者本未見時應是無常若本無常後

亦應爾何以故如世間物本無今有已  
還無如是等物悉是無常以是義故諸佛  
菩薩聲聞緣覺無有差別爾時世尊即說  
得言本有今無本無今有三世有法無有  
是處善男子以是義故諸佛菩薩聲聞緣  
覺亦有差別亦無差別文殊師利讚言善  
哉誠如聖教我今始解諸佛菩薩聲聞緣  
覺亦有差別亦無差別佛更不說迦葉便  
請佛說如來便為引長者犍牛之喻以況  
佛性乳色皆一如性無異上第一出竟第  
十四

二出即第十七經南經十五皆梵行品因  
為迦葉說無所得竟迦葉領解更欲請問  
無所得義舉佛先說本有今無偈問如來  
為答云本有者我昔本有無量煩惱以煩  
惱故現在無有大般涅槃言本無者本無  
般若波羅蜜以無般若波羅蜜故現在具  
有諸煩惱結此釋上半若有沙門若婆羅  
門若天若魔若梵若人說言如來去來現  
在有煩惱者無有是處此釋下半下略經  
意有二一明本有父母之身無金剛身本

無三十二相具有四百四病二云本有無  
常無我等今無無上菩提本無見佛性今  
有無常等總有八段大意多同皆明本有

世因今有有世間妄法結云我或知言不  
知有相言無相隨宜化物耳上即第二出

竟第三出即二十七經南經二十五師子  
吼品因說一切衆生定得菩提是故我說  
一切衆生定有佛性一切衆生真實未有

三十二相八十種好以是義故我說得云  
本有今無等善男子有者凡有三種一未

來有無二現在有三過去有一切衆生未  
當有無上菩提是名佛性一切衆生現在  
悉有煩惱是故現在無有三十二相八十

種好一切衆生過去之世有斷煩惱是故  
現在得見佛性以是義故我常宣說一切  
衆生悉有佛性乃至一闍提亦有佛性未  
來有故如有乳者問言有酥上即第三出  
竟第四出即二十八經南經二十六因明  
食為命因非食即命故說此偈本有今無



等釋曰上四處經得意大同而用小異諸  
 公多於第十經中廣釋其相遠公引十七  
 經意釋云上一句自立道理下二句破他  
 定義釋上二句一同第十七經釋下二句  
 云此文語略亦合云三世無法亦無是處  
 意云於佛煩惱昔有今已斷竟故三世有  
 法無有是處涅槃昔無今已證竟言三世  
 無法亦無是處於眾生反此可知故無一  
 法三世定有三世定無此意明必互有互  
 無次通難意云佛今現證有異二乘故非

無差彼亦當得則亦無差別此答文殊疑  
 又云佛今已證何得難言後亦無常此通  
 純陀疑諸公大同意則成此得但是三  
 世有無之法如何能通純陀之難難意正  
 云由見佛性而為常者見既有始後必當  
 終如世間物有已還無今明證見何能通  
 此若起悟法師說答疑意則善成是生  
 公意但是我始會之非幾今有而其釋偈  
 亦多同遠公將得答難亦不順理薦福即  
 用本有今無論意出二種疑釋偈下半亦  
 同遠公不得論意故非盡理今先出論意  
 後出經中四出別意今初先定本有今無  
 之法謂煩惱業若是生得各本有解脫聖  
 性足修得是今無釋曰今此正順十七經  
 本有煩惱今無涅槃等故論云為二乘說  
 不誦大乘若為大乘說是謗大乘意云此  
 是隨相之法是三世有法迷悟之殊是無  
 常法可化二乘非是法大乘涅槃真性上定  
 本今之法次正說偈意論云此偈有二意  
 一破邪義二立正義破邪義者依語言說

立正義者依於義說不依語言然邪復有  
 二一者外道二者小乘上三句是邪初外  
 立之法第四句總非之云無有是處初外  
 道者謂本有同僧法因中有果本無同衛  
 世因中無果三世有同勤沙婆因中亦有  
 果亦無果皆有多過故云無有是處二破  
 小乘者如向所說為小乘說煩惱本有為  
 大乘談過三種義謂若煩惱本有為真諦  
 有為俗諦有若真諦有前無異煩惱不  
 可斷若俗諦有若真諦無本何名本有言本

無今有者若本無者後不應有若本無法  
 而得者有者空應生華諸本無法皆應當生  
 若三世共有居然不成三世相違故故下  
 結云無有是處則破小乘說三世有法無  
 有是處也三已破邪義所言立正義者本有  
 今有過於三世是名正義本有今有者從  
 初發心至得涅槃一味無異不依生因不  
 依滅因有則清淨凡夫法不能染汗聖人  
 法不能清淨乃至過一切語言道及一切  
 思惟不可說不可思惟攝受因果非因非  
 果如來一體最極攝受一切妙寶是大涅槃  
 樂超過三世為用說涅槃功德乃至常樂  
 我淨復過三世有種種義若本有今有則常  
 見若過三世則是斷見若二義相待成離  
 斷常是因緣真實何如故離二邊是真十二  
 十二因緣若能善解則見如來現在於世釋曰  
 此後一段復融性相今其無礙餘廣如論  
 已知論意今將論釋經之疑論云純陀有  
 二因緣故疑一見同相不見別相故生疑

二見別相不見同相故生疑皆是權為物  
 疑然若別配初疑即經中純陀疑後疑即  
 文殊疑然此二疑文即影略實即二人俱  
 有此疑故論云純陀有二種疑今初云何  
 見同謂純陀將本無今有疑同本有今無  
 疑云佛本不見佛性後見佛性而得常住  
 堂非本無今有本無今有即是生法生法  
 必滅故是無常即與世同故云見同云何  
 不見異不見如來契無三世異於凡小故  
 今舉異答云約緣始會似本無今有涅槃  
 之性不屬三世智契此性同性是常何得  
 難言有始必終是無常耶純陀疑遺矣若  
 通文殊疑者文殊見異不見同故疑謂見  
 三乘迷悟差別今同二乘無常盡滅即無  
 差別此各見異生疑云何不無常盡滅即無  
 無三世故今答云契無三世一得永常何  
 得同於二乘無常無三世性則無差別會  
 與不會則有差別上根一聞二疑頓遣中  
 下未悟迦葉起悲梵行品中因無得問佛  
 舉八段八段之中皆悉結云三世有者無  
 有是處斯無得矣二十七經因說一切眾  
 生定得菩提是常有義是故說言有三種  
 有一未來有二過去有三現在有明此三  
 有亦約迷悟佛性菩提豈屬三世二十八  
 經食為命因非即是命如佛性為因非即  
 是佛亦是三世因緣之法隨相而說若隨  
 相取亦無是處釋曰上來判釋四出之傳  
 理無不盡次當解釋今疏用意按十七經  
 本有今有皆約於妄故本無今無並約於  
 真故云我本有煩惱今無涅槃本無般若

今有煩惱所以爾者約佛昔因故二十七  
 性則是真法本無今有故純陀生疑正約  
 世尊因見佛性本無今有為難是知若真  
 若妄皆通本有今無本無今有故取經  
 意及彼論意故約生佛相望真妄並說又  
 十七經約佛昔說故即以前時為本亦  
 以昔時為今例於眾生則以今時為本亦  
 以今時為今如佛昔有煩惱無異又十七  
 經後之二段約佛身上亦說本今皆是影  
 略今疏取意則以昔為本現在為今煩惱  
 佛則本有今無者以佛昔為凡夫則有煩  
 惱今成正覺故無煩惱眾生則本無今有  
 者約性淨故本無煩惱客塵故今有煩  
 惱菩提則眾生本有今無者亦約性淨菩  
 提本有今為客塵之所覆故迷真起妄無  
 有證得圓淨菩提故云今無耳諸佛則本  
 無今有者約圓淨菩提云今無耳諸佛則本  
 無今已修得故云今有上來已顯彼得上  
 半約迷悟異下釋偈下半然準論意三句  
 皆相第四一句拂去上三方為真性今疏  
 以第三句總牒三世以第四句遺之故云  
 下半顯性取文小異全是論意云何約迷  
 悟異等謂迷時有妄非是無真悟時見性  
 性非今有故生公云但是真始會之非變  
 今有變不在今即是真始會之非變  
 所以稱常是知迷悟雖異涅槃之性三世  
 不遷湛然常住會即符契同彼性常如始  
 覺同本無復始本之異何得難若以性淨  
 言有始必終則純陀之難違矣

而說則佛與眾生現今平等而不妨迷悟之殊是故三乘亦有差別亦無差別眾生寂滅即是法身法身隨緣即是眾生故寂滅非無之眾生恒不異真而成立隨緣非有之法身恒不異事而顯現是故染淨三世一切諸法無不平等況稱性互收若以性淨下第二約同時平等正是前得下半之意以離三世性故現今平等而不妨迷悟之殊者即是論主末後融其性相今雖斷常若相外有性性為斷滅相是定常故離迷悟無別真性因平常故有三界無常因解無常之實性故成常智二理不偏照與之符猶懸鏡高堂萬像斯鑒經引二鳥意在此也是故三乘亦有差別亦無差別即是涅槃文殊領解性無二故故無差別迷悟淺深故有差別則文殊之疑遣矣二疑既遣迦葉之疑亦亡餘如上論眾生寂滅即是法身下示於亦有差別亦無差別之相言眾生寂滅即是法身者生不異佛法身隨緣名曰眾生者佛不異生則無差別矣寂滅非無之眾生恒不異真而成立下一對明無差不礙若寂滅故無差別無眾生故不礙差不異真成上寂滅而成立言成上非無之眾生隨緣非有之法身恒不

橫四 十八

異事而顯現者隨緣故佛不異生非有之法身則不礙異生恒不異事成上隨緣而顯現成上非有之法身是故染淨下總以融結況稱性互收者上但事理無礙已是難思餘經容有此則如是解者名為善住事事無礙唯華嚴意

一切智地如地能生終歸於地萬法依於佛智究竟還至一切智也如是下結釋可知此上一義乃

是傍來涅槃玄旨於是乎見也

無邊福聚極善清淨句 虛空法界靡不觀察句 十方世界一切國土所有佛興咸勤供養句

後三重顯中一淨前福障故令諸福無邊清淨二成上智慧由觀法界虛空三近勝緣故成前二

大方廣佛華嚴經疏鈔會本第五之一

音釋 川 驚亡遇 陛部禮切升 牖音酉穿

也 跏趺跏音加 跏音夫 古候切取

大方廣佛華嚴經疏鈔會本第五之一 橫五

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時海慧自在神通王菩薩摩訶薩承佛威

力普觀一切道場衆海即說頌言

橫五

十爾時下說偈讚佛中十菩薩各別說偈

即爲十段就初海慧頌中歎佛身座

諸佛所悟悉已知如空無礙皆明照光徧十

方無量土處於衆會普嚴潔

初五歎佛身具德一讚智慧

如來功德不可量十方法界悉充滿普坐一

切樹王下諸大自在共雲集

二讚功德

佛有如是神通力一念現於無盡相如來境

界無有邊各隨解脫能觀見

三讚神通

如來往昔經劫海在於諸有勤修行種種方

便化衆生令彼受行諸佛法

四讚因深

毘盧遮那具嚴好坐蓮華藏師子座一切衆

會皆清淨寂然而住同瞻仰

五讚果勝

摩尼寶藏放光明普發無邊香燄雲無量華

纓共垂布如是座上如來坐

種種嚴飾吉祥門恒放燈光寶燄雲廣大熾

然無不照牟尼處上增嚴好

種種摩尼綺麗臆妙寶蓮華所垂飾恒出妙

音聞者悅佛坐其上特明顯

寶輪承座半月形金剛爲臺色燄明持髻菩

薩常圍繞佛在其中最光耀

種種變化滿十方演說如來廣大願一切影  
像於中現如是座上佛安坐

後五歎所坐嚴麗此眾既從座現故多歎

座文並可知

爾時雷音普震菩薩摩訶薩承佛威力普觀

一切道場眾海即說頌言

世尊往集菩提行洪養十方無量佛善逝威

力所加持如來座中無不親

香燄摩尼如意王填飾妙華師子座種種莊

嚴皆影現一切眾會悉明矚

佛座普現莊嚴相念念色類各差別隨諸眾

生解不同各見佛坐於其上

寶枝垂布蓮華網華開踊現諸菩薩各出微

妙悅意聲稱讚如來坐於座

第二雷音菩薩十頌歎座及地文分三別

橫五

二

初四直歎座可知

佛功德量如虛空一切莊嚴從此生一一地

中嚴飾事一切眾生不能了

金剛為地無能壞廣博清淨極夷坦摩尼為

網垂布空菩提樹下皆周徧

其地無邊色相殊真金為末布其中普散名

華及眾寶悉以光瑩如來座

次三歎於場地即轉顯座嚴於中初 總

顯因深德廣故嚴事難思金剛下別顯末

後一句結瑩寶座

橫五

三

地神歡喜而踊躍刹那示現無有盡普與一

切莊嚴雲恒在佛前瞻仰住

寶燈廣大極熾然香燄流光無斷絕隨時示

現各差別地神以此為供養

十方一切刹土中彼地所有諸莊嚴今此道

場無不現以佛威神故能爾

後三偈歎地上之嚴於中前二地神與供

嚴後一佛力展轉嚴

爾時眾寶光明髻菩薩摩訶薩承佛威力普

觀一切道場眾海即說頌言

世尊往昔修行時見諸佛土皆圓滿如是所

見地無盡此道場中皆顯現

世尊廣大神通力舒光普雨摩尼寶如是寶

藏散道場其地周迴悉嚴麗

如來福德神通力摩尼妙寶普莊嚴其地及

以菩提樹遞發光音而演說

寶燈無量從空雨寶王間錯為嚴飾悉吐微

妙演法音如是地神之所現

寶地普現妙光雲寶炬燄明如電發寶網遐

張覆其上寶枝雜布為嚴好

第三眾寶光髻菩薩讚中獨讚場地殊異

德十頌分二前五德用圓備

汝等普觀於此地種種妙寶所莊嚴顯示眾

生諸業海令彼了知真法性

普徧十方一切佛所有圓滿菩提樹莫不皆

現道場中演說如來清淨法

隨諸眾生心所樂其地普出妙音聲如佛座

上所應演一一法門咸具說

其地恒出妙香光光中普演清淨音若有眾

生堪受法悉使得聞煩惱滅

一一莊嚴悉圓滿假使億劫無能說如來神

力靡不周是故其地皆嚴淨

後五法化流通言如佛座上所應演者九

會五周之文一化隨宜之說已具演於場

地之中九會五周之文等者指此一經一化隨宜則始從鹿苑終至雙林

一乘三乘場地頓演  
何況如來言說之耶

爾時大智日勇猛慧菩薩摩訶薩承佛威力  
普觀一切道場衆海即說頌言

世尊疑醉處法堂炳然照耀宮殿中隨諸衆  
生心所樂其身普現十方土

第四大智日頌歎佛所處宮殿十頌分二

初一總明次段讚處彰人故此偈標人顯  
處凝者嚴整之貌醉者視也謂肅然而視  
如來宮殿不思議摩尼寶藏爲嚴飾諸莊嚴  
具咸光耀佛坐其中特明顯

摩尼爲柱種種色真金鈴鐸如雲布寶階四  
面列成行門闔隨方咸洞啟

妙華繒綺莊嚴帳寶樹枝條共嚴飾摩尼瓔  
珞四面垂智海於中湛然坐

摩尼爲網妙香幢光燄燈明若雲布覆以種

橫五

五

種莊嚴具超世正知於此坐

後九別明於中二前四明宮殿體攝衆德  
即廣其前半後五明妙用自在即廣其後  
半今初初一宮殿雖耀佛坐增明即廣前  
炳然照耀宮殿中也次二頌略辯七嚴結  
以智海廣上疑醉處法堂也謂內持寶柱  
簷垂金鈴外列門階上羅華帳寶樹交映  
寶瓔周垂爲七嚴也闔小門也洞達也如  
雲布者重重無量次次相承也上云疑醉  
則目視不瞬特由內無識浪故云智海湛  
然次一頌羅以寶網列以香幢布以焰明  
覆以嚴具結云超世即廣上世尊處法堂  
也光如雲布者若彩雲向日上下齊明也  
十方普現變化雲其雲演說徧世間一切衆  
生悉調伏如是皆從佛宮現

後五中一羅身雲以調生正顯前文現十方土

摩尼爲樹發妙華十方所有無能匹三世國土莊嚴事莫不於中現其影

二寶樹現三世之嚴

處處皆有摩尼聚光燄熾然無量種門牖隨方相間開棟宇莊嚴極殊麗

三略舉多嚴

如來宮殿不思議清淨光明具衆相一切宮殿於中現一一皆有如來坐

四即上諸嚴卷攝多嚴重重佛坐

如來宮殿無有邊自然覺者處其中十方切諸衆會莫不向佛而來集

五結歎無盡主伴雲會

爾時不思議功德寶智印菩薩摩訶薩承佛

威力普觀一切道場衆海即說頌言

佛昔修治衆福海一切刹土微塵數神通願力所出生道場嚴淨無諸垢

第五不思議菩薩通讚場樹自在德十頌分二初一總顯謂宿因願力深廣難思神

通現緣生果嚴淨

如意珠王作樹根金剛摩尼以爲身寶網遐施覆其上妙香氛氲共旋繞

樹枝嚴飾備衆寶摩尼爲幹爭聳擢枝條密布如重雲佛於其下坐道場

橫五

六

道場廣大不思議其樹周迴盡彌覆密葉繁

華相庇映華中悉結摩尼果

一切枝間發妙光其光徧照道場中清淨熾然無有盡以佛願力如斯現

摩尼寶藏以爲華布影騰暉若綺雲而樹垂



芳無不徧於道場中普嚴飾

後九別顯分三初五歎樹具德嚴場於中

初二身幹森聳次二枝葉蔭映後一華果

芬輝

汝觀善逝道場中蓮華寶網俱清淨光燄成

輪從此現鈴音鐸響雲間發

橫五

七

二有一偈歎場地蓮網謂蓮華布地則下

轉光輪寶網羅空則雲間響發

十方一切國土中所有妙色莊嚴樹菩提樹

中無不現佛於其下離眾垢

道場廣大福所成樹枝雨寶恒無盡寶中出

現諸菩薩悉往十方供事佛

諸佛境界不思議普令其樹出樂音如昔所

集菩提道眾會聞音咸得見

三有三偈歎樹自在初一收入後二出生

爾時百目蓮華髻菩薩摩訶薩承佛威力普

觀一切道場眾海即說頌言

一切摩尼出妙音稱揚三世諸佛名彼佛無

量神通事此道場中皆現觀

眾華競發如纓布光雲流演徧十方菩提樹

神持向佛一心瞻仰爲供養

摩尼光燄悉成幢幢中熾然發妙香其香普

熏一切眾是故其處皆嚴潔

蓮華垂布金色光其光演佛妙聲雲普蔭十

方諸刹土永息眾生煩惱熱

菩提樹王自在力常放光明極清淨十方眾

會無有邊莫不影現道場中

寶枝光燄若明燈其光演音宣大願如佛往

昔於諸有本所修行皆具說

樹下諸神刹塵數悉共依於此道場各各如

來道樹前念念宣揚解脫門

世尊往昔修諸行供養一切諸如來本所修

行及名聞摩尼寶中皆悉現

道場一切出妙音其音廣大徧十方若有衆

生堪受法莫不調伏令清淨

橫五

第六百目菩薩頌中雙歎場樹備德自在

八

法化宣流前九偈各一門

如來往昔普修治一切無量莊嚴事十方一

切菩提樹一一莊嚴無量種

後一結嚴周遍並顯可知

第七金焰頌歎佛十力功德一頌一力下

諸經文屢明十力是佛不共之德佛佛等

有菩薩緣此發心梵行品云復應修習一

一力中有無量義悉應諮問故不可不知

下諸經文屢明十力下疏文分三初立章所由即十門中初門也恐當宗責其名相

故總出斯意文有五意一經文多故解斯

一節餘處例然二是不共德三佛佛等有

此二是瑜伽二門四菩薩緣此發心即十

住品不識十力如何發心五梵行今觀不

了十力非然大般若五十三顯揚第四對

真梵行

法第十四廣辯今略以七門分別一立意

二釋名三自性四作業五次第六差別七

釋文然了其名則知作業對文料揀差別

易見故將作業差別并釋別名並於釋文

中顯今初立意者智論意云顯佛大人有

真實力令外道心伏二乘希向菩薩做之

橫五

九

能成辦大事終獲其果故須辯之如來唯

一諸法實相智力此力有十種用故說為

十謂於十境皆委悉正知故由時品類相

續分別有無量力度人因緣故但說十足  
辯其事謂以初力知可度不可度次業力  
知有障無障以定力知味著不味著以根

力知智多少以欲力知所樂以性力知深  
 心所趣以至處力籌量衆生解脫門以宿  
 命力分別先所從來以生死力分別生處  
 好醜以漏盡力知衆生得涅槃佛以此十  
 度生審諦故但說十由時下三成多所以  
 即瑜伽中分別門然  
 瑜伽亦說七門與此小異一自性二分別  
 三不共四平等五作業六次第七差別前  
 有二門今有分別云何分別瑜伽云由三  
 分別當知無量一由時分分別謂墮三世  
 一切所知隨悟入故二由品類分別一切  
 有為自相共相一切行相隨悟入故三由  
 相續分別謂諸有情各各差別第二釋名  
 一切相續一切事義隨悟入故  
 初總後別今初總名力者能推怨敵義不  
 可屈伏義故說名力瑜伽云與一切種饒  
 益一切有情功能具相應故畢竟勝伏一  
 切魔怨大威力故說名爲力對法云善除  
 衆魔善記問論故十名力十者是數帶數  
 釋也別名至文當釋

三自性者瑜伽五十七云佛具知根慧根  
 爲體對法論云若定若慧及彼相應諸心  
 心所爲性菩薩地總以五根爲性統其文  
 義應具六種一最勝體故決擇分中慧根  
 爲性二引生體對法兼定三剋實體菩薩  
 地云五根爲性由慧勝故且說十力慧爲  
 自性所以但言處非處等智力不言信進  
 等力四相應體對法兼取相應心法四蘊  
 爲性五眷屬體五蘊爲體定共道共無漏  
 色等助爲體故此雖無文理必應爾遮犯  
橫  
 戒垢助推怨故六依此經融一切法以爲  
 其性無礙法界理應爾故  
 四作業者即是辯相至文當顯  
 五次第者諸文或有前却各有所由此文  
 所列次第與十住全同淨行品則界在解

前梵行品禪定解脫當其第三宿命居天眼之後餘同此次瑜伽四十九及智論二十七亦禪居第三餘同此次且依論明次第者智論云初力為總餘九為別於初力中分別有九故初一力通知萬法下九展轉開之謂初令知因緣果報故起業力次業煩惱故縛淨禪定解脫故解令去縛就解次根有利鈍鈍者為有造業利者為不生故集業由善惡二欲成上下根此二種欲由二種性以有種種性因緣故行二種道謂善道惡道次知其過去審彼未來次以方便壞其因緣果報相續故說漏盡瑜伽有多門次第廣如第五十說上來依論次第而今禪居第七者二論梵行為對自業有離欲不離欲故禪居第三此經十住

橫五

十一

為對遍趣行有清淨不清淨故居第七若習欲成性即界居欲後若由性起欲則界居欲前若執常者先說宿住若為執斷先辯其天眼餘無別理故經論皆定瑜伽有下指廣在餘言多門者論云如來初成正覺即頓證得十力後方次第現前謂初起處非處力觀察諸法建立一切無倒因果既觀察已次起自業智力謂有希求欲界勝果方便為說令離不善故若有希求世間離欲之道教授令趣禪定功德故起定力若諸有情希求出世離欲法者為說出世之道謂於此中先起根力觀根勝劣次觀彼根為先所有意樂次觀意樂為先所有隨眠既知根欲及隨眠已次令於所緣中而得趣入次由於所緣趣入門加行攝生心已淨終行已為說中道今離斷常謂宿命除常天眼除斷次今永斷一切煩惱及諸習氣起漏盡力更有異門次第恐繁不引

六差別者謂此十力展轉相望亦有差別亦無差別至文當明

七釋文然此經宗異義皆融攝故一一力中具攝十力乃至包盡法界是以宿命乃

云智包三世天眼則見盡法界非唯見盡  
佛眼如空即是法界非唯智包亦能毛孔  
頓現業力即觀法性豈唯但是有爲約門  
有殊故他宗不壞

爾時金燄圓滿光菩薩摩訶薩承佛威力普

觀一切道場衆海即說頌言

佛昔修習菩提行於諸境界解明了處與非  
處淨無疑此是如來初智力

第一偈即處非處智力謂善因樂果斯有  
是處善因苦果無有是處惡因苦果等例

上可知處者建立義依義起義能建立果  
與果爲依能起果法故立處名於此正知  
故名智力第一偈下一釋名即因果相當  
名之爲處若不相當名爲非處  
其作業者即如實知因之與果及能降伏  
無因惡因種種諍論旣遍知已可度者度

不可度者爲作因緣文中上半往因下半  
顯智力於諸境界正解明了即辯此力通  
知一切法也

如昔等觀諸法性一切業海皆明徹如是今  
於光網中普徧十方能具演

第二偈即過未現在業報智力瑜伽名自  
業智力今言一切業者謂於三世中善等  
三業及順現等皆名自業於自所作受用  
果業如實知故與初何別若正了知所造  
善等業感愛等果此由初力若了能造善

釋五

十二

惡等業感愛等果是自業力文中上半往  
因下半現果與初何別下次辯差別也初  
力約所造自業約能造此猶  
未了云何能所謂以人望業已殺等竟此  
殺等業必招於果名爲所造此人若行於  
殺必墮地獄此名能造即上自業  
各隨善惡而感果故即是作業  
往劫修治大方便隨衆生根而化誘普使衆

會心清淨故佛能成根智力

第三偈即根勝劣智力謂信等五根此轉

中上名為勝劣於此正知及能於彼如應

如宜為說正法即是作業偈中三句往因

一句今果及能於彼下二明作業其於此

作業下皆準之橫五

如諸衆生解不同欲樂諸行各差別隨其所  
應為說法佛以智力能如是

四即種種解智力亦名勝解謂若從他起

信以為其先或觀諸法以為其先成轉中

上愛樂名種種勝解亦名為欲欲謂信喜

好樂如或貪財利或好名聞好定好慧種

種不同如來正知令捨不淨增長於淨此

與前根何異根約宿成智有多少解約現

起好樂不同論云若照諸根為先彼彼法

中種種意樂是根智力若正分別意樂差

別是解智力在文可見此與前根下三辯

約宿現起別故智論云以二種欲作上下

根因緣故十地論中別歎根欲如有根無

欲能解不樂有欲無根雖聞不解二論云

普盡十方諸刹海所有一切衆生界佛智平

等如虛空悉能顯現毛孔中

五即種種界智力界即性也謂或一二三

四五乘性等或貪瞋癡等分行等乃至八

萬四千行名種種性性即種子解即現行

故智論云性名積集相又九十云性內欲

外用性作業必受果報欲或不爾瑜伽云

若照勝解所起相似種子此由解力若照

即彼種子差別由界智力瑜伽云下應有

亦知彼解當成此種與此界性有何別耶

故疏答云照解起種即是解力但照種子

即是界力然智度論即明種種現內外若習之殊瑜伽即解兼種現性唯種子

欲成性復云何別欲唯大地一數性通諸

數即寬陋不同也智論云習欲成性性名

深心事欲名隨緣起若習欲成性下二解妨此對智論若依性

起欲義如前說若習欲成性則欲前性後復云何別故以寬狹通之則欲狹性寬欲

唯大地一數者即俱舍頌通大地十法云受想思觸欲慧念與作意勝解三摩地遍於一切心今即十中第五欲也性通諸數者既有貪等八萬四千心所別廣數即心所次引智

論帖成 若性即種子與根何異根唯信

等優劣性通善惡不同以信等望果寬長

能生人天三乘聖道為道之根三善根但

是翻對不望果義尚不名根況性通於惡

豈得同耶若性即種子下對根辯異於中

有二先約寬狹正通以信等下通於伏難難云性既寬通何不名根答云

持由寬故不得名根以信等望果三乘聖道有勝用增上可得名根性無此能安得

名根三善根下舉况以成三善根是善尚不得名根性兼貪嗔等何得名根三善根

者但翻三不善根立三善根不同信等體

橫五

十四

相昭著故不立為根且依一義若二十二根則所望不同耳根約勝用增上性約不改

偈云悉能顯現毛孔中者謂非唯佛智

如空包納眾生之性毛孔內空亦現眾生

之界耳謂非唯佛智者此有二種起勝之相尋常界力但以佛智能知能所

不同今云佛智平等如虛空則眾生之界皆是如來智中之物此為一勝二者智能

包納猶是智類今毛孔頓現則細色能收良以色性智性融無礙故以性融相為華嚴宗之

界力也

一切處行佛盡知一念三世畢無餘十方刹

劫眾生時悉能開示令現了

六即一切至處道智力論名遍趣行智力

遍即一切趣即至也行即道也謂諸眾生

種種所行若出離行不出離行各能至果

如行有漏行生五道中行無漏行至涅槃

果名遍趣行若出離行不出離行標也如

行有漏下別顯瑜伽又云如貪行者修不淨觀等名遍趣行又起一切

五趣之門或諸外道沙門婆羅門各各異

橫五

五

見品類諸行或此世他世無罪趣若知如  
行名遍趣行名下之事即為作業若知如  
是種類行跡趣入此由界智若知即彼行

跡一切品類如是行跡能令雜染如是行

跡能令清淨此由遍趣智力若知如是下  
次辨差別先

對界辨異意云從性趣行即  
屬性攝但觀其行即屬趣行初力處對非

處此中但明至處又初力指因為得果之

處此約果是酬因之處故不同也初力下  
對初力

辨異有二義可知然  
對他辨自亦作業經中初句總標次一

念即能知迅速下十二字所知時處後一

句委悉開示

禪定解脫力無邊三昧方便亦復然佛為示

現令歡喜普使滌除煩惱暗

七即禪定解脫三昧智力淨行品中加於

染淨通漏無漏故佛皆善知及知依此所

得諸果故名智力七禪定下初釋名瑜伽  
名為淨慮解脫等持等

至智力佛皆善知下此與自業智力何別  
結成智力即為作業

若了諸有能修諸定即彼能入而非所餘

名自業力若了依如是靜慮等定現三神

變無倒教授所化有情此由靜慮智力此  
與

十二辯差別此有問云自業有三一罪二  
福三不動不動業即是禪定與此何別亦

應答言業通定散今唯約定居然不同今  
疏所通是瑜伽意若唯知定體即是自業

知定體用偈中上半所知下半善用言佛

為示現者示其諸定現三神變今有情喜

使滌煩惱即令去染而得清淨

佛智無礙包三世剎那悉現毛孔中佛法國

土及眾生所現皆由隨念力

八即宿住隨念智力謂過去境本生本事

住宿世故名為宿住於此宿住而起隨念

念俱行智名宿住智力瑜伽云若知前際

隨念一切趣因是遍趣力若知前際名姓



苦樂等事名宿住力八宿住力中初釋名  
辯差別謂有問言宿住智中知彼修因則  
與遍趣何異答中有三初依瑜伽正答謂  
唯知因是遍趣行兼能知果即宿住攝名  
姓苦樂者瑜伽知過去所有自體有八言  
說句一如是名二生類三種姓四飲食五  
受苦樂六長時七久住八壽量邊際今但  
列三等 此與智論云何會釋謂彼論云但  
取餘五 知宿命所經不知諸業因緣相續但名為  
十六 通凡夫亦得若兼知業因緣相續則名為  
 明二乘能得若知上二無量無邊則名為  
 力斯則力亦知因矣故應通云若但知因  
 是遍趣力若雙知者即宿住力瑜伽為對  
 遍趣之因故但云果耳瑜伽為對下出瑜  
若以等字取 文中初句標能念智包三世  
之於理可也 者三世全在佛智之中況於隨念不知三  
 世從門別故但云宿住刹那悉現即包現  
 之時極促現毛孔中即能現之處至微第  
十七

三句即所現所念之事廣第四句結歸智  
 力非唯能念亦能現也  
 佛眼廣大如虛空普見法界盡無餘無礙地  
 中無等用彼眼無量佛能演  
 九天眼智力獨此從所依以立名也若從  
 境者瑜伽名生死智力謂死此生彼墮善  
 惡趣大小好醜皆能正知前際生死名  
 為宿住要知後際得此力名今文乃云佛  
 眼者若約五眼餘眼在佛皆佛眼故此非  
 經宗今依十眼佛眼能見如來十力故故  
 此一力即攝十力舉一為例餘九皆然五  
十眼如離 文中初句體大次句用廣次句  
世間品 用勝以無等故後句結其甚深故唯佛能  
 演既言普見法界非局未來約宗別故於  
 未來門普見法界也

一切衆生具諸結所有隨眠與習氣如來出現徧世間悉以方便令除滅

十漏盡智力於自解脫無惑無疑亦知衆生漏盡淫繫於此正知名爲智力文中初二句所斷諸結即現行隨眠即種子習氣

即餘習二乘不能盡習亦不能盡他漏故不名力後半顯佛能滅

文中下一釋文以漏盡無滯故不辭

差別餘習有四謂貪嗔癡慢食習如迦留陀夷嗔習如身子癡習如周利槃特慢習如畢陵伽婆蹉曾無教說見疑習疑見有習不見理故通說或有耳然上十

力智即是體力即是用然智即力更無別

性然上十力下三重以諸門料揀先總名但云智力即持業釋若云十力即帶數

釋此中宿住隨念相應智力是鄰近釋自

餘從境皆依主釋設天眼從所依亦依主

釋若宿住是境隨念相應智力亦依主釋

此中宿住下會別名宿住名鄰近者智近於念故言宿住亦依主者宿住境之隨念

續五

故然此十力望於自事各於自事中大如水能淨如火能燒各有自力若約總攝初力爲大若約辦得涅槃漏盡爲大若以無礙解脫而爲根本則平等平等然此十力可知十力畧義亦已釋周更欲廣引恐駢玄理

大方廣佛華嚴經疏鈔會本第五之二

音釋

毘盧遮那此云徧處綺麗綺音起纏綺也麗即計切美麗也

填飾填音田填塞也飾音式粧飾也凝睟凝睟嚴整潤澤貌睟音雖遂切凝睟

炳然炳補永繒慈陵切棟多貢切屋脊木也氛氳

氛敷文切氳於云切氛氳香氣也

大方廣佛華嚴經疏鈔會本第五之三 橫六

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時法界普音菩薩摩訶薩承佛威力普觀

一切道場衆會海已即說頌言

佛威神力徧十方廣大示現無分別大菩提

行波羅蜜昔所滿足皆令見

第八法界頌中歎佛往修十度行滿今得

果圓十一頌分二初一總餘十別今初也

佛威神力略有三類一者俱生力謂風不

動衣等二者聖威力謂通明等種種功德

三者法威力謂波羅蜜圓滿法力佛威神力者即

當喻伽三十七中彼有二類初列三種云一聖威力二法威力三俱生威力次又云復有五種一神通威力二法威力三俱生威力四共二乘威力五不共二乘威力彼廣釋相今疏引三不依彼次及至釋文二處參用風不動衣等即五中俱生俱生有

橫六

一

多謂佛菩薩常右脇卧如師子王雖現安處草葉等薦一脇而卧曾無動亂一切如來應正等覺雖現睡眠而無轉側大風卒起不動身衣行如牛王步如師子等今但云風不動衣等等取餘事五中望三神通即聖共與不共但顯超勝疏中皆舍二處法威力疏中謂波羅蜜令五根中無諸非圓滿法力即是語因

淨四支百節有無量力故名堅固不可壞

法身常身無邊之身言遍十方者即無邊

身廣大示現謂變化身無分別者平等智

身大菩提行者波羅蜜身昔所滿足者衆

行先成皆令見者大果今出今五根下辨其果相彼法

威力中諸度各有四相一斷所對治二資糧成就三饒益自他第四辯果果各不同

施得大財寶朋黨眷屬成生人天忍臨終之時心無憂悔生於天界進得受樂殊勝

士夫功業定得神通生靜慮天慧果能離煩惱所知二種重障上喻伽中多是近果

又是別明今是究竟之果又是總明無諸非淨即離繫果百節有力是施等果堅固

不壞是戒度果故普眼長者以十度因成十身果過十方下疏以經文會上果義

二有十頌別顯一頌一度皆上半往修因

下半今得果十頌別顯下疏 十度之義十

行十地一經始末亦多辯之須粗識其相

略啓十門一釋名二出體三辯相四建立

五次第六相攝七修證八約教九觀心十

釋文今初又二先通名後別稱今初通稱

波羅蜜多者唯識云要七最勝之所攝受

方可建立波羅蜜多一安住最勝謂要安

住菩薩種性二依止最勝謂要依止大菩

提心三意樂最勝謂要慈愍一切有情四

事業最勝謂要具行一切事業五巧便最

勝謂要無相智之所攝受六迴向最勝謂

要迴向無上菩提七清淨最勝謂要不爲

二障間雜即三時無悔若七隨闕非到彼

岸故此十度應各四句分別其別稱及出

體三辨相至文當釋此中立章多依唯識

者若依五性則揀餘四性唯取菩薩種性  
今法性宗約習以成性非約本有本有平  
等故故攝論中但有六種最勝無切安住  
或云菩提心攝則知唯約習成然無性引  
頌亦似證有安住種性頌云麟角喻無有  
六波羅蜜多唯我最勝尊上品到彼岸此  
最勝尊義似初一然依此釋亦是習成非  
約本有謂要無相智者即三輪空也故離  
世間品云三輪清淨施者受者及以施  
物正念觀察如虛空故六迴向最勝問既  
言迴向善提何異依止釋曰彼有道心未  
必一切迴向善提此乃迴向又依止者即  
行前心今迴向者乃行後願六清淨最勝  
者約分說耳通說清淨為離二障行於六  
度即三時無悔者此乃大乘法師釋論意  
也悔即煩惱由不了故即是所知又即此  
悔心障於真智亦所知也四句分別者有  
三四句一者一自望種類而為四句施  
中四者一施非度不與七勝相應施故  
二是度非施隨喜他施具七勝故三亦施  
亦度具七勝故四非施非度隨喜他施不  
與七勝相應故二種施但有二句未成餘  
者以明四句唯施一種但有二句未成餘  
度等五得有四句前有施度得為是度非  
戒等故謂一戒非度謂不與七勝共相  
應故二是度非戒即前施度具七勝故三  
亦戒亦度具七最勝而持戒故四非戒非  
度謂前布施不具七故忍度望戒進度望  
忍次第如戒三非次第修者諸度各得具

施四句如施得望戒忍等度得有是度非  
 施等句故可以思準此上釋度即彼論疏  
 明相門也謂顯波羅蜜多相故故四建立  
 此論初云此十相者要七故勝等  
 者為十地中對治十障證十真如故但有  
 十為對六蔽漸修佛法漸熟有情故但說  
 六六中前三增上生道感大財體及眷屬  
 故後三決定勝道能伏煩惱成熟有情及  
 佛法故又前三饒益有情施財不惱忍彼  
 惱故後三對治煩惱勤修加行永伏永滅  
 故又由前三故不住涅槃由後三故不住  
 生死能為無住涅槃資糧後唯四者助六  
 令滿方便助前三願助精進力助靜慮智  
 助般若如深密說四建立等者即彼第四  
無增減門疏文有三  
明十無增減即建立十度之所對治十  
障者即異生性等十無明也至十地具明  
今略列名一異生性障二邪行障三暗障  
障四微細煩惱現行障五於下乘般涅槃  
障六麤相現行障七細相現行障八無相  
障中作加行障九利他中不欲行障十於諸

法中未得自在障若準對法十二云所知  
 障等皆度所治故云對治障故為對六蔽  
 下二立六度所以六一對治六蔽門即上  
 一句言六蔽者一慳悋蔽二犯戒蔽三嗔  
 患蔽四解惡慧為五成十度障大乘法師不  
 師言離惡慧為五成十度障大乘法師不  
 許此義上來十度及六度皆是第四無增  
 減門漸修佛法者即第二漸修佛法門故  
 唯識云漸次修行諸佛法故諸佛法者謂  
 十力等攝論云前之四度不散動因第五  
 一種不散動成熟第六依是如實覺知漸  
 熟有情者即第二漸熟有情門故唯識云  
 漸次成熟諸有情故攝論云由施能攝受  
 由戒能不害由忍難遭苦能受由勤助彼  
 所作由定心未定者令定由慧已定者令  
 得解脫六中前三下第四二道之因門施  
 感大財謂多饒財寶戒威威大體謂尊貴身  
 趣中增上名增上生道亦即因能伏煩惱  
 者謂修善方便定熟有情者依此發通故  
 慧成佛法佛法由慧故有此三種名決定  
 勝諸菩薩道唯有此三若闕一種道不成  
 故又前三種者第五利生斷惑門故喻伽  
 七十八解深密等說由一因緣是故六度  
 不增不減即其義也施財攝彼戒不惱害  
 忍受彼惱此三皆通有饒益故後三言勤  
 修加行者喻伽云由精進故雖未永斷煩  
 惱永害隨眠而能勇猛修諸善品彼諸煩  
 惱不能傾動修善法加行由靜慮故云伏煩  
 滅而能勤修善法加行由靜慮故云伏煩

惱由般若故永新隨眼是故疏云永伏永  
 滅對法十一亦有此解又有前三者第六  
 為無住涅槃因故以前三是大悲鏡蓋有  
 清故後三是大智斷滅諸惑故故為無住  
 涅槃因也翻彼凡小之雙住也又復三學  
 攝於六度故不增減喻伽四十九說前四  
 是戒後二是二學故由上七義故立六度  
 此第七義疏略不明後唯四下第三重顯  
 十義謂有問言六度既爾後四云何此答  
 意云四屬六攝義隨六異於中分二先總  
 明方便助前三下別顯大論第七十八云  
 由前三種所攝有情以諸攝事方便善巧  
 而攝受故意云巧用施等以攝物也願助  
 精進者大論云由正願故能破羸劣意樂  
 煩惱微薄起精進修力助靜慮者解深密  
 云若諸菩薩親近善士聽聞正法如理作  
 意為因緣故轉劣意樂成勝意樂亦得上  
 界勝解名力波羅蜜多由此力故於內心  
 住有所堪能故說力度助於定也智助般  
 若者彼經云若諸菩薩已能開法為緣善  
 修習故能發靜慮如是名智由此智故性  
 能引發出世間慧故說智為慧助是以後  
 四助於前六不能助於後四  
 圓滿前六不能助於後四  
 由前前引發後後及由後後持淨前前又  
 前前麤後後細易難修習次第如是  
 此曲有四謂由前前下即初引發門謂由  
 行施引發持戒由持戒故引發忍等二攝  
 五  
 六

持門布施本欲益他持戒不惱於彼彌今  
 施淨等故云及由後後持淨前前三麤細  
 門布施則麤持戒則細戒望於忍戒則為  
 並為前前從戒至智並名後後一一相望  
 故致重言初一唯前後一唯後中間八度  
 通為前後四難易門亦結通上三六相攝  
 也上之四門並如喻伽對法所辨  
 者此十一一皆攝一切波羅蜜多互相順  
 故般若論云檀義攝於六資生無畏法等  
 智論云有未莊嚴波羅蜜即不攝者有已  
 莊嚴波羅蜜即相攝者今此經文必具攝  
 十若但說六六攝後四若開為十第六唯  
 攝無分別智後四皆是後得智攝  
 者等取下半云此中一二三名為修行住  
 謂施有三種一財二無畏三法施財即資  
 生正是檀度故云此中一也無畏攝二謂  
 尸不惱彼忍受彼惱皆無畏相故云二也  
 法施攝三謂進定及慧決定勝道漸熟佛  
 法是法施相故云三也即十八住中修行  
 住也今此經文下會釋今意是圓教故非  
 唯要約相順相類以理融故法攝一攝一  
 切行也若但說六下二明六十相攝若六  
 度攝十第六攝後四若十度攝六第六但

攝第六少分有所未盡不攝後得加行智  
 故故兼後四方攝第六是故疏云若開為  
 十第六唯攝 七修證者五位通修佛方究  
 無分別智 竟十約因位總有三名謂初無數劫施等  
 勢力尚微被煩惱伏但名波羅蜜多第二  
 劫去勢力漸增能伏煩惱名近波羅蜜多  
 第三僧祇勢力轉增能畢竟伏一切煩惱  
 名大波羅蜜多故上下文中屢言廣大波  
 羅蜜也 七修證者謂此一門亦名為位今  
 云修者以五位通修故名為修佛  
 方究竟故名為證故二十一種功德之中  
 有波羅蜜多成滿功德然唯識云五位皆  
 具修習位中其相最顯通漏無漏廣修行  
 故故十地中各一圓滿十約因位下即分  
 位分別顯於三劫得名不同初但名波羅  
 蜜多者以一行中修一行故二名近者一  
 行之中修一切行近善提故三廣大者一  
 切行中修一切行體包博故然未入劫同  
 於第一已成佛 八約教者諸教可思此教  
 竟同於第三 要須一一融攝徹果該因 八約教者謂小  
 乘不成波羅蜜  
 乘不成波羅蜜  
 乘不成波羅蜜  
 多無七最勝故始教要是菩薩種性人方  
 有故又各有體性或說俱空終教一一皆

從真如性功德起頓教一一皆不可說謂  
 不施不慳不戒不犯不忍不恚不違不怠  
 不定不亂不智不愚等一切皆絕 九觀心  
 若十若六皆悉亡言圓教如文 九觀心  
 者可以意得 九觀心者謂一念相應心捨  
 則具十度捨而不取為施不  
 為過非所汗即戒忍可非有為忍離身心  
 相為進寂然不動為定決了無生為慧雖  
 空不礙智相為方便希齊佛果是願思擇  
 不動為力決斷分明為智一念方等十度  
 頓圓縱七最勝亦在一念可以思準欲  
 令行者即之於心是故結云可以意得  
 昔於衆生起大悲修行布施波羅蜜以是其  
 身最殊妙能令見者生歡喜  
 十釋文中第一偈明施度輟已惠人名之  
 為施即以無貪及所起三業而為其性此  
 有三種謂財法無畏 十釋文中一一偈疏  
 多皆有四一釋名二  
 出體三辨相四釋文唯識併在一處出體  
 謂施以無貪及所起三業為性戒以受學  
 菩薩戒時三業為性忍以無嗔精進審慧  
 及彼所起三業為性精進以勤及所起三  
 業為性靜慮但以等持為性後五皆以擇  
 法為性謂是根本後得智故辨相亦併居  
 一處今隨文配屬以相映易了耳即以下  
 出體無貪即善十一中一法要由無貪相

應思於自身財方能慧  
捨然三施體大意多同  
上半因中大悲行

施已該此三此悲亦是七最勝中前三最

勝下半果中財能資身無畏益心法資法

身故得果身身最殊妙三皆悅物故見者

必喜亦由具七最勝故身殊妙也

昔在無邊大劫海修治淨戒波羅蜜故獲淨

身徧十方普滅世間諸重苦

二戒度防非止惡名之為戒即受學菩薩

戒時三業為性戒有三種律儀攝善得淨

身果攝衆生戒能除物苦遍十方者無作

戒身等衆生故

二戒中初名防其未起非  
止已起惡故即受學下  
出體大論律儀以七衆別解脫戒在家出  
家戒為體即唯二業謂表無表不說話故  
若攝善法戒者謂諸菩薩受律儀後一切  
所作為大菩提由身語意積集諸善以為  
其體今疏通三聚及與受隨故云三業攝  
衆生戒居然通三戒有三種下三釋文即  
富辨相律者法律儀者儀式於不善法而  
能遠離及防護故故攝論名為依持戒依

是能有集諸佛  
法無罪益生故

往昔修行忍清淨信解真實無分別是故色

相皆圓滿普放光明照十方

三忍者堪受諸法未能忘懷名之為忍此

約生忍又忍即忍可忍即是慧雙忍事理

即以無瞋精進審慧及彼所起三業為性

忍亦有二謂耐怨害忍安受苦忍諦察法

忍即以下出體無瞋精進即善十一中二  
審慧即別境五中慧所以有此三者大

論云自無憤勃不報他怨亦不隨眠流注  
相續是名菩薩耐怨害忍即以無瞋及三

業為性若安受苦忍即精進三業為性若  
諦察法忍即審慧三業為性故此三業通

於三忍餘三各配 偈云信解真實即諦察

其一故有三耳 法也色相圓滿前二忍果放淨光明第三

忍果偈云下釋文然無性云初忍是諸有  
情成軟轉因二是成佛因寒熱等法

皆堪忍故三前二之所依處堪任甚深  
廣大法故今言色相圓滿是前二忍果者

由忍他辱生端正故得依色相言皆圓滿  
者究竟成佛具諸相故此四字是二忍



故神通智光  
故是第三

往昔勤修多劫海能轉衆生深重障故能分  
身徧十方悉現菩提樹王下

四精進者練心於法名之爲精精心務違  
目之爲進以勤及所起三業爲性亦有三

種一被甲二攝善三利樂三亦有下三辯  
相被甲即大誓

願攝善即方便進趣利樂即勤化衆生初句通前二以被甲

精進瑜伽釋云設千大劫爲一日夜處於

地獄唯爲脫一衆生故次句即第三下半

通三果也因既離身心相故果能身遍十

方初句下釋文通前二者勤修二字故是  
攝善多劫海言即是被甲被甲相隱故

釋

佛久修行無量劫禪定大海普清淨故令見

者心歡喜煩惱障垢悉除滅

五禪那梵云禪那此云靜慮即以等持爲

橫六

性亦有三種謂安住引發辦事五禪中初  
釋名靜慮

散心慮無慧止觀均故即以下二出體即

三摩地雖是別境心所之一今約定說不

通散心故不說三業對法論云起三業自

在用時所有一切種常安住即通三業以

約用故亦有三種下三辯相言安住者安

住現法樂住故無性云離見慢等得清淨

故言引發者引神通故言既引起神通辦  
辦事者辦利有情事故

利生事故見者深喜現法樂住諸惑不行

又資慧斷惑故見者感滅既引發者下釋  
文取上辯相以

如來往修諸行海具足般若波羅蜜是故舒

光普照明克珍一切愚癡暗橫六

六般若者般若梵言此翻爲慧推求諦理

名之慧也此及後四皆擇法爲體亦有三

種一生空無分別二法空無分別三俱空

無分別攝論以加行正體後得爲三約六

度說瓔珞以照有照無及照中道而爲三

者唯約法空三觀之義至下當明此及下  
 以後五體同故故唯識云後五皆以擇法  
 為體說是根本後得智故意云以根本智  
 為第六體後之四體皆後得故此依勝說  
 若對法及瑜伽四十三同以出世間加行  
 正智後得為體唯識下文亦云十度皆通  
 漏無漏故依此實義亦有三種下三辯相  
 總有三說唯識依十度唯取根本攝論三  
 智約六度說總絡三觀亦約十度的兼正

說故有照空照有照中是以疏云慧導萬  
 三觀之義至下當明謂十行當會

行故云修諸行海言具足者具上三也因

如有目故果獲身智二光能滅諸闇慧導萬行

下釋文謂萬行不得般若照體空寂不成  
 彼岸故因如有目者智論云五度如盲人  
 般若如有眼故見夷途開道萬行  
 御心中道至一切智城即其義也

種種方便化衆生今所修治悉成就一切十  
 方皆徧徃無邊際劫不休息

七方便者即善巧也方謂方法便謂便宜

下四但各二種今初謂迴向方便拔濟方

便下四次辯相先總顯下四此依唯識  
 若約本業亦各有三至十行品說今初

下別明此度謂由大智故迴前六度向大  
 菩提由大悲故迴前六度拔濟有情故無  
 死而求菩提文云種種化生即拔濟善巧  
 所修成就兼於迴向菩提所化無邊果得  
 十方而橫遍為物取果豎窮來際而不休  
 佛昔修行大劫海淨治諸願波羅蜜是故出

現徧世間盡未來際救衆生

八願者即希求要誓有義以欲勝解及信

為性亦有二種謂求菩提願利樂他願有義

下次出體前雖總出此一有異故復別用  
 此三為性三法正是願之性故謂願者希  
 求希求即欲要於前境正信印持方希  
 求故其後得智但是所依依此起願耳由

初願故出現世間由後願故救生不息

佛無量劫廣修治一切法力波羅蜜由是能

成自然力普現十方諸國土

九力者不可屈伏故隨思隨修任運成就

亦有二種謂思擇修習今言法力即思擇

諸法而修習故攝論由此二力令前六度

無間現前經云成自然力即無師而成不

習而無不利何能壞哉今言下三釋文初

故攝論下  
本論之語

佛昔修治普門智一切智性如虛空是故得

成無礙力舒光普照十方刹

十智度決斷名智謂如實覺了亦有二種

謂受用法樂智成熟有情智無性論云由

施等六成此智復由此智成立六種名受

法樂由此妙智能正了知此施戒等鏡益

有情亦有下次辯相此相難見故引論釋

妙智但引釋論本論但云謂由前六成

若波羅蜜無分別智故成立後得智復由

此智成立前六波羅蜜多由此自為與同

法者受用法樂成熟有情大意亦同也喻

如四十九云於一切法如實安立清淨妙

智名智波羅蜜多當知能取勝義名慧能

取安立名智入三十九云謂無量智當知

方便波羅蜜多希求後後殊勝性名願一

第一三三冊 大方廣佛華嚴經疏鈔會本 一五·一五五七

切魔怨不能壞名力如實覺了所知境名

智大意皆同然上辯體約剋實性體若兼

助伴一一皆以一經云普門智總含二智

切諸行功德為性

別配即初句成熟有情次句即受用法樂

此二無二故成無礙力舒光普照經云下

可知若廣分別如唯識

疏第十及論伽四十二

爾時雲音淨月菩薩摩訶薩承佛威力普觀

一切道場眾海即說頌言

神通境界等虛空十方眾生靡不見如昔修

行所成地摩尼果中咸具說

第九雲音頌述菩提樹摩尼果中歎佛往

修十地行果十一頌分二初一總舉謂佛

果大用由昔地行及結說處餘十次第各

述一地地義當品廣明今皆略述而已

清淨勤修無量劫入於初地極歡喜出生法

界廣大智普見十方無量佛

二六一 疏

初地略述四義一加持多劫諸論皆說地  
 前為一僧祇已為無量更有異說恐猷繁  
 文二標入地名三出生廣智謂生如來家  
 見法實性得妙觀察平等性智故四普見  
 佛海同下願智果中

恐猷繁文者謂仁王  
 下卷奉持品說伏忍

下中上下忍初賢一僧祇中忍次賢兩僧  
 祇上忍亞聖三僧祇初地四僧祇乃至七  
 地有十八地九地地地地地地地地地地  
 地前已經三阿僧祇經中多說三阿僧祇  
 成佛者以下中忍位菩薩相隱上賢之位  
 菩薩相顯所以特言經三僧祇地前菩薩  
 二乘聖者見初入地皆謂究竟故說三祇  
 成等正覺亦佛隨宜故寶雲經云實經無  
 量阿僧祇劫華藏已初當更會釋得妙觀  
 察者由破分別我執第七不與四惑相應

成平等性已證真如於多百門已得自在  
 成妙觀察未捨異熟識體不得大圓鏡智  
 異熟既存眼等五根是異熟生故亦  
 未得成所作智此二直至佛果方得  
 一切法中離垢地等衆生數持淨戒已於多  
 劫廣修行供養無邊諸佛海  
 二地四義一舉法標名二別地行相三修

行時分四供佛多少

積集福德發光地奢摩他藏堅固忍法雲廣  
 大悉已聞摩尼果中如是說

三地四義一舉法標名世間中極云積福  
 德二修諸禪定三忍度偏多四聞持廣博

世間中極者前三  
 地寄同世間故

跋海慧明無等地善了境界起慈悲一切國  
 土平等身如佛所治皆演暢

四地四義一歎慧標名世無等故二了道

品境異凡夫故三起慈悲異小乘故四淨

身土離身見故離身見者寄出世初同須  
 陀洹故又初地斷分別身

見四地斷俱  
 生身見故

普藏等門難勝地動寂相順無違反佛法境  
 界悉平等如佛所淨皆能說

五地四義一標入地謂積集福智故云普

藏十平等心故曰等門二標地名三真俗

極違會令相順四諦法俗境無不等觀平十

等心者三十六經入五地有十心一過去

佛法平等清淨心二未來三現在四戒五

心六除見疑憐七道非道智八修行智見

九於一切善提分法上上觀察十教化一

切衆生皆有平等清淨心四諦法俗境者

良以十重觀四諦故四地出世五地却入

俗境云觀

廣大修行慧海地一切法門咸徧了普現國

土如虛空樹中演暢此法音

六地有四一歎行二標名三正顯行相即

了緣起法四明地用得十空三昧故得十

昧者即六地末云佛子菩薩住此現前地

得入空三昧自性空三昧第一義空三昧

第一空三昧大空合空起空如實不分別

空不捨離空離不離空句皆有三昧之

言結云得如是十空三昧門為

首百千空三昧門皆悉現前

周徧法界虛空身普照衆生智慧燈一切方便皆清淨昔所遠行今具演

七地有四一先標果用二照達羣機三雙

行巧攝四寄行標名

一切願行所莊嚴無量刹海皆清淨所有分

別無能動此無等地咸宣說

八地四義一別地行相二明淨土果三略

釋地名四歎地結說

無量境界神通力善入教法光明力此是清

淨善慧地劫海所行皆備闡

九地四義一標地作用二善達教法三標

示地名四廣行多劫

法雲廣大第十地含藏一切徧虛空諸佛境

界聲中演此聲是佛威神力

十地有四一標起地名二含藏法兩三能

蔽如空塵重四深廣難測故云佛境諸偈

多有結說文並可知

爾時善勇猛光幢菩薩摩訶薩承佛威神觀  
察十方即說頌言

第十善勇猛說頌儀中前文多觀衆會此  
觀十方者觀衆表無偏心觀方表說周遍  
二文影略十頌歎佛體用應機自在德文  
分爲三初一總顯次八別明後一結歎歸  
佛一一頌中各有四義

無量衆生處會中種種信解心清淨悉能悟  
入如來智了達一切莊嚴境

今初總歎佛令物悟入福智有四義者一  
多衆二心異三悟智四了福莊嚴即福也  
亦通二嚴皆佛令爾故顯衆德即爲歎佛  
各起淨願修諸行悉曾供養無量佛能見如  
來真實體及以一切諸神變

別中一見佛體用亦四義一起願二具行

第六

十四

三見體四見用

或有能見佛法身無等無礙普周徧所有無  
邊諸法性悉入其身無不盡

二見法身一勝故無等二淨故無礙三大  
故周徧四深廣故包含

或有見佛妙色身無邊色相光熾然隨諸衆  
生解不同種種變現十方中

三見佛色身一色妙謂如金等二相具十  
華藏相等三光或謂常放等四隨機變謂  
三尺無邊等

第六

十五

或見無礙智慧身三世平等如虛空普隨衆  
生心樂轉種種差別皆令見

四見佛智身一無礙真俗無礙故二等空  
稱法性故三知根四巧現

或有能了佛音聲音徧十方諸國土隨諸衆

生所應解爲出言音無障礙

五了佛音聲一音普遍二說應器三言同

類四應無礙

或見如來種種光種種照耀徧世間或有於

佛光明中復見諸佛現神通

六見佛光明一多種二遍照三見佛四現

變

或有見佛海雲光從毛孔出色熾然示現往

昔修行道令生深信入佛智

七見佛毛光一顯光名二明出處三示往

因四令信悟

或見佛相福莊嚴及見此福所從生往昔修

行諸度海皆佛相中明了見

八見佛福相一見福相二了福因三示因

體四明見處

如來功德不可量充滿法界無邊際及以神通諸境界以佛力故能宣說

後一結歎德廣一數多二深廣三用普四

結說謂推功歸佛謙已無能 上來總明

第八大段座內衆流竟

爾時華藏莊嚴世界海

自下第九明天地微祥謂動地與供即是

顯證上來佛成正覺衆海雲集各申慶讚

顯佛高深而下稱機情上協佛願故世主

爲之興供天地爲之呈祥就文分二先動

地後興供前中三一動處二動因三動相

今初自隱之寬且云華藏約下結通實周

法界自狹之寬者娑婆諸天重重並華藏

之內故云其地何所不該諸天重重下通

娑婆界當第十三重曾何是地設若是地

是娑婆地即非華藏故今通云乃有二意  
 一以本該末謂舉華藏總該刹網故二十  
 重皆華藏內況第 又染淨融故雖標摩竭  
 十三下豈非地耶 而地震華藏二又約染淨融故下染淨交  
 淨既融是故一 動一切動也

以佛神力

橫六

十六

二動因中就主顯勝但明佛力感應道交

亦由物機然況明動因總有其十今當轉

法輪亦兼成道餘如別章

餘如別章者即教義分齊中明

謂智論引長阿含第二云有八因緣一大  
 水動時動二尊神試力時動三如來入胎  
 時動四出胎五成道六轉法輪七息教八  
 涅槃時九依增一二十八更加大神足七

丘心得自在乃至觀地無相故令地動十  
 智論云授菩薩記當於此界作佛之時地  
 神喜故所  
 以動也

其地一切六種十八相震動所謂動徧動普

徧動起徧起普徧起踊徧踊普徧踊震徧震

普徧震吼徧吼普徧吼擊徧擊普徧擊

橫六

十七

三動相者其地下是震即是聲動即是形  
 聲兼吼擊形兼起踊故有六種此六各三  
 成十八相搖颺不安為動自下漸高為起  
 忽然騰舉為踊隱隱出聲為震雄聲郁遏  
 為吼砰磕發響為擊十八相者唯一方動  
 直爾名動四方若次第若一時動者名為  
 遍動若八方次第或一時動名普遍動又  
 四方八方十方如次名三相動又一方獨  
 動十方次第動十方同時動又為三相餘  
 五例之然動何所為依勝思惟梵天經所  
 為有七一令諸魔怖故二為說法時大眾  
 心不散亂故三令放逸者生覺知故四令  
 眾生知法相故五令眾生觀說法處故六  
 令成熟者得解脫故七令隨順問正義故  
 此上七緣正是今經所為地論有四非當



此文上約外器若心地聖賢地法性地亦有震動等義可以虛求地論有四者第十論云器世間中依四種衆生衆一依不善衆生二依信種衆生三依我慢衆生四依呪術衆生爲此衆生下中上次第差別故動乃至如十八句異義應知如是生信功德今言非當此文者始成正覺便演一乘皆是海會何有不善等據別行經順別機故論爲

此釋

此諸世主一一皆現不思議諸供養雲雨於如來道場衆海

二興供中三一標數同生之衆亦得稱主爲物依故

所謂一切香華莊嚴雲一切摩尼妙飾雲一切寶燄華網雲無邊種類摩尼寶圓光雲一切衆色寶真珠藏雲一切寶梅檀香雲一切寶蓋雲清淨妙聲摩尼王雲日光摩尼瓔珞輪雲一切寶光明藏雲一切各別莊嚴具雲

如是等諸供養雲其數無量不可思議

二所謂下略列

此諸世主一一皆現如是供養雲雨於如來道場衆海靡不周徧

三此諸下結遍

如此世界中一一世主心生歡喜如是供養

第十如此下結通無盡文分有二一結華

藏內二結華藏外前中亦二先舉此界

其華藏莊嚴世界海中一切世界所有世主

悉亦如是而爲供養

橫六

十八

二其華藏下類華藏中一切世界於中三

初類衆海興供一切世界者謂華藏中有

十不可說佛刹微塵數世界種一一種中

各有不可說不可說佛刹微塵數世界彼

等一切諸世界中悉有世主而爲供養

其一切世界中悉有如來坐於道場

一其一切下類佛坐道場然有二義一彼

諸世主各供當處之佛二彼諸世主亦供

此佛此佛亦坐彼界道場

一一世主各各信解各各所緣各各三昧方

便門各各修習助道法各各成就各各歡喜

各各趣入各各悟解諸法門各各入如來神

通境界各各入如來力境界各各入如來解

脫門

三一一下類結大衆得法於中有十一句

為闡法得益得益有三一闡益各各信解

故謂信其言而解其義二思益謂於所對

審緣慮故三修益修益有七一修門謂三

昧方便故二修法謂資糧助道故三修果

契理成就故四修益隨有所得成法喜故

五修轉各各趣入無量乘門及衆生界故

六修同悟解法門合先聖故七修極修極

有三一大悲極入佛神通境入佛神通境

但為益生故此成恩德二大智極入佛力

境如來力境悲智超絕無能及故成佛智

德三自在極入如來解脫門盡一切障心

境自在成佛斷德亦即是前諸解脫門

如於此華藏世界海十方盡法界虛空界一

切世界海中悉亦如是

二如於此下結華藏外謂以華藏例於法

界各有此會同為一大法界會方是華嚴

無盡說耳

上來十段總明教起因緣分竟

大方廣佛華嚴經疏鈔會本第五之三

音釋

蓐

薦也 欲切

脇

腋下也 業切

羸

瘦也 倫切

協

合也 機類切

分

分扶問切

齊

齊限量也 才切

詣

詣餘亮切

風

風也 碎磕

碎

碎披耕切

石

石相築聲也 孟切

第一三三冊 大方廣佛華嚴經疏鈔會本 一五·一五五七

二六九

龍藏

大方廣佛華嚴經疏鈔會本第六之一 橫七

唐于闐國三藏沙門實叉難陀 譯

唐清涼山大華嚴寺沙門澄觀撰述

如來現相品第二

將釋此品四門分別一來意二釋名三宗

橫七

趣四釋文然下諸品多用此四若有增減

至文當辯 今初來意中二先分來後品

來今初三分之中自下正宗由致既彰正

宗宜顯故次來也四分之中已明教起因

緣次辯說法儀式故次來也二品來者曲

有二義一前辯眾集今顯現相二前明

舊眾今辯新集故次來也

四分之中者四

分即眾果勸樂

生信等四分以四分科第一會名舉果觀

樂生信分六品分三初品明教起因緣分

次二品明說法儀式分後三品正陳法海

分初分已竟次有說法儀式二品經來此

是四分科中第一分內三分之中第二分

通三 二釋名者一分名者正宗正陳宗旨  
 故 揀序流通若四分中名舉果勸樂生信者  
 舉依正果勸物信樂是故亦名所信因果  
 亦名說佛依果會以從多說故 以從多說  
 難然有二妨一云以文從義科中名所信 者此通妨  
 因果經中復有遮那品因何以問答相屬  
 科中但名舉果勸樂生信分隨其本會科  
 中但名說佛依果會耶故此答云以多說  
 果以因少故如河少水亦名無水如乳有  
 水但名為乳勸物信樂宜舉果故第二妨  
 云上云舉佛依正二果勸物信樂何故隨  
 會但言說佛依果會耶故此答云多說依  
 果少說正故亦以本意在於依果 二品名  
 正報之果第二會去方始說故  
 者如來是能現之人相是所現之法現通  
 能所能所合說體用雙陳以立其稱然如  
 來現相各有五義以成其十如來五者一  
 就理顯謂法性名如出障名來二唯就行  
 瑜伽云言無虛妄故名如來涅槃三十二  
 亦同此說三理智合說轉法輪論云第一

義諦名如正覺名來正覺第一義諦故名

如來此與成實大同四離相說般若云如

來者無所從來亦無所去故名如來五融

攝說謂一如無二如若理若智若開若合

無不皆如故名為如如外無法來亦即如

如是來者是真如來現相五者一現面門

光相召十方眾二現眉間光相示說法主

三振動刹網以警群機四佛前現華表說

依果五白毫出眾表教從佛流如是等相

是如來現相品中辯此故以為名涅槃三十二者

即是北經是樹提伽長者父之親友讚佛功德復問佛云何名如來佛云長者如來世尊於一切法知見無礙故名為佛發言無二故名如來斷煩惱故名阿羅訶世尊所說終無有二釋曰無二即無虛妄也此與成實大同者成實云乘如實道來成正覺故曰如來乘如實道即第一義來成正覺即正覺名來以如實道亦通為行故言大同若理若智若若理即第一釋若智即第二釋若開即雙明前二若合者第三釋橫七

第一三三冊 大方廣佛華嚴經疏鈔會本 一五·一五五七

其第四釋義通理智亦兼開合謂例大品云諸法如即是佛諸法如則無來無去此則唯約理釋二云心無動搖智絕真妄則約智說無有來去三若以心無來去方契如如體無來去則通合說故但判為離相釋耳以離一切相名諸佛故現相五者下二釋現相然五各二句一句辯相一句辯意如一云現面門光相者辨現相也召十方眾者即彰所三宗趣者亦二一分宗三以下四例然

分正宗已如上說四分之宗即以佛果無

邊刹海具三世間無盡自在故以為宗令

諸菩薩生淨信修行法求以之為趣二品

宗者以光相表示為宗今上智玄悟為趣

即以佛果者然華藏品猶似有邊有金輪山蓮華外故此此外更有別刹海故而後文云法界無差別已無邊矣况世界成就品云十方刹海巨思議佛無量劫皆嚴淨為化眾生使成賢出與一切諸國土又偈中云所說無邊眾刹海此盧遮那悉嚴淨世尊境界不思議智慧神通力如是則刹無邊矣具三世間者無邊刹海即器世間毗盧徧典即智正覺刹網所持如來所化即眾生世間言自在者三種世間互相即入隱顯重重皆無礙故華藏偈云華藏世界所有塵一一塵中見法界實光現佛如雲

二七一 疏 藏

集此是如來利自在故無盡之義即是無邊况三皆無盡

四釋文者此下二品說法儀式是當分方便即分為二

初現相品為遠方便後三昧品為近方便

今初一品大分為六一眾海同請二光召

有緣三所召雲奔四現瑞表說五稱揚佛

德六結通無窮今初先以五門料揀諸會

請問之殊一問之有無二所問法異三能

問人別四儀式不同五疑之權實

初中前二後二此四有問中五皆無謂初

會標果起因故問第二會尋因至果故問

但因有升降寄六會以答之果無差別第

七當會答也然諸會更有問者並當會別

義以總收之或重明於前非大位問第八

會明因果純熟故須有問謂行修無礙六

位頓成故當會答第九會明稱性因果故

別有問謂俱入法界無差別故亦當會答

四處都有三百一十句問謂初及第二各

四十問第八二百第九三十中本廣本問

則難思初果標果者舉果即是標果勸樂

修因即是尋因契果即為至果果無差別

者有二義一對上六會不同今但第七一

會中答由第七會六品是因不言一會答

也二者不對前六但第七會中六品因圓

五品果滿與因同會故云當會當會因圓

中即明果滿故云當會此中應有問云若

果無差別何不別一會答故今答云欲顯

因圓便得果滿故當會答若更別會便與

因圓不相攝故前六品望前是因望後

屬果然諸會下通妨為有問言九會之中

皆有問答何判唯四如第二會中十首相

問第三會中正念天子及天帝釋俱問法

慧第四會中精進林問功德林答第六會

中解脫月問金剛藏答第七會中大眾念

問如來功德豈非問耶唯第五會無有別

問何得獨判唯四會問故今答云並當會

別義耳以總收別者第二會問但十信收

第三會問即十住收第四會問即十行十

藏所收等故云以總收之或重明者如不

思議法品十問但重舉第二會初後十問

耳謂已答因竟將欲答果因果懸絕故於

果初重復念請亦表果德是所重故第八

會明因果者初會已信次七已解故云然  
款謂行修無礙下彰當會答由由二義故  
當會答之一行修無礙故謂取前六位所  
修之行諸位通修不隨位局故云無礙就  
沒位名則無優劣故當會答二者六位頭  
成設爾有位一時頓成異乎約解差別因  
果故一會答此云當會者當會問答第九  
會者謂既證法界則異前八前八但明於  
信及解行故四處二所問異者初兩會問  
都有下結成問數

果廣因畧為成信解故第八會問因廣果

畧為成行故第九會問全同初會而因舉

主佛之因明因是果因顯唯證故

四十句問初二十句問果次十句通問因

果唯後十句問因故云因果第二會四十

問唯第二十句問因餘三十句皆是問果

故云果廣初會為成於信舉果今信故第

二會為成於解果相難知故廣舉之第九

會問者此中十因皆云一切菩薩即通餘

也法界中十因但云顯示如來往昔趣求

一切智心往昔所起菩薩大願等故是主

佛之因言明因是果因等者釋成第九舉

主佛因義謂因是得佛竟因非是菩薩正

修之因因果三能問人異者初及第九皆

標七

五

同生異生二衆齊問以所問法衆同依故

第二會中唯同生問以所入位問生勝故  
八唯同生一人自問以造修之行各自成  
故

四請問儀式復有二義一約言念二約通  
別初中請有二種一言二念答亦有二一

言答二示相交絡相望應成九句在文唯

四初會之中具二問答謂現相品長行念

請供聲言請初光示法主現華表義現衆

表教即示相答三昧品中以言重請下之

三品亦以言答第二會唯念請如來示相

答菩薩言說答佛心自在不待興言佛力

殊勝現相能答第八會言請言答此顯菩

薩不同佛故第九會念請示相答顯以心

傳心唯證相應離言說故二通別者初後

二會別問通答二八兩會別問別答又初

會亦得是別問別答次文當明

交絡相望者一言請

言答二言請示相答三念請言答四念請  
示相答五言請言及示相答六念請言及  
示相答七言念請言答八言念請示相答  
九言念請言說示相答初四以單望單次  
二以單問對複答次二以複問對單答後  
一複問複答今會正當第九第二會即第  
六句第八會即第一句第五疑之權實者問  
句第九會即第四句

諸王菩薩位皆圓極何得有疑有云為衆  
生疑故有云希佛果故又顯因果懸隔故  
然上二解初權後實並皆有理可通餘教  
然此經中若實若權無非法界之疑以疑  
為有力與所說證為緣起故此事舊爾海  
印頓現疑之與答念念常疑念念常斷其  
猶像模因模之高成像之下因模之下成  
像之高緣起法界理應爾故然此經中下  
中正義非斥  
權實為不當理但成緣起有異昔人言此  
事舊爾者法界之中法爾有此疑與答故  
海印頓現者疑之與答皆佛現故由上二  
義故疑答皆常其猶像模者假以喻顯以

模喻疑以像喻答像  
因模有答假疑成

爾時諸菩薩及一切世間主作是思惟

次正釋文文分二別先長行念請後供聲

偈請前中亦二先舉人標念謂盡於象海  
皆希佛境並欲利生成緣起門故標同念

二云何下正顯問端有四十句且分二別

前二十句直爾疑念請後二十句引例舉

法請準義二文皆應具舉互有影畧不欲

繁辭故下偈中更不引例合二處文直爾

請說第二會中亦有此二而引例中間同

此直請正欲顯於諸佛道同影畧之義皆

佛境者總收上三皆希佛境即上實疑並  
欲利生即是權疑成緣起門即是正義故  
入大乘論第一偈云薄福之人不生於疑  
能生疑者必破諸有故下偈中下以義成  
立引二文證一引偈文直爾問中已具列  
故二引後會彼中引例同此直請彼中直  
請同此引例二文相對則直爾引例皆合  
四十其義明矣正欲顯下結成上義既引



例直問皆具四十明是道同佛道既同知  
文影畧所以要此二勢問者直請以等主  
佛引例為 又四十句中初二十句問果後  
顯道同故

十問因中間十句明化用普周通問依正  
染淨因果前是所求後是所行中是所知

故分是舉果故先問果 分是舉果下通妨  
此有二妨一對上

言因是所行理合在前故今  
答云分是舉果故先問果 三釋文據斯

義類亦可分三今以兩段皆有結請故但  
分二前中亦二先正疑念後明結請今初

前十句問德用圓滿後十句問體相顯著  
今初十句文唯有八偈有神通及自在二

問世界成就品初答中亦同此有今文闕

者或是脫漏或是義含無能攝取之中攝

此二故故下法界品中闕無能攝取及與

神通唯有自在故此三事合則可一開則

為三故出沒不同 二據斯下對科文難既  
義有三節何不分三以

義從文故分為二二段之中皆有結故或  
此三事等者可一故沒可三故出此文無  
能攝取中攝於自在及與神通法界品中  
復以自在攝於神通及無能攝取亦合有  
於神通攝無能攝取及與  
自在問中畧無餘經則有

云何是諸佛地

言佛地者即智德分位 即智德者正是出  
體非斷德故言分

位者便  
彰地義 然此經宗通收萬德故廣則無量

畧有十種如上所引同性經說然體不出  
五謂清淨法界及與四智以斯五法攝大

覺性具如佛地經及彼論說然要唯有二  
無所不攝謂真理妙智融而無二是諸佛

地 然此經宗下二辨類自寬之狹總有五  
重一無量法界融故二畧有十者顯無

盡故三然體不出五者尅實體故具如佛

地經者即五法攝大覺性謂一真法界四

智善提又論第一釋佛地名云地謂所依

所行所攝即當所說清淨法界大圓鏡智  
平等性智妙觀察智成所作智受用和合  
一味等事是佛所依所攝故名佛地  
然要唯有二下第四攝五為二五法之中  
四是智故金光明云唯有如如及如如智

獨存名法身故說而無二者五攝二為一  
謂無有智外如為智所證亦無如外智能  
證於如故融無二又融無二者  
總融五節為無障礙如來地矣並有生成

住持功能故名為地此並有生成者三釋名  
德二成慧自他三任持萬德此句為總該

萬德依住故如下十地中明此句為總下

攝諸德下明佛果皆答斯問四結示結示

是總總持諸德及示答文

云何是諸佛境界

二佛境界下諸句皆別明佛地之德言境

界者悲智所緣故亦分齊故廣亦無量畧

有十種如出現及問明不思議品廣說三廣

亦無量下三約類開合亦有五重一廣亦

寄圍說十於中有然出現多明體遍不思

議品以辯超勝故云十種無比境界問明

該其因果體用小有不同至文當知現然出

者二疎三處不同謂出現品即五十二云  
佛子菩薩以無障無礙智慧知一切世間

佛七

境界是如來境界知一切三世境界一切  
剎境界一切法界一切障礙境界實際無邊  
無差別境界虛空無分量無障礙境界無量如  
際境界亦無量如一切三世境界無量如  
來境界亦無量如一切三世境界無量如  
如來境界亦無量如一切三世境界無量如  
無有即明體通義也言多明者一切處無  
曰此即明體通義也言多明者一切處無  
有亦顯深義也言多明者一切處無  
所謂一一切諸佛一諸佛一諸佛一諸佛一  
量世界一一切諸佛一諸佛一諸佛一諸佛一  
一一切佛身三放一諸佛一諸佛一諸佛一  
界四於一身中悉能現一切世界六於一智中  
悉能決了一切諸法無所礙七於一念中  
中能悉能過往十方世界八於一念中普緣三世佛  
及來生心無雜亂十於一念中與去來今  
一切諸佛體同無二為十上八句初皆  
有一切諸佛之言釋曰既一念念能為無量  
之事故云超勝之問明該其因果者即十三  
是佛境界十一謂一何等是佛境界二何等  
知九證十現十一廣四入五智六法七說八  
境界之言初一是一總二即是因智證知廣  
四句皆體餘五皆用備中答云如來深境界  
界其量等虛空一切衆生入而實無所入  
此雙吞總及廣二句又云如來深境界所

有勝妙因德切常宣說亦復不能盡此即  
答因餘如彼文上三雖同佛境說意小未  
故云小若準瑜伽如來境界謂五界差別  
有云同

一有情界二世界三法界四調伏界五調  
伏加行界或說要唯有四一所緣真俗二  
所住利海三所起業用四所應攝化並如

下說此與瑜伽大同總唯有二謂佛即境

約分齊說或佛之境約所觀化等今文多

顯佛之境也謂佛即境者分齊謂如來所  
成一切功德智慧等是佛所

有如一國境屬於當國之王而菩薩不測  
唯佛得故言佛之境者真如實相真俗二  
諦等是佛悲所化境故云所觀化等

### 云何是諸佛加持

三佛加持者謂佛勝力任持令有所作廣

亦無量畧有十種如不思議法品及法雲

地說離世間品十種佛所攝持亦其例也

然不出三類一如加持化身及舍利等二

如如耆域入火不燒等三如如非情作佛  
事等此與神通寬陞不同謂六通中唯神

境一有加持故今此加持即是神力畧有  
十種

者此舍二段一即四十六經十種為衆生  
作佛事何等為十所謂一切諸佛示現  
色身為衆生作佛事二出妙音聲三有所  
受四無所受五以地水火風六神力自在

示現一切所緣境界七種種名號八以佛  
利境界九嚴淨佛刹十寂寞無言皆上有  
一切諸佛下有為衆生作佛事之言故下

開為三類中云三加非情作佛事等二即  
四十七十種大那羅延體身健法故說結  
云今此加持即是神力及法雲地者即十

種持經云又如實知佛持法持僧持業持  
煩惱持時持願持供養持行持切持智持

如是等皆如寶知離世間品者即五十八  
經云所謂初始能發菩提之心佛所攝持

二於生中持菩提心令不忘失佛所攝  
持三覺諸魔事悉能遠離四聞諸波羅密

如說修行五知生死苦而不厭惡六觀甚  
深法得無量果七為諸衆生說二乘法而

不證取彼乘解脫八樂觀無為法而不住  
其中於有為無為不生二想九至無生處

而現受生十雖證得一切智而起菩薩行  
不斷菩薩種皆有佛所攝持之言一如加

持者如此類甚多謂化現多身隨所樂見  
碎身舍利一與供養千返生天全身舍利

碎身舍利一與供養千返生天全身舍利

如多寶佛即是如來力持身也如出現品  
 醫王留身輪等二如加者城者即溫婆  
 三十南經二十八經云我於爾時往瞻婆  
 城中時彼城中有六長者無有繼嗣供事  
 六師以求子息於後不久其婦懷妊長者  
 知已往六師所歡喜而言我婦懷妊男耶  
 女耶六師答言必是長女長者聞已心生  
 愁惱復有知識來謂長者何故愁惱乃至  
 是耶長者答言我婦懷妊未知男女故問  
 六師六師見語如我相法生必是女我聞  
 是語自惟年老財富無量如其非男無所  
 付囑是故我愁知識復言汝無智慧下取  
 意引廣讚佛德今問世尊長者即至佛所  
 而問佛言世尊我婦懷妊六師相言生必  
 是女是事云何佛言長者汝婦懷妊是男  
 無疑其兒生已福德無比六師聞已心生  
 嫉妬乃以菴羅果和合毒藥授其長者令  
 其妻服語云若服此藥兒則端正產者無  
 患服已便死送至城外以火焚之如來知  
 之便往塚間長者難言所言無二可名世  
 尊母已終亡云何生子我言長者昔汝於爾  
 時都不見問母命長短但問所懷為是男  
 女諸佛如來發言無二故當知空必得  
 子是時死屍火焚腹裂子從中出端坐火  
 中猶如鴛鴦處蓮華臺我於爾時尋告火  
 婆汝往火中抱是兒來六師止之者婆言  
 如來使我入阿鼻地獄所有猛火尚不能  
 燒况世間火爾時耆婆前入火聚猶入清  
 涼大河水中抱持是兒還詣我所授兒與  
 我我授兒已告長者言一切眾生壽命不  
 壞七

定如水上海眾生若有重業果報火不能  
 燒毒不能害是兒業報非我所作長者請  
 佛立字佛言是兒生於猛火之中火名樹  
 提應名樹提爾時會中見我神化無量眾  
 生發阿耨多羅三藐三菩提心故云如加  
 者婆入火則入火之言兼於二事一如何  
 緣二如耆婆所言佛令入地獄問提婆達多  
 不燒復有一緣即今入地獄問提婆達多  
 也事

云何是諸佛所行

四所行者是佛所作或說十種如不思議

品云諸佛世尊有十種化不失時等諸佛

有十種化者即四十六經云佛子諸佛世  
 尊有十種化不失時何等為十所謂一切  
 諸佛成等正覺不失時二成契有緣三授  
 菩提記四隨象生心示現神力五隨象生

解示現佛身六住於大捨七八諸聚落八  
 無諸淨信九調惡象生十現不思議諸佛  
 神通皆上有一切諸佛下有不失時言  
 亦是所行之行如出

現品謂無礙行是如來行等或大悲攝生

或大智造緣無思成事方便善巧所作究

竟皆名爲行亦是所行者二約所行釋先

引文謂無礙行是如來行等

者即五十二經云佛子菩薩摩訶薩應云  
何知如來應正等覺行佛子菩薩摩訶薩  
應知無礙行是如來行應知真如行是如  
來行佛子如真如前際不生後際不動現  
在不不起如來行亦如是不生不動不起  
舉鳥飛虛空前後無際况真如行金翅闍  
海喻無礙行廣如彼文或大悲下二類釋  
亦成上義大悲攝生即無礙行大智造緣  
即真如行無思或事成然約人望行標云  
上二義亦該通所緣

所行既是所作實通能所故不同彼境界

之中彼智所觀所應攝化但就所故况所

望不同故不相濫

然約人下三揀濫以經  
云所行濫於境界是悲  
智所行故於中初正揀謂佛是能行故悲  
智之行是所行非如於境悲智是能行真  
如衆生是所行也故云約人望行標云所  
行况所望不同者上行通能所境唯局所

已是不同設同取悲智行約所行以用悲  
智境約能行以用悲智如人望子名父望  
父名子一人二用豈相濫耶

若準瑜伽七十八中引深

密經佛答文殊此二別相云所行謂一切

種如來共有不思議無量功德莊嚴淨土  
如來境界謂一切種五界差別五界如前

若準瑜伽下二引證以釋二相不同經當  
第五五界全同瑜伽然瑜伽全寫深密爲  
論今引瑜伽引經  
者欲雙引經論故

云何是諸佛力

五佛力者即佛大力自在廣有無量畧說

有十即處非處等又有十種謂廣大力等

如不思議品

謂廣大力即四十七云佛子  
上力無量力大成德力難獲力不退力堅  
固力不可壞力一切世間不思議力一切  
衆生無能動力大那羅延幢勇健法何等  
爲十所謂一切諸佛身不可壞等爲一此  
上十力過於十種身健法廣如彼文今畧  
舉其名一身命不可壞力二毛孔容持力  
三毛持大山力四定用自在力五常遍演  
法力六德相降魔力七圓音遍徹力八心  
無障礙力九法身微密力十具足行  
智力一一力中有多義理具於下文

云何是諸佛無所畏

六無畏者無諸畏懼故離世間品說有十

種無畏或說四種如常所明昔云前四是

異二乘功德佛力是破魔功德無畏是伏

外道功德未必全爾十力無畏亦不共二

乘故然上來多明大智功德離世間者即五十六云佛

子菩薩摩訶薩有十種無畏何等為十經

文浩博今當義引謂一闡持無畏二辯才

無畏上二不長不能答難三三空無畏此

不畏妄念四威儀無缺無畏五三業無過

無畏上二不長外護無畏六外護無畏此不長

天魔外道七正念無畏不長遺忘八方便

無畏不長生死九一切智無畏不長二乘

十具行無畏不長不能化生或說四種者

即十藏品辯謂一一一切智無畏二漏盡無

畏三出障道四出苦道未必全爾者非不

許昔解但顯義包含耳

云何是諸佛三昧

七佛三昧者謂佛果等持數過塵算如師

子嘖呻等畧說十種如不思議品說佛有

無量不思議三昧等如師子者六十一經

嚴法界三昧二名普照一切三世無礙境

界三昧最後云師子嘖呻三昧結云以如

是等不可說佛刹微塵數三昧入毗盧遮

那如來念念充滿一切法界三昧大神變

諸佛恒在正定於一念中徧一切處普為

來生廣說妙法二普為衆生說無我際三  
善入三世四普入十方廣大佛刹五普現  
無量種種佛身六隨諸衆生種種心解現  
身語意七說一切法雜欲真際八演說一  
切緣起自性九示現無量世出世間廣大  
莊嚴令諸衆生常得見佛十令諸衆生悉  
得通達一切佛法無量解脫究竟到於無  
上彼岸每句皆有一切諸佛恒在三昧於  
一念中遍一切處  
之言一如初句

云何是諸佛神通

八準答及頌名佛神通者謂依定發起無

礙神用或說有十如十通品不思議品云

一切諸佛有無邊際無礙解脫示現無盡

大神通力十通唯局菩薩或說有六如常

所辯然名通大小或說有十者一他心智

去切宿住智通四盡未來際切智通五無

礙清淨天耳智通六無體性無動作往一

切佛刹智通七分一切言辭智通八無

數色身智通九一切法智通十入一切滅

盡三昧智通不思議品者義引經文無礙

解脫一句勝經示現無量大神通力顯此

解脫是神通解脫如淨名不思議解脫能

以須彌內芥子等故經云何等為十所謂

一切諸佛能於一念現不可說不可說諸  
佛出與於世二轉淨法輪三衆生受化調  
伏四諸佛國土五菩薩受記上五皆有一  
切諸佛能於一塵現不可說不可說言一  
如初句下五句但無不可說不可說言餘  
同上有謂六現去來今一切諸佛七現去  
來今一切世界八現去來今一切神通九  
現去來今一切衆生十現去來今一切佛  
事釋曰既皆一塵頓現明是大神通力十  
通唯局菩薩者欲生下六通通二乘故六  
謂天眼天耳他心  
宿住神境遍盡

### 云何是諸佛自在

九準答及頌名佛自在謂所作任意無礙  
成就故廣有無量或說百種謂於衆生自  
在等各有十故畧有十種謂命自在等並

如離世間品說不思議品亦說有十謂諸  
佛世尊於一切法皆悉自在等

廣有無量者歷事別  
明故或說百種者即五十六經初列十門  
云佛子菩薩摩訶薩有十種無礙用何等  
爲十所謂衆生無礙用國土無礙用三法  
四身五願六境界七智八神通九神力十  
力皆有無礙用言下釋一一各有十門故  
成百也略有十種者即五十五經末云佛

第一三三冊 大方廣佛華嚴經疏鈔會本 一五·一五五七

子菩薩摩訶薩有十種自在何等爲十所  
謂命自在不可說劫住壽命自在能智  
慧能入阿僧祇三昧故資具自在能以無  
量莊嚴莊嚴一切世界故紫自在隨時受  
報故受生自在於一切世界見佛充滿故願自在  
解自在於一切世界見佛充滿故願自在  
隨欲隨時於諸刹中成正覺故神力自在  
示現一切大神變故法自在示現無邊諸  
法門故智自在於念念中示現如來十力  
無畏成正覺故是爲十若諸菩薩安住此  
法則得圓滿一切諸佛諸波羅蜜智慧神  
力自在不思議品者即四十六云何等爲  
十所謂一切諸佛於一切法悉得自在明  
達種種句身味身演說諸法辯才無疑是  
爲諸佛第一自在法下畧取意上即法自  
自在六如意自在七智自在八業自在九  
生自在十願自在然上二經與八地全同

### 云何是諸佛無能攝取

十無能攝取者頌名無能制伏答中名無  
能毀壞謂佛所作無有天上人中沙門魔  
梵及諸二乘大菩薩等神力能制是故舊  
經翻爲佛勝法也畧有十種如不思議品  
諸佛有十種最勝法等

二八一 龍藏

經佛最勝法言故引此文經云所謂一切諸佛大願堅固不可沮壞所言必作言無有二二為欲圓滿一切功德盡未來劫修善隨行不生懈倦三為欲調伏一切眾生故往不可說不可說世界如是而為一切眾生而無斷絕四於信行二種眾生大悲善觀平等無異五從初發心乃至成佛終不退失菩提之心六積集無量諸善功德皆以迴向一切智性於諸世間終無染著七於諸佛所修學三業唯行佛行非二乘行皆迴向一切智性成於無上正等菩提八放光光明其光平等照一切處及照一切諸佛之法令諸菩薩心得清淨滿一切智九捨離世樂不貪不染而普願世間離苦得樂無諸戲論十愍諸眾生受種種苦守護佛種行佛境界出離生死速十力地是為十每句之上皆有一

即十種大那羅延幢勇健法是上之十問

多在不思議品至下當知若取無能壞者勇健法前文已引則義有兩兼多在不思議者亦有離世間等故致多言

云何是諸佛眼云何是諸佛耳云何是諸佛鼻云何是諸佛舌云何是諸佛身云何是諸佛意云何是諸佛身光云何是諸佛光明云

何是諸佛聲云何是諸佛智

二云何是諸佛眼十句問體相顯著謂

六根三業於身業中開常光為身光放光

為光明故有十句不思議法品諸佛有十

種法普遍無量無邊法界謂無邊際眼等

離世間品一一各有十門辯釋不思議法

十六經云何等為十所謂一切諸佛有無

邊際身色相清淨普入諸趣而無染著二

無障礙眼於一切法悉能明見三無障礙

耳悉能解了一切音聲四身能到諸佛自

在彼岸五有廣長舌出妙音聲六身應眾

生咸令得見七意住於無礙平等法身八

無礙解脫示現無盡大神通力九消淨世

界隨眾生樂現眾佛土具足無量種種莊

嚴而於其中不生染著十菩薩行願得圓

滿智遊戲自在悉能通達一切佛法佛子

是為如來應正等覺普遍無邊際十種佛

法其一一如初句但第五舌無無邊際言以廣

長替故雜世間品者即第五十七經謂十

眼十耳等十眼者一肉眼二天眼三慧四

法五佛六智七光明八出生死九無礙十

一切智其十耳十鼻等廣如彼文辯然彼

是菩薩眼等而下結皆云則得佛眼等故



通因果可又出現品說佛三業各具十義釋佛眼等

然諸經論說佛常光一尋準不思議品常

妙光明不可說不可說種種色相以為嚴

好為光明藏出生無量圓滿光明普照十

方無有障礙又出現品者身在五十經語

十喻喻之常妙光明者即四十六經十種

莊嚴中第七莊嚴文云一切諸佛皆有無

量常妙光明不可說不可說種種色相以

為嚴好為光明藏出生無量圓滿光明普

照十方無有障礙是為諸佛第

七最勝無上常妙光明莊嚴

有時不放如諸會面門毫相所放之類然

相海品其一相常放光明斯即放光亦

通常光而分別者常即湛遍放則見有去

來故然放光下通伏難恐有難言若常光

一尋與放光異今常光周於法界何

謂上通放光異常光者則放光有時不放

今引相海常放光如言佛智者廣即無量

何取別故為此通

畧說有十體不出五謂清淨智及大圓鏡

等四智要唯有二謂根本後得總攝唯一

諸法實相無障礙智此之十句多如相海

及隨好品廣即無量者隨事無邊故畧說

有十者即如出現品第五十一

經明意業中如來心意識俱不可知但以

智無量故知如來心說有十智十喻是也

體不出五者即攝論佛地論皆言五法攝

大覺性謂一真法界四智菩提則是一理

而非是智今清淨智即一真法界清淨智

即本來智性金剛頂瑜伽說有五智初法

界清淨智即

一真法界故

唯願世尊哀愍我等開示演說

二惟願下結請將欲引例故且結請

又十方世界海一切諸佛皆為諸菩薩說世

界海衆生海法界安立海佛海佛波羅蜜海

佛解脫海佛變化海佛演說海佛名號海佛

壽量海

二又十方下引例舉法請亦分為二初引

例後結請今初分二前十句問化用普周

後十句問因德深廣今初文唯有九闕安立海一世界海者是化用處如華藏品二衆生海是所化機即刹中所持三準答及頌名法界安立海如世界成就品通明法界所安立海起具因緣等故若因緣者賢首云所化生法也亦是前二於法界中施設安立故諸經論皆說世諦爲安立諦然安立言梵云柰耶而義多含或云理趣或云方便或云法式或云法門或云安立故知即安立法式也

通明法界者有三釋初即疏意言通明者謂世

界海唯約果說法界安立海通因通果由具因果能安立法界故二賢首云所化生法復是一義唯取化生之法亦是前二下是第三義安立衆生世界故前二即世界海及衆生海於中有二先正明後然安立言下引梵文證此是賢首引證後二義法式即化生法也安立即第三義故結云安立法式

四佛海者能化生也如華藏品廣舉其名亦如不思議等

品四佛海指不思議等品者等取相五波羅蜜海者化所成行如離世間品五波羅蜜指離世間品者以二千行六佛解脫海者化所法一一皆到彼岸故得果如法界品六如法界品者佛親證入離障解脫及大作用皆解脫七佛變化海者臨機神變化難化衆生即身業化也如諸會不起而遍光明覺品長行身業阿僧祇等皆是其文七指僧祇者僧祇偈頌廣顯佛德重重無盡廣大用故八佛演說海者稱根說法語業化也如四諦品九佛名號海稱七隨機立稱如名號品十八十佛壽量海者隨器所感住世修短如壽量品及一切菩薩誓願海一切菩薩發趣海一切菩薩助道海一切菩薩乘海一切菩薩行海一切菩薩出離海一切菩薩神通海一切菩薩波羅蜜海一切菩薩地海一切菩薩智海

二及一切下問因德深廣中一創於生死

立大誓願二勝進大心趣求佛果三積集

菩提福智資糧四運諸菩薩從因至果五

慈悲喜捨四菩薩行六謂永背業惑證契

真理餘四可知因德深廣然此十句有通

有別橫七別則初二寄十信次二十住次一

十行次一十向以向出離故次三登地已

上後一等覺此約橫論一切菩薩別則下

以豎釋別諸位淺深故此約橫論一切菩薩者結上別義約所行位信住等異即是若約通說各

通始終即豎論一切菩薩通約所行法位

義隨約一人遍歷諸位皆修故此十句文

通行位然皆普攝法界深廣無邊故云海

也並如下諸會說通行位者三雙結也別

願佛世尊亦為我等如是而說

二願佛下結請既是引例故致亦言

此四十句答文在何問有通局答亦如之

通即諸會與此相應皆是答此上所引者

居然當之謂前眾海既是九會常隨豈得

此問局於初會豈復眾海問不盡耶故知

初會為總九會同答此問而為分意別故

諸分初皆重舉諸問則顯分分之中皆通

因果等故則從此盡光明覺答十海問問

明已下答十因問不思議下答二十句果

至下當知疏正明通謂九會通答謂前下

通九會問答合通智深能問盡故合總問

故以此三理問答合通而為分下釋妙謂

前問言若言眾海問盡九會九會同答何

以下文復有三位大問故為此通則顯分

果皆足則是重問耳四則從下正示答文

又就四十問十海為總九會同答十海一

世界成就品答世界安立海二華藏品答

世界海邊那但引因釋成現相三昧但是  
 說法由致並非別答海問三名號品答如  
 來名號海四四諦品答演說海五光明覺  
 至十忍品別答十句因問通答衆生海修  
 因之人即所化生故六阿僧祇品答變化  
 海長行舉數欲顯化用難量故偈中廣明  
 變化重重微細難說七壽量住處皆答壽  
 量海八不思議等五品別答二十句果問  
 總明佛海就德深廣以顯佛故九第八會  
 答波羅蜜海總攝諸位皆成行故十第九  
 會答解脫海證入法界起大用故又就下二約總  
 別釋十海為總餘三十句別皆十海攝故  
 總答十海已答餘三十問於中二先正以  
 九會答問中為次與答異者問約本有修  
 於十海成自行化他而為次第謂先有世界衆生  
 則有佛出修因得果故波羅蜜海是因解

橫七

二十

脫是果餘四皆大用謂臨機變化隨宜說  
 法稱物立名隨物修短答中先人後已故  
 大用四海居先自利因果二海居後又衆  
 生一海亦可通在九海皆為生故種種隨  
 宜顯生多故後問中為次下以答對問辯  
生者即標中本有三海世界即世界海及  
攝安立海故次則有佛出修因得果等者  
即標中修成即自行意言餘四皆大用臨  
機等即標中化他也先人後已下先利他  
故大用四海即先利他言四海者一名說  
海二四諦海三變化海四壽量海言自利  
二海居後者即波羅蜜海為因佛解脫海  
為果八九兩會答故居後此中唯會六海  
不會四海者以世界海及安立海依問在  
前故佛及衆生本居中故更以異門釋衆  
生海上欲具收十問故以答因屬衆生海  
今以衆生為總即前答因屬演說海說諸  
位故上  
 來通竟若約局言當會答盡此復有二一  
 現相答下文當示二者言說答此亦有二  
 一經來未盡二答二兼餘成就品當引若  
局言下第二釋局答問經來未盡者遮那  
品後無結束故若來應具答盡二答二兼

餘者謂正答安立海及世界兼餘三十八問故

爾時諸菩薩威神力故於一切供養具雲中自然出音而說頌言

第二爾時下供聲偈請中分二先明因緣後正說偈 今初前請在念佛雖已知今

請彰言使大眾同曉前既為法與供今乃

以供宣心不因拊擊故曰自然非無因緣

即菩薩威力同異生眾皆菩薩也又表身

口為供具故供具皆即法界體故

亦表身為供養

具者即解脫和尚歎佛說偈云合掌以為華身為供養具善心誠實香讚歎香煙布

諸佛聞此香尋聲來相慶眾等勤精進終不相疑誤

無量劫中修行滿菩提樹下成正覺為度眾

生普現身如雲充徧盡未來

眾生有疑皆使斷廣大信解悉令發無邊際

苦音使除諸佛安樂咸令證

二正說偈中十頌分二初三歎德請後七

舉法請前中亦二初二歎佛明具說因後

一歎眾明具說緣 今初也前偈即悲之

智已滿為物現身後偈即智之悲已圓能

斷疑除苦有悲必普有智必能故應說也

菩薩無數等剎塵俱來此會同瞻仰願隨其

意所應受演說妙法除疑惑

後一歎眾請中前半歎眾顯無異念後半

結請明說則斷疑

云何了知諸佛地云何觀察如來境佛所加

持無有邊願示此法令清淨

云何是佛所行處而以智慧能明入佛力清

淨廣無邊為諸菩薩應開示

云何廣大諸三昧云何淨治無畏法神通力

用不可量願隨眾生心樂說

諸佛法王如世主所行自在無能制及餘一切廣大法為利益故當開演

舉法請中分三初四述前初十句問小有不次但取文便及餘一切廣大法者結例所餘謂二十句外佛無邊德亦願說之不

七七

三十三

思議品廣說餘門諸說果處皆答此也

佛眼云何無有量耳鼻舌身亦復然意無有量復云何願示能知此方便

次一項述前體相顯著十句畧示可知

如諸刹海衆生海法界所有安立海及諸佛海亦無邊願為佛子咸開暢永出思議衆度海普入解脫方便海所有一切法門海此道場中願宣說

後二頌述化用普周十句之問現文唯七以佛海中含於神變壽量名號以此三海

橫七

五三

不離佛故不問因者長行明通諸會故列因疑今彰初分請當會答又顯此會因畧果廣第二會果畧因廣故

爾時世尊知諸菩薩心之所念

第二爾時世尊下明光召有緣分長分為

十一放光意以領念故供聲易了故畧不明念但疑法何以放光現相答故答相云何謂佛三昧力加持放光令菩薩來遠遠能為此即佛地境界是佛所行無攝無畏故此為總意若別明者如文思之又召來

菩薩亦是言答上之十問至文當知

若別明者

如文思之者若此之類顯義無方類例相似即可引證耳

即於面門衆齒之間

二即於下明光依處面門即口言衆齒者表四十問教道還舒口生真子咀法滋味

益法身故總處放者此會總故門即口者以昔有  
解云面門即面之正容非其口也又云鼻  
下口上以梵音呼而及口并門並云目住  
是故譯者解人取文非一今以象齒之間  
則口為定解表四十問者有四十齒故教  
道遐舒即教智光故口生真子唯取口義  
故法華云從佛口生從法化生得佛法分  
故下出現加於普賢光明入口咀法味下  
約齒明義言總處者口為說法處一切法

門總從  
此演故

### 放佛刹微塵數光明

#### 三放佛下顯光體隨機多演故

所謂眾寶華徧照光明出種種音莊嚴法界  
光明垂布微妙雲光明十方佛坐道場現神  
變光明一切寶燄雲蓋光明充滿法界無礙  
光明徧莊嚴一切佛刹光明迥建立清淨金  
剛寶幢光明普莊嚴菩薩眾會道場光明妙  
音稱揚一切佛名號光明

四所謂下列光名畧列十名皆從體用立

稱

如是等佛刹微塵數

五如是下結光數

一一復有佛刹微塵數光明以為眷屬

六一一下彰眷屬

其光悉具眾妙寶色

七其光下辯色相眾寶隱暎表教道含容

普照十方各一億佛刹微塵數世界海

八普照下明光應遠

彼世界海諸菩薩眾於光明中各得見此華

藏莊嚴世界海

九彼世界下彼眾感通

以佛神力其光於彼一切菩薩眾會之前而

說頌言

十以佛下偈聲命召即通舉十號示為所

歸即通舉十號者佛德無邊十號畧盡故  
法華第三云我是如來應供正遍知明  
行足善逝世間解無上士調御丈夫天人  
師佛世尊未度者今度未解者今解未安  
者今安未涅槃者今得涅槃今世後世如  
實知之我是一切知者一切見者汝等天  
人阿修羅衆皆應到此爲聽法故斯即舉  
十號以昭然初但云如來亦復如是出現  
於世如大雲起遍覆三千大千世界則通  
局有異又下衆集但云天人阿修羅等勝

劣小異耳今取彼意故以十號  
釋經十號之義法界品方辨

無量劫中修行海供養十方諸佛海化度一

切衆生海今成妙覺徧照尊

十偈在文且分爲五初六偈自彰因果已

圓勸同觀禮於中初一總明二利因滿成

正遍知

毛孔之中出化雲光明普照於十方應受化

者咸開覺令趣菩提淨無礙

次一毛光開覺是明行足

佛昔往來諸趣中教化成熟諸群生神通自

在無邊量一念皆令得解脫

次一頌往來諸趣是世間解一念解脫可

謂善逝

摩尼妙寶菩提樹種種莊嚴悉殊特佛於其

下成正覺放大光明普威耀

次一頌成正覺即佛義焉

大音震吼徧十方普爲弘宣寂滅法隨諸衆

生心所樂種種方便令開曉

次一大音演寂謂無上士隨心開覺是調

御丈夫

往修諸度皆圓滿等於千刹微塵數一切諸

力悉已成汝等應往同瞻禮

次一諸力皆圓即天人師也

十方佛子等刹塵悉共歡喜而來集已兩諸

雲爲供養今在佛前專觀仰



二有一頌明眾海已集引例勸歸既云已  
兩諸雲為供是應供也為對引例故不當  
次

如來一音無有量能演契經深大海普雨妙  
法應群心彼兩足尊宜往見

三一頌圓音隨機見必蒙益結云見兩足  
尊即世尊也

三世諸佛所有願菩提樹下皆宣說一刹那  
中悉現前汝可速詣如來所

四一頌義海頓演宜速及時如三世佛大  
願而來故結云如來也

毘盧遮那大智海面門舒光無不見今待眾  
集將演音汝可往觀聞所說

五一頌特命有緣是光本意  
大方廣佛華嚴經疏鈔會本第六之一

橫七

二十六

音釋

模 莫胡切 模範也  
如鳩切 塚 知隴切 高墳也  
懷孕也 軌 軌居消切 範 範居消切 式也  
壞古贖也 軌 範 式也  
拊 樊父切 彈也  
沮 沮在呂切 沮 沮在呂切 沮 沮在呂切

大方廣佛華嚴經疏鈔會本第六之二 橫八

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時十方世界海一切衆會蒙佛光明所開  
覺已各共來詣毘盧遮那如來所親近供養

橫八

第三爾時十方下所召雲奔文分爲三第

一同會道場第二現自在用第三聲光自

述今初亦三初總明二所謂下別顯三如

是等下總結

所謂此華藏莊嚴世界海東

別中十方即爲十段一一方中皆有十事

一定方

次有世界海名清淨光蓮華莊嚴

二土海

彼世界種中有國土名摩尼瓔珞金剛藏

三世界

佛號法水覺虛空無邊王

四佛名

於彼如來大衆海中有菩薩摩訶薩名觀察

勝法蓮華幢

五主菩薩

與世界海微塵數諸菩薩俱

六眷屬數

來詣佛所

七至佛所

各現十種菩薩身相雲徧滿虛空而不散滅

復現十種雨一切寶蓮華光明雲復現十種

須彌寶峯雲復現十種日輪光雲復現十種

寶華瓔珞雲復現十種一切音樂雲復現十

種末香樹雲復現十種塗香燒香衆色相雲

復現十種一切香樹雲如是等世界海微塵  
數諸供養雲悉徧虛空而不散滅

八興供雲

現是雲已向佛作禮以為供養

九申禮獻供

即於東方各化作種種華光明藏師子之座  
於其座上結跏趺坐

十化座安坐此中應有世界種名畧不說  
耳其東方供雲應有十種而但九者塗香  
燒香二文合故言各現者主伴一一皆現

也重重無礙各徧虛空一一可觀名不散  
滅十方化座體相各異而皆同名蓮華藏  
師子之座者師子之義已見上文蓮華藏  
言通有三意一約菩薩表含藏開敷故二  
約所詮將說依報故三約諸會通顯華嚴

續八

二

故上下還於本方坐者佛圓迴身皆見面  
故異於餘宗但八方故

此華藏世界海南次有世界海名一切寶月  
光明莊嚴藏彼世界種中有國土名無邊光  
圓滿莊嚴佛號普智光明德須彌王於彼如  
來大眾海中有菩薩摩訶薩名普照法海慧  
與世界海微塵數諸菩薩俱來詣佛所各現  
十種一切莊嚴光明藏摩尼王雲徧滿虛空  
而不散滅復現十種雨一切寶莊嚴具普照  
耀摩尼王雲復現十種寶燄熾然稱揚佛名  
號摩尼王雲復現十種說一切佛法摩尼王  
雲復現十種眾妙樹莊嚴道場摩尼王雲復  
現十種寶光普照現眾化佛摩尼王雲復現  
十種普現一切道場莊嚴像摩尼王雲復現  
十種密燄燈說諸佛境界摩尼王雲復現十

續八

三

種不思議佛刹宮殿像摩尼王雲復現十種  
普現三世佛身像摩尼王雲如是等世界海  
微塵教摩尼王雲悉徧虛空而不散滅現是  
雲已向佛作禮以爲供養即於南方各化作  
帝青寶閣浮檀金蓮華藏師子之座於其座  
上結跏趺坐

此華藏世界海西次有世界海名可愛樂寶  
光明彼世界種中有國土名出生上妙資身  
具佛號香談功德寶莊嚴於彼如來大衆海  
中有菩薩摩訶薩名月光香談普莊嚴與世  
界海微塵數諸菩薩俱來詣佛所各現十種  
一切寶香衆妙華樓閣雲徧滿虛空而不散  
滅復現十種無邊色相衆寶王樓閣雲復現  
十種寶燈香談樓閣雲復現十種一切眞珠  
樓閣雲復現十種一切寶華樓閣雲復現十

種寶瓔珞莊嚴樓閣雲復現十種普現十方  
一切莊嚴光明藏樓閣雲復現十種衆寶末  
間錯莊嚴樓閣雲復現十種衆寶周徧十方  
一切莊嚴樓閣雲復現十種華門鐸網樓閣  
雲如是等世界海微塵數樓閣雲悉徧虛空  
而不散滅現是雲已向佛作禮以爲供養即  
於西方各化作眞金葉大寶藏師子之座於  
其座上結跏趺坐

此華藏世界海北次有世界海名毘瑠璃蓮  
華光圓滿藏彼世界種中有國土名優鉢羅  
華莊嚴佛號普智幢音王於彼如來大衆海  
中有菩薩摩訶薩名師子奮迅光明與世界  
海微塵數諸菩薩俱來詣佛所各現十種一  
切香摩尼衆妙樹雲徧滿虛空而不散滅復  
現十種密葉妙香莊嚴樹雲復現十種化現

一切無邊色相樹莊嚴樹雲復現十種一切  
華周布莊嚴樹雲復現十種一切寶鬘圓滿  
光莊嚴樹雲復現十種現一切栴檀香菩薩  
身莊嚴樹雲復現十種現往昔道場處不思  
議莊嚴樹雲復現十種衆寶衣服藏如日光  
明樹雲復現十種普發一切悅意音聲樹雲  
如是等世界海微塵數樹雲悉徧虛空而不  
散滅現是雲已向佛作禮以爲供養即於北  
方各化作摩尼燈蓮華藏師子之座於其座  
上結跏趺坐

現十種無邊色相寶蓮華藏師子座雲徧滿  
虛空而不散滅復現十種摩尼王光明藏師  
子座雲復現十種一切莊嚴具種種校飾師  
子座雲復現十種衆寶鬘燈燄藏師子座雲  
復現十種普雨寶瓔珞師子座雲復現十種  
一切香華寶瓔珞藏師子座雲復現十種示  
現一切佛座莊嚴摩尼王藏師子座雲復現  
十種戶牖階砌及諸瓔珞一切莊嚴師子座  
雲復現十種一切摩尼樹寶枝莖藏師子座  
雲復現十種寶香間飾日光明藏師子座雲  
如是等世界海微塵數師子座雲悉徧虛空  
而不散滅現是雲已向佛作禮以爲供養即  
於東北方各化作寶蓮華摩尼光幢師子之  
座於其座上結跏趺坐

此華藏世界海東南方次有世界海名金莊

種八

五

嚴瑠璃光普照彼世界種中有國土名清淨  
香光明佛號普喜深信王於彼如來大衆海  
中有菩薩摩訶薩名慧燈普明與世界海微  
塵數諸菩薩俱來詣佛所各現十種一切如  
意王摩尼帳雲徧滿虛空而不散滅復現十  
種帝青寶一切華莊嚴帳雲復現十種一切  
香摩尼帳雲復現十種寶燄燈帳雲復現十  
種示現佛神通說法摩尼王帳雲復現十種  
現一切衣服莊嚴色像摩尼帳雲復現十種  
一切寶華叢光明帳雲復現十種寶網鈴鐸  
音帳雲復現十種摩尼爲臺蓮華爲網帳雲  
復現十種現一切不思議莊嚴具色像帳雲  
如是等世界海微塵數衆寶帳雲徧虛空  
而不散滅現是雲已向佛作禮以爲供養即  
於東南方各化作寶蓮華藏師子之座於其

座上結跏趺坐

此華藏世界海西南方次有世界海名日光  
徧照彼世界種中有國土名師子日光明佛  
號普智光明音於彼如來大衆海中有菩薩  
摩訶薩名普華光燄髻與世界海微塵數諸  
菩薩俱來詣佛所各現十種衆妙莊嚴寶蓋  
雲徧滿虛空而不散滅復現十種光明莊嚴  
華蓋雲復現十種無邊色真珠藏蓋雲復現  
十種出一切菩薩悲愍音摩尼王蓋雲復現  
十種衆妙寶燄鬘蓋雲復現十種妙寶嚴飾  
垂網鐸蓋雲復現十種摩尼樹枝莊嚴蓋雲  
復現十種日光普照摩尼王蓋雲復現十種  
一切塗香燒香蓋雲復現十種栴檀藏蓋雲  
復現十種廣大佛境界普光明莊嚴蓋雲如  
是等世界海微塵數衆寶蓋雲徧虛空而

不散滅現是雲已向佛作禮以爲供養即於西南方各化作帝青寶光皎莊嚴藏師子之座於其座上結跏趺坐

此華藏世界海西北方次有世界海名寶光照耀彼世界種中有國土名衆香莊嚴佛號

無量功德海光明於彼如來大衆海中有菩薩摩訶薩名無盡光摩尼王與世界海微塵

數諸菩薩俱來詣佛所各現十種一切寶圓

滿光雲徧滿虛空而不散滅復現十種一切寶皎圓滿光雲復現十種一切妙華圓滿光

雲復現十種一切化佛圓滿光雲復現十種十方佛土圓滿光雲復現十種佛境界雷聲

寶樹圓滿光雲復現十種一切瑠璃寶摩尼王圓滿光雲復現十種一念中現無邊衆生

相圓滿光雲復現十種演一切如來大願音

七

八

圓滿光雲復現十種演化一切衆生音摩尼王圓滿光雲如是等世界海微塵數圓滿光雲悉徧虛空而不散滅現是雲已向佛作禮以爲供養即於西北方各化作無盡光明威德藏師子之座於其座上結跏趺坐

此華藏世界海下方次有世界海名蓮華香

妙德藏彼世界種中有國土名寶師子光明

照耀佛號法界光明於彼如來大衆海中有

菩薩摩訶薩名法界光皎慧與世界海微塵

數諸菩薩俱來詣佛所各現十種一切摩尼

藏光明雲徧滿虛空而不散滅復現十種一切香光明雲復現十種一切寶皎光明雲復現十種現一切佛土莊嚴光明雲復現十種一切妙華樓閣光明雲復現十種現一切劫中諸佛

教化衆生事光明雲復現十種一切無盡寶  
華藥光明雲復現十種一切莊嚴座光明雲  
如是等世界海微塵數光明雲悉徧虛空而  
不散滅現是雲已向佛作禮以爲供養即於  
下方各化作寶燄燈蓮華藏師子之座於其  
座上結跏趺坐

此華藏世界海上方次有世界海名摩尼寶  
照耀莊嚴彼世界種中有國土名無相妙光  
明佛號無礙功德光明王於彼如來大衆海  
中有菩薩摩訶薩名無礙力精進慧與世界  
海微塵數諸菩薩俱來詣佛所各現十種無  
邊色相寶光燄雲徧滿虛空而不散滅復現  
十種摩尼寶網光燄雲復現十種一切廣大  
佛土莊嚴光燄雲復現十種一切妙香光燄  
雲復現十種一切莊嚴光燄雲復現十種諸

續八

佛變化光燄雲復現十種衆妙樹華光燄雲  
復現十種一切金剛光燄雲復現十種說無  
邊菩薩行摩尼光燄雲復現十種一切真珠  
燈光燄雲如是等世界海微塵數光燄雲悉  
徧虛空而不散滅現是雲已向佛作禮以爲  
供養即於上方各化作演佛音聲光明蓮華  
藏師子之座於其座上結跏趺坐  
如是等十億佛刹微塵數世界海中有十億  
佛刹微塵數菩薩摩訶薩一一各有世界海  
微塵數諸菩薩衆前後圍繞而來集會是諸  
菩薩一一各現世界海微塵數種種莊嚴諸  
供養雲悉徧虛空而不散滅現是雲已向佛  
作禮以爲供養隨所來方各化作種種寶莊  
嚴師子之座於其座上結跏趺坐

三總結中文有其八一略示前文云如是



等二總明海數謂十億刹塵以上來所列是華藏鱗次之海口光各照一億十方故有十也上二段前別中所無三結主四結伴五結來至六結興供七結禮獻八結安坐既為總結故闕定方已至會中故闕初

海等三事

已至會中者一土海二世界海三佛名非別從彼來故此不說

如是坐已其諸菩薩身毛孔中一一各現十世界海微塵數一切寶種種色光明一一光中悉現十世界海微塵數諸菩薩皆坐蓮華藏師子之座

第二如是坐已下現自在用即為歎德謂塵塵近佛念念益生文有其八一明諸菩薩毛孔現光二光現菩薩三菩薩入塵四塵含廣刹五刹有如來六菩薩往供七助佛揚化八所化成益初二可知

此諸菩薩悉能徧入一切法界諸安立海所有微塵

三言安立海所有微塵者略有二義一切施設依正等塵一一稱真故二約觀心眾生意識所緣即是法界例依名相分別而轉是謂安立長故為塵體皆可依是名大刹皆有覺性是曰如來此明菩薩證入眾生性海

彼一一塵中皆有十佛世界微塵數諸廣大刹

四中可知

一一刹中皆有三世諸佛世尊

五隨世俗故說有三世全稱性故並在塵中

此諸菩薩悉能徧往親近供養

六中供養者通財及法

於念念中以夢自在示現法門開悟世界海  
微塵數衆生念念中以示現一切諸天歿生  
法門開悟世界海微塵數衆生念念中以說  
一切菩薩行法門開悟世界海微塵數衆生  
念念中以普震動一切刹歎佛功德神變法  
門開悟世界海微塵數衆生念念中以嚴淨  
一切佛國土顯示一切大願海法門開悟世  
界海微塵數衆生念念中以普攝一切衆生  
言詞佛音聲法門開悟世界海微塵數衆生  
念念中以能雨一切佛法雲法門開悟世界  
海微塵數衆生念念中以光明普照十方國  
土周徧法界示現神變法門開悟世界海微  
塵數衆生念念中以普現佛身充徧法界一  
切如來解脫力法門開悟世界海微塵數衆

第八

十一

生念念中以普賢菩薩建立一切衆會道場  
海法門開悟世界海微塵數衆生如是普徧  
一切法界隨衆生心悉令開悟

七於念念下助佛揚化

念念中一一國土各令如須彌山微塵數衆  
生墮惡道者永離其苦各令如須彌山微塵  
數衆生住邪定者入正定聚各令如須彌山  
微塵數衆生隨其所樂生於天上各令如須  
彌山微塵數衆生安住聲聞辟支佛地各令  
如須彌山微塵數衆生事善知識具衆福行  
各令如須彌山微塵數衆生發於無上菩提  
之心各令如須彌山微塵數衆生趣於菩薩  
不退轉地各令如須彌山微塵數衆生得淨  
智眼見於如來所見一切諸平等法各令如  
須彌山微塵數衆生安住諸力諸願海中以

無盡智而為方便淨諸佛國各令如須彌山  
微塵數衆生皆得安住毗盧遮那廣大願海  
生如來家

第八念念中下所化成益

於中賢首對前開悟以三義釋之一別配  
釋二圓通釋三各別釋初者謂以前十法  
門對後所成十益一門得其一益二三前  
却餘並如次一以夢自在門夢中警覺造  
惡衆生今得斷惡免苦益故二以菩薩行  
門今入正定三以現諸天殺生門今生天  
受樂以放逸則殺尅念便生故上三人天  
乘四以動刹現無常令厭以歎佛神變令  
欣成二乘益下皆大乘五以嚴刹大願令  
修福求向六以攝生言詞令發大心以佛  
音聲即同體大悲故七以佛雲雨法令入

菩薩不退之位已上三位在地前三賢八  
以照遍滿法界土及神變今得初地已上  
智眼見平等法九以佛普現遍法界解脫  
力今得八地已上大力大願無盡智淨國  
土益十以普賢建道場今住佛果大願海  
言生如來家者入佛果位故生非是初地  
已上生佛家也 二圓通者此上十法於  
此十益一一遍通謂或一法成十益或十  
法成一益如是互遍無所障礙 三各別  
者謂前十法門各自開悟世界海微塵數  
衆生此以法為益後十益十二但言須彌塵數  
不言利塵之國則是已身以人為益既各  
別釋則夢自在門亦顯一切皆如夢故延  
促等無礙故云自在餘並可三各別者  
知前之二釋  
一則一一別對二則互相總對今不對前  
則七八兩段義不相關七約法開悟八約

身成益身法不同故不相對上言對前為三者前二相由故各為對今與前別亦是對前此上菩薩法化始從放光終於得益順

數八段逆推十二重疊無盡一其十須彌塵數衆生得益方在一國餘一切土皆爾故云一一國各令等也二此一切土益在

積八

十三

一念時中餘一切念時皆爾故云念念中也三如是念念之益方是一法門所開悟一一法門皆爾四彼多法門方是一念所用餘念念所用法門亦爾五彼多念法門方論一廣刹如一廣刹如是十刹塵數廣刹皆爾六彼多廣刹方論一塵內如一塵一切安立中諸塵亦然七如上諸塵方是一安立海如一安立海遍法界諸安立海亦然八遍法界安立海中業用方是一化菩薩所化如一化菩薩十世界海化菩薩

一一皆然九諸化菩薩方是一光所現如一光一一光亦然十彼十刹塵數光明方是一毛孔現如一毛孔遍身一一毛孔皆然十一彼遍身毛孔方是一菩薩如一菩薩有如是十億佛刹微塵數各世界海微塵數菩薩遍身毛孔皆爾十二上來所明十一重作用方論來此一會如此一會於餘佛會亦復如是此後一段偈文具之此菩薩下上約顯釋今乃逆收以彰深妙耳又上十二重一一開之為二便成二十四重且如一念望一切念即是二義類例相似合之為一餘十一重準此思之如是重疊無盡各周法界唯智頓觀非心識境華嚴海會大用皆然爾時諸菩薩光明中同時發聲說此頌言諸光明中出妙音普徧十方一切國演說佛

子諸功德能入菩提之妙道

第三光聲自述前既光聲召命今亦光聲

自述菩薩位極用窮深廣若非自述時眾

難知十頌分二初一總明兼陳說處

劫海修行無厭倦令苦眾生得解脫心無下

劣及勞疲佛子善入斯方便

盡諸劫海修方便無量無邊無有餘一切法

門無不入而恒說彼性寂滅

三世諸佛所有願一切修治悉令盡即以利

益諸眾生而為自行清淨業

後九別顯德用殊勝文分為三初三通顯

體用自在初偈悲智相導度眾生而不疲

悲智相導者悲無大智即成愛見愛見悲者則於生死有疲狀心令劫海修行而無疲狀明有智導智若無悲則多趣寂名為下劣今脫苦眾生心無下劣即有悲導矣悲故能度橫八次偈空有雙觀入法門而常寂十四智故無疲

次偈空有雙觀者空有雙觀即是前半空無分量有無邊際入法門而常寂即是後半由前觀有入一切法後偈物我無滯故門由前觀空而恒寂滅後偈物我無滯故化他而自清後偈三世二利是願皆修斯則名為物我無滯便成後半化他自淨

一切諸佛眾會中普徧十方無不往皆以甚

深智慧海入彼如來寂滅法

一一光明無有邊悉入難思諸國土清淨智

眼普能見是諸菩薩所行境

菩薩能住一毛端徧動十方諸國土不令眾

生有怖想是其清淨方便地

一一塵中無量身復現種種莊嚴刹一念歿橫八

生普令見獲無礙意莊嚴者十五

三世所有一切劫一刹那中悉能現知身如

幻無體相證明法性無礙者

次五頌別叙前現自在與前影略與前影略者前

有入塵此中即無此有住一毛端過動一  
 諸刹塵塵多身刹那頓現等彼皆略無一  
 身遍十方智觀寂滅即顯不唯來此會也  
 二身光普入智眼遍觀三住一毛端遍動  
 諸刹况乎於上處寶蓮華四塵塵多身門  
 門化異舉一攷生門可以例諸五念劫無

礙結由證深念劫既融故於念念能作法  
 性無礙者分與無分皆無礙故謂證理不  
 唯無分故在一切處而全在一法一切法  
 亦然各有四句身等不唯分故常在此而  
 無在思之分與無分者總相而言分即是

礙各有四句者事理皆四故理四句者一  
 無分限以過一切故二非無分以一中  
 無不具故三具分無分謂分無分一味以  
 全體在一法而一切處恒滿故如觀一塵  
 中見一切處法界四俱非分無分以自體  
 絕待故圓融故二義一相非二門故事四  
 句者一有分以隨自事相有分齊故二無  
 分以全體即理故大品云色前際不可得  
 後際不可得此二義方是事故四俱非以  
 無礙是故此二義方是事故四俱非以

二義融故平等故二相絕故身等不唯分  
 故者謂由上諸義理性不唯無分故在一  
 切處而全體在於一內不唯分故常在一  
 中而全在一方不唯無分故過一切處而  
 處恒在他方不唯無分故過一切處而不  
 移本位又由理性不唯無分故不在一事  
 外不唯分故不在一事內事法不唯分故  
 常在此處而無在不唯無分故常在他處  
 而無不在是故無在不唯無分故常在此  
 無有障礙也然此中有兩對事理各有二

四句乃成八句疏中但出二句謂上云證  
 理不唯無分故即初對約理一句其一切  
 法皆爾者舉例耳今云身等不唯分者即  
 是後對中約事一句以身等即事也餘之  
 六句略而不出故上總  
 言各二四句意中含取

普賢勝行皆能入一切衆生悉樂見佛子能  
 住此法門諸光明中大音吼

後一偈結廣有歸普賢勝行皆入非獨向  
 來所陳故能光中演斯自在

爾時世尊欲令一切菩薩大衆得於如來無

邊境界神通力故

大文第四現瑞表法上所現相但召有緣

眾集將陳故重現斯瑞瑞文有三初光示  
法主二現華表義三現眾表教法藉人弘  
故先明主義為教本故在教前今初示主  
文分為六一意二體三名四相五展六收  
今初可知

橫八

十六

放眉間光

二放眉間光即光體也眉間者表離二邊  
故於體不計有無二邊於義不著常無常  
等諸法相邊於行不習苦樂二邊於道不  
住邪正二邊於人不執因果二邊於教不

說世出世二邊於諦不見真俗二邊於化  
不定權實二邊是故為眾放眉間光  
於體不計  
有無者一切法體不出有無於義不著常  
等就一有上自有常無常之義謂生滅是  
無常義不生滅是常義又不生滅是無常  
義等只要一有法上即有常無常我無我  
苦之與樂淨非淨等故示諸法相通於行  
不習苦樂者斷見計樂行常見計苦行等

橫八

十七

住正道者則不分別是邪是正因果交徹  
故世間性空即是出世隨順觀察世諦即  
入第一義故於諦常自二於解常自一未  
堪實化權為說三大根既熟便為說實權  
是即實之權實  
是即權之實故

此光名一切菩薩智光明普照耀十方藏

三此光下辯光名菩薩智光者令得能知  
智也普照十方藏者令照所知境也藏有  
三義一智光含德無盡故二以十方利海  
各於塵內重含諸刹故三亦通於五藏以  
言智光故照初二藏今菩薩證照次二藏  
令菩薩成證則得於涅槃成則得於菩提

照第五藏今化今淨三中後二如下業中

照初二藏者一如來藏在纏含果法故二  
自性清淨藏在纏不染故此二本有故今  
其證照次二藏者一法身藏謂果位為功  
德所依故二出世間上上藏謂出纏超過  
二乘菩薩故並已出纏故致成言照第五  
藏者以第五法界藏通因通果外持一切  
染淨有為名為法界內含一切恒沙功德  
故後名藏以有因故化之以有染故淨之

餘如前說三中後二者即藏有三義中後  
二義下動刹網一一塵中現無數佛即第  
二義三兩法兩即第三義妙法輪雲即如  
來藏便是所證二出離雲即今化令淨三  
大願雲令  
得令成義

其狀猶如寶色燈雲

四其狀下顯相謂色如燈雲猶日月洞照

周遍潤澤雨法雨故如相海品

謂色如燈雲者相海

品云如來眉間有大人相名遍法界光明雲摩尼寶華以為莊嚴放大光明具衆寶色猶如日月洞徹清淨其光普照十方國土於中顯現一切佛身後出妙音宣揚諸法

徧照十方一切佛刹

五遍照下展即光業用於中分五 一所

照分齊謂盡十方一切佛刹

其中國土及以衆生悉令顯現

二光所現謂土及衆生

又普震動諸世界網

三動刹網以諸世界重疊影現交互相當猶如網孔

一一塵中現無數佛

四塵現如來

隨諸衆生性欲不同普雨三世一切諸佛妙

法輪雲顯示如來波羅蜜海又雨無量諸出

離雲令諸衆生永度生死復雨諸佛大願之

雲顯示十方諸世界中普賢菩薩道場衆會

五隨機雨法略舉三法皆下所顯初法輪

雲示其所行二出離雲示其所度三大願

標八

十六

雲示說法主謂將說普法令知法主大願

普周刹塵內故

作是事已右繞於佛從足下入

第六作是下收則示有終歸證從佛流眉

間出光修因順果故須右繞自下升高故



從足入履佛所行方證入故  
爾時佛前有大蓮華忽然出現

第二爾時佛前下現華表義文有二別

一總標華現為坐所現中方眾故通表所

詮佛華嚴故別表華藏佛所淨故故於佛

前出此蓮華既通表華嚴亦具同時具足

等十門及教義等而其本意正表義耳忽

然現者依理起事難測量故亦具同時者

法是所依體中一華事耳言教義等者

即是十對所依體事由此華事為理所融

故具十對令同時等而賢首約義釋成云

一教義謂見此蓮華能生解故二事理華

即是事舉體同真故三境智華是所觀同

習性故四行位是萬行華隨位別故五因

果因事之華覽成故六依正全是所修

亦能依故七體用體同真性用應機故入

人法恒覽於人攝為法故九逆順逆同五

熱順十度故十感應過應一切亦能感故

而其本意者以十立十對凡舉一事必具

十立凡一立門必收十對泛明一法一一

圓收故若作義者但是傍來然其本意唯

表義耳忽然現者隨難釋準觀佛三昧

其華具有十種莊嚴一切蓮華所不能及

二其華下顯具德嚴文亦有二先標十種

顯德無盡

所謂眾寶間錯以為其莖摩尼寶王以為其

藏法界眾寶普作其葉諸香摩尼而作其鬚

閻浮檀金莊嚴其臺妙網覆上光色清淨

後所謂下別列十句前六體備眾德後四

妙用自在今初蓮于住處有含藏之義故

名為藏表示法門一舍一切華藏之名由

此而立

於一念中示現無邊諸佛神變普能發起一

切音聲摩尼寶王影現佛身於音聲中普能

海經第二明地金剛白毫相光云此相現  
時佛菩提樹白毫力故根下自然化生寶  
華嚴廣正等四十由旬共華金色金剛為  
臺佛眉間光照此華臺其光直下至金剛  
際等與  
此大同

演說一切菩薩所修行願

後妙用中一念況多摩尼寶王即前藏體

影現佛身即依正無礙既發多聲聲皆演

法

此華生已一念之間

第三此華生下現眾表教文略有三一現

眾時言一念者華生無間表教義相應

於如來白毫相中

二現眾處謂白毫中表教從所證淨法界

所流為眾教源如白為色本

有菩薩摩訶薩名一切法勝音與世界海徹

塵數諸菩薩眾俱時而出

三有菩薩下正明眾現亦分為三一主屬

齊現遍詮諸法故云一切所詮圓滿是曰

勝音圓教法門必攝眷屬故下文云世界

校八

二十

海微塵數修多羅以為眷屬權實無礙故

曰俱時

右繞如來經無量而禮佛足已時勝音菩薩

坐蓮華臺諸菩薩眾坐蓮華鬚各於其上

第而坐

二右繞下申敬就座主伴雖殊並修因順

果故右繞如來文義相隨故依華坐正助

不等臺鬚有差上義依理明故忽然而現

今教由人立故眾從佛流亦如涅槃從牛

出乳亦如涅槃等者即第十四經南本十

藏王有大威德成就神通得大總持三珠

具足得無所畏即從座起偈袒右肩右膝

著地長跪合掌白佛言世尊如佛所說諸

佛菩薩所成就功德智慧無量無邊百

千萬億實不可說我意猶謂故不如是大

乘經典何以故因是大乘方等經力故能

出生諸佛世尊阿耨多羅三藐三菩提時

佛讚言善哉善哉善男子如是如是如汝

所說是諸大乘方等經典雖復成就無量

功德欲比是經不可為喻百倍千倍百千

萬德乃至算數譬喻所不能及善男子譬如從牛出乳從乳出酪酪從酪出酥酪從酥出醍醐醍醐最上若人服者衆病皆除所有諸藥悉入其中善男子佛亦如是從佛出十二部經從十二部經出般若波羅蜜從般若波羅蜜出大涅槃猶如醍醐言醍醐者喻於佛性佛性者即是如來以是義故說言如來所有功德無量無邊不可稱計釋曰彼約讚法勝能從微至著今但依從佛出教以况眉間出衆然此經文諸說不同若澤州先於菩薩申已解中有一問云此經是其言教阿耨多羅三藐三菩提是釋言此中偏名宜說佛性之詮法身之教以之爲經所證即是淨因果所生菩提是其方便因果性淨爲本方便爲末末不如本故佛菩提功德不與佛合牛約應身佛十二部經合乳說小乘經修多羅合酥名大乘教藉小開大故名爲出後四俱大乘證事之教名修多羅謂施戒等事方等合生酥即大乘中破相空教因事顯理故名爲出以般若合慧是故名出又約行辯教亦得名出般若經然此般若即是向前菩提體也以醍醐合涅槃般若了因了彼無始法性涅槃是故名出約實辯教亦得名出涅槃經言佛性即是如來者是法身如來非報身如來報

身功德不及此經或謂此之上皆遜公之意若望經意未必如是謂此公堅將大小事理以配五味乃成屈曲如何不說大乘十二部等耶今謂無垢藏意唯推功歸本果從教主如來述成其推功之義醍醐最上功本由如來至極功歸於教故涅槃即是如來如大即是菩提謂酒涵之水本於濫觴合抱之樹生於毫末故說教爲佛本何用強分大小法報別耶然佛自揀此經異於小乘今牛出乳是大教耳若爾何成五味謂十二部經辨所說教出修多羅者十二分教由契理故顯出真理正修多羅爲方等故從方等出般若者依理智廣故般若出涅槃者以智契理成極果故故云涅槃猶如醍醐醍醐喻於佛性佛性即是如來文理昭然何須屈曲亦有說言從佛出十二部經是本質教從十二部出修多羅是影像教者亦是妄推度耳都無本影之意

其一切法勝音菩薩了深法界生大歡喜入佛所行智無疑滯入不可測佛法身海徃一切刹諸如來所身諸毛孔悉現神通念念普觀一切法界十方諸佛共與其力令普安住一切三昧盡未來劫常見諸佛無邊法界功

德海身乃至一切三昧解脫神通變化

三其一切下彰其德業主教是宗故偏歎

主文有十句略為二解 一豎配十地此

明普攝十地功德一句一地初地歡喜得

智證如二地性戒是佛所行三地多聞入

法身海四行道品善友是依五地雙行現

通利物六觀法界般若現前七功用已終

故佛與力八無生無動住三昧心九為法

師見無邊法十具於大盡三昧等圓初地

尚攝諸地功德況於後後不具前前

二橫就極位釋者一理智了真二量智入

行三證窮法身四常觀受用五毛現神變

六念觀法門七外感佛加八內安深定九

豎見來際十橫無不圓

故此十句攝為五對若橫若豎能證必具

橫八

三十三

故為二釋 故此十句者重收前釋一如埋

心念對四外感內安 大文第五稱揚佛德

對五豎見橫圓對 既現既至任力稱揚自申罔極之情顯佛

無涯之德 既現既至者疏於釋文之前總

即勝者讚既至即十方菩薩讚罔極者即

無極之情故詩序云情動於中而形於言

言之不足則詠歌之詠歌之不足則不知

手之舞之足之蹈之故生公用此意釋說

偈意云以罔極之 文分為二初一眉間菩

薩讚後十十方菩薩讚新眾纔集佛便現

瑞文不累書故編成次以讚德相類結集

併之一處乘現勝音之次先舉勝音之偈

後十菩薩即如次十方昔人不曉斯文便

將後十為勝音眷屬非唯章疏之失亦乃

翻譯有違何者且眉間出眾即主伴皆讚

十方來眾寂無一言主伴禮儀一何疎索

況準法界品例來者皆有讚詞細尋菩薩

之名與前十方如次相似但由譯人不審  
 致令名小乖差至下文一中一對辯新衆  
 下明讚亦二先正明亦是通妨謂有問言  
 若以後讚故今通云現瑞與讚二皆同時則  
 以後讚與十方讚亦同時自是結集集讚一  
 處又應問言既是結集排次居然合排十  
 方在前何以向後故釋云承前讚勝音德  
 次是故先舉  
 勝音讚耳

大方廣佛華嚴經疏鈔會本第六之二

音釋

優鉢羅 梵語也此云青蓮 奮迅 奮方問切  
 玻瓈 梵語也此云冰玉乃千年水之 鬘 莫班切  
 塗 同都切 促 趨五切 歿 莫勃切

大方廣佛華嚴經疏鈔會本第六之三 橫九

唐于闐國三藏沙門實叉難陀 譯

唐清涼山大華嚴寺沙門澄觀撰述

即於眾中承佛威神觀察十方而說頌曰

今初勝音文分二先說偈儀後正說偈下

十例然偈中總相讚佛亦合諸問思之可

知亦合諸問者文合四十句且叔十海初

一毛示現故四一偈眾生海五一偈世界

八一偈佛壽量海已證佛地必有壽故九

一偈解脫海普賢開覺已離障故已獲神

通作用解脫故十一偈名號海身雲普遍

佛身充滿於法界普現一切眾生前隨緣赴

感靡不周而恒處此菩提座

十頌分三初三直就佛歎次六約眾歎佛

三有一偈雙結主伴初中三偈皆歎如來

體用無礙於中初一不動本而周遍則十

身圓融遍四法界十身圓融者以但言佛

故通四界以體即用即是事體用無礙

即事理無礙即一即通即事無礙又初

句體通次句明用第三句明用通第四句

不動本也本有二種一真身為本本體自

適以用如體故不動本而普週二應用之

中自有本末菩提座身即本周十方即末

故下不起樹王而昇四天正明不動本而

周適今明雖適法界而處此座明不壞末

而歸本此二不相離故疏以不

動本而周遍釋不壞末而歸本

如來一一毛孔中一切剎塵諸佛坐菩薩眾

會共圍繞演說普賢之勝行

如來安處菩提座一毛示現多剎海一一毛

現悉亦然如是普周於法界

後二不壞小相而廣容上則事如理故此

則事合理故於中前一偈半一毛攝三世

間後半類餘謂遍法界內皆有佛身無有

一毛不舍刹海又一毛表解脫門諸佛菩

薩智所住故現多刹海者門門皆是淨土  
因故上則事如理故者菩提座身是事以如理故周遍此則事合理者一毛是事無不包故由理有二義一無處不通二無法不包猶如虛空具已遠義今事如理故具上二義即事無礙中事理融通門也又一毛者約觀心釋一毛內空能容受故

一一刹中悉安坐一切刹土皆周徧十方菩薩如雲集莫不咸來詣道場

一切刹土微塵數功德光明菩薩海普在如來眾會中乃至法界咸充徧

次六偈約眾歎者聖賢輔翼顯主勝故六

偈總明主伴皆遍於中初二總身總相徧

法界微塵諸刹土一切眾中皆出現如是分

身智境界普賢行中能建立

一切諸佛眾會中勝智菩薩僉然坐各各聽

法生歡喜處處修行無量劫

續九

二

已入普賢廣大願各各出生眾佛法毘盧遮

那法海中修行克證如來地

普賢菩薩所開覺一切如來同讚喜已獲諸

佛大神通法界周流無不徧

後四總身遍別中既微細難思故唯普智

方知普行方立

初二總身者然有四句謂一總遍總中二總遍別中

三別遍別中四別遍總中然所遍通依正目約能遍為正所遍為依依正各有總別正總即全身別即眼耳乃至一毛依總即全一國土別即若樹若石乃至一塵初但言刹中安坐故是總身總相徧後明身遍塵中之土總遍別中

一切刹土微塵數常現身雲悉充滿普為眾

續九

三

生放大光各雨法雨稱其心

三雙結可知

爾時眾中復有菩薩摩訶薩名觀察一切勝

法蓮華光慧王承佛威力觀察十方而說頌

曰

第二十方菩薩讚德十方即為十段今初

東方言眾中者大眾海中前列名處名觀

察勝法蓮華幢幢相高出王是超勝此喻

相似光慧即是所喻幢體

言眾中者為揀音解以為勝音

眷屬讚故則是勝音眾中菩薩故今明是新舊大眾海中

如來甚深智普入於法界能隨三世轉與世

為明導

偈中讚佛真應二身密答佛地如來智等

攝佛地故十頌分二初三讚真後七讚應

讚真必體用雙美讚應唯約用明欲顯門

差實非體外今初也於中初一讚智身次

一讚法身後一雙結智舍四智法即法界

五法具矣智中上半正體證真下半後起

隨俗又句各一智初句大圓鏡智行相深

細故次句平等性智自他平等即法界故

次頌妙觀察智於自共相無礙轉故未句

成所作智成就利他導世事故

又句各一智者上約

二智此約四智四智之相已見第一經

今但取其與今經文相應之處引之耳

諸佛同法身無依無差別隨諸眾生意令見

佛色形

二讚法身中上半體相皆同同有二義一

本性法身體同言無依者無住本故無差

別者體無二故一已證法身相同力無畏

等皆無異故此則無礙慧身不依一切離

諸分別是無差別

力無畏等者即問明品文經云文殊法常爾法

王唯一法一切無礙人一道出生死一切諸佛身同共一法身一心一智慧力無畏亦然言相同者即相似名同非謂共也疏此即無礙者上以無住本釋無依無依是理故無住即實相之異名今以智慧釋無依故出現品云一切佛法依慈悲無礙復依方便立方便依智智依無礙慧身無所依離諸分別者上釋無差別約理無二今釋無差別心無分別耳故無差別與無分別有通有局局則無差別是理無分別



約智通則理亦得名無分別故問明品云  
佛刹無分別無憎亦無愛智亦得名無有  
差別謂無差智為能證故今下半用同能  
用通義以無分別釋無差別

現能生身上智影皆無二故即法身無色

應物現形能現能生身上智影皆無二故

者即唯識經大圓鏡智之能亦  
如法身無色應物現形般若無知對緣而

照若取其本據即是經云佛真法身猶若  
虛空應物現形如水中月下經亦云佛以

法為身清淨如虛空所  
現象色形令入此法中

具足一切智徧知一切法一切國土中一切

無不現

三雙結者上半結智上句根本下句後得

下半結法但舉其用體通上下以智契如

故金光明說如如及如如智為法身故以智

契如下會上二身今無障礙是真法  
身引金光明已如上引即三身品

佛身及光明色相不思議衆生信樂者隨應

悉令見

橫九

五

後七讚應分三初一隨樂現應不思議者

隨緣無邊故光明覺云億那由劫共思量

色相威德轉無邊等

於一佛身上化為無量佛雷音徧衆刹演法

深如海

次四身光演法初一化身演法望前應身

即重化也望前應身者應身對法報應是  
化身今於應身上起化故云重

化如釋迦是應身涅槃受供於  
其毛端現多化佛即重化也

一一毛孔中光網徧十方演佛妙音聲調彼

難調者如來光明中常出深妙音讚佛功德

海及菩薩所行

次二毛光演法

佛轉正法輪無量無有邊所說法無等淺智

不能測

後一結歎難量法輪義如別說

一切世界中現身成正覺各各起神變法界  
悉充滿如來一一身現佛等衆生一切微塵  
刹普現神通力

後二偈成道起通上皆圓融亦有十身且  
從一義耳

爾時衆中復有菩薩摩訶薩名法喜慧光明  
承佛威神觀察十方而說頌曰

第二南方法喜菩薩前雲集中名普照法  
海慧會義亦同光明即照法故十頌歎佛  
寂用應機德答前境界法身顯現即分齊  
境無生無體即所觀境衆生國土皆所化  
境

佛身常顯現法界悉充滿恒演廣大音普震  
十方國

於中分三初四依真起應於中分二先一

偈顯真佛身常者第一義常出三世故智  
符於理湛然常照顯者離二障故現者常  
在前故不同衆生自體常也

先一偈顯真者此約法報無礙之身為真佛也第一義常者本有常也智符於理湛然常照者修成合本有也若依法相後常是相續常今依法性宗真符於理同理常也故生公涅槃疏云夫真

理自然悟亦真符真則無差悟豈容易不易之體為湛然常照即其義也顯者離二障者亦有二意若別說者離煩惱障故法身顯離所知障故智身成合則二障俱障

二身離於二障俱顯二身智性本有非照今有法界悉充滿者諸

根相好一一無邊無限福智所莊嚴故

根諸相好一一無邊者即自受用身果無限福智所莊嚴者即自受用因故唯識云二受

用身有此二種一自受用謂諸如來三無數劫修習無量福慧資糧所起無邊真實功德及極圓淨常遍色身相續湛然盡未來際恒自受用廣大法樂釋口以論對疏居然次二句音恒用普恒自受用廣大法樂故

如來普現身徧入於世間隨衆生樂欲顯示

神通力佛隨衆生心普現於其前衆生所見者皆是佛神力光明無有邊說法亦無量佛于隨其智能入能觀察

下三偈起用初一普隨物樂次一感應道

交後一法光無際初一普隨物樂下三義皆通他受用身及變化

身故唯識云二他受用謂諸如來由平等智示現微妙淨功德身居純淨土為住十地諸菩薩衆現大神通轉正法輪

佛身無有生而能示出生法性如虛空諸佛於中住無住亦無去處處皆見佛光明靡不周名稱悉遠聞無體無住處亦無生可得無相亦無形所現皆如影

二有三偈體用無礙於中初二句約相無生現生次二句約性無住而住次一偈約用無去住而普周後偈體用雙拂謂無體拂上無生無生為佛法體故今體即非體

無生為佛法體者諸經論中皆詮無生之理故淨名不二發始明之楞伽經說一切不生中論不生為論宗體傳大士亦云佛法以無生為體無著為宗忘想為因涅槃為果諸無住處者拂約性二句亦無生可文非一

得拂示生句下半拂前第二偈約用用如

影故無住處者拂約性二句者以約性云法性如虛空諸佛於中住似有住處

今謂法性如空則無所住况體無生安有能住不住諸法方住法性故上文云諸佛於中住金剛經云應無所住而生其心若心有住則為非住大品云若住一切法不住般若波羅蜜不住一切法方住般若波羅蜜故大般若會會之初皆先明無住

佛隨衆生心為興大法雲種種方便門示悟而調伏一切世界中見佛坐道場大衆所圍

繞照耀十方國一切諸佛身皆有無盡相示現雖無量色相終不盡

三有三偈明真應無盡一法雲無盡二衆會無盡三身相無盡無盡相言兼真身故終不盡者全同體故無盡相言兼真身故者一應用無盡若鏡

對萬形二真體無盡此復二種一十蓮華  
藏之色相故二一色相體無窮盡湛然  
不變故經云如來妙色常安隱不為時節  
劫數遷大聖曠劫行慈悲獲得金剛不壞  
體勝鬘云如來色  
無盡智慧亦復然

爾時衆中復有菩薩摩訶薩名香燄光普明

慧承佛威神觀察十方而說頌曰

橫九

八

第三西方香焰菩薩前名月光香焰普莊

嚴此中光即月光明慧即是智慧莊嚴十

頌讚佛身含衆海即答加持問由加能入

故

此會諸菩薩入佛難思地一一皆能見一切

佛神力

於中前九讚衆海則佛德可知後一結德

歸佛前中初一總餘八別

智身能徧入一切刹微塵見身在彼中普見

於諸佛如影現衆刹一切如來所於彼一切

中悉現神通事普賢諸行願修治已明潔能  
於一切刹普見佛神變身住一切處一切皆  
平等智能如是行入佛之境界

別中二前四平遍一切於中初一智身入

刹塵次一色身普現用後二釋成前義一

普賢行圓故二身心平等故

已證如來智等照於法界普入佛毛孔一切

諸刹海一切佛國土皆現神通力示現種種

身及種種名號能於一念頃普現諸神變道

場成正覺及轉妙法輪一切廣大刹億劫不

橫九

九

思議菩薩三時中一念皆能現

後有四偈明微細入於毛孔刹中而作用

故

一切諸佛土一一諸菩薩普入於佛身無邊

亦無盡

後一結中非唯一會一切菩薩皆入佛身  
方為讚佛

爾時衆中復有菩薩摩訶薩名師子奮迅慧  
光明承佛威神徧觀十方而說頌曰

第四北方菩薩此同本名但加慧字然此

十頌歎佛依體起用轉大法輪答前佛行

佛以轉法化生為其行故

毘盧遮那佛能轉正法輪法界諸國土如雲

悉周徧

文中分三初二句總次半偈并後八偈共

八偈半別後一偈結

十方中所有諸大世界海佛神通願力處處  
轉法輪一切諸刹土廣大衆會中名號各不  
同隨應演妙法如來大威力普賢願所成一  
切國土中妙音無不至佛身等刹塵普雨於

法雨無生無差別現一切世間無數諸億劫  
一切塵刹中往昔所行事妙音咸具演十方  
塵國土光網悉周徧光中悉有佛普化諸羣  
生佛身無差別充滿於法界能令見色身隨  
機善調伏三世一切刹所有衆導師種種名  
號殊為說皆令見

別中讚佛十化前法界諸國土二句現受  
生化處處受生身雲遍故今十方中所有  
等一偈讚神通化末句雖云轉法意在通  
用三有三句讚業果化一切諸刹名號不  
同者示同趣類業報名字故上三依身四  
隨應演妙法者即辯揚化隨應則能斷彼  
疑故五一偈勸讚勵化妙音讚勵故六一  
偈慶懌化普雨法雨令彼進修無生法故  
上三語業七有一偈領受意化領問受取

演昔行故八有一偈決擇意化決擇有情

心行差別及揀諸法性相不同方能普化

故九一偈發起意化發起宿善及三乘大

行為善調故十有一偈造作意化建立佛

法事義種種皆令見故依實起用即是化

身故說化身無別心色此之十化與佛地

經次第無違但令相融不違經旨十化者即佛地

經說佛身有十化初依身輪起三種化一受主化謂受最後身二神通化謂諸變等

三業果化謂受金剛等又依語輪起三種化一辯揚化謂轉法輪斷疑答難二讚勵

化謂讚勝勸學三慶慰化謂有進修或能斷證隨喜慶慰意化有四一領受意化謂

領問受取等二決擇意化謂觀有情心行差別揀擇諸法性相不同三發起意化謂

能發起宿世善根及今二乘發大行等四造作意化謂能建立諸法事義是故當知

依實起用即是化身故說化身無別心色釋曰上即論文疏文具用欲會釋經少有

添減但觀向引自分疏中主客之言

過未及現在一切諸如來所轉妙法輪此會

橫九

十一

皆得聞

未後一偈結歸斯會可知

爾時眾中復有菩薩摩訶薩名法海慧功德

藏承佛威神觀察十方而說頌曰

第五東北方方法海菩薩前眾集中名最勝

光明燈無盡功德藏法海可當最勝光明

義與慧同功德藏名前後無別無盡二字

前有後無十頌讚佛攝勝眷屬答佛力問

寄讚菩薩實由佛力故結云住力地中

此會諸佛子善修眾智慧斯人已能入如是

方便門

文中初一智滿得法即為總相如是方便

門者此有二意一指前謂具前三輪之化

故能周遍一一國土二即下九別為如是

方便也

一一國土中普演廣大音說佛所行處周聞十方刹

餘九別相共讚七事一讚普演大音有三種大一者處大一一國故二者義大說佛行故三者體大周聞十方故

一一心念中普觀一切法安住真如地了達諸法海

二讚時無空過念念觀法證真實故

一一佛身中億劫不思議修習波羅蜜及嚴淨國土

三能入勝處諸佛身中修淨國故

一一微塵中能證一切法如是無所礙周行十方國

四於染無礙塵中證法而周行故

一一佛刹中往詣悉無餘見佛神通力入佛

所行處

五能入佛境見佛神力入行處故行處有

二一智行處謂十力境二佛化處謂器及衆生

諸佛廣大音法界靡不聞菩薩能了知善入

音聲海

六有三頌善入音聲初入大音

劫海演妙音其音等無別智周三世者入彼音聲地

次入妙音

橫九

十三

衆生所有音及佛自在聲獲得音聲智一切皆能了

後入一切音

從地而得地住於力地中億劫勤修行所獲法如是

七一頌善知諸地言從地者即出心也而得地者即住入也力地中者即佛地也所獲法者結上方便也

爾時眾中復有菩薩摩訶薩名慧燈普明承佛威神觀察十方而說頌曰

橫九

十三

第六東南方慧燈菩薩名全同前十頌讚諸菩薩悟入深廣由三昧力見佛三昧即答三昧問也

一切諸如來遠離於眾相若能知是法乃見世導師菩薩三昧中慧光普明了能知一切佛自在之體性

於中分四初二歎見佛真體一見佛離相二見佛自在言離眾相者般若云離一切諸相則名諸佛慈氏論云但離四相即離一切謂名義自性及差別也言自在者由

菩薩定慧雙運故見佛自在也

雜一切諸相即名諸

佛者復有文云若見諸相非相即見如來慈氏論云引此釋上離一切言故四加行位菩薩但觀此四四者一名二義三名義自性四名義差別名即能詮義為所詮名中有句名詮自性句詮差別則名中有自性差別義中亦有自性差別能詮所詮此二異相故二別觀若名義自性名義差別二二相同故合觀察謂觀於名必詮自性

若觀於句必詮差別故自性名與自性義此二相同名義差別相同亦爾

見佛真實體則悟甚深法普觀於法界隨願而受身從於福海生安住於智地觀察一切法修行最勝道一切佛刹中一切如來所如是徧法界悉見真實體十方廣大刹億劫勤修行能遊正徧知一切諸法海

次四頌明悟法一證深理法願力而現二悟多行法福智成形三達果法體無不遍四了教法深廣難知

唯一堅密身一切塵中見無生亦無相普現



於諸國隨諸衆生心普現於其前種種示調  
伏速令向佛道

三有二頌歎身業普應一深二廣云堅密  
者齊佛體用堅即金剛之身密謂三密之

一即一而多故遍一切即大而小故現塵

積九

十四

中無功之應故無相而現若約法門此身  
即如來藏性也不可破壞故堅深而難見  
故客衆生塵心無不皆具本自有之故曰  
無生體絕百非故曰無相衆生六根是謂  
諸國

以佛威神故出現諸菩薩佛力所加持普見  
諸如來一切衆導師無量威神力開悟諸菩  
薩法界悉周徧

四後二頌歎得佛加持一此佛力二餘佛  
力

爾時衆中復有菩薩摩訶薩名華燄髻普明  
智承佛威神觀察十方而說頌曰

第七西南方前列名處云普華光焰髻少  
同多異十頌歎佛攝生自在德答前自在  
問

一切國土中普演微妙音稱揚佛功德法界  
悉充滿佛以法爲身清淨如虛空所現衆色  
形令入此法中

文分爲三初六攝生無遺次二寂用無礙  
後二大用無涯今初文二初二能攝謂身

積九

五

語深廣前偈語後偈身身中上半體客塵  
不染故下半用隨物見異故亦是釋疑爲  
物現相不乖如空亦是釋疑者疑云既以  
法爲佛身清淨如虛空  
何緣現金色等云何令人悟於虛空答有  
三意一體雖無相爲物現相物宜見故隨  
他意耳二若不現相云何令人悟於無相  
如不因言豈顯無言之理上二意即爲物

現相句中通之三如虛空言取其清淨無相非離相求相即無相故不乖空故下經云佛住甚深真法性寂滅無相同虛空而於第一實義中示現種種所行事所作利益衆生事皆依法性而得有相與無相無差別入於究竟皆無相故相不乖無相無相即無相耳

若有深信喜及為佛攝受當知如是人能生

了佛智

後四偈所攝初偈何人能了內信外攝者諸有少智者不能知此法慧眼清淨人於此乃能見

次偈以何眼見唯勝非劣

以佛威神力觀察一切法入住及出時所見皆明了

次偈了見何法謂一切法地地三心三地地

者即入住出下當廣說

一切諸法中法門無有邊成就一切智入於

深法海

後偈何位究竟菩薩地盡至入佛海

安住佛國土出與一切處無去亦無來諸佛法如是一切衆生海佛身如影現隨其解差別如是見導師

次二寂用無礙中初偈用遍出與體無來

往後偈即用恒寂隨解自差

一切毛孔中各各現神通修行普賢願清淨者能見佛以一一身處處轉法輪法界悉周徧思議莫能及

橫九

十六

後二大用無涯者初一毛皆普現通後

一一身各遍轉法

爾時衆中復有菩薩摩訶薩名威德慧無盡光承佛威神觀察十方而說頌曰

第八西北方菩薩前名無盡光摩尼王此

云威德慧即摩尼王法喻異耳十頌歎佛  
出現說法皆周遍德答無畏問說法無畏  
故

一一佛剎中處處坐道場衆會共圍繞魔軍  
悉摧伏佛身放光明徧滿於十方隨應而示

現色相非一種

十六

於中分三初二總顯身光遍應次七辯其  
所作後一結用歸本

一一微塵內光明悉充滿普見十方土種種  
各差別十方諸剎海種種無量剎悉平坦清  
淨帝青寶所成或覆或傍住或似蓮華合或  
圓或四方種種衆形相

辯所作中分二初三明光照無遺

法界諸剎土周行無所礙一切衆會中常轉  
妙法輪佛身不思議國土悉在中於其一切

十七

十七

處導世演真法所轉妙法輪法性無差別依  
於一實理演說諸法相佛以圓滿音闡明真  
實理隨其解差別現無盡法門

後四演法周遍一遍塵內外法界剎中二  
遍佛身中一切剎內三明所轉性相四明

能轉圓音

一切剎土中見佛坐道場佛身如影現生滅  
不可得

後一結用歸本不可得故

爾時衆中復有菩薩摩訶薩名法界普明慧  
承佛威神觀察十方而說頌曰

第九下方菩薩前名法界光焰慧此云普  
明即前光焰十頌讚佛境勝用菩薩能入  
答神通問文云各各現故

如來微妙身色相不思議見者生歡喜恭敬

信樂法佛身一切相悉現無量佛普入十方界一一微塵中十方國土海無量無邊佛咸於念念中各各現神通

於中二前三顯佛境勝用先半偈標其體謂妙身色相後二頌半辯其用

大智諸菩薩深入於法海佛力所加持能知此方便若有已安住普賢諸行願見彼衆國土一切佛神力

後七菩薩能入謂入佛境界於中三初二具德故知見

若人有信解及以諸大願具足深智慧通達一切法能於諸佛身一一而觀察色聲無所礙了達於諸境能於諸佛身安住智所行速入如來地普攝於法界

次三知見成益

佛刹微塵數如是諸國土能令一念中一一塵中現一切諸國土及以神通事悉現一刹中菩薩力如是

後二結用速疾並可知

爾時衆中復有菩薩摩訶薩名精進力無礙慧承佛威神觀察十方而說頌曰

第十上方菩薩此與前名顛倒而已十頌讚佛圓音現身神變自在答無能攝取問謂此願力普周無能令不取故

佛演一妙音

換九

十八

於中分三初三頌歎佛圓音兩法德然具十義一唯一妙音一梵音故一梵音故者音意在唯取五天梵一故

周聞十方刹

二遍聞一切稱法性故二即此一梵音稱性故遍

衆音悉具足

三此一即多事理融故三此一梵音中即具一切音故疏釋  
云事理融故一梵音是事  
事為理融故一具一切

法雨皆充徧

四彼一一音雨多法雨四多法兩者隨前一音即說四諦十

二因緣六波羅  
蜜因果等法

一切言詞海

五彼法各具一切文詞五隨說一法具多文辭如四諦品說

四諦法遍周法  
界主伴無盡

一切隨類音

六各同一切衆生之音六隨前一音一法各同一切衆生之

音如百道風各吹多竅競發異響前三  
一音具多是佛音自具今一具多是隨一

音外同  
物類

一切佛刹中

七此音各各遍一切處七隨一類音各遍一切處多類皆爾

轉於淨法輪

八所說各顯性淨之理八唯宣稱性融差別故

一切諸國土悉見佛神變聽佛說法音

九各令一切普得見聞九能令萬類皆得見聞上之性淨

聞已趣菩提

十各各皆得究竟之益十隨聞大小益皆究竟

上之十義從一妙音展轉開之具十無盡

方曰圓音文處可見文處可見者上之八義句各一義唯第九

義具於三句十亦一句  
故十二句而有十義

法界諸國土一一微塵中如來解脫力於彼

普現身法身同虛空無礙無差別色形如影

像種種衆相現影像無方所如空無體性智

慧廣大人了達其平等佛身不可取無生無

起作應物普現前平等如虛空

次四歎佛現身無礙德初偈解脫力故現

處周細次偈法身力故現相即虛後二偈以般若德發揮前偈初偈釋下半言影像者顯無方所故謂光東則影西光西則影

東質對像生來無所從質謝像亡去無所至故此影像即空無體

言影像者此句標下別釋之離其影

像以為二喻影取光影喻故云光東影西等然光影喻自有二意一以若身若樹等

以喻物機日月之光以喻佛智所見之影喻佛色形如瞿師羅之短質佛智對之為

三尺之影無邊身之長質佛智對之為窮上界而有餘之影今不取此義二質喻法

身無二相故光喻機感隨其東西所感異故影喻色形隨機感光而東西故今取此

義云無方所以像一種為鏡像喻故云質對像生無從無去即無方所故此影像

下雙結二喻無方所言意明空耳後偈釋上半言如空者

不可取等故故雖現形猶如水月平等如

空言如空者等取四義謂此偈中五義如

無生非從無之有故三無起作非新成故

四應物現前無有一物不對空故隨器大小孔隙之異故五平等十方虛空皆不可

量三際虛空同一相故如來五義者一離

相故二真常故三湛寂故上三寂然不動四即感而遂通五體相用等佛佛相望平等無二故雖現形者經云佛真法身猶若虛空應物現形如水月中月此義佛佛平等是故經云

十方所有佛盡入一毛孔各各現神通智眼

能觀見毘盧遮那佛願力周法界一切國土

中恒轉無上輪一毛現神變一切佛同說經

於無量劫不得其邊際

後三歎佛神變自在德一則毛孔廣容二

則願能普遍三舉少況多又上畧配十句

其中具有四十句意不能繁指

如此四天下道場中以佛神力十方各有一

億世界海微塵數諸菩薩眾而來集會

第六大段結通無窮分中分二初舉此

應知一切世界海一一四天下諸道場中悉

亦如是

二應知下類彼言四天下者意在閻浮言  
 總意別既以結通菩薩雲集尤顯上歎是  
 彼十方遠方便竟既以結通者謂若是勝  
 音眷屬何以歎後結云  
 如此四天下道場中以佛神力十方各有  
 一億世界海微塵數諸菩薩等而來集會  
 耶明知上是十方  
 菩薩歎佛德耳

大方廣佛華嚴經疏鈔會本第六之三

音釋

僉千庶切音 竅苦弔切 鏘千羊切 勵力制  
 也也 也也 也也 也也

大方廣佛華嚴經疏鈔會本第七之一 橫十

唐于闐國三藏沙門實叉難陀 譯

唐清涼山大華嚴寺沙門澄觀撰述

普賢三昧品第三

將釋此品四門同前初來意者前眾既集

光示法主今將說法是故法主入定受加

為近方便故次來也

二釋名者普賢明說法主以說普法故三

昧是業用以非證不宣故此則人法合舉

普賢之三昧亦此三昧是普賢所有又三

昧境界名為普賢一切如來藏身為普賢

故此則普賢即三昧揀餘定也若準梵本

普賢三昧威德神變品威德神變皆定之

用攝用從體但云三昧也縱佛加光讚皆

因定故餘會入定受加起定即說同為一

品今此開者文多義廣勸修學故言義廣

者建立普賢之行願故故此比餘麤相而

說四同六異言四同者入住加出言六異

者一數異餘會入起唯一此會入起俱多

故二者類異類餘方故三利益異定起多

人益故四光讚異如來毛孔光明讚故五

眾請異從定起已待眾請故六證相異餘

會經終方有證相此品益已即便地動雨

雲等故四五二種十地雖有而不具六今

此具六故別立品以此說果餘皆因故又

為諸會本故總故七八九會雖是果定說

通因果又非總故縱佛加下二解妨難總

難云文中具有佛加光讚何以偏名三昧

釋意可知餘會下通第二違例開品難難

云諸會之中皆入定等在於本品今何開

耶故疏據此以答答文有二一釋餘不開

所由四五二種下展轉生難云光讚眾請

十地亦有何名六異彼何不聞今此別開



答意可知七八下通躡跡難難云若說果法別立此品七八九會亦說果法何立耶答意云彼雖有三宗趣者入法界定法一而無有二義故

爾時普賢菩薩摩訶薩於如來前坐蓮華藏

師子之座承佛神力入于三昧

四釋文者文有六分一三昧分二加持分三起定分四作證分五毛光讚德分六大衆偈請分初中有二一明此界入定二類通十方就初分三一承力入定二彰定名字三明定體用今初有六一時說偈竟時二主顯佛普德唯普賢故三處依如來者常對佛故四所依座大集云菩薩得蓮華陀羅尼故說法處皆有蓮華表所入三昧自性無染合果法故五所依因謂所入深

廣要承力故六正入三昧心境冥故

此三昧名一切諸佛毗盧遮那如來藏身

二此三昧下彰定名字毗盧遮那前已廣釋復有釋言廣大生息具此三義名如來藏身身即體也依也此有二種一者修成

二者本性本性者凡聖俱成修成者唯諸

佛有諸佛有者慈悲無邊故名爲廣智慧

無上故稱爲大生相已盡故云生息涅槃

云離有常住故名如來萬德含攝是謂藏

身即是出纏之法身也言本性者謂即藏

識包含種子建立趣生故名爲廣本覺現

量與佛等故名之爲大新新生故名之爲

生染淨苦樂所不能動故名爲息即上法

身在纏名藏謂空不空空爲能藏藏不空

故復有釋下先總釋中毗廣大也盧遮生也那者息也即安國意諸佛下初釋修

成三義即是三德謂思智斷言生相盡者  
 即在初起心無初相以速離微細念故得見心  
 性相盡也故次引涅槃經有常住之義同  
 生相盡也故次引涅槃經有常住之義同  
 義即第四經離有即生息也常住之義同  
 上起信言本性下釋本性本覺現量者本  
 覺即是所證本性唯現量方能證量者本  
 佛等者起信論云所言覺義者謂心體離  
 念離念相者等虛空界無所不通即是如  
 來平等法身說名本覺故以等佛而釋大  
 也新新生者釋生息義雖別名二字意取  
 即生而息上約本淨今約隨緣不變又上  
 樂所不能動者上約隨緣不變又上  
 約生滅此約真如故約生滅隨緣常生約  
 真如不變常息即上法身下別釋藏字無  
 釋如來非報身也謂空不空標二藏名起  
 信論云復次其如依言說分別有二種義  
 一者如實空以能究竟顯實故二者如實  
 不空以有自體具足無漏性功德故釋曰  
 上即雙標空為能藏者即次論意論云所  
 言空者從本已來一切染法不相應故謂  
 離一切法差別之相以無虛妄心念故當  
 知真如自性非有相非無相非有相非  
 非無相非有相非無相非有相非有相非  
 一相非有相非無相非有相非有相非  
 切衆生以有妄心念分別皆不相應故  
 說為空若離妄心實無可空故所言不空  
 者以顯法體空無妄故即是真心常恒不

變清淨滿足則名不空亦無有相可取以  
 難念境界唯證相應故釋曰上引論文即  
 雙釋二藏而疏引意釋於空藏不空意猶  
 難見此有二義一者據論標中本意自性  
 清淨心不與妄合則名為空性具萬德即  
 名不空及至釋文乃云若離妄心實無可  
 空即顯空藏因妄而顯而不空藏要由翻  
 染方顯不空故云以顯法體空無妄故即  
 是真心等如本有檀德今為慳貪本有進  
 德今隨五欲本有忍德今為嗔患本有進  
 德今為懈怠本有寂定今為亂想本有大  
 智今為愚癡藏於慧是故論云以知法性  
 無慳貪故隨順修行檀波羅蜜等萬行例  
 然故下論釋本有真識知藏云若心有  
 動非真識知明妄心之動藏其真知是以  
 即妄之空藏不空之萬德故經云知妄本  
 自真見佛則清淨故上論云以能究竟顯  
 實故名不空之藏知空藏能藏不空能藏既  
 空則顯不空之藏本具矣不空者自性心  
 上無妄為空隨所無者即不空德如空無  
 慳慳即顯有種空無妄動顯 若以光明遍  
 照解毗盧遮那毗盧遮那即是能觀大智  
 如來藏身即所觀深理凡雖理有佛智方  
 照又毗盧遮那亦通本有本有真實識知  
 遍照法界義故斯即本覺迷而不知不得

其用唯佛覺此能無不為故云一切諸佛  
 揀非凡也亦非因也若以光明下二約光  
 一以毗盧遮那為能證即修成如來藏  
 身以為本有是故結云凡雖本有佛智方  
 證又二毗盧下以毗盧遮那以為所證則  
 以如來而為能證本有真實識知義者即  
 是起信生滅相大中論云若心起見則  
 有不見之相以心性離見即是遍照法界  
義故若心有動非真實識知意云若無動  
念即真識知既云即是遍照則毗盧遮那  
亦本顯於依正離如來藏無別自體故入  
此也  
 賢首釋云諸佛遍於一切即顯諸佛無不  
 周遍法界刹海及彼塵中所有諸刹諸刹  
 塵中復有諸刹如是重重不可窮盡言如  
 來藏身者明即此遍利之身包容所遍法  
 界刹海無不皆在如來身中故名藏身是  
 故融通總有四句一身遍刹海二利在身  
 中三身遍身內利四利入遍利身即內即

十  
五

外依正混融無礙無障是此三昧所作故  
 以為名將說此法故入茲定賢首云下三  
以身心包利海塵容法身得藏身名但是下  
文中一義攝義不周不為正釋順經宗  
意故存而不論  
 普入一切佛平等性能於法界示眾影像

三普入下明體相用此是定相無量無邊  
 皆悉依於如來藏說略舉其要句有十三  
 門乃有十以後二門收五句故攝為六對  
 後之二門各一對故又有四節義唯有三  
 至下當明言六對者初二句明體用一對  
 謂無分別智證平等性以為定體影現法  
 界為勝用也  
 謂以因因性證彼因性成彼果性顯果果  
 性如是佛性則具十義一真二實三善四  
 常五樂六我七者清淨生佛之性本末不

殊況佛果果豈不平等佛平等性即如來  
 藏是故但入如來藏身即是已入佛平等  
 性此為第一契合佛性門也因因等者即  
 師子吼菩薩云佛性有因有因有因有果  
 有果果因者十二因緣因者即是智慧  
 發心已去果者即阿耨多羅三藐三菩提  
 果果者無上大涅槃今疏大意因因即觀  
 緣之智通發心已去因即所證之理能證  
 至果為大菩提所證至果名大涅槃前二  
 是因後二是果而有重因果言謂十  
 二因果緣是正性雖有彼成因果觀不  
 能成因果今觀對前已名為果而大涅  
 故菩提願故此涅槃即是菩提果家之果  
 由菩提願云如無明為因識亦果行緣  
 故彼經喻云因則因識亦果行緣  
 識果則無明為因則因識亦果行緣  
 舉此無明為因則因識亦果行緣  
 緣無明如觀智則觀智在於十二因緣前  
 而遠公云十二因緣近起觀智為涅槃  
 正因公名為因方依前因起觀智為依  
 起因故名因者則因在十二緣後  
 起則可矣而不順喻無明因在於十二  
 耳然上四句之後經中復有四句云一  
 是因果如佛性二是緣非因如大涅槃  
 是因名果佛性此之四句三即生故初三  
 非果名為佛性依十二因緣生故初三  
 兩句智慧菩提皆依十二因緣生故初三

第四皆前中初一以十二緣約相是若  
 約性即非因果是道正性法身理也  
 二即第四亦果涅槃之後更無所顯故  
 言亦因亦果非前四句總為四句之體  
 果又第四句非前四句總為四句之體  
 緣成四與此為因名煩惱障名為涅槃  
 為果性猶如其出煩惱障名為涅槃  
 所知障名為菩提而體無二隨出得名佛  
 性亦爾因等四句皆菩提緣取而佛性體  
 絕四句俱非因果四句皆菩提緣取而佛  
 上二種四句成五佛性復成四句一或有  
 佛性闡提人有善根人無是前因性之中  
 一之取義以未成佛時善惡無記皆名佛  
 佛性善根人有善根人無是前因性之中  
 有佛性二人俱有因性中通十二緣亦  
 非因果及果之性四或有佛性二人俱  
 彼因果及果之性四或有佛性二人俱  
 得十二緣及名佛性對前兩重四句可以  
 身性二能知名佛性對前兩重四句可以  
 前滅後生非斷非常顯中道故初四句  
 後經云善男子非斷非常顯中道故初四  
 不滅不常不斷非一非二不來不去非因  
 非果又三雜染即三德故翻煩惱雜染以  
 成般若三翻業雜染以成淨三德觀之則  
 成法身當相即是圓滿三德發心三果性  
 行淨德證之則是圓滿三德發心三果性  
 染淨起二圓四果性即內熏發心三果性  
 即始覺已圓四果性即內熏發心三果性  
 隨染隱顯二緣起淨用三染盡淨圓四還

源顯實又初與四俱是理性但染淨分二  
二之與三俱是行性但因果有殊又初染  
而非淨又初自性佛性二引佛性三四  
非淨又初自性佛性二引佛性三四  
皆是至得果性又初二因中理智後二果  
中理智因果雖異理智不殊理智似分冥  
辨無二唯一心轉絕相離言無不包融故  
名佛性由此名為佛性善男子如是佛  
性下即涅槃三十五經云善男子如是佛  
力四無所畏乃至如是等法是佛性如  
是佛性則具七事一常二樂三我四淨五  
真六實七善本但在義引故小不次澤州云  
四不遷名常六自在名我五安隱名樂七  
無染名淨一離妄是真二不空顯實三體  
順成善後明菩薩性有六種於前七中畧  
無我樂加一少分見以其未得八自在我  
故無我德未得大涅槃無真實樂德未見  
自身佛性故加少分見生佛之性下釋平  
等義言佛平等性即如來藏下會一言勝用  
別歸總此為第一下結十門之一言勝用

者即示眾影像門謂能現能生身土智影  
也言勝用下即釋理能於法界示眾影像  
是第二門言能現能生者即唯識論釋  
大圓鏡智之文謂三身三土三智之  
影皆是鏡智之所現故如前已引  
廣大無礙同於虛空法界海漩靡不隨入  
次二深廣一對廣者無邊不在內外故大

者無上究竟實際故無礙者無所障故同  
於虛空成上三義通為廣大無礙門後句  
即入法海漩復門漩即深也

出生一切諸三昧法普能包納十方法界

三有二句出納一對初出生三昧門謂若

自相若共相等一切三昧皆從此生此為

諸定本故後攝受法界門終歸此故法界

體性故謂若自相等者謂觀色等六塵入

入定則名共相並皆不離如來藏性性即

真如故起信云真如三昧是諸三昧之根

本上釋出生一切諸三昧法後攝受下即

釋普能包納十方法界終歸此者約事法  
界法界體性  
約理法界

三世諸佛智光明海智從此生十方所有諸

安立海悉能示現

四有二句境智一對初句能成佛智門謂

不體此理非佛智故後示現諸境門然安

立言總有三種一者世界安立依報二者

聖教安立妙義三者觀智安立諦相皆法

界藏顯示現前四有二句前句即三世諸佛智光明海皆從此生言

不體此理下體謂體達若能證入藏身之  
性即名佛智正用起信始覺同本名究竟  
覺故生公立體理成照義云理不待照而  
自了智必資理而成照故知理無廢與弘

之由人智雖人用不在人出矣故人有照  
分功由理發失理則失照故要見此理方  
成佛耳後句示現者釋經十方所有諸安  
立海悉能示現上攝受法界即言終歸此  
故今此即言此能現者文影界耳皆自此  
地生皆歸此故故知萬物依地而生終歸於

含藏一切佛力解脫諸菩薩智能令一切國

土微塵普能容受無邊法界

五有二句即依正含容門為內外含容對

謂內含因果智力外令塵容法界由塵全

依法界藏現同真性故五有二句即依正含容門二句共成

一門一門便成一對內含因果智力釋經  
含藏一切佛力解脫諸菩薩智外令塵下

成就一切佛功德海顯示如來諸大願海一  
切諸佛所有法輪流通護持使無斷絕

六有三句即成就攝持門為成持人法對

謂初成果人功德大願後持法輪令不斷

絕由斯玄理法眼常全故六有三句成一門一分二一

對前二句成人即經云成就一切佛功德

海二顯示如來諸大願海是故疏云初成

果人功德大願即二句也後持法輪即是

持法釋經一切諸佛所有法輪流通護持

使無斷絕由斯玄理下法眼長全無缺減

即第十四經由真理湛然故悟亦真符理

既無虧法十上言四節者初四句明無幽不

眼常全矣入釋上毗盧遮那遍照之義次四句無德

不生釋上一切諸佛之義次二句內外含

容釋上藏義後三句成德持法釋上義

上言四節下第三結束稱讚言次四句者  
即出生一切下言二句者即含藏下言後

三句者即成一切下三義皆言義唯有三

是結束此三圓融稱讚也

者入平等性是定體也廣大同空是定相

也餘皆定用此三圓融總為無礙普賢三昧

如此世界中普賢菩薩於世尊前入此三昧

二如此下類通十方及諸塵道於中有二

初舉此

如是盡法界虛空界十方三世微細無礙廣

大光明佛眼所見佛力能到佛身所現一切

國土

後如是下類彼中二初明平遍法界後明

重疊無盡前中十一句初一總明謂盡窮

法界後十別指以彰曲盡一盡虛空界二

於空中盡十方處三於十方中遍三世時

四於三世中微細物處謂毛端等五凡諸

小隙無礙之處六或廣大百千由旬等處

七人天日月光明等處八盡佛眼見處九

盡神力到處十佛身能現之處此第十句

有二義一者結上國土之言通十一段二

者成下以是身內之刹為微細故第十句有二義

者昔人唯有後義則是佛身中塵有諸佛刹遂令普賢不適如來身外刹也

及此國土所有微塵一一塵中有世界海微

塵數佛刹一一刹中有世界海微塵數諸佛

一一佛前有世界海微塵數普賢菩薩皆亦

入此一切諸佛毗盧遮那如來藏身三昧

二及此下重疊遍中略有四重一盡法界

塵言及此國土者指前十處之國也一塵

中多刹三刹中多佛四一一佛前有多普

賢此國指前十處之國者即前第十句中初義謂及盡法界國土中盡虛空國土

盡三世國土等其第十義身中國土以文近故疏不指於上諸處皆

入此定故普賢身不分別遍羸細深廣平

滿重疊於上諸處下總結能通上之四重但所通故於中三初正結通身

此處入定類通既然法界入定類通亦爾

二此處下類通故約主定佛前唯一普賢一切一

故若就類通佛前各有塵數一一一切故三

約主定下解妨謂難云別明入定佛前唯

一普賢今此結通何以一一佛前各有多

取疏舍二義一約主伴二明即入初主伴

中謂為主須一為伴必多難云此中普賢

應不為伴應答云若為伴時亦得有多二

者即由上義故此一是即多之一故疏云

一切之一故彼類通中多是全一之多故

疏云一一一切故前是舉一結多此是即一

即多前是通辯緣起相由今明力用交徹

一有一切等故普賢身不可思議畧有二

類一隨類身隨人天等見不同故二漸勝

身乘六牙象等相莊嚴故三窮盡法界身

帝網重重無有盡故今當第

三含有前二所由有三等

現其前

爾時一一普賢菩薩皆有十方一切諸佛而

第二爾時一一下加分有三初口加次意

橫十

十二

加後身加初中有四一諸佛現前以此口

加後無結通故此總舉重重時處一一普

賢前也

彼諸如來同聲讚言善哉善哉善男子汝能

入此一切諸佛毗盧遮那如來藏身菩薩三

昧

二彼諸下讚其得定此雖果定菩薩門入

故云菩薩三昧

佛子此是十方一切諸佛共加於汝以毗盧

遮那如來本願力故亦以汝修一切諸佛行

願力故

三佛子下明得定所由所由有三一伴佛

同加佛佛道同故二主佛本願此二為緣

三自修行願是入定因疏文有三初當句釋又上三

義前前由於後後二又上三義下展轉釋謂由自有行願方得主



佛願加由主佛願方得伴佛餘豈無斯行  
同加故云前前由於後後三餘豈無下通  
耶法門主故表說普法故難難言一切苦  
薩皆修行願何故不加法門主下疏答答  
中二意一約教相二表說下約表法說如  
金剛藏表地智等

所謂能轉一切佛法輪故開顯一切如來智

慧海故普照十方諸安立海悉無餘故令一

切衆生淨治雜染得清淨故普攝一切諸大

國土無所著故深入一切諸佛境界無障礙

故普示一切佛功德故能入一切諸法實相

增智慧故觀察一切諸法門故了知一切衆

生根故能持一切諸佛如來教文海故

四所謂下辯加所爲此文二勢一辯加所

爲二顯上行願之相故云所謂也所爲謂

何爲轉法輪故有十一句初總餘別別中

橫十  
十二

海二即衆生及業海三即世界海四即佛  
海五即名號壽量及解脫海變化大用皆  
功德故六即波羅蜜海到實相岸故七即  
轉法輪海八即根海九即演說海與下十  
智令知此十二餘九即是十海者就十海名  
處言二處者一現相品衆海問中十海二  
成就品初標章答中十海然文小異開合  
不次問中十者一世界海二衆生海三長  
行闕中即有謂世界安立海四諸佛海五  
波羅蜜海六解脫海七變化海八佛演說  
海九佛名號海十佛壽量海二成就品初  
答中十者世界衆生業海一切諸佛海一  
切法界海一切衆生業海一切根欲海一  
切佛轉法輪海一切衆生業海一切如來願  
力海一切如來神變海若將此十對現相  
品者此中一二名次俱同三即問中第四  
四即彼三五六帶第二衆生海中開出亦  
可第六根海通下諸海須知根故至成就  
品當更會之七是前第八演說及第五波  
羅蜜海是所演故八即第六解脫九即前  
九十二海謂名號壽量皆由願力而得成  
故十即前變化海上言此者此成就品言  
文該五處者二處如前三即此所爲中是  
爲十海故四者即下意加與智即十海智  
故五世界成就品答中稱數十智即是知

此十海之智正是此中諸佛所與十智也  
 此上五處三處是海二處是智其所為中  
 雖無海言而是海義然其五處決定相承  
 謂由問十海故加所為中為於十海佛與  
 十智令知十海普賢得智將欲說之故觀  
 察十海智海難思唯佛智能知故稱讚十  
 智亦是讚所得之智方能顯佛所為答前  
 問也而其五處開合廣畧者顯義無方故  
 文似譯人不相對會故今疏文並為會釋  
 使前後無違下成就品更委會釋今此所  
 為中十句正對問中十海有三兩海煎下  
 答名以文同故謂一即問中第三安立海  
 二即問中第二海言業者問中所無即煎  
 下名答中開出然有眾生必有於業以此  
 經中有淨治雜染得清淨言故疏加之及  
 業海也三同問中第一四同問中第四五  
 中攝前四海謂九名說海十壽量海六解  
 脫海七變化海以其上四皆佛隨機之大  
 用故故云一切佛功德也六即問中第五  
 其七九二海皆是問中第八答中但有轉  
 法輪海而無演說問中但有演說而無法  
 輪今此所為及與歎智並開成二八亦問  
 中第二眾生開出然上九句七九合成問  
 中一演說海八復合歸第二故此九句唯  
 有於七而第五佛功德中獨有其四無七  
 中餘六故十海具矣與下十智者上來正  
 釋經文今對後  
 生起如前已說

爾時十方一切諸佛即與普賢菩薩摩訶薩

能入一切智性力智與入法界無邊量智與  
 成就一切佛境界智與知一切世界海成壞  
 智與知一切眾生界廣大智與住諸佛甚深  
 解脫無差別諸三昧智與入一切菩薩諸根  
 海智與知一切眾生語言海轉法輪詞辯智  
 與普入法界一切世界海身智與得一切佛  
 音聲智

二爾時下明意加於中有二先加後釋前  
 中亦二先此土後類通前中與十種智初  
 一總謂與果海之智而言與者佛力灌注  
 令增長故一切智性即果海也智性即力  
 無傾動故具十力故末後智字即能入也  
 餘九為別即是成就品中十智由與此智  
 故後能說彼智觀彼十海而文少不次一  
 即第三法界安立海智安立無邊量故二

即第四佛海佛海唯佛分齊之境三即第一四即第二衆生業海業因微細故云廣大五舍二句一即第八佛神變海解脫作用即是神變神變依定加三昧言二舍三世智下文一念知三世由佛不思議解脫

力故由加總句故合此二六即第五七即

第九八即第七願海以願力故入法界中

一切世界九即第十建立演說二意加中

釋欲對下智須知十智名字次第彼云諸佛于諸佛世尊知一切世界海成壞清淨智不可思議知一切衆生業海智不可思議下畧不可思議而加次第第三知一切法

界安立海智四知說一切無邊佛海智五入一切欲解根海智六一念普知一切三世智七顯示一切如來無量願海智八示現一切佛神變海智九轉法輪智十建立演說海不可思議經脫智字然疏中易者則但對次第難者已爲會釋並可知也  
又菩薩根更有多義修十善道有三善根  
修諸地度精進爲根攝受正法信慧爲根

橫十

十四

攝養衆生慈悲爲根爲成佛道悲智爲根  
種種差別皆善知故

如此世界中如來前普賢菩薩蒙諸佛與如是智如是一切世界海及彼世界海一一塵中所有普賢悉亦如是

二如此下類通可知

何以故證彼三昧法如是故

第二何以故下釋所因中二先微意云諸佛有力能與有慈能普何以十智偏加普賢釋云普賢得此三昧法爾應與

是時十方諸佛各舒右手摩普賢菩薩頂

三是時下身加中亦二初此土後如此下類通前中復二先佛手摩頂明加被攝受又準梵本明十方佛身皆不來此舒臂不必長而同時摩頂各全觸頂互不相礙皆

是如來自在業用

其手皆以相好莊嚴妙網光舒香流燄發

二其手下辯手相用於中十句以顯無盡

前五德相圓備謂臚纖直等故云相好莊

嚴謂臚圓者臚纖之言言兼相好崇大般

若三十二相中第九雙臂修直臚圓如

象王鼻斯則臚直是相手連臂故纖者三

十二中云五世尊手足所有諸指圓滿纖

長甚可愛樂言兼好者八十好中手足指

為二十以一指為一好謂十指端皆圓纖

可喜故而言等者即妙網光舒此言顯故

三十二中云四世尊手足二指中間猶如

鵝王威有網觀金色交絡文同綺畫即

是相也畧舉此五廣如十身相海品

復出諸佛種種妙音及以自在神通之事過

現未來一切菩薩普賢願海一切如來清淨

法輪及三世佛所有影像皆於中現

後復出下五句明妙用自在意明此手亘

十方而包三世收因果而該人法深廣體

用無邊自在非言能說也亘十方者一切諸言即橫亘十

方也過現未來即三世也菩薩因也諸佛果也上二皆人法輪法也頓具為深橫該為廣相好即體出生等用皆悉圓融名無邊自在謂即橫即堅即人即法等

如此世界中普賢菩薩為十方佛所共摩頂  
如是一切世界海及彼世界海一一塵中所  
有普賢悉亦如是為十方佛之所摩頂

後結通可知

大方廣佛華嚴經疏鈔會本第七之一

音釋

虧 驅為切 隙 乞逆切與隙同 罅 丑凶切 覲 莫切

第十

十六

大方廣佛華嚴經疏鈔會本第七之二 假一

唐于闐國三藏沙門實又難陀 譯

唐清涼山大華嚴寺沙門澄觀撰述

爾時普賢菩薩即從是三昧而起

第三爾時下起定分所作事竟故於中二

初此界後類通十方前中亦二初起定後

眾益前中亦二初起主定

從此三昧起時即從一切世界海微塵數三

昧海門起

二起眷屬定於中亦二初總謂一起一切

起由此妙定即是一切三昧海故餘定為

門皆入此故彼全同此亦受海名

初一總明謂一起一切起者此上正釋由此下出所以有三初總攝敬二終歸此故三彼全同下通妨難謂有妄若取歸此如百川歸海何以能歸亦受海名故今通云約隨機別用故曰終歸實則體同更無異味即是總中之別義耳如於海中說百川味

所謂從知三世念念無差別善巧智三昧門

起從知三世一切法界所有微塵三昧門起

從現三世一切佛刹三昧門起從現一切眾

生舍宅三昧門起從知一切眾生心海三昧

門起從知一切眾生各別名字三昧門起從

知十方法界處所各差別三昧門起從知一

切微塵中各有無邊廣大佛身雲三昧門起

從演說一切法理趣海三昧門起

二所謂下別辯塵數既多略列其十一即

能知智三昧謂無一念暫差故云念念無

差而六廢遍知為善巧智二即所知塵境

上能所一對

所知塵境者此有二義一塵容納及為物因如八地中知微塵差別智二即六塵境亦名微塵境故安國云謂色等三塵界是現量境五識親證都無塵相如來藏中現現身器亦無塵相六七妄想謂有我法想所現相是分別變分別變相但可為境而無實用如日發鏡帶微塵而

共紅非實紅也如水澄清含輕雲而俱綠非實綠也如觀本質知畫像而非真若了藏性悟塵境而為妄故經云非不證真如而能了諸行皆如幻事等似有而非真故法界微塵以為三昧釋曰此義易了亦非經宗故疏含有而釋之似巧故鈔引之

三現廣利四現居處即於世界總別一對

楞伽經云如來藏識頓現一切身器及諸

受用器即廣利受用即是舍宅

五知心念差別六知身相名字即眾生色

心一對

七知廣處八知廣身即依正一對雖說微

塵意彰佛廣虛空無方有物處則現唯如

來藏是實物有依此建立處所各別隨菩

薩行利有淨穢隨眾生業趣類別故微塵

中佛復有一義謂如來藏是真佛身其體

廣大無能知者恒在六七微塵之中一一

有情各有藏識故云各有無邊大身楞伽經云

一

二

楞伽經云

者上即第一經文然彼明四頓義此是第三藏識頓分別知自心現及身安立受用境界喻也經云彼諸依正亦復如是頓發眾生所處境界以修行者安處於彼色究竟天釋曰今既不取所喻但取能喻藏識頓變之文從器即廣利以下以楞伽經配屬今經上引楞伽雙證三四二句廣利即第三句從現三世一切佛刹三昧門起舍宅即第四句故疏以受用二字配之彼經但云受用境界受用有二一共業所感外諸器界即如來藏識頓變其宅舍即是共中不共皆屬受用其器一字乃是義引欲配二句故微塵中佛即觀心釋廣如出現品

九從知一切法理趣者上八約事別別門顯此約理趣總該諸法故云一切大般若經理趣分說諸法皆空無生無滅無自性性離一切相不可願求然第一義湛然常住當知即是此如來藏思益經說處處避空皆不離空深密經說理趣有六一者真義理趣謂二障淨智所行真實二證得理趣謂於真義得如實知三教導理趣謂自

證已開示衆生此三爲本後三解釋四離  
 二邊理趣謂有問言云何名爲真義理趣  
 應答彼言非有非無非常非斷五不思議  
 理趣謂有問言云何證得應答彼言謂不  
 思議若於諸法遠離戲論爾時證得真勝  
 義性故知言說皆非真義六隨衆生所樂  
 理趣謂有問言云何教導應答彼言隨諸  
 衆生意樂各異順彼所欲方便開示彼真  
 義者即此藏身彼不思議即此三昧無著  
 菩薩說四意趣釋一切經亦理趣也如攝  
 論辯大般若下二引教成立引三經一論  
 初引大般若第十理趣分經當第  
 五百七十八彼經云此經並乃最諸會  
 之旨歸縮積篇之宗緒明是六百卷之理  
 趣也佛在他化自在天爲八十億大菩薩  
 說今既引兩節經文初至不可願求自  
 爲一節經云爾時世尊復依一切無戲論  
 法說如來之相爲諸菩薩宣說般若甚深  
 理趣輪宇法門謂一切法無願無所願  
 切法無相離衆相故一切法無願無所願

求故一切法寂靜永寂滅故一切法無常  
 無我性故一切法無樂非可樂故一切法  
 無常不自在故一切法無淨離淨相故一  
 切法不可得推舉其相不可得故釋曰  
 此上顯性空理趣然第二義者義引彼經  
 顯真實理而爲理趣若唯用前非真趣故  
 故彼經云爾時世尊復依一切住持藏法  
 如來之相爲諸菩薩宣說般若若一切有  
 住持過滿甚深諸理趣勝勝法門謂一切  
 情皆如來藏甚深諸理趣勝勝法門謂一切  
 生皆金剛藏一切皆依正語轉故一切衆  
 生皆妙法藏一切皆依正語轉故一切衆  
 生皆妙法藏一切皆依正語轉故一切衆  
 明有法非有後明無法不無非有非無是  
 中道理趣故既結云當知即是此如來藏  
 亦空不空一種之藏又攝別從總即藏身  
 三昧之所有也思益經下即彼經第一時  
 有五比丘問說法空從座起去等網明  
 今思益梵天爲作方便云梵天言善男  
 子縱使令去至恒河沙劫不能得出如是  
 法門譬如藏人異如虛空捨空而走在此  
 至處不離虛空此諸比丘亦復如是雖復  
 遠去不出一空相不出無相相不出無作相  
 又如一人求索虛空東西馳走言我欲得  
 空我欲得空是人但說虛空名字而不得  
 空於空中行而不見空此諸比丘亦復如  
 是欲求涅槃而行不見空此諸比丘亦復  
 者何涅槃者但有名字猶如虛空但有各  
 字不可得取涅槃亦爾但有名字而不可  
 得爾時五百比丘聞說是經不受諸法漏

盡心得解脫得阿羅漢道作如是言世尊  
 若人於諸法畢竟滅相中求涅槃者則於  
 其人佛不出世釋曰上經有二意一不離  
 空以有遺空求不得以空遺空二不  
 離空顯空體妙有求空不得顯空離相非  
 有非空亦非空非不空而諸比丘但得初  
 意故成羅漢今畢竟無求今疏通用二意  
 皆為理趣略引初喻以彰體周為真意趣  
 深密經者即第五經如來所作事品為文  
 殊說其第六事亦各意趣亦名理趣即今  
 所引而但列名不別解釋今既已略釋疏  
 中有二先引經正釋六理趣義在文可知  
 彼真義下後會釋經文而但釋二者由前  
 六中前三為本後三解釋則以三攝三也  
 今以真義攝於第四即以前攝後以不思  
 議攝其第二即以後攝前以真義直舉藏  
 身之體不思議正同三昧之相故十地論  
 釋所以金剛藏入三昧者顯此法非思量  
 境故其第三與六即是利他後普賢說法  
 是此一趣今言出定故略不言無著菩薩  
 者但指攝論而雜集第二莊嚴論第十三  
 皆同說四一千等意趣謂如說我昔曾於  
 彼時中名毗婆尸即名勝觀正等覺者無  
 性釋云謂一切佛由資糧等互相相似故說  
 彼即我非昔毗婆尸即今釋迦楞伽經中  
 約四義釋一字等二語等三身等四法等  
 故說即彼而實非彼二別時意趣謂如說  
 言若但須多寶如來各者便於無上正等  
 菩提已得決定又由唯發願便得往生極  
 樂世界無性釋云謂觀懈怠不能於法精

勤學者故作是言此意長養先時善根如  
 世間說但田一錢而得於千解云以後別  
 時而得彼千也以一錢為千錢因念佛為  
 善提因發願為安樂因也三別義意趣謂  
 如說言若已逢事爾所疏伽沙佛於大乘  
 法方能解義無性釋曰意約證相大乘不  
 就教相大乘故作是說四補特伽羅意樂  
 意趣謂如來先為一人讚歎布施後還毀  
 者隨此人得成何心故若人於財物有慳  
 吝心為除此心先為讚施若樂行施施是  
 下善欲令渴仰餘勝行故所以致之不達  
 言遠皆佛別意趣耳餘行例然今明普賢  
 亦善 上來九句唯第三四從現得名餘七  
 皆從所知立稱如此等類有一切世界海  
 微塵數合為一定即知此定是一切定耳  
 普賢菩薩從如是等三昧門起時  
 二普賢下大眾得益初標益時分亦是得  
 益所由  
 其諸菩薩一一各得世界海微塵數三昧海  
 雲世界海微塵數陀羅尼海雲世界海微塵  
 數諸法方便海雲世界海微塵數辯才門海



雲世界海微塵數修行海雲

後其諸下正明得益減數說九初五得菩

薩法門句各一義皆以前定舍此諸義故

又此五句後後成前前

世界海微塵數普照法界一切如來功德藏

智光明海雲世界海微塵數一切如來諸力

智慧無差別方便海雲世界海微塵數一切

如來一一毛孔中各現眾刹海雲世界海微

塵數一一菩薩示現從兜率天宮殺下生成

佛轉正法輪般涅槃等海雲

後四得佛果法即如來三業一得照藏身

之實智二得藏身力用之權智三身毛現

刹四應垂八相義兼口轉亦以藏身舍此

義故普賢出定他人益者感應道交故如

春萌芽陽氣久滿東風一拂眾藥齊敷諸

菩薩眾積善以深久同行願纔觀勝境萬

德頓圓冥顯雙資于何不可

冥顯雙資者謂宿善為冥

資以暗成故現業為顯資事昭著故今當俱句亦有冥而非顯但有宿善故復有顯而非冥現身精動宿無善故其非冥非顯此非機感欲成機乃是大慈通相所被此上四句但約於機對機說應亦有四句一冥應今所得功德不自覺知二顯應現

形說法光獎現相等三俱四俱非俱非不名為應若取大聖無心即應無應亦得名

應以機對應乃成九句謂一冥機顯應二顯機冥應三冥機對復成四句一冥機顯

四句二單復相對復成四句一冥機顯應二顯機冥應三冥機對復成一句謂冥顯二

機顯應三以復對復成一句謂冥顯二善真著精心顯影是謂冥顯機也入定冥

資起用顯益即冥顯應也今舉冥顯之機

成前得益故云冥顯雙資于何不可

假一

如此世界中普賢菩薩從三昧起諸菩薩眾

獲如是益如是一切世界海及彼世界海所

有微塵一一塵中悉亦如是

二如此下類通可知

爾時十方一切世界海以諸佛威神力及普賢菩薩三昧力故悉皆微動

第四爾時下現相作證分然得益心喜喜則地動及有諸瑞諸會聞竟得益故現相居後此會雖即未聞已先得益故先現瑞

以此會辯果顯殊勝故文中有四一世界微動兼出瑞因由因果二力言微動者是

前相故

一一世界眾寶莊嚴

二眾寶莊嚴

及出妙音演說諸法

三出音說法

復於一切如來眾會道場海中普雨十種大摩尼王雲何等為十所謂妙金星幢摩尼王雲光明照曜摩尼王雲寶輪垂下摩尼王雲

眾寶藏現菩薩像摩尼王雲稱揚佛名摩尼王雲光明熾盛普照一切佛刹道場摩尼王雲光照十方種種變化摩尼王雲稱讚一切菩薩功德摩尼王雲如日光熾盛摩尼王雲悅意樂音周聞十方摩尼王雲

四佛會雨寶略舉十種以顯無盡前三事相寶後七法化傳通寶並是出世善根所生

普雨如是十種大摩尼王雲已一切如來諸毛孔中咸放光明於光明中而說頌言

第五普雨如是十種雲已下毛光讚德分於中二初結前生後後正顯偈詞

普賢徧住於諸刹坐寶蓮華眾所觀一切神通靡不現無量三昧皆能入

詞中十頌分三初一總述前定次八別顯

遍相後一結讚所由

普賢恒以種種身法界周流悉充滿三昧神

通方便力圓音廣說皆無礙

一切剎中諸佛所種種三昧現神通一一神

通悉周徧十方國土無遺者

如一切剎如來所彼剎塵中悉亦然

別顯中二前二偈半直述前遍

所現三昧神通事毗盧遮那之願力

後五偈半舉因顯過於中二初半偈緣力

遍

普賢身相如虛空依真而住非國土隨諸眾

生心所欲示現普身等一切

後五因力過於中四初偈即體而用故遍

前半體後半用身相如空法性身也依真

而住法性土也隨機普應受用化也身相如空

教一

八

者疏文有二先略釋經文具四身土前半  
即一法性身土具如疏釋後半有一身土  
謂受用字即他受用化字即是變化順經  
示現故其自受用舍在前半以身如虛空  
自受用相良以總有非國問法性身土為  
土言故但屬法性身土耳

十種土隨身顯乃有五重

一依佛地論唯以清淨法界而為法身亦

以法性而為其土性雖一味隨身土相而

分二別智論云在有情數中名為佛性在

非情數中名為法性假說能所而實無差

唯識云雖此身土體無差別而屬佛法性

相異故謂法性屬佛為法性身法性屬法

為法性土性隨相異故云爾也今言如虛

空者唯識論云此之身土俱非色攝雖不

可說形量大小然隨事相其量無邊譬如

假

九

虛空遍一切處故如虛空言通喻身土依一

佛地下第二雙釋二章然淨土之義次二  
 品廣明問明賢首第五迴向等復當廣說  
 法身之義立文已具一經往來顯善賢身今十  
 此中亦即一段奇如來身顯善賢身今十  
 中第一文中四初依論正立二論自新  
 妨三為論引證四會釋經文性雖一味下  
 二解妨即正答前問也謂與身為性名法  
 性身與土為性名法性土即三士三身之  
 真性也未失一味智論云下三為論引證  
 共答前問亦猶外典天地萬物同稟陰陽  
 之元氣也佛者是覺人有靈知之覺今第  
 一義空與之為性故名佛性非情無覺但  
 持自體得稱為法今真性與之為性故名  
 法性是故結云假說能所而實無差唯識  
 下亦為證前即第十論云又自性身依法  
 性土雖此身土俱非色攝雖不可說形量  
 異故此佛身土俱非色攝雖不可說形量  
 大小然隨事相其量無邊譬如虛空遍一  
 切處釋曰此文兼證後段如空論文易了  
 謂法性屬佛下是疏釋論準彼疏云佛義  
 是相為功德法所依止故眾德聚故二身  
 自體故法是性義功德自性故能持自性  
 故諸法自性故體為土義相義為身此公  
 意云屬佛是相屬法是性直語所依名土  
 故云相義為身今既能依名所依為法性身  
 故名屬佛土無覺義但持自性故名為法  
 性隨相異身土約相則有二差隨所依

性則無差別今以無差之性隨有差之相  
 故云性隨相異也今言如虛空下四會釋  
 經文然隨事相其量無邊者以變化等三  
 身三土事既無邊與之為性豈有邊耶既  
 如虛空則通一切色非色處既結云故如  
 虛空通喻身土者按於經文但言身相如  
 虛空按唯識云此之身土皆  
 喻如空則顯虛空喻兼下句 二或唯大智  
 而為法身所證真如為法性土無性攝論  
 云無垢無罣礙智為法身故若爾云何言  
 相如虛空智體無礙同虛空故  
 三亦智亦如而為法身梁攝論及金光明  
 皆云唯如如及如智獨存名法身故此  
 則身舍如智土則唯如  
 四境智雙泯而為法身經云如來法身非  
 心非境土亦隨爾依於此義諸契經中皆  
 說如來身土無二此則依真之言顯無能  
 所方曰依真成如空義  
 五此上四句合為一無礙法身隨說皆得

土亦如之

六此上總別五句相融形奪混茲五說迴

然無寄以為法身土亦如也此上單就境

智以辯

七通攝五分及悲願等所行恒沙功德無

不皆是此法身收以修生功德必證理故

融攝無礙即此所證真如體大為法性土

依於此義身土迥異今言身相即諸功德

言如虛空即身之性下經亦云解如來身

非如虛空一切功德無量妙法所圓滿故

下經亦云者即第五迴向經下更一句云

於一切處令諸眾生積集善根悉充足故

前明自利八通收報化色相功德無不皆

是此法身收故攝論中三十二相等皆法

身攝然有三義一相即如故歸理法身二

智所現故屬智法身三當相並是功德法

故名為法身其所依土則通性相淨穢無

礙我此土淨而汝不見眾生意燒淨土不

毀色即是如相即非相身土事理交互依

持通有四句謂色身依色相土色身依法

性土法身依法性土及依色相故又以單

雙互望亦成五句謂色相身依法性色相

土等準以思之我此土淨而汝不見即淨

毀即法華第五並如下引色即是如相即

非相即義引大品等經身土事理互交徹

故結前生後然結前三文成上三義謂引

淨名成第三當相即是功德身土則具妙

莊嚴通自他受用二引法華成智法身土

亦通性相智所現身者若大圓鏡智現自

受用身平等性智現他受用身成所作智

現變化身此三身融則三土亦融變化則

毀自他受用皆悉不毀我此土安隱即自

受用天人常充滿即他受用三義引大品

色即是如成第一義相即如故如即法性

土相通諸土即法性身與色相身無礙依

生後者生後四句文有兩重四句初四唯

單相對其色相言通於報化自受用報化

他受用報皆色相故二又以單對復成四

句唯出其一令準思於五上即第一二法  
 性身依色相法性土三法性色相身依色  
 相土四法性色相身依法性土第五有一  
 俱句謂法性色相身依法性色相土則是  
 性相無礙之身依 此上猶通諸大乘教上此  
 性相無礙之土 猶通者結前生後生後唯屬一乘華嚴之  
 宗結前不出法性色相之身土及四身四  
 土之義故謂一及第四唯法性二三法性  
 及如智五六具上諸義亦不出如智七八  
 方具事理無礙上之八門不出事理無礙  
 實教之宗故通諸大乘即同教一乘義也  
 故此下二方是事無礙九通攝三種世間  
 礙法界別教一乘宗也 皆為一大法身具十佛故其三身等並此  
 中智正覺攝故土亦如之即如空身而示  
 音身于何不具此唯華嚴 九通攝者如八  
 世間故謂眾生身國土身等已見玄文即  
 如空身者會釋經文謂經但云身相如空  
 等何有十身之義故今釋云如虛空言即  
 十身中虛空身也八地之中十身相作今  
 云示現普身則兩重十身皆悉具矣如下  
 云以虛空身作眾生身作國土身作業報  
 身作聲聞身作緣覺身作菩薩身作如來  
 身是為虛空示餘九身其如來身上既具  
 普提身願身化身法身智身等則有百身  
 千身一一類身復各攝多故云示現普身

等一切也又如虛空言合法身智 十土分  
 身即是真身即真而現何不具矣 權實唯有第九屬於此經若據融攝及攝  
 同教總前九義為一總句是謂如來無礙  
 身土普賢亦爾義隨隱顯不可累安達者  
 尋文無生局見 以十土分權實者為揀淺深  
 不攝權亦非真實如說海水異於百川不  
 攝百川非海水矣隨義布列有十不同得  
 意而談一 融攝 上言土有五重者一唯法性屬  
 前三身二者雙泯屬於第四三具性相五  
 六七八所依四融三世間屬於第九五總  
 前諸義即第十依 上言土有五重下三別  
 示土相謂前三如智有 雜合之殊故分三身其所  
 依土唯一法性餘可忍準 普賢安住諸大願獲此無量神通力一切佛  
 身所有剎悉現其形而詣彼一切眾海無有  
 邊分身住彼亦無量  
 二普賢安住下一偈半大願故遍兼顯遍

於正中之依也重重皆遍今不見者機不

應故不見即是虛空身故亦遍不見處故

重重皆遍下通其妨難云如上所說則

無一處無有普賢今何不見釋有三意一

約機不見是盲者過二不見是見見虛空

身謂以虛空不可見故若不見故若不見

者真見虛空三亦過不見處故者明見則

不過何者以可見不可見皆是普賢身要

今可見為身則普賢身不周十三萬有如智不

可見豈非智身耶明知由有不見之處方

知通耳此第三身何人能見慧眼方

見非肉眼所見慧眼無見無不見故

所現國土皆嚴淨一剎那中見多劫普賢安

住一切剎所現神通勝無比震動十方靡不

周令其觀者悉得見

三有一偈半明所現超勝

一切佛智功德力種種大法皆成滿以諸三

昧方便門示已往昔菩提行

四有一偈果德已滿不捨因門

如是自在不思議十方國土皆示現為顯普

入諸三昧佛光雲中讚功德

第三一偈結讚所由者自在難思現無不

普標入一定實則普游非佛光雲安能讚

迷

爾時一切菩薩眾皆向普賢合掌瞻仰承佛

神力同聲讚言

第六大眾讚請分前眾問佛佛示法主眾

覲定起故讚請普賢前但舊眾此通新舊

故云一切所問同前故但略舉

從諸佛法而出生亦因如來願力起真如平

等虛空藏汝已嚴淨此法身

十頌分三初八歎主請彰其能說次一舉

法請正陳所疑後一歎眾請明有堪聞之

器前中二初五頌歎普賢因果深廣德明

有說因後三歎能遍塵刹雨法德明有說

果今初偈各一義初一讚已淨法身三句  
 明因一句明果因有三義一因修法生義  
 通緣了二由大願起即是緣因三依如來  
 藏證真平等此為正因真如即是不空虛  
 空即是空藏平等與藏通上二義

一因修  
法生等

者然準涅槃緣因對於正因了因對於生  
 因而緣亦名了如鮮煖等為略緣因即能  
 了彼乳中之酪令得成酪而今開異義小  
 殊故了謂照了不通於生緣謂眾緣義通  
 生了今從別義又對正因是真如故云通  
 緣了如不可生故但名了得云出生者出  
 於二障故曰出生非生真如諸佛法言通  
 教理行果通於二因義如上說真如即是  
 不空者此言不空自有二義一空者所謂  
 生死不空者是謂真如涅槃二對下空藏  
 是不空藏妙有之中含性德故平等與藏  
 者藏通真如是不空如來藏藏通虛空是  
 空如來藏平等通二者一真如體性平等  
 二虛空無相平等此二不二是真平等悟  
 法性空是真如故經云汝已嚴淨此法身  
 者對上真如即是法身出障名淨因華行  
 滿是已莊嚴  
 易故不釋

一切佛刹眾會中普賢徧住於其所功德智

假一

十四

海光明者等照十方無不見

二讚遍住佛刹第三句遍因餘皆遍相因

中具智莊嚴故能等照具功德嚴令無不

親

普賢廣大功德海徧往十方親近佛一切塵

中所有刹悉能詣彼而明現

三讚近佛

佛子我曹常見汝諸如來所悉親近住於三

昧實境中一切國土微塵劫

四讚常定實境中者不隨想轉故曹者輩

也

假一

十五

佛子能以普徧身悉詣十方諸國土眾生大

海咸濟度法界微塵無不入

五讚度生曲盡微塵者細處有多眾生故

細處有多眾生者即離世間品五十五經  
 十種如金剛大乘誓願心中第二心云菩



薩摩訶薩人作是念於一毛端處有無量  
無邊衆生何況一切法界我當盡以無上  
涅槃而滅度之是為第二如金剛大乘誓  
願心今云法界微塵無不入與一毛端處  
大意

同也

入於法界一切塵其身無盡無差別譬如虛

空悉周徧演說如來廣大法

一切功德光明者如雲廣大殊勝衆生海

中皆往詣說佛所行無等法

為度衆生於劫海普賢勝行皆修習演一切

法如大雲其音廣大靡不聞

二有三頌說法果中初一讚常演大法如

空之言下喻廣大前喻無盡無差

明有說果者此

有二意一說法即果對上說因諸為說果  
二稱根令喜是說法果今具二意謂具功  
德光明廣大勝力等即說法因今能遍說  
即是說果是初意也二由上遍說勝法能  
度衆生即是後次一讚說無等法無等有  
義以稱根故二一能說力勝具二嚴故二所說無等說

佛所行故一能說力勝者即是說因功德  
嚴此以前半力殊勝言後一頌舉因結果  
釋此無等下釋易知

顯德有由曠劫因圓故故能雲雨說法  
國土云何得成立諸佛云何而出現及以一切衆生海願隨其義如實說

二一頌舉法請中前品所問雖有多門統

其要歸莫過三種世間故今三句各顯其

一又前問總該諸會此令當會答故又前問等

此有二意唯問於三一以要攝廣故二  
明總別不同故總即廣問別故唯三

此中無量大衆海悉在尊前恭敬住為轉清

淨妙法輪一切諸佛皆隨喜

末後一頌歎衆請亦各自述此有二義一

恭敬一心內堪受法二諸佛隨喜外有勝

緣故應說也說則上順佛心下隨物欲

世界成就品第四

初來意者前說緣既具此下正陳所說總

明果相別答法界安立海問故此品來

初來

意者疏文有二初總明分來對前二品以

為說緣生下三品為正所說總明果相下

二別明品來此句對下華藏為別別明本

師之所嚴淨故指此品以為總明諸佛果

相是古德意下句指前答問二問不同故

二品別答後品自答世界海問是既新意

然答問雖異總別二釋名者世謂三世墮

無遠故雙存二義

去來今故界謂方分有彼此故又世謂隱

覆界亦分齊謂諸有為可破壞世即隱覆

無為不可壞法從真性起同無為法即隱

覆有為可破壞世各不相雜是其分齊是

故感娑婆者對華藏而見娑婆感華藏者

對娑婆而見華藏成就者即能成之緣謂

十緣等能所合目若以世界之成就即依

主釋也準梵本中云世界海成就下文辯

海譯人畧也意云佛果依正聞修方起眾

七

七

七

七

七

生業報本自有之故但標世界耳

二釋名

其二釋一以破壞釋世二以隱覆釋世若

唯前解令華藏利是可破壞今為此釋令

華藏利從無為起同於真極不可破壞故

感娑婆下雙出不難隱覆之義言成就下

二釋成就二字能成之緣通因及果起具

因緣此一是因體性依住等是果故總具

十門世界成立準梵本下四會梵文既唯

會一海字若具梵云嚕迦馱都羅三慕達

羅海濕第奢說匠縛恒婁說餘三羊陀

計儉摩給姆姑各鉢里勿多品若依迴文

總云觀察十方世界海演說合集名品今

經譯家存略太甚餘言可略海字切要故

疏會取意云佛果下出無海意以剎海莊

嚴是佛修起直語世界眾生業成無始有

之故但云世界雖為譯三宗趣者標列無

家出理實則海言切要

邊勝德廣釋所知世界海為宗然其意趣

乃有多種一令諸菩薩發大信解悟入為

趣謂令知佛及菩薩大悲行海廣覆無盡

眾生界傲而行故世界無邊悉嚴淨故眾

生無邊悉化度故剎由心異當淨自心及

他心故世界重重無盡無盡以大行願悉

充滿故佛界生界非一非異能正了知成大智故未能了者熏成種故皆意趣也亦為顯此深意故此品來故下頌云離諸諂誑心清淨常樂慈悲性歡喜志欲廣大深信人彼聞此法生欣悅若不聞此無邊無

盡無二之境滯於權小普賢行願何由可

成故普賢自說為令眾生等文皆是此品

之意趣也然其意下趣中有六初總標一今諸菩薩下二別顯別顯之中

總有六意唯初有一字餘無次第但以故字而為揀別亦為下三結成來意故下頌下四引文證成變成來意宗趣若不聞下五反以成立故普賢下六引普賢結經文

之具

爾時普賢菩薩摩訶薩以佛神力徧觀察一切世界海一切眾生海一切諸佛海一切法界海一切眾生業海一切眾生根欲海一切諸佛法輪海一切三世海一切如來願力海

一切如來神變海

四釋文者三品正陳法海於中分二初二

品明果後一品辯因然有二意一約兼明

則前二品通答前三十句果問後一品答

前十句因問說因為欲成果從多而說分

明舉果二將前二品望前品末三問通答

依正若望下廣文正明於依傍顯於正留

其正報後分廣故於中初品通辯諸佛及

諸眾生所有利海後品別明本師之所嚴

淨又此品明成刹之緣後品別辯果相故

此品答安立之問其中雖明形等亦是緣

故又此品者前釋對二種來意中前義此釋對後義此品成刹之緣具果具因後

品唯今初分二先總標綱要即為本分後

正陳本義即是說分前中亦二先承力徧

觀後牒問許說今初上入三昧內契其源

今云徧觀外審其相十海之義已如問釋

但小不次耳但觀於十已舍餘三十佛海

之中具身等故大願之中舍因等故

但觀於十

下通難難云問有四十何唯觀十故答意云十海為總已舍所餘三十別問佛海之中者是佛必有六根三業為體相顯著之十必有德用圓備謂佛地等故具二十大

願海中已攝因中發趣等十故四十無遺

如是觀察已普告一切道場眾海諸菩薩言

第二如是觀察已下牒問許說於中分四

一牒問畧歎二許說分齊三說所成益四

讚勝誠聽今初分二先結前生後

佛子諸佛世尊知一切世界海成壞清淨智

不可思議知一切眾生業海智不可思議知

一切法界安立海智不可思議說一切無邊

佛海智不可思議入一切欲解根海智不可

思議一念普知一切三世海智不可思議顯

示一切如來無量願海智不可思議示現一

切佛神變海智不可思議轉法輪海智不可

思議建立演說海不可思議

後佛子下正牒稱歎即從後向前牒上果

問三十句也初十句牒上世界海等十問

觀乃觀海歎乃歎智者智之與海反覆相

成謂前自智觀海微細難知知唯佛智方

能究盡海難思故佛智難思佛智難思故

海為深廣觀乃觀海下釋妨難即心口相違難此難因前而生若爾

何不說智而但說海智離海境安知其相

又表唯所證知故但說海三若爾下重難即歎說不同難

此難望後說分而生四智離海境下再答中二先約教相謂智之異相因所知故又表以下二約證

相海是所證故十智望海與問開合小異

名或小差謂一中前問及觀但云世界海

今加成壞望前與智中亦有成壞之言此

乃廣畧之異耳言清淨智者離所知障決斷分明故初句貫下置清淨言餘皆畧也然皆以多故廣故深故細故重疊難知迥超言念皆云不思議也二知衆生業海者衆生即報類差別業即善惡等殊從此別義觀中開爲二句而因果雖殊同是所化衆生故此及問并與智中並合爲一三即世界都稱或化衆生法謂安立施設方便軌則等也四能化諸佛數量無邊五即所化根欲差別難知而問中合在後之五海五海皆須知根欲故六即所應之時前就所觀但云三世今就佛智故云一念能知其問及與智皆云佛解脫海者以一念普知三世是佛不思議解脫故七稱性大願爲現身說法徧化之因故前問是名號海

及壽量海與智之中名普入法界一切世界海智皆由願力故也八應機作用神變無方九轉稱性大法輪海若據問中攝法輪海在演說中若約向觀攝演說海在法輪中今此開二演說第十謂隨方施設言

音差別及法輪隨機故與智中亦開名佛

音聲智十智望海下正釋經文於中有二

前品今對三文并此爲四言望海者即前

所觀言與問者即第六經初此唯對二下

別釋中兼對與智即是前品意加一中前

問下別釋鈎鎖相連令義無遺今當具出

問中十海一世界海二衆生海三法界安

立海四佛海五波羅蜜海六佛解脫海七

佛變化海八佛演說海九佛名號海十佛

壽量海與智中十海智一能入一切智性

力智二入法界無邊量智三成就一切佛

境智四知一切世界海成壞智五一切衆

生界廣大智六住諸佛甚深解脫無差別

諸三昧智七入一切苦薩諸根海智八一

切衆生語言海轉法輪辭辯智九普入法

界一切世界海身智十得一切佛音聲智

觀中十海一切世界海二一切衆生海

三一切諸佛海四一切法界海五一切衆

生業海六一切眾生根欲海七一切諸佛  
 法無海八一切神變海九一切如來願力  
 海十一切如來神變海十智一  
 一切世界海成壞智二一切眾生業海智三  
 一切法界安立海智四一切無邊佛海智  
 五一切欲解根海智六一念普知一切三  
 世智七顯示一切如來無量願海智八示  
 現一切佛神變海智九轉法輪智十建立  
 演說海智其勸說中十法亦是十海已如  
 上會文無海言今略不出今對會四文即  
 分為四第一以歎智對觀海辯次第者第  
 一智觀第一海第二智觀第二及第五海  
 第三觀第四海第四觀第三第五觀第六第  
 六觀第八第七觀第九第八觀第十第九  
 第十並觀第七但看前列次第可知疏中  
 所會正是此對第二若將數智對與智次  
 第者所歎第一即與智第四即與智五三  
 即是二四即是三五即是七六即是六七  
 即是九八即是六九即是八十即是十彼  
 有總句故彼六中舍此六八第三若將歎  
 智對問十海多同第一對觀海辯若具說  
 者前四如次對四海第五通過後五六即  
 彼六七即九十八即第七此九與十皆是  
 彼八第四若將十觀海對問十海者此觀  
 第一即問第一二即彼後五六可二七即  
 彼三五亦彼二亦後五六可二七即  
 彼八八即彼六九即彼九及與第十此第  
 十海即彼第七也復應將觀海對問十海  
 如前問中以對更應將與智對問十海前  
 與智中已對若更將十海對加所為中十

法已如前品所為中明故今略出四  
 門而已餘義疏中具會細尋易了  
 清淨佛身不可思議無邊色相海普照明不  
 可思議相及隨好皆清淨不可思議無邊色  
 相光明輪海具足清淨不可思議種種色相  
 光明雲海不可思議殊勝寶燄海不可思議  
 成就言音海不可思議示現三種自在海調  
 伏成熟一切眾生不可思議勇猛調伏諸眾  
 生海無空過者不可思議  
 二清淨下九句牒上六根三業十問向十  
 約智明不思議此下直就法體為不思議  
 又望前問開合影略顯無盡故以總收別  
 但廣身光等一應機之身修短難測二現  
 金銀等色類無邊三十蓮華藏剎塵數相  
 好過於此四圓光大小隨機無盡五隨緣  
 放光色類非一六常光如焰具眾寶色七

圓音無盡深廣難測八三輪攝化謂神足等九調令成益得果不空然其調伏曲有三種一者始終輒語應將攝者而將攝故二者始終麤語應折伏者而折伏故三者有時輒語有時麤語應成熟者而成熟故

由具此三故無空過

以總收別者以三業之總攝六根之別言

但廣身光等者等取前光明及音聲智慧二光為身音聲屬二智慧是意今又並具故致等言即開三業而為十耳

安住佛地不可思議入如來境界不可思議威力護持不可思議觀察一切佛智所行不可思議諸力圓滿無能摧伏不可思議無畏功德無能過者不可思議住無差別三昧不可思議神通變化不可思議清淨自在智不可思議一切佛法無能毀壞不可思議  
三安住佛地下十句牒上最初德用圓備

假一

三

十問前問中畧無變化及自在二句以攝在無能攝取句中義如前會亦以前文十海有故神變屬身自在屬智餘並可知如是等一切法我當承佛神力及一切如來威神力故具足宣說

第二如是等下許說分齊謂具足說故承

佛力者當會佛也若言具者何以下文唯

說安立及世界海耶經來不盡故又雖說

二世界海亦已通具三十句問

若言具者有二意一經來未盡約顯現答遮那品末無有結束故若經具來應更答餘三十八

問謂界必有生而依住故有佛現故安立

異故行業感故餘可意求

謂界必有生下二出所兼之相

略出三海謂一眾生二佛三行業及能兼二已有五海言餘可意求者即餘五海等謂一有生必有根欲為一有佛必由願力為二必有神變善周為三必轉法益生為四必有作用解脫為五則十海具矣具海既爾具餘例然此依別答四十問說若約

十海為總此但卷二下別答八已如  
現相品明則十海之中兼餘三十

為令眾生入佛智慧海故為令一切菩薩於  
佛功德海中得安住故為令一切世界海一  
切佛自在所莊嚴故為令一切劫海中如來  
種性恒不斷故為令於一切世界海中顯示

諸法真實性故為令隨一切眾生無量解海  
而演說故為令隨一切眾生諸根海方便令  
生諸佛法故為令隨一切眾生樂欲海摧破  
一切障礙山故為令隨一切眾生心行海令  
淨修治出要道故為令一切菩薩安住普賢  
願海中故

第三為令下說所成益十句攝為五對一  
證智成福對二嚴刹紹種對亦即時處對  
三顯義演教對四生善滅惡對五淨業普  
願對文並可知此亦通為一經教起之所

因也此十亦對前十海十智恐繁不會此  
亦對前十海十智者初一為令即具十智  
故云為令眾生入佛智慧海故餘九即十  
海一即佛海及神變海二即世界海三即  
三世海四即法界海五即轉法輪海六即  
眾生根海七八皆眾生海九即願海十  
海備矣對海既爾對智可知如對海故

是時普賢菩薩復欲令無量道場眾海生歡  
喜故

第四是時普賢下讚勝勸聽中文二初長  
行辯意後偈頌正顯今初十一句初一總  
標謂令聞法必生喜故

令於一切法增長愛樂故令生廣大真實信  
假一  
解海故令淨治普門法界藏身故令安立普  
賢願海故令淨治入三世平等智眼故令增  
長普照一切世間藏大慧海故令生陀羅尼  
力持一切法輪故令於一切道場中盡佛境  
界悉開示故令開闡一切如來法門故令增



長法界廣大甚深一切智性故即說頌言

餘十別顯喜義亦爲五對初二樂法生信

對二證性立願對三了真入俗對四持法

示佛對五開法增智對如文並顯

智慧甚深功德海普現十方無量國隨諸衆

生所應見光明徧照轉法輪

十方刹海巨思議佛無量劫皆嚴淨爲化衆

生使成熟出興一切諸國土

二正頌中十頌分二初八讚後二勸前中

亦二初二明佛出現意

佛境甚深難可思普示衆生令得入其心樂

小著諸有不能通達佛所悟

後六辯定法器於中初一揀非器

若有淨信堅固心常得親近善知識一切諸

佛與其力此乃能入如來智

離諸諂誑心清淨常樂慈悲性歡喜志欲廣

大深信人彼聞此法生欣悅

安住普賢諸願地修行菩薩清淨道觀察法

界如虛空此乃能知佛行處

此諸菩薩獲善利見佛一切神通力修餘道

者莫能知普賢行人方得悟

次四示法器

衆生廣大無有邊如來一切皆護念轉正法

輪靡不至毗盧遮那境界力

後一結歸佛力

一切刹土入我身所住諸佛亦復然汝應觀

我諸毛孔我今示汝佛境界

普賢行願無邊際我已修行得具足普賢境

界廣大身是佛所行應諦聽

及後二勸文並可知然通此十偈亦是牒

問以讚前長行總顯難思此下畧示難思之相而三十句間列不次含義並足欲委

配釋恐厭繁文

然遠此十下重釋得文結云欲委配釋恐厭繁文今

當配之初偈即應智慧地及無畏功德兼舍體相顯著等十句以言普現十方光明遍照等故第二偈即世界海及出現也第三偈標佛境第四偈標佛加持第五偈即

業海及樂欲海并調伏海第六偈前半波羅蜜海亦兼佛地次句法界海末句所行

第七偈即神變海第八偈前半衆生海後半演說海第九偈即佛解脫海及三自在

第十偈即大願海餘皆兼合可以意得非益觀智疏略不言明欲委尋文故鈔重出

爾時普賢菩薩摩訶薩告諸大眾言

第二廣陳本義分中分二初結集生起

諸佛子世界海有十種事過去現在未來諸

佛已說現說當說

二諸佛子下普賢顯說於三十句果問中

廣釋世界安立海問餘並攝之文分爲二

初標舉章門後依章別釋今初分三一立

二一  
二一六

數顯同二徵數列異三結畧顯廣今初先告佛子者使時情注其耳目也世界廣深目之爲海謂積剎成種積種成海海無別體世界都名然事類廣多略舉其十以表無盡三世同說彰其要勝又顯說決定無

改易也

何者爲十所謂世界海起具因緣世界海所依住世界海形狀世界海體性世界海莊嚴世界海清淨世界海佛出與世界海劫住世界海劫轉變差別世界海無差別門

二徵列中一明攬緣成立二成已依住三

外狀區分四內體差別五寶等莊校六垢

穢不生七佛出差殊八劫住修短九隨業

改變十包容必均此十亦攝十八圓滿後

品當會

諸佛子略說世界海有此十事若廣說者與世界海微塵數等過去現在未來諸佛已說現說當說

三諸佛子下結畧顯廣言世界海塵者智猶難測言豈具陳非證法雲安受茲說

然上十事於一一刹多少不定具緣一種或一或二或三或四或成四句謂一成一切等清淨一種或一或多或亦無之以有純穢刹故其次七事各各唯一謂依空住者非依光等故餘準思之其無差別一切皆具以約體性平等佛力融攝故說無差所以染淨皆具也有云一切世界相望互同名無差者則違下經文經云一世界海有世界海微塵數無差別故若依相望互同則無有差別之事有云下叙昔即判定

意若依下結過謂盡世界海皆作無差別故刹海中無差別事餘可知若將此十望刹種者具緣一種多少不定不得云一以其種中含有多類刹故清淨一事不得定言有無以其種中必含淨穢故其無差別多少亦均佛出劫住隨業轉變不得云一依形體嚴不得云多以其刹種別有體等故

若以此十獨望刹海形體依住莊嚴等四許其唯一餘必兼多故經云一一世界海有種種形故今言有世界海塵數者約融攝無盡之說也有云約一一刹海中所有諸刹各各一因等故有利海塵數者孟浪之甚何者且如刹海中刹雖多豈如刹海盡末爲塵之多若欲相同即一塵一緣方得相似何得

以一刹一緣充一刹多塵之數況積具緣  
等十有刹海之塵其一具緣自有刹海塵  
數是則通有刹海微塵數箇刹海微塵數  
矣一刹一緣一依一體安得充耶亦不得  
言通一切世界海說以下依住云一一世

界海有世界海塵數所依住故孟浪之甚

浪孟亦猛也莊子齊物篇云瞿鶴子問於  
長梧子曰吾聞諸夫子聖人不從事於務  
不就利不違害不喜求不緣道無謂有謂  
有謂無謂而遊乎塵垢之外夫子以為孟  
浪之言而我不以其為妙道之行也吾子以爲  
奚若釋曰今不取其事但取孟浪所出耳  
孟浪者率略之言也明其無當向秀云瀾  
漫無所趣捨之謂二字要連用何者下三  
彰非所以尋意可知猶恐難見請以喻明  
如一繫中盛於十樣十樣之中各盛十彈  
子一繫如刹海一標如刹種彈子如一刹  
若言一繫之中有一彈子無差以充其數一  
得以一繫之內有一彈子無差以充其數一  
彈子但有一百一彈子之塵已難知數况  
一百彈子盡林為塵則數不可量便將一  
百之數以充一繫彈子之塵故為孟浪  
也得斯喻意尋數易了亦不得言者第四  
生塵昔救恐有救云一刹海中刹不充一

刹海中塵今取一切刹海中刹以充一刹  
海中塵數豈不得耶亦如一彈子之塵  
不充一繫之塵若多繫彈子豈不完一繫  
之塵耶故今通云若依此義義則粗通奈  
何連文中既云一一世界海中則一海  
中即有世界海塵數不言一切世界海共  
為一世界海塵數豈得將此而為救耶亦  
猶一繫彈子即有一繫彈子塵數不言多  
之塵也

諸佛子略說以十種因緣故一切世界海已  
成現成當成

第二章別釋者十事不同則為十段一

一皆有長行與偈長行中各三謂標釋結

今初起具因緣標中略舉十種通成三世

一切佛刹

何者為十所謂如來神力故法應如是故一  
切衆生行業故一切菩薩成一切智所得故  
一切衆生及諸菩薩同集善根故一切菩薩  
嚴淨國土願力故一切菩薩成就不退行願

故一切菩薩清淨勝解自在故一切如來善  
根所流及一切諸佛成道時自在勢力故普  
賢菩薩自在願力故

二何者下釋然佛土之義雖有種種不出  
其三一法性土二受用土三變化土若開

受用有自有他則成四土統為二種謂淨

及穢或性及相融而為一有異餘宗然佛土下

疏文有三一辯類中初說三土二開三為  
四三合四為二四融二為一前一則唯識  
第十意然初說三者依三身故報有自他  
故為四身四身還依四土論云又自性身  
依法性土雖此身土體無差別而屬佛法  
性相異故此佛身土俱非色攝雖不可說  
形量大小然隨事相其量無邊譬如虛空  
遍一切處釋曰此義前品已引為下文用  
之故重委引論云自受用身還依自受用  
土謂大圓鏡智相應淨識由昔所修自利  
無漏純淨佛土因緣成執從初成佛盡未  
來際相續變為純淨佛土周圍無際眾寶  
莊嚴自受用身常依而住如淨土量所引  
亦爾諸根相好一一無邊無限善根所引  
生故功德智慧既非色法雖不可說形量  
大小而依所證及所依身亦可說言遍一

切處釋曰功德隨所仗身習慧隨所證如  
餘並可知論云他受用身亦依自土謂平  
淨佛土因緣成熱隨住十地菩薩所宜變  
為淨土或大或小或劣或勝前後改轉他  
受用身依之而住能依身量亦無定限若  
變化身依變化土謂成事智大慈悲力由  
昔所修利他無漏淨識淨土因緣成熱隨  
未登地有清所宜化為佛土或淨或穢或  
大或小前後改轉佛變化身依之而住能

依身量亦無定限釋曰上皆論文並易  
了二下疏用之須知所在統唯二種者三攝  
四為二也諸經論中皆有於此二種之二  
先攝上四為淨穢者乃有多義一前三皆  
淨四中為淨有穢則三類半為淨半類為  
穢二前中為淨淨以他受用斷分別障已證  
真如故得名淨淨變化皆穢設有七珍穢眾  
生住故亦非淨三後二皆穢仁王經云三  
賢十聖住果報唯淨一人言淨土而生公  
說有形皆穢無形為淨則唯法性為淨若  
爾自受用土豈稱穢耶此以真同真性不  
可說其形量大小則同淨穢二攝前四為  
性相者略有二門一法性為性餘三皆相  
二自受用土真同真性亦可各性餘二唯  
相四融而為一則淨穢性相三土四土  
無不圓融即此經意故云有異餘宗 又  
此淨土一質不成淨穢虧盈異質不成一  
理齊平有質不成搜源則冥無質不成緣

起萬形故形奪圓融無有障礙

又此淨土下第二融

攝因上第四義故略為此融然東安莊公本有三句無有質不成今加此句以成二對謂淨穢域絕不可言一理唯一味不可言異真同性空不可言有隨緣成立不可言無然一為遺異無相違有然其釋中一亦約理實則一義有其二種一約理一二約事一如自受用十方如來同有淨土不可言無而得稱一故疏成四句二對不同

又上略舉四句一向遮過實則即異即同

即有即無若互相形奪則一異兩亡有無

雙寂若圓融無礙則即一即多即無即有有是無有無是有無多是即一之多一是即多之一有無即事理無礙一多兼事事無礙由此重重故華藏刹一一塵中皆見法界餘土既不等因緣亦殊今文中初如玄中

三通顯次四別明後三則融攝轉變言初

三者一如來神力者謂一切淨穢等土皆是如來通慧力成爲物而取擬將普應佛應統之皆稱佛土故蓮華藏海佛所嚴淨而內含淨穢然就佛言之故無國而不淨也既即穢而淨故不思議二法如是者梵

云達磨多此云法爾或曰法性若是法性

即以本識如來藏身爲所依持恒頓變起

外諸器界若云法爾者謂有問言何以諸

佛衆生起於刹土答云法應如是不可致

詰若會此二謂法應如是藏識變起三衆

生業力者業有善惡國有淨穢故淨名以

萬行爲因又云衆生之類是菩薩佛土謂

法性雖一隨業成異佛隨異類取土攝生

涅槃微善觀經三心等其類非一上三初

因二緣三因 初三者下第二正釋經文釋

一切淨穢者此通三土唯除法性以言通慧力所成故此即偈又習慧神通力如是也言爲物而取擬將普應者除自受用皆爲物故佛應統之下解妨此有二妨一皆名佛土妨謂土有淨穢豈佛土故今答云穢亦佛土三界朽宅屬于一人娑婆雜惡居華藏內是我佛土然就佛言者通穢土稱淨妨此白淨名經中寶積願聞得佛國土清淨而佛容云衆生之類是則不探淨穢穢亦淨土故主疑云穢名佛土就統

以言穢名淨土。淨土者。何理故。有此答。就佛  
 皆淨。所以身子所見。即淨。故不思。諱者  
 土淨。而汝不見。既即。而淨。故不思。諱者  
 即以上。義會。下。獨。文。得。云。世。等。境。界。不。思  
 議。故。若。是。法。性。者。約。如。不。藏。隨。緣。成。立。淨  
 穢。諸。土。如。三。昧。品。引。楞。伽。說。此。從。通。相。不  
 局。眾。生。亦。不。局。佛。若。云。法。爾。者。即。法。爾。道  
 理。如。十。地。說。業。有。善。惡。下。先。總。釋。故。淨。名  
 下。後。引。證。引。三。經。四。文。淨。名。有。二。皆。佛。國  
 品。初。云。以。萬。行。為。因。者。經。云。寶。積。當。知。直  
 心。是。善。淨。土。善。淨。成。佛。時。不。誦。眾。生。來  
 生。其。國。深。心。是。善。淨。土。善。淨。成。佛。時。具  
 足。功。德。眾。生。來。生。其。國。善。提。心。是。善。淨  
 土。善。淨。成。佛。時。大。乘。眾。生。來。生。其。國。次。列  
 六。度。等。故。云。萬。行。為。因。又。云。眾。生。之。類。是  
 善。淨。土。等。者。亦。是。此。文。謂。法。性。雖。一。下  
 雙。釋。上。二。疏。文。有。三。初。隨。業。成。異。釋。上。萬  
 行。為。因。此。是。土。因。佛。隨。異。類。取。土。攝。生。釋  
 上。文。又。云。眾。生。之。類。是。善。淨。土。此。是。土  
 緣。即。佛。國。品。寶。積。獻。蓋。佛。為。現。變。見。淨。土  
 相。便。求。其。因。故。初。問。云。願。聞。得。佛。國。土。清  
 淨。舉。果。唯。願。世。尊。說。諸。善。淨。土。之。行。所  
 佛。答。云。眾。生。之。類。是。善。淨。土。之。行。所  
 以。者。何。善。淨。隨。所。化。眾。生。而。取。佛。土。隨。所  
 調。伏。眾。生。而。取。佛。土。隨。所。化。眾。生。而。取。佛。土。隨。所  
 土。一。向。為。物。經。云。隨。諸。眾。生。應。以。何。國。入  
 佛。智。慧。而。取。佛。土。隨。所。化。眾。生。而。取。佛。土。隨。所  
 善。淨。根。而。取。佛。土。隨。所。化。眾。生。而。取。佛。土。隨。所  
 微。釋。云。所。以。者。何。善。淨。取。於。淨。國。皆。為。鏡  
 茲。諸。眾。生。故。釋。曰。經。意。云。善。淨。修。因。取。土

皆緣眾生若無眾生取土何用此皆他受  
 用土及變化土緣故唯識中二土皆以利  
 他行成明為物取故彼經舉喻欲造宮室  
 須依空地若於虛空終不能成欲修淨土  
 必緣眾生若無眾生無修土處涅槃微善  
 下別引他經成其初義即二十一經高貴  
 德王菩薩品琉璃光菩薩從不動世界而  
 來無畏菩薩問佛此土眾生當造何業而  
 得生彼不動善世界佛以偈答廣列十善一  
 一皆生言微善者彼有偈云若於佛法僧  
 供養一香燈乃至獻一華則生不動國若  
 為怖畏故利養及福德書是經一偈則生  
 不動國造像若佛塔猶如大姆指常生歡  
 喜心即生不動國是也觀經三心者有三  
 種三心第一佛為章提希現淨土竟章提  
 希願生求因佛言欲生彼國當修三福一  
 者孝養父母奉事師長慈心不殺修十善  
 業二者受持三歸具足眾戒不犯威儀三  
 者發菩提心深信因果讀誦大乘勸進行  
 者如是三事名為淨業佛告阿難及韋提  
 希汝今知不此三種業過去未來現在諸  
 佛淨業正因釋曰若具此三何淨不致然  
 以生就佛總名為生如上引直心是善淨  
 淨土善薩成佛時不誦眾引生其國第  
 二上品上生文中云若有眾生願生彼國  
 發三種心即生文中云若有眾生願生彼國  
 心三者深心三者迴向發願心三者至誠  
 必生彼國第三云復有三種眾生當得往  
 生何等為三一等者慈心不殺具諸戒行二  
 者讀誦大乘方等經典三者修行六念迴

向發願願生彼國具此功德一日乃至七日即得往生釋曰第三三心多同初三而合初二開其後一此上諸心非但得生彼國而為生因亦能成彼淨國得為修因故觀經云三世諸佛淨業正因故今引為佛國因也上三初因二緣三因者然因略有二一變化因即第一如來通慧二感淨利因即是第三緣亦有二一約境利他眾生為緣二攝境從心皆自識變此中第二義是真心隨緣變耳

次四別明

者有因有緣初一自受用土因大圓鏡智之所成故二變化土因謂眾生菩薩共構一緣各隨行業來生其國凡聖同居三四二種他受用土因然初即初地以上如十大願中修淨土願是也後即八地已上功用不退行之所成故八地中有淨土分

四次

別明有因有緣者如鏡智所成是緣變化土因通因通緣佛以生為緣生以佛為緣謂眾生菩薩共構一緣者上已總明即直心是菩薩淨土等若菩薩自修直心眾生諛曲何由得生故勸物同修直心故菩薩以直心之因取直心土以應直心眾生為同構一緣來生其國萬行皆然故云隨其行業言凡聖同居者即變化土若他受用

惟聖所居變化之上凡聖同居聖居有二一就機化故二於凡身中初證聖果亦當居之他受用土因者略如上引唯識一何就佛說因今通菩薩謂佛國中修此二因成他受用即是佛因二住地菩薩修此二因得他受用約菩薩因初地八地地經廣說後三融攝者通於因緣初一即八地已上攪大海為酥酪變大地為黃金以染為淨以淨為染自在攝生故十自在中有利自在窮其因者清淨勝解勝解印持隨心變故次一謂成正覺時其身充滿十方世界微塵刹土念劫圓融一時成立由二種因一善根所流語因中也二成道勢力明果用也此一受用變化相融也即如經初即摩竭陀地堅固等後一無問成與不成常能融攝又前是妙覺此是等覺勝解印解以於境印持為性印持萬境隨心轉變一善根所流者即圓融修行自他二利無障礙行故其法性土通為諸土之體窮其得爾也



因者有正有助謂法爾為其正因以一切智及總以諸因而為緣因故其後三亦融

前土非有別體其法性土下第三料揀妨難問上之十句合於四土

何以特明三土因耶故為此釋次復問云四土之外別說圓融應有五土故今答云故其後三但融他四即是我宗非別有體圓融之因亦如上說又說淨土總有二義假一

一者行淨業為因感淨相果二以德業為因感自在淨果行業始自凡夫終至十地德業始起不動終至如來故第二別明是行業淨第三融攝是自在淨第一總明兵假一

新二淨故又此十事展轉生起謂諸佛土既為三總由佛力何以由之法如是故法爾云何而有異耶業不同故眾生由業佛復由何成一切智之所變故生佛有異何以凡聖同居同構一緣故何以復有純菩薩國菩薩願行力故既由行業何可轉變勝解自在故云何復得融攝重重佛及普賢自在力故又此十事下

力故又此十事下

假一

三五

諸佛子是為略說十種因緣若廣說者有世界海微塵數

三結畧顯廣如前已釋

大方廣佛華嚴經疏鈔會本第七之二

音釋

藥如累切花花泯彌盡切覈下革切縮烏版

繫心繫也緒徐與切詔彌正切娜考也娜娜如切分烏版

也分扶端也齊切分齊也輒乳克切微知陵切攬魯敢切穢烏廢切詰契吉切構居侯切

詔詔詔古況切欺也誑詔詔古況切欺也

詔詔詔古況切欺也

大方廣佛華嚴經疏鈔會本第七之三 假二

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時普賢菩薩欲重宣其義承佛威力觀察十方而說頌言

所說無邊衆刹海毗盧遮那悉嚴淨世尊境界不思議智慧神通力如是

第二偈頌多以果顯因文有九偈束為八段第一偈頌佛神力據此無邊刹海皆遮那嚴淨則下嚴華藏猶是分明理實而言

### 願周法界

菩薩修行諸願海普隨衆生心所欲衆生心行廣無邊菩薩國土徧十方

次一超頌衆生菩薩同集善根

菩薩趣於一切智勤修種種自在力無量願

海普出生廣大刹土皆成就

三一頌頌第四成一切智自受用土因前半因後半果成唯識云大圓鏡智相應淨識由昔所修自利無漏純淨佛土因緣成熟從初成佛盡未來際相續變為純淨佛

土周圍無際衆寶莊嚴配經可見

成唯識下此下

之文前已總引今當略釋大圓鏡智相應淨識即果位第八此是依因依此頌變故由昔所修下此是行因從初成佛下辨其果相初明豎長後周圍下明其橫廣

修諸行海無有邊入佛境界亦無量為淨十方諸國土一一土經無量劫

四一頌頌第六嚴淨願力及第七不退行

願修諸行海無有邊者論云謂平等性智大慈悲力由昔所修利他無漏純淨佛土因緣成熟隨住十地菩薩所宜變為淨土或小或大或劣或勝前後改變上經雖云

願力非無有行為分功用有無長行成其  
二句皆他受用故偈為一初句頌第六次  
句頌第七以八地已上念念入法流心心  
趣佛境故後之半偈通其二文論云等者  
上已具引  
先智及行俱是緣因亦以行為因以智為  
緣故云因緣亦上二皆因隨十地菩薩為

緣如上隨所化眾生等變為淨土即是果  
相初地見利等百三千故名為小二地即  
千三地即萬等後後大於前前前即  
劣後後漸勝下所引地義並如本品

眾生煩惱所擾濁分別欲樂非一相隨心造  
業不思議一切剎海斯成立

五一偈却頌第三眾生行業加造業因煩

惱所擾造於穢剎欲樂非一感土有殊前  
與菩薩同修必多善業故此明於煩惱

佛子剎海莊嚴藏離垢光明寶所成斯由廣  
大信解心十方所住咸如是

六一頌頌菩薩勝解

菩薩能修普賢行遊行法界微塵道塵中悉  
現無量剎清淨廣大如虛空

七一頌超頌普賢願力以普賢有三一位  
前普賢但發普賢心即是非今所用二位  
中普賢即等覺位故此居佛前三位後普

賢謂得果不捨因行故長行居後

等虛空界現神通悉詣道場諸佛所蓮華座  
上示眾相一一身包一切剎

一念普現於三世一切剎海皆成立佛以方  
便悉入中此是毗盧所嚴淨

八有二偈却頌如來自在前偈頌果用後

偈頌善流畧不頌法爾法爾即是法性通  
故畧之又第七偈依中有依第八偈正中  
有依第九偈融於三世故三共顯融攝無  
礙然其無礙通有十種諸教說土或謂但

是無常或云心變理事懸隔多一不融故

今經宗要辯無礙又第七下以義料揀成

藏觀意彼有五門一成立因緣正當此門

起具因緣二相狀布列即華藏品風輪香

海等三具德圓滿四次正融攝五攝成觀

智今初有二先深經略明即彼第四然其

無礙下即彼第三但解此二自成觀智略

無第五然彼具德指一香樹亦明十義一

此香樹即佛智身德二即轉法輪三事理

無礙四悲智德五維思德六體用無礙七

定亂無礙八微細德九佛境界德十緣起

無礙德而內外相參以成十門亦不引證

今為順經加減廢立皆引文證而具事理

事大小乘或云心變唯是一理事無礙謂

大乘理事懸隔明非實教

全同真性而剎相宛然經云華藏世界海

法界無差別莊嚴悉清淨故一道理下三

中引經即第十經偈末句云安住於空虛

今但取莊嚴為事法界為理無差別言即

是無礙二成壞無礙謂成即壞壞即成等

壞中不引文者義易了故亦是此偈故云

一一剎種中劫燒不思議所現雖敗惡其

庭常三廣陞無礙不壞相而普周故經云

體相如本無差別無等無量悉周徧等

四相入無礙下文云以一剎種入一切一

切入一亦無餘及此文云身包一切等其

文非一亦是一多無礙三中經云體相如

剎種章偈及後四相入中所引即前偈前

半具云以一剎種入一切一切一切一亦無

餘體相如本無差別五相即無礙文云無

量世界即一界故五相即無礙證六微細

無礙經云清淨珠玉布若雲炳然顯現諸

佛影等六清淨珠玉等即第八香水河偈

悉彌覆其珠等佛眉間相炳然顯現諸

佛影今但取初後二句是顯微細之義七

隱顯無礙謂染淨異類隱顯等殊見不同

故七隱顯中略不引經以義多故即此中

隨其義也以同處異見故不思議又形狀

偈云一切塵中所現剎皆是本願神通力

隨其心樂種種殊於虛空中悉能作釋口

說一應隨樂種種皆作莊嚴顯自在也然

說中略出二種隱顯一染淨隱顯如感婆

婆者對華嚴而見娑婆則淨慧染顯感華

藏者對娑婆而見華藏則染淨顯故摩  
竭提國共地金剛等二明異類顯如須  
彌山形世界一類顯時江河等形即皆  
隱也長剎顯時短剎則隱餘可例知

八  
重現無礙謂於塵中見一切剎剎內塵中

見剎亦然重重無盡如帝網故八重現無礙亦不引

文以華藏世界所有塵一一塵中見法界已類引故若更引者依住偈云或有因土

周法界清淨離垢從心現如影如九主伴幻廣無邊如因陀羅各差別等

無礙凡一世界必有一切以為眷屬下經

云毗盧遮那昔所行種種剎海皆清淨種

種剎即眷屬也凡所引即第八十時處無經釋小海中偈

礙謂或於一剎現三世劫或於一念現無

量剎如今第九偈文又下文云三世所有

諸莊嚴摩尼果中皆顯現十中又下文云即第八經河間

樹林此十無礙同時具足自在難知散在

諸文可以六相融之此十無礙下結釋六相之義略如前說廣

如十地起具因緣竟

爾時普賢菩薩復告大眾言諸佛子一一世界海有世界海微塵數所依住

第二段所依住通染淨也

所謂或依一切莊嚴住或依虛空住或依一

切寶光明住或依一切佛光明住或依一切

寶色光明住或依一切佛音聲住或依如幻

業生大力阿修羅形金剛手住或依一切世

主身住或依一切菩薩身住或依普賢菩薩

願所生一切差別莊嚴海住

長行釋中十事文並可知然依異者由於

心樂有差別故謂一依莊嚴住者樂飾好

故二樂無礙故三樂即質光故四怖眾苦

故五愛離質光故光作寶色非寶發光六

奉聖教故七求神護故八求天護故九菩

薩願力所任持故十普安眾生故

如何廣大世界依有情等小類而住此有二義一外由內感故說依身此復有二一宿因力頌云業力之所持故二現在轉變力即世主菩薩神力任持攝屬已故二由無漏體事大小無礙得相依住

如何廣大下隨難別

釋釋第八九有二義釋前通諸教後由無漏下即事事無礙宗故上普賢云一切刹土入我身所住諸佛亦復然故應觀我諸毛孔我今示汝佛境界

諸佛子世界海有如是等世界海微塵數所依住

三結

爾時普賢菩薩欲重宣其義承佛威力觀察十方而說頌言  
徧滿十方虛空界所有一切諸國土如來神力之所加處處現前皆可見  
頌有二十二文分兩別初一總顯一切世

界依佛神力而住故梵本云一切依佛神通現長行不列者若列則餘九非佛神通故偈以此文該於前十皆佛神力

或有種種諸國土無非離垢寶所成清淨摩尼最殊妙熾然普現光明海

後二十一偈別頌前文分之為九初一頌

依莊嚴住舉能顯所莊嚴之具皆寶成故

或有清淨光明刹依止虛空界而住

二半偈頌依空

或在摩尼寶海中復有安住光明藏

三半偈頌依寶光明

如來處此眾會海演說法輪皆巧妙諸佛境界廣無邊眾生見者心歡喜

四一偈頌佛光稟佛教光成世界故

有以摩尼作嚴飾狀如華燈廣分布香燄光

雲色熾然覆以妙寶光明網

五一偈頌寶色光明住以嚴及覆影顯依

住

或有刹土無邊際安住蓮華深大海廣博清

淨與世殊諸佛妙善莊嚴故

無二

或有刹海隨輪轉以佛威神得安住諸菩薩

衆徧在中常見無央廣大寶

六二偈頌佛音聲謂妙善所感音聲有威

神故

或有住於金剛手或復有住天主身毗盧遮

那無上尊常於此處轉法輪

七一偈頌七八二住兼顯說法

或依寶樹平均住香燄雲中亦復然或有依

諸大水中住堅固金剛海

或有依止金剛幢或有住於華海中廣大神

變無不周毗盧遮那此能現

或修或短無量種其相旋環亦非一妙莊嚴

藏與世殊清淨修治乃能見

如是種種各差別一切皆依願海住或有國

土常在空諸佛如雲悉充徧

或有在空懸覆住或時而有或無有或有國

土極清淨住於菩薩寶冠中

十方諸佛大神通一切皆於此中見諸佛音

聲咸徧滿斯由業力之所化

八有六偈頌依菩薩身住若樹若水皆菩

薩身菩薩現故長行但云菩薩此中兼依

佛身此中雖有願力是上宿善所持非普

賢願

或有國土周法界清淨離垢從心起如影如

幻廣無邊如因陀網各差別

或現種種莊嚴藏依止虛空而建立諸業境界不思議佛力顯示皆令見

九餘八頌皆頌普賢願所生住於中三初二偈明廣大國土周法界故前偈明淨識所生心外無體故如影像後偈難思業起起不離空

一一國土微塵內念念示現諸佛刹數皆無量等衆生普賢所作恒如是

爲欲成熟衆生故是中修行經劫海廣大神變靡不與法界之中悉周徧

法界國土一一塵諸大刹海住其中佛雲平等悉彌覆於一切處咸充滿  
如一塵中自在用一切塵內亦復然諸佛菩薩大神通毗盧遮那悉能現

次四偈明微細國土調生自在然佛力現

此亦普賢願收故二段文皆兼佛力

一切廣大諸刹土如影如幻亦如燄十方不見所從生亦復無來無去處

滅壞生成互循環復於虛空中無斃已莫不皆由清淨願廣大業力之所持

末後二偈彰刹體性結歸有在初偈明刹

依性有有即非有次半成壞更起猶若尋

環後半結歸普願兼顯廣業 依住竟

爾時普賢菩薩復告大衆言諸佛子世界海有種種差別形相

第三形相亦通染淨

所謂或圓或方或非圓方無量差別或如水漩形或如山燄形或如樹形或如華形或如宮殿形或如衆生形或如佛形

長行釋中非圓方者三維八隅皆非圓方



故云無量差別山焰形者如山似焰皆取  
上尖對上方圓等故餘並可知  
如是等有世界海微塵數

三結

爾時普賢菩薩欲重宣其義承佛威力觀察  
十方而說頌言

諸國土海種種別種種莊嚴種種住殊形共  
美徧十方汝等咸應共觀察

頌中十偈初之一頌總讚勸觀

其狀或圓或有方或復三維及八隅摩尼輪

狀蓮華等一切皆由業令異

或有清淨皎莊嚴真金間錯多殊好門闥競

開無壅滯斯由業廣意無雜

餘皆正頌前義兼舉因顯果於中初二頌  
前十段後七頌前無量差別今初摩尼輪

者即水旋之類淨焰莊嚴頌上山焰門闥  
競開義兼宮殿

刹海無邊差別藏譬如雲布在虛空寶輪布  
地妙莊嚴諸佛光明照耀中

一切國土心分別種種光明而照現佛於如  
是刹海中各各示現神通力

或有雜染或清淨受苦受樂各差別斯由業  
海不思議諸流轉法恒如是

後七中分二前三彰刹由因異

一毛孔內難思刹等微塵數種種住一一皆

有徧照尊在衆會中宣妙法

於一塵中大小刹種種差別如塵數平坦高  
下各不同佛悉往詣轉法輪

一切塵中所現刹皆是本願神通力隨其心  
樂種種殊於虛空中悉能作

一切國土所有塵一一塵中佛皆入普為衆  
生起神變毗盧遮那法如是

後四明自在由佛一毛孔內難思利者更

有一理謂修行者居自報土各各不同佛

攝衆生所現國土似彼報故重重而現不

離一毛所現國土等者如千盞燈共照一  
毛則一毛之上有千重光也準喻

思 形狀竟

爾時普賢菩薩復告大衆言諸佛子應知世

界海有種種體所謂或以一切寶莊嚴為體

或以一寶種種莊嚴為體或以一切寶光明

為體或以種種色光明為體或以一切莊嚴

光明為體或以不可壞金剛為體或以佛力

持為體或以妙寶相為體或以佛變化為體

或以日摩尼輪為體或以極微細寶為體或

以一切寶斂為體或以種種香為體或以一

切寶華冠為體或以一切寶影像為體或以

一切莊嚴所示現為體或以一念心普示現

境界為體或以菩薩形寶為體或以寶華藥

為體或以佛言音為體

第四刹體唯約淨刹長行略辯二十種體

然其刹體諸教不同或以八微為體或以

唯心為體或法性為體或一切法為體今

皆具之謂衆寶等即是八微加之佛音聲

即九微也一念心現是唯識頓變佛變化

者或通果色或一切法令三世間互相作

故又融上諸說為無礙刹體言日摩尼輪

即日輪也香通質氣佛言為體者無礙體

事故又依如來說力起故諸教不同下即  
五教出體釋有

二意一則別配八微是小乘唯心是始教  
法性是終頓二教或一切法是圓教二則  
通明圓教具四義頓教唯法性小乘唯八  
微始終二教通於前三若三各別即二是

始教若三無礙性相圓融即是終教故法  
相宗出體云一法性土以真如為體二寶  
報土力無畏等一切功德無漏五蘊以為  
體性若攝相歸性亦真如為體三色相土  
攝境從心自利後得智為體故佛地論云  
最極自在淨識為相相即攝境從心利他  
即四座為體攝用土攝境從心利他  
後得智為體攝用土攝境從心利他  
約相別亦是四座五變化土同前他受用  
體是知始教具用三法圓教則以性融相  
相無礙故通一切法則事事無礙而為其  
體是故疏云今皆具之次引經具收後融  
礙無

爾時普賢菩薩欲重宣其義承佛威力觀察  
十方而說頌言

或有諸刹海妙寶所合成堅固不可壞安住

寶蓮華

頌中十偈初偈頌三謂初二及第六不可

壞金剛

或是淨光明出生不可知一切光莊嚴依止

虛空住

次一偈頌第三第四

或淨光為體復依光明住光雲作嚴飾菩薩  
共遊處

三有一偈頌第五一切莊嚴光明

或有諸刹海從於願力生猶如影像住取說  
不可得

四有一偈頌二種體願力生者頌佛力持

如影像現頌妙寶相若兼二事頌佛變化

或以摩尼成普放日藏光珠輪以嚴地菩薩

悉充滿

五有一偈頌二種體上半頌日輪下半頌

微細寶

有刹寶燄成霞雲覆其上眾寶光殊妙皆由

業所得

第六偈頌寶焰殊妙之言亦兼香也

或從妙相生衆相莊嚴地如冠共持戴斯由佛化起

第七偈頌寶冠寶冠亦佛變化非正頌佛化也

或從心海生隨心所解住如幻無處所一切

是分別

偈三

三

第八偈頌一念普現境界

或以佛光明摩尼光爲體諸佛於中現各起神通力

第九偈頌一切寶莊嚴示現及頌後三體

摩尼光者頌菩薩形寶及寶華葉佛光明

者頌佛音聲聲光成刹故

或普賢菩薩化現諸刹海願力所莊嚴一切皆殊妙

第十偈結歸普賢 體徃竟

爾時普賢菩薩復告大衆言諸佛子應知世界海有種種莊嚴所謂或以一切莊嚴具中出上妙雲莊嚴或以說一切菩薩功德莊嚴或以說一切衆生業報莊嚴或以示現一切菩薩願海莊嚴或以表示一切三世佛影像莊嚴或以一念項示現無邊劫神通境界莊嚴或以出現一切佛身莊嚴或以出現一切寶香雲莊嚴或以示現一切道場中諸珍妙物光明照耀莊嚴或以示現一切普賢行願莊嚴如是等有世界海微塵數

第五段刹莊嚴中唯明淨刹其中或寶爲

嚴或人或法或說法修行示現融攝皆爲

嚴刹以人法爲寶故又由說法因等得莊

嚴果以果名因爲莊嚴也

或寶爲嚴者然莊嚴有三即名

三淨一處所淨即衆寶爲嚴二住處衆生淨即人寶爲嚴三法門流布淨即以法爲

嚴對文  
可知

爾時普賢菩薩欲重宣其義承佛威力觀察  
十方而說頌言

廣大刹海無有邊皆由清淨業所成種種莊  
嚴種種住一切十方皆徧滿

十頌分二初一總顯刹嚴

無邊色栢寶燄雲廣大莊嚴非一種十方刹

海常出現普演妙音而說法

菩薩無邊功德海種種大願所莊嚴此土俱

時出妙音普震十方諸刹網

衆生業海廣無量隨其感報各不同於一切

處莊嚴中皆由諸佛能演說

三世所有諸如來神通普現諸刹海一一事

中一切佛如是嚴淨汝應觀

過去未來現在劫十方一切諸國土於彼所

有大莊嚴一一皆於刹中見

一切事中無量佛數等衆生徧世間爲令調

伏起神通以此莊嚴國土海

一切莊嚴吐妙雲種種華雲香燄雲摩尼寶

雲常出現刹海以此爲嚴飾

十方所有成道處種種莊嚴皆具足流光布

迥若彩雲於此刹海咸令見

普賢願行諸佛子等衆生劫勤修習無邊國

土悉莊嚴一切處中皆顯現

後九別頌上文於中初一偈頌初妙雲次

一偈頌第二菩薩功德及第四菩薩願海

次一偈却頌說衆生業報後六偈如次頌

後六事 莊嚴竟

爾時普賢菩薩復告大衆言諸佛子應知世

界海有世界海微塵數清淨方便海

第六段明刹清淨方便者唯約淨也若約

隨宜攝物佛應統之則淨穢皆稱佛土若

就行致唯淨非穢第六段明刹清淨文中

約淨者以言清淨故不同形等通於染淨

若就行致者即生公意彼淨名注云行致

淨土非造之也造於土者衆生類矣十四

科中釋致義云問云何致而非得耶答夫

稱致者體為物假雖獲非已釋曰謂因他

而得故名為致謂佛修萬行直趣真極不

取色相他受用等因他衆生遂以大悲為

物取土故云行致既因萬行而致於土必

招淨然淨有二種一世間淨離欲穢故以

六行為方便上二界為淨土然淨有二下

相展轉開之乃成四重皆以方便為因清

淨為果第一對中言以六行為方便者謂

欣上淨妙離厭下苦盡障二出世間淨此

故以色無色界而為淨土

復二種一者出世所謂二乘以緣諦為方

便權教說之無別淨土約實言者出三界

以實報七珍無量莊嚴而為其土今此正

明菩薩兼顯二乘此復二種下第二對然

出世上上淨中復有二種一者真極佛自

受用相累兼亡而為方便二者未極等覺

已還故仁王云三賢十聖住果報唯佛一

人居淨土仁王經云者即菩薩行品波斯

無相遍法界三十生盡智圓明寂照無為

真解脫大悲忘現無與等湛然不動常安

隱光明遍照無所照三賢十聖住果報唯

佛一人居淨土在文易知若瓔珞經亦云

佛子有十名一切賢聖所居之處是故一

切衆生一切聖賢各有自居果報之土若

氏夫衆生住五陰中為正報土山林大地

為依報土初地聖人亦有二土一實智土

前智為住後智為土二變化淨穢經劫數

量應現之土乃至無垢地土亦如是一切

衆生乃至無垢地盡非淨土住果報故唯

佛獨居中道第一法性之土是故我昔在

普光堂廣為一切衆生說淨未極之中復

上門以上二經唯佛為淨

有二種一八地已上一向清淨以求絕色

累照體獨立神無方所故其淨土色相難

名二七地已還未出三界無漏觀智有間

斷故非一向淨若依瑜伽入初地去方為

淨土三賢所居皆稱非淨此分受用變化

別故約此經宗十信菩薩即有淨土故今

此文始自近友終成佛力皆淨方便故通

萬行永絕色累者即生公十四科淨土義

觀即居淨土出即居穢八地已上長在生

空即長在淨土故須託土以自居八地已

上永絕色累照體獨立神無方所土復何

為意云八地已淨無生忍得色自在捨於

分段故云永絕色累一切世間出世間心

悉不現前故云照體獨立稱性普周故云

神無方所神即心神易云神者妙萬物而

為言也故神無方而易無體既無色累兼

其土相難以名目二七地已還者依直往

者未捨分段故無漏觀智有間斷者即六

地已下若至七地觀無有間依十地經六

地已下為染八地已上為淨七地亦名中

果如云久近善友得生有善友之刹中故

定然淨方便即是淨因長行亦可為等流

取染義故非純淨若依瑜伽下第三對教

染淨方便即是淨因長行亦可為等流

果如云久近善友得生有善友之刹中故

定然淨方便即是淨因長行亦可為等流

取染義故非純淨若依瑜伽下第三對教

染淨方便即是淨因長行亦可為等流

果如云久近善友得生有善友之刹中故

定然淨方便即是淨因長行亦可為等流

取染義故非純淨若依瑜伽下第三對教

染淨方便即是淨因長行亦可為等流

果如云久近善友得生有善友之刹中故

定然淨方便即是淨因長行亦可為等流

取染義故非純淨若依瑜伽下第三對教

染淨方便即是淨因長行亦可為等流

果如云久近善友得生有善友之刹中故

定然淨方便即是淨因長行亦可為等流

取染義故非純淨若依瑜伽下第三對教

即十事皆淨相也然望莊嚴有同約門別

故望具因緣當知亦爾又起具因緣通於

染淨此則唯淨莊嚴多約其果清淨多約

其因又前多修善此多治惡故於世界此

如洗滌彼如粉繪然淨方便下第四對文

文上來四對皆約清淨為果方便為因今

以義通方便亦果近友即是方便今得人

寶為嚴則兼於果故極樂等土諸上善人

俱會一處是等流果也然望莊嚴下第二

對前文揀也如莊嚴中云或以說一切善

薩功德莊嚴與此增長大功德雲遍法界

故文同又彼偈中多舉回顯果與此長行

同此云慈悲廣大適眾生以此莊嚴諸刹

海與莊嚴同起具因緣諸淨刹因與此長

行修淨因同故為此揀疏文有二一明門

別謂所用雖一用處不同猶如說法在布

施門名為法施在智慧門名為方便等又

起具下更以別理揀於二門則具緣是通

此章則局故前疏云唯約淨也對於莊嚴

則多少不同如多藥和合從強得名定中

有慧但資於定慧中有定但名般若等故

云彼多約果此多約因從前多修善者亦

從多少前則以因對果論其多少此則唯

就因中自有多少前云菩薩無邊功德海

及普賢行願諸佛子等眾生劫勤修習此

多修善也今文云淨修廣大諸勝解成就方便清淨力即治惡多喻顯可知

所謂諸菩薩親近一切善知識同善根故增長廣大功德雲徧法界故淨修廣大諸勝解故觀察一切菩薩境界而安住故修治一切諸波羅蜜悉圓滿故觀察一切菩薩諸地而入住故出生一切淨願海故修習一切出要行故入於一切莊嚴海故成就清淨方便力故如是等有世界海微塵數

別釋中一近友同善根者如善財夜神處廣說二智導慈雲大彌法界三法門勝解皆已淨治約位地前也四即初地證徧行如故云觀察一切境界生如來家故云安住五修治等者見道之後修道位故餘雖未滿一切皆修若約圓融亦得稱滿六初地勝進徧學十地行法後後但是依法行

故上三皆初地七初地發願順行至第八地一切皆成故名出生一切願海而言淨者純無漏故八即九地二乘出要唯止與觀菩薩出要唯無礙辯令眾出故九一切莊嚴者十地二嚴皆成滿故十淨方便力即是普賢佛功德也十中前三變化淨因後七受用淨因上欲總收諸土故依次豎配若約橫修初心即可圓具其十如善財三經大願精進力夜神善財初見起於善知識同已等十心便得佛刹微塵數同行所謂同念心常憶念十方三世佛故同慧心分別決定一切法故等廣如彼說此下數段皆如爾時普賢菩薩欲重宣其義承佛威力觀察十方而說頌言

一切刹海諸莊嚴無數方便願力生一切刹海常光耀無量清淨業力起



其十頌中九偈分二初一總明能所淨前

半方便後半清淨皆上句果下句因前方便

後半清淨者以各下句有方便清淨言故  
言皆上句果下句因者從多分說則方便  
為因清淨為果若從通說俱通因果方便  
約因善巧出生於土方便約果依正業用  
是淨土相清淨約因難諸障益  
清淨約果無有三惡八難等故

久遠親近善知識同修善業皆清淨慈悲廣

大徧眾生以此莊嚴諸刹海

一切法門三昧等禪定解脫方便地於諸佛

所悉淨治以此出生諸刹海

發生無量決定解能解如來等無異忍海方

便已修治故能嚴淨無邊刹

為利眾生修勝行福德廣大常增長譬如雲

布等虛空一切刹海皆成就

後八別頌前文於中初四如次頌上四淨

初地慈悲為首故云為生修行徧滿真如

故云廣大

諸度無量等刹塵悉已修行令具足願波羅

蜜無有盡清淨刹海從此生

第五偈頌修治淨及超頌第七願淨以願

通初地八地此據初地故超頌也

淨修無等一切法生起無邊出要行種種方

便化群生如是莊嚴國土海

第六偈頌前第八出要

修習莊嚴方便地入佛功德法門海普使眾

生竭苦源廣大淨刹皆成就

第七偈頌第九及却頌觀菩薩地地義通

前後故

力海廣大無與等普使眾生種善根供養一

切諸如來國土無邊悉清淨

第八偈頌方便力上來且配長行其間亦

兼餘義 清淨竟

爾時普賢菩薩復告大眾言諸佛子應知一

一世界海有世界海微塵數佛出現差別

第七段佛出差別者十事五對於海及種

有此差別

所謂或現小身或現大身或現短壽或現長

壽或唯嚴淨一佛國土或有嚴淨無量佛土

或唯顯示一乘法輪或有顯示不可思議諸

乘法輪或現調伏少分眾生或示調伏無邊

眾生如是等有世界海微塵數

五中初二隨彼類故次一緣廣陞故次一

隨機宜故五熟未熟故

初二隨彼類者如佛出娑婆但可丈六若生極樂無量由旬不可無邊身如來以化三尺眾生丈六之佛化萬丈之人壽亦然矣居於此刹不滿百年彌陀人民壽皆無量然此一刹亦通化機多少次一緣廣狹者緣廣則刹廣如文殊香見之邦緣狹則刹狹如迦葉光德之國三宜聞三則

秘一乘之妙寶宜聞一則廢羊鹿之小車根熟者化多如釋迦之化未熟則化少如須扇多如來亦是因中緣廣狹故

爾時普賢菩薩欲重宣其義承佛威力觀察

十方而說頌言

諸佛種種方便門出興一切諸刹海皆隨眾

生心所樂此是如來善權力

十頌分三初一頌總標

諸佛法身不思議無色無形無影像能為眾

生現眾相隨其心樂悉令見

或為眾生現短壽或現住壽無量劫法身十

方普現前隨宜出現於世間

或有嚴淨不思議十方所有諸刹海或唯嚴

淨一國土於一示現悉無餘

或隨眾生心所樂示現難思種種乘或有唯

宣一乘法一中方便現無量

或有自然成正覺令少衆生住於道或有能於一念中開悟群迷無有數

次五偈別釋如次頌前五對

或於毛孔出化雲示現無量無邊佛一切世間皆現觀種種方便度群生

或有言音普周徧隨其心樂而說法不可思議

大劫中調伏無量衆生海

或有無量莊嚴國衆會清淨儼然坐佛如雲

布在其中十方刹海靡不充

諸佛方便不思議隨衆生心悉現前普住種

種莊嚴刹一切國土皆周徧

後四頌總結既隨心總徧故刹海塵數未

足爲多 佛出差別竟

爾時普賢菩薩復告大衆言諸佛子應知世

界海有世界海微塵數劫住

所謂或有阿僧祇劫住或有無量劫住或有無邊劫住或有無等劫住或有不可數劫住或有不可稱劫住或有不可思劫住或有不

可量劫住或有不可說劫住或有不可說不可說劫住如是等有世界海微塵數

第八段劫住不同謂刹住經停時分也隨

能感因有長短故長行略列有十大數更

有多少不同如標結中及頌所顯並通諸

刹不謂淨長如大地獄其壽更長人趣却

促故極惡極善受時即多更約異門亦不

可定也十中唯九者欠不可說不可說也

並如阿僧祇品

爾時普賢菩薩欲重宣其義承佛威力觀察

十方而說頌言

世界海中種種劫廣大方便所莊嚴十方國

土咸觀見數量差別悉明了

我見十方世界海劫數無量等衆生或長或

短或無邊以佛音聲今演說

偈中十頌然劫但時分無別義理故此偈

文轉勢頌之畧分爲三初二總標許說頌

上標也

我見十方諸刹海或住國土微塵劫或有一

劫或無數以願種種各不同

次有一偈通頌上列兼顯修短之因以願

力故

或有純淨或純染或復染淨二俱雜願海安

立種種殊住於衆生心想中

餘七頌總結偈各一義一明修短通於染

淨結以心想

往昔修行刹塵劫獲大清淨世界海諸佛境

界具莊嚴未住無邊廣大劫

二淨劫住久釋以因深

有名種種寶光明或名等音餞眼藏離塵光

明及賢劫此清淨劫攝一切

三列諸劫名染淨相攝

有清淨劫一佛興或一劫中無量現無盡方

便大願力入於一切種種劫

四佛興願異故入劫不同

或無量劫入一劫或復一劫入多劫一切劫

海種種門十方國土皆明現

五一多互融齊攝雙現

或一切劫莊嚴事於一劫中皆現觀或一劫

內所莊嚴普入一切無邊劫

六時法相攝普入無邊

始從一念終成劫悉依衆生心想生一切刹

海劫無邊以一方便皆清淨

七結由想心示以方便一方便者即了唯

心也一念與劫並由想心心想不生長短

安在非長非短是謂清淨不壞於相則劫

海無邊一念與劫並由想心此有二意一

者由有想念即有剎那積此剎那終竟成

劫心想若滅生死長絕此順經文二者一

切境界皆依妄念而有差別若離心念則

無一切境界之相此順經意成唯心觀是

故疏云心想不生長短安在無長無短即

心體清淨是以經言以一方便皆清淨也

此約真性故第三句是不壞劫住竟

相義相性無礙剎海義也劫住竟

爾時普賢菩薩復告大眾言諸佛子應知世

界海有世界海微塵數劫轉變差別

第九段劫轉變差別者此有二種一者但

約感成住壞劫皆名轉變二唯約住劫之

中居人善惡令染淨轉變二唯約住劫之

有二義一約衆生引因所得二約苦

所謂法如是故世界海無量成壞劫轉變

釋中具二初一即是前義故云無量成壞

劫轉變言法爾者法爾隨業轉也若爾何

異起具因緣因緣意在於因轉變意彰於

果又因緣通有唯成不壞如自受用因是

也餘九釋後義

染汙衆生住故世界海成染汙劫轉變

一遇惡緣故淨變為染下文云泉池皆枯

涸等遇惡緣故變淨為染即是經中染汙

大王未出時一切不可樂猶如鐵見處衆

生相殺害竊盜縱淫佚兩舌不實語無義

龜惡言貪愛他財物真恚懷毒心邪見不

善行命終墮惡道以是諸衆生惡癡所覆

蔽住於顛倒見上惡緣也天旱不降澤以

時無雨故百穀悉不生草木皆枯槁泉流

亦乾竭大王未與世河池悉枯涸圍

苑多骸骨望之如曠野即劫變也

修廣大福衆生住故世界海成染淨劫轉變

二修人天大福令世界多染少淨故先云

染如下文云粳米自然生等

粳米自然生等即是上經

次文云大王昇寶位廣濟諸群生油雲被八方普雨皆充洽乃翻十惡成其十善其中翻偷盜云往昔諸衆生貧窮少衣服以草自遮蔽饑羸如餓鬼大王既興世粳米自然生樹中生妙衣男女皆嚴飾即其事也

信解菩薩住故世界海成染淨劫轉變

假三

至五

三即地前以未斷障故非純淨以淨多故

故先云淨經多云染淨與前何別或譯人

之失或傳寫之誤

即地前者信解是地前通稱亦名勝解行住未

證真如但依解力而修行故

無量衆生發菩提心故世界海純清淨劫轉

變

四即證發心居受用土故但云純淨

諸菩薩各各遊諸世界故世界海無邊莊嚴

劫轉變

五各各游者即二地至十地諸菩薩遊戲

神通以多莊嚴而嚴一刹或以一嚴而嚴

多刹所至染刹則能莊嚴也

以多莊嚴者如第五迴向

即願普攝十方三世所有佛刹一切莊嚴而嚴一刹一切亦然至登地竟能如願成如八地十地中說或以一嚴而嚴多刹者第二迴向云以一莊嚴嚴一切亦不於法生分別如是開悟諸衆生一切無性無所觀

十方一切世界海諸菩薩雲集故世界海無

量犬莊嚴劫轉變

六大莊嚴者即普賢位嚴於微塵內刹如

上口光召衆等是

如上口光召衆者即第六經其諸菩薩既至會

中現自在用云如是坐已其諸菩薩身毛孔中一一各現十世界海微塵數一切寶

種種色光明一一光中現十世界海微塵數諸菩薩皆坐蓮華藏師子之座此諸菩薩悉能遍往一切法界諸安立海所有微塵彼一一塵中皆有十佛世界微塵數諸廣大刹一一刹中皆有三世諸佛世尊此諸菩薩悉能遍往親近供養等即嚴淨塵中刹也

諸佛世尊入涅槃故世界海莊嚴滅劫轉變

七莊嚴滅者此明失善緣而惡現謂如來

示滅能事隨滅佛滅百年乳不及水况今

之世况於滅極稗為上味鐵為上嚴佛滅百年

者育王經說育王常供養諸聖僧上座食

乳稍多有王自言乳若多食恐生疾患上

座云此乳有何力不及世尊在世時水今

佛滅度一切精淳皆沉地下育王願見佛

在時水上座展手地下取水育王嘗之實

過於乳明知福人滅矣能事隨滅百年上

爾况今去聖將二千年尤更淡薄况矣

滅極鐵為上嚴稗為上宋如起世經說

諸佛出現於世故一切世界海廣博嚴淨劫

轉變

八如彌勒來也如彌勒來者即彌勒下生

海水以漸減少三千由旬是時開浮提地

長十千由旬廣八千由旬平坦如鏡名華

樓草過覆其地種種樹木華果茂盛其樹

悉皆高三十里城邑比羅飛相及人壽

八萬歲智慧威德色力具足安隱快樂有

一大城名起頭末底長十二由旬廣七由

句其城七寶上有樓閣戶牖軒窗皆是衆

寶真珠網覆街廣十二里巷陌處處皆有

明珠柱處處皆有金銀之聚使利不淨地

裂受之受已還合亦無衰懈水刀火及

諸饑饉毒害之事園林地沼八功德水泉  
華異香皆悉盈滿不生草穢一種七種味  
甚香美增益色  
力等廣如彼說  
如來神通變化故世界海普清淨劫轉變如  
是等有世界海微塵數

九以佛神通于何不淨淨名足指案地法

華三變淨土即其類也淨名足指案地者

心淨則佛土淨爾時舍利弗承佛威神作

是念若菩薩心淨則佛土淨者我世尊本

為善薩時意豈不淨而是佛土不淨若此

佛知其意即告之言我此土淨而汝不見

爾時世尊即以足指案地即時三千大千

世界若千百千象寶嚴飾譬如寶莊嚴佛

無量功德寶莊嚴土一切大衆歎未曾有

而皆自見坐寶蓮華等是也法華三變淨

土即見寶塔品大樂說請開塔戶佛言須

集分身大樂說請集分身世尊放光遠召

為欲受分身佛故一變娑婆二於八方各

更變二百萬億那由他國土皆令清淨坐

佛不足第三更變二百萬億那由他國土

由他國土皆令清淨故云三變上之十事

初總餘別不出業故又初二屬凡次四菩

薩後三屬佛又約佛菩薩即染令淨約於

凡夫即淨成染

爾時普賢菩薩欲重宣其義承佛威力觀察十方而說頌言

一切諸國土皆隨業力生汝等應觀察轉變相如是染汙諸衆生業惑纏可怖彼心令刹海一切成染汙若有清淨心修諸福德行彼心令刹海雜染及清淨信解諸菩薩於彼劫中生隨其心所有雜染清淨者無量諸衆生悉發菩提心彼心令刹海住劫恒清淨無量億菩薩往詣於十方莊嚴無有殊劫中差別見一一微塵內佛刹如塵數菩薩共雲集國土皆清淨世尊入涅槃彼土莊嚴滅衆生無法器世界成雜染若有佛興世一切悉珍好隨其心清淨莊嚴皆具足諸佛神通力示現不思議是時諸刹海一切普清淨

十頌如次頌前可知 劫轉變差別竟

爾時普賢菩薩復告大衆言諸佛子應知世界海有世界海微塵數無差別

第十無差別者謂前九辯諸世界約相不同隨業染淨由於衆生有差別故今云無

差別無二故故偈云業性起也謂前九下皆釋標名

於中有三一約性相相對相則有差性則無差又約權設則種種

差別今約實說則一切無差如教法中或說三乘即是差別說華嚴時一切無差又約

權設下二約權實相對實則無差又皆是諸佛之所用故

一一融攝等無異故故前九差別是此無

差之差今此即是前九差之無差也故法

華云衆生見燒淨土不毀二皆相即由依

此義說淨土中十八圓滿一一稱真皆周

徧故又皆是諸佛下三收差與無差皆歸果用前之二對性相權實二不相即



今則融即言無差之差者是圓融之行布也差之無差者是行布之圓融也若離圓融非圓教法若無差別無可圓融如攪別成總非離別外而有此總故法華下但明二不相離由依此義下顯十八圓滿由此而成

所謂一一世界海中有世界海微塵數世界無差別一一世界海中諸佛出現所有威力

無差別一一世界海中一切道場徧十方法

界無差別一一世界海中一切如來道場衆

會無差別一一世界海中一切佛光明徧法

界無差別一一世界海中一切佛變化名號

無差別一一世界海中一切佛音聲普徧世

界海無邊劫住無差別一一世界海中法輪

方便無差別一一世界海中一切世界海普

入一塵無差別一一世界海中一一微塵一

切三世諸佛世尊廣大境界皆於中現無差

別

似二

三九

二釋中十事一海中包數同則盡海之塵

一塵一刹已是含攝之義二佛示威力同

三道場同同真性故四衆會同常隨衆故

五光明六名號七音聲八法輪方便上七

皆約不動一而普徧無差九塵含刹海十

塵容佛境此二約不壞相而廣容無差

海之塵者以經云一一世界海中有世界

海微塵數世界無差別謂一箇世界海還

有世界海微塵數世界則義當一塵是一

世界竟唯就此一句已顯融攝釋無差別

義善成矣若界相望論無差者無差全

少今十句中句句各有世界海塵則一海

之中已有十世界海塵數無差故須融攝

諸佛子世界海無差別略說如是若廣說者

有世界海微塵數無差別爾時普賢菩薩欲重宣其義承佛威力觀察

十方而說頌言一微塵中多刹海處所各別悉嚴淨如是無

量入一中一一區分無雜越

一一塵內難思佛隨衆生心普現前一切刹

海莊不周如是方便無差別

一一塵中諸樹王種種莊嚴悉垂布十方國

土皆同現如是一切無差別

一一塵內微塵衆悉共圍繞人中主出過一

切徧世間亦不迫隘相雜亂

一一塵中無量光普徧十方諸國土悉現諸

佛菩提行一切刹海無差別

一一塵中無量身變化如雲普周徧以佛神

通導群品十方國土亦無別

一一塵中說衆法其法清淨如輪轉種種方

便自在門一切皆演無差別

一塵普演諸佛音充滿法器諸衆生徧住刹

海無央劫如是音聲亦無異

刹海無量妙莊嚴於一塵中無不入如是諸  
佛神通力一切皆由業性起

一一塵中三世佛隨其所樂悉令見體性無  
來亦無去以願力故徧世間

頌中十頌如次頌上十義但第六約身與

前名體異耳而前但約平漫無差今顯塵

內重疊共融攝無差之義若云約同事者

何以不言染同業苦同豈世界海中都無

此耶而前但約下即長行云一一世界海

中所有佛威力無差別今乃皆云一

一塵中無量光等即是重疊無差也若云

已下結彈古人謂經舉十事皆約融攝若

依昔義何以不言一一世界海中染刹無

差別一一世界海由衆生受苦無差別以

世界海中皆有染有苦故豈世界海中都

無此耶今經不言明知約融攝無差別耳

大方廣佛華嚴經疏鈔會本第七之三

音釋

也	刈切	涸	也	刻	擾
	禾	鷓	也	儼	亂
	也	水	也	然	也
		聲	也	儼	也
俱二	牖	也	也	儼	也
	音	也	也	儼	也
	有	也	也	儼	也
	切	也	也	儼	也
	骸	也	也	藥	稗
	音	也	也	藥	稗
	鞋	也	也	藥	稗
辛一	切	也	也	藥	稗
	羸	也	也	藥	稗
	音	也	也	藥	稗
	雷	也	也	藥	稗
	度	也	也	藥	稗

大方廣佛華嚴經疏鈔會本第八之一 假三

唐于闐國三藏沙門實叉難陀 譯

唐清涼山大華嚴寺沙門澄觀撰述

華藏世界品第五

初來意者前品通明諸佛刹海今此別明

假三

本師所嚴依果答世界海問故次來也

釋名者準梵本具云華藏莊嚴嚴具世界

海之徧清淨功德海光明品譯者嫌繁乃

成太畧處中應云蓮華藏莊嚴世界海品

謂蓮華含子之處目之曰藏今刹種及刹

為大蓮華之所含藏故云華藏其中一一

境界皆有刹海塵數清淨功德故曰莊嚴

世界深廣故名為海有云世界依海故立

海名者恐非文意以下云華藏莊嚴世界

海住在華中故其梵云嚴具即是能嚴其

徧清淨功德海光明即顯嚴之相用依體

有用故致之言今文舉體攝用但云華藏

梵本具云者梵云拘蘇磨華多羅黃驃訶

羅阿楞伽曠曠迦駄都羅三年達囉鉢鉢

頓輸陀流種曠曠三年達囉囉阿羅婆

娑曷鉢鉢勿多品此云華藏莊嚴嚴具世

界海徧清淨功德海光明品 約事可爾何因刹海相狀

如斯略舉二因一約衆生如來藏識即是

香海亦法性海依無住本是謂風輪亦妄

想風於此海中有因果相恒沙性德即是

正因之華世出世間未來果法皆悉含攝

故名為藏若以法性為海心即是華含藏

亦爾然此藏識相分之中半為外器不執

受故半為內身執為自性生覺受故如來

藏識何緣如此法如是故行業引故二約

諸佛謂以大願風持大悲海生無邊行華

含藏二利染淨果法重疊無礙故所感刹

相狀如之是以出現品中多將世界以喻

佛德細尋文意乃由佛德世界如之約事可爾

下嚴其本源不為此釋並委刹海之與由三宗趣者別顯本師

依報具三世間融攝無盡為宗今諸菩薩

發生信解成就行願為趣餘如前品但總

別異耳融攝之相亦見前文賢首立華藏

觀復有十德大同小異如彼文說言有十德者前

品已

爾時普賢菩薩復告大眾言諸佛子此華藏

莊嚴世界海是毗盧遮那如來往昔於世界

海微塵數劫修菩薩行時一一劫中親近世

界海微塵數佛一一佛所淨修世界海微塵

數大願之所嚴淨

第四釋文一品分三初明華藏因果自體

二明藏海安布莊嚴三明所持刹網差別

假三

三段如次釋華藏莊嚴世界之名今初二

先長行後偈頌長行亦二初舉果屬人顯

因深廣二彰果體相辯其寬容今初也謂

指此刹海是我本師修因所淨然因深廣

有三勝相一長時修刹海塵劫故不唯三

祇二於多劫一一遇多勝緣不唯勝觀釋

迦等佛三於多勝緣一一淨多大願願淨

國等不唯淨一無生等由上三重故云深

廣初華藏等者然第二安布莊嚴亦是果

相故應對果分因總為二段謂先明刹

因後彰果相以第一段長行具有因果偈

文雙頌因果故合於因屬自體中不唯勝

觀等者俱舍論第十八說於三無數劫各

供養七萬又如次供養五六七千佛三無

數劫滿逆次逢勝觀然燈寶髻佛初釋迦

牟尼釋曰此三偈中初偈明供養佛數謂

初無數劫供養七萬五千佛第二無數劫

供養七萬六千佛第三無數劫供養七萬

七千佛後頌明違何佛供養言逆次者從

第三無數劫向前以明謂第三無數劫滿

達勝觀佛第二無數劫滿達然燈佛第一

無數劫滿達寶髻佛最初發心達釋迦佛

發尊願言願我當作佛一如今世尊彼佛  
 同彼故今疏云不唯勝觀者眾第三阿僧  
 祇劫滿佛言釋迦者舉初發心之佛而言  
 等者乃有三義一者然燈寶髻二所供  
 佛數三等餘教所明設言供養三十六恒  
 三十八恒佛等皆未足為多也不唯淨一  
 無生忍忍如智論說五華供養然燈得無  
 生法忍故金剛經云若少法可得是無生相  
 佛則不與我授記等無法可得是無生相  
 而言等者等餘法門俱舍頌云但由悲普  
 施被折心無念讚歎底沙佛次無上菩提  
 六波羅密多於如是四位一即是一二如  
 次修圓滿釋曰初之四位即是一二初位  
 一滿謂普施成檀次位二滿謂尸及忍被  
 折不報故能滿尸由內無念故成於忍第  
 三位中但一度滿謂精進度第四位中定  
 慧雙滿故云一二又一二言底沙者此  
 云圓滿讚佛偈云天地此界多聞室逝官  
 天處十方無丈夫牛王大沙門尋地山林  
 遍無等七日七夜忘下一足數底沙故起  
 於彌勒九劫先成佛智論之中亦同此說  
 故六度滿前後不多今經一佛所淨修  
 世界海微塵數大願况於多佛况多劫耶  
 故疏結云由上然瑜伽起信等約三乘教  
 三重故云深廣  
 一方化宜一類世界定說三祇今約一乘  
 該通十方及樹形等界故云刹海塵數是

以寶雲經言我為淺識眾說三僧祇劫  
 修行然我實經無量阿僧祇劫修行又時  
 無別體依法上立法既無盡時亦無窮況  
 念劫圓融不應剋執然瑜伽下二隨難別  
 乘一乘以通言該通十方者對上一方化  
 儀及樹形者對上一類世界且如娑婆一  
 劫方知安養得為一日則安養世界乃經  
 三無數日耳更方袈裟幢刹末經歲月况  
 於後後以劫為日之剋耶是則不可以此  
 一方類定於成佛時互不相見時劫亦殊  
 即於一界即具諸界不知晦朔况春秋况  
 安知修短故耶寶雲經者經云善男子菩  
 薩不能思議如來境界如來境界不可思  
 識但為淺近眾說三僧祇修習所得菩  
 提而實發心已來不可計數賢首釋云不  
 可計者不可計數阿僧祇也義分齊云始  
 教三祇不同小乘小乘十數之此即倍  
 倍數之仍說百劫修相好等智度論破此  
 別修相好不許三祇之外別修即是實教  
 之意然實教之意自有二義一定三僧祇  
 一方化儀故又是實佛故起信論云或示  
 起地速成正覺以為怯弱眾生故或說我  
 於無量阿僧祇當成佛道以為懈慢眾  
 生故能示如是無量方便不可思議而實  
 菩薩種性根等發心則等所證亦等無有

起過之法以一切菩薩皆經於三阿僧祇  
 劫故斯則定也二者不定復有二意一為  
 通餘類世界故如勝天王說即前樹形等  
 刹是二據佛實德無限故如寶雲經若瑜  
 伽說有二種無數劫一者日夜月半月等  
 方便顯時無量故二者如常說若依初義  
 經無量劫若依後義但三僧祇然依此釋  
 不同寶雲寶雲不言為淺近眾生說於大  
 劫為於深勝說日月切明知意殊是則瑜  
 伽亦是一方所宜說耳又時無別體下別  
 教一乘融攝以說如毗目仙人執善財手  
 時經多劫處處無邊故不可以長短思也  
 若顯起勝一生頓圓苦約甚深多 第二諸  
 劫莫究故云不可定執貴在入玄 第二諸  
 佛子下彰果體相者植因既深果必繁與  
 然所依刹量諸教不同小乘但一娑婆三  
 乘有大小之化或色究竟為實或他方別  
 有淨邦今一乘十佛之境大小無礙淨穢  
 相融且依一相說有邊表實則一重橫尋  
 無邊沉復重重塵含法界 然所依下第二  
 彰其分量言大  
 小之化者如梵網經周匝千華上復現千  
 釋迦即大化也一華百億國一國一釋迦  
 即小化也小化唯一四洲大化總該百億  
 且依一相者且依一種義相不壞邊表有

蓮華外別佛刹海等實則稱性橫不可尋  
 故云法界無差別若以性融相則一塵中  
 法界然準下別顯應有十事一所依風輪  
 無量 二風持香海三海出蓮華四華持刹海五  
 統臺輪山六臺面寶地七地有香海八海  
 間香河九河間樹等十總結多嚴今文之  
 中唯闕一河文且分四第一能持風輪第  
 二所持香海第三海出蓮華第四華持刹  
 海 應有十事者以文廣釋十事故此中長  
 行畧標列故是以古德一品之中先分  
 土因就果相中即分十段今不依者以下  
 六事各有長行偈頌而前四事同一長行  
 故科十段於文不便先科為三於第然其  
 一華藏自體長行之內方分為四耳  
 刹因有其總別已見上文為顯別義且明  
 一因成於一果 色見上文者即起具因緣  
 中通義易知故示別相  
 諸佛子此華藏莊嚴世界海有須彌山微塵  
 數風輪所持  
 今初風輪之因即大願等亦如前釋於中

文三初總標數二略列名三別舉最上

其最下風輪名平等住能持其上一切寶燄

熾然莊嚴次上風輪名出生種種寶莊嚴能

持其上淨光照耀摩尼王幢次上風輪名寶

威德能持其上一切寶鈴次上風輪名平等

燄能持其上日光明相摩尼王輪次上風輪

名種種普莊嚴能持其上光明輪華次上風

輪名普清淨能持其上一切華燄師子座次

上風輪名聲徧十方能持其上一切珠王幢

次上風輪名一切寶光明能持其上一切摩

尼王樹華次上風輪名速疾普持能持其上

一切香摩尼須彌雲次上風輪名種種宮殿

遊行能持其上一切寶色香臺雲

列中名平等住者一徧持諸位故二稱實

性故餘文可知風並在下寶在臺面以力

遙持以力遙持者古有二釋一云一重風輪持一重物疏以出現品中有十風輪持欲色等皆是

諸佛子彼須彌山微塵數風輪最在上者名

殊勝威光藏

三舉最上者勝力能持香海故立其名

能持普光摩尼莊嚴香水海

第二能持下所持香海以摩尼發光普照

一切嚴海底岸及寶色香水故立此名又

藏識名海具德深廣故流注名水剎那性

故又佛性名水遠熏名香聞未證故涅槃

亦云有人聞香又佛性名水下約通生佛佛性即是真法性故故此

品初海表三義今舉其二畧不說悲涅槃亦云有人聞香即第七經至問明品當具

之引

此香水海有大蓮華名種種光明藥香幢

第三此香水下所出蓮華藥放異光又發



勝香高出降伏故立此名又所發萬行一

一覺性故曰光明皆能普熏即香義也

發萬行上下約事釋此約表法但通相表  
行若別說者畧示十德表於十度一開敷  
鮮榮以表施度二自性無染以表戒度三  
香氣芬馥四寶蓋堅固五寶葉扶踈六寶  
藥光幢七相巧成就八含藏蓮子九寶臺  
堅住十普放光明下八如次顯於八度

華藏莊嚴世界海住在其中四方均平清淨

堅固金剛輪山周而圍繞地海眾樹各有區

別

第四華藏下所持剎海四方均平總顯形  
相清淨堅固彰其體性金剛圍等別明所

有即下別顯此為其本一山二地三海四

樹各別區分即總顯多嚴但闕一河以下

有別顯故此畧明下亦畧頌

是時普賢菩薩欲重宣其義承佛神力觀察

十方而說頌言

世尊往昔於諸有微塵佛所修淨業故獲種

種寶光明華藏莊嚴世界海

廣大悲雲徧一切捨身無量等剎塵以昔劫

海修行力今此世界無諸垢

第二偈中然長行偈頌有十例五對謂有

無廣略離合先後為八九或超間十或頌

已重頌故釋頌文不可一例上下準之此

文略有四例一宿因現緣經離頌合

緣者此中名長行為經以取長行縱草畧  
說所應說義別相修多羅故言經離者宿  
因即前顯因深廣現緣即前風持香海等  
此二明離言頌合者初偈頌總前半宿因

後半現緣第二偈三句二所成果相經略

頌廣

二所成果相者長行云華藏世界海  
住其中者即所成果相此文則畧

以十偈之內皆有

三現緣風輪經十種風輪

樹經有頌無

四山周而圍繞地海眾樹各

有區別此經有也頌無可知上言有四者  
 但有四例唯廣畧一種乃成一對離合有  
 無但成一例耳若成對者應須經合頌離  
 經無頌有方成三對餘四例二對此中則  
 無下頌  
 則有 十偈分二初二頌上因相即辯因

招果

放大光明徧住空風力所持無動搖佛藏塵

尼普嚴飾如來願力令清淨普散摩尼妙藏

華以昔願力空中住

餘頌果相於中分四初一偈半頌風輪皆

上句所持下句能持初半偈以果持果後

偈兼明能成之因前半離障願令清淨故

後半無礙願依空住故

種種堅固莊嚴海光雲垂布滿十方諸摩尼

中菩薩雲普詣十方光熾然

二有一偈頌香海尋此了名

光燄成輪妙華飾法界周流靡不徧一切寶

假三

八

中放淨光其光普照衆生海十方國土皆周  
 徧咸令出苦向菩提

寶中佛數等衆生從其毛孔出化形梵天帝  
 釋輪王等一切衆生及諸佛

化現光明等法界光中演說諸佛名種種方

便示調伏普應群心無不盡

三有三頌半頌蓮華初一偈半釋種種光

明藥則顯此華以寶爲體次一偈釋香義

就法以明寶中出佛佛出世主如從質發

香遠熏之義後一釋幢義演佛是高出義

調生是摧伏義

假三

九

華藏世界所有塵一一塵中見法界寶光現

佛如雲集此是如來刹自在

廣大願雲周法界於一切劫化群生普賢智

地行悉成所有莊嚴從此出

四有二頌明刹自在總頌上所持刹海初  
偈自在一一稱性故即同時具足相應門  
也心塵準思寶光現佛者依正互融故後  
偈結歸普因故能含攝

爾時普賢菩薩復告大眾言諸佛子此華藏  
莊嚴世界海大輪圍山住日珠王蓮華之上  
第二別顯安布莊嚴文分爲六第一四周  
輪山二寶地三香海四香河五樹林六總  
結各別有偈今初輪山則清淨戒德內攝  
外防之所成也長行中三初總舉所依二  
梅檀下別顯體相三如是下結德無盡今  
初山所依處即地面四周日珠王者所依  
處地故舊經云依蓮華日寶王地住亦有  
言大華之上別有此蓮爲山所依義似不  
順所以地受此名者前華名種種光明藥

偈中云光焰成輪又云一切寶中放淨光  
明知此華以寶爲體是則如日輪之珠王  
爲蓮華也斯即總華之稱

梅檀摩尼以爲其身威德寶王以爲其峰妙  
香摩尼而作其輪燄藏金剛所共成立一切  
香水流注其間衆寶爲林妙華開敷香草布  
地明珠間飾種種香華處處盈滿摩尼爲網  
周而垂覆如是等有世界海微塵數衆妙莊  
嚴

二別顯中前取堅利且云金剛今明具德  
略有十相前四自體圓滿後六外相莊嚴  
一身爲總形摩尼圓明梅檀芬郁皆戒之  
德也二山峯謂秀出孤絕威伏諸惡三山  
輪古有二義一山彎曲之處二山腹跳出  
如師子座半月爲輪準下偈文輪居山下

為山所依四成山之緣上舉三事各別有體今顯金剛內含光焰徧成其體如世土石雜而成山金剛徧故得金輪名餘六文顯並在山間

爾時普賢菩薩欲重宣其義承佛神力觀察

十方而說頌言

世界大海無有邊寶輪清淨種種色所有莊

嚴盡奇妙此由如來神力起

應頌有十文分為二前六明山體相莊嚴

頌前別顯後四辯山妙用自在亦顯依正

無礙即頌前結文前中五初一總頌圍山

初句所圍次二句能圍後句出因言無邊

者有其二義一但總相顯多故云無邊實

有邊表二說有圍山外者是無邊之邊不

礙理而即事故今云無邊者是邊之無邊

卷三 十一

不壞相而即理故是無邊之邊者意明理無分限總日無邊事有

分限故名有邊若依理成事理性全隱則無邊即邊若會事歸理事相全盡則邊即

無邊今則不爾不失理而事現云無邊之邊不壞事而理顯云邊之無邊此是事理

無礙義不是相即相作之義思之

摩尼寶輪妙香輪及以真珠燈燄輪種種妙

寶為嚴飾清淨輪圍所安住

二有一頌頌前山輪

堅固摩尼以為藏閻浮檀金作嚴飾舒光發

燄徧十方內外映徹皆清淨

三一頌山體

金剛摩尼所集成復兩摩尼諸妙寶其寶精

奇非一種放淨光明普嚴麗

四一頌成山之緣

香水分流無量色散諸華寶及旃檀眾蓮競

發如衣布珍草羅生悉芬馥

無量無邊大菩薩執蓋焚香充法界悉發一切妙音聲普轉如來正法轉

諸摩尼樹寶末成一寶末現光明毗盧遮那清淨身悉入其中普令見

諸莊嚴中現佛身無邊色相無央數悉往十方無不徧所化衆生亦無限

一切莊嚴出妙音演說如來本願輪十方所有淨刹海佛自在力咸令徧

後四妙用自在並顯可知

爾時普賢菩薩復告大衆言諸佛子此世界海大輪圍山內所有大地

第二臺面寶地即體心性定之所成也長

爾時普賢菩薩復告大衆言諸佛子此世界海大輪圍山內所有大地

第二臺面寶地即體心性定之所成也長

行文三初標所在二一切下別顯體相莊嚴三總結

一切皆以金剛所成堅固莊嚴不可沮壞清淨平坦無有高下摩尼爲輪衆寶爲藏一切衆生種種形狀諸摩尼寶以爲間錯散衆寶末布以蓮華香藏摩尼分置其間諸莊嚴具充徧如雲三世一切諸佛國土所有莊嚴而爲校飾摩尼妙寶以爲其網普現如來所有境界如天帝網於中布列諸佛子此世界海地有如是等世界海微塵數莊嚴

數三

土

二中十句初一地體標以金剛釋以堅固不壞徧華藏地盡是金剛故上菩提場地徹華藏也二地相平淨餘八皆莊嚴謂三飾以寶輪四畜以寶藏五間以異寶六散以寶末七布以蓮華八分置香摩尼九充

以莊嚴具但云諸嚴嚴有多少三世佛國之嚴而為嚴者顯無盡之嚴具也十覆以寶網隱映莊嚴網有何用普現佛影此網何相如天帝網而布列也又此帝網重現無盡成上普現如來境界及上一一境界

皆無盡也但云諸嚴下此句稍長故釋摩尼妙寶下之即從諸莊嚴具下是第九句

皆第十句

爾時普賢菩薩欲重宣其義承佛神力觀察十方而說頌言

其地平坦極清淨安住堅固無能壞摩尼處

處以為嚴眾寶於中相間錯

金剛為地甚可悅寶輪寶網具莊嚴蓮華布

上皆圓滿妙衣彌覆悉周徧

菩薩天冠寶瓔珞悉布其地為嚴好梅檀摩尼普散中咸舒離垢妙光明

寶華發燄出妙光光燄如雲照一切散此妙華及眾寶普覆於地為嚴飾

偈有十頌分二前七頌前別顯後三頌總結前中三初四頌前八段而小不次者顯前無優劣故或重或廣者顯義無方也恐

繁不配可以意得

密雲與布滿十方廣大光明無有盡普至十方一切土演說如來甘露法

一切佛願摩尼內普現無邊廣大劫最勝智者昔所行於此寶中無不見

次二頌嚴具如雲

其地所有摩尼寶一切佛刹咸來入彼諸佛刹一一塵一切國土亦入中

後一偈頌如天帝網謂一寶既收一切則彼刹諸塵復攝一切即重重也

妙寶莊嚴華藏界菩薩遊行徧十方演說大士諸弘願此是道場自在力

摩尼妙寶莊嚴地放淨光明備眾飾充滿法界等虛空佛力自然如是現

諸有修治普賢願入佛境界大智人能知於

此刹海中如是一切諸神變

假三

十四

後三偈頌總結者結其所屬初偈結屬道

場次屬佛力後結能知之人

爾時普賢菩薩復告大眾言諸佛子此世界海大地中有十不可說佛刹微塵數香水海

第三地面香海者上之大海既是藏識今

明心華之內攝諸種子一一種子不離藏

識海故有多香海然一一具於性德故皆

有莊嚴長行分二初總舉數準下刹種及

梵本中皆有十不可說今闕十字或是譯

假三

十四

人之漏或是傳寫之失下標種處亦然

下準

刹種者以中海管十海十海一道布列結有不可說佛刹微塵數香水海十道皆然一海一種故有十不可說也下標種者標云諸佛子此不可說佛刹微塵數香水海中不可說佛刹世界種種釋曰此即標種處無十字亦例合有

一切妙寶莊嚴其底妙香摩尼莊嚴其岬崑

盧遮那摩尼寶王以為其網香水映徹具眾

寶色充滿其中種種寶華旋布其上栴檀細

末澄塗其下演佛言音放寶光明無邊菩薩

持種種蓋現神通力一切世界所有莊嚴悉

於中現

假三

十五

二一切下別顯莊嚴準後總結應云一一

香海各有若干莊嚴今文畧無若案文取

義一切之言即一切海總以妙寶而為其

底等文有二十句前十明海體狀一底二

岬三網四水五華六塗七聲八光九人衛

現通十結廣無盡

十寶階陛行列分布十寶欄楯周市圍繞四  
 天下微塵數一切寶莊嚴芬陀利華敷榮水  
 中不可說百千億那由他數十寶尸羅幢恒  
 河沙數一切寶衣鈴網幢恒河沙數無邊色  
 相寶華樓閣百千億那由他數十寶蓮華城  
 四天下微塵數眾寶樹林寶燄摩尼以為其  
 網恒河沙數梅檀香諸佛言音光燄摩尼不  
 可說百千億那由他數眾寶垣墻悉共圍繞  
 周徧嚴飾

後十寶下十句攝異莊嚴唯白蓮華當於  
 水中餘皆在岍言十寶者有云金銀瑠璃  
 碑磔碼瑙珊瑚琥珀真珠玫瑰琴瑟為十  
 十中前七即是七寶芬陀利者即白蓮華  
 亦是正敷榮時尸羅幢者應云試羅此云

美玉若言尸羅此云清淨二義俱通餘並

可知以法門合之可以意得芬陀利即白蓮華者即唐

三藏等諸師所翻而言亦是正敷榮時者即什公意故殿公法華序云華有三特之

吳華而未敷名居摩羅洞而將落名迦摩羅處中感時名芬陀利生公亦云若像之

妙莫踰蓮華蓮華之美榮在始敷始敷之盛則于盈於內色香味足謂之芬陀利意

亦同也今存二譯各是一義梵語多舍故兩存耳

爾時普賢菩薩欲重宣其義承佛神力觀察

十方而說頌言

此世界中大地上有香水海摩尼嚴清淨妙

寶布其底安住金剛不可壞

香藏摩尼積成岍日燄珠輪布若雲蓮華妙

寶為瓔珞處處莊嚴淨無垢

香水澄渟具眾色寶華旋布放光明普震音

聲聞遠近以佛威神演妙法

頌中菩薩持蓋經有頌無日焰光輪經無



頌有且分爲二初三頌初十句一頌底二

頌岍及網纓即網類三頌餘七細尋可見

階陞莊嚴具衆寶復以摩尼爲間飾周迴欄

楯悉寶成蓮華珠網如雲布

摩尼寶樹列成行華藻敷榮光赫奕種種樂

三

十六

音恒競奏佛神通力令如是

種種妙寶芬陀利敷布莊嚴香水海香燄光

明無暫停廣大圓滿皆充徧

明珠寶幢恒熾盛妙衣垂布爲嚴飾摩尼鈴

網演法音令其聞者趣佛智

妙寶蓮華作城郭衆彩摩尼所嚴瑩真珠雲

影布四隅如是莊嚴香水海

垣牆繚繞皆周匝樓閣相望布其上無量光

明恒熾然種種莊嚴清淨海

崑盧選那於往昔種種刹海皆嚴淨如是廣

三

十七

大無有邊悉是如來自在力

餘七偈頌後十句而小不次謂一頌階陞

欄楯二頌樹林三頌華敷四頌幢相五頌

城珠六頌牆閣繚者纏也七頌結嚴屬佛

一昔因二現力

爾時普賢菩薩復告大衆言諸佛子一一香

水海各有四天下微塵數香水河右旋圍繞

第四海間香河即隨一一心同時相應功

德流注也長行亦三初舉數二一切下辯

嚴三若廣下結廣即隨一一心者大海既

二皆心王故河表同時心所謂善十

一遍行別境二千福河流注心地

一切皆以金剛爲岍淨光摩尼以爲嚴飾常

現諸佛寶色光雲及諸衆生所有言音其河

所有漩澗之處一切諸佛所修行種種形

相皆從中出摩尼爲網衆寶鈴鐸諸世界海

所有莊嚴悉於中現摩尼寶雲以覆其上其雲普現華藏世界毘盧遮那十方化佛及一切佛神通之事復出妙音稱揚三世佛菩薩名其香水中常出一切寶燄光雲相續不絕巖中巖事並無差別故云一切皆以謂並

用寶體寶嚴聖靈游集光雲相映萬象浮輝十句可知

若廣說者一一河各有世界海微塵數莊嚴三結廣中既繞小海之小河已有刹海塵數之嚴彌顯諸標結文非唯約事皆是一

多無礙耳

爾時普賢菩薩欲重宣其義承佛神力觀察十方而說頌言

清淨香流滿大河金剛妙寶為其岍  
偈中初半偈頌岍體金剛

寶末為輪布其地種種嚴飾皆珍好寶階行列妙莊嚴欄楯周迴悉殊麗真珠為藏眾華飾種種纓鬘共垂下

次一偈半頌摩尼嚴岍

香水寶光清淨色恒吐摩尼競疾流眾華隨浪皆搖動悉奏樂音宣妙法

三一頌光雲言音

細末梅檀作泥塗一切妙寶同洄復香藏氤氳布在中發燄流芬普周徧

河中出生諸妙寶悉放光明色熾然其光布彰成臺座華蓋珠瓔皆具足

摩尼王中現佛身光明普照十方刹以此為輪嚴飾地香水映徹常盈滿

次三皆頌漩復出影

摩尼為網金為鐸徧覆香河演佛音克宣一

切菩提道及以普賢之妙行

七頌網繹垂覆及總現諸嚴前現事嚴比

說道行

寶岍摩尼極清淨恒出如來本願音一切諸

佛曩所行其音普演皆令見

八頌現佛依正

後三

十九

其河所有漩流處菩薩如雲常踊出悉往廣

大剎土中乃至法界咸充滿

九頌浪出妙音

清淨珠王布若雲一切香河悉彌覆其珠等

佛眉間相炳然顯現諸佛影

十頌水出光雲更有影畧可以意得

爾時普賢菩薩復告大眾言諸佛子此諸香

水河兩間之地悉以妙寶種種莊嚴

第五河間華林長行有三初總標次一一

下別顯後其香水下總結

一一各有四天下微塵數眾寶莊嚴芬陀利

華周而徧滿各有四天下微塵數眾寶樹林

次第行列一一樹中恒出一切諸莊嚴雲塵

尼寶王照耀其間種種華香處處盈滿其樹

復出微妙音聲說諸如來一切劫中所修大

願復散種種摩尼寶王充徧其地所謂蓮華

輪摩尼寶王香燄光雲摩尼寶王種種嚴飾

摩尼寶王現不可思議莊嚴色摩尼寶王日

光明衣藏摩尼寶王周徧十方普垂布光網

雲摩尼寶王現一切諸佛神變摩尼寶王現

一切眾生意報海摩尼寶王如是等有世界

海微塵數其香水河兩間之地一一悉具如

是莊嚴

別顯二事謂華及樹水陸各一實有多事

然此一段文勢少異不列十事以顯無盡  
 而但舉三展轉明多謂初一白蓮後一寶  
 樹於此一樹出五業用一出莊嚴雲二寶  
 王照耀三華香盈滿四出音演法五兩寶  
 徧地於中文有總別及結別有八事通三

世間初六現器次一現正覺後一現衆生

世間如劍葉林等現惡業報天意樹等即

善業報男女林中朝生暮落皆業報海

葉林者其林樹葉猶如刀劍下即傷人天  
 意樹者涅槃四十二問中當第二十四問  
 云云何觀三寶猶如天意樹言天意樹者  
 隨天意轉故至第九經方始答之云復次  
 善男子如菴羅樹及閻浮提樹一年三變  
 有時生華光色數葉有時生葉滋茂翳鬱  
 有時凋落狀如枯死善男子於意云何是  
 樹實為枯死不耶不也世尊善男子如來  
 亦耳於三界中示三種身有時初生有時  
 長大有時涅槃而如來身實非無常釋曰  
 意明三寶隨物轉變而實常存如天意樹  
 隨大意指而實不死隨天之意明是善業  
 男女林者即楞伽第一百六問云何男女  
 林一百七問云何阿梨勒阿摩勒解曰謂

令觀世間如男女林等依立世阿毗曇論  
 第一云閻浮提林外有二林一名訶梨勒  
 二名阿摩勒此二林南復有七林中有人  
 林是人林中果形如人如閻浮提聖人王  
 種若男子十六歲如女一十五歲莊嚴具  
 足狀如人頭髻未離欲者見此果子便生愛  
 心諸外道等有離欲人若見此果即失禪  
 定欲心還生其子藝時唯鳥競食鳥食之  
 餘殘落於地如尸陀林甚可厭惡退禪定

者見是相已深生厭離還得本定意表世  
 間男女如林所見榮飾悉皆如幻與此無  
 別過計所執妄謂之實菩薩觀之都無所  
 有故楞伽云觀諸衆生如死屍無知以妄  
 想故見有往來若離妄想如彼死屍無鬼  
 入中云為自在故有經說菩薩所見世間  
 資生無非實如是等下且結樹之兩寶已  
 相此之謂矣如是等下且結樹之兩寶已  
 有刹海塵數例上出雲等四一一皆然一

樹之中已有多刹海之嚴矣次例芬陀利  
 華亦同於樹其華與樹各有四天下塵一  
 一皆爾如華樹等類復應有刹海塵數之  
 物故為無盡之嚴也  
 爾時普賢菩薩欲重宣其義承佛神力觀察

十方而說頌言

其地平坦極清淨真金摩尼共嚴飾諸樹行

列蔭其中聳幹垂條萃若雲

枝條妙寶所莊嚴華燄成輪光四照摩尼爲

果如雲布普使十方常現觀

摩尼布地皆充滿衆華寶末共莊嚴復以摩

尼作宮殿悉現衆生諸影像

諸佛影像摩尼王普散其地靡不周如是赫

奕徧十方一一塵中咸見佛

妙寶莊嚴善分布真珠燈網相間錯處處悉

有摩尼輪一一皆現佛神通

衆寶莊嚴放大光光中普現諸化佛一一周

行靡不徧悉以十力廣開演

後應頌不次文分爲三初六頌寶樹

摩尼妙寶芬陀利一切水中咸徧滿其華種

種各不同悉現光明無盡歌

次一頌白蓮華

三世所有諸莊嚴摩尼果中皆顯現體性無

生不可取此是如來自在力

此地一切莊嚴中悉現如來廣大身彼亦不

來亦不去佛昔願力皆令見

此地一一微塵中一切佛子修行道各見所

記當來剎隨其意樂悉清淨

後三結嚴所因謂由佛等力明體用無礙

現而常如然此偈有多意趣一者初一偈

則器世間次一智正覺後一衆生欲明一

一事中皆現三世間嚴影略其文耳然此

下二別釋示難思相總有六重六重之中

皆通一偈而各即一句中言又此四句各

是一義如第一偈初句所現之境二能現

之處三所現之相四能現之因下二例然

其第一重料揀初句所現不同三偈各一

世間而初偈是初句次偈是第二句後偈

是第二三兩句影略其文者謂隨一能現  
現三世間今各舉一故云影略非但此義  
六重皆 又初明一果能現次例一切莊嚴  
影略

後明塵塵皆爾從略至廣從羸至細又初

果能現下第二重約現處以明又初明佛  
初偈第二句後二偈皆第一句

力次彰願力後隨樂力 又初明佛力下第  
三重約能現因差

各顯一因 又初果後因願通因果 又初果  
後因者

是第四重亦約現因明異重 又初自後他  
釋第四句而約因果不同

願通自他 又初自下第五亦約能現 又初  
因句亦第四約一利不同

明即性無性體本不生次明即相無相現

無來去後明不壞於相各見不同 初明即  
性無性

下第七重約所現性相明差三偈皆第二  
句以各見不同同體無來等此之一義更  
須解釋謂若順上釋既從佛力等因故所  
現之體即無生等二者此句亦是能現由  
體無生故現而取稱性而來 方顯華藏  
故無來去隨機應顯各見不同  
之嚴皆言之意絕非可情求也

大方廣佛華嚴經疏鈔會本第八之一

似三

于五

音釋

芬馥 芬敷文切馥香也 大沮壞 沮在呂切過

也 沚 語新切 欄 欄檻也 澄 澄持陵

而清也 沚 唐丁 鈴 鈴鐸也 澄 澄持陵

切水止曰沚 鈴 鈴鐸也 澄 澄持陵

藥 花須也 玫瑰 玫瑰切 鈴 鈴鐸也 澄 澄持陵

漩復 漩旬宜切復房六 嫌 胡兼切 奧 於到

菌 具限切音郡 蒹 蒹烏紅切鬱於勿

地 葦之小者 蒹 蒹烏紅切鬱於勿

大方廣佛華嚴經疏鈔會本第八之二 假四

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時普賢菩薩復告大衆言諸佛子諸佛世

尊世界海莊嚴不可思議

第六辯總結莊嚴上來諸段雖說莊嚴猶

未能盡故今總顯一一之境若說不說皆

具刹海塵數功德莊嚴是以文云一切境

界長行文二先標莊嚴難測

何以故諸佛子此華藏莊嚴世界海一切境

界一一皆以世界海微塵數清淨功德之所

莊嚴

二何以下徵釋所由清淨功德文含二義

一謂衆多果嚴即是清淨功德二謂一一

果嚴從多清淨功德因生以因望果應成

四句謂多因一果一因多果等故隨一一

事即曰難思應成四句者文出二句三一

行無德不招廣如問明及昇兜是以頌云

但由如來昔所行神通願力而出生斯即

因也若語果嚴略有五相一者令多周給

一切一者令多者第四偈一切刹二者令

常永無乏絕第二偈中靡暫停第三

令妙悅可衆心第三偈中其音四者稱性

無生無相第十偈中無等無生五者自在

鎔融無礙偈文具之總斯五義故曰難思

況因果相即第八偈等能於一切微塵中

一刹那中悉能普現其身淨衆刹及第九偈

爾時普賢菩薩欲重宣其義承佛神力觀察

十方而說頌言

此刹海中一切處悉以衆寶爲嚴飾發燄騰

空布若雲光明洞徹常彌覆

摩尼吐雲無有盡十方佛影於中現神通變

化靡暫停一切菩薩咸來集

一切摩尼演佛音其音美妙不思議毘盧遮

那昔所行於此寶內恒聞見

清淨光明徧照尊莊嚴具中皆現影變化分

身眾圍繞一切刹海咸周徧

偈文有十大分為二前六果嚴用勝後四

對因辯果前中分三初四別明嚴用

所有化佛皆如幻求其來處不可得以佛境

界威神力一切刹中如是現

次一結屬現緣

如來自在神通事悉徧十方諸國土以此刹

海淨莊嚴一切皆於寶中見

後一總結多類

十方所有諸變化一切皆如鏡中像二但由如

來昔所行神通願力而出生

後四對因辯果中一由行願神通為因故

獲變化如鏡像果

若有能修普賢行入於菩薩勝智海能於一

切微塵中普現其身淨眾刹

二以普行勝智為因故得一塵淨眾刹果

不可思議億大劫親近一切諸如來如其一

切之所行一刹那中悉能現

三由長時近友為因故得刹那頓現之果

諸佛國土如虛空無等無生無有相為利眾

生普嚴淨本願力故住其中

四彰淨國之意使倣而行之前半智境嚴

即無嚴謂自受用土周徧無等法性之土

體性無生二皆無相後半悲應無嚴之嚴



嚴徧法界無住之住常住刹中上釋莊嚴

竟悲應已下後半即他受用及變化淨一偈之中四土具矣

爾時普賢菩薩復告大眾言諸佛子此中有何等世界住我今當說

第三明所持刹網釋品目世界之言又前

明本刹今辯末界故兼添淨文分三別第

一告眾許說二諸佛子此不可說下雙標

二章三諸佛子彼諸世界種下廣釋二章

諸佛子此十不可說佛刹微塵數香水海中

有十不可說佛刹微塵數世界種安住一一

世界種復有十不可說佛刹微塵數世界

標二章者謂種及刹然刹種依刹海諸刹

依刹種則寬隘知名從何得欲明世界

無邊方便顯多故立此名謂積多世界共

在一處攝諸流類故名爲種如是種類復

有眾多深廣無邊故名爲海如積多魚以

成一種魚龍龜鼈山泉島嶼乃有多種並

悉攝在一大海中而言世界無邊者海外

有海海無窮也若爾種無別體攬界以

成何以下文說有形體雖依種類以立種

名何妨此種別有其體如多蠶孔共成一

窠豈妨此窠別有其體上舉魚龍蓋分喻

耳即依後義亦得名爲種性依於此種能

生世界如依一禾有多穀粒舊經云性多

取此義恐濫體性故改爲種言有不可說

者若準下文香海及種皆有十不可說梵

本亦有今脫十字多是傳寫之漏耳雖依種類

下初正釋也前爲成海故取種類畧無別

體今別喻蜂窠以彰有體蜂孔如刹一窠

如種則顯魚龍乃成分喻即依後義下二

結成也先會同晉經成種性義種有二義

一類二性以禾喻種以粒喻刹未能生穀

故有性義恐濫下顯今經意亦是通難難

云若有種生之義何不依昔為世界性故為此通則種兼二義今經存之

諸佛子彼諸世界種於世界海中各各依住各各形狀各各體性各各方所各各趣入各各莊嚴各各分齊各各行列各各無差別各各力加持

假四

四

三廣釋二章中文分為二初通明刹種不同釋刹種章二別明刹種香海雙釋二章二段各有長行與偈今初長行文二初列十門後隨門廣釋今初也然此十門刹種之異並悉不離所依華藏故云於世界海中所列十事與成就品都望全異彼通一切海此明一海種故若別別相望互有互無起具因緣清淨佛出劫住轉變彼有此無方所分齊行列趣入力持等五彼無此有依住形體莊嚴無別彼此名同前後互

假四

五

出都有十五皆顯十者俱表無盡而或異者彰義多端復有同者恐濫全別

假

五

何以起具前有此無前段總明成立因果此中正辯何等世界住故餘可思準何以起具下即初問也問意云一種起具等五此無前方所等五此有前無前段總明下答也答中對上賺起具問餘可思準者即是結例餘四但用何等世界住言總通五難劫住是果起具是因此通易了餘四猶難謂者淨佛出劫住轉變正是果相正辯界住何得全無今云無者清淨方便亦是約因入不通染今則通染又不語因佛住約人今此辯刹故亦無之劫住轉變此二然豎明今語現住亦非此要故畧不說然與前同已如前釋不同五事今當說之然

前同下第三隨文 各各方所者若圓滿方別釋但解五句 所周滿法界無處不有不即三界不離三界若隨宜方所隨十方中向背各別若圓所等者釋此五句皆是十八圓滿中意次下當明此中每句各具二義方所二者圓滿方所即自受用方所如上引唯識明自受用土相若隨宜方所即他受用及變化

淨然依佛地十八圓滿唯約他受用說各  
今約圓通故進入自受用下該變化  
各趣入者依門趣入約法門者謂三解脫  
又互相現入而無來去等依門趣入者彼有事門即如向  
說二約法為門今但出此又互相現各各  
入者是約此宗以辨門義並如下說  
分齊者約事隨宜廣陞異故約佛分齊則

十方無際分齊分二隨宜即他受用等約佛即自受用土問圓滿方所云  
無處不有圓滿分齊十方無際二相何別  
答若識隨宜方所分齊即圓滿二相不同  
謂隨宜方所者此之淨土十方之內為在  
何方如極樂在西妙喜在東等言分齊  
此之淨土廣狹云何或等一安婆或等百  
千是分齊也是則圓滿方所明無處不有  
者即遍在也其分齊也十  
方無際者量周法界也一各各行列即是

道路約事可知約法謂大念慧行以為游  
路各各力加持者即食能令住約法廣大  
法味喜樂所持行列與下第十加持各約事法分為二又此  
互出顯佛淨土十八圓滿十五攝故言十  
八者顯色形色分量方所因果及主輔翼

眷屬任持事業攝益無畏住處路乘門及  
依持又此互出下初標釋也總將二品之文共攝十八圓滿言十八下第二列  
名文無次第及圓滿言而十八具足一顯  
色圓滿二形色圓滿三分量圓滿四方所  
圓滿五因圓滿六果圓滿七主八輔翼九  
眷屬十任持十一事業十二攝益十三無  
畏十四住處十五路十六  
乘十七門十八依持圓滿云何攝耶此具

因緣即因圓滿依住即是依持形狀即當  
形色體攝二種一攝顯色七寶光明為體  
性故二攝果滿隨類之果可知約佛大圓  
鏡智相應淨識之所變故故上偈云或一  
念心普示現為體莊嚴攝三謂一攝住處  
如來莊嚴為住處故二攝輔翼菩薩嚴故  
三攝眷屬有餘眾故清淨攝三一攝事業  
謂作有情之義利故二攝攝益謂現證解  
脫滅彼煩惱及災橫故三攝無畏謂內無  
災橫外無怖畏故此中佛住攝二圓滿一

攝主二攝乘或說一乘等故方所分齊二名全同行列即路趣入即門力持為任持

云何攝耶第三正明相攝先徵此具下釋釋中文意皆是佛地論中之意細尋可知十八名相第五迴向更當廣釋此但舉於此十五名攝彼十八其有難者引經會釋劫住轉變十八中無義同於果及事業攝

亦可成二十圓滿於理無違謂劫住窮未來故轉變即如來神通變化世界海普清

淨轉變即圓滿義劫住轉變下第四明同異通有四種此有二門

一立名同異如上別對中明二開合同異亦如上說然上體及佛住各攝於二清淨莊嚴各攝於三則四門攝十餘之八門各攝其一則十二門以攝十八即開合異也

三有無同異即是劫住及劫轉變釋無所以畧有二意一以彼攝此謂果攝劫住有刹之果必有劫住之時分故事業圓滿攝此轉變菩薩神通如來作用皆轉變故二者不用彼攝何必定須十八圓滿加於此二成二十數正圓滿故如以六通為十通等謂以劫住窮未來故其無差別彼文雖下示於二種圓滿之相無即由此故方顯圓滿餘皆隨宜故云各

各其無差別下明通局同異彼十八事各約說今無差別通該十八由無差別十四皆約隨宜由此無差故名圓滿無差既同云何各各所無差事有種種故既同下顯跡生難上云餘十四事皆是隨宜故稱各各其無差別稱實而說今餘圓滿則無差別非各各義何以經云各各無差今答此云所無差事有種種者上經中明塵

塵刹刹佛佛生皆悉融攝事事相若將望即云一一各各融攝即是無差若將此十對成就品十亦得相攝恐厭繁文若

此十下第二攝成就品前攝十八共以二攝皆為能攝今此對前自分能所而得互攝此華藏品攝成就品者此中趣入攝彼起具因緣及清淨二事以趣入即三解脫門可為刹因今刹淨故此中力持攝餘三

事謂佛出劫住及劫轉變以力持即是廣大法喜無佛從何得法喜耶况有佛持若佛不出但以食持若佛出世即有法持若以食持住時即少若用法持住劫則長二種力持皆通轉變法持則染變為淨食持則淨變為染故俱舍說三灾起時由二種因一純看美味二者懶惰故以食持淨變為染上以此二攝於彼五事全同故十具矣若以成就攝華藏者上以此二攝於彼五則以彼五攝於此二此餘三事謂方

所分齊并及行列彼何攝耶即五同中依住形狀二事所攝以但有依住則有方所及行列故但有形狀則有分齊則以彼七攝此五事五事全同則十亦具故於二處各舉十事無所不收巧顯多端又上諸文故互隱顯理實互出為顯十八

一一段中具多圓滿一一融攝故異餘宗諸佛子此世界種或有依大蓮華海住或有

依無邊色寶華海住或有依一切真珠藏寶

瓔珞海住或有依香水海住或有依一切華

海住或有依摩尼寶網海住或有依漩流光

海住或有依菩薩寶莊嚴冠海住或有依種

種衆生身海住或有依一切佛音聲摩尼王

海住如是等若廣說者有世界海微塵數

二隨門廣釋但釋其三謂依住形體餘七

雖略義上已說今初依住中初列後結文

並可知

諸佛子彼一切世界種或有作須彌山形或

假四

八

作江河形或作迴轉形或作漩流形或作輪  
輞形或作壇墀形或作樹林形或作樓閣形  
或作山幢形或作普方形或作胎藏形或作  
蓮華形或作佉勒迦形或作衆生身形或作  
雲形或作諸佛相好形或作圓滿光明形或

作種種珠網形或作一切門闍形或作諸莊

嚴具形如是等若廣說者有世界海微塵數

二形狀中初列二十種後結塵數不同今

初迴轉形者攝繫往來之形也壇墀形者

築土為壇除地為墀佉勒迦者梵音此云

竹筥

九

九

諸佛子彼一切世界種或有以十方摩尼雲  
為體或有以衆色燄為體或有以諸光明為  
體或有以寶香燄為體或有以一切寶莊嚴  
多羅華為體或有以菩薩影像為體或有以

諸佛光明爲體或有以佛色相爲體或有以一寶光爲體或有以衆寶光爲體或有以一切衆生福德海音聲爲體或有以一切衆生諸業海音聲爲體或有以一切佛境界清淨音聲爲體或有以一切菩薩大願海音聲爲體或有以一切佛方便音聲爲體或有以一切刹莊嚴具成壞音聲爲體或有以無邊佛音聲爲體或有以一切佛變化音聲爲體或有以一切衆生善音聲爲體或有以一切佛功德海清淨音聲爲體如是等若廣說者有世界海微塵數

三明體中先列後結列中亦二十種前十色相後十是聲會釋如前

爾時普賢菩薩欲重宣其義承佛神力觀察十方而說頌言

刹種堅固妙莊嚴廣大清淨光明藏依止蓮華寶海住或有住於香海等

應頌有十分爲六段初一頌依住須彌城樹壇墀形一切刹種徧十方種種莊嚴形相別各各布列而安住

次一形狀及布列安住

或有體是淨光明或是華藏及寶雲或有刹種燄所成安住摩尼不壞藏

燈雲燄彩光明等種種無邊清淨色或有言音以爲體是佛所演不思議

或是願力所出音神變音聲爲體性一切衆生大福業佛功德音亦如是

次三體性

刹種一一差別門不可思議無有盡如是十方皆徧滿廣大莊嚴現神力

十方所有廣大刹悉來入此世界種雖見十方普入中而實無來無所入

以一刹種入一切一切入一亦無餘體相如本無差別無等無量悉周徧

次三頌於三事謂初二句頌所入門次句

方所第四句莊嚴餘二偈中廣大刹之本

相即是分齊廣陋此彼相入亦頌趣入初

偈以多入一後偈一多互入此彼相入亦頌趣入故上

疏中釋趣入義以為此解皆入而無入入於中有二先畧屬偈文

則壞緣起不入壞性皆入而無入下通釋二偈入無入言

前偈中有義通後偈故致皆言總有三意切一反釋通緣起相由及法性融通二門約緣起門者凡緣起法要有三義一諸緣各異義二互遍相資義三俱存無礙義今云入則壞緣起者反釋不入入則失緣則無諸緣各異義言不入則壞性用者反釋入義則不得入不入則不得力用交徹故無互通相資義則壞用也若具入不入則俱存無礙成緣起門言法性融通門者即性之一字凡法性融通要不壞相而即

真性入則壞緣起者無可相入不入則壞性者則性不通一切法故由不壞相性而能普通方是法又十一要由不入方能入耳又性融通義也又十二要由不入方能入者即願釋也亦通二門唯就相說若約緣起門要由諸緣歷然不入方能相資通相入耳若約法性融通門者要由事相歷然方隨理融入一切法故說若唯約理又約體本空故無來無入約無可即入

相不壞故如本無差以性融相故得互入

三又約體本空下亦願明而雙約性相上第一義相即不入性即能入今此一義獨相獨性俱不能入要二相融方能入故言若約體空則無來無入若若唯約性無可即入言約相不壞如本無差者即若唯約事不能即入上二皆不入義以性融相故得互入者即釋入義是顯正義謂不異理之一事全攝法性時令彼不異理之多

事隨所依理皆於一中現等一事攝理既爾多事攝理亦然則一事隨所依理皆於多中現故得互入是為法性融通門也

一切國土微塵中普見如來在其所願海言

音若雷震一切衆生悉調伏

次一頌無差謂塵容佛海等無差故

佛身周徧一切刹無數菩薩亦充滿如來自  
在無等倫普化一切諸含識

後一頌力持主伴皆是神力任持普化之  
言兼於法味

爾時普賢菩薩復告大衆言諸佛子此十不  
可說佛刹微塵數香水海在華藏莊嚴世界  
海中如天帝網分布而住

第二別明種刹香海雙釋二章者謂香海  
依刹海刹種依香海諸刹依刹種亦有長  
行偈頌長行分三初總舉諸海所依二次  
第別顯海種及刹第三總略結釋今初也  
上來雖復但標刹種及刹二章而釋依住  
中皆云依海故列海數此多香海並在刹  
海地面故云所依言如帝網者大都分布  
則似車輪其有別者謂帝釋殿網貫天珠

成以一大珠當心次以其次大珠貫穿而  
繞如是展轉遞繞經百千而若上下四面  
四角望之皆行伍相當今此香海雖在地  
面分布相似又有涉入重重之義故云如  
也

諸佛子此最中央香水海名無邊妙華光以  
現一切菩薩形摩尼王幢爲底

第二諸佛子此最中央下次第別顯諸海  
種刹文分爲三初辯中間一海次辯右旋  
十海後明十海所管之海然十海各管不  
可說佛刹塵數之海總顯則有十不可說  
佛刹塵數次第說者但有一百一十一海  
餘皆略指今初中央一海文分爲二先明  
香海出華以持刹種後有不可說下明所  
持世界前中有三初香海名以多華發光

假四

十一



故亦由菩薩行華而為因故

出大蓮華名一切香摩尼王莊嚴

二華名謂以香摩尼嚴此華故又從摩尼

底而出生故約法即萬行圓明之所成故

海能有華故受華名華依於海取海底稱

海能有華等者以海名無邊妙華光故如蓮華池池受華名華依於海者海以摩尼王幢為底故華名摩尼王莊嚴如泥中華華受泥稱

有世界種而住其上名普照十方熾然寶光

明以一切莊嚴具為體

三種名約事實光遠照故約法其世界種

正是所含種子一一皆有大智光明徧照

法界義故性德互嚴故

有不可說佛刹微塵數世界於中布列

第二所持世界中三初總舉大數次其最

下方下別辯二十層大刹後諸佛子下類

結所餘初文可知

其最下方有世界名最勝光徧照

第二別辯中準標及結皆有不可說刹塵

其別辯中但列十九佛刹塵數為二十重

其能繞刹但有二百一十佛刹塵數下當

會釋二十層即分二十段最下層中文有

七事一舉名但有二百一十者第一層一

佛刹一上為二為三為四為五為六

四層加四為十第五層加五成十五第六

層加六成二十第七層加七成二十七

第八層加八成三十五第九層加九成四

十五第十層加十成五十五第十層有五

十五上十層一漸加算數亦有五十五

而各有十謂十一十二十三十四等上十

層更有一百都有一百五十五并下十層

五十五故有二百一十矣問既有二十層

何以但云十九佛刹為主刹耶答以最下

一層但云一世界非一佛刹微塵數世界故

云從此一界云此上過一佛刹微塵數刹

界至第二層故二層共有一佛刹微塵數刹

耳如堅二千錢為二十百最下取一錢為第二層

最下一刹此上過一百取一錢為第二層方是

二百乃至二十層方有一千九百丈耳故  
二十層成十九佛刹思之下當會釋者即  
第三會能繞所  
繞類結之中

以一切金剛莊嚴光耀輪為際

二辯際謂世界所據之際如金剛際

依眾寶摩尼華而住

三依住若準此名大同刹種所依蓮華而

舊釋云於前無邊香海所出華上更有此

華持此一界者以例上諸層別有依住故

為此釋何妨最下依於總華思之

其狀猶如摩尼寶形

四形如摩尼者為摩尼狀有於八楞似方

不方似圓不圓故異下八隅

一切寶華莊嚴雲彌覆其上

五上覆

佛刹微塵數世界周而圍繞種種安住種種

莊嚴

假四

十四

六眷屬

六眷屬者即經中云種種安布  
種種莊嚴是辨眷屬刹之相耳

佛號淨眼離垢燈

七本界佛名離二障垢智眼清淨照世如

燈然佛德無邊各隨一義二層已去或有

八事謂加去此遠近故或有九事加純淨

言故準此若無此言即通洙淨此上眷屬

漸加刹數中間諸事可以準知

此上過佛刹微塵數世界有世界名種種香

蓮華妙莊嚴以一切莊嚴具為際依寶蓮華

假四

十五

網而住其狀猶如師子之座一切寶色珠帳

雲彌覆其上二佛刹微塵數世界周而圍繞

佛號師子光勝照

此上過佛刹微塵數世界有世界名一切寶

莊嚴普照光以香風輪為際依種種寶華環

瑠住其形八隅妙光摩尼日輪雲而覆其上  
三佛刹微塵數世界周而圍繞佛號淨光智  
勝幢

此上過佛刹微塵數世界有世界名種種光  
明華莊嚴以一切寶王爲際依衆色金剛尸  
羅幢海住其狀猶如摩尼蓮華以金剛摩尼  
寶光雲而覆其上四佛刹微塵數世界周而  
圍繞純一清淨佛號金剛光明無量精進力  
善出現

此上過佛刹微塵數世界有世界名普放妙  
華光以一切寶鈴莊嚴網爲際依一切樹林  
莊嚴寶輪網海住其形普方而多有隅角梵  
音摩尼王雲以覆其上五佛刹微塵數世界  
周而圍繞佛號香光喜力海

五中云普方者都望即方而一面之中亦

有多角隅即是角文體容爾

此上過佛刹微塵數世界有世界名淨妙光  
明以寶王莊嚴幢爲際依金剛宮殿海住其  
形四方摩尼輪髻帳雲而覆其上六佛刹微  
塵數世界周而圍繞佛號普光自在幢

此上過佛刹微塵數世界有世界名衆華燄  
莊嚴以種種華莊嚴爲際依一切寶色焰海  
住其狀猶如樓閣之形一切寶色衣真珠欄  
楯雲而覆其上七佛刹微塵數世界周而圍  
繞純一清淨佛號歡喜海功德名稱自在光

此上過佛刹微塵數世界有世界名出生威  
力地以出一切聲摩尼王莊嚴爲際依種種  
寶色蓮華座虛空海住其狀猶如因陀羅網  
以無邊色華網雲而覆其上八佛刹微塵數  
世界周而圍繞佛號廣大名稱智海幢

此上過佛刹微塵數世界有世界名出妙音  
 聲以心王摩尼莊嚴輪為際依恒出一切妙  
 音聲莊嚴雲摩尼王海住其狀猶如梵天身  
 形無量寶莊嚴師子座雲而覆其上九佛刹  
 微塵數世界周帀圍繞佛號清淨月光明相

無能摧伏

第六

十六

此上過佛刹微塵數世界有世界名金剛幢  
 以無邊莊嚴真珠藏寶瓔珞為際依一切莊  
 嚴寶師子座摩尼海住其狀周圓十須彌山  
 微塵數一切香摩尼華須彌雲彌覆其上十  
 佛刹微塵數世界周帀圍繞統一清淨佛號  
 一切法海最勝王

此上過佛刹微塵數世界有世界名恒出現  
 帝青寶光明以極堅牢不可壞金剛莊嚴為  
 際依種種殊異華海住其狀猶如半月之形

諸天寶帳雲而覆其上十一佛刹微塵數世  
 界周帀圍繞佛號無量功德法

此上過佛刹微塵數世界有世界名光明照  
 耀以普光莊嚴為際依華旋香水海住狀如  
 華旋種種衣雲而覆其上十二佛刹微塵數  
 世界周帀圍繞佛號超釋梵

此上過佛刹微塵數世界至此世界名娑婆  
 以金剛莊嚴為際依種種色風輪所持蓮華  
 網住狀如虛空以普圓滿天宮殿莊嚴虛空  
 雲而覆其上十三佛刹微塵數世界周帀圍  
 繞其佛即是毘盧遮那如來世尊

其第十三層主刹即此娑婆言形如虛空  
 者靜法云大小乘經並說虛空體無形質  
 不可見相今云有形者迴文者誤梵本云  
 三曼多周第嚩嚩曇曇天伽伽那虛阿楞

迦羅莊嚴僧塞怛那形迴文應以形狀置

周圓之前虛空安天宮之上然後合綴飾

云其形周圓以空居天宮莊嚴之具而覆

其上靜法此正深有理致今依經通之亦

有理在謂空雖無形隨俗說故以俗典指

空為天謂天為圓穹其形如鍬故說天勢

圍平野亦如法華云梵王為眾生之父亦

隨俗說耳謂天為圓穹者外典說天或謂

故天圓地方若莊子云天形穹隆其形如鍬

形質如法華者即第六經藥王本事品中

云譬如大梵天王為一切眾生之父此經

亦復如是為一切眾生之父以梵王劫初

初生後有諸天下降梵王凡夫皆悉妄計

梵王為父諸經論皆破為非是外道計今

法華經如來自引以譬法華豈佛不知是

父為妄故是世尊隨俗說耳今亦隨俗說

天有形於理何違然今疏意非是不許靜

法之見但已著在經小有可通即為會釋

此上過佛刹微塵數世界有世界名寂靜離

塵光以一切寶莊嚴為際依種種寶衣海住

其狀猶如執金剛形無邊色金剛雲而覆其

上十四佛刹微塵數世界周而圍繞佛號徧

法界勝音

此上過佛刹微塵數世界有世界名衆妙光

明燈以一切莊嚴帳為際依淨華網海住其

狀猶如卍字之形摩尼樹香水海雲而覆其

上十五佛刹微塵數世界周而圍繞統一清

淨佛號不可摧伏力普照幢

第十五云形如卍字者靜法云室離鞋瑳

本非是字乃是德者之相正云吉祥海雲

衆德深廣如海益物如雲古來三藏誤譯

洛刹曩為惡刹擢遂以相為字故為謬耳

然此相以為吉祥萬德之所集成因目為

萬意在語略義舍合云萬相耳餘並易了

誤譯洛利曩者洛利曩此云相也悉刹提此云字也聲勢相近故使有誤梵本是室利跢蹉洛利曩合云吉祥海雲相也然此相下疏出古德以吉祥海雲為萬所由合云萬相者即結成靜法正義縱汝吉祥海雲為萬合言萬相不合云萬字

此上過佛刹微塵數世界有世界名清淨光

徧照以無盡寶雲摩尼王為際依種種香

蓮華海住其狀猶如龜甲之形圓光摩尼輪

栴檀雲而覆其上十六佛刹微塵數世界周

帀圍繞佛號清淨日功德眼

此上過佛刹微塵數世界有世界名寶莊嚴

藏以一切衆生形摩尼王為際依光明藏摩

尼王海住其形八隅以一切輪圍山寶莊嚴

華樹網彌覆其上十七佛刹微塵數世界周

帀圍繞佛號無礙智光明徧照十方

此上過佛刹微塵數世界有世界名離塵以

一切殊妙相莊嚴為際依衆妙華師子座海

住狀如珠瓔以一切寶香摩尼王圓光雲而

覆其上十八佛刹微塵數世界周帀圍繞純

一清淨佛號無量方便最勝幢

此上過佛刹微塵數世界有世界名清淨光

普照以出無盡寶雲摩尼王為際依無量色

香燄須彌山海住其狀猶如寶華旋布以無

邊色光明摩尼王帝青雲而覆其上十九佛

刹微塵數世界周帀圍繞佛號普照法界虛

空光

此上過佛刹微塵數世界有世界名妙寶燄

以普光明日月寶為際依一切諸天形摩尼

王海住其狀猶如寶莊嚴具以一切寶衣幢

雲及摩尼燈藏網而覆其上二十佛刹微塵

數世界周帀圍繞純一清淨佛號福德相光

明



是主刹若爾云何不與標文相違標文但  
 云一刹種有不可說佛刹微塵數世界故  
 既加兩重能繞多故答此有二意一言  
 不可說者就主標耳二者其兩重能繞並  
 不出不可說刹塵刹中何者觀其文意但  
 是諸刹互為主伴為相繞耳如百人共聚  
 一人為主則九十九人繞之餘九十九人  
 一為主時皆得九十九人繞之若不爾  
 者最下一刹已有一併刹塵數世界圍繞  
 此能繞刹更有兩重能繞已有不可說不

可說刹塵數刹也思之明  
 知互為主伴則本數不增

各各所依住各各形狀各各體性各各方面  
 各各趣入各各莊嚴各各分齊各各行列各  
 各無差別各各力加持周而圍繞

二結形類中初三列十門既言周而圍繞

則知旁去而疏言傍去者經中現說下狹  
 合更說上尖下廣如倒立浮圖仰安屬齒亦  
 上下櫛比皆悉周滿間無空處方為刹網  
 上下四周皆悉相當經欲揀別諸重不能  
 備舉故且增數說繞刹殊又欲令斜望相  
 當故為此說所以梵網經云世界不同猶  
 如網孔若但取二百一十以為所繞殊非  
 意得

所謂十佛刹微塵數迴轉形世界十佛刹微  
 塵數江河形世界十佛刹微塵數旋流形世  
 界十佛刹微塵數輪鞞形世界十佛刹微塵  
 數壇墀形世界十佛刹微塵數樹林形世界  
 十佛刹微塵數樓觀形世界十佛刹微塵數  
 尸羅幢形世界十佛刹微塵數普方形世界  
 十佛刹微塵數胎藏形世界十佛刹微塵數  
 蓮華形世界十佛刹微塵數住勒迦形世界  
 十佛刹微塵數種種衆生形世界十佛刹微  
 塵數佛相形世界十佛刹微塵數圓光形世  
 界十佛刹微塵數雲形世界十佛刹微塵數  
 網形世界十佛刹微塵數門闍形世界  
 二所謂下廣說十門形狀有十八事望前  
 刹種形中闕須彌山形及嚴具形餘皆全  
 同但此約刹為異耳



如是等有不可說佛刹微塵數

三如是等下結歸都數

此一一世界各有十佛刹微塵數廣大世界周而圍繞此諸世界一一復有如上所說微塵數世界而為眷屬

三結眷屬中然有兩重主伴此一一者指

假四

二十二

上不可說塵數也若望前文主刹直上繞數漸增今總相說故云一一各有十刹塵也又是欲顯無盡義故一一復有如上所說微塵數者如上之文言文含二義一即總

指前能繞所繞之數繞一世界不欲繁文

故云如上二者如上亦用十佛刹為能繞

也依此則以譯人文繁理隱何不言一一

復有十佛刹塵數耶若依前義則譯者之

妙依此則似者若言十佛刹但有三字今云如上所說則有四字故為文繁但云

二十二  
如上所說言不分明即是理隱若依前義者能繞所繞其數既多但云如上則言省畧故云妙耳雖有二釋疏意存第二釋但用十佛刹塵數而為能繞為順經宗明無盡故前後體勢類皆然故餘如疏文細尋可見

如是所說一切世界皆在此無邊妙華光香水海及圍繞此海香水河中

四彰所在即最中香海既言及在香水河明知傍去

大方廣佛華嚴經疏鈔會本第八之二

音釋

輪輞 輞音岡 壇墀 壇唐干切祭場也墀士

法 丘迦 卍 音萬按卍字本非是字武后長

之為萬謂吉祥 分齊 分符問切齊才諸

嶼 島親老切海中洲也 蠶 數密切 陋 胡夾



大方廣佛華嚴經疏鈔會本第九 假五

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時普賢菩薩復告大眾言諸佛子此無邊

妙華光香水海東

第二明右旋十海即繞處中之海有其十

也各有種刹十海即為十段今初第一離

垢燄藏海文二先牒中海以定方即是所

繞從東為首

次有香水海名離垢燄藏出大蓮華名一切

香摩尼王妙莊嚴有世界種而住其上名徧

照刹旋以菩薩行吼音為體

二次有下明能繞之海於中二先明海華

刹種

此中最下方

後此中最下方下明種所持刹有二十重

下九海例然今第一海二十重中各有七

事一相去遠近

有世界名宮殿莊嚴幢

二刹名

其形四方

三形狀

依一切寶莊嚴海住

四所依

蓮華光網雲彌覆其上

五上覆

佛刹微塵數世界圍繞純一清淨

六眷屬

佛號眉間光徧照

七佛號或有說體或說清淨即或八或九

其第一重無去遠近但有最下方言然文  
並可知有難即釋

此上過佛刹微塵數世界有世界名德華藏  
其形周圍依一切寶華藻海住真珠幢師子  
座雲彌覆其上二佛刹微塵數世界圍繞佛  
號一切無邊法海慧

此上過佛刹微塵數世界有世界名善變化  
妙香輪形如金剛依一切寶莊嚴鈴網海住  
種種莊嚴圓光雲彌覆其上三佛刹微塵數  
世界圍繞佛號功德相光明普照

此上過佛刹微塵數世界有世界名妙色光  
明其狀猶如摩尼寶輪依無邊色寶香水海  
住普光明真珠樓閣雲彌覆其上四佛刹微  
塵數世界圍繞純一清淨佛號善眷屬出興  
徧照

假五  
此上過佛刹微塵數世界有世界名善蓋覆  
狀如蓮華依金剛香水海住離塵光明香水  
雲彌覆其上五佛刹微塵數世界圍繞佛號  
法喜無盡慧

此上過佛刹微塵數世界有世界名尸利華  
光輪其形三角依一切堅固寶莊嚴海住菩  
薩摩尼冠光明雲彌覆其上六佛刹微塵數  
世界圍繞佛號清淨普光明

此上過佛刹微塵數世界有世界名寶蓮華  
莊嚴形如半月依一切蓮華莊嚴海住一切  
假五

寶華雲彌覆其上七佛刹微塵數世界圍繞  
純一清淨佛號功德華清淨眼

此上過佛刹微塵數世界有世界名無垢燄  
莊嚴其狀猶如寶燈行列依寶燄藏海住常  
兩香水種種身雲彌覆其上八佛刹微塵數

世界圍繞佛號慧力無能勝

此上過佛刹微塵數世界有世界名妙梵音  
形如卍字依寶衣幢海住一切華莊嚴帳雲  
彌覆其上九佛刹微塵數世界圍繞佛號廣  
大目如空中淨月

此上過佛刹微塵數世界有世界名微塵數  
音聲其狀猶如因陀羅網依一切寶水海住  
一切樂音寶蓋雲彌覆其上十佛刹微塵數  
世界圍繞純一清淨佛號金色須彌燈

此上過佛刹微塵數世界有世界名寶色莊  
嚴形如卍字依帝釋形寶王海住日光明華  
雲彌覆其上十一佛刹微塵數世界圍繞佛  
號迥照法界光明智

此上過佛刹微塵數世界有世界名金色妙  
光其狀猶如廣大城郭依一切寶莊嚴海住

道場寶華雲彌覆其上十二佛刹微塵數世  
界圍繞佛號寶燈普照幢

此上過佛刹微塵數世界有世界名徧照光  
明輪狀如華旋依寶衣旋海住佛音聲寶王  
樓閣雲彌覆其上十三佛刹微塵數世界圍  
繞純一清淨佛號蓮華徧照

此上過佛刹微塵數世界有世界名寶藏莊  
嚴狀如四洲依寶瓔珞須彌住寶燄摩尼雲  
彌覆其上十四佛刹微塵數世界圍繞佛號  
無盡福開敷華

其第十四重中云形如四洲者水中可居  
曰洲準俱舍東洲如半月南洲如車西洲  
如滿月北洲巽方四洲形異而云如者則  
全似此界此中文無標結大數準例可知  
耳準俱舍云者界其義耳具足須云東毗  
提河洲其形如半月三邊如膽部南邊

二百半南瞻部如車三邊各二千南邊三百半西瞿陀尼洲其相圓無缺逕二千五百周圍此三倍北俱盧曼方面各二千等則北瀾南狹餘可知故結云四洲相殊從今云如者上舉論為問今為會釋言似此界者如四洲安布是一佛居今此世界同此四洲之界此中文無標結大數等者例中間海如第八經末

此上過佛刹微塵數世界有世界名如鏡像

報五

四

普現其狀猶如阿脩羅身依金剛蓮華海住寶冠光影雲彌覆其上十五佛刹微塵數世界圍繞佛號甘露音

此上過佛刹微塵數世界有世界名栴檀月其形八隅依金剛栴檀寶海住真珠華摩尼

雲彌覆其上十六佛刹微塵數世界圍繞純一清淨佛號最勝法無等智

此上過佛刹微塵數世界有世界名離垢光明其狀猶如香水旋流依無邊色寶光海住妙香光明雲彌覆其上十七佛刹微塵數世

界圍繞佛號徧照虛空光明音

此上過佛刹微塵數世界有世界名妙華莊嚴其狀猶如旋繞之形依一切華海住一切樂音摩尼雲而覆其上十八佛刹微塵數世界圍繞佛號普現勝光明

此上過佛刹微塵數世界有世界名勝音莊嚴其狀猶如師子之座依金師子座海住衆色蓮華藏師子座雲彌覆其上十九佛刹微塵數世界圍繞佛號無邊功德稱普光明

此上過佛刹微塵數世界有世界名高勝燈狀如佛掌依寶衣服香幢海住日輪普照寶王樓閣雲彌覆其上二十佛刹微塵數世界圍繞純一清淨佛號普照虛空燈

諸佛子此離垢燄藏香水海南

第二從諸佛子此離垢焰藏海南下第二

無盡光明輪海此下九海文皆有二先牒前海爲所依後有香水海下明能依之海皆不牒中海爲所繞故云南也第三海去但言右旋又不云南者十海如環繞於中海故不正南也如以十疊繞於一盤方所

可見又第二已去或無蓮華者前總釋種中云或有依蓮華住或有依海故或無也次有香水海名無盡光明輪世界種名佛幢莊嚴以一切佛功德海音聲爲體

後能依之海文亦有二先明海華刹種

此中最下方有世界名愛見華狀如寶輪依摩尼樹藏寶王海住化現菩薩形寶藏雲而覆其上佛刹微塵數世界圍繞純一清淨佛號蓮華光歡喜面

此上過佛刹微塵數世界有世界名妙音佛

號須彌寶燈

此上過佛刹微塵數世界有世界名衆寶莊嚴光佛號法界音聲幢

此上過佛刹微塵數世界有世界名香藏金剛佛號光明音

此上過佛刹微塵數世界有世界名淨妙音佛號最勝精進力

此上過佛刹微塵數世界有世界名寶蓮華莊嚴佛號法城雲雷音

此上過佛刹微塵數世界有世界名與安樂

佛號大名稱智慧燈

此上過佛刹微塵數世界有世界名無垢網佛號師子光功德海

此上過佛刹微塵數世界有世界名華林幢徧照佛號大智蓮華光

此上過佛刹微塵數世界有世界名無量莊嚴佛號普眼法界幢

此上過佛刹微塵數世界有世界名普光明莊嚴佛號勝智大商主

此上過佛刹微塵數世界有世界名華王佛

號月光幢

無五

七

此上過佛刹微塵數世界有世界名離垢藏佛號清淨覺

此上過佛刹微塵數世界有世界名寶光明佛號一切智虛空燈

此上過佛刹微塵數世界有世界名出生寶瓔珞佛號諸度福海相光明

此上過佛刹微塵數世界有世界名妙輪徧覆佛號調伏一切染著心令歡喜

此上過佛刹微塵數世界有世界名寶華幢

佛號廣博功德音大名稱

此上過佛刹微塵數世界有世界名無量莊嚴佛號平等智光明功德海

此上過佛刹微塵數世界有世界名無盡光莊嚴幢狀如蓮華依一切寶網海住蓮華光摩尼網而覆其上二十佛刹微塵數世界圍繞純一清淨佛號法界淨光明

此中最下方下所持之刹二十重中初一世界文即有七後一文八加純淨故中間唯三謂相去數量刹名佛號餘八海例然

已辯二海

諸佛子此無盡光明輪香水海右旋

第三金剛寶燄光明海

次有香水海名金剛寶燄光世界種名佛光莊嚴藏以稱說一切如來名音聲爲體



此中最下方有世界名寶燄蓮華其狀猶如  
摩尼色眉間毫相依一切寶色水旋海住一  
切莊嚴樓閣雲彌覆其上佛刹微塵數世界  
圍繞純一清淨佛號無垢寶光明

此上過佛刹微塵數世界有世界名光燄藏  
佛號無礙自在智慧光

此上過佛刹微塵數世界有世界名寶輪妙  
莊嚴佛號一切寶光明

此上過佛刹微塵數世界有世界名栴檀樹  
華幢佛號清淨智光明

此上過佛刹微塵數世界有世界名佛刹妙  
莊嚴佛號廣大歡喜音

此上過佛刹微塵數世界有世界名妙光莊  
嚴佛號法界自在智

此上過佛刹微塵數世界有世界名無邊相

假五

佛號無礙智

此上過佛刹微塵數世界有世界名燄雲幢  
佛號演說不退輪

此上過佛刹微塵數世界有世界名衆寶莊  
嚴清淨輪佛號離垢華光明

此上過佛刹微塵數世界有世界名廣大出  
離佛號無礙智日眼

此上過佛刹微塵數世界有世界名妙莊嚴  
金剛座佛號法界智大光明

此上過佛刹微塵數世界有世界名智慧普

假五

九

莊嚴佛號智炬光明王

此上過佛刹微塵數世界有世界名蓮華池  
深妙音佛號一切智普照

此上過佛刹微塵數世界有世界名種種色  
光明佛號普光華王雲

此上過佛刹微塵數世界有世界名妙寶幢  
佛號功德光

此上過佛刹微塵數世界有世界名摩尼華  
毫相光佛號普音雲

此上過佛刹微塵數世界有世界名甚深海  
佛號十方衆生主

此上過佛刹微塵數世界有世界名須彌光  
佛號法界普智音

此上過佛刹微塵數世界有世界名金蓮華  
佛號福德藏普光明

此上過佛刹微塵數世界有世界名寶莊嚴  
藏形如卍字依一切香摩尼莊嚴樹海住清  
淨光明雲彌覆其上二十佛刹微塵數世界  
圍繞純一清淨佛號大變化光明網  
諸佛子此金剛寶燄香水海右旋

第四帝青寶莊嚴海

次有香水海名帝青寶莊嚴世界種名光照  
十方依一切妙莊嚴蓮華香雲住以無邊佛  
音聲爲體

於此最下方有世界名十方無盡色藏輪其  
狀周迴有無量角依無邊色一切寶藏海住  
因陀羅網而覆其上佛刹微塵數世界圍繞  
純一清淨佛號蓮華眼光明遍照

此上過佛刹微塵數世界有世界名淨妙莊  
嚴藏佛號無上慧大師子

此上過佛刹微塵數世界有世界名出現蓮  
華座佛號徧照法界光明王

此上過佛刹微塵數世界有世界名寶幢音  
佛號大功德普名稱

此上過佛刹微塵數世界有世界名金剛寶

莊嚴藏佛號蓮華日光明

此上過佛刹微塵數世界有世界名因陀羅

華月佛號法自在智慧幢

此上過佛刹微塵數世界有世界名妙輪藏

佛號大喜清淨音

此上過佛刹微塵數世界有世界名妙音藏

佛號大力善商主

此上過佛刹微塵數世界有世界名清淨月

佛號須彌光智慧力

此上過佛刹微塵數世界有世界名無邊莊

嚴相佛號方便願淨月光

此上過佛刹微塵數世界有世界名妙華音

佛號法海大願音

此上過佛刹微塵數世界有世界名一切寶

莊嚴佛號功德寶光明相

數五

十一

此上過佛刹微塵數世界有世界名樹華幢

佛號無邊智法界音

此上過佛刹微塵數世界有世界名真珠蓋

佛號波羅蜜師子頻申

此上過佛刹微塵數世界有世界名無邊音

佛號一切智妙覺慧

此上過佛刹微塵數世界有世界名普見樹

峯佛號普現衆生前

此上過佛刹微塵數世界有世界名師子帝

網光佛號無垢日金色光燄雲

此上過佛刹微塵數世界有世界名衆寶闍

錯佛號帝幢最勝慧

此上過佛刹微塵數世界有世界名無垢光

明地佛號一切力清淨月

此上過佛刹微塵數世界有世界名恒出歎

數五

十二

照其狀周圍依無邊色衆妙香摩尼海住一切乘莊嚴雲而覆其上二十佛刹微塵數世界圍繞純一清淨佛號解脫精進日諸佛子此帝青寶莊嚴香水海右旋

第五金剛輪莊嚴底海

次有香水海名金剛輪莊嚴底世界種名妙間錯因陀羅網普賢智所生音聲爲體

此中最下方有世界名蓮華網其狀猶如須彌山形依衆妙華山幢海住佛境界摩尼王帝網雲而覆其上佛刹微塵數世界圍繞純

一清淨佛號法身普覺慧

此上過佛刹微塵數世界有世界名無盡日光明佛號最勝大覺慧

此上過佛刹微塵數世界有世界名普放妙光明佛號大福雲無盡力

此上過佛刹微塵數世界有世界名堅固地佛號美音最勝天

此上過佛刹微塵數世界有世界名普光善化佛號大精進寂靜慧

此上過佛刹微塵數世界有世界名善守護莊嚴行佛號見者生歡喜

此上過佛刹微塵數世界有世界名栴檀寶華藏佛號甚深不可動智慧光徧照

此上過佛刹微塵數世界有世界名現種種色相海佛號普放不思議勝義王光明

此上過佛刹微塵數世界有世界名化現十方大光明佛號勝功德威光無與等

此上過佛刹微塵數世界有世界名須彌雲幢佛號極淨光明眼

此上過佛刹微塵數世界有世界名蓮華徧

佛功德音佛號如虛空普覺慧

此上過佛刹微塵數世界有世界名高燄藏

佛號化現十方大雲幢

此上過佛刹微塵數世界有世界名光嚴道

場佛號無等智徧照

此上過佛刹微塵數世界有世界名出生一

切寶莊嚴佛號廣度衆生神通王

此上過佛刹微塵數世界有世界名光嚴妙

宮殿佛號一切義成廣大慧

此上過佛刹微塵數世界有世界名離塵寂

靜佛號不唐現

此上過佛刹微塵數世界有世界名摩尼華

幢佛號悅意吉祥音

此上過佛刹微塵數世界有世界名普雲藏

其狀猶如樓閣之形依種種宮殿香水海住

一切寶燈雲彌覆其上二十佛刹微塵數世

界圍繞純一清淨佛號最勝覺神通王

諸佛子此金剛輪莊嚴底香水海右旋

第六蓮華因陀羅網海

次有香水海名蓮華因陀羅網世界種名普

現十方影依一切香摩尼莊嚴蓮華住一切

佛智光音聲為體

此中最下方有世界名衆生海寶光明其狀

猶如真珠之藏依一切摩尼瓔珞海旋住水

光明摩尼雲而覆其上佛刹微塵數世界圍

繞純一清淨佛號不思議功德徧照月

此上過佛刹微塵數世界有世界名妙香輪

佛號無量力幢

此上過佛刹微塵數世界有世界名妙光輪

佛號法界光音覺悟慧

此上過佛刹微塵數世界有世界名吼聲摩  
尼幢佛號蓮華光恒垂妙臂

此上過佛刹微塵數世界有世界名極堅固  
輪佛號不退轉功德海光明

此上過佛刹微塵數世界有世界名衆行光

假五

十四

莊嚴佛號一切智普勝尊

此上過佛刹微塵數世界有世界名師子座  
徧照佛號師子光無量力覺慧

此上過佛刹微塵數世界有世界名寶燄莊  
嚴佛號一切法清淨智

此上過佛刹微塵數世界有世界名無量燈  
佛號無憂相

此上過佛刹微塵數世界有世界名常聞佛  
音佛號自然勝威光

此上過佛刹微塵數世界有世界名清淨變

化佛號金蓮華光明

此上過佛刹微塵數世界有世界名普入十  
方佛號觀法界頻申慧

此上過佛刹微塵數世界有世界名熾然燄  
佛號光燄樹緊那羅王

此上過佛刹微塵數世界有世界名香光徧  
照佛號香燈善化王

此上過佛刹微塵數世界有世界名無量華  
聚輪佛號普現佛功德

此上過佛刹微塵數世界有世界名衆妙普  
假五

十五

清淨佛號一切法平等神通王

此上過佛刹微塵數世界有世界名金光海  
佛號十方自在大變化

此上過佛刹微塵數世界有世界名眞珠華  
藏佛號法界寶光明不可思議慧

此上過佛刹微塵數世界有世界名帝釋須彌師子座佛號勝力光

此上過佛刹微塵數世界有世界名無邊寶普照其形四方依華林海住普雨無邊色摩尼王帝網而覆其上二十佛刹微塵數世界圍繞純一清淨佛號徧照世間最勝音諸佛子此蓮華因陀羅網香水海右旋

### 第七積集寶香藏海

次有香水海名積集寶香藏世界種名一切威德莊嚴以一切佛法輪音聲為體

此中最下方有世界名種種出生形如金剛依種種金剛山幢住金剛寶光雲而覆其上佛刹微塵數世界圍繞純一清淨佛號蓮華眼

此上過佛刹微塵數世界有世界名喜見音

佛號生喜樂

此上過佛刹微塵數世界有世界名寶莊嚴幢佛號一切智

此上過佛刹微塵數世界有世界名多羅華普照佛號無垢寂妙音

此上過佛刹微塵數世界有世界名變化光佛號清淨空智慧月

此上過佛刹微塵數世界有世界名眾妙間錯佛號開示福德海密雲相

此上過佛刹微塵數世界有世界名一切莊嚴具妙音聲佛號歡喜雲

十五

十六

此上過佛刹微塵數世界有世界名蓮華池佛號名稱幢

此上過佛刹微塵數世界有世界名一切寶莊嚴佛號頻申觀察眼

此上過佛刹微塵數世界有世界名淨妙華  
佛號無盡金剛智

此上過佛刹微塵數世界有世界名蓮華莊  
嚴城佛號日藏眼普光明

此上過佛刹微塵數世界有世界名無量樹

峯佛號一切法雷音

假五

十六

此上過佛刹微塵數世界有世界名日光明

佛號開示無量智

此上過佛刹微塵數世界有世界名依止蓮

華葉佛號一切福德山

此上過佛刹微塵數世界有世界名風普持

佛號日曜根

此上過佛刹微塵數世界有世界名光明顯

現佛號身光普照

此上過佛刹微塵數世界有世界名香雷音

金剛寶普照佛號最勝華開敷相

假五

十七

此上過佛刹微塵數世界有世界名帝網莊

嚴形如欄楯依一切莊嚴海住光燄樓閣雲

彌覆其上二十佛刹微塵數世界圍繞純一

清淨佛號示現無畏雲

諸佛子此積集寶香藏香水海右旋

### 第八寶莊嚴海

次有香水海名寶莊嚴世界種名普無垢以

一切微塵中佛刹神變聲為體

此中最下方有世界名淨妙平坦形如寶身

依一切寶光輪海住種種栴檀摩尼真珠雲

彌覆其上佛刹微塵數世界圍繞純一清淨

佛號難摧伏無等幢

此上過佛刹微塵數世界有世界名熾然妙

莊嚴佛號蓮華慧神通王



此上過佛刹微塵數世界有世界名微妙相  
輪幢佛號十方大名稱無盡光

此上過佛刹微塵數世界有世界名燄藏摩  
尼妙莊嚴佛號大智慧見聞皆歡喜

此上過佛刹微塵數世界有世界名妙華莊

嚴佛號無量力最勝智

此上過佛刹微塵數世界有世界名出生淨  
微塵佛號超勝梵

此上過佛刹微塵數世界有世界名普光明  
變化香佛號香象金剛大力勢

此上過佛刹微塵數世界有世界名光明旋  
佛號義成善名稱

此上過佛刹微塵數世界有世界名寶瓔珞  
海佛號無比光徧照

此上過佛刹微塵數世界有世界名妙華燈

幢佛號究竟功德無礙慧燈

經五

十八

此上過佛刹微塵數世界有世界名善巧莊

嚴佛號慧日波羅密

此上過佛刹微塵數世界有世界名栴檀華

普光明佛號無邊慧法界音

此上過佛刹微塵數世界有世界名帝網幢

佛號燈光迥照

此上過佛刹微塵數世界有世界名淨華輪

佛號法界日光明

此上過佛刹微塵數世界有世界名大威曜

佛號無邊功德海法輪音

此上過佛刹微塵數世界有世界名同安住

寶蓮華池佛號開示入不可思議智

此上過佛刹微塵數世界有世界名平坦地

佛號功德寶光明王

此上過佛刹微塵數世界有世界名香摩尼聚佛號無盡福德海妙莊嚴

此上過佛刹微塵數世界有世界名微妙光明佛號無等力普徧音

此上過佛刹微塵數世界有世界名十方普

恆五

十九

堅固莊嚴照耀其形八隅依心王摩尼輪海

住一切寶莊嚴帳雲彌覆其上二十佛刹微

塵數世界圍繞純一清淨佛號普眼大明燈

諸佛子此寶莊嚴香水海右旋

### 第九金剛寶聚海

次有香水海名金剛寶聚世界種名法界行以一切菩薩地方便法音聲為體

此中最下方有世界名淨光照耀形如珠貫

依一切寶色珠瓔海住菩薩珠髻光明摩尼

雲而覆其上佛刹微塵數世界圍繞純一清

淨佛號最勝功德光

此上過佛刹微塵數世界有世界名妙蓋佛號法自在慧

此上過佛刹微塵數世界有世界名寶莊嚴師子座佛號大龍淵

此上過佛刹微塵數世界有世界名出現金

剛座佛號升師子座蓮華臺

此上過佛刹微塵數世界有世界名蓮華勝

音佛號智光普開悟

此上過佛刹微塵數世界有世界名善慣習

佛號持地妙光王

此上過佛刹微塵數世界有世界名喜樂音

佛號法燈王

此上過佛刹微塵數世界有世界名摩尼藏

因陀羅網佛號不空見

此上過佛刹微塵數世界有世界名衆妙地藏佛號燄身幢

此上過佛刹微塵數世界有世界名金光輪

佛號淨治衆生行

此上過佛刹微塵數世界有世界名須彌山

莊嚴佛號一切功德雲普照

此上過佛刹微塵數世界有世界名衆樹形

佛號寶華相淨月覺

此上過佛刹微塵數世界有世界名無怖畏

佛號最勝金光炬

此上過佛刹微塵數世界有世界名大名稱

龍王幢佛號觀等一切法

此上過佛刹微塵數世界有世界名示現摩

尼色佛號變化日

此上過佛刹微塵數世界有世界名光燄燈

假五

二十

莊嚴佛號寶蓋光徧照

假五

二十

此上過佛刹微塵數世界有世界名香光雲

佛號思惟慧

此上過佛刹微塵數世界有世界名無怨讎

佛號精進勝慧海

此上過佛刹微塵數世界有世界名一切莊

嚴具光明幢佛號普現悅意蓮華自在王

此上過佛刹微塵數世界有世界名毫相莊

嚴形如半月依須彌山摩尼華海住一切莊

嚴熾盛光摩尼王雲而覆其上二十佛刹微

假五

二十

塵數世界圍繞純一清淨佛號清淨眼

諸佛子此金剛寶聚香水海右旋

第十天城寶堞海

次有香水海名天城寶堞世界種名燈燄光

明以普示一切平等法輪音爲體

此中最下方有世界名寶月光燄輪形如一切莊嚴具依一切寶莊嚴華海住瑠璃色師子座雲而覆其上佛刹微塵數世界圍繞純一清淨佛號日月自在光

此上過佛刹微塵數世界有世界名須彌寶

光佛號無盡法寶幢

此上過佛刹微塵數世界有世界名衆妙光明幢佛號大華聚

此上過佛刹微塵數世界有世界名摩尼光明華佛號人中最自在

此上過佛刹微塵數世界有世界名普音佛號一切智徧照

此上過佛刹微塵數世界有世界名大樹緊那羅音佛號無量福德自在龍

此上過佛刹微塵數世界有世界名無邊淨

光明佛號功德寶華光

此上過佛刹微塵數世界有世界名最勝音佛號一切智莊嚴

此上過佛刹微塵數世界有世界名衆寶間飾佛號寶燄須彌山

此上過佛刹微塵數世界有世界名清淨須彌音佛號出現一切行光明

此上過佛刹微塵數世界有世界名香水蓋佛號一切波羅密無礙海

此上過佛刹微塵數世界有世界名師子華網佛號寶燄幢

此上過佛刹微塵數世界有世界名金剛妙華燈佛號一切大願光

此上過佛刹微塵數世界有世界名一切法光明地佛號一切法廣大真實義

此上過佛刹微塵數世界有世界名真珠末

平坦莊嚴佛號勝慧光明網

此上過佛刹微塵數世界有世界名瑠璃華

佛號寶積幢

此上過佛刹微塵數世界有世界名無量妙

光輪佛號大威力智海藏

此上過佛刹微塵數世界有世界名明見十

方佛號淨修一切功德幢

此上過佛刹微塵數世界有世界名可愛樂

梵音形如佛手依寶光網海住菩薩身一切

莊嚴雲而覆其上二十佛刹微塵數世界圍

繞純一清淨佛號普照法界無礙光

文並可知有欲解釋刹中佛名足可留思

按疏初云各有刹種十海及明二十重云  
下九海例然及二海中標明世界數量刹  
名等又云餘八海例然總結又云文並可  
知故九海科原藏悉畢今違原藏不欲繁

文

大方廣佛華嚴經疏鈔會本第九

音釋

慣習

慣古患切  
亦習也

怨讎

怨於亥切  
讎時流切

寶堞

堞音  
壘城

上女  
壘也 戛

初力切音測  
利器之狀

大方廣佛華嚴經疏鈔會本第十 假六

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時普賢菩薩復告大眾言諸佛子彼離垢

皦藏香水海東

假六

第三大段從第十經去明十海所管之海

一海各管不可說佛刹塵數現文但各說

十即為百海亦有刹種及所持刹十海即

為十段但記次前十海之名此文居然易

了十段中一一有二謂先標能管之海以

定方

次有香水海名變化微妙身此海中有世界

種名善布差別方

次有香水海名金剛眼幢世界種名莊嚴法

界橋

次有香水海名種種蓮華妙莊嚴世界種名

恒出十方變化

次有香水海名無間寶王輪世界種名寶蓮

華莖密雲

次有香水海名妙香皦普莊嚴世界種名毗

盧遮那變化行

次有香水海名寶末閻浮幢世界種名諸佛

護念境界

次有香水海名一切色熾然光世界種名最

勝光徧照

次有香水海名一切莊嚴具境界世界種名

寶皦燈

後次有下列所管之海次第於所管中各

有三節初從能管海邊隣次列九唯第一

段九中闕一

如是等不可說佛刹微塵數香水海

二如是等下總結一海所管之大數

其最近輪圍山香水海名玻瓈地世界種名常放光明以世界海清淨劫音聲爲體

三其最近下廣說最近輪圍一海於中文

皆有二初舉海種名體

此中最下方有世界名可愛樂淨光幢佛刹微塵數世界圍繞純一清淨佛號最勝三昧精進慧

第二此中最下方下所持之刹亦皆二十

重於中超間文有四節一舉下層

此上過十佛刹微塵數世界與金剛幢世界齊等有世界名香莊嚴幢十佛刹微塵數世界圍繞純一清淨佛號無障礙法界燈

二超至第十等金剛幢者即中央香海刹

從六

二

種中第十重刹

此上過三佛刹微塵數世界與娑婆世界齊等有世界名放光藏佛號徧法界無障礙慧明

三更超至第十三者以等此中央娑婆故

此上過七佛刹微塵數世界至此世界種最上方有世界名最勝身香二十佛刹微塵數世界圍繞純一清淨佛號覺分華

四更至第二十重者以最上故言最上者

刹種最上若云二十重最上何以得此最

從六

三

上之名設不欲繁文何以不加乃至最上耶然超間者意存略故云齊等者恐失次故又上下橫豎皆相當故又此隨所管海有不可說皆望本能管之海方面一道布列故下但云此海之外不言右旋等

諸佛子彼無盡光明輪香水海外

次有香水海名具足妙光世界種名徧無垢

次有香水海名光耀蓋世界種名無邊普莊

嚴

次有香水海名妙寶莊嚴世界種名香摩尼

軌度形

次有香水海名出佛音聲世界種名善建立

莊嚴

次有香水海名香幢須彌藏世界種名光明

徧滿

次有香水海名梅檀妙光明世界種名華嚴

輪

次有香水海名風力持世界種名寶燄雲幢

次有香水海名帝釋身莊嚴世界種名真珠

藏

次有香水海名平坦嚴淨世界種名毗瑠璃

末種種莊嚴

如是等不可說佛刹微塵數香水海

其最近輪圍山香水海名妙樹華世界種名

出生諸方廣大刹以一切佛摧伏魔音為體

此中最下方有世界名燄炬幢佛號世間功

德海

此上過十佛刹微塵數世界與金剛幢世界

齊等有世界名出生寶佛號師子力寶雲

此上與娑婆世界齊等有世界名衣服幢佛

號一切智海王

於此世界種最上方有世界名寶瓔珞師子

光明佛號善變化蓮華幢

諸佛子彼金剛燄光明香水海外

次有香水海名一切莊嚴具瑩飾幢世界種



名清淨行莊嚴

次有香水海名一切寶華光耀海世界種名

功德相莊嚴

次有香水海名蓮華開敷世界種名菩薩摩

尼冠莊嚴

次有香水海名妙寶衣服世界種名淨珠輪

次有香水海名可愛華徧照世界種名百光

雲照耀

次有香水海名徧虛空大光明世界種名寶

光普照

次有香水海名妙華莊嚴幢世界種名金月

眼瓔珞

次有香水海名真珠香海藏世界種名佛光

明

次有香水海名寶輪光明世界種名善化現

假六

五

佛境界光明

如是等不可說佛刹微塵數香水海

其最近輪圍山香水海名無邊輪莊嚴底世

界種名無量方差別以一切國土種種言說

音為體

此中最下方有世界名金剛華蓋佛號無盡

相光明普門音

此上過十佛刹微塵數世界有世界與金剛

幢世界齊等名出生寶衣幢佛號福德雲大

威勢

此上與娑婆世界齊等有世界名眾寶具妙

莊嚴佛號勝慧海

於此世界種最上方有世界名日光明衣服

幢佛號智日蓮華雲

諸佛子彼帝青寶莊嚴香水海外

次有香水海名阿修羅宮殿世界種名香水光所持

次有香水海名寶師子莊嚴世界種名徧示十方一切寶

次有香水海名宮殿色光明雲世界種名寶

輪妙莊嚴

次有香水海名出大蓮華世界種名妙莊嚴徧照法界

次有香水海名燈燄妙眼世界種名徧觀察十方變化

次有香水海名不思議莊嚴輪世界種名十方光明音名稱

次有香水海名寶積莊嚴世界種名燈光照耀

次有香水海名清淨寶光明世界種名須彌

無能為礙風

次有香水海名寶衣欄楯世界種名如來身光明

如是等不可說佛刹微塵數香水海

其最近輪圍山香水海名樹莊嚴幢世界種

名安住帝網以一切菩薩智地音聲為體

此中最下方有世界名妙金色佛號香燄勝威光

此上過十佛刹微塵數世界與金剛幢世界

齊等有世界名摩尼樹華佛號無礙普現

假六

六

此上與娑婆世界齊等有世界名毗瑠璃妙

莊嚴佛號法自在堅固慧

於此世界種最上方有世界名梵音妙莊嚴

佛號蓮華開敷光明王

諸佛子彼金剛輪莊嚴底香水海外

次有香水海名化現蓮華處世界種名國土

平正

次有香水海名摩尼光世界種名徧法界無

迷惑

次有香水海名衆妙香日摩尼世界種名普

假六

七

現十方

次有香水海名恒納寶流世界種名普行佛

言音

次有香水海名無邊深妙音世界種名無邊

方差別

次有香水海名堅實積聚世界種名無量虛

差別

次有香水海名清淨梵音世界種名普清淨

莊嚴

次有香水海名栴檀欄楯音聲藏世界種名

迥出幢

次有香水海名妙香寶王光莊嚴世界種名

普現光明力

第五金剛輪莊嚴底香海所管但列九海

而結文及最近輪圍之海九行許經諸梵

本中皆同此闕準前後例此必定有第十

海所管近輪圍海所持二十重剎內最初

文云此中最下方有香水海名因陀羅華

藏者從香字至藏字並長由前已說香水

海故前諸海中無此例故縱依海無過在

文不便前第一海所管中九海闕一今此

長者多是梵本脫漏後人注之誤書相似

貝葉耳餘並可知十海次第但觀次前疏

文不俟重舉

諸佛子彼蓮華因陀羅網香水海外

次有香水海名銀蓮華妙莊嚴世界種名普徧行

次有香水海名毗瑠璃竹密燄雲世界種名普出十方音

次有香水海名十方光燄聚世界種名恒出變化分布十方

次有香水海名出現真金摩尼幢世界種名金剛幢相

次有香水海名平等大莊嚴世界種名法界勇猛旋

次有香水海名寶華叢無盡光世界種名無邊淨光明

次有香水海名妙金幢世界種名演說微密處

次有香水海名光影徧照世界種名普莊嚴

次有香水海名寂音世界種名現前垂布如是等不可說佛刹微塵數香水海

其最近輪圍山香水海名密燄雲幢世界種名一切光莊嚴以一切如來道場眾會音為體

於此最下方有世界名淨眼莊嚴佛號金剛月徧照十方

此上過十佛刹微塵數世界與金剛幢世界齊等有世界名蓮華德佛號大精進善覺慧此上與娑婆世界齊等有世界名金剛密莊

嚴佛號娑羅王幢

此上過七佛刹微塵數世界有世界名淨海莊嚴佛號威德絕倫無能制伏

諸佛子彼積集寶香藏香水海外

次有香水海名一切寶光明徧照世界種名

無垢稱莊嚴

次有香水海名衆寶華開敷世界種名虛空相

次有香水海名吉祥幢徧照世界種名無礙光音莊嚴

次有香水海名梅檀樹華世界種名普現十方旋

次有香水海名出生妙色寶世界種名勝幢周徧行

次有香水海名普生金剛華世界種名現不思議莊嚴

次有香水海名心王摩尼輪嚴飾世界種名示現無礙佛光明

次有香水海名積集寶瓔珞世界種名淨除疑

次有香水海名眞珠輪音莊嚴世界種名諸

佛願所流

如是等不可說佛刹微塵數香水海

其最近輪圍山香水海名閻浮檀寶藏輪世界種名音幢以入一切智門音聲爲體

此中最下方有世界名華鬘燄佛號精進施

此上過十佛刹微塵數世界與金剛幢世界齊等有世界名蓮華光明幢佛號一切功德最勝心王

此上過三佛刹微塵數世界與娑婆世界齊

等有世界名十力莊嚴佛號善出現無量功德王

於此世界種最上方有世界名摩尼香山幢

佛號廣大善眼淨除疑

諸佛子彼寶莊嚴香水海外

次有香水海名持須彌光明藏世界種名出生廣大雲

次有香水海名種種莊嚴大威力境界世界種名無礙淨莊嚴

次有香水海名密布寶蓮華世界種名最勝

燈莊嚴

假六

次有香水海名依止一切寶莊嚴世界種名

日光明網藏

次有香水海名衆多嚴淨世界種名寶華依處

次有香水海名極聰慧行世界種名最勝形莊嚴

次有香水海名持妙摩尼峰世界種名普淨虛空藏

次有香水海名大光徧照世界種名帝青炬

光明

次有香水海名可愛摩尼珠充滿徧照世界種名普吼聲

如是等不可說佛刹微塵數香水海

其最近輪圍山香水海名出帝青寶世界種名周徧無差別以一切菩薩震吼聲為體

此中最下方有世界名妙勝藏佛號最勝功德慧

此上過十佛刹微塵數世界與金剛幢世界齊等有世界名莊嚴相佛號超勝大光明

此上與娑婆世界齊等有世界名瑠璃輪普莊嚴佛號須彌燈

於此世界種最上方有世界名華幢海佛號無盡變化妙慧雲

諸佛子彼金剛寶聚香水海外

次有香水海名崇飾寶埠現世界種名秀出寶幢

次有香水海名寶幢莊嚴世界種名現一切光明

次有香水海名妙寶雲世界種名一切寶莊嚴光明徧照

次有香水海名寶樹華莊嚴世界種名妙華間飾

次有香水海名妙寶衣莊嚴世界種名光明海

次有香水海名寶樹峰世界種名寶燄雲

次有香水海名示現光明世界種名入金剛無所礙

次有香水海名蓮華普莊嚴世界種名無邊岸海淵

次有香水海名妙寶莊嚴世界種名普示現國土藏

如是等不可說佛刹微塵數香水海

其最近輪圍山香水海名不可壞海世界種名妙輪間錯蓮華場以一切佛力所出音為

體

此中最下方有世界名最妙香佛號變化無量塵數光

此上過十佛刹微塵數世界與金剛幢世界齊等有世界名不思議差別莊嚴門佛號無

量智

此上與娑婆世界齊等有世界名十方光明妙華藏佛號師子眼光燄雲

於此最上方有世界名海音聲佛號水天光燄門

諸佛子彼天城寶堞香水海外

次有香水海名燄輪赫奕光世界種名不可

說種種莊嚴

次有香水海名寶塵路世界種名普入無量

旋

假六

十三

次有香水海名具一切莊嚴世界種名寶光

徧照

次有香水海名布眾寶網世界種名安布深

密

次有香水海名妙寶莊嚴幢世界種名世界

海明了音

次有香水海名日宮清淨影世界種名徧入

因陀羅網

次有香水海名一切鼓樂美妙音世界種名

圓滿平正

次有香水海名種種妙莊嚴世界種名淨密

光燄雲

次有香水海名周徧寶燄燈世界種名隨佛

本願種種形

如是等不可說佛刹微塵數香水海

其最近輪圍山香水海名積集瓔珞衣世界

種名化現妙衣以三世一切佛音聲為體

此中最下方有香水海名因陀羅華藏世界

名發生歡喜佛刹微塵數世界圍繞純一清

淨佛號堅悟智

此上過十佛刹微塵數世界與金剛幢世界

齊等有世界名寶網莊嚴十佛刹微塵數世

界圍繞純一清淨佛號無量歡喜光

此上過三佛刹微塵數世界與娑婆世界齊

等有世界名寶蓮華師子座十三佛刹微塵



數世界圍繞佛號最清淨不空聞

此上過七佛刹微塵數世界至此世界種最上方有世界名寶色龍光明二十佛刹微塵數世界圍繞純一清淨佛號徧法界普照明諸佛子如是十不可說佛刹微塵數香水海中

中有十不可說佛刹微塵數世界種

第三總略結釋文分爲五一總結都數謂

一海各管一不可說十海即有十不可說

一海一種是以數同

皆依現一切菩薩形摩尼王幢莊嚴蓮華住

二皆依下結海種所依謂即是前能持刹

海本大蓮華彼名種種光明藥香幢今此

乃云現菩薩形等者是一華隨義異名

有此用故與前最中海底名同以中間海

底即此大華之體中受總稱故取大華體

疑六

十句

名或是譯者之誤

各各莊嚴際無有間斷各各放寶色光明各各光明雲而覆其上各各莊嚴具各各劫差別各各佛出現各各演法海各各衆生徧充滿各各十方普趣入各各一切佛神力所加持

三各各下結種異門此與前釋刹種章及世界成就中十相參大同

此一一世界種中一切世界依種種莊嚴住遞相接連成世界網

疑六

十五

四此一一下結種中之刹言成世界網者

一一世界猶如網孔遞相接連如以網持

橫豎交絡皆悉相當如天珠網

於華藏莊嚴世界海種種差別周徧建立

五於華藏下結歸華藏即建立之處上來

雙釋二章長行竟

爾時普賢菩薩欲重宣其義承佛威力而說  
頌言

華藏世界海法界等無別莊嚴極清淨安住  
於虛空

第二重頌總有一百一偈分二初一明華

藏自體初句標名次句不壞分量即同真  
性次句具德莊嚴末句無礙安住

此世界海中刹種難思議一一皆自在各各  
無雜亂

餘一百偈頌所持刹網於中二初九頌能  
持刹種餘頌所持諸刹初中初一頌參而  
不雜

華藏世界海刹種善安布殊形異莊嚴種種  
相不同

次一安布行列

諸佛變化音種種為其體隨其業力見刹種  
妙嚴飾須彌山城網水旋輪圓形廣大蓮華  
開彼彼互圍繞山幢樓閣形旋轉金剛形如  
是不思議廣大諸刹種

次一刹種體嚴次二辨形

大海真珠燄光網不思議如是諸刹種悉在  
蓮華住

次一依住

一一諸刹種光網不可說光中現眾刹普徧  
十方海一切諸刹種所有莊嚴具國土悉入  
中普見無有盡

次二方所趣入

刹種不思議世界無邊際種種妙嚴好皆由  
大仙力

後一佛力加持

一切刹種中世界不思議

第二頌種所持刹九十一偈多頌結文但

一二不同謂體及形餘皆同也大分十段

第一有二十八頌明刹異由因緣即結中

各各衆生徧充滿下云種種衆生居故及

各各佛力所加持至文當見第二有二頌

顯刹微細即結中各各普趣入第三十頌

明世界體性結文即無義見前經第四五

頌明世界各各莊嚴具第五五頌明各各

莊嚴際無間斷此二如結名第六有十頌

明世界形狀義見上文第七二頌明各各

劫差別第八有八偈明各各佛出現此二

亦如結名第九有十頌光明有無即各各

放寶光明及各各光明雲覆第十有十一

假六

上七

頌明音聲善惡即各各演法海今初爲二

初半偈標章種種多端故曰難思

或成或有壞或有已壞滅

譬如林中葉有生亦有落如是刹種中世界

有成壞譬如依樹林種種果差別如是依刹

種種衆生住譬如種子別生果各殊異業

力差別故衆生刹不同

餘偈廣釋難思之相於中分二前九偈半

喻顯後十八偈法說前中分三初三偈半

明由染因刹有成壞初一偈半明種則長

時刹有成壞次一偈刹種雖一居刹有殊

後偈結歸業種

譬如心王寶隨心見衆色衆生心淨故得見

清淨刹譬如大龍王興雲徧虛空如是佛願

力出生諸國土如幻師咒術能現種種事衆

生業力故國土不思議

次有三偈明由淨因一淨心因二佛願通

因緣後一明淨業因

譬如眾續像畫師之所作如是一切刹心畫

師所成眾生身各異隨心分別起如是刹種

種莫不皆由業譬如見導師種種色差別隨

眾生心行見諸刹亦然

後三通結染淨因一隨心染淨因二分別

起業因即以正喻依亦是以因喻緣心即

是因招異熟果果之麤妙蓋由業緣三一

偈雙明心業行即業故亦喻眾生同處異

見以正喻依者以眾生身喻種種刹故亦  
是以前喻緣者故下六地云業為田識  
為種謂心即名言種為親因緣名之為因  
業如增上緣名之為緣餘如疏釋三有一  
偈者標也行即是業故釋也以心顯故不  
得謂隨其心淨則佛土淨是由心異見刹  
不同若行十善則見命不中天生於大富  
貴行之國是隨業異見刹不同此即雙舉

因淨亦受明王所亦喻眾生同處異見  
佛本無二見銀見金刹本是一見淨見  
故螺髻所見如第六天  
官身子所見邱陵坑坎

一切諸刹際周布蓮華網種種相不同莊嚴

悉清淨彼諸蓮華網刹網所安住種種莊嚴

事種種眾安居

後十八偈法說中分三初六明染淨次四

明成壞後八明苦樂今初分二前二顯淨

相不同

或有刹土中險惡不平坦由眾生煩惱於彼

如是見雜染及清淨無量諸刹種隨眾生心

起菩薩力所持或有刹土中雜染及清淨斯

由業力起菩薩之所化有利放光明離垢寶

所成種種妙嚴飾諸佛令清淨

後四對因以辯於中初一唯染由煩惱故

次二通染淨心業通善惡故屬於菩薩及

衆生故後一唯淨以屬佛故

一一刹種中劫燒不思議所現雖敗惡其處常堅固由衆生業力出生多刹土依止於風輪及以水輪住世界法如是種種見不同而實無有生亦復無滅壞一一心念中出生無

量刹以佛威神力悉見淨無垢

假六

十九

二有四偈顯成壞中初一麤壞細存壞由惡業存由二因一約佛二善業者故法華云我淨土不毀天人常充滿然滅雖不俱而起必同處雖曰同處而恒相無故難思

也初一麤壞細存者所現雖敗惡即麤壞也是變化土其處常堅固細存也即自他受用土畧屬經文下出所以壞由惡業者法華云是諸罪衆生以惡業因緣過阿僧祇劫不聞三寶名存由二因者標也一約佛者即自受用土二善業者即他受用土無變化淨以業不同同處見異故法華云諸有修功德柔和質直者則皆見我身在此而說法故法華下引證我淨土不毀證自受用成上約佛天人常充滿證他受用

等成上善業如次證上故義引經文若具引者經云衆生見劫盡大火所燒時我此土安隱天人常充滿園林諸堂閣種種寶莊嚴寶樹多華果衆生所遊樂諸天擊天鼓常作衆伎樂雨曼陀羅華散佛及大衆我淨土不毀而衆見燒盡憂怖諸苦惱如是悉充滿即云是諸罪衆生等次云諸有修功德等然滅雖不俱下釋成上義結歸難思即厥公意一滅一存故曰不俱不離滅處有存故曰起必同處如人於餓鬼火處見水餓鬼於人水處見火雖曰同處者滅中無存存中無滅亦如羅刹宮殿與人官殿同在一處互不相見他受用土亦復如是若自受用故是過周不即三界不離三界故法華云不如三界見於三界若法性土又起滅常如故難思者結釋經文劫燒不盡職謂不可作次偈業存處立次偈存滅染淨而思矣世相不同等者以法世相不同性無生滅性土對他受用及變化土後偈結歸因緣內由心變則染淨萬差外假佛緣于何不淨

有利泥土成其體甚堅硬黑暗無光照惡業者所居有利金剛成雜染大憂怖苦多而樂少薄福之所處或有用鐵成或以赤銅作石

山險可畏罪惡者充滿

三八偈明苦樂中三初三總相約刹論苦樂

刹中有地獄衆生苦無救常在黑暗中燄海所燒然或復有畜生種種醜陋形由其自惡業常受諸苦惱或見閻羅界飢渴所煎逼登上大火山受諸極重苦

次三約一刹中有三惡趣

或有諸刹土七寶所合成種種諸宮殿斯由淨業得汝應觀世間中人與天淨業果成就隨時受快樂

後二明人天樂

一一毛孔中億刹不思議種種相莊嚴未曾有迫隘衆生各各業世界無量種於中取著生受苦樂不同

卷一

二十

第二一一毛下二偈顯刹微細初偈舉果後偈對因以辯

有刹衆寶成常放無邊光金剛妙蓮華莊嚴淨無垢有刹光爲體依止光輪住金色栴檀香燄雲普照明有刹月輪成香衣悉周布於一蓮華內菩薩皆充滿有刹衆寶成色相無諸垢譬如天帝網光明恒照耀有刹香爲體或是金剛華摩尼光影形觀察甚清淨或有難思刹華旋所成就化佛皆充滿菩薩普光明或有清淨刹假六悉是衆華樹妙枝布道場主薩

以摩尼雲有刹淨光照金剛華所成有是佛化音無邊列成網有刹如菩薩摩尼妙寶冠或有如座形從化光明出或是栴檀末或是眉間光或佛光中音而成斯妙刹

第三十偈明體性中亦兼餘義隨釋可知

或見清淨刹以一光莊嚴或見多莊嚴種種皆奇妙或用十國土妙物作嚴飾或以干土中一切爲莊校或以億刹物莊嚴於一土種種相不同皆如影像現不可說土物莊嚴於一刹各各放光明如來願力起或有諸國土願力所淨治一切莊嚴中普見衆刹海

#### 第四五頌明莊嚴

諸修普賢願所得清淨土三世刹莊嚴一切於中現佛子汝應觀刹種威神力未來諸國土如夢悉令見十方諸世界過去國土海咸於一刹中現像猶如化三世一切佛及其國土於一刹種中一切悉觀見一切佛神力塵中現衆土種種悉明見如影無真實

第五有五偈明莊嚴際中攝三世嚴故無間斷結歸佛故一塵普見

或有衆多刹其形如大海或如須彌山世界不思議有刹善安住其形如帝網或如樹林形諸佛滿其中或作寶輪形或有蓮華狀八隅備衆飾種種悉清淨或有如座形或復有三隅或如佉勒迦城郭梵王身或如天主髻或有如半月或如摩尼山或如日輪形或有世界形譬如香海旋或作光明輪佛昔所嚴淨或有輪輞形或有壇墀形或如佛毫相肉髻廣長眼或有如佛手或如金剛杵或如鰈山形菩薩悉周徧或如師子形或如海蚌形無量諸色相體性各差別於一刹種中刹形無有盡皆由佛願力護念得安住

第六或有衆多刹下十偈明刹形差別有刹住一劫或住於十劫乃至過百千國土微塵數或於一劫中見刹有成壞或無量無

數乃至不思議

第七二偈明刹住時分

或有刹有佛或有刹無佛或有唯一佛或有無量佛國土若無佛他方世界中有佛變化來為現諸佛事歿天與降神處胎及出生降

假六

三十三

魔成正覺轉無上法輪隨衆生心樂示現種種相為轉妙法輪悉應其根欲一一佛刹中一佛出與世經於億千歲演說無上法衆生非法器不能見諸佛若有心樂者一切處皆見一一刹土中各有佛與世一切刹中佛億

數不思議此中一一佛現無量神變悉徧於法界調伏衆生海

第八有八偈明佛出多少文並可知

有利無光明黑暗多恐懼苦觸如刀劔見者自酸毒或有諸天光或有宮殿光或日月光

假六

三十三

明刹網難思議有利自光明或樹放淨光未曾有苦惱衆生福力故或有山光明或有摩尼光或以燈光照悉衆生業力或有佛光明菩薩滿其中有是蓮華光燄色甚嚴好有利華光照有以香水照塗香燒香照皆由淨願力有以雲光照摩尼蚌光照佛神力光照能宣悅意聲或以寶光照或金剛燄照淨音能遠震所至無衆苦或有摩尼光或是嚴具光或道場光明照耀衆會中佛放大光明化佛滿其中其光普照觸法界悉周徧

第九十偈光明有無初一無後九有

有利甚可畏嗥叫大苦聲其聲極酸楚聞者生厭怖地獄畜生道及以閻羅處是濁惡世界恒出憂苦聲

第十有十一頌刹中音聲善惡初二惡道



唯惡

或有國土中常出可樂音悅意順其教斯由  
淨業得或有國土中恒聞帝釋音或聞梵天  
音一切世主音或有諸刹土雲中出妙聲寶  
海摩尼樹及樂音徧滿

次三人天通善惡

諸佛圓光內化聲無有盡及菩薩妙音周聞  
十方刹不可思議國普轉法輪聲願海所出  
聲修行妙音聲三世一切佛出生諸世界名  
號皆具足音聲無有盡或有刹中聞一切佛  
力音地度及無量如是法皆演普賢誓願力  
億刹演妙音其音若雷震住劫亦無盡佛於  
清淨國示現自在音十方法界中一切無不  
聞

海也

大方廣佛華嚴經疏鈔會本第十

音釋

軌	度	醜	陋	海	蚌	歿	嗶	唳	唳
<small>軌居洧切度徒故</small>	<small>度切坳研計切卑</small>	<small>醜醜九切可惡也</small>	<small>陋醜九切可惡也</small>	<small>海蚌屬海蛤也</small>	<small>蚌部項切蝨也</small>	<small>歿終也</small>	<small>嗶也</small>	<small>唳也</small>	<small>唳也</small>
幄	幄	幄	幄	幄	幄	幄	幄	幄	幄
<small>乙角切大帷也</small>	<small>幄幄切</small>	<small>幄幄切</small>	<small>幄幄切</small>	<small>幄幄切</small>	<small>幄幄切</small>	<small>幄幄切</small>	<small>幄幄切</small>	<small>幄幄切</small>	<small>幄幄切</small>
埤	埤	埤	埤	埤	埤	埤	埤	埤	埤
<small>埤埤切</small>	<small>埤埤切</small>	<small>埤埤切</small>	<small>埤埤切</small>	<small>埤埤切</small>	<small>埤埤切</small>	<small>埤埤切</small>	<small>埤埤切</small>	<small>埤埤切</small>	<small>埤埤切</small>

大方廣佛華嚴經疏鈔會本第十一之一 假七

唐于闐國三藏沙門實叉難陀 譯

唐清涼山大華嚴寺沙門澄觀撰述

毗盧遮那品第六

初來意者前明此因之果今辯前果之因

假七

答前因問故次來也 因是果因故標果稱

又不以人取法知是誰因前品初言毗盧

遮那曠劫修因之所嚴淨今方顯其事

二釋名者略云光明徧照廣如前釋

三宗趣者明因廣大為宗證成前果為趣

爾時普賢菩薩復告大眾言諸佛子乃往古

世過世界微塵數劫復倍是數

四釋文一品分三初總明本事之時二有

世界下別顯本事之處三彼勝音世界最

初劫中下別顯時中本事今初即二佛刹

塵數劫也

有世界海名普門淨光明

二辨處中亦三第一總明刹海

此世界海中有世界名勝音依摩尼華網海

住須彌山微塵數世界而為眷屬其形正圓

其地具有無量莊嚴三百重眾寶樹輪圍山

所共圍繞一切寶雲而覆其上清淨無垢光

明照耀城邑宮殿如須彌山衣服飲食隨念

而至其劫名曰種種莊嚴

第二此世界海下別明一刹略無刹種刹

名勝音者多佛出世說法音故次彰其相

後說劫名可知

諸佛子彼勝音世界中有香水海名清淨光

明

第三諸佛子彼勝音下的指一方如今娑

婆中別說一四天下也於中亦三初總明感應之處第二諸佛子此林東下別明能感居人第三諸佛子彼大林中下別顯道場嚴事今初有三初明香海者非持種之海即如今四洲之海耳

其海中有大蓮華須彌山出現名華焰普莊嚴幢十寶欄楯周匝圍繞

### 二其海下海出華山

於其山上有一大林名摩尼華枝輪無量華樓閣無量寶臺觀周迴布列無量妙香幢無量寶山幢迥極莊嚴無量寶芬陀利華處處敷榮無量香摩尼蓮華網周匝垂布樂音和悅香雲照曜數各無量不可紀極有百萬億那由他城周匝圍繞種種衆生於中止住

三於其山下明山頂之林先標舉後顯嚴

假七

二

說此林者佛於中現也說城居人者總舉所化也

諸佛子此林東有一大城名焰光明人王所都百萬億那由他城周匝圍繞

第二別明能感居人中亦三初標主伴二城二釋主城三釋伴城今初雖有天城以佛出故人城爲主

清淨妙寶所共成立縱廣各有七千由旬七寶爲郭樓櫺却敵悉皆崇麗七重寶壑香水盈滿優鉢羅華波頭摩華拘物頭華芬陀利

假七

三

華悉是衆寶處處分布以爲嚴飾寶多羅樹七重圍繞宮殿樓閣悉寶莊嚴種種妙網張施其上塗香散華芬瑩其中有百萬億那由他門悉寶莊嚴一一門前各有四十九寶尸羅幢次第行列復有百萬億園林周匝圍繞

其中皆有種種雜香摩尼樹香周流普熏衆鳥和鳴聽者歡悅

二清淨下廣釋主城於中先顯處嚴城上守禦曰櫓繞城別築土臺曰却敵優鉢羅等即青赤黃白四色蓮華

此大城中所有居人靡不成就業報神足乘空往來行同諸天心有所欲應念皆至

後此大城下彰其人勝

其城次南有一天域名樹華莊嚴其次右旋有大龍域名曰究竟次有夜叉域名金剛勝妙幢次有乾闥婆域名曰妙宮次有阿脩羅域名曰寶輪次有迦樓羅域名妙寶莊嚴次有緊那羅域名遊戲快樂次有摩睺羅域名金剛幢次有梵天王域名種種妙莊嚴如是等百萬億那有他數

三其城次南下略釋伴城於中二先辨城名居類

此一一城各有百萬億那由他樓閣所共圍繞一一皆有無量莊嚴

後此一一顯圍繞莊嚴世界不同安立少異不可例此也

諸佛子此寶華枝輪大林之中有一道場名寶華徧照以衆大寶分布莊嚴摩尼華輪徧滿開敷然以香燈具衆寶色焰雲彌覆光網普照諸莊嚴具常出妙寶一切樂中恒奏雅

音摩尼寶王現菩薩身種種妙華周徧十方

第三明道場中先辨場嚴

其道場前有一大海名香摩尼金剛出大蓮華名華藥焰輪其華廣大百億由旬莖葉鬚臺皆是妙寶十不可說百千億那由他蓮華

所共圍繞常放光明恒出妙音周徧十方

二其道場前下明蓮華香海為佛現故

諸佛子彼勝音世界最初劫中有十須彌山

微塵數如來出興於世

大文第三別顯時中本事文分為二先總

舉劫中多佛後其第一下一一別顯正彰

本事經來不盡故無總結今初將欲說別

先舉其總言最初劫者即種種莊嚴劫也

既云最初即此後更有大劫於理無違此後

更有大劫者此遮破也謂佛法云準下文

六劫有恒河沙數小劫人壽二小劫初佛

壽五十億歲威光歷事三佛轉報生天今

云最初劫中有十須彌山塵數佛者為彼

劫中更有多箇大劫此初大耶為諸小劫

中取小劫耶釋曰上引文案定雙開二關

次云若就小劫初不應威光一報但過三

佛若就大劫一初利之中寧有多大釋曰

雙釋二關謂人壽二小劫一小劫中有須

彌山塵數佛故不應一報但過三佛言寧

有多大者如一賢劫則無多大劫云故知

此文最初劫之三字應迴云劫最初仍移

第一三三冊 大方廣佛華嚴經疏鈔會本 一五·一五五七

五

此三字於後行出與於世其字之下即無

過也釋曰此立正理具足迴文合云彼勝

音世界中十須彌山微塵數如來出興

於世其劫最初第一佛號一切功德山須

彌勝雲也此正甚善今不欲繁舉出經之

過強以理通最劫言耳云更有大者義

當中劫順靜法意言更有大耳如大賢劫

有二十增減為中劫第十五劫有九百九

十四佛出世則一劫中容多佛矣但彼淨

劫時長故一劫中有十須彌山塵數佛矣

然不欲斥經不急修行故存

畧理通非斥靜法正不當也

其第一佛號一切功德山須彌勝雲

第二正顯本事中歷事四佛即為四別第

一達一切功德山須彌勝雲佛第二波羅

蜜善眼莊嚴佛第三最勝功德海佛第四

名稱普聞蓮華眼幢佛各有諸佛子言就

初佛中文分為六第一總標佛號第二先

瑞熟機第三正顯佛與第四毫光警召第

五當機雲集第六廣演法門今初也一切

功德山者福德崇峻不可仰也復言須彌

四七九 龍藏

者定慧高妙難傾動也言勝雲者慈覆智潤廣無邊也

諸佛子應知彼佛將出現時一百年前

第二諸佛子下先瑞熟機分二初現瑞熟機二其世界中下觀瑞機熟前中三初標

現時謂百年前

此摩尼華枝輪大林中一切莊嚴周徧清淨所謂出不思議寶焰雲發歎佛功德音演無數佛音聲舒光布網彌覆十方宮殿樓閣互相照曜寶華光明騰聚成雲復出妙音說一切衆生前世所行廣大善根說三世一切諸佛名號說諸菩薩所修願行究竟之道說諸如來轉妙法輪種種言辭

此摩尼下正顯瑞相有其十種於中說前世所行者示其種子將成熟故說佛名號

令憶念故說七大行願使修發故說轉法輪使當聽習生法眼故

現如是等莊嚴之相顯示如來當出於世後現如是下結瑞意也

其世界中一切諸王見此相故善根成熟悉欲見佛而來道場

二機熟可知

爾時一切功德山須彌勝雲佛於其道場大蓮華中忽然出現

第三爾時下正顯佛興於中分二初一處道成二如於下結通廣徧初中先總

其身周普等真法界一切佛刹皆示出生一切道場悉詣其所無邊妙色具足清淨一切世間無能映奪具衆寶相一一分明一切宮殿悉現其像一切衆生咸得目見無邊化佛

從其身出種種色光充滿法界

後其身下別顯勝德略有十相一示身

相法無不在本自普周智與理冥故等彼

真界能令色相隨彼融通法界塵毛重重

全徧畧有十相者結云大同經初即教主

智無礙假七而為法身便融色相等七為一法身

以初身為總故法無不在本自普周即釋

經其身周普是法性身智與理冥者釋經

等真法界此是報身亦如智也故金光明

云唯如及如智獨存為法身故能令

色相下以真身周故也則以三身二悲相

身即是常身法身矣下九別說

圓融為一真法身矣下九別說

不捨因行無所不生二悲相即三成相理

行時處為一切道場身智俱游名為普詣

三成相即菩提身理行四色相湛然常住

時處為道場並如經初

稱為妙色色無邊故云具足並無質累

是謂清淨四色相即福德身故上經云三

故妙色為福之果上經又云不可思議大

劫海供養一切諸如來普以功德施羣生

第一三三冊 大方廣佛華嚴經疏鈔會本 一五·一五五七

是故端嚴五勝相色容蔽於大眾威德攝

最無比五勝相即於羣魔力無畏圓何能映奪威勢身六

貴相無邊寶相圓明可貴超過聖帝故曰

分明六貴相即相好莊嚴身且順三乘云

佛非等此釋輪王相今是世尊故云七應

分現實具十蓮華藏微塵數相也

相不住普現如鏡中像七應相即力持身

不八無礙相有感斯見無隔山河八無礙

身上經云毗盧遮那佛願力周法界九者

一切國土中常轉無上輪故咸目觀十吉祥

化相化從真流源無有異九化相十吉祥

相身智光照普稱世間此上大同經初言十

祥相即智身正在智光傍兼身光

耳是知此經引昔因緣亦皆圓妙

如於此清淨光明香水海華焰莊嚴幢須彌

頂上摩尼華枝輪大林中出現其身而坐於

座其勝音世界有六十八千億須彌山頂悉

亦於彼現身而坐

四八一 龍藏

二結通中且結同類一界餘皆略也

爾時彼佛即於眉間放大光明

第四爾時下毫光警召文分爲五一放光

處顯中道故

其光名發起一切善根音

經七

二主光名發動宿種生起新善故善根有

三一者生福及不動業以施忍智三而爲

善根二厭苦求滅以信等爲根三求無上

慧以四等不放逸五法爲根一者生福者

惡業即三不善根所生三善根者即無貪無瞋

無癡今非但不著有境兼能惠施成無貪

根非唯於苦無恚兼行忍辱故成無瞋根

非唯於境明了增修慧解是無癡根有此

三根唯生欲色無色故爲福不動根然其

三根依唯識論各別有性善十一攝無貪

以於有有具無著爲性無瞋以於苦苦具

無恚爲性無癡以於諸理事明解爲性通

唯善恚各別有性今依集論第一以惠爲

無癡性唯識意會以惠爲無癡之果耳故

施忍二亦從果名由無貪瞋故成施忍所

以疏云以施忍惠以爲其根二信等根下  
當廣說三求無上者涅槃經云皆歎慈悲  
爲菩薩根謂有慈悲心必須喜捨不放逸  
者即走精進無貪等三於所斷修防非爲  
性假正爲一故涅槃說不放逸根深難  
拔由不放逸策前四等得一切智故爲根  
也 通說善根以依聖教發心爲性故云音

也 四通說善根下即  
上三類之通性也

十佛刹微塵數光明而爲眷屬

三眷屬數無盡法故

充滿一切十方國土

四照分齊充滿十方通方教故

若有衆生應可調伏其光照觸即自開悟息

諸惑熱裂諸蓋網摧諸障山淨諸垢濁發大

信解生勝善根永離一切諸難恐怖滅除一

切身心苦惱起見佛心趣一切智

五若有下明光勝益文有十句一無明重

者自覺智開二煩惱深者息現行惑三勤



修難出裂五蓋網四三障重者摧諸障山

五未解脫者淨心垢種六未信大者發起

入住七闕資糧者生其勝善八未入地者

除五怖畏九色累功用滅身心苦十滯無

生者見佛趣果無明下先別釋初四離障五令解脫通蓋三乘六未

信今信七令入三賢八令得初地九令二地已上得於八地十已在八地已證無生

諸佛勸起令得九十二地此約差別對治以釋若約橫

配生善見理可以準思此約差別下二結釋差別結上明是

豎釋對治結上非三悉檀若約橫配下更結異門橫對前豎位位通用此十句故生

善見理對上對治生善即是為人悉檀謂發大信解生勝善根起見佛心皆生善也

見理即第一義悉檀如自覺智闡趣一切智皆見理也亦應合有隨俗令喜世界悉

檀以益近故此中不說橫豎無礙是此中意四悉檀義問明當辨

時一切世間主并其眷屬無量百千蒙佛光

明所開覺故悉詣佛所頭面禮足

第五當機雲集中文二先通顯諸王雲集

致敬諸

諸佛子彼焰光明大城中有王名喜見善慧

統領百萬億那由他城

後諸佛子下別障諸王雲集儀式於中分

二先廣明喜見後略列諸王今初即正出

本事之緣文分為六第一標名辨統二總

辨眷屬三威光得益四偈讚如來五父王

宣誥六俱行詣佛初文可知

夫人嫫女三萬七千人福吉祥為上首王子

五百人大威光為上首大威光太子有十千

夫人妙見為上首

第二夫人下總顯眷屬者有德曰夫人有

色曰采女王子別本云二萬五千者別梵

本也案瓔珞本業經上卷云十住銅輪寶

瓔珞百福子為眷屬生一佛土受佛學行



根力故即時證得十種法門

第三爾時下威光得益文分為二先舉因

總標

何謂為十所謂證得一切諸佛功德輪三昧

後何謂下列益明體皆從勝用標名一佛

德圓滿摧障稱輪定中能知故受斯稱

證得一切佛法普門陀羅尼

二此總持能持諸佛普法

證得廣大方便藏般若波羅蜜

三即空涉有名為方便斯則權實雙行為

不共般若稱體用之廣大

證得調伏一切眾生大莊嚴大慈

四以二嚴調伏真實慈也

證得普雲音大悲

五法雲震音能拔苦本

證得生無邊功德最勝心大喜

候七

三

六稱理法喜故德無邊自他俱慶心為最

勝

證得如實覺悟一切法大捨

七知離名法法亦應捨如實捨也法即思

蓋經第一思益梵天問言世尊云何名為  
菩薩過行佛言能淨身口意業爾時世尊  
而說偈云若身淨無惡口淨常實語心淨  
常行慈是菩薩過行慈不貪著觀不淨  
無患行捨而不癡是菩薩過行在聚落空  
野及與處大眾威儀終不轉是菩薩過行  
知法名為佛知離名為法知無名為僧是  
菩薩過行釋曰此當第四偈因便故來欲  
釋此偈令知起盡故以此一偈八多解釋  
今觀經意三箇知字皆是觀行之人若能  
如是知是菩薩過行知法名為佛者即是  
真佛法身如來佛即是法法即是佛亦猶  
如來者即諸法如義次應問言法即是佛  
於義已解何者是法故次問云知離即是  
法以一切法本性離故心體離念即是覺  
故次應問云法本自離則無所修何等有  
僧故次解云知無名為僧無為即法本  
自離由知無為故得成僧故大品云由知  
諸法空分別有須菩提等金剛經云一切  
聖賢皆以無為法而有差別謂俱學無為

有淺有深乃成差別非無為法而有差別也今既正取知離名法若不捨法非知離也故云法亦應捨却金剛意法尚應捨可况非法因法得悟如被渡人若不捨法如住舟內要捨於舟方至彼岸要忘所捨方為如實覺悟諸法為真捨也故大般若云般若甚深知一切法本性離故又文殊釋云如佛世尊堪受供養以於一切法覺實性故是故經云如實覺一切法大捨

假

十三

證得廣大方便平等藏大神通

八善巧起用平等無思通從此生故名爲

藏

證得增長信解力大願

九盡衆生界荷負無疲要令信解爲大願

也

證得普入一切智光明辯才門

十所有辯才皆入佛智自他俱照是曰光

明此上十法初三功德法次四熏修法後

三起化法多言大者境界無邊稱性廣大

智契貫達並受證名

爾時大威光太子獲得如是法光明已承佛

威力普觀大衆而說頌言

第四偈讚如來文分爲二先說偈之由

世尊坐道場清淨大光明譬如千日出普照

虛空界無量億千劫導師時乃現佛今出世

間一切所瞻奉

後正陳偈讚十偈分三初二示佛出現既

滅闇難過不可失時

汝觀佛光明化佛難思議一切宮殿中寂然

而正受汝觀佛神通毛孔出焰雲照耀於世

間光明無有盡汝應觀佛身光網極清淨現

形等一切徧滿於十方妙音徧世間聞者皆

欣樂隨諸衆生語讚歎佛功德世尊光所照

衆生悉安樂有苦皆滅除心生大歡喜

次五令觀佛德有德有慈真可歸也

觀諸菩薩衆十方來萃止悉放摩尼雲現前  
稱讚佛道場出妙音其音極深遠能滅衆生  
苦此是佛神力一切咸恭敬心生大歡喜共  
在世尊前瞻仰於法王

經七

十四

後三引例勸歸無遠不歸固宜往見

諸佛子彼大威光太子說此頌時以佛神力  
其聲普徧勝音世界時喜見善慧王聞此頌  
已心大歡喜觀諸眷屬而說頌言

第五父王宣誥文分爲二初宣誥所因以

聞讚故太子道深親承佛益王機猶淺轉  
假他聞

汝應速召集一切諸王衆王子及大臣城邑  
宰官等普告諸城內疾應擊大鼓共集所有  
人俱行往見佛一切四衢道悉應鳴寶鐸妻

子眷屬俱共往觀如來

二正以偈誥偈有十一分之爲三初三集  
衆勸觀

一切諸城郭宜令悉清淨普建勝妙幢摩尼  
以嚴飾寶帳羅衆網妓樂如雲布嚴備在虛

空處處令充滿道路皆嚴淨普雨妙衣服巾

馭汝寶乘與我同觀佛各各隨自力普雨莊

嚴具一切如雲布徧滿虛空中香焰蓮華蓋

半月寶瓔珞及無數妙衣汝等皆應雨須彌

香水海上妙摩尼輪及清淨栴檀悉應雨滿

經七

十五

空衆寶華瓔珞莊嚴淨無垢及以摩尼燈皆  
令在空住

次七勅令辦供鄭注禮云中猶衣也謂以  
繒綵衣帶縛於車廣雅云馭駕也餘並可  
知

一切持向佛心生大歡喜妻子眷屬俱往見  
世所尊

後一偈勸費供佛

大方廣佛華嚴經疏鈔會本第十一之一

音釋

欄

欄音關也

楯

楯音關也

市

市作合切

也

縱

縱將容切

市

市作合切

迥

迥音

壑

壑音

藥

藥音

莖

莖音

警

警音

鐸

鐸音

萃

萃音

馭

馭音

警

警音

達

達音

泰

泰音

御

御音

警

警音

大方廣佛華嚴經疏鈔會本第十之二 假八

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時喜見善慧王與三萬七千夫人姝女俱  
福吉祥爲上首五百王子俱大威光爲上首

六萬大臣俱慧力爲上首如是等七十七百

千億那由他衆前後圍繞從焰光明大城出  
以王力故一切大衆乘空而往諸供養具徧  
滿虛空至於佛所頂禮佛足却坐一面

第六俱行詣佛初導從持供後至而設敬

復有妙華城善化幢天王與十億那由他眷  
屬俱復有究竟大城淨光龍王與二十五億  
眷屬俱復有金剛勝幢城猛健夜叉王與七  
十七億眷屬俱復有無垢城喜見乾闥婆王  
與九十七億眷屬俱復有妙輪城淨色思惟

阿脩羅王與五十八億眷屬俱復有妙莊嚴  
城十力行迦樓羅王與九十九千眷屬俱復  
有遊戲快樂城金剛德緊那羅王與十八億  
眷屬俱復有金剛幢城寶稱幢摩睺羅伽王  
與三億百千那由他眷屬俱復有淨妙莊嚴  
城最勝梵王與十八億眷屬俱如是等百萬  
億那由他大城中所有諸王并其眷屬悉共  
往詣一切功德須彌勝雲如來所頂禮佛足  
却坐一面

第二復有妙華下略列諸王文易可知

時彼如來爲欲調伏諸衆生故於衆會道場  
海中說普集一切三世佛自在法修多羅世  
界微塵數修多羅而爲眷屬隨衆生心悉令  
獲益

第六時彼如來下廣演法門文分爲五一

佛轉法輪二威光獲益三以偈讚述四傳化衆生五佛加讚勵今初也佛解脫用主教宣示刹塵眷屬隨機益殊

是時大威光菩薩聞是法已即獲一切功德須彌勝雲佛宿世所集法海光明

第二是時大威下得益中初總後別總中上說三世佛法即佛昔所集也既見佛得益轉受菩薩之名

所謂得一切法聚平等三昧智光明所謂下別智即是體光明語用所照境殊

故分十一一深定智明一切法聚略有三義一正定等三二善惡等三三總收一切

不出有為無為二種法聚二位相收一味性現故云平等定中證此名彼三昧

智即者智體如日用如日光日體雖一能放千光智體不殊能照萬境又日光無二所照

物殊智光無差隨境分照一正定等三者謂等取邪定不定聚故善惡等者等取無記三總收為二四二位下融而為一

一切法悉入最初菩提心中住智光明

二大心智明謂後後因果皆入初心略有

三義一後因初得故言一切悉入若脩塗

至在初步學者祿在其中二菩提直心正

念真如真如門內攝一切法三者三德開

顯前後圓融初發心時便成正覺故

後因界等者總釋也六位相望故成後後五位

為因地中調柔果等若修途者即肇公不遺

論也論云是以如來功流萬世而常存道

通百劫而彌固成山假就於始三黃修途託

至於初物各性往故無往來今雖引文用意

意云別此言本出莊子千里之途在於足下

其猶涵涵之水本於濫觴合抱之木生自

毫末後由初得故曰在初學者祿在其中

意亦同論語子張學干祿子曰多聞

餘則寡慎言其餘則寡尤多見闕殆慎行其

曰千求也祿位也雖未得祿得祿之道也



故得祿在後由學而能故活學中此上一  
義通諸經論二善提直心等者即起信論  
法性宗中實教之意然善提心總有三心  
今但直心中攝以直心一故云真如真如  
起信生滅真如二門之一法唯取真如謂  
然此二門皆各總攝一切法真如無二  
一切法及後後諸德皆依真如真如故能  
通為諸法之體今善提心正念真如故融  
攝也三者三德開顯下即別教一乘圓融  
義也不同餘宗言三德開者即法心功德

品初發心時得如來一身無量身則法身  
開顯得究竟智慧得一切智解脫開顯  
若開顯不於諸法少有所得即解脫開顯  
以心離妄取寂然雙流故此心中無德不  
攝因該果海並在初心初發心時便成正  
覺即初行品文言初後以緣起法離初無  
後之初後是即初之後以緣起法離初無  
後離後無初故舉初攝後若約法性融通  
一切因果不離心性契於初心頓圓滿故  
以一切法隨所依性皆於初心頓圓滿故  
故梵行品云若諸菩薩皆與如是觀行相  
應於諸法中不生二解一切佛法疾得現  
前初發心時即得阿耨多羅三藐三菩提  
如一切法即心自性成就慧身不由他悟  
下當更說

十方世界普光明藏清淨眼智光明  
三大智智明法界者所照之體大也普光

第一三三冊 大方廣佛華嚴經疏鈔會本 一五二五五七

明者即相大也智慧光明徧照法界義故  
蘊恒沙性德故名為藏妄惑本空故云清

淨明見稱眼見性肉眼即同佛眼三大智

經中清淨眼是總相此眼何見見心三大  
疏中屬經唯配二大略無用大用即智攝  
故從智慧光明為相照法界義故者即暗引  
起信證普光明為相照法界此即起信釋生

滅門中所顯義大雙明體相之文論云復  
次真如自體相者一切凡夫聲聞緣覺苦  
薩諸佛無有差別非前際生非後際滅畢  
竟常住釋曰上釋體大今不引之以法界  
為體義易知故論云從本已來性自滿足

一切功德所謂自體有大智慧光明義故  
適照法界義故真實識知義故自性清淨  
心義故常樂我淨義故清涼不變自在義  
故釋曰上之六句皆是相大一本覺智明  
義二本覺顯照諸法義三照時無倒義四

體離惑染義五性德圓備義六性德無邊  
義今不引後四而引前二有智適照證以  
普光明為相引此文相大本有則皆所  
光明為能照故引此文相大本有則皆所  
照以淨眼智明為能照耳從蘊恒沙下釋

經藏字具二藏義蘊恒沙德即不空藏妄  
惑本空即是空藏故清淨言向上屬所觀  
之藏向下屬能見之眼無障益故言見性  
肉眼即名佛眼者即涅槃第六經云善男

子聲聞之人雖有天眼故名肉眼學大乘

四九一 龍藏

者雖有肉眼乃名佛眼何以故是大乘經名為佛乘如此佛乘最上最勝諸佛見性故

觀察一切佛法大願海智光明

四大願智明知諸佛法願為本故

入無邊功德海清淨行智光明

復八

五行智明無邊果德此行入故

趣向不退轉大力速疾藏智光明

六速疾智明謂趣入無生功用不退無功

大力一行含多受斯稱也無功大力者由八地得無功用

如乘船入海故云大力速疾言一行含多者先以一身起行至此八地以無量身起

行一一行中起一切行故

法界中無量變化力出離輪智光明

七神通智明三輪幹事出離不能

決定入無量功德圓滿海智光明

八大福智明照福嚴故

了知一切佛決定解莊嚴成就海智光明

九大解智明謂佛勝解力成莊嚴海

了知法界無邊佛現一切衆生前神通海智

光明

十佛用智明普周法界

了知一切佛力無所畏法智光明

十一佛德智明降魔制外後三佛境故但

了知餘可證知故云得入餘可證知者智微名入入亦證也

得者獲之在已也

爾時大威光菩薩得如是無量智光明已承

佛威力而說頌言

第三以偈讚述文分二別先因後偈

我聞佛妙法而得智光明以是見世尊往昔

所行事

偈中分三初一標益體用

一切所生處名號身差別及供養於佛如是我咸見往昔諸佛所一切皆承事無量劫修行嚴淨諸刹海捨施於自身廣大無涯際修治最勝行嚴淨諸刹海耳鼻頭手足及以諸宮殿捨之無有量嚴淨諸刹海能於一切刹億劫不思議修習菩提行嚴淨諸刹海普賢大願力一切佛海中修行無量行嚴淨諸刹海如因日光照還見於日輪我以佛智光見佛所行道

次八顯用所見於中前七見因

我觀佛刹海清淨大光明寂靜證菩提法界悉周徧

後一見果

我當如世尊廣淨諸刹海以佛威神力修習菩提行

三一偈發願思齊即前品初修治大願也諸佛子時大威光菩薩以見一切功德山須彌勝雲佛承事供養故於如來所心得悟了

第四傳化衆生文分爲三初明自悟

爲一切世間顯示如來往昔行海顯示往昔菩薩行方便顯示一切佛功德海顯示普入一切法界清淨智顯示一切道場中成佛自在力顯示佛力無畏無差別智顯示普示現如來身顯示不可思議佛神變顯示莊嚴無量清淨佛土顯示普賢菩薩所有行願

俱八

六

二爲一切下明轉悟他顯示十法與前自得十一有同有異文並可知

令如須彌山微塵數衆生發菩提心佛刹微塵數衆生成就如來清淨國土  
三令如須彌山下利他之益

爾時一切功德山須彌勝雲佛爲大威光菩薩而說頌言

善哉大威光福藏廣名稱爲利衆生故發趣菩提道汝獲智光明法界悉徧福慧咸廣大當得深智海一刹中修行經於刹塵劫如

汝見於我當獲如是智

概八

七

第五如來讚勸中偈有十一初三讚發心得法大果當成

非諸劣行者能知此方便獲大精進力乃能淨刹海一一微塵中無量劫修行彼人乃能得莊嚴諸佛刹爲一一衆生輪迴經劫海其心不疲懈當成世導師供養一一佛悉盡未來際心無雙疲厭當成無上道

次四對劣顯勝進者圓德

三世一切佛當共滿汝願一切佛會中汝身

安住彼一切諸如來誓願無有邊大智通達者能知此方便

次二外加內智決證無疑

大光供養我故獲大威力令塵數衆生成熟向菩提諸修普賢行大名稱菩薩莊嚴佛刹海法界普徧徧

後二舉一例餘行者即得初逢一切功德

山佛已竟

諸佛子汝等應知彼大莊嚴劫中有恒河沙數小劫人壽命二小劫諸佛子彼一切功德須彌勝雲佛壽命五十億歲

第二遇第二佛文分爲二先結前生後二

正顯佛興今初謂將說後佛故總論劫壽明多小劫者欲顯多佛現故說人壽佛壽者由佛壽促而人壽長故得威光一生歷

事三佛

彼佛滅度後有佛出世名波羅蜜善眼莊嚴王亦於彼摩尼華枝輪大林中而成正覺

二彼佛滅下正顯佛與文分為五一明滅後佛與二觀相獲益三讚德勸詣四眷屬

同歸五聞經悟入今初也此中佛名謂智

導萬行皆到彼岸見性了了故名善眼果

由因飾是曰莊嚴

爾時大威光童子見彼如來成等正覺現神通力

二爾時下威光觀相獲益中二先觀相即

獲益之由也

即得念佛三昧名無邊海藏門

二即得下正獲益也先列後結列有十種

一念佛三昧者菩薩之父故首明之乃至

假八

十地不離念佛菩薩之父者即智論文論云菩薩以般若波羅蜜為母般舟三昧為父般舟即念佛此翻為佛立三昧良以念佛即真涉事與方便同故得稱父又念佛成佛是親種故言乃至十地不離念佛者十地之中皆云一切所作不離念佛念無邊海藏門者蘊積名藏深法念佛等廣稱海然略有三義一由此定中見多佛

故下文云以佛為境界專念而不捨是人

得見佛其量與心等由念能見所以稱門

二一一佛德是無邊海藏由念能知所以

稱門云何無邊海劫海所修有行願海成

就色身有相好海成就智身有辯才海建

假八

九

立念處有名號海修諸助道有功德海安

立衆生有淨刹海如是諸海一一無邊各

各出生蘊積名藏三無邊勝德由念佛生

故此一門深廣蘊積何者念佛性身則契

如理念功德身成無邊德念相好身證無

邊相障無不滅德無不生一言蔽諸總由

念佛從此通悟所以稱門即此一門說不

可盡障無不滅下結歎故賢護經中廣列諸德以敘其因佛答皆從念而生一言蔽諸者即論語子曰詩三百一言以蔽之曰思無邪謂歸於正也念一佛號亦名一言直取一言只一佛字故

自四祖禪要唯稱佛言耳

即得陀羅尼名大智力法淵

二總持大智能達深法

即得大慈名普隨衆生調伏度脫

三無緣普應

即得大悲名徧覆一切境界雲

四等除熱惱

即得大喜名一切佛功德海威力藏

五佛深德海蘊積力用菩薩緣此喜徧身

心

即得大捨名法性虛空平等清淨

六悲則心感喜便浮動深契法性則曠若虛空悲喜兩亡為平等清淨

即得般若波羅蜜名自性離垢法界清淨身

七般若者覺法實性離分別也有可離者

非真離也知自性離不復離也無離之離

即真法界真法界者本來清淨法界清淨

即般若清淨般若清淨則萬法本淨萬法

淨者無淨無不淨為真淨也實相般若為

萬法之體觀照冥此衆德攸依故云身也

覺法實性離分別也者此總釋一門亦當別釋自性離垢之言即大般若曼殊室利

分中慈氏菩薩云若諸菩薩聞是甚深般若

若心不沉沒已近無上正等菩提何以故

是諸菩薩現覺法性離一切分別如大菩提

提故今此般若亦覺法自性名自性離離

字兩向向上屬自性離向下屬離垢即離

分別之垢也從有可離下別釋經文成上

總釋有可離者非真離也反釋初句成上

性離知自性離不復離也者順釋初句成

上離分別言不知性離謂有可離即是分

別今知性離知相即寂故無分別無離之

離者即躡上釋下法界言也正同起信所言覺者謂心體離念相者等虛空界無所不遍法界一相即是如來平等法身法身即真法界本來清淨者躡上法界釋清淨言既自性離是故經云法界清淨法界清淨者即以上法界成此般若得清淨名觀今淨非去垢淨是故經云法界清淨法界清淨者即由體法界成此般若得清淨名此有二意一由體法界成此般若得清淨名若受法界清淨之名二者性無二故故大般若難信解分云復次善現般若波羅蜜多清淨故色清淨色清淨故一切智智清淨何以故若般若波羅蜜多清淨若色清淨若智清淨若無二無二分無別無淨若一切智智清淨若無二無二分無別無斷故名無二性從般若清淨者亦有二義一以般若照一切法知本淨故二者亦是性無二故義同上引般若清淨則色清淨過歷諸法略舉八十餘科謂五蘊十二入十八界四諦十二緣六波羅蜜乃至菩提涅槃皆如色說故萬法本淨萬法淨者下拂其淨相夫言淨者顯法本無生性寂諸相故名為淨豈待蕩蕩無物方稱淨耶非但事無非為真淨見真淨事為非淨亦是相待能所未忘安得稱淨故真善知識令看淨門云性本清淨淨無淨相方見我性則無淨相離於見相是為不二法門也下經云若有見正覺解脫離諸漏不著一切世彼非證道眼若有如來體相無所有修習得明了是人疾作佛實相般若下釋經身字身有三義謂體依聚義今實

相般若則法身之體觀照般若同報身之依化身名聚淺故不說則眷屬般若亦得名身同聚義故  
 即得神通名無礙光普隨現  
 八通用智俱故無礙隨現  
 即得辯才名善入離垢淵  
 九入法之深離說之垢  
 即得智光名一切佛法清淨藏  
 十智照佛法淨所知障含藏眾德  
 如是等十千法門皆得通達  
 二如是下結中明歷事增進故云十千通達之言釋前即得爾時大威光童子承佛威力為諸眷屬而說頌言  
 不可思議億劫中導世明師難一遇此土眾生多善利而今得見第二佛

第三爾時下讚德勸誥文分爲二初說偈

後偈益偈中分三初一偈歎希慶遇

佛身普放大光明色相無邊極清淨如雲充滿一切土處處稱揚佛功德

光明所照咸歡喜衆生有苦悉除滅各令恭敬起慈心此是如來自在用

出不思議變化雲放無量色光明網十方國土皆充滿此佛神通之所現

二有七偈歎佛勝德於中三初三身業

一一毛孔現光雲普徧虛空發大音所有幽冥靡不照地獄衆苦咸令滅

如來妙音徧十方一切言音咸具演隨諸衆生宿善力此是大師神變用

無量無邊大衆海佛於其中皆出現普轉無盡妙法輪調伏一切諸衆生

次三語業

佛神通力無有邊一切剎中皆出現善逝如是智無礙爲利衆生成正覺

後一意業

汝等應生歡喜心踊躍愛樂極尊重我當與汝同詣彼若見如來衆苦滅

發心迴向趣菩提慈念一切諸衆生悉住普賢廣大願當如法王得自在

三有二偈勸衆同歸

諸佛子大威光童子說此頌時以佛神力其

假八

十一

聲無礙一切世界皆悉得聞無量衆生發菩提心

後諸佛子下偈益可知

時大威光王子與其父母并諸眷屬及無量百千億那由他衆生前後圍繞寶蓋如雲徧



覆虛空共詣波羅蜜善眼莊嚴王如來所

第四時大威光下眷屬同歸

其佛為說法界體性清淨莊嚴修多羅世界海微塵等修多羅而為眷屬

第五其佛下聞經悟入文分為三初佛為

假八

說經二當機獲益三如來讚述今初主經

十三

法界體性大方廣也清淨佛也莊嚴即華嚴也有多眷屬者顯此教圓

彼諸大眾聞此經已得清淨智名入一切淨方便得於地名離垢光明得波羅蜜輪名示

現一切世間愛樂莊嚴得增廣行輪名普入一切剎土無邊光明清淨見得趣向行輪名離垢福德雲光明幢得隨入證輪名一切法海廣大光明得轉深發趣行名大智莊嚴得灌頂智慧海名無功用修極妙見得顯了大

光明名如來功德海相光影徧照得出生願力清淨智名無量願力信解藏

二彼諸下當機獲益亦有十益既云大眾或一人得一或二三四或具十者威光先證故略不標大眾之言亦已含矣故下佛讚然此十事略為二釋一者如次配於十地十度或取地義或取度義一者達一切法本來清淨名清淨智不取淨相是名方便即初地入證之智也二則二地離破戒垢是所除障照諸善品即戒光明三即忍度忍為上嚴一切愛樂四無刹不入無法不照無見不淨是為精進增廣眾行約地義釋以諸道品燒無盡惑成無邊光五趣向諸行能入俗也禪度增故性能離垢涉俗化物成福德雲不迷實理為光明幢六

般若現前名隨入證照深緣起名法海光  
 七功用已遠將入無功為深發趣權實無  
 礙為大莊嚴八見法實性無功而修為極  
 妙見由此智慧復得灌頂故仁王經云後  
 之三地同遣無明同無功用故非灌頂地  
 是灌頂智九顯了藥病是功德海相辯才  
 徧應若月影流光十智圓離障方於佛願  
 而生信解故曰出生故仁王者即教化品  
中第八名等觀菩薩  
 佛云等觀菩薩二禪王變化法身無量光  
 等九地云慧光闍士三禪王十地云灌頂  
 菩薩四禪王後都頌上三地云等慧灌頂  
 三品七除前餘習無明緣無明習相故頌

愾二諦理窮一切盡釋曰既勝三地除無  
明習是故疏云同遣無明非灌頂地下義  
釋彼經灌頂地者自當第十故云非灌頂  
地然十地亦用遣無明習無功用智而得  
灌頂故云二者此上十門隨一一事以立  
 其名未必全將配於地位或通配諸位或  
 復不次以人無量隨詮不同普賢巧說故

假八

十

文含多義

時彼佛為大威光菩薩而說頌言  
 善哉功德智慧海發心趣向大菩提汝當得  
 佛不思議普為衆生作依處  
 汝已出生大智海悉能徧了一切法當以難  
 思妙方便入佛無盡所行境  
 已見諸佛功德雲已入無盡智慧地諸波羅  
 蜜方便海大名稱者當滿足  
 已得方便總持門及以無盡辯才門種種行  
 願皆修習當成無等大智慧

假八 汝已出生諸願海汝已入於三昧海當具種  
十五 種大神通不可思議諸佛法  
 究竟法界不思議廣大深心已清淨普見十  
 方一切佛離垢莊嚴衆刹海

第三時彼下如來讚述十頌分二前六讚

其已具勝德當成極果皆前半已獲後半

當證獨第四偈三句是因

汝已入我菩提行昔時本事方便海如我修  
行所淨治如是妙行汝皆悟

我於無量一一刹種種供養諸佛海如彼修

行所得果如是莊嚴汝咸見

廣大劫海無有盡一切刹中修淨行堅固誓

願不可思當得如來此神力

諸佛供養盡無餘國土莊嚴悉清淨一切劫

中修妙行汝當成佛大功德

後四偈行齊佛因當如佛證皆三句舉佛

行後一句齊佛德然此中述讚望前遇光

得益及向大眾所得多有相同義必述上

可以意消息之

諸佛子波羅蜜善眼莊嚴王如來入涅槃已

喜見善慧王尋亦去世大威光童子受轉輪

王位

遇第三佛文分為六一如來出時前佛滅

後等時也

彼摩尼華枝輪大林中第三如來出現於世

名最勝功德海

二彼摩尼下正明現世立斯號者功德海

滿無加過也

時大威光轉輪聖王見彼如來成佛之相與

其眷屬及四兵眾城邑聚落一切人民并持

與八

十六

七寶俱往佛所以一切香摩尼莊嚴大樓閣

奉上於佛

三時大威光下威光往供

時彼如來於其林中說菩薩普眼光明行修

多羅世界微塵數修多羅而為眷屬

四時彼如來下佛為說經見普法故名為  
 普眼以慧為性故曰光明况一眼即十眼  
 融無障礙眼外無法方真普眼以諸緣發  
 見即緣名為根因沒果中緣皆號眼故全  
 色為眼恒見色而無緣全眼為色恒稱見

而非我矣見普法者此釋經名而有三義  
一切一稱性同時具足等斯即十眼之

內一切一稱性同時具足等斯即十眼之  
 故二沉一能經云一切智眼見普門法界  
 眼四眼入佛眼皆名佛眼如四河入海無  
 復河名而具海味故金剛經云如來有肉  
 眼不如是世尊如來有肉眼乃至云如來  
 有佛眼不如是世尊如來有佛眼今十眼  
 亦耳隨一具十而諸教唯佛眼具五餘四  
 則無今因果之人皆許一眼抑具十眼不  
 唯後勝具於前劣若一不具十則非普眼  
 言十眼者離世間品說謂一肉眼二天眼  
 三慧眼四法五佛六智七光明八出生死  
 九無礙十一切智其融無礙則有二義一  
 者成上十眼無礙二成下即能所無礙  
 三眼外無法下約心境互收方稱普眼此  
 上標也諸緣下別釋所以如大乘法師以  
 九緣發識眼根名眼餘不名眼今則例之  
 眼根能發識眼根得名眼空明能發識亦

得同名眼餘六列然以緣起之法各有有  
 力無力相成立故次云因沒果中緣皆號  
 眼者九緣並是因見色得名眼九緣皆見  
 色沒果同名眼以皆全有力故言全色為  
 眼恒見色者色是所緣之境眼是能緣之  
 根今即是眼故無緣也全眼為色者眼是  
 我能見今全為色正見之時即非我也此  
 即賢首之意下更有言云非我離於情想  
 無緣絕於貪求收萬像於目前全十方於  
 眼際是以緣義無盡隨見見而不窮物性  
 巨思應法法而難準法普即眼普義通乃  
 見通體之自隱隱照之速重重然後窮十  
 方於眼際鏡空有而較明收萬  
 像以成身顯事理而通徹也

爾時大威光菩薩聞此法已得三昧名大福

德普光明得此三昧故悉能了知一切菩薩

一切衆生過現未來福非福海

五爾時下威光得益五度皆福定為最大

寂無不照名普光明得此已下彰其定用

福非福言略有二意一福即是善非福是

罪二福即是相非福即性雙了性相故經

云福德即非福德性此即深也了一切者

廣也故有海言遇於初佛但得十者自力

未勝故次佛十千者道轉深故今唯一者

道已滿故五度皆福者然六波羅蜜攝成

二嚴總有兩意一前五為福後

一為智二者前三唯福後一唯智進定慧

二成前為福成後屬智今以經中云得三

昧名六福德改用前門福即是善者即百

論相攝罪福品意故論引金剛福尚應捨

何況非福以善捨惡以無相智捨福則善

惡兩忘今云了者一了其相二了體空三

了無礙二福即是相下即以世諦說福諦

一義中福亦不存故引金剛如來說福德

相隨俗說也即非福德相當體空寂是名

福德相結正義也若福即非福方名真福

若以福為福非真福也有人以

第三句亦約俗諦非得經意

時彼佛為大威光菩薩而說頌言

善哉福德大威光汝等今來至我所愍念一

切衆生海發勝菩提大願心

汝為一切苦衆生起大悲心令解脫當作群

迷所依怙是名菩薩方便行

若有菩薩能堅固修諸勝行無厭怠最勝最

上無礙解如是妙智彼當得

福德光者福幢者福德處者福海者普賢菩

薩所有願是汝大光能趣入

第六時彼佛下如來記別十一偈分四初

四顯具菩提心謂初有願次偈有悲四有

智光三兼精進通策三心故菩提心圓當

成妙智

汝能以此廣大願入不思議諸佛海諸佛福

海無有邊汝以妙解皆能見

汝於十方國土中悉見無量無邊佛彼佛往

偈八

昔諸行海如是一切汝咸見

若有住此方便海必得入於智地中此是隨

順諸佛學決定當成一切智

汝於一切刹海中微塵劫海修諸行一切如

來諸行海汝皆學已當成佛

次四上入佛境

如汝所見十方中一切刹海極嚴淨汝刹嚴淨亦如是無邊願者所當得

三有一偈示其果相得同諸佛

今此道場衆會海閻汝願已生欣樂皆入普

賢廣大乘發心迴向趣菩提

假八

十九

無邊國土一一中悉入修行經劫海以諸願

力能圓滿普賢菩薩一切行

四有二偈讚其現能利他住普賢行

諸佛子彼摩尼華枝輪大林中復有佛出號

名稱普聞蓮華眼幢

遇第四佛文分為四一佛出人中二天王

就供三如來說法四得益還歸今初約相

目類青蓮約德心無所染相德高顯名稱

外彰摧邪衆歸故曰幢也

是時大威光於此命終生須彌山上寂靜寶

宮天城中為大天王名離垢福德幢

二是時下天王就供中二先明菩薩行進

報處天宮此城即是品初所列之一

共諸天衆俱詣佛所兩寶華雲以為供養

後知佛可歸持華往供

時彼如來為說廣大方便普門徧照修多羅

世界海微塵數修多羅而為眷屬

三時彼下說經方便之言略有三種一無

實權施曲巧方便也二理本無言假言而

言大方便也三權實無滯亦大方便事理

皆照方曰普門一無實者如無三乘說有三乘虛指三車出門不獲

是也二理本無言者亦法華云諸法寂滅

相不可以言宣以方便力故為五比丘說

是也三權實無滯者即涉有未始迷空觀

空不遺於事即如來方便知見波羅蜜皆已具

時天王眾聞此經已得三昧名普門歡喜藏  
以三昧力能入一切法實相海獲是益已從  
道場出還歸本處

四時天王下得益還歸中聞上普門正受

安住法喜無盡故名曰藏由此證達諸實

假

二

相海此劫之中十須彌塵數如來今但云

四又無結會古今現證得益等者經來未

盡故也若結會者應云爾時威光菩薩者

毗盧遮那是等 所信因果會竟

大方廣佛華嚴經疏鈔會本第十一之二

音釋

簣 求位切 土籠也 幹 古汗切 干去聲 能事也 劣 力報切 音 感

七 迹切 音 踊躍 踊尹悚切 音勇躍 怙 侯古切 音

依也

假八

二下

大方廣佛華嚴經疏鈔會本第十二之一 假九

唐于闐國三藏沙門實叉難陀 譯

唐清涼山大華嚴寺沙門澄觀撰述

如來名號品第七

此下第二修因契果生解分第二會初從

此第十二經盡第十三經菩薩問明品

將釋此品五門分別初來意者先明分來

前既舉果令生信樂今明能生因果信解

故次來也二會來者生解之中信為其首

故又前舉所信之境今明能信之行故次

來也三品來者前品舉因顯果成所信之

境今舉果辨因彰能信之行果中三業身

為其總故先來也又遠答前名號海問故

二會來意者於中有二一對後辨來以一

分六會今是初故二又前舉下對前辨不

又遠答名號海問者 二釋名亦三初分名

自是十海為總意耳

修因契果生解分謂修五位之圓因成十

身之滿果令諸菩薩解此相故即生修因

契果之解依主釋也二會名約處名普光

明殿會然有三釋一以殿是寶成光普照

故二佛於其中放普光故三佛於殿中說

普法門慧光照世故立其名依前一義即

依主釋後二有財約法則名信行之會三

品名如來現相品已釋名體曰名表德為

號名別號通一切諸佛通具十號名釋迦

等則不同故如來即十之一品中正說隨

機就德以立別名既表德之名則亦名亦

號如來之名號依主釋也

四義一境智合說真俗選周曰普妙智照

遠名光二單約境說體周曰普用徹為光

三唯約智說準境可知四約融攝說若事

若理皆無障礙一塵一行猶如帝網曰普

圓明顯煥為光餘如十玄表德為號亦有

釋云表德為字響領人天曰號今以即字



是說猶如十號皆約德故言名別號通三者總相說耳品中正說下揀定通局

宗趣亦三初分宗謂以修生修顯因果為

宗今諸菩薩修行契入為趣二會宗者若

就總望信解行德攝位為宗通成佛果為

趣信能必到如來地故近望唯信為宗成

位為趣若依長科十分之宗此下三品以

為一分即果用應機周徧法界以為其宗

依此起信為趣故此亦名正報因果亦是

所信信何法門信佛身名等於衆生則知

我名如佛名也信佛法門隨宜而立知我

妄念苦集亦全法門信佛意業光明徧照

則知自心無不知覺故先古諸德亦將上

三品舉果分收三品宗者顯佛名號周徧

為宗隨機調化利益為趣或上二皆宗生

信為趣

修生修顯因果為宗者修生約差別因果修顯約平等因果若就總

假九

二

望等者亦名為遠望為成佛果故為遠具  
解行德故為總解即問明行即淨行德即  
賢首近望者唯望十住故為近亦合名別  
將前攝位今此趣成十住故仁王不關十信  
攝諸位今此唯成十住故仁王不關十信  
攝在十住信為能成住為所成若依長科  
下第二約別科辨宗略有三義一隨品長  
分科總為十段今當第四故一故此亦名  
正報因果者即前後鈎鎖科亦當第二毗  
盧遮那是因此三品為果故三亦是所信

者賢首向前亦將此三屬所信因果中正  
報果故如下疏指亦屬四分之中第一分  
故而言亦者有二意一對今科屬第二分  
故二對隨其本會科名能信成德會今為  
所信故 第四問答問五周因果差別平等  
云亦也

不同何以分名合之為一答通生差別平  
等解故離於修生說何修顯故問前會舉  
果本為生信今何重舉名號等三答凡約  
境生信有其二義一標舉境法明有所在  
二攝以就心令成信行前會約初義此會

約後義問前會舉果下此通繁重難先問後答答中二先約義通為意別故  
所以 又前會果廣因略故名舉果此會因  
重舉

廣果略故總攝為因先依後正文影略耳

又前會果廣下約文以答以少從多故前

會果多名舉果分此下因廣分名修因雖

舉此會正酬向來約分名難故云因廣然

取當會因果皆各三品因果似齊而因文

亦若約鈎鎖者自屬正報果故不同第七

會說所成果此中自辯信所依故若約鈎鎖者此

當第三依起因果是所依果故不同第七

說所成者所成自屬第四差別因果故

問何不入定以未入位性不定故若爾十

定豈散善耶然說法之儀通有四句一定

後說如諸會二說後定如無量義經等三

定中說如第九會無出言故四不入說如

此信中及第七會諸文非一以未入位下

五一者正答猶如輕毛未能得入正定聚

故二說後定者即法華經云為諸菩薩說

大乘經已結跏趺坐入於無量義處三昧身

是經已結跏趺坐入於無量義處三昧身

心不動是也若出其意無量義者是出生

義故彼經云無量者從一法生其一法者

所謂無相法華即是收入之法故彼經云

究竟至於一切智地世尊法久後要當說

真實今欲收入先辨出生若知三乘萬化

從實相生究竟還歸一實相故欲為法華

序故說無量第九表證唯證能說一得永

義便入此定第九表證唯證能說一得永

常不礙起用故第七為表常在定故又入

為受加彼不須加故不須入說後入者說

在行故將起後故第九表證下出四句所

廣說故不釋之但解後三初解第三二第

七為表下解第四第四有二會不入定第

二不入前已解唯解第七說後入下通

第二義入即修行上引無量義經乃是別

意而有等言等取此是知動寂唯物聖無

諸經通意今顯通意是知動寂唯物聖無

常規故下文辯十信之用一方入正定

餘方起出說自在無礙也餘會摩頂後說

此會說後摩頂是知此經體勢縱橫不可

定準是知動下第五結其深玄故下文中

知能說入出難思餘會摩頂下更示異門令無局執

爾時世尊在摩竭提國阿蘭若法菩提場中

第五釋文若隨義約品科十分之中此下

三品當果用應機普周分若約隨法就會

科十分之中此一會當第二能信成德會

今就四番問答科從此終第七會即當第

二修因契果生解分若順諸會應直分問

答今為順文一會分三第一序分第二請

分第三說分若願諸會者以六會共答此

為加序分今先序分具如經初但加普光

名為順文以為小異略分為三初標主時處二始成

下別顯三事三與十佛下輔翼圓滿

### 始成正覺

二中分三初別顯說時

於普光明殿坐蓮華藏師子之座

二於普光下別顯說處處在菩提場東南

可三里許熙連河曲彼河之龍為佛造此

今舉總攝別前標國名以本收末上舉場

稱故下不動覺樹而徧十方處在菩提下

說云以龍見如來初成正覺樹下露坐故

為佛造若西域記說菩提樹東南門外有大

龍池弟釋狀方石在此池池東林中有目

真隣陀龍王池其水清黑其味甘美龍池

西岸有小精舍中作佛像往昔如來初成

正覺於此宴坐入定七日時此龍王警衛

如來即以其身繞佛七匝化出多頭術垂

為蓋故池東岸有其室馬釋曰若取龍造

正當於此雖不言造室龍既警衛不妨後

造室向即東南又云菩提樹東有精舍高

六百七十尺下基面濶二十餘步壁以青

磚塗以石灰層繪皆金像四壁鑲作奇

製或連珠形或天像馬座上置金銅阿摩勒

迦栗寶瓶東面接為重閣梁宇特起三層

樓柱棟梁戶扉窗鏤金銀雕鏤以飾之珠

玉厨錯以填之奧室邃宇洞戶三重外門

左右各有龕至左則觀自在菩薩像右則

慈氏菩薩像白銀鑲成高十餘尺精舍故

時速傳記不同故略  
出三處具更審之

妙悟皆滿二行永絕達無相法住於佛住得

佛平等到無障處不可轉法所行無礙立不

思議普見三世

三妙悟下別顯主德亦即示成正覺之相

也準第八會初及深密經等皆說佛有二

十一種功德升兜率品當廣明之今文有

初十句亦略釋耳十句之中初總餘別總

中妙悟皆滿者妙悟晉經名善覺論經名

正覺良以梵音云蘇合於妙善及正等故

譯者隨取悟即覺也雙照真俗故稱妙悟

備下諸句異於因人故復稱滿雙照真俗者準下無

著不釋總句具下諸別以成總句觀光若

蓮別釋總句今依親光別釋妙悟取無著

意將別別中一二行永絕者煩惱所知生  
死涅槃皆名二行俱不現前名為永絕煩惱

所知者準無著名於所知一向無障轉功  
德但離所知二乘之人於極遠時處不能  
知見有知不知故名二行今無不知故云  
永絕若親光云凡夫二乘現行二障世尊  
無故凡夫現行生死起諸難除即煩惱障  
二乘現行涅槃乘利樂事世尊無彼二事  
故云永絕今具舍二釋故雙標之下諸功  
德皆是下文廣釋中意如或未曉但尋究  
率會疏及論二達無相法者清淨真如名  
文居然易了

無相法達者了也三如來常住大悲任運

利樂又常安止聖天梵住故云住於佛住

聖天梵住者即智論第三云聖謂三乘聖

人天謂六欲天梵即色無色復次三三昧

名聖住布施持戒善心三事名天住四無

量是梵住釋曰此雖二文義乃是一前舉

果住後出因耳或為四住謂加佛住如來

常住首楞嚴諸三昧故雖遍住四住智海

已滿大悲深故特言大六四所證能證及以

化用皆等諸佛五具能治道解脫障故六  
所說教法外道不能轉故七行諸世間違  
順魔怨不能礙故八安立教法超言念故  
九於三世境若事若理了達記別無錯謬

故具此九別成初總句同異成壞準思可

知

與十佛刹微塵數諸菩薩俱莫不皆是一生

補處悉從他方而共來集

第三輔翼圓滿文分二別一標數揀定二

歎其勝德前中菩薩揀非凡小補處明非

下位他方而來非舊衆也言一生者釋有

二義一約化相謂如彌勒此復有三一人

中一生二天上一生三下降一生正取天

中二約實報一生謂於四種變易生死中

唯有末後一種名無有生死一位所繫此

文多約化相耳四種變易者第一疏鈔已引攝論無上依經今更依

佛性論第二略示名相一方便生死謂生

死緣即無明住地惑能生新無漏業譬如

界內無明生行以惑生智非同類故名爲

方便二因緣生死謂生死因即上無明所

生無漏有分別業譬如無明所生行業但

緣感得變易與熟有果如三界內以有漏業感六趣身言有者未來生有更有一生故如上流般阿那含第二生般涅槃故亦云有此有果故名有有老死等過患一期報謝更無有有故名無有故今疏云唯後便成佛故如那舍人當涅槃故

普善觀察諸衆生界法界世界涅槃界諸業果報心行次第一切文義世出世間有爲無爲過現未來

二普善下歎德德雖無量略歎一普善觀察者能觀智也普有二義一普衆同有此德二普觀十境善有三義一善知相二善知無相三善知此二無礙衆生界下明其所觀皆具上三義十中初是總句所化衆生次此生何來由迷法界起於世界我當令彼住涅槃界淨諸業果故須識心行之病文義之藥令厭世間欣出世間不盡有

為不住無為上辨橫觀十法今豎達三世  
觀涅槃知已現當證觀諸業已現當造果  
報已現當受心行已現當發餘可類知亦  
以六相融之

時諸菩薩作是思惟

第二時諸菩薩下請分中二先舉人標念

若世尊見愍我等願隨所樂

後若世尊下正顯問端然句雖五十問但  
四十以第二十句是說意故此四十問望  
第一會有同有異後二十句全同前二十  
句大同小異又復前後不同初十句即前  
第三十海前會即總說所觀深廣此則別  
說如來依正以前會中為總故此會別顯  
信所依故前會皆致海言此中但云刹  
等第二十句前名菩薩十海此列住等行

位前通諸會總顯圓融行布因故此約當  
分欲顯差別因之相故後二十句雖則全  
同前總此別又前即所信今辨所成欲顯  
所信所成體無異故文句全同

若唯約義亦可分三謂初十句問佛德應

機無方大用辨因所依果次十句問菩薩  
行位即果所成因後二十句佛果勝德顯  
因所成果是則以佛為緣而起於因還以  
此因而成於果是此分之大意也故論云  
多聞熏習無不從此法身流無不還證此  
法身即其義也若唯約義下科判經文於  
中初總科有三初就義為  
三以所問法  
有三類故今取文義俱便大分為二初  
十句直爾疑問後三十句引例請問義不  
異前然所依所成文應互有但是影略不  
欲繁辭故初會直爾與問即此中引例此

中引例即彼直問又前但明一重所信故

合三十句果今為分二段故間之以因今

初十句先總顯請意今取文義俱便下後

故是文便直問引例表  
人異道同故是義便

開示佛刹佛住佛刹莊嚴佛法性佛刹清淨

佛所說法佛刹體性佛威德佛刹成就佛大

菩提

後開示下別列所疑十句依正間問者正

報應機必依刹故亦表依正無障礙故五

句依者一刹類二莊嚴三清淨四體性五

成就上五即前二海廣如四五二品其佛

住等五句即正報大用一佛身徧住諸刹

佛心常住大悲二所具功德及所證法性

三隨機說法四作用威光五修行得證現

成菩提然此五即前會七海一即佛海二

即解脫海三即演說海四即變化海五即

名號及壽量海波羅蜜海其衆生海但是

所化故略不舉合諸海中此之十句下有

言說及現相答至下當知一刹類者即形

前二海廣如四五二品者第四成就品答  
世界安立海第五華藏世界品答世界海

故

如十方一切世界諸佛世尊為成就一切菩

薩故令如來種性不斷故救護一切衆生故

令諸衆生永離一切煩惱故了知一切諸行

故演說一切諸法故淨除一切雜染故永斷

一切疑網故拔除一切希望故滅壞一切愛

著處故

第二如十方下引例請問文分為三初十

句標彼說意明其有悲後三十句舉彼所

說顯其有智末後一句結以正請彼佛既

爾此亦宜然初中初句總謂令諸菩薩行願成就故餘九為別一上繼佛種二云何繼以救衆生故三云何救令離惑故四如何救知彼根行故五以何救說法藥故六成何益一除集諦染二決道諦疑三拔苦

希望四證滅愛處故初句總下釋此十句總有三勢皆有總別

第一行願俱起釋初總餘別別中展轉相釋文勢可知又成菩薩行

具悲智也具此悲智何所為耶令佛種不

斷佛種不斷有何相耶謂成三德救護衆

生成就恩德永斷煩惱成於斷德了知諸

行成於智德諸行有三一者心行二所行

行三所了行謂一切行無常無相即所了

也云何救護演說諸法云何永斷淨諸雜

染永斷煩惱種現雙亡除諸雜染謂唯現

感云何成智謂永斷疑網智成何益斷諸

假九

十一

希望惑除何益滅諸愛著一切著者著有

著空著行著果不著諸法正智現前悲救

衆生佛種不斷是菩薩之要也諸佛之本

意也所陳諸問一一皆有斯益三佛種不斷下八句

皆釋不斷之相於中四意初三正釋不斷謂成就三德是不斷相智成何益下顯三

德蓋經但二句含於三義初明智德益後

滅除何益下以滅愛著處句雙成二益若

著諸法正智不生若著於空不能悲救今

空有無帶故能滅惑成智起悲不斷佛種

又釋一切菩薩是所成就云何成就不斷

佛種即自成就救護衆生成就於他云何

救護謂離二障永斷煩惱無煩惱障了知

一切無所知障以何方便能斷二障謂說

諸法此煩惱障其相云何謂愛與見除諸

雜染絕愛煩惱永斷疑網絕見煩惱此所

知障其相云何謂於境不了有所希望法

執未忘一切生著今相無不了何所希望

假九

十一



達法性空當何所著二障既寂二智現前  
成菩提涅槃謂不斷佛種則菩薩成就矣  
二障既寂通後七句即二障除能成二智  
除煩惱障根本智現除所知障後得智現  
即此二智亦為能寂菩提涅槃即是所成  
煩惱障斷成於涅槃所知障斷成於菩提  
此結利他意則不斷佛種結  
歸自利菩薩成矣結歸總句

說諸菩薩十住十行十迴向十藏十地十願

十定十通十頂

第二說諸菩薩下舉彼所說文分為二初

十句問因後二十句問果今初文有九句

昔云欠第九十忍一句又以十信自不成

位是住方便攝在住中故不別問又以十信下二

出其所以不開十信則不合問信下有忍品故知脫忍故仁王經教

化品云伏忍聖胎三十人十信十止十堅

心故信住不分也

有義云有四義故信不入位一進退不定

故二雜修十心無定階降故三未隨法界

修廣大行故四未得法身顯佛種性故由

斯不開十信則成此會及第三會俱答十

住問也十行第四會答十迴向第五會答

十藏第四會中答以藏有二義一收攝義

謂收攝諸行以用迴向故答在迴向之前

二出生義以出生地上證智故問居迴向

之後十地第六會答十願初地中答十定

十通第七會答各有自品十頂一種答文

不顯古有多釋一云準梵網經說十忍後

有心地法門即此十頂理亦可通但彼經

說處乃有十初無菩提場會但云方坐千

光王座及妙光堂說十世界海其二三四

與此三四五會處法全同他化十地次第

亦同而化樂天說十禪定初禪說十金剛

心二禪說十願三禪說十忍四禪摩醯首  
 羅宮說我本源蓮華藏世界盧舍那佛所  
 說心地法門不云重會普光及祇園重閣  
 次第又別難可會通又此中間因後更有  
 果問故彼佛心地卽後如來地等非十頂

也三但彼經下以文奪破其二三四與此三四五會處法全同者此是第三會在此  
 初利四在夜摩五在兜率彼第二在初利  
 故彼說十世界海竟卽云次於初利說十  
 住法次至夜摩說十行法次至兜率說十  
 迴向斯則處法全同次第不同彼二此三  
 彼三此四彼四此五以前加菩提場故言  
 他化十地故由彼不越第五化樂天說十  
 天說十地故由彼不越第五化樂天說十  
 地亦第六故由彼不越第五化樂天說十  
 禪定次至他化自在天宮說十地次至初  
 禪說十金剛心次至二禪說十願次至三  
 禪說十忍次至四禪摩醯首羅宮說我本  
 原蓮華藏世界盧舍那佛所說心地法門  
 故總收之四例不同一菩提普光二會不  
 分則開合不同二次第不同三有無不同  
 此經四禪無說彼皆有說此有重會彼無  
 重會四彼經一說彼皆一法門此則四六兼  
 二七兼於三以斯四義故難會通又此中  
 問下縱成一破設汝欲將心地法門例同

此者此中說果應爲心地 有云僧祇品答  
 何得用頂上一師義竟 以準瓔珞等覺別有頂位以因位窮終今  
 僧祇中說十大數數中之極故云十頂彼  
 問雖十答有多數對上定通亦非其類故  
 不可也

有云壽量品答彼中十重佛土皆上爲下  
 頂極至賢首佛刹名爲十頂又佛名第二  
 名此十一世界爲上首故但舉此初後十  
 一卽顯過百萬阿僧祇世界壽量之數此  
 爲標首首卽頂故然後復無別問似有少  
 理但標此十界將爲問端對十地等甚不  
 相例但舉此下三遍難恐有難云今經百  
 萬阿僧祇重何以證成十界之義故  
 爲此 今謂新舊梵本俱無忍問答中卽有  
 故知彼忍卽此頂也言十頂者因位終極  
 十定十通皆等覺位十忍居後又得頂名

問中約位終極故名為頂答據法門忍受以智印定故云忍也非位終極不具十忍非有十忍不極因位二文更顯故十忍品末云通達此忍門成就無礙智超過一切眾轉於無上輪等既言超過即是頂義亦猶四善根中忍頂法門義相類故不爾忍無別問空答何為設欲成十應脫十信十信雖未成位亦隨法界修廣大行德用殊勝別一會答應有問故若將十忍已下四品共答頂問於理無失俱是等覺之終極

故設欲已下六釋無十難難云若問十頂故問十句則國若以忍答頂句則唯九成今答云脫於十信十句成矣十信雖未成下七會通上難難云我先二義不關十信一文證二理證今欲開信雙乖文理故今通之乃有數意一對前立理前明關於四義不立為位今明不必成位四義無遺二德用殊勝下上以文證今亦文答上引但明信住不開今明何必要開而不妨有問何者十願十藏非是別位得為問端信不

成位何妨有問又藏願等寄他會答尚有別問十信法門別一會答解行德能三品宏深豈合無問若將下第二會通以四品答於頂問以信住行等皆有多品總將四品共答頂問於理無違若爾古以僧執壽量而答頂問應不乖理彼以局取又不放忍今總收四與昔全乖頂乃通名忍等別稱故不同也此解最妙亦能傍通一難難云引四善根忍頂不同今何將忍以耐頂問今為總釋則以等覺因位之極通稱為

頂不全同四故上引云義相類故

及說如來地如來境界如來神力如來所行如來力如來無畏如來三昧如來神通如來自在如來無礙

第二二十句問所成果全同初會於中亦

俱九

十五

初十句明內德成滿後十句體相顯著初中如來神力前會名佛加持即神力加持故神通約外用無壅神力約內有幹能離世間品各有十事其相自別言無礙者謂如來所作無能障礙也上文名無能攝取

等義皆同也

如來眼如來耳如來鼻如來舌如來身如來  
意如來辯才如來智慧如來最勝

後十中辯才是語業智慧是意業最勝是  
身業準前會中唯欠佛光明之一句餘如

前釋其所答文亦如前引出現不思議相

海品說但前總會故引此文所引之文正

答今問說者宜重引之

願佛世尊亦為我說

三願佛下結請請同彼說故致亦言請分

竟

爾時世尊知諸菩薩心之所念各隨其類為

現神通

第三說分於中通下六會答此所問準問  
長科亦為三分此初三品答所依果問二

問明已下答所修因問三從不思議品下

答所成果問其平等因果因乃果中之因

果乃此果之用故屬果收其平等下通其妨難難云若依

問為三第三段唯合明果今有普賢行為

因出現品為果自是一段平等因果何得

皆將答果問耶故為此通既因是得果不

捨之同即果中因亦是果攝故屬第三所

成果也又古人以文從義出此因初中分

二先如來現相答由其念請故又如來證

窮故後文殊言說答伴助主故假言顯故

今初分二一佛現神通二衆海雲集今初

知其心念者領念請也現神通者示相答

也言隨類者有其三義一隨疑者所宜異

故謂或示色令見以聲令聞真資令曉皆

是現通以法界身圓明頓現也二隨疑者

流類別故三隨疑者所疑異故各隨類者疏文有二

先釋三義一隨疑者即用法不同隨一類

人所樂不同隨宜適化故經云彼彼諸病

人良醫隨處方即應病與藥也言或示色  
 令見是現相答以聲今聞是言說谷上皆  
 顯應冥資今曉即是冥應總合上三一  
 頓應二隨疑者上之三義隨一類中即  
 此三今明萬類謂人天鬼畜音辭差別等  
 然唯疑人約有所表但明菩薩據其實義  
 萬類皆通又菩薩者但語大心衆生不妨  
 本類亦有差別謂天爲菩薩人爲菩薩等  
 三隨疑者此約所疑之法則初是義無礙  
 境二是辭無礙境此是法無礙境然其所  
 疑即十住等其能疑人未必十信疑於謂  
 十信許互疑故十信亦疑住行等故  
 若疑十信即見如來足輪放光周乎法界  
 等若疑十住則見如來足指放光百刹塵  
 外菩薩集等如放光一事既爾餘相皆然  
 謂若疑十信下出隨疑現通之相於中初  
 疑十信即是此文及第十三迴光明覺品  
 言同乎法界等者取十方各過十佛刹  
 微塵數世界菩薩雲集故下經云悉以佛  
 神力故十方各有一大菩薩一一各與十  
 佛刹微塵數諸菩薩俱等若疑十住者即  
 第三會十住品初言菩薩雲集等者此一  
 等字等取行向地等謂十行則足上放光  
 十向則膝輪放光十地則肩間放光等十  
 行十利十向十干等此一等字等於一分  
 放光中事如放光下例於餘相謂改知初  
 動刹雨華香雲等皆隨宜不同也改知初

會現相徧於九會此會現神通通於一分  
 結集隨義編之作次耳故下三會皆有不  
 起覺樹之言故知初會下第二示通局此  
 謂佛前現華通表一會所詮華嚴眉間勝  
 音通表九會能詮教故結集編次非現前  
 後故下三會下引文爲證即不起前二而  
 昇四天明正當此處現前通四天齊現耳  
 現神通已東方過十佛刹微塵數世界有世  
 界名金色佛號不動智彼世界中有菩薩名  
 文殊師利與十佛刹微塵數諸菩薩俱來詣  
 佛所到已作禮即於東方化作蓮華藏師子  
 之座結跏趺坐  
 南方過十佛刹微塵數世界有世界名妙色  
 佛號無礙智彼有菩薩名曰覺首與十佛刹  
 微塵數諸菩薩俱來詣佛所到已作禮即於  
 南方化作蓮華藏師子之座結跏趺坐  
 西方過十佛刹微塵數世界有世界名蓮華

色佛號滅暗智彼有菩薩名曰財首與十佛  
刹微塵數諸菩薩俱來詣佛所到已作禮即  
於西方化作蓮華藏師子之座結跏趺坐  
北方過十佛刹微塵數世界有世界名蒼蔔  
華色佛號威儀智彼有菩薩名曰寶首與十  
佛刹微塵數諸菩薩俱來詣佛所到已作禮  
即於北方化作蓮華藏師子之座結跏趺坐  
東北方過十佛刹微塵數世界有世界名優  
鉢羅華色佛號明相智彼有菩薩名功德首  
與十佛刹微塵數諸菩薩俱來詣佛所到已  
作禮即於東北方化作蓮華藏師子之座結  
跏趺坐  
東南方過十佛刹微塵數世界有世界名金  
色佛號究竟智彼有菩薩名目首與十佛刹  
微塵數諸菩薩俱來詣佛所到已作禮即於

東南方化作蓮華藏師子之座結跏趺坐  
西南方過十佛刹微塵數世界有世界名寶  
色佛號最勝智彼有菩薩名精進首與十佛  
刹微塵數諸菩薩俱來詣佛所到已作禮即  
於西南方化作蓮華藏師子之座結跏趺坐  
西北方過十佛刹微塵數世界有世界名金  
剛色佛號自在智彼有菩薩名法首與十佛  
刹微塵數諸菩薩俱來詣佛所到已作禮即  
於西北方化作蓮華藏師子之座結跏趺坐  
下方過十佛刹微塵數世界有世界名玻瓈  
色佛號梵智彼有菩薩名智首與十佛刹微  
塵數諸菩薩俱來詣佛所到已作禮即於下  
方化作蓮華藏師子之座結跏趺坐  
上方過十佛刹微塵數世界有世界名平等  
色佛號觀察智彼有菩薩名賢首與十佛刹

微塵數諸菩薩俱來詣佛所到已作禮即於上方化作蓮華藏師子之座結跏趺坐

第二現神通下衆海雲集即現相答初十句之問光現佛刹答佛刹問刹有金色等

是刹莊嚴既以金成亦答刹體彼刹菩薩十九

亦刹莊嚴菩薩大寶以為嚴故亦刹清淨

純淨佛刹唯菩薩故淨修梵行是刹成就

淨土行故亦刹清淨所修淨故此已上答

五句依問兼答五句正報土各有佛及見

如來坐蓮華藏是答佛住現通放光是答

威德名不動智等是答法性見佛轉法輪

是答說法佛成正覺是答菩提文雖在下

義皆此具光明覺現即現此故名不動智

智等等餘九智智雖是一十智不同不動之德即是法性佛以功德為法性故文雖在下等者釋通妨難謂有難云通所引文皆光明覺品此中現相言答十問乃引下

經豈成此答釋云六會現通尚在一時況光明覺義不在此故光現明覺說此所現是以此中別列十方佛刹菩薩一一各說光明覺品一時總燦明是說此所現相耳  
十方衆集即為十段一一方內文各有八一遠近二土名三佛號四上首五眷屬六詣佛七到已致敬八化座安坐去此遠近皆十刹塵數者前會為說所信因果深廣故須遠集華藏之外十方刹海今為說於生解因果漸漸增修故但集娑婆鄰次之刹信行最劣故復云十後後漸增至法界品還集刹海初不云一直云十者表無盡故要刹塵者比餘勝故為有所表故分階級非初信等不是通方故結及證成十方齊說為有所表下通難難云華嚴即是通方之教未有一土不說此經今舉十刹則十外不收今說百刹應百又隨迷名外不攝豈為通方釋意可知  
外悟處名來而實佛土本無遠近土皆名

色者表信麤現故亦表顯然可生信故佛號同智者有信無智增無明故信中之智本覺起故

主同名首者梵云室利一名四寶一首二勝三吉祥四德是以譯者前後不同今通用之以信為首攝諸位故次第行中信最

勝故甚難得故於生死中創發信心為吉祥故信能增長智功德等一切德故用者

以梵語多含三藏各取今以義收故皆通用而暗引下經以成四義初釋首義以信為首攝諸位故是通意明信該果海故二釋勝義云次第行中信最勝故者經云是

故依行說次第信樂最勝甚難得三於生死下釋吉祥義經即通取下經之意四信能增長智功德者釋德義亦全是賢貴品經文云云彼諸大士威神力法眼常全無缺減十善妙行等諸道無上此十菩薩同勝寶皆今現即吉祥義也

表信門故皆名室利各隨一門達一切法故復有差次文當釋亦有傳云梵云室利

此二十

此云吉祥室利云首亦是一理亦有傳云三藏譯余親問三藏有同此說今欲會意故前故四說眷屬皆十刹塵者表一一行攝無盡德故皆詣佛者有歸向故餘如前會又下菩薩名等皆是表法菩薩表所行之行本刹表所證之理佛名表所得之智

今初東方言金色者心性無染與緣成器

為自體故本智如空離覺所覺湛然不動動即是妄非曰智故又縱成佛果不異凡

故即本覺智住心真如今初東方下別釋十方八段之中皆

釋三事一刹名二佛名三主菩薩名唯初東方案經之次下之九方從後倒釋以十首菩薩表十甚深是助化主故先舉菩薩之餘二因此故在後釋細尋可知

妙德者慧達佛境處處文殊由慧揀擇契

於本智故分因果處處文殊者下文當釋從由慧揀擇下通難難云佛名不動智文殊表慧二相寧分答中然智慧二字乃有多門今此正用分別名



慧決斷名智以慧 二覺首者覺心性也無  
為因以智為果 性不礙隨緣隨緣不礙無性無礙智也不  
染而染染而不染俱難了知為妙色也不  
而染等者此釋妙色 語出勝鬘下當廣釋 三財首者法財教化  
即滅闇智了衆生空如蓮不著四寶首者

真俗無違可珍貴故善知業果不犯威儀  
性相無違唯一乘旨是為唯艱瞻蔔華矣  
五德首了達如來應現說法之功德故即  
是明於法相又了佛德心明白也若有此  
智如青蓮華最為第一六月首福田照導

如目將身平等福田為究竟智是最可重  
故云金色佛為福田以佛為境故同上文  
殊依金色界七精進首正教甚深必在精  
進能策萬行為最勝智圓明可貴故復云  
寶八法首法門雖多必在正行於法能行

方得自在得般若之堅利為金剛色九智  
首佛之助道雖無量門智為上首能淨萬  
行故云梵智淨體淨猶若玻璃明徹無  
染十賢首前佛後佛一道清淨由自性善  
故稱曰賢能知此賢是觀察力觀察本性

常平等故又釋十段皆暗取十甚深義一  
覺首緣起甚深心性是一故三財首教化  
甚深四寶首業果甚深五德首說法六月  
首福田七精進首正教八法首正行又十  
九智首助道十賢首一道故並可思又十  
佛相望不動是體餘皆是用十菩薩相望  
文殊為總餘皆是別以總導別故九菩薩

不離妙德文殊為主般若統收萬行九首之德  
皆足般若隨緣別相同明佛德即是同相  
緣起教化互不相收即是異相統十甚深  
為成佛境即是成相各住一甚深即是壞  
相餘如下說若約人為總別文殊為上首  
故是總餘九為伴是別同名為首異即以  
賢等共成十首表信之人壞各住自以  
前後流例略為此釋惟虛已而求之不信

此理甚深法門於我何預  
以前後例下三  
 結釋勸修前十  
 林

現華表義現宋表教後如十慧說注十林  
 說行十幢說向十藏說地離世間品菩薩  
 萬行寄表甚深斯為觀心非是臆斷不  
 信此理一向外求如教他實故非我分

大方廣佛華嚴經疏鈔會本第十二之一

音釋

龕 音舍切 假九 鏤 即豆切 儼 所追切 奧 於到切  
室也 離刻也 祿也 深也

邃 雖遠切 鏞 他侯切 鬣 莫班切 趺 音夫切  
深也 銅屬 楚切 屈足坐也

蒼 梵語也 此云黃 剎 楚亦切

大方廣佛華嚴經疏鈔會本第十二之二 假十

唐于闐國三藏沙門實又難陀 譯

唐清涼山大華嚴寺沙門澄觀撰述

爾時文殊師利菩薩摩訶薩承佛威力普觀一切菩薩眾會而作是言此諸菩薩甚為希

有

假十

一

第二爾時文殊下辨言說答就文分四一  
歎眾希奇二諸佛子下牒問總歎三何以  
故下徵歎總釋四諸佛子如來下廣顯難  
思

今初也前眾疑問佛令文殊答者以文殊  
示居此土生有十徵來自他方體含萬德  
降魔制外通辨難思化滿塵方用周三際  
道成先劫已稱龍種尊王現證菩提復曰  
摩尼寶積實為三世佛母豈獨釋迦之師

以文殊者釋文殊就意上明是主菩薩  
山遠公但云文殊師利是遊方大士雅見  
一經但觀一迹耳今具出之是主是客亦  
果亦因具難思也言示生此土者即文殊  
般泥洹經云佛告跋陀婆羅此文殊師利  
有大慈悲生此國土多羅聚落梵德婆羅  
門家其生之時家內屋宅化如蓮華從母  
右脇而生身紫金色墮地能言如天童子  
有七寶蓋隨覆其上釋曰言此國者即舍  
衛國佛正在此說故此經復云文殊師利

具三十二相八十種好別相好同佛復有  
經說生有十徵無非祥瑞一光明滿室二  
甘露垂庭三地踊七珍四神開伏藏五鷄  
生鳳子六偕誕龍犍七馬產麒麟八牛生  
白澤九倉變金粟十象具六牙由是得立  
妙吉祥號來自他方者即今經文從東方  
金色世界而來節節皆言所住世界謂金  
色等既周法界不動而過各領十佛刹塵  
數菩薩說佛功德明萬德斯備矣上之二  
對標其主客下略說勝德降魔制外通辯

難思者然此二句有通有別通則通用通  
辯降伏魔怨制諸外道別明以神通佈之  
以威故言降用四辯屈之以辯故言制然  
其事頗多舉一二如幻三昧經云時有  
善住意天子白文殊同見佛文殊現變三  
十二部交絡重閣有諸菩薩先至佛所身  
子親變性問佛答是文殊令諸菩薩集  
會又問何以不見文殊佛答文殊住降毀  
諸魔三昧正受蔽魔官殿與大威變諸如  
來所於是文殊住降毀諸魔三昧應時三

千大千世界百億魔宮一時皆蔽不樂其  
 處各各懷懼時魔波旬自見老耄羸弱少  
 氣柱杖而行所有宮人及彩女等亦復羸  
 老又見宮殿而復崩壞暗為竝心不知東  
 西時魔波旬即懷恐懼身毛為竝心自念  
 言比何變姓令吾宮殿萎頓乃爾將死罪  
 至歸命終盡天地遇劫被燒耶時魔波  
 旬乘除貢高捨惡思想時文殊師利所化  
 百億天子在交絡者住諸魔前謂魔波旬  
 莫懷恐懼汝等在交絡者住諸魔前謂魔波旬  
 苦薩大土名文殊師利威德殊絕總攝十  
 方德過須彌智超江海越虛空於今已  
 入降魔場三昧正受是其威神下取意  
 引時魔懼言勿懼可詣求化菩薩願見  
 濟普慈令無所畏言訖不現魔即俱來諸  
 盡悉救我等聞文殊名即懷恐懼不能自  
 安長亡身命佛讚文殊當來即脫此難後  
 苦佛至佛問三昧彼廣說竟令捨諸魔文  
 文殊同魔汝藏惡此身耶魔答云爾若當  
 厥貪欲事不住三界魔敬從命即令諸魔  
 皆復本形五體如故等此即降魔也制外  
 者即文殊般泥洹經佛說文殊切諸諸仙  
 求出家法諸婆羅門九十五種諸論諸師  
 無能酬對唯於我所出家學道餘文廣博  
 不可具引至如聖智怖心開擊揚而辯地  
 家順思親入隱身而空故得帝釋欣喜  
 而天華而至膝蔽魔愁憂行拄杖而垂淚  
 劫火燒剎蹈水芝上行霖雨絕供化鉢飯

而無盡示多身以抗迦葉放一鉢而發本  
 源皆是通群降魔制外也又如度二十億  
 佛現說法者持地猶存化百千諸龍立登  
 正覺者王女是一是以禮妙慧而不忘敬  
 本勤善財而增長發心無言於不二法門  
 悉力於安樂行品教龍吉祥之分衛下位  
 莫知答瑠璃光之光明正覺稱妙說若  
 之玄致屢寶本師說權實之雙行顯驚小  
 聖皆辯才也化滿塵方者辯德用橫豎深  
 廣也謂十方微塵剎土皆是文殊化處故  
 菩薩處胎經云我身如微塵今在他國土  
 三十二相明在在無不現餘如象海雲集  
 中引又般泥洹經云住首楞嚴三昧以三  
 昧力於十方國或現初生又寶藏陀羅尼  
 經廣說至下菩薩住處品當更明之即今  
 文中一切處一時說偈即橫周法界道成  
 先劫者此下別明聖智示一二也先劫  
 即過去名龍種上尊王智度論十二具引  
 首楞嚴三昧經說名龍種上尊王經文但  
 名龍種上佛即譯人廣畧耳五十三佛名  
 亦名龍種上佛即譯人廣畧耳五十三佛名  
 卷即當下卷因文殊廣說首楞嚴三昧境  
 界竟爾時長老摩訶迦葉白佛言世尊我  
 謂文殊法王子曾於先世已作佛事現坐  
 道場轉於法輪示諸衆生入大滅度佛言  
 如是如是如汝所說迦葉過去久遠無量  
 無邊不可思議阿僧祇劫爾時有佛號龍  
 種上如來應供正通名平正無有沙磔瓦  
 方過於千佛國土國名平正無有沙磔瓦

石丘陵地卑如掌生柔輭草如迦陵  
伽龍種上佛於彼世界得阿耨多羅三藐  
三菩提初轉法輪教化成就七十億諸  
菩薩衆云云佛壽四百四十萬歲下取意  
引涅槃後起三十六億塔法住十萬歲記  
智明菩薩次當作佛下結會云爾時平等  
世界龍種上佛豈異人乎即文殊法王子  
是現證菩提者即央掘摩羅經此經有四  
卷事出第四初卷中明舍衛城北有村名  
薩那有一貧窮婆羅門女名跋陀羅女生

一子名一切世間現少失其父年將十二  
聰明辯慧有異村名頗羅訶私有一舊住  
婆羅門師名摩尼跋陀羅下取意引世間  
現從其受學師受王請留其守舍師婦年  
少染心逼之世間現不受其師少婦自懸  
毀害師歸言世間現強逼師言汝已為惡  
當殺千人可滅汝罪即殺千人還歸見師  
師惟欠一人又令殺千人各取一指作雙冠  
首唯欠一人母為送食便欲害母世尊現  
前捨母趣佛為佛所降廣顯深妙第四末  
波斯匿王嚴四兵至欲罰央掘來至佛所  
佛示央掘後發其跡云大王南方去此過  
六十二恒河沙刹有國名一切寶莊嚴佛  
名一切世間樂見上大精進下取意引壽  
命無量國土嚴淨純說一乘即央掘是由  
前文殊廣與對揚後顯文殊之跡云大王  
北方去此過四十二恒河沙刹有國名常  
喜佛名歡喜藏摩尼寶積純一大乘無餘  
乘名即文殊師利是故云現證菩提復云  
摩尼寶積蓋言畧耳下顯師及師婦央掘

之母三人皆是如來化現耳上舉過現  
不說未來成佛者未來成佛現即是因非  
殊勝故疏畧不顯若欲說者即大寶積文  
殊會中說於未來成佛號普見如來以恒  
河沙界莊嚴為一佛國以安養世界莊嚴  
比之折天眼無礙鏡照十方不聞生老病  
死等苦但出佛法僧之聲若人欲見應念  
便觀不待解釋疑翳皆除聞名得最上善  
利聆記為西見諸佛等寔為三世佛母者

結其實德七十九經云文殊師利所有大  
願非餘無量百千億那由他菩薩之所能  
有善哉文殊師利其行廣大其願無邊出  
生一切無量百千億那由他諸佛母常為  
利常為無量百千億那由他諸佛母常為  
無量百千億那由他諸佛母常為恒河沙  
一切衆生等佛名經說過去無量恒河沙  
佛皆是文殊教令發心然猶帶數故今顯  
實實為一切佛母不可窮其始末豈獨釋  
迦之師者即前所引處胎經云昔為龍仁  
師今為佛弟子二尊不並立故我為菩薩  
即法華九世祖師亦帶方便住首楞嚴三  
昧亦是跡中故施張乎權實之場瑩徹乎  
真如之際住諸佛不思議之境豈可語其  
始終無言強言為影響而來一切咸見故  
三世之佛母耳 影響而來一切咸見故  
其說也何不待請敬同佛故何不待告承  
佛神力佛意許故衆既念請佛方現相非

夫尊極大士安行理契潛通故上以光示  
 普賢此乃真加妙德若爾普賢云何定後  
 更請表說所信甚深細故何不入定以果  
 從因同於信故餘如上說何故無加以無  
 定故又承佛神力是真加故

影響而來者  
結也影響顯

非實因也何不入定者問意云信未入位  
 許不入定說佛三業何不入定故為此通  
 以果從因因即十信十信不入  
 果亦不入是十信中所說果故

者略有五義感應懸隔難一遇故德行內

充總稱歎故以名表法甚希有故創起信

行未曾有故此一眾會即是等空法界會

故

諸佛子佛國土不可思議佛住佛刹莊嚴佛  
 法性佛刹清淨佛說法佛出現佛刹成就佛  
 阿耨多羅三藐三菩提皆不可思議

二牒問中脫於刹體佛出現者即前威德

限十

五

也阿云無也釋多羅上也三者正也藐者  
 等也又三徧也菩提覺也謂道不可加曰  
 無上也無邪委知為正徧也

何以故諸佛子十方世界一切諸佛知諸眾  
 生樂欲不同隨其所應說法調伏如是乃至

等法界虛空界

三徵釋中徵上難思言也下釋云能感之

機差別無邊如來普應周于法界廣難思

也下結文具顯

結文具顯者即品末云如  
世尊昔為菩薩時以種種  
談論種種語言種種音聲種種業種種報  
種種處種種方便種種根種種信解種種

地位而得成就亦令眾生如  
是知見而為說法即其文也又隨宜說法

意趣難思又等法界者舉一說法等餘多

門門不可盡量等法界法門難思

又隨宜  
說法者  
上指品末廣故難思今明意趣深故難思  
亦如法華方便品說謂稱體大用或隨自  
意或隨他意或隨自他意  
故入等法界下多門難思

諸佛子如來於此娑婆世界諸四天下種種身種種名種種色相種種脩短種種壽量種種處所種種諸根種種生處種種語業種種觀察令諸眾生各別知見

第四廣顯難思文二先總顯多端二隨門

別顯今初也舉娑婆為首略顯十種差別

多端準下結通實通法界十句不出三業

一身為總相現十法界不同故云種種二

名以召實次下廣辨三金銀等色不同三

十二相等異三金銀等色者如觀佛三珠海經第三廣說今當義引佛

為父王說觀諸相竟佛白父王乃妙阿難吾今為汝悉現具足微妙身相說是語已佛從坐起令眾俱起令觀如來從頂順觀至足輪相復從足相逆觀至頂一一身分明了了如人執鏡自見面像若生垢惡不善心者若有會毀佛禁戒者見像純黑猶如炭人五百釋子但見炭人有千比丘見赤土色優婆塞十六人見黑象脚色優婆夷二十四人見如聚墨比丘尼見如白銀優婆塞優婆夷有見如藍染青色四眾

悲淚釋子拔髮碎身自述所見父王安慰竟釋子即起白阿難言我宿罪故不見佛身佛為說因過去毗婆尸佛時有長者名日月德有五百子聰慧無雙不信父之正法子臨終時父云汝等邪見不信正法今無常刀割汝身心為何所怙令稱毗婆尸佛名未及法僧而終生天四王天後邪見因故墮地獄鐵叉刺眼憶父所教得生人中六佛出現聞名而不見以得聞六佛名故與我同生如來令稱佛名禮拜懺悔還見相好即得初果求佛出家得阿羅漢千比丘見赤土色者過去燃燈佛時像法中有千弟子疑師見其臨終令稱念然燈佛名生切利天以疑師罪墮餓鬼中洋銅灌咽以稱佛名今得值佛示曾前萬字令讀於此字中說八萬四千功德行即便懺悔罪障消滅得記作佛比丘尼見白銀色者過去釋迦佛時五百童女在山澤中忽遇比丘皆脫銀環散上發願願此比丘成佛時願我見之如所散環此後生生作銀山神今見銀色從是已來恒值諸佛優婆塞見黑象脚者此等昔時皆作國王受邪沙門說於邪法其說法人墮阿鼻獄汝等隨惡友教故墮黑暗獄由前聞法善心力故今得遇我受戒令其懺悔成佛放眉間白毫光照便得初果求佛出家成阿羅漢優婆夷見聚墨色者佛說昔時寶蓋燈王佛像法中有一比丘遊行乞食至婦女家其女見之盛滿鉢飯戲弄比丘言汝顏色可惡猶如聚墨身所著衣狀如乞

人比丘鉢鉢騰空飛去諸女慚愧悔發願願此施食所有功德未來得如比丘自願願此施食故千二百劫常不發善心今得值我受其五戒乃是供養阿羅漢故見舍利弗不見我身佛為勝中出大蓮華化成光臺有百千聲聞身子目連作十八變諸女消二十德劫煩惱之結得須陀洹果後見佛身相好端嚴而猶不得見白毫相佛告大王戲弄惡口乃至得道見佛不明緣廣

如經更不會說如藍之綠準四形有長短例可知下十定品見色多種

三尺丈六乃至無邊三尺等者三尺之身

丈六無邊即無邊身菩薩窮上界而有餘準十定品或見如來一由旬量百千由旬乃至不可說不可說佛刹微塵數世五壽

命限量或無量劫或不满百年下至朝現

暮寂五壽命者或無量劫如阿彌陀或不滿百年如今世尊故涅槃云我聞諸

天壽命極長云何如來是天中天壽命短促不满百年下至朝現暮寂者如月面佛壽一日夜故佛名經第六云妙聲佛壽六十百千歲智自在佛壽十二千歲威德自在佛壽七十六千歲摩訶首羅佛壽一億歲梵聲佛壽十億歲大衆自在佛壽六千歲勝聲佛壽百億歲月面佛壽一日夜日面佛壽一千八百歲梵面佛壽二十三

千歲又第二云諸佛壽命長短差別有十阿僧祇百千萬億毗盧遮那品云一切功德須彌勝雲佛壽五十億歲下六處謂化經之中說諸佛壽長短多門

處染淨等殊七根謂眼等隨感現異七根謂眼等者佛眼等六根通相而言三十二相廣長舌等既有八萬四千等異則六根之相隨宜亦殊故高幢普照主山神得觀察一切衆生心所樂嚴淨諸根解脫門兩華妙

眼道場神得雨一切難捨衆寶莊嚴具解脫門偈云昔行施行無量劫能捨難捨眼如海如是捨行為衆生此妙眼神能悟悅謂於一眼有無量行故所得眼無量差別復有諸根美妙執金剛神又八生處有刹

利等別九依語之用隨方言音施設非一故十觀察者周旋顧盼以應羣機又觀存

亡安危可不智照諸境示有多端下結意云令諸衆生各稱已分而自知見得調伏

耳

諸佛子如來於此四天下中或名一切義成或名圓滿月或名師子吼或名釋迦牟尼或



名第七仙或名毗盧遮那或名瞿曇氏或名  
大沙門或名最勝或名導師如是等其數十  
千令諸衆生各別知見

第二諸佛子下隨門別顯文分爲三初終  
此品辨身名差別答上佛住之問近廣種

種身等八句以色相等皆屬身故二四諦

品辨言教徧周答佛所說法問近廣種種

語業三光明覺品明光輪窮照答上威德

法性菩提三問近廣種種觀察其五句依

報但有現相答廣在前會故

今初廣上名者然聖人無名爲物立稱若

就德以立德無邊涯若隨機立名等衆生

界雖復多種皆爲隨宜生善滅惡見理而

立海印頓現不應生著也然聖人無名下

欲顯多名先且立理於中有二先雙標謂本無言相故下  
經云已出世間言語道其性非有非無故

八

凡有言象皆是隨俗利衆生耳若就德下  
二辨名就無名立名不出此二就德通於  
真應隨機唯約利他雖復多種下二以義  
統收不出四悉檀義一世界悉檀但令歡  
喜如來立名少從於此多約後三今言隨  
宜此爲總句四悉皆是隨物宜故此句亦  
攝世界悉檀二生善者即是爲人三滅惡  
者即是對治四見理者即第一義四悉亦  
名四隨問明品中更當廣說海印頓現者  
無盡之名皆我本師海印頓現即攝十方

三世佛號皆屬一佛文中分四一娑婆之  
隨宜之號非約多佛

內自有百億二娑婆隣近即百億之外三

類通一切謂盡十方四釋差別所由由隨

物故初中分三初此四洲二四洲之隣十

界三總結娑婆今初亦三初標處次列名

係十

後結數他皆做此舉四洲者昔云意取閻

浮言總意別餘三天下佛不出故然雖不

出除北俱盧餘容有往下並準之

一切義成即悉達也無事不成就故一切

者梵名悉達多太子時號果收因圓滿月  
名恐人不知故將梵言以釋唐語

者惑斷智圓恩蔭清涼故

惑斷等者暗盡明圓清涼益物

如三德也師子吼者名決定說釋迦牟尼者釋

迦云能仁種故牟尼云寂默契寂理故

第七仙者七佛之末故若取賢劫當第四

仙即喻也無欲染故毗盧遮那廣如前釋

瞿曇氏者唯約姓也此云地主以從劫初

代代相承為轉輪王故然上云釋迦乃是

族望此即姓望故智論第二云釋迦牟尼

姓瞿曇故佛名經亦然

然上云者姓望如崔盧等族望如博

陵等以是能沙門此云息惡無惡不息故

復稱大最勝者聖中極故德無加故導師

者引導衆生離險難故於生死海示衆寶

故然名舍多義略釋此十恐文繁博餘但

隨難解之

諸佛子此四天下東次有世界名為善護如

來於彼或名金剛或名自在或名有智慧或

名難勝或名雲王或名無諍或名能為主或

名心歡喜或名無與等或名斷言論如是等

其數十千令諸衆生各別知見

二此四天下東下北洲之隣十界即為十

段其善護等皆四洲之通稱也今初東方

斷言論者證離言故無能說過故

無能說過者即

大薩遮尼乾子所說經第四卷有嚴熾王

請薩遮入宮供養因問云大師頗有人於

衆生界中聰明大智利根點慧有罪過不

答言有下有十重問答大意皆同一問是

誰一云能兩婆羅門聰明大智常多嫉欲

喜侵他妻二願羅墮婆羅門多瞞三黑王

子多嫉妬四勝仙王子多殺生五無畏王

子慈心太過六天力王子飲酒太過七妄

敷元王子行事太過八大仙王子貪心太

過九大天子輕躁戲笑放逸太過十波

斯匪王欺食太過第十一問還更有不答

云有王亦有過謂太暴惡急卒王聞大怒

今殺尼乾尼乾憐怖乞容一言云我亦有

過實語太過大王照慧之人不應於一切

時常行實語觀其可不我於暴卒人前出

其實語故為太過王悟海過更問頗有聰

明大智利根無有過不答言有問誰是答云沙門瞿曇此一無過我四圍陀經中說釋種沙門無有過失所謂生在大家不可譏嫌何以故是轉輪王種故種姓尊貴不可譏嫌以廿蔗種姓家生故福德莊嚴不可譏嫌三十二相八十種好莊嚴身故下廣說如來具大慈悲無礙辯才十力無畏諸不共德廣說三十二相八十種好一切功德云唯此一入無有過失則顯餘皆不免故今疏云無能說過王闍發心

諸佛子此四天下南次有世界名爲難忍如來於彼或名帝釋或名寶稱或名離垢或名實語或名能調伏或名具足喜或名大名稱或名能利益或名無邊或名最勝如是等其數十千令諸衆生各別知見

南云帝釋者爲天人主能稱物心故

諸佛子此四天下西次有世界名爲親慧如來於彼或名水天或名喜見或名最勝王或名調伏天或名真實慧或名到究竟或名歡喜或名法慧或名所作已辨或名善住如是

等其數十千令諸衆生各別知見

西云水天者水善利萬物天光淨故

諸佛子此四天下北次有世界名有師子如來於彼或名大牟尼或名苦行或名世所尊或名最勝田或名一切智或名善意或名清淨或名豎羅跋那或名最上施或名苦行得如是等其數十千令諸衆生各別知見北方醫羅跋那者具云醫濕弗羅跋那醫濕弗自在也羅跋那者聲也即圓音自在耳

諸佛子此四天下東北方次有世界名妙觀察如來於彼或名調伏魔或名成就或名息滅或名賢天或名離貪或名勝慧或名心平等或名無能勝或名智慧音或名難出現如是等其數十千令諸衆生各別知見

諸佛子此四天下東南方次有世界名爲喜樂如來於彼或名極威嚴或名光焰聚或名徧知或名祕密或名解脫或名性安住或名如法行或名淨眼王或名大勇健或名精進力如是等其數十千令諸衆生各別知見

諸佛子此四天下西南方次有世界名甚堅牢如來於彼或名安住或名智王或名圓滿或名不動或名妙眼或名頂王或名自在音或名一切施或名持衆仙或名勝須彌如是等其數十千令諸衆生各別知見

諸佛子此四天下西北方次有世界名爲妙地如來於彼或名普徧或名光焰或名摩尼髻或名可憶念或名無上義或名常喜樂或名性清淨或名圓滿光或名修脣或名住本如是等其數十千令諸衆生各別知見

諸佛子此四天下次下方有世界名爲焰慧如來於彼或名集善根或名師子相或名猛利慧或名金色焰或名一切知識或名究竟音或名作利益或名到究竟或名眞實天或名普徧勝如是等其數十千令諸衆生各別

知見

諸佛子此四天下次上方有世界名曰持地如來於彼或名有智慧或名清淨面或名覺慧或名上首或名行莊嚴或名發歡喜或名意成滿或名如盛火或名持戒或名一道如是等其數十千令諸衆生各別知見

上云盛火者盛火焚薪不擇材木佛智利物無揀賢愚

問餘聖教說大輪圍內平布百億上即諸天下安地獄如何此說上下皆有四洲答

此教所說事隨理融隨說法處即是當中  
縱極上際旁至大輪圍山亦有十方互為  
主伴以融為眷屬本數非多十方界融亦  
準於此因此略說娑婆融通改非改相略  
有其五一約事常定如小乘說二隨心見

佛十

十三

異若身子梵王三就佛而言本非淨穢四  
隨法迴轉如上主伴互為五潛入微塵如  
前會說因此以下二類顯義理即五教意  
二通始終三即頓教四五皆圓  
若通論餘淨土更有五義謂諸刹相入義  
相即義一具一切義廣隱自在義帝網重

疊義並如前後諸文所說若約通論上下該  
通諸刹以上五  
義但語娑婆今該橫豎一切諸刹此五亦  
即成就品中十無礙義欲對上五顯其無  
盡故復重明又前約五教以法隨機此五  
約理直語融即一相入義即一多相容不  
同門二相即義即諸法相即自在門三一  
具一切即同時具足相應門四即廣即狹  
是廣狹自在無礙門五即因陀羅網境界  
門又兼上五潛入微塵即微細義隨法迴

轉即主伴義隨心見異即隱顯義就佛而  
言本非淨穢託事表法十門不同即託事  
義顯於時中即十世義十具矣上之十  
義直約處明立名如是若小乘中盡三千  
界唯一釋迦若三乘說亦百億內有百億  
釋迦餘十方刹自是別佛今約一乘皆是  
遮那海印頓現餘十方佛例此亦然猶如  
燈光互入同遍然於一乘不可說體建立  
多名故今此  
名一一融攝

諸佛子此娑婆世界有百億四天下如來於  
中有百億萬種種名號令諸衆生各別知見  
三諸佛子此娑婆下總結娑婆  
諸佛子此娑婆世界東次有世界名為密訓  
如來於彼或名平等或名殊勝或名安慰或  
名開曉意或名聞慧或名真實語或名得自  
在或名最勝身或名大勇猛或名無等智如  
是等百億萬種種名號令諸衆生各別知見  
二諸佛子此下彰娑婆鄰近十方亦為十  
段密訓唯九者勘晉經開曉意下關一聞

慧

諸佛子此娑婆世界南次有世界名曰豐溢  
如來於彼或名本性或名勤意或名無上尊  
或名大智炬或名無所依或名光明藏或名  
智慧藏或名福德藏或名天中天或名大自  
在如是等百億萬種種名號令諸眾生各別  
知見

南方唯二舊經則具乃是新本脫漏準前  
後例不應獨此便略

諸佛子此娑婆世界西次有世界名為離垢  
如來於彼或名意成或名知道或名安住本  
或名能解縛或名通達義或名樂分別或名  
最勝見或名調伏行或名衆苦行或名具足  
力如是等百億萬種種名號令諸眾生各別  
知見

十四

十四

諸佛子此娑婆世界北次有世界名曰豐樂  
如來於彼或名蘆葡萄華色或名日藏或名善  
住或名現神通或名性超邁或名慧日或名  
無礙或名如月現或名迅疾風或名清淨身  
如是等百億萬種種名號令諸眾生各別知  
見

諸佛子此娑婆世界東方次有世界名為  
攝取如來於彼或名未離苦或名普解脫或  
名大伏藏或名解脫智或名過去藏或名寶  
光明或名離世間或名無礙地或名淨信藏  
或名心不動如是等百億萬種種名號令諸  
眾生各別知見

十五

十五

諸佛子此娑婆世界東南方次有世界名為  
饒益如來於彼或名現光明或名盡智或名  
美音或名勝根或名莊嚴蓋或名精進根或

名到分別彼岸或名勝定或名簡言辭或名智慧海如是等百億萬種種名號令諸衆生各別知見

諸佛子此娑婆世界西南方次有世界名爲鮮少如來於彼或名牟尼主或名具衆寶或名世解脫或名徧知根或名勝言辭或名明了見或名根自在或名大仙師或名開導業或名金剛師子如是等百億萬種種名號令諸衆生各別知見

諸佛子北娑婆世界西北方次有世界名爲歡喜如來於彼或名妙華聚或名梅檀蓋或名蓮華藏或名超越諸法或名法寶或名復出生或名淨妙蓋或名廣大眼或名有善法或名專念法或名網藏如是等百億萬種種名號令諸衆生各別知見

西北方名有十一者獨此有餘不成文體此中專念法應即是前所脫聞慧亦是梵本之漏注者誤安貝葉耳

諸佛子此娑婆世界次下方有世界名爲闍如來於彼或名發起焰或名調伏毒或名帝釋弓或名無常所或名覺悟本或名斷增長或名大速疾或名常樂施或名分別道或名摧伏幢如是等百億萬種種名號令諸衆生各別知見

下方云帝釋弓者如來念定之弓以明利箭能射業惑阿修羅故然舊云法命主意取帝釋以法教命爲天主故今云其弓但一事耳若作宮室字以處取人大同晉本諸佛子此娑婆世界次上方有世界名曰振音如來於彼或名勇猛幢或名無量寶或名

樂大施或名天光或名吉與或名超境界或  
 名一切主或名不退輪或名離眾惡或名一  
 切智如是等百億萬種種名號令諸眾生各  
 別知見

諸佛子如娑婆世界如是東方百千億無數

無量無邊無等不可數不可稱不可思不可

量不可說盡法界虛空界諸世界中如來名

號種種不同南西北方四維上下亦復如是

第三諸佛子如娑婆下類通一切準四諦

品更有舉此例餘十方亦如娑婆互為主

伴

如世尊昔為菩薩時以種種談論種種語言

種種音聲種種業種種報種種處種種方便

種種根種種信解種種地位而得成熟亦令

眾生如是知見而為說法

假十

十七

第四如世尊下釋差別所由此有二意一  
 自既由於差別名言等而得成就今還做  
 古以差別熟他二昔菩薩時隨機調物今  
 時出世稱本立名如昔教眾生令空妄境  
 今成正覺為立超境界名他皆做此故而  
 得成熟之言通自他也

大方廣佛華嚴經疏鈔會本第十二之二

音釋

純	<small>徒昆切</small>	驢	<small>驢音共</small>	驢	<small>驢音鄰</small>	白澤	<small>下徒</small>
<small>神獸也</small>	耄	<small>莫報切</small>	八	贏	<small>倫為切</small>	擗	<small>匹亦</small>
<small>於危切</small>	聆	<small>盧經切</small>	臍	<small>壯前切</small>	聒	<small>匹覓切</small>	
<small>危切</small>	婆藪	<small>慧藪蘇后切</small>	做	<small>甫而切</small>	鑰	<small>音析</small>	<small>擊</small>



大方廣佛華嚴經疏鈔會本第十二之三 途一

唐于闐國三藏沙門實叉難陀 譯

唐清涼山大華嚴寺沙門澄觀撰述

四聖諦品第八

釋此一品五門分別

途一

初來意者此品廣前種種語業即答前佛

說法問亦遠答前會佛演說海之一問故

既知佛可歸次知法可仰上名隨物立今

法逐機差故次來也

二釋名中言四聖諦者聖者正也無漏正

法得在心故諦有二義一者諦實二者審

諦言諦實者此約境辨謂如所說相不捨

離故真實故決定故謂世出世二種因果

必無虛妄不可差失言審諦者此就知明

聖智觀彼審不虛故凡夫雖有苦集而不

審實不得稱諦無倒聖智審知境故故名

聖諦故瑜伽九十五云由二緣故名諦一

法性故二勝解故愚夫有初無後聖具二

故偏說聖諦四謂苦集滅道總云四聖諦

帶數釋也二釋名者疏文有二先止釋名

今當畧辨初得名言諦實下雙釋二義諦

通二義聖之一字唯屬審諦故瑜伽下三

引證二義法性是性相云何逼迫名苦即

諦實勝解是審諦有漏色心增長名集即業煩惱寂靜名滅

謂即涅槃出離名道謂止觀等此約相說

通大小乘智論云小乘三是有相滅是無

相大乘四諦皆是無相性相云何下第二

性即說行相故名體相於中亦二先辨性

相二屬經結示今初過有天台四四諦意

四四諦者玄文已具今畧列名一生滅四

諦二無生四諦三無量四諦四無作四諦

依常所釋但有其二或名有作無作或名

有量無量有作有量即是小乘無作無量

即是大乘今以義開故成四四初即生滅

迫名苦即釋別名二以當辯相一逼迫身  
 心是苦行相二即有漏色心者正出體也  
 色心即五蘊心是四故五盛陰苦故不攝  
 無為故增長名集是釋名相積集增長故  
 即業煩惱者出體下二諦例知而道云等  
 者等取八正道等此約相說者二結屬生  
 滅四諦也然四諦有相有性上所辯性是  
 相性也下說無相是真性也智論云下三  
 引證通大小乘亦是結前生後結前是生  
 滅曰諦大乘四諦皆無相下生後無生四  
 也 涅槃云解苦無苦名苦聖諦謂達四緣  
 生故空則超筌悟旨成大又涅槃云凡夫  
 有苦而無諦二乘有苦有苦諦而無真實  
 菩薩無苦有諦而有真實謂若苦即諦三  
 塗之苦豈即諦也二乘雖審知之而不達  
 法空不見真實 涅槃云下即無生四諦然  
 疏有三初引經正明即十  
 三經畧示一苦若具應云解樂無和合名  
 集聖諦解滅無滅解道無道等影在次文  
 謂連四下二以義釋經云何言無生四諦  
 從緣無性空故名之為無非斷無也滅雖  
 無為因滅惑顯亦曰從緣則起筌悟旨成  
 大者苦集滅道以為空筌其猶筌第以求  
 魚兔無相空理即為魚兔得魚亡筌是悟  
 空旨便成大乘非離四外別有大也如非

離筌而得魚矣又涅槃云下三引經證成  
 大小別義雙證生滅及無生也經云善男  
 子以是義故諸凡夫人有苦無諦聲聞緣  
 覺有苦有苦諦而無真實諸菩薩等解苦  
 無苦是故無苦而有真諦諸凡夫人有集  
 無諦聲聞緣覺有集有集諦而無真實諸  
 菩薩等解集無集是故無集而有真諦聲  
 聞緣覺有滅非真苦薩摩河薩有滅有真  
 諦聲聞緣覺有道非真苦薩摩河薩有真  
 有真諦故引此經兼釋解苦無苦下之三  
 句言謂若苦即諦下釋經凡夫無諦之言  
 涅槃四諦品云佛復告迦葉所言苦者不  
 名苦聖諦何以故若苦是苦聖諦者一切  
 畜生及地獄衆生應有聖諦亦即思益經  
 文此無諦言約審諦說不約諦實若約諦  
 實三塗實苦二乘雖審知之下釋二乘有  
 諦無實之言有審諦故如實知苦 又二乘  
 不同凡夫妄計為樂無實可知 途一  
 雖知苦相不知無量相故大經云苦有無  
 量相非諸聲聞緣覺所知瑜伽說苦有一  
 百一十然此經中雖彰名異即表義殊以  
 名必召實故是無量四諦義也約一界一  
 諦即有十千娑婆四諦有四百億十千名  
 義而文義包博言含性相 又二乘下第三  
 無量四諦疏文

有三初際上立理前不見法空苦性故無  
 真實此不知無量不見相故亦非見實前  
 即理智故但見生空不及菩薩此即量智  
 故但知羸相不及菩薩故大經下二引文  
 證成迦葉白佛言世尊昔佛一時在恒河  
 岸尸首林中爾時如來取少樹葉告諸比  
 丘我今手中所捉葉多一切因地草木葉多不  
 多諸比丘言世尊一切因地草木葉多不  
 可稱計如來所捉少不足言諸比丘我所  
 覺了一切諸法如因地生草木等為諸  
 衆生所宣說者如手中葉迦葉難言如來  
 所了無量諸法若入四諦則為已說若不  
 入者應有五諦佛讚迦葉善哉善哉汝今  
 所問則能利益安隱快樂無量衆生善男  
 子如是諸法悉已攝在四諦法中迦葉復  
 白佛言如是等法若在四諦如來何故唱  
 言不說佛言善男子雖復入中猶名不說  
 何以故善男子知聖諦有二種智一者中  
 二者上中者聲聞緣覺上者諸佛菩薩善  
 男子知陰為苦名為中智分別諸陰有無  
 量相悉是諸苦非是聲聞緣覺所知是名  
 上智善男子如是等義我於彼經竟不說  
 之次歷入界皆如陰說又別塵色等五陰  
 一皆言有無量相此足無量四諦意也  
 喻伽說苦有一百一十即四十四論增數  
 明之初云謂有一苦依無差別流轉之苦  
 一切有情無不皆墮流轉苦故復有二苦  
 一欲為根本苦謂所可愛事若變若壞所  
 生之苦二癡異熟生苦謂若猛利體受所  
 觸即於自體執我我所愚癡迷悶生極怨

嗟由是因緣受二箭受謂身箭受及心箭  
 受復有四苦五有五苦六有六苦七有七苦  
 八有八苦九有九苦十有十苦故成五十  
 五苦次論云當知復有餘九種苦一一  
 苦二廣大苦三一切門苦四邪行苦五流  
 轉苦六不隨欲苦七違害苦八隨逐苦九  
 一切種苦其第一一切苦開為二苦一宿  
 因所生苦二現緣所生苦其第二廣大苦  
 門四苦第三一切門苦亦開四苦第四邪  
 行苦開五五流轉苦開六六不隨欲苦開  
 七七連苦若開八八隨逐苦開九九一切  
 種苦開十復成五十五故兩段合百一  
 十苦然此經中下會今經文正同無量  
 究此四非唯但空便為真實今了陰入皆  
 如無苦可捨無明塵勞即是菩提無集可  
 斷生死即涅槃無滅可證邊邪皆中正無  
 道可修無苦無集即無世間無滅無道即  
 無出世間不取不捨同一實諦又究下無  
作四諦亦  
 三初聰明言非唯但空者揀上無生但顯  
 空義便為真實正是所宗今了二別示  
 四相陰入皆如者前云即空今云即如理  
 已別矣又言無苦可捨非是空故無有可  
 捨今體即如如外無苦何所捨耶此句言  
 如如尚似空集言無明塵勞皆即菩提豈

同前空苦菩提體外無別可斷不同無生  
 空無可斷前則空中無華云何可攝今則  
 波即是水不得除波下二諦例然生死即  
 淫禁非是體空無生滅也邊邪皆中正者  
 非離邊外別有中道非離邪外別有正道  
 亦非無邊無邪無可修也細尋可見勿濫  
 無生故涅槃四諸品云若知如來常住名  
 修習苦若知法常名為修集若修滅者若  
 多修空名為不善何以故滅壞一切法故  
 壞於如來真法藏故同於外道若有說言  
 有如來藏雖不可見若滅煩惱乃能得入  
 若發此心一念因緣於證得中而得日在  
 結云以如來秘密藏者即是滅諦道聖諦  
 者所謂佛法僧寶及正解脫若能一念發  
 心見如來常住無變法僧解脫亦復如是  
 名修習道上皆無作四諦意也無苦無集  
 下三束歸一諦一實諦義亦是涅槃十三  
 文殊問佛世尊第一義中有一世諦不世諦  
 之中有第一義不如其實說耶善男子世諦  
 其無者將非如來虛妄說耶善男子世諦

即第一義諦世尊若爾則無二諦善男子  
 有善方便隨順衆生說於二諦等皆一諦  
 義下文殊問言所言實諦其義云何答云  
 實諦名為真法若法非真不名實諦又名  
 無顛倒名無虛妄名曰大乘是佛所說非  
 魔所說又言善男子實諦者一道清淨無  
 有二也善男子有常有樂有故斯一品有  
 我有淨是則名為實諦之義

作無作有量無量皆在其中準下第五地

中復以十重觀察至下當明故斯一品下  
 示上第三段中言此經正同無量四諦且  
 從一義今則具結通具四種也故上疏云  
 而文義包博言合性相相即生滅及與無  
 量性即無生及與無作相以廣狹成二四  
 諦性以空實成二四諦經宗必融舉一收  
 四方是經旨以四種四諦義出諸師故疏  
 間用使合經文不標名目恐驚常德結歸  
 二對順常經論或名有作無作或名有量

無量今之結意有作即生滅有量同無生  
 於有量上說無生耳餘二名同五地十重  
 至又自見今畧示名一善知俗諦二善知  
 第一義諦三相諦四差別諦五成立諦六  
 事諦七生諦八盡無生諦九入道智諦十  
 善知一切菩薩地次第成就諦乃至善知  
 如來成三宗趣者以無邊諦海隨根隨義  
 就智諦立名不同徧空世界以此為宗務在益物

調生為趣又上二皆宗發生淨信為趣  
 四解妨難問既彰佛語業答說法問佛所  
 說法多門何以唯陳四諦答以名雖在小  
 義通大小事理具足謂苦集二諦是世間  
 因果所知所斷無改易故滅道二諦出世

間因果所證所修事決定故知斷證修能  
 運衆生到彼岸故世界有異此獨無改況  
 無量無作何義不收是故約此以顯差別  
 答以名雖在小者通此一問有二意一四  
 諦包含故二開權顯實故今初名雖在小  
 者經中多言為求聲聞者說四諦故義通  
 大小即生滅無生等事理具足者如十二  
 緣但事而無理今滅諦是理十二緣名廣  
 事畧事亦不具但有苦集而無道故六波  
 羅蜜但顯出世無世間故但有道滅無苦  
 集故謂苦集二諦下出具足相世界有異  
 者十方諸佛出世教化皆令捨於世間證  
 涅槃故三世同然故涅槃云我昔與汝等  
 不識四真諦是故久流轉生死大苦海况  
 無量下劫後二重但用前二性相具足大  
 小包含况加此二一又為破計引機故謂  
 實之旨於是予在

演彼聲聞四諦局法令亡所執引入一乘  
 無邊諦海故約此辨何以四諦皆帶苦言  
 謂苦滅聖諦等然謂生苦之集故云苦集  
 盡苦之滅名為苦滅至苦滅之道名苦滅  
 道不得單言苦道以道非生苦不同集故

又非滅苦不同滅故能證苦滅故云苦滅  
 道又為破計下第二開權顯實以諸經中  
 多說四諦為小今開此局名周法界亡  
 所執相即入無生引入一乘則  
 會真實況六度等而不周耶

爾時文殊師利菩薩摩訶薩告諸菩薩言

五正釋文一品分二先標告二諸佛子下

正顯於中分四初娑婆諦名二隣次十界

三類通一切四主伴無窮然此望前品略

於單說四洲就初二中一一方內文各有

二一別列諦名二結數辨意然其立名或

有因從果稱果籍因名約事約理或總或

別如文當知

諸佛子苦聖諦此娑婆世界中或名罪或名

逼迫或名變異或名攀緣或名聚或名刺或

名依根或名虛誑或名癰瘡處或名愚夫行

初娑婆中列內四諦即為四別一苦云罪

者摧也謂摧壞色心故二逼迫者不可意境逼迫身心也此二總顯三變異者壞苦也攀緣者追求苦也聚者五盛陰苦也刺者從喻立名如刺未拔依根者由苦能生一切惡也虛誑者於下苦中能生樂想也

癰瘡處者此喻二苦有癰瘡處性自是苦

此如五陰苦若加手等觸苦上加苦是苦

苦也愚夫行者行苦也愚人所行故如以

睫毛置掌不覺若置眼內為苦不安愚夫

不覺行苦如掌內之毛而復以苦反欲捨

苦皆愚夫行也如一睫毛者全是俱舍頌云如以一睫毛置掌人不覺若置眼睛上為苦極不安凡夫如手掌不覺行苦睫智者如眼睛無極生歡怖而後以苦者即法華經第一云不求大勢佛及與斷苦法深入諸邪見以苦欲捨苦為是衆生故而起大悲心

諸佛子苦集聖諦此娑婆世界中或名繫縛

或名滅壞或名愛著義或名妄覺念或名趣入或名決定或名綱或名戲論或名隨行或名顛倒根

二集中初二通顯謂有業惑者繫縛三界滅壞善根次二別顯煩惱餘多通業惑有業惑者然三雜染業惑為業別有多門總不出二

諸佛子苦滅聖諦此娑婆世界中或名無諍

或名離塵或名寂靜或名無相或名無沒或名無自性或名無障礙或名滅或名體真實或名住自性

三苦滅中無諍者煩惱為諍故煩惱名諍即俱舍論云煩惱名諍觸動善品故今滅煩惱故名無諍體真實者非唯惑

滅而已實乃法身常住為滅諦之義故非滅惑者如成實等亦說滅者譬如燈滅則光明俱竭無復別有一實盡處也譬公亦用此言實則滅或所顯法身常住有實體也故涅槃第四迦葉問言如佛所言如燈

諸佛子苦滅聖諦此娑婆世界中或名繫縛

滅已無有方所如來亦爾既滅度已亦無  
方所佛告迦葉善男子如人燃燈之時燈  
器大小悉滿中油隨其油在其明猶存若  
油盡已明亦俱盡其明滅者喻煩惱滅法  
雖滅盡燈器猶存如來亦爾煩惱雖滅法  
身常存下文又云如燈滅者是羅漢涅槃  
又四諦品云若言修習空法是不善滅  
壞一切如來真法藏故同於外道故知滅  
體法是次云住自性也謂本來滅故次云  
真定故

性者證成上文體真實義則體真實非  
虛妄及非空無住自性言即是法住法正  
位也本來寂滅即  
成上文住自性義

諸佛子苦滅道聖諦此娑婆世界中或名一  
乘或名趣寂或名導引或名究竟無分別或  
名平等或名捨擔或名無所趣或名隨聖意  
或名仙人行或名十藏

四苦滅道諦云十藏者謂信聞等如十藏  
品說

諸佛子此娑婆世界說四聖諦有如是等四  
百億十千名隨衆生心悉令調伏

二結云四百億十千者准望前名號一四  
洲有十千今一四天下一諦亦有十千四  
諦歷於百億故有四百億箇十千隨衆生  
心下顯差別之意也

諸佛子此娑婆世界所言苦聖諦者彼密訓  
世界中或名營求根或名不出離或名繫縛  
本或名作所不應作或名普闢諍或名分析  
悉無力或名作所依或名極苦或名躁動或  
名形狀物

第二辨十方諦名密訓即東方界也苦名  
分析悉無力者推之於緣無實物也形狀  
物者有形皆苦也

諸佛子所言苦集聖諦者彼密訓世界中或  
名順生死或名染著或名燒然或名流轉或  
名敗壞根或名續諸有或名惡行或名愛著

或名病源或名分數

集中病源者謂有攀緣故

病源者即淨名第二云何謂病

本謂有攀緣從有攀緣則為病本下文云何斷攀緣以無所得若無所得則無攀緣釋曰王引病本無得因便

諸佛子所言苦滅聖諦者彼密訓世界中或

名第一義或名出離或名可讚歎或名安隱

或名善入趣或名調伏或名一分或名無罪

或名離貪或名決定

滅云一分者或由妄起故分數塵沙理不

可分故稱一分

惑由妄起者即大般若中般若波羅蜜多清淨若色

清淨若一切智智清淨無二無二分無別無斷故故無二分是一分耳是以生公云萬善理同而相兼惡異而域絕善因伏惑成別故有八萬行名行雖參差俱果菩提總由一理以統之故何有二分理不可分如虛空故

諸佛子所言苦滅道聖諦者彼密訓世界中

或名猛將或名上行或名超出或名有方便

或名平等眼或名離邊或名了悟或名攝取

或名最勝眼或名觀方

道言上行者所之在滅

所之在滅者滅為最上之者適也道

能證滅故為上行此言在於周易故謙卦云地道卑而上行噬嗑卦象辭云柔得中而上行注云上行謂所之在進也凡言觀言上行所之在賁也今借此文勢

方者謂觀四諦也更有四方如十定品

者即涅槃三十六迦葉品中云如恒河邊有七種衆生一者沉沒二者沒已還出出已復沒三者沒已却出出已不沒四者出已觀方五者觀方已去六者去至淺處則住七者到彼岸廣有合文今但取第四觀方一義經云是名第四觀方四方者

即是四諦釋曰能觀四諦即是道諦故道名觀方更有四方者即第四十二阿耨達

池喻中合池四方云佛子何者名為菩薩

四方所謂見一切佛而得開悟一也聞一切法受持不忘二也圓滿一切波羅蜜行

三也大悲說法滿足衆生四也釋曰若蓋此四為善

薩道也

諸佛子密訓世界說四聖諦有如是等四百

億十千名隨衆生心悉令調伏

諸佛子密訓世界說四聖諦有如是等四百

億十千名隨衆生心悉令調伏



諸佛子此娑婆世界所言苦聖諦者彼最勝世界中或名恐怖或名分段或名可厭惡或名須承事或名變異或名招引寬或名能欺奪或名難共事或名妄分別或名有勢力

二最勝世界者即是南方前名豐溢豐溢

是正翻最勝乃義譯耳苦名有勢力者生

老病死猶四山臨人世雖賢豪力無與競

生老病死者涅槃二十九中釋八喻非喻云云何非喻如我昔告波斯匿王云大王有親信人從四方來各作是言大王有四大山從四方來欲害人民王若聞者當設何計王言世尊設有此來無逃避處唯當專心持戒布施我即讚言善哉大王我說

四山即是衆生老病死生老病死常來切人云何大王不修施戒即其事也故賢與不肖豪強羸弱同爲四邊一無脫者梵王帝釋貧窮下賤堯舜桀紂三皇四凶併歸灰壤皆爲苦依

諸佛子所言苦集聖諦者彼最勝世界中或名敗壞或名癩根或名大寬或名利刃或名

滅味或名仇對或名非已物或名惡導引或名增黑暗或名壞善利

集名非已物者已本性淨妄惑何預

諸佛子所言苦滅聖諦者彼最勝世界中或

名大義或名饒益或名義中義或名無量或

名所應見或名離分別或名最上調伏或名

常平等或名可同住或名無爲

滅名義中義者事善有義滅理尤勝義中

義也

諸佛子所言苦滅道聖諦者彼最勝世界中

或名能燒然或名最上品或名決定或名無

能破或名深方便或名出離或名不下劣或

名通達或名解脫性或名能度脫

道名燒然以智慧火燒煩惱故

諸佛子最勝世界說四聖諦有如是等四百

億十千名隨衆生心悉令調伏

諸佛子此娑婆世界所言苦聖諦者彼離垢世界中或名悔恨或名資待或名展轉或名住城或名一味或名非法或名居宅或名妄著處或名虛妄見或名無有數

三西方離垢世界苦名有無數者三際無涯故

諸佛子所言苦集聖諦者彼離垢世界中或名無實物或名但有語或名非潔白或名生地或名執取或名鄙賤或名增長或名重擔或名能生或名麤獷

集名增長者從惑生惑業故

從惑生惑業者即俱舍頌具云從惑生惑業從業生於事從事事惑主有支理唯此此偈六地當釋今但要此句從惑生惑者謂從愛生取也言從惑生業者即從取生有及無明生行事即是苦今但說集唯舉惑業

諸佛子所言苦滅聖諦者彼離垢世界中或名無等等或名普除盡或名離垢或名最勝根或名稱會或名無資待或名滅惑或名最上或名畢竟或名破印

滅名稱會者以事之滅稱會理滅故破印

者世之陰苦若蠟印印泥印壞文成此陰

纔滅彼陰續生今云破印永不生也

泥者即涅槃二十九下當廣釋次下疏文即彼經文今當畧引經云善男子如日垂沒山陵堦阜影現東移理無西逝衆生果報亦復如是此陰滅時彼陰續生如燈生暗滅燈滅暗生善男子如蠟印印泥印與泥合印滅文成而是蠟印不變在泥文非泥出不餘處來以印因緣而生是文現在陰滅中陰陰生是現在陰終不變為中陰五陰中陰五陰亦非自生不從餘來因現陰故生中陰陰如蠟印印泥印壞文成名雖無差而時節有異釋曰義至下釋今釋在破印耳陰即是苦若燈滅理現在之陰不為後因後陰不生即破印也

諸佛子所言苦滅道聖諦者彼離垢世界中

或名堅固物或名方便分或名解脫本或名  
本性實或名不可毀訾或名最清淨或名諸  
有邊或名受寄全或名作究竟或名淨分別

道名諸有邊者照實即生死可盡也故中  
論云真法及說者聽者難得故是故則生

死非有邊無邊謂三事難得故非有邊難  
得者容有得義得則生死有邊受寄全者

業寄於集暫受還亡業寄於道永不可失  
照實等者此正立理故中論下引證先舉

何無後世皆世間無邊云何有後世上反  
釋次云五陰常相續猶如燈火鍊以是於

世間不應邊無邊釋曰以緣生性空故不  
屬邊無邊後次如中百觀說真法及說者  
等此約相說不過因緣則生死無邊遇則  
有邊此有三事一真法如良藥二說者如  
良醫三聽者如可治之病若具此三煩惱  
病愈生死可盡蓋即是無邊不具此三煩  
惱浩然生死無畔斯則無邊故結云非有  
邊非無邊也謂三事下疏釋上偈即影公  
意彼疏云難得故非有邊難得故非無邊  
言猶難見故取意釋夫言難得非全不得

若全不得一向無邊今有得者得則有邊  
以難得故則無邊耳此亦約一人而說若  
總望一切難有其邊業寄於集者設修善  
業有漏心修是寄於集因盡報謝故云還  
亡無漏心修是寄於道  
道符於理直趣菩提

諸佛子離垢世界說四聖諦有如是等四百  
億十千名隨眾生心悉令調伏

諸佛子此娑婆世界所言苦聖諦者彼豐溢  
世界中或名愛染處或名險害根或名有海

分或名積集成或名差別根或名增長或名  
生滅或名障礙或名刀劍本或名數所成

四北方豐溢世界者豐溢自南方界名前  
品此方名為豐樂梵云微部地切夷豐樂

得旨譯者不審二名相參耳苦名有海分  
者二十五有各一分也數所成者數體即

集集所成故二十五有者頌云四洲四惡  
趣梵五六欲天無想五那舍

四空并四禪廣如涅槃十四數體即集者  
有為之法總名為數亦心數也今總中取

別云即集也

諸佛子所言苦集聖諦者彼豐溢世界中或名可惡或名名字或名無盡或名分數或名不可愛或名能攬噬或名羸鄙物或名愛著或名器或名動

集名分數者無一理以貫之則惑業萬差

矣攬噬者攬搏也噬嚙也集之損害猶惡

禽獸也無一理者生公云九順理生心名善乖背為惡萬善理同而相兼惡

異而域絕即斯義矣

諸佛子所言苦滅聖諦者彼豐溢世界中或

名相續斷或名開顯或名無文字或名無所

修或名無所見或名無所作或名寂滅或名

已燒盡或名捨重擔或名已除壞

滅名無所修者修已極故

諸佛子所言苦滅道聖諦者彼豐溢世界中

或名寂滅行或名出離行或名勤修證或名

安隱去或名無量壽或名善了知或名究竟

道或名難修習或名至彼岸或名無能勝

道名無量壽者謂證滅永常今因標果稱

諸佛子豐溢世界說四聖諦有如是等四百

億十十名隨衆生心悉令調伏

諸佛子此娑婆世界所言苦聖諦者彼攝取

世界中或名能劫奪或名非善友或名多恐

怖或名種種戲論或名地獄性或名非實義

或名貪欲擔或名深重根或名隨心轉或名

迷

十五

根本空

五東北方攝取世界苦名地獄性者未入

忍來常有墮性未入忍者俱舍云煖必至涅槃頂終不斷善忍不墮

惡趣第一入離生四善根中第三方根本

免地獄故知苦依之身地獄性矣根本空者約性以說同淨名五受陰洞達空故

同淨名者即迦旃延章謂不生不滅是無常義五受陰洞達空無所起是苦義諸法畢竟無所有是空義於我無我而不二是無我義法本不生今則無滅是寂滅義今唯要一句至第三會當廣分別耳

諸佛子所言苦集聖諦者彼攝取世界中或名貪著或名惡成辦或名過惡或名速疾或名能執取或名想或名有果或名無可說或名無可取或名流轉

集中由妄惑故愛見羅刹橫相執取妄體本空故無可取故中論云虛誑妄取者是中何所取佛說如是法欲以示空義

愛見羅刹前已釋竟二地經云身見羅刹於中執取其承入愛欲稱林妄體本空者由二義前名執取後名無所取義似相違故中論下釋無所取即是行品行即是陰謂小乘人為菩薩立過云若一切法空何以佛說虛誑妄取若有妄取法則不空故偈云如佛經所說虛誑妄取相諸行妄取故是名為虛誑故論主舉偈以答即如今疏所引偈是此答意云由不了空無所取中而生取著故云妄取若有可取不名

妄取明知說於妄取正為說空如貴翳人妄取空華正為顯華是非有故

諸佛子所言苦滅聖諦者彼攝取世界中或名不退轉或名離言說或名無相狀或名可欣樂或名堅固或名上妙或名離癡或名滅盡或名遠惡或名出離諸佛子所言苦滅道聖諦者彼攝取世界中或名離言或名無諍或名教導或名善迴向或名大善巧或名差別方便或名如虛空或名寂靜行或名勝智或名能了義

滅道俱名離言者滅性離言道令言離故

滅性離言者諸法寂滅相不可以言宣故道令言離者亡心體極離言契滅故

諸佛子攝取世界說四聖諦有如是等四百億十千名隨衆生心悉令調伏

諸佛子此娑婆世界所言苦聖諦者彼饒益世界中或名重擔或名不堅或名如賊或名

老死或名愛所成或名流轉或名疲勞或名惡相狀或名生長或名利刀

六東南饒益世界苦名如賊者五盛陰苦

劫害我故

諸佛子所言苦集聖諦者彼饒益世界中或

注一

十六

名敗壞或名渾濁或名退失或名無力或名

喪失或名乖違或名不和合或名所作或名

取或名意欲

集名無力者於出生死無有力能善法治

之不復相拒故

諸佛子所言苦滅聖諦者彼饒益世界中或

名出獄或名真實或名離難或名覆護或名

離惡或名隨順或名根本或名捨因或名無

為或名無相續

滅名捨因者無為無因而體是果菩提之

道望此亦因獨寂滅涅槃得稱果果故曰

捨因無為無因而即涅槃師子吼品云涅槃無因而體是果若涅槃有因不得

名為般涅槃也謂涅槃之體畢竟無因如

無我我所故亦如俱舍無為無因果謂六

因無五但有能作故名捨因而體是果則

離繫果菩提之道望此亦因者要得菩提

證涅槃故故此菩提亦名為因是果中因

故滅理涅槃是因家之果又是菩提果家

之果

故

根

諸佛子所言苦滅道聖諦者彼饒益世界中

或名達無所有或名一切印或名三昧藏或

名得光明或名不退法或名能盡有或名廣

大路或名能調伏或名有安隱或名不流轉

道名一切印無不審決故印義後說

諸佛子饒益世界說四聖諦有如是等四百

億十千名隨衆生心悉令調伏  
諸佛子此娑婆世界所言苦聖諦者彼鮮少

世界中或名險樂欲或名繫縛處或名邪行  
或名隨受或名無慙恥或名貪欲根或名恒  
河流或名常破壞或名炬火性或名多憂惱  
七西南鮮少世界苦名邪行者體非正道  
是行性故

諸佛子所言苦集聖諦者彼鮮少世界中或  
名廣地或名能趣或名遠慧或名留難或名  
恐怖或名放逸或名攝取或名著處或名宅  
主或名連縛

集名廣地生大苦樹故宅主即無明也

諸佛子所言苦滅聖諦者彼鮮少世界中或  
名充滿或名不死或名無我或名無自性或  
名分別盡或名安樂住或名無限量或名斷  
流轉或名絕行處或名不二  
滅名絕行處者心路絕故

諸佛子所言苦滅道聖諦者彼鮮少世界中  
或名大光明或名演說海或名簡擇義或名  
和合法或名離取著或名斷相續或名廣大  
路或名平等因或名淨方便或名最勝見  
道名廣大路者先聖後賢游之而不厭故

諸佛子鮮少世界說四聖諦有如是等四百  
億十千名隨衆生心悉令調伏

諸佛子此娑婆世界所言苦聖諦者彼歡喜  
世界中或名流轉或名出生或名失利或名  
染著或名重擔或名差別或名內險或名集  
會或名惡舍宅會一或名苦惱性十六

八西北歡喜界中苦諦闕一者晉譯少出  
生唐譯少失利

諸佛子所言苦集聖諦者彼歡喜世界中或  
名地或名方便或名非時或名非實法或名

無底或名攝取或名離戒或名煩惱法或名

狹劣見或名垢聚

集名無底者煩惱深故非習道學浮沉而

不已非習道學者亦涅槃三十二師子乳

喻經中因師子乳問若一切眾生乃至闍

切眾生不得涅槃若有佛性力故何須修

習入正道等佛便讚歎謂舉此喻佛言善

哉善哉善哉如恒河邊有七種人若為

洗浴恐怖或鬼或為林華則入河中第一

人者入水則沒何以故羸無力故不習浮

故第二人者雖沒還出不習浮故何以故

身力大故則能還出不習浮故何以故

第三人者沒已即出更不沒何以故

重故沒力大故出又習浮故出已即住第

四人者入已便沒沒已還出已即住通

觀四方何以故重故則沒力大還出習浮

即沒沒已還出處故觀四方第五人者入已

已即去何以故為怖畏故第六人者入已

即去淺處則住何以故觀賊遠近故第七

人者既至彼岸登上山無復恐怖離諸

怨賊受大快樂善男子生死大河亦復如

諸佛子所言苦滅聖諦者彼歡喜世界中或

至彼岸

須修道方

生不得涅槃釋曰是知眾生雖有佛性要

過當知悉是煩惱過惡以是義故一切衆

生悉不能得此非我替亦非聖道衆生等

說諸法要義謂八聖道大般涅槃而諸衆

生亦復如是實有佛寶法寶僧寶如來常

邊如是諸人悉具手足而不能度一切衆

常往大高山者喻大涅槃善男子是祖河

到彼岸登大高山離諸恐怖多受安樂善

無退轉無退轉已即便前進既前進已得

於慧施修習智慧以利根故堅住信慧心

寫解脫十一部經為衆生故廣宣流布樂

心得信心已名為出以信心故讀誦書

河斷善根故於中沉沒親近善友獲得信

已即去及至合中亦同第五皆有沒出住

去去至淺處第七人者發意欲度生死大

者謂辟支佛第六人者前喻之中但云入

四沙門果第五人者發義同前但即去者

出與住皆同第三但合觀方云觀四方者

名不沒修戒施慧即習浮第四人者沒

習淨戒讀誦書寫十二部經堅住施慧故

故沒近善友得信心故出信如來常住修

善根故沒親近善友得信心故出又遇惡

生死河不能得出第二人者欲度生死斷



名破依止或名不放逸或名真實或名平等  
或名善淨或名無病或名無曲或名無相或  
名自在或名無生

滅名破依止身與煩惱互為依止展轉無窮唯證滅理方能永破身與煩惱下即涅槃四十納衣梵志

問言如瞿曇說無量世中作善不善未  
還得善不善身是義不然何以故如瞿曇  
說因煩惱故獲得是身若煩惱在誰之  
者身為在何處若身在先云何說言因煩  
惱得是故若言煩惱在先是即不可若身  
在先亦不可若言一時是亦不可若身  
一時義俱不可是故我說一切諸法皆有  
為在先煩惱在先者是義不然何以故若  
我當說身在先者汝可難言汝亦同我身  
不在先何因緣故而作是難言男子一切  
衆生身及煩惱俱無先後一時而有雖一  
時有要因煩惱而得身終不因而有煩  
惱也釋曰上有三闕先後一時佛捨前後  
而用一時恐難一時故自遮云汝意若謂  
如人二眼一時而得相因待左不固右  
右不固左煩惱及身亦如是者是義不然  
何以故世間眼見姓之與明雖復一時明  
要因姓終不因明而有姓也釋曰此佛一

答一時因緣二義並成故經疏云身與煩  
惱互為依止互為依止之言即俱時義非  
為因身有煩惱也謂因煩惱而得有身能  
生煩惱復依身住亦不應難未得身時煩  
惱依何故云互依二互因使展轉無際若  
證滅理因惑不生惑既不生身從何得非  
轉之見亦皆寂滅

諸佛子所言苦滅道聖諦者彼歡喜世界中

或名入勝界或名斷集或名超等類或名廣

大性或名分別盡或名神力道或名衆方便

或名正念行或名常寂路或名攝解脫

道名廣大性者無不在故道名廣大性者

是莊子尚太宰懿問莊子曰道何所在答

曰道在瓦石曰何下耶莊子曰道在屎尿

曰何愈下耶曰道無不在彼以虛無自然

為道無法不是虛無自然故無不在今以

類取則真如寂滅無所不在

諸佛子歡喜世界說四聖諦有如是等四百  
億十千名隨衆生心悉令調伏  
諸佛子此娑婆世界所言苦聖諦者彼關鑰

世界中或名敗壞相或名如坏器或名我所成或名諸趣身或名數流轉或名衆惡門或名性苦或名可棄捨或名無味或名來去

九下方關鑰世界苦名我所成者我見有故

諸佛子所言苦集聖諦者彼關鑰世界中或名行或名廣毒或名和合或名受支或名我心或名雜毒或名虛稱或名乖違或名熱惱或名驚駭

集名我心即我見愛

諸佛子所言苦滅聖諦者彼關鑰世界中或名無積集或名不可得或名妙藥或名不可壞或名無著或名無量或名廣大或名覺分或名離染或名無障礙  
滅名覺分者所覺處故

諸佛子所言苦滅道聖諦者彼關鑰世界中或名安隱行或名離欲或名究竟實或名入義或名性究竟或名淨現或名攝念或名趣解脫或名救濟或名勝行

道名入義者能入滅諦第一義故

諸佛子關鑰世界說四聖諦有如是等四百億十千名隨衆生心悉令調伏

諸佛子此娑婆世界所言苦聖諦者彼振音世界中或名匿疵或名世間或名所依或名傲慢或名染著性或名駛流或名不可樂或名覆藏或名速滅或名難調

十上方振音世界苦名匿疵身為惑病所藏處故傲慢者慢以生苦為業果取因名染著性者性今染故如樂受壞苦誰謂苦耶駛流者剎那性故即行苦也不可樂者

苦苦也覆藏者藏苦因故樂藏壞苦故不  
苦不樂藏行苦故速滅者流轉苦也難調  
者誰不欲捨莫之能出不憚疲苦方能調  
之

諸佛子所言苦集聖諦者彼振音世界中或

途一

二十二

名須制伏或名心趣或名能縛或名隨念起  
或名至後邊或名共和合或名分別或名門  
或名飄動或名隱覆

集名至後邊者不斷無窮故門者入苦趣  
故

諸佛子所言苦滅聖諦者彼振音世界中或  
名無依處或名不可取或名轉還或名離諍  
或名小或名大或名善淨或名無盡或名廣  
博或名無等價

滅名不可取取則不滅也小之則無內不

容一物也大之則無外法界性也

途一

二十三

諸佛子所言苦滅道聖諦者彼振音世界中  
或名觀察或名能摧敵或名了知印或名能  
入性或名難敵對或名無限義或名能入智  
或名和合道或名恒不動或名殊勝義

道名難敵對者有感必破不為惑破故猶  
明能滅闇故無闇而不滅闇不滅明何能  
相敵

諸佛子振音世界說四聖諦有如是等四百  
億十千名隨衆生心悉令調伏

諸佛子如此娑婆世界中說四聖諦有四百  
億十千名如是東方百千億無數無量無邊  
無等不可數不可稱不可思不可量不可說  
盡法界虛空界所有世界彼一一世界中說  
四聖諦亦各有四百億十千名隨衆生心悉

令調伏

第三諸佛子下類通一切初舉娑婆以類

東方

如東方南西北方四維上下亦復如是

後舉東方以類餘九

諸佛子如娑婆世界有如上所說十方世界

第四如娑婆下顯主伴無盡文中初舉此

例彼謂娑婆為主有密訓等盡空世界皆

為伴

彼一切世界亦各有如是十方世界一一世

界中說苦聖諦有百億萬種名說集聖諦滅

聖諦道聖諦亦各有百億萬種名皆隨衆生

心之所樂令其調伏

後彼一切下以彼類此則知密訓等盡空

世界為主攝伴亦爾則無盡無盡耳此猶

約娑婆同類世界而說以結數中同百億

故餘樹形等異類世界彼一一類皆徧空

法界是則重重無盡無盡非此所說也如

是皆為調伏衆生則知密訓等者此有兩重一即釋迦在此為主攝密訓等為伴則在密訓為主攝娑婆等

為伴亦然方是一佛之語二如此佛諸名

既主伴無盡則密訓等他佛為主諦名亦然

大方廣佛華嚴經疏鈔會本第十二之三

音釋

癱於容切 睫即涉切 躁則到切 纒糖未切 麤

獠居猛切 皆音皆 攫搜居縛切 坏音坏

狹與狎同 嚙倪結切 闌之的切 疵才支切

傲魚到切 駛疾士切 駭下楷切 屎詩止切 噬

嗑嗑時音切 象土玩切 斷也

大方廣佛華嚴經疏鈔會本第十三之一 途二

唐于闐國三藏沙門實叉難陀 譯

唐清涼山大華嚴寺沙門澄觀撰述

光明覺品第九

解此一品畧以五門初來意中自有其十

途三

一為答前所依果問故然古德對前二品

已答二問此品正答三問謂長行放光答

佛威德見成正覺答成菩提文殊說偈正

答佛法性問今更一解謂長行但現相答

已如前說偈中具答三問謂初五答菩提

次一答威德後四答法性二為廣名號品

總標多端故正廣種種觀察是意業故三

者即說十信之體性故如下三會將說正

位皆有偈讚此其類也四顯實徧故但所

說有二一佛二法佛有二一身二名法亦

有二一權二實前但佛名徧此顯身徧四

諦即實之權徧此品顯即權之實徧故五

現驗故上二云徧眾未目觀今光示徧相

故六顯總徧故前但名諦別徧今此一會

即徧法界一一皆悉同時同處同眾同說

同徧故七顯圓徧故謂前顯差別一切方

能徧一切今顯無差別一切即圓融徧一

切故八與下經為其則故謂下經結通云

徧一切者皆如此辨以如來一乘圓教於

須彌山等一類世界施化分齊皆若此故

九示前神通相故上云現通如何現耶一

會不動徧法界故十為顯理事俱無障礙

令捨執從法故此意雖通在文徧顯有上

諸義故此品來也

前但名諦別徧等者如名號品如來於此名悉

達等在容訓等名則不同十方例然諸名亦耳此是一重別徧二者名徧而非是諦

倫諦徧而不足名徧故云名諦別徧今此  
 一會即徧法界者經云如於此處見佛世  
 尊坐蓮華藏師子之座彼虛空徧法界  
 一切世界闡浮提中亦如是座此是總徧  
 相也對上二別亦有二總一總徧諸處二  
 主伴時處等皆徧也言同時者無前後也  
 言同處者此有二處一者約主同在普光  
 明殿二者約伴同居金色世界等言同眾  
 者亦有二眾一約主佛十刹塵數菩薩圍  
 繞二約伴眾謂文殊等諸來菩薩亦各領  
 十佛刹塵故言同說者一切處文殊同時  
 發聲而說頌故法界皆同說十信故言同  
 徧者結上諸同謂主伴時處皆悉徧也七  
 顯圓徧者問此與第六有何異耶第六亦  
 名諦別徧今亦云云差別方能徧第六一  
 會即徧今此亦云云無差別一切徧二相難  
 分答細尋方別前是總別對此是圓別對  
 二處別則大同而圓總則異前言總別者  
 別則此界他界名各不同總則處處皆同  
 此一今圓別者別則要有差別方能徧故  
 若不差別不能徧也圓則不要差別而能  
 周徧周徧之法一切上一圓融故云無差別一  
 切即圓融徧一切下一切字但是所徧一切  
 是能徧之一切者一會即是彼一切會亦  
 處耳而言圓融者一會即是彼一切會亦  
 非此會處處到也即此會以彼總別東名  
 云圓融又第六約所徧處以彼總別東名  
 非西名所徧別也此會即彼會所徧處總  
 也七約能徧以論圓別要將差別之法方  
 能普徧是身名別也今是圓融無差別之

法即能徧故名為圓也前別如列宿徧九  
 天此別如一月落百川故前云別則二處  
 大同大圓者有小異故前總如一雲之滿  
 宇宙此圓如和香之徧一室故云總圓誠  
 有異 **第二釋名者一開二合 初開者光**  
**明體也覺者用也此二各二謂光有身智**  
**二光覺有覺知覺悟又光有能照所照覺**  
**有能覺所覺** 初開者下文亦有二初正有  
 覺三能所能所中義分之為二 一上二光二二  
 一上二光能所二下二覺能所 如來放身  
**光照事法界令菩薩覺知見事無礙文殊**  
**演智光雙照事理令眾覺悟法之性相** 如  
 放身光下二別示上來四對之相謂分二  
 光各屬文殊及佛二覺別配身智二光而  
 二光中各有兩重能所謂如來放身光身  
 能照也照事法界所照也今菩薩覺知即  
 能覺也見事無礙是所覺也所覺即照所  
 成益上即長行中事二文殊以智光即能  
 照也雙照事理即所照也今眾覺悟即能  
 覺也法之性相即所覺也所覺亦照所成  
 益即得 **二合者良以事理俱融唯一無礙**  
**境故得一事即徧無邊而不壞本相** 二合  
 者下

合上四對義有五重文有六節一合二境  
即前所照若事理不融餘皆不合故先明  
之言故得一事下即身智無二唯一無礙  
前所覺見事無礙  
光故涅槃經瑠璃光菩薩處云光明者名  
為智慧身智無二者二合二光引涅槃證  
云光明者名為智慧則知知悟不殊唯一  
二光不別即第二十一經

平等覺悟之心知無事非理故知悟不殊  
下三合二

覺謂前身光照文殊等覺知如來光照我  
剎然文殊等知是無知之知故名悟心之  
知知事即理二覺合也又此二光不異覺  
不同凡小取事理相

境又此二光下四合能所二種能所一時  
雙合則能照所照能覺所覺皆性融故  
舉一此三圓融唯無礙之法界此三圓融  
者五總融

上三上雖四對體唯有三謂能覺之光所  
照之境所成之覺三對六法舉一全收為  
一法界此上雖平等絕相不壞光明之覺  
五重合竟

品中辨此故以為名雖平等下結成多名  
上開多約相合多約  
性即開即合不壞性若從開釋光明之覺  
相故云光明覺也

光明有覺之用通依主有財若從合說光

明即覺可持業也

第三宗趣者以身智二光無礙覺悟為宗

令物生信為趣又釋名並是品宗來意盡

為意趣又釋名並是者立名從所宗故來  
意辨意趣故故賢首以此釋名為

其品宗以此來第四解疑妨問此足輪光  
意為其意趣

何時放耶若說名諦竟如何佛刹菩薩眾

數並同名號如先已放前何不說答是前

名號品放但前二品明文殊此會說法不

俟光照今辨百億刹中乃至徧法界說故

須光以顯示其所來菩薩即前菩薩故並

全同四解疑妨文有三重初一具疑難光  
何時放帶二途故若說名下躡跡申

難答中初指前說快其所疑二為其解釋

謂前二品未要放光故前不明此中始要

故前十方一一別說此則併賺次有妨云

光照百億百億何不照此釋云此為主故  
若彼為主則說彼照又疑云下光既窮法

界金色更在何許當剎當剎有本會處皆

去十剎主伴徧故

下光既窮法界下三唯疑不難但疑金色等何

所在故是不快耳疑意云此界放光而全色等去於此界各十佛剎今若主佛三東十佛剎處放光則是文殊所從之剎若更至東十剎金色乃在放光之西九方例然故云金色更在何所舉初為例九色例然後當剎下答答意云主剎向東放光餘之

十剎一時向東主剎如車轂十方金色等則如輻輳車轂若移輻輳皆移故下經云盡法界虛空界一切世界皆有百億闍浮提一切如來亦如是坐悉以佛神力故十方各有一大菩薩所從來剎謂金色世界等如向東既爾徧餘九方亦然故主與伴一時俱徧既徧法界總是娑婆亦徧法界皆是金色徧法界皆是妙色十色皆徧且依此會餘會徧等已如玄中

爾時世尊從兩足輪下放百億光明

第五釋文大分為二初如來放光二照此

下光至分齊今初足下放者表信四義一

自下而上信最初故二最卑微故三為行

本故智論第九云足下放光者身得住處

皆由於足四顯信該果海已滿足故輪義

亦然圓無缺故言百億光者以徧法界所

照之剎皆百億故

智度論下即第九論釋經從足下千輻輳相中

放六百萬億光明表說六度故義有兩意此是初意第二意云復次一身中雖頭貴而足賤佛不自貴光不為利養是故於賤處放光彼約教相故作是釋今文約表故

不正用即是第二最早微故攝之

照此三千大千世界

第二光至分齊者此中光照大數約其現

文且有二十六節前九別名後十七同辨

即為十段若據實義應有等法界無盡之

節節節有偈中上本經必應廣說然非多

度放光亦非一度放光次第照於多節唯

一放光同時頓照盡空世界但為言不並

彰說有前後隨機心現節節各見則如來

光明節節而照金色文殊節節而至乃至



法界各見亦爾在佛文殊節節皆徧如月

普照百川各見若法界機頓見前來諸類

所見信會既爾住行等會同徧亦然隨機

下次通難難云既一時頓照何以有二十

六節等耶釋云隨機見故在佛文殊下三

節節見二光節節照三文殊節節至如第

一百億內機則非百世界中機百世界中

機則非千世界中機則應第一節中文殊

如來非第二節中文殊如來故今釋云唯

第一機節節互非下二節節皆徧如第一

三千佛光即是第二乃至徧法界光文殊

亦爾正徧第一節文殊即徧法界而節節

見者但由機感故云百川各見機復有差

若未入法界節節不同已入法界皆如文

殊諸節 十段之中文各有二皆長行佛以

身光照現事境令象目親偈頌文殊智光

讚述事理令眾悟入十段依答文三初五

答菩提即分為五初一總顯菩提超情二

通顯菩提因果三顯八相菩提四顯菩提

體性五顯菩提之因今初長行中二先照

本界染淨二如此處下現自法會普徧之

相前中三初總標分齊二百億閻浮下別

顯所照三其中下類結明顯 今初言三

千大千者俱舍云四大洲日月蘇迷盧欲

天梵世各一千名一小千界此小千千倍

說名一中千此千倍大千皆同一成壞梵

世謂即初禪故云同一成壞以三度積故

曰三千略去小中舉其末後故云大千俱

論者此文易了總以喻顯一小千界如一

千錢一中千界如千貫錢大千世界如千

箇千貫而但取於初禪為數已上不說若

舉二禪已上則不同一成壞火災所壞唯

初禪故故正理三十一云少光等天非小

千攝積小千為中千積中千為大千亦不

彼長阿舍十八雜阿舍十六正理三十一

及瑜伽智論雜集顯揚亦不殊此有云然

顯揚第一明三千世界三災所壞故知初

禪小千二禪中千三禪大千若金光明直

至非想皆云百億意在徧諸天故此經文

中但至色頂約無色無處故今依二經

舍下二例同餘文下引二經四論並同俱

舍俱舍是十一喻伽第二智論第十一雜

集第六顯揚第一有云顯揚者即判定記

意上即論文故彼論釋三千意云如是三

千三災所壞謂水火風故知初禪已下即

刊定取意解釋謂水火災壞初禪水災壞二

禪風災壞三禪明知說小千但數初禪若

數中千即數二禪以二禪量等中千故若

數大千即數三禪三禪量等大千故是知

有百億初禪有百萬二禪一千三禪唯一

四禪然若語量即如向說所引文證義則

不成以言三千皆許三災壞故若中千數

於二禪二禪即火災不壞等思之正義如

前引俱舍正理已釋若金光明者經云是

諸人王手擎香爐供養經時其香徧布於

一念頃徧至三千大千世界百億日月乃

數未多或言一雲晉履萬國或言萬國各有夏雲思之可見

百億閻浮提百億弗婆提百億瞿耶尼百億

鬱單越百億大海百億輪圍山

二別顯所照中初現人中二現八相三現

諸天初中閻浮提者新云瞻部俱舍云阿

耨達池岸有樹名瞻部因以名洲提者此

云洲也東弗婆提者此云勝身身勝餘洲

故西衝耶尼此云牛貨以牛貨易故北鬱

單越此云勝生以定壽千歲衣食自然故

大海者即外鹹海也俱舍云者即第十一論釋無熱池意云於

此池則有瞻部林其形高大其果甘美依

此林故名瞻部洲或依此果以立洲號論

更不釋有云以此洲南狹北濶樹葉頭大

後小似此洲故未見有釋若立世阿毗曇

云樹在此洲之南西瞿耶尼亦云瞿陀尼

瞿即牛也陀尼貨也北洲新云俱盧餘文

知百億輪圍者一四天下一小鐵圍故中

者有千大者唯一皆云百億者此方黃帝

算法數有三等謂上中下下等數法十

變之中等百變之上等倍變之今此

三千若以小數計有萬億今約中數從千

已上百百變之則有百億若以小數者小

變也謂十小千為萬百小千為億千小千

為中千已十億更千中千為一大千一

千中千即為千箇十億故為萬億今約中

數者謂從千已上方百變之謂百小千

方為一萬千箇小千為中千方是十萬十

箇中千始為百萬方是一億既十中千為

一億今有千箇故唐三藏譯為百億俱

中千故有百億測公深密記第六云俱

一者十萬二者百萬三者千萬由此三千

以俱胝數或至百數或至千數或至百千

唐三藏譯是千萬也故至百數故唐二藏

既譯百億為百俱胝俱胝存其梵言億是

此語故二義同也次引測公三種俱胝證

白億為百俱胝或至百數者即三千有百

億是也以千為萬俱胝故或至千數者以

百萬為俱胝謂小數數之中千有百萬箇

小千方是一億今大千有千中千故為千

億或至百千者即以十萬為一俱胝故中

千已有百俱胝千箇中千方為大千大千

則有百千俱胝也故疏云唐三藏譯是千

萬為俱胝故三千有百俱胝俱胝即億

又依俱舍譯洛又為億此譯俱胝為億故

下光照一億十億等梵本皆云俱胝總由

俱胝之數不同故也又依俱舍下三會釋

俱胝不同謂傷舍譯

洛又為億者亦是十一輪釋水輪云次上

水輪深十一億二萬下八洛又水餘疑結

成金初以唐言十一億二萬由旬下句梵

語云一八洛又水則八億由旬為水三億

二萬由旬為金故知洛又為億也阿僧祇

品云一百洛又為一俱胝則俱胝義當於

兆良以俱胝有三等故則俱舍洛又云億

當十萬之億下云一百洛又為一俱胝則

當千萬之億也

百億菩薩受生百億菩薩出家百億如來成

正覺百億如來轉法輪百億如來入涅槃

二現八相中文有五相受生舍三佛成道

後始放光明却現初生及後涅槃者約微

細門融三世故亦非能照是報所照是化

以放光身在摩竭故此經報化融故大菩薩等化處見報下位之機報處見化二不

並故能照所照唯是一佛顯佛自在超思

議故約微細門者一中頓具一切諸法炳然齊現名微細門故說一相之中具

餘七相如在母胎即具餘七今在成正覺相中具餘七也言融三世亦即十世隔法

異成門受生是過去涅槃是未來故亦非能照者揀濫釋也二不並者報處見化見

化不見報非謂報化並現故也

百億須彌山王百億四天王眾天百億三十

三天百億夜摩天百億兜率天百億化樂天

百億他化自在天百億梵眾天百億先音天

百億徧淨天百億廣果天百億色究竟天其

中所有悉皆明現

三百億須彌下現諸天中舉須彌者二天

所依故

如此處見佛世尊坐蓮華藏師子之座十佛

刹微塵數菩薩所共圍繞其百億閻浮提中百億如來亦如是坐

二現自法會中二先現本會此是一會徧

一切處非是多處各別有會乃至法界亦

如是徧此圓融法非思之境非是多處者亦是揀濫恐

人誤解若多處有會似如十人為會十會在一室中一燈照了令人頓見十會百人

今不爾也一會徧一切處者如於一室懸百面鏡中有十人共為一會則百鏡中有

百會也

悉以佛神力故十方各有一大菩薩一一各

與十佛刹微塵數諸菩薩俱來詣佛所其名

曰文殊師利菩薩覺首菩薩財首菩薩寶首

菩薩功德首菩薩目首菩薩精進首菩薩法

首菩薩智首菩薩賢首菩薩是諸菩薩所從

來國所謂金色世界妙色世界蓮華色世界

蒼葛華色世界優鉢羅華色世界金色世界

寶色世界金剛色世界玻璃色世界平等色  
世界此諸菩薩各於佛所淨修梵行所謂不  
動智佛無礙智佛解脫智佛威儀智佛明相  
智佛究竟智佛最勝智佛自在智佛梵智佛  
觀察智佛

二悉以佛神力下現新集眾言佛神力者  
亦即是前各隨其類現神通也文有四段  
謂總顯列名刹號佛名皆同名號品中但  
增百億為異耳

爾時一切處文殊師利菩薩各於佛所同時  
發聲說此頌言

偈文分二先彰說人後顯偈辭今初言一  
切處文殊者略申三義一約當節如初節  
中百億佛前有百億文殊為一切也各各  
皆說當節之偈故文皆云各於佛所

卷三

十一

珠界申三義者第一義約文即是以應就  
機令百川中一時見月各各皆說當節之  
偈者如百億內同說若有見止覺偈第二  
節內同說眾生無智慧偈然有四句一一  
切處文殊同說一偈是一切即一二但一  
文殊十節說偈是一即一切三各於佛所  
即一唯是一四諸處文殊各 二一文殊從  
偈不同即是一切中一切 一處東來即從一切處東來至一法會即

至一切法會故雖東來而即一切處以是

法界即體之用身故二一文殊下第二釋  
約義復語其實德如

前溪之月即是後溪及千江百川之月全  
入前溪所以爾者一切處月不離本月故  
本月落溪則 三約表法文殊乃是不動智  
千處俱落

之妙用觸境斯了六根三業盡是文殊實

相體周萬像森羅無非般若何有一處非

文殊哉下九節中皆有二段做此可知一約

表者文殊主般若門若約觀照般若智了  
萬境無非般若若白日麗天無物不照若  
實相般若無法非實相故無非般若猶水  
徧波無波非水大般若云般若波羅蜜多  
清淨故色清淨色清淨故一切智智清淨  
何以故若般若波羅蜜多清淨若色清淨

卷二

十一

若一切智智清淨無二無二分無別無斷故通於觀照及實相也  
 若有見正覺解脫離諸漏不著一切世彼非證道眼

二正顯偈辭然釋此偈有通有別通者此明菩提超情別謂顯前光中所見之事於中又二一約境謂融前所照顯理法故二約觀謂令大眾泯絕諸見於所照事不生執取然觀資理成理由觀顯故通而釋之即明菩提超情大分爲二初一反顯餘九順釋今初反顯違理之失謂菩提體德超絕一切佛地論明佛非漏非無漏亦應於世非著非無著今乃見佛內離諸漏外不著世則有漏可離有世不著取捨未亡此見遠理故非道眼證道眼者無分別故然資理成者以賢首有上二意各別科文初約境顯理中十偈爲三初一法起情表次

十三

八會事歸理後一事如理融成前一會即一切會等事無障礙也二約心今泯絕諸見依此釋經十偈爲六初之二頌頌於放光佛令離見次一頌會前光所照處以明離見三有三頌會前所現本法會等以明離見四有二頌別會前所照諸菩薩大眾以明離見五有一頌會前所照衆生六末後一頌明前法會周遍所由今疏意明不爲兩般合成一釋顯理離見二義相成故總出所以云觀資理成若不見理不成觀照理由觀顯者不得觀照安能會理無廢與弘之由人故觀成契理諸見自亡故合爲一釋皆帶顯理破見之義一一具於通別二意故初偈反顯明違理起見爲過失生後九順明會理則理顯而見息也

若有知如來體相無所有修習得明了此人疾作佛

餘偈順顯見理之益皆上三句觀相下句觀益於中九偈各是一義且分爲四初六觀佛次一趣求次一觀生後一了法初中初偈正顯佛菩提性本來自空稱此而知則無上失體謂真性相謂德相並性無所

有竟何所離本無有著誰為無著如是知者名為正解修習明了斯為正行下句觀益言疾作佛者約文殊門情盡理現即名作佛約普賢門信終圓收約行布說則不見此理成佛末期他皆倣此

本無有著者如精膠粘人

則有著不著之者虛空不粘雖為不著空中膠者情盡理現即名作佛者此順禪宗即事理無礙門也約普賢門正是華嚴即事事無礙門也約行布說此為千里之切也

能見此世界其心不搖動於佛身亦然當成勝智者

次一偈依正等觀佛菩提性依正無二故亦顯光所照處以明離見謂上半於前所見世界令離妄動知真法界不應動故次句例前八相佛身亦同平等不動而了故成勝智

亦顯光明等者上約通明今約別說令離妄動即是破見知真法界

不應動故即是顯理此句全是大般若曼殊室利分經云若菩薩不動法界知真法界不應動搖不可思議不可戲論如是能入一切相也不動而了故成勝智者此句觀益諸偈雖同皆是佛果差別之德而皆與觀相相順故顯不動而知以釋當成勝智

若於佛及法其心了平等二念不現前當踐

難思位

次偈佛法等觀了同體故二念豈生一亦不存得難思果

若見佛及身平等而安住無住無所入當成難過者

次偈生佛等觀言身即衆生以梵本中云佛及我故我即行人之身稱理普周云平等住平等則無能所故曰無住我即法性更不證入法性無性復何所入如是知者曠世難逢

我即法性下釋上平等即無能所故曰無住然有二意一上二

句明一性不分故無能所猶如一指不能  
 自觸二法性無性下明性空故無能所入  
 亦如虛空不住虛空此亦大般若身殊室  
 利分意彼經云佛告文殊汝於佛法豈不  
 趣求文殊言世尊我今不見有法非佛法  
 者何以趨求釋曰此即一性意也次佛問  
 云汝於佛法已成就耶文殊答言我部不  
 見法可名佛法何所成就釋曰即性空意  
 也次佛又言汝豈不得無著性耶文殊答  
 云我即無著豈無著性復得無著釋曰即  
 今疏云我即法途三般若文殊分云若知我性  
 性更不證入故十即知無法若知無法即無境界若無境界  
 即無所依若無所依即無所住也又本會  
 即住無所住新集則入無所入般若下引  
 用二意今即顯證無證前即闍問若皆平等云何分  
 住是彼次後經文  
 別有三寶耶智論答云平等即是三寶謂  
 平等即法寶法寶即是佛以未得法不名  
 佛故得平等法分別有須菩提等智論答  
 八十五論亦是經文須菩提問佛若云者即  
 無差別云何有三寶佛答即今疏文  
 色受無有數想行識亦然若能如是知當作

大牟尼

次偈會通平等謂上來主伴依正不離五  
 蘊五蘊性空即是平等有相差別總名為  
 數即同無為故非數法離數超世成寂靜  
 果

世及出世見一切皆超越而能善知法當成  
 大光耀

次偈拂上出世謂真出世者超越入出不  
 礙照知故成光耀又上第三偈佛即是法

第四偈法即是眾第五偈是三寶皆無為  
 相此偈與虛空等又上第三偈下收上四

名經寂根菩薩曰佛法眾為二佛即是法  
 法即是眾是三寶皆無為相與虛空等一  
 切法亦爾能隨此行  
 者是為入不二法門

若於一切智發生迴向心見心無所生當獲  
 大名稱



二有一偈趣求者以上雖離見而知猶恐  
滯寂故上半勸求次句又觀性離謂了迴  
向心本自不生是離相迴向也離相求佛  
得名稱果

衆生無有生若得如是智亦復無有壞當成  
無上道

三次一偈所見衆生亦皆稱真故無生壞

知無衆生是無上道故下經云無上摩訶

薩遠離衆生想故下經云無上摩訶薩遠  
離衆生想者即第十六經

無上慧菩薩偈下半云無有能過者故  
號爲無上今無生可壞即離衆生想

一中解無量無量中解一了彼互生起當成

無所畏

末後一偈知法即成前法會周徧所由上

半標門即十玄門中一多相容不同門也

次一句釋所由即十種所由中緣起相由

門也並如義分齊中謂一與多互相生起  
且一依多起則一是所起而無力也多是  
能起故有力也以多有力能攝一以一無  
力入於多是故此一恆在多中多依一起  
準上知之是則此多恆在一中也以俱有  
力及俱無力各不並故無彼不相在也以  
一有力一無力不相違故有此恆相在也  
緣起法界理數常爾稱斯而見何所畏哉  
由此緣起成前平等由前平等成此緣起  
文理昭然不許事事無礙恐未著深思  
與多下上標舉二門今正將緣起相由所  
以釋一多相容之門此中大意凡所知所  
起即無有力若能知能起即是有力廣如  
玄文由此緣起下結破靜法彼云此偈了  
一多平等謂解多由一起解一由多生無  
一不成多無多亦無一了彼一多相由生  
起一多之念息一多相平等此會差別歸  
平等性理事無礙非事事無礙應審思其  
文勿謬解也釋曰今疏即賢首意此公破  
師言是謬解故今結示即符昔大義中之

一也此公意云是理事無礙者以例前諸  
 偈多約會事歸理一切平等拂諸見故不  
 合是事無礙故今先出此偈本意言由  
 此緣起成前平等者上文本會則住無所  
 住新集則入無所入等皆平義何以得  
 此皆平等耶特由緣起互相由故且如本  
 會與彼十方新集之會共成緣起由本  
 會由因十方故十是所起無體即是本  
 力故入十方故由緣起成前一切皆悉平  
 等言由前平等成此緣起者謂一有定性  
 不由於多而有定性不由於一而由一無  
 定性假多而起多無定性由一而生故由  
 無性平等之義方成緣起若有一可一此  
 是定性一若有多可多此是定性多一若  
 是定性多不因此於一若是一自一性一  
 不因於多今由多故此一不自一今由  
 一故多此多不自多故此一不自多則無  
 力此一不自一此一則無力多則無力  
 一多互相收放隨一佛會即一切佛會法

界一切會即是一法會故此一法會不動  
 而常通不分而常多前後互相成如何不  
 信故賢首云緣起法界理數常爾應細深  
 思自當見耳觀此疏文似此弟子當聽之  
 時早已不受特令深忍故疏結云  
 不信事無礙恐未著深思也

爾時光明過此世界徧照東方十佛國土南  
 西北方四維上下亦復如是彼一一世界中

送二

十七

皆有百億閻浮提乃至百億色究竟天其中  
 所有悉皆明現如此處見佛世尊坐蓮華藏  
 師子之座十佛刹微塵數菩薩所共圍繞彼  
 一一世界中各有百億閻浮提百億如來亦  
 如是坐悉以佛神力故十方各有一大菩薩  
 一一各與十佛刹微塵數諸菩薩俱來詣佛  
 所其大菩薩謂文殊師利等所從來國謂金  
 色世界等本所事佛謂不動智如來等

第二重光照十方各十佛土者是娑婆隣  
 次之十刹也

爾時一切處文殊師利菩薩各於佛所同時  
 發聲說此頌言

眾生無智慧愛刺所傷毒為彼求菩提諸佛  
 法如是

十偈通顯菩提因果分三初偈菩提之因

次五菩提果用後四令物思齊今初上半  
 所為謂無明造業愛能潤業故生死無窮  
 如泥中刺不覺其傷如瘡中刺為其所毒  
 下半能為即從癩有愛菩薩悲生非大菩  
 提莫之能拔無此悲智非佛法故

如泥中者受欲

所覆猶如溺泥不知其傷言如瘡中刺者  
 即是肉刺故涅槃中名為息肉彼十三經  
 云際觀此愛凡有九種一如債有餘二如  
 羅刹婦女三如妙蓮華直下有毒蛇四如  
 惡食性所不便而強食之五如姪女六如  
 摩樓迦子七如瘡中息肉八如暴風九如  
 舊星初一即聲聞緣覺餘習二生子便食  
 後食其夫愛食善子後食衆生令入三惡  
 道三五欲華下有愛毒蛇今其命終四強  
 食患下墮三惡道五與愛交通奪其善法  
 故被驅逐墮三惡道六纏繞凡失善法今  
 死七如人久患瘡中生息肉其人要當勤  
 心療治莫生捨心若生捨心息肉增長五  
 疽復生以是因緣即便命終凡夫愚人五  
 陰瘡痍亦復如是愛於其中而為息肉應  
 當勤心治愛息肉若不治者命終即墮三  
 惡道中唯除善薩是名瘡中息肉八暴風  
 能僵山夷拔樹根愛於父母所而生  
 惡心拔菩提根九愛之替星能斷一切善  
 根令凡夫人孤窮饑饉今正用瘡中息肉

一義  
 普見於諸法二邊皆捨離道成永不退轉此  
 無等輪

次五菩提果用中初偈悲智雙滿智見諸  
 法悲以轉授普見通於性相故離二邊謂

真故無有俗故無無真故無有則雖無而  
 有俗故無無則雖有而無雖有而無則不  
 累於有雖無而有則不滯於無不滯於無  
 則斷滅見息不存於有則常著冰消俱不  
 俱等何由而有諸邊都寂故云皆離

途二

十八

普見通於

性相者此上總釋一偈此下列解上半上  
 半云普見於諸法二邊皆捨離今應問云  
 普見諸法如何即能離得二邊故今答云  
 通性相故唯見相者即是有邊唯見性者  
 即墮無邊性相無礙故離二邊中論云雖  
 空而不斷雖有而不常即由空有相即離  
 二邊也謂真故下引影中論序以釋之  
 真即是性俗即是相依二諦融故離二邊  
 然二諦之義玄中已明欲釋此疏畧申四  
 義謂或說妄空真有如涅槃云空者所謂

生死不空者所謂大般涅槃二者妄有真  
 空即是今文三俱空相待無性故此四俱有  
 性相不壞故於諦常自二故今此正當第  
 二俗有真空義而有四對初對定有無所  
 在我約真諦上說空是無性空不同無物  
 空也我就俗諦明有是緣有非定性之  
 有也二真故無有則雖無而有下一對彰  
 有無體相是不壞有之無不礙無之有故  
 成中道三雖有而無則不礙於有下彰有  
 無之德若是定性之有此有則唯是有不

得即無若是定性之無此無則唯是無不  
 得即有今二互相即故不偏滯四不滯於  
 無下一對彰有無離過滯空則斷累有則  
 常既不滯不累故無斷常又釋初對雙離  
 有無故云無有無無此成空觀第二對不  
 壞有無故云雖有而無雖無而有此成假  
 觀第三對明二諦相即故不偏滯有無故  
 不為有邊所動無虛所寂成中道觀肇公  
 亦云涉有未始迷虛故常處有而不染此  
 不累有也不厭有而觀空故觀空而不證  
 此不滯於無也第四離過準前有釋初對  
 中初句云真故無有無彼定性之有是真  
 空義下句俗故無無彼斷滅之無故是  
 妙有義第二對亦有無義第三對非有  
 非無義第四對離過則成具德四句也又  
 初對雙離二過一離有二離無第二對離  
 非有非無第三對離亦有亦無第四對總  
 明離過故起信云真如非有相非無相非  
 非有相非非無相非有無俱相即斯義也  
 是以結云俱不俱等何由而有謂第四對

正離斷常第三對不偏滯故離於俱句第  
 二對不壞二故離於雙非故俱寂也又若  
 有二對可得名俱今有即無故則有外無  
 可與有俱今無即有故則無外無有可與  
 無俱故亦有亦無相違不立言不俱不立  
 者若定有有無遮彼有無有俱非句今有  
 即無何有非無今無即有有何有非有故雙  
 非亦寂既無有無亦無一異斷常來去靡  
 不皆如故云寂是無以經言二邊皆捨離  
 皆捨離者一切二邊非局有無又言離者

性自離故不取若故了真  
 性故非有諸邊可捨離也

不可思議劫精進修諸行為度諸眾生此是

大仙力

次一美往因行

導師降眾魔勇健無能勝光中演妙義慈悲

故如是

次一慈力降魔

說波句兵眾滿三十六由  
 句聞菩提樹欲作留難菩薩住慈悲智慧  
 以手指地八萬四千八部大衆皆發大菩  
 提心故云慈力降魔經云導師降眾魔慈  
 悲故如是觀佛三昧海經第二說觀白毫  
 功德中說慈悲降魔今取意引波句召諸  
 八部及曠野鬼神十八地獄閻羅王神其

以彼智慧心破諸煩惱障一念見一切此是

降魔

阿鼻等諸大地獄全至佛所及有無邊諸  
 怖畏事一時逼迫菩薩爾時徐舉右  
 臂申眉間毫下向用擬阿鼻地獄令諸罪  
 人見白毫中流出泉水澍如車軸火滅苦  
 息心得清涼獄卒見鐵又頭如白銀山龕  
 室千萬有白師子蟠身為坐於其座上生  
 白蓮華有妙菩薩入勝意慈心三昧獄主  
 發心衆多罪人諸苦休息稱南無佛皆得  
 解脫無邊惡事無由近佛魔王憔悴懊惱  
 却卧床上有三魔女又懷惑亂菩薩亦以  
 白毫擬之諸女皆見三十六物九孔不淨  
 背負老母抱死小兒皆九孔流溢匍匐而  
 去魔王奮劍向前世尊又以白毫擬之令  
 魔眷屬身心安樂如得三禪餓鬼見白毫  
 端皆有百千萬億諸大菩薩入勝意慈心  
 三昧皆是慈力降魔經云光中演妙義者  
 即眉間光謂時魔波旬既不能壞佛忽然  
 還官白毫隨從直至六天於其中間無數  
 天子天女見白毫孔簡中皆空團圓可愛  
 如梵王幢於其空間有百千萬恆河沙微  
 塵數諸寶蓮華一一蓮華無量無邊諸妙  
 白毫以為其臺臺上有化佛菩薩放於白  
 毫大人相光亦復如是諸菩薩頂有妙蓮  
 華其華金色過去七佛在於華上是諸化  
 佛自說名字與修多羅等無差別即中  
 演妙義也然是慈心三昧之力是故總云  
 慈力

佛神力

次一智斷致用

次一智斷者初句智次句  
 斷此即精義入神故能一  
 念頓現一切是致用也易繫辭云尺蠖之  
 屈以求信也龍蛇之蟄以存身也精義入  
 神以致用也注云精義物理之微者也神  
 寂然不動感而遂通者也故能乘天下之  
 微會通其用也今借此言以  
 智斷冥契為精義入神耳

擊于正法鼓覺悟十方刹咸令向善提自在  
 力能爾

後一法鼓警機文相並顯

不壞無邊境而遊諸億刹於有無所著彼自  
 在如佛

後四令物思齊者斯即佛因能如是行得

諸佛道四偈顯四種行一游刹無著謂不

壞其相故能普游了刹性空故於有無著

諸佛如虛空究竟常清淨憶念生歡喜彼諸

願具足

二念佛生喜上半所念法身顯故如空永  
常解脫累亡如空清淨下半能念憶持明  
記故喜生願足

一一地獄中經於無量劫為度眾生故而能  
忍是苦

三亡苦濟物

不惜於身命常護諸佛法無我心調柔能得  
如來道

四護法輕身文並可知

大方廣佛華嚴經疏鈔會本第十三之一

音釋

溺	<small>刀屈切</small>	疽	<small>正作疽七</small>	瘻	<small>音東</small>	肇	<small>紹</small>	澍	
<small>沒也</small>		<small>余切</small>	<small>蟲也</small>	<small>瘡也</small>		<small>方</small>	<small>問</small>		
<small>朱成切</small>	甫	匄	<small>匄音蒲匄</small>	奮	<small>方</small>	尺			
<small>與注同</small>	<small>郭切</small>	<small>尺</small>	<small>匄以手行也</small>	<small>與信同</small>	<small>信</small>	<small>抽</small>	<small>知</small>		
<small>蠖</small>	<small>鳥</small>	<small>求</small>	<small>信</small>	<small>與</small>	<small>信</small>	<small>同</small>	<small>同</small>		
<small>蠖</small>	<small>屈</small>	<small>信</small>	<small>與</small>	<small>同</small>	<small>同</small>	<small>同</small>	<small>同</small>		
<small>徐</small>	<small>醉</small>	<small>切</small>							
<small>妖</small>	<small>星</small>	<small>也</small>							

大方廣佛華嚴經疏鈔會本第十三之三 途三

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時光明過十世界徧照東方百世界南西

北方四維上下亦復如是彼諸世界中皆有

途三

百億閻浮提乃至百億色究竟天其中所有

悉皆明現彼一一閻浮提中悉見如來坐蓮

華藏師子之座十佛刹微塵數菩薩所共圍

繞悉以佛神力故十方各有一大菩薩一一

各與十佛刹微塵數諸菩薩俱來詣佛所其

大菩薩謂文殊師利等所從來國謂金色世

界等本所事佛謂不動智如來等

### 第三重光照百界

爾時一切處文殊師利菩薩各於佛所同時

發聲說此頌言

佛了法如幻通達無障礙心淨離眾著調伏

諸群主

偈中顯佛八相菩提十偈分二初偈標德

充滿後九別廣調生 今初謂了俗即真

故如幻本虛真不礙俗故達諸法相性相

無礙是真通達無二礙著則轉依心淨大

悲同體故調伏眾生則三德備矣故能攝

化性相無礙者疏釋通達無礙有其二義

一所述之法性相無礙二能了之智無

有二礙二礙即二障了相故無智障了性

故無惑障故次句云無二礙著則轉依心

淨者謂轉無常雜染之依唯以功德依常

法身故云心淨通達是智無礙是斷調生

人中月

或有見初生妙色如金山住是最後身永作

後九中即悲願自在調伏普周雖數越塵

沙略論其九皆言或見者然有多義一或

多機異處各感見二或同處各見三或異  
 時別見四或同時異見五或同時異處見  
 六或同處異時見七或異時異處見八或  
 同時同處見九或一人於同異交互時處  
 見多人所見十或一人於同異俱時處見

一切人所見以是普眼機故然佛不分身

無思普現也皆言或見者此九別中有九或見在義易了而人尚迷今

寄清涼五蓋求見文殊以況法界見佛差別總有十義一或多機異處各感見者如  
 有五人名為多機各在一蓋名為異處一  
 人南蓋見菩薩一人西蓋見師子一人中  
 蓋見萬聖一人東蓋見化佛一人北蓋見  
 聖僧是各感見也二或同處各見者五人  
 同在中蓋故云同處一見菩薩一見師子  
 等故云各見三或異時別見者一人朝見  
 菩薩暮見化佛等四或同時異見者上異  
 時別見不局一人多人今此要多人謂  
 二人同於展朝一見化佛一見菩薩五或  
 同時異處見者亦約多人同於晨旦一於  
 東蓋見一於北蓋見所見之境或同或異  
 或見菩薩亦是同時異處見或則一見菩  
 薩一見化佛亦同時異處六或同處異時  
 見同於中蓋朝見暮亦見而能見亦通

人多人所見亦通一境異境但取處同時  
 異耳七或異時異處見時則朝暮不同處  
 則東西蓋別而能見亦通一人多人謂或  
 一人朝於中蓋見菩薩於北蓋見菩薩  
 異人可知然多約一人其所見境亦通同  
 異同見菩薩如上已明或一人朝於中蓋  
 見菩薩於北蓋見師子然多分且約一  
 境八或同時同處見亦約多人同在中蓋  
 同於中時見菩薩所見亦通同異且約同  
 說九或一人於同異交互時處見多人所

見者言同異交互時處者謂同時異處異

時同處名交互時處然同時異處即是第

五而要是多人異時同處即是第六通一  
 人多人今唯一人頓見前多人所見此機  
 亦是不思議人能於同時異處見故謂有  
 一人於晨朝時在於中蓋見中蓋多人所  
 見亦在西蓋見多人所見又於中蓋於朝  
 於暮皆見多人所見也十或一人於同異  
 俱時處見一切人所見者謂同時同處異  
 時異處名同異俱時處既是一人時該多  
 時處遍諸處見通諸境故是普眼機也然  
 佛不分身下不分而遍無思普現頓應前  
 十一初生時身如夜月皎鏡可觀智猶滿  
 月清涼照物故云永作  
 或見經行時具無量功德念慧皆善巧丈夫  
 師子步



二行七步時顯其具德

或見紺青目觀察於十方有時現戲笑為順  
衆生欲

三顧眄時觀方現笑

或見師子吼殊勝無比身示現最後生所說  
無非實

四師子吼時說我獨尊

或有見出家解脫一切縛修治諸佛行常樂  
觀寂滅

五出家時解縛修寂

或見坐道場覺知一切法到功德彼岸癡暗  
煩惱盡

六坐道場時障盡德圓

或見勝丈夫具足大悲心轉於妙法輪度無  
量衆生

七轉法輪時因悲度物

或見師子吼威光最殊特超一切世間神通  
力無等

八顯神通時調彼難調

或見心寂靜如世燈永滅種種現神通十力  
能如是

九示入涅槃不妨神用又下二句亦總結

前九皆是神通並有深意如第八會如第八會

者即五十九經各有十意說者應引

爾時光明過百世界徧照東方千世界南西

述三

北方四維上下亦復如是彼一一世界中皆

有百億閻浮提乃至百億色究竟天其中所

有悉皆明現彼一一閻浮提中悉見如來坐

蓮華藏師子之座十佛刹微塵數菩薩所共

圍繞悉以佛神力故十方各有一大菩薩一

一各與十佛刹微塵數諸菩薩俱來詣佛所  
其大菩薩謂文殊師利等所從來國謂金色  
世界等本所事佛謂不動智如來等

第四重光照千界

爾時一切處文殊師利菩薩各於佛所同時

發聲說此頌言

佛於甚深法通達無與等衆生不能了次第  
爲開示

頌中顯菩提體性十頌分三初偈雙具悲  
智爲菩提體次四三德內圓後五即體悲

用 今初上半智深下半悲濟

我性未曾有所亦空寂云何諸如來而得  
有其身

次四偈中一歎菩提永絕二我德謂二我  
之見必因於身今觀於身若我即陰我即

述三

五

生滅若我異陰以何相知故但妄情曾未  
覺有既無有我誰是我所我我所空身從

何有無身之身顯法身德今觀於身者即  
中論法品中意

論云若我即五陰我即為生滅若我異五  
陰則非五陰相若無有我者何得有我所  
內外我我所盡滅無有故諸受即為滅受  
滅則身滅業煩惱滅故名之為解脫業煩

惱非實入空藏論滅釋曰上中論意正觀  
於身五陰之法而如來品五蘊上求如來

亦就於我及我所說則如自觀身實相觀  
佛亦然若了二我本自空寂則見法身湛  
然常住疏中初二句即論初兩句明即陰  
無我陰是有為生滅之法我即是陰故同

生滅次兩句是論第二兩句異陰無我而  
論主但云則非五陰相今云以何相知者  
是長行釋語謂凡一切法皆以相知有離

陰有我則不以五陰為相為用何相知有  
我耶故但妄情結成論意妄情計有我性  
實無故云我性未曾有既無有我下以我  
破所釋經我所亦空寂即論云若無有我  
者何得有所我我所空寂下無我遺身釋

外我我所下一偈半文無身之身下結歸  
疏意三德內圓法身為一耳故  
經云佛以法為身清淨如虛空

解脫明行者無數無等倫世間諸因量求過

不可得

二顯解脫般若德涅槃二十五云貪瞋癡

心永斷滅故心善解脫於一切法知無障

礙故慧善解脫涅槃略有一百八句以顯

深廣二顯解脫般若者即三德之二也先擇解脫德引於涅槃略有二種即二

十五經高貴德王菩薩品第八功德中一  
斷滅故是名菩薩心善解脫若瑜伽十  
五云由三種相當知心善解脫一於諸行  
遍了知故二於彼相應煩惱斷德作證故  
三煩惱斷已於一切處離愛住故經云  
何菩薩慧善解脫菩薩摩訶薩於一切法  
知無障礙是名菩薩善解脫因慧解脫  
昔所不聞而今得聞昔所不見而今得見  
昔所不至而今得至釋曰心善解脫即滅  
定障慧善解脫即脫智障二障既除然  
無繫故名解脫涅槃下經重復問起以顯  
前義謂心定有食等則不可脫定無貪等  
即不須脫欲明相有性無此二無礙方名  
解脫涅槃畧有一百八句者即第五經廣  
釋三德解脫之德迎業問言世尊何等名  
為涅槃善男子夫涅槃者名為解脫先示  
其體亦色非色下迎業重請明解脫相爾  
時迦葉菩薩復白佛言世尊唯願哀愍重  
垂廣說大般若涅槃解脫之義佛讚迦葉善

哉善哉善男子真解脫者名曰遠離一切  
繫縛若真解脫離諸繫縛則無有生亦無  
和合譬如父母和合生子真解脫者則不  
如是是故解脫名曰不生迦葉譬如醜  
其性清淨如來亦爾非因父母和合而  
其性清淨所以示現有父母者為欲化  
諸衆生故真解脫者即是如來如來解脫  
無二無別譬如春月不諸種子得暖潤氣  
尋便出生真解脫者則不如此是此是一  
餘如彼經然依遠公云以義相從有九十

四句隨別細分有一百九句第二十二無  
通切中別有七句第二十三無動義中有  
四句第二十四希有義中有其二句第二  
十五虛寂義中亦有兩句第四十甚深義  
中有其二句第五十一平等義中亦有兩  
句第六十七無窄狹中有其三句餘各有  
一是一故分為一百九句今言一百八者即  
於二十二無通切中但有六句以遠公見  
七喻故分為七而第三句云云何通切不  
遍切耶譬如凡夫我慢自高而捉蛇虎毒  
蟲是名通切不遍切者如轉輪王所有神  
珠能伏毒蟲名不遍切六句皆是無通切  
義唯此一句兼明遍切以顯無遍看似兩  
句實是一句表除百八煩惱亦同楞伽百  
八句言明行者即般若德若作明行足釋  
即禪慧德瑜加三十八云明謂三明行謂  
止觀二品涅槃十六又云明者三明一菩

薩明二佛明三無明明菩薩明者即是般  
若波羅蜜佛明者即是佛眼無明明者即  
畢竟空然皆般若因果理智異耳足有二

義一脚足義約因二圓足義約果此文略  
無言明行者即般若德朗照萬法故稱明  
無行者即如來具三德入若作明行足釋

者重釋明行二字即十號之一先引瑜伽  
由有止觀云禪慧德彼後更有釋極善圓  
滿以釋足義得滿足義無脚足義故疏不  
引涅槃十六下此經十八先釋明後釋行  
前中先引經彼有四釋今當第四就修行  
證入釋明即證入之體後然皆下是疏釋  
經菩薩明者因中證智佛明者果中證智  
上二皆智無明明者是所證理智即觀照  
理即實相智度論云說智及智處俱名為  
般若即斯義也足有二義者即釋行字此  
中畧無足字行字所攝然經四釋不出二  
義第一釋云明者名得無量善果行名脚  
足善果者名無上菩提脚足者名為戒慧  
乘戒慧足得大菩提名明行足釋曰此則  
據果尋因釋以明為果以行為足行即足  
脚足義也行足不分是今經意二者經云  
又復明者名咒行者名吉足者名果善男  
子是名世間義咒者名為解脫吉者名無  
上菩提果者名大涅槃釋曰此偏就果德  
釋然以世間况於出世此以涅槃為足是

滿足義亦智斷總別耳三者經云又復明  
者名先行者名業足者名果善男子是名  
世間義光者名不放逸業者名六波羅蜜  
果者名無上菩提釋曰此即從因趣果釋  
謂明行皆因以足為果前釋三皆是果此  
獨菩提是果今疏所引即當第四但引釋  
明彼釋行足云行者於無量劫為眾生故  
修諸善業足者明見佛性釋曰此亦滿足  
釋足以足為果以行為因行足義開今無  
經無足故取初釋行足合義不引此文無

數下顯其離過非有為故無數超下位故  
無等豈是因明能求其過因明立量依世  
俗分別定有定無故曰世間今體絕有無  
故彼莫能過也如說佛聲非定有故不同  
外道立常從法性生離造作故不同菩薩  
所立無常三科皆爾豈將佛德判屬無常  
諸因量者謂諸因諸量及自他共等三種  
比量比量雖有三支五分因是量主故曰  
因量 無數下顯其離過即下三句於中有  
四一總明二因明立量下釋世間義  
三如說佛聲下指事以明求過不得定有  
則常今非定有不同外常因緣造作即是

無常今從法性故難造作不同無常何可  
 求過四諸因言諸量者謂現量比量及聖言  
 生因了因者所由所以順益待籍之義相  
 量所由有者所由所以順益待籍之義相  
 也為由有此等名所以此即要宗之所  
 明故說此等名所以此即要宗之所  
 由亦是宗之能建立宗故名因也又因有  
 一向一過是宗法性二同品定有性三異品  
 相一過是宗法性二同品定有性三異品  
 遍無性如立聲是無常餅等為同品虛空  
 等為異品於同品定有異品遍無是無常  
 等因同喻異喻皆名喻也及自他共下因  
 明第二疏中廣說今畧示之如薩婆多立  
 無表色自立量云我無表色定是實色許  
 色性故如許色聲等此即自比量謂自立  
 義今他解了二他比量者於他立中出宗  
 因過如大乘破薩婆多云汝無表色非定  
 實色許無對故如心所三共比量者於  
 他立中出比量過因為量主者此即彼中  
 三支有闕妨問夫論立量三支圓滿果明  
 不舉獨唱因明答有二解一云對敵申量  
 即能立三支具足敵者起智所由並得稱  
 因所生敵智即就為明理智合舉故說因  
 明二云就比量中有許未許為成未許必  
 有能成即能成是因所成是宗宗由因顯  
 義得分明此即因果雙彰理無違妨上之  
 二義正以後義因為量主又經中云世間  
 諸因量者亦可世間相違求過不得也

佛非世間蘊界處生死法數法不能成故號

第一三三冊 大方廣佛華嚴經疏鈔會本 一五二五五七

人師子

三一偈歎佛超絕三科德蘊者聚義謂是  
 有為生死果相界者種族義謂是愛著生  
 死因相處者生門義謂諸識內外緣相然  
 不離色心俱舍論云愚根樂三故說蘊處  
 界三蘊等有二一者有漏是世數法佛非  
 此成二是無漏則佛非無因滅無常色等  
 獲常色等故如來妙色常安隱故蘊者聚  
 俱舍界品云彼論問云蘊處界等別義云  
 何頌曰聚生門種族是蘊處界義釋曰初  
 句釋義次句結成聚謂積聚即是蘊義諸  
 有為色若過去若未來若現在若內若外  
 若蘊若細若劣若勝若近若遠如是一切  
 畧為一聚說名色蘊言蘊細者可見有對  
 為蘊餘二為細又不可見有對望上為細  
 望不可見無對為蘊三唯是細染汗名劣  
 不染汗名勝現在名近過未名遠餘蘊例  
 然但蘊細一門有異謂意識相應四蘊為  
 細五識相應五蘊為依五根故或約九  
 地下地為塵上地為細言生門者處義謂  
 六根六境是心所生門處言種族者  
 界義論有兩釋一族者謂種族也是生本

五八三 龍藏

義謂十八界為同類因各生自類等流果  
 故是法生本二族類義十八種法種類自  
 性各別不同也俱舍論下此之半偈論明  
 教起不同謂愚有三一愚心所為我二愚  
 色三雙愚心色如次配三言根有三者謂  
 上根聞畧得悟故說五蘊中根聞中說十  
 二處下根聞廣方了說十八界言樂三者  
 謂樂畧說蘊樂中說處樂廣說界因滅無  
 常色即涅槃三十八如下當引如來妙色  
 常安隱故但要此句具有一偈云妙色甚

然常安隱不為時節劫數遷大聖  
 曠劫行慈悲獲得金剛不壞體

其性本空寂內外俱解脫離一切妄念無等  
 法如是

四歎佛超離根境德境智雙寂契彼性空  
 根塵兩亡內外解脫亦常照內外脫於無

知空尚不存妄從何起四歎佛者即是初  
 法不寂獨歎如來故疏答云境智雙寂契  
 彼性空故為佛德所以無心於物境則未  
 亡攝境歸心又未寂今佛寂照方契性  
 空此以第二句成上第一句次言根塵兩  
 亡內外解脫即上句釋下句由契性空故  
 亡根塵心所知法一切皆空故亡塵也能  
 知之心亦不可得故亡根也由內亡故根  
 不能繫由外亡故境豈能牽真解脫也斯

乃解脫惑障次云亦常照者此智障解脫  
 上寂此照寂照無二真佛心也空上不存  
 者舉况釋第三句空為所契尚又上四偈  
 不當心妄念空華直當佛意  
 初一法身故常二無過故樂三數不能成  
 故自在稱我四解脫故淨

體性常不動無我無來去而能悟世間無邊

悉調伏

後五即體悲用中初偈不動普應德上半

不動下半普應二我永亡稱性不動智周

法界何有去來

常樂觀寂滅一相無有二其心不增減現無

量神力

次偈動寂無二德三句入寂一句起用一

相是表所謂無相無二是遮體不可分又

無二者非對有說無也觀無始終故心不

增減三輪之化云無量神力

不作諸衆生業報因緣行而能了無礙善逝法如是

次偈無染了機

種種諸衆生流轉於十方如來不分別度脫無邊類

次偈度心平等

諸佛真金色非有徧諸有隨衆生心樂爲說寂滅法

後偈無生現生智契非有悲心徧生隨機引之令歸常寂

爾時光明過千世界徧照東方十千世界南西北方四維上下亦復如是彼一一世界中皆有百億閻浮提乃至百億色究竟天其中所有悉皆明現彼一一閻浮提中悉見如來坐蓮華藏師子之座十佛刹微塵數菩薩所

連三

十一

共圍繞悉以佛神力故十方各有一大菩薩一一各與十佛刹微塵數諸菩薩俱來詣佛所其大菩薩謂文殊師利等所從來國謂金色世界等本所事佛謂不動智如來等

第五重光照十千界

爾時一切處文殊師利菩薩各於佛所同時發聲說此頌言

發起大悲心救護諸衆生永出人天衆如是業應作

頌中明等菩提因行文有十行皆三句辨相一句勸修雖皆作業而展轉深細略分爲五初一大悲下救業不求自利故云永出人天

意常信樂佛其心不退轉親近諸如來如是業應作

次四修智上攀業一信二樂三念四學又

初一長時修常信不轉故次四修智下疏

別一行後意通修諸行文雖局一義乃兼

通如長時修謂長時信長時樂長時念長

時學下三亦然若約

志樂佛功德其心永不退住於清涼慧如是

業應作

次一殷重修志樂不退故清涼慧者無惑

熱故

一切威儀中常念佛功德晝夜無暫斷如是

業應作

次偈無間修不暫斷故

觀無邊三世學彼佛功德常無厭倦心如足

業應作

後偈無餘修常徧學故

觀身如實相一切皆寂滅離我無我著如是

業應作

途三

十二

五八六

龍藏

三有一偈內照業觀身實相者如淨名觀

佛前際不來等又如法華不顛倒等如淨

即見柯閱佛品佛問維摩詰汝欲見如來

為以何等觀如來乎維摩詰言如來自觀身

實相觀佛亦然我觀如來前際不來後際

不去今則不住不觀色不觀色如不觀色

性不觀受想行識不觀受想行識如不觀

受想行識性非四大起同於虛空六入無

積眼耳鼻舌身心已過不在三界三垢已

離順三脫門三明與無明等不一相不異

相不自相不他相非無相非取相不此岸

不彼岸不中流而化衆生觀於寂滅而不

未滅等彼以觀身實相用觀如來今但自

觀為小異耳真實觀同又如法華者即安

樂行品第二親近處經云文殊師利又善

薩摩訶薩觀一切法空如實相不顛倒不

動不退不轉如虛空無所有性一切語言

道斷不生不出不起無名無相實無所有

無量無邊無礙無障但以因緣有從顛倒

寂滅如涅槃即上半也又云諸佛或說我

云諸法實相者心行言語斷無生亦無滅

實相即理實相也云皆寂滅 中論法品



或說於無我諸法實相中無我無非我即

下半也中論法品下引論全釋一偈然順

後釋義論云諸佛或說我或說於無我諸

法實相中無我無非我諸法實相者心行

言語斷無生亦無滅寂滅如涅槃一切實

非實亦實亦非實非實非實是名諸佛

法自知不隨他寂滅無戲論無異無分別

是則名實相若法從緣生不即不異因是

故名實相亦不斷是名諸世尊教化甘露味釋曰此

有六偈大分為四初三明實相之由四有一

智契實相三有一偈明實相之由四有一

尚明實相之教初三中初一明實相雙非

次一明其深寂後一語其體圓又三足橫

廣二是堅深初一非深非廣又初一對我

說實相二約性顯實相三該通性相明實

相以實是性非實是相故畧知大旨今之

所用但用二偈初以豎深釋經上半以心

絕動搖言七四句故云心行言語斷理圓

言偏理與言絕故云言語道斷以欲言其

有無狀無形欲言其無聖以之靈故口欲

辨而辭喪心以取相為行實相無相故絕

得也次以雙非實相釋經下半離我無我

者超二乘故能悲濟就體明此下對人以

唯我二唯無我三者雙辨即生死無我

涅槃有我四雙非上二互形奪故我下復

以顯成前對人謂唯我即凡夫無我即二

乘雙辨對小說大涅槃二乘之人但見無我不

見於我雙非即泯絕大小二者直就大乘

性相說亦有此四初句唯一真我迎然獨

雙觀不壞性相雙非句性相融即故互奪

兩七三者但約觀照第一句知諸不生妄

業應作

等觀眾生心不起諸分別入於真實境如是

四一偈等觀業大悲同體所以等觀見真  
息妄不起分別妄盡契如名入真實

悉舉無邊界普飲一切海神通大智力如是  
業應作思惟諸國土色與非色相一切悉能  
知如是業應作十方國土塵一塵為一佛悉  
能知其數如是業應作

五後三偈大用業初偈神足通後二法智  
通於中初一知土法性土為非色餘皆為  
色此二融即皆悉委知後一知佛又十展  
轉者初悲欲救生當云何救信樂近佛樂  
其何法樂佛功德佛以功德成其身故空  
樂何益當念念修學學他不如自觀自觀  
不及物我齊致入真滯寂當起大用用何  
所為當擬窮十方界入諸佛海

爾時光明過十千世界徧照東方百千世界

卷五

十四

南西北方四維上下亦復如是彼一一世界  
中皆有百億閻浮提乃至百億色究竟天其  
中所有悉皆明現彼一一閻浮提中悉見如  
來坐蓮華藏師子之座十佛刹微塵數菩薩  
所共圍繞悉以佛神力故十方各有一大菩  
薩一一各與十佛刹微塵數諸菩薩俱來詣  
佛所其大菩薩謂文殊師利等所從來國謂  
金色世界等本所事佛謂不動智如來等  
第六重照百千界即第二答佛威德問威  
德約身故

卷三

十五

爾時一切處文殊師利菩薩各於佛所同時  
發聲說此頌言

若以威德色種族而見人中調御師是為病  
眼顛倒見彼不能知最勝法

前五法身後五智身前中分二初一揀迷

謂以威德則自在熾盛色相則端嚴吉祥  
種族則名稱尊貴雖是薄伽而見從外來  
取相乖於最勝故為倒見猶眼有病故見

外空華執內為外謂空為有

初一揀述以初句下五字

為三節攝佛地論數佛偈云自在熾盛與端嚴名稱吉祥及尊貴如是六種義差別

應知總名薄伽梵今文具用翻此六義以顯真佛最勝之法初以自在熾盛二德釋其威德論云自在者永不繫屬諸煩惱故熾盛者猛銳智光所燒煉故此內威德由內具此智斷二德外攝羣魔制諸外道二以端嚴吉祥釋於色字色即色相論云端嚴者三十二相所莊嚴故吉祥者一切世間親近供養咸稱歎故三以名稱尊貴釋種族字論云名稱者一切殊勝功德圓滿無不知故尊貴者具一切德常起方便利益世間安樂一切無懈廢故此上二德前是功德後是大悲悲智功德為佛種族謂佛以功德為種性故佛以大悲為根本故為出生故即內種族故能悲現利帝利種雖是薄伽依此而取未免顛倒見從外來即不了唯心是起信文云見從外來取色分齊取相二字向上成心外取相若就當句設取心佛亦為取相不了真佛無相相故言顛倒者顛者頂也頂合在上向下即

倒如是合無為有合內為外皆名顛倒故舉空華喻通二義  
如來色形諸相等一切世間莫能測億那由劫共思量色相威德轉無邊

後四示悟顯最勝法初偈明如來色相無邊故超情莫測無邊有二一深故隨一一

相稱真無邊二廣故謂具十蓮華藏塵數之相

如來非以相為體但是無相寂滅法身相威儀悉具足世間隨樂皆得見

次偈釋上二義前半釋深相即無相故後

述三

半釋廣無相之相故廣復有二一無限因

十六

成二應機普現謂色無定色若金剛之合

朱紫形無定形猶光影之任修短相無定

相似明鏡之對妍媸故隨樂皆見

一無限因成者

此中無文舍在隨樂見中上普與雲幢主水神偈云清淨慈門刹塵數共生如來一

妙相一一諸相莫不然是故見者無歡足  
 此一慈門已無量矣况於諸門出現寶光  
 主海神云不可思議大劫海供養一切諸  
 如來普以功德施羣生是故端嚴最無比  
 即施門無量也普發迅流主河神云如來  
 往昔為衆生修治法海無邊行即無限因  
 也如是等或一切因共成一相或一切因  
 成一切相等故云無限二應機普現者下  
 舉三喻別喻色形諸相三法

佛法微妙難可量一切言說莫能及非是和  
 合非不合體性寂滅無諸相

三一偈明所證超情以成前義前半止顯  
 謂欲言其有體相寂滅欲言其無色相無  
 邊故止言顯妙唯智方契故心慮巨量理  
 圓言偏故言說莫及後半重釋謂應緣非  
 不合住體非和合又緣起修成非不合契  
 真相盡非和合又緣即非緣故非和合非  
 緣即緣故非不合合相離故無諸相非合  
 亦離體寂滅也後半重釋者前半云難可量則心行處滅言說莫及

則言語道斷今重釋者何以寂滅諸相心  
 言問及耶釋意云寂滅是不和合義遠崇  
 皆見是和合義今亦不可作合與不合而  
 知而說故重釋之於中寄三身說初約法  
 身住體通應釋則前無相寂滅即是住體  
 隨樂皆見即是通應故今以二義相奪故  
 非合不合其住體通應猶如虛空隨其寂  
 陳方圓大小又緣起修成下約報身修成  
 契實說如鑄金成佛像全同金亦互奪巨  
 說又緣即非緣下約化身應緣說猶如影

像有而即虛亦二相奪不可得說  
 已釋上句從合相離故下釋下句

佛身無生超戲論非是蘊聚差別法得自在  
 力決定見所行無畏離言道

四有一偈明能證超絕結歸佛身上來體  
 性寂滅遣有身相具足遣無非合不合遣  
 俱有無而復謂佛是非有非無還成戲論  
 中論云戲論破慧眼是皆不見佛故次遣  
 之謂妄惑不生故非蘊聚起心則生便成  
 戲論中論云若即如來品此前更有一偈云如是性空中思惟不可得如來滅度後分別於有無青目釋云諸法實相性空故不應於如來滅後思惟若有若無若

有無俱如來從本已來畢竟空何況滅後  
釋曰此偈總遺三句次偈云如來過戲論  
而人生戲論戲論破慧眼是皆不見佛此  
偈二意一者仍前破第三此破第四非有  
非無戲論謗句即今疏文二者總遺四句  
百非謂起心動念皆成戲論非局第四故  
次疏云安惑不生故非蘊聚起心則生便  
成戲論彼青目釋云戲論名憶念取相分  
別此彼言佛滅不滅等是人為戲  
論覆慧眼故不能見如來法身  
**決定見**

者不隨境相名自在力有無不能累其神

故無畏也非言行處為絕言道

決定見下  
釋下半謂

決定見者則見法身如來法身其相云何  
論云如來所有法即是世間性如來無有  
性世間亦無性真妄無性即佛法身如是  
見者不隨相轉若隨相轉則不自在不隨  
相轉即決定見見同無性能所雙寂何  
有有無能累其神則不累有無等也

身心悉平等內外皆解脫永劫住正念無著

無所繫

後五智身中初知解脫智謂外身非業繫

內心無取著為皆解脫常契等理故云正

念又內脫二障外用無羈此明自在

初一  
知解

脫智此偈第四句結數疏總不別釋口句  
交絡相合而釋謂初句身字合次句外字  
初句心字合次句內字云外身內心平等  
二字是身心理解脫二字通上身心內外  
而解脫不同外身脫業繫若相即以解脫  
上取外身下取第四句中無所繫字內心  
脫執取等相即以解脫字上取內心下取  
第四句中無著二字心無取著即為能證  
契上平等名為正念是第三句四句因夫  
又內脫二障更為異解上解脫字別配身

心皆離障解脫今釋內解脫者離障解脫  
外解脫者作用解脫如淨名有解脫名不  
可思  
議等

意淨光明者所行無染著智眼靡不周廣大

利衆生一身為無量無量復為一了知諸世

間現形徧一切此身無所從亦無所積聚衆

生分別故見佛種種身心分別世間是心無

所有如來知此法如是見佛身

下四大用自在展轉相釋初一以寂照智

利生意淨寂也光明照也淨故無著明故

智周故能大作佛事次一云何利生謂變

化智自在上半一多無礙下半隨器普現

次倡明一多所從以無生智隨物而感謂

一身多身但由衆生分別心起故無積無

從其猶並安千器數步而千月不同一道

澄江萬里而一月孤暎情隔則法身成異

遠三

十九

心通而玄旨必均云云自他於佛何預後

倡復拂前迹謂即前分別之器亦無所有

妄見之身豈當可得此法是佛所知嘗依

此理見錄此後二句兼通結上

謂即前等者上云月

之一多出器有異佛之一多白感不同今

云心分別世間是心無所有則分別之器

亦忘也其猶夢中見器中之月豈唯月之

不實實亦器本自無能現之器即無所現

之月安有約法可思此法是佛

下釋下半依此見佛則如佛見

大方廣佛華嚴經疏鈔會本第十三之二

音釋

紺青 紺古暗切青赤色也 眇 彌箭切邪視也 翛 思遠切翛然飛羽貌 阿 窄

狹隘也 妍媸 妍倪堅切好也媸居宜切 羈 居宜切 阿

閱 動荒語也初六切 隙 豈逆切

大方廣佛華嚴經疏鈔會本第十三之三 途四

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時光明過百千世界徧照東方百萬世界  
南西北方四維上下亦復如是彼一一世界

諸

中皆有百億閻浮提乃至百億色究竟天其

中所有悉皆明現彼一一閻浮提中悉見如

來坐蓮華藏師子之座十佛刹微塵數菩薩

所共圍繞悉以佛神力故十方各有一大菩

薩一一各與十佛刹微塵數諸菩薩俱來詣

佛所其大菩薩謂文殊師利等所從來國謂

金色世界等本所事佛謂不動智如來等

第七重光照十方百萬世界此下四段答

法性問佛以功德爲法性故即分爲四初

一總顯内外包攝德二方便幹能德三大

悲救攝德四因果圓徧德今初段

爾時一切處文殊師利菩薩各於佛所同時

發聲說此頌言

如來最自在超世無所依具一切功德度脫

於諸有無染無所著無想無依止體性不可

量見者咸稱歎光明徧清淨塵累悉蠲滌不

動離二邊此是如來智

偈中分二前五歎佛法難思後五示入方

便今初分三初三直就佛明次一對機以

辨後一約法以明今初初一句所緣及一

切種智清淨於所緣所知中無礙智自在

轉故次句所依清淨煩惱習氣永無餘故

三一切種心清淨一切善根皆積集故四

具大悲故

初句所緣者契經諸論皆說如來一百四不共功德今依瑜伽四十九說論云依如來住及依如來到究竟地諸佛世尊有百四不共佛法謂

諸如來三十二大人相八十種隨形好四  
 一切種清淨十力四無所畏三念住三不  
 護大悲無忘失法未嘗習氣及一切種清淨  
 智今經畧具初三句中具四一切種清淨  
 言四種者一初一切種所依清淨謂煩惱  
 重并諸習氣於一切種所依清淨謂煩惱  
 自體如自所欲取住捨中自在而轉二一  
 切種所緣清淨謂於種種若化若變若所  
 顯現一切所緣皆自在轉故三一切種心  
 清淨謂如前說一切心羸重未滅離故又  
 於心中一切種善根皆積集故四一切種  
 智清淨謂如前所說一切無明品羸重未  
 滅離故又遍一切所知境中知無障礙智  
 自在轉故上四中除第二皆有二釋今疏  
 之中皆具四淨而文少畧取順經耳初如  
 來自在在句有二清淨所緣是第二一切  
 種智是第四於所緣中無礙轉釋第二所  
 緣清淨於所知中無礙智自在轉即是第  
 四一切智清淨彼論二釋今取後釋此二  
 皆是自在在義次句所依清淨者即經超  
 世無所依是第一淨可知三一切種心清  
 淨者即經具一切功德是第三心清淨亦  
 二釋中後五無憂喜之離染安住捨故故  
 對論易知無所著六惡想都絕不依止名聞利養故  
 七八二句體雖巨量具相好故稱歎五無  
 者即無染無所著是三念住謂一者一心  
 聽法不憂二者一心聽法不喜三者常住

捨心謂有憂喜即染不住捨即著今無染  
 無著故具三念住六惡想下即經無想無  
 依止是三不護一惡想都絕二不依止名  
 聞三不依止利養今無想成初一無依止  
 成後九智光徧覺離倒名淨身光可知十  
 永害習氣故十一住正念故離邊常明記  
 故不動亦是成上智光所觀故結云佛智

又此一偈即四無所畏光明即正覺清淨  
 即出苦滌累漏盡及與障道無畏不動即

無畏之義外難不能傾故不墮勝負二邊

故是無畏智九智光遍覺即一切種妙智

常明記又此一偈者謂光明遍清淨屬無

畏無畏有四一切智無畏二漏盡無畏

三出障道無畏四出苦道無畏至十藏品

當釋唯十力智在第三約法以顯中則百

諸疑滯

若有見如來身心離分別則於一切法永出  
 二偈對機以辨中身心離分別者含於



二意一約佛以三業隨智慧行等故二約  
機即知上功德而能身心無分別者得無  
疑益

一切世間中處處轉法輪無性無所轉導師  
方便說

三有一偈約法以顯雖法界徧轉無性寂  
滅故無所轉假以言宣云方便說其能轉  
智即十力智

於法無疑惑永絕諸戲論不生分別心是念  
佛菩提

後五示入方便者上來說佛不離功德善  
提上所說法不離教義次第令入初偈令  
念菩提初句善決性相次二句契理絕想  
以生分別想即戲論故具斯二義為念菩  
提故大般若云覺法自性離諸分別同菩

提故又心絕動搖言亡戲論又瑜伽九十

五有六種戲論故名為諸故大般若下即

已引又心絕動搖亦是此經次後那伽室

利分那伽云龍即龍吉祥問云我欲入城為

薩欲入城乞食龍吉祥問云我欲入城為

有情故巡行乞食妙吉祥云隨汝意往然

於行時勿得舉足勿得下足勿屈勿伸勿

起於心勿與戲論勿生路想城邑想大小

男女想所以者何菩提遠離諸所有想無

高無下無卷無舒心絕動搖言忘戲論無

有數量今此唯用後一對耳又瑜伽者一

顛倒戲論二唐捐戲論三譚競戲論四於

他分別勝劣戲論五分別工巧養命戲論

六耽著世間財食戲論動搖尚無斯六豈

了知差別法不著於言說無有一與多是名

隨佛教  
次偈隨教上二句了法亡言次句得旨方  
名隨順  
多中無一性一亦無有多如是二俱捨普入  
佛功德

次偈入佛功德上二句雙存一多相別故  
次句雙泯相形奪故一因於多有中應  
有一多因於一有一中應有多今中無  
一一無從矣一中無多多無從矣故二俱  
捨也而性相融通入一即是入多名普入

也次偈入佛等者文有三段初畧釋經文然一多相依互為

本末通有四義一相成義則一多俱立以  
互相持有力俱存也即初二句二相害義  
形奪兩亡以相依故各無性也即二俱捨  
是三互存義以此持彼不壞彼而在此彼

持此亦爾故上文云一中解無量等是四  
互泯義以此持彼彼相盡而唯此以彼持  
此此相盡而唯彼故下文云知一即多多  
復即一是也諸文各據一義故不相違矣  
二然一多下來成復總收之以為十義一  
四義以順經文

書

五

孤標獨立二雙現同時三兩相俱亡四自  
在無礙五去來不動六無力相持七彼此

無知八力用交徹九自性非有十究竟離

言三復總收下融成十門一孤標獨立者即前多中無一性一亦無有多二法互無故得獨立亦一即多而唯多多即一而唯一廢已同他故云獨立二雙現同時者

即下經云知以一故眾知以眾故一無一  
即無多無多即無一故二雙現更無前後

如牛二角三兩相俱忘者兩即前二俱捨  
也四自在無礙者欲一即一不壞相故欲

多即多一即多故一既如此多亦準之常  
一常多常即不即故云自在五去來不動

者一入多而一在多入一而多存若兩鏡  
相入而不動本相相即亦然六無力相持

者因一有多多無力而持一因多有一一  
無力而持多七彼此無知者二互相依皆

無體用故不相知故覺首云諸法無作用  
亦無有體性是故彼一切各各不相知八

力用交徹者即前一中解無量無量中解  
一九自性無有者互為因起舉體性空十

究竟離言者不可言一不可言非一不可  
言亦一亦非一不可言非一非一不可

言相即一相入故不可言相入以相即故  
不可言即入不壞相故不可言不即不入

互交徹故口欲辯而辭喪心將釋而慮亡  
唯證方知同果海故一多既爾染淨等法

無不  
皆然

眾生及國土一切皆寂滅無依無分別能入  
佛菩提

次偈入佛菩提依正皆寂故無所依智契  
於斯故無分別

眾生及國土一異不可得如是善觀察名知  
佛法義

後偈知法義上明生土皆寂不可言異依  
正兩殊不可云一

爾時光明過百萬世界徧照東方一億世界  
南西北方四維上下亦復如是彼一一世界  
中皆有百億閻浮提乃至百億色究竟天其  
中所有悉皆明現彼一一閻浮提中各見如  
來坐蓮華藏師子之座十佛刹微塵數菩薩  
所共圍繞悉以佛神力故十方各有一大菩

遠高

六

薩一一各與十佛刹微塵數諸菩薩俱來詣  
佛所其大菩薩謂文殊師利等所從來國謂  
金色世界等本所事佛謂不動智如來等  
第八重光照一億界前云百萬今十倍於  
前即千萬為一億也

爾時一切處文殊師利菩薩各於佛所同時  
發聲說此頌言

十偈歎佛權實雙行方便幹能然方便之  
言略有三意一以因中十種加行方便之  
力修成佛果自在之德二但是差別之用  
皆名方便其無礙慧無若干故三即實之  
權起用自在故名方便今文具三皆三句  
辨相一句結名今文具三者具上三方便也然其十偈皆具此三取其相顯八九兩偈但有第二故下疏云上之二偈但了差別即是方便餘之八偈皆是即實之權約其因修總是加行方便之力如第四偈善巧通達一切法差別月也

正念勤修涅槃道加行方便也上二皆權  
樂於解脫離不平即是稱實對上故為即  
實之權也  
餘可意得

智慧無等法無邊超諸有海到彼岸壽量光  
明悉無比此功德者方便力

初偈即體起用為方便然有六義一智超

下位二證法無邊三解脫有海四具上三

義到涅槃岸五壽兼真應六身光無涯皆

佛功德

所有佛法皆明了常觀三世無厭倦雖緣境  
界不分別此難思者方便力

二歎寂照方便初句橫照次句豎窮次句

即寂照而無思故難思也

樂觀衆生無生想普見諸趣無趣想恒住禪

寂不繫心此無礙慧方便力

三歎佛事理無礙方便初二句有無無礙

次一句定散無礙初二句者無即是理有  
即是事次句定散無礙  
者恒住禪寂定也由契心性理也  
禪不繫心不礙散也即涉事也

善巧通達一切法正念勤修涅槃道樂於解  
脫離不平此寂滅人方便力

四歎佛修無修方便初句善窮性相次句

無念勤修樂於解脫釋修涅槃離不平者

釋前正念以不見生死為雜染涅槃為清

淨此二無差為真寂滅

有能勸向佛菩提趣如法界一切智善化衆

生入於諦此住佛心方便力

五歎迴向方便初二句趣如法界是迴向

實際餘皆迴向菩提次句迴向衆生住如

化物故為方便初二句者二句之中唯取  
四字是向實際初句及一

切智皆迴  
向菩提

佛所說法皆隨入廣大智慧無所礙一切處

行悉已臻此自在修方便力

六證知方便初句隨順證入次句知而無

障次句知徧趣行即利生法即知即證為

自在修也

恒住涅槃如虛空隨心化現靡不周此依無

相而為相到難到者方便力

七寂用方便初句寂次句用次句寂用無

礙為無住涅槃凡小難到

晝夜日月及年劫世界始終成壞相如是憶

念悉了知此時數智方便力

八時數方便可知

一切眾生有生滅色與非色想非想所有名

字悉了知此住難思方便力

九難思方便初句了生滅剎那一期皆悉

了知次十一字了相即眾生體不出三界

途四

八

九地下二界是色無色界非色二界八地

皆名為想無想天為非想有頂非想非非

想悉了知者能了兼了其性即是無生此

是無邊之境故難思也上二偈但了差別

即是方便二界八地者以欲色二界有五地皆全有想其無想天在第四

禪不攝一地全故八地有想其有頂天是

第九地不屬於想及與無想故今無色一

界四地不全屬有無故云二界其無色界

下之三地由是有想故舉八地而以攝之

過去現在未來世所有言說皆能了而知三

世悉平等此無比解方便力

十無比方便初二句知相上句豎窮下句

橫攝次句知性此二不二故無比即為方

便也

爾時光明過一億世界徧照東方十億世界

南西北方四維上下亦復如是彼一一世界中皆有百億閻浮提乃至百億色究竟天其

途四

八

中所有悉皆明現彼一一閻浮提中悉見如  
來坐蓮華藏師子之座十佛刹微塵數菩薩  
所共圍繞悉以佛神力故十方各有一大菩  
薩一一各與十佛刹微塵數諸菩薩俱來詣  
佛所其大菩薩謂文殊師利等所從來國謂  
金色世界等本所事佛謂不動智如來等

第九重光照十億界歎佛大悲救生德  
爾時一切處文殊師利菩薩各於佛所同時  
發聲說此頌言

廣大苦行皆修習日夜精勤無厭怠已度難

度師子吼普化衆生是其行

十偈多以第四句為結於中分三初偈總  
標行海已圓而能普化次八別顯化類不  
同後一總結悲智周徧初中初句無餘修  
廣謂徧受大謂極苦次句長時無間次句

功行已圓極惡難度已能度故云何能度  
謂師子吼師子吼者名決定說定說一切  
衆生皆有佛性度一闡提定說無我度諸  
外道定說欲苦不淨以度波旬定說如來  
常樂我淨度諸聲聞定說大悲以度緣覺

定說如來無礙大智以度菩薩故云普化

衆生初句無餘修者此有四修一無餘修

以皆修故次句有二修一長時修二

無間修日夜不息即是長時精勤無怠故

無有間難度能度勇猛修也此偈是總示

度相謂師子吼者名決定說即涅槃二十

七師子吼品下說法度類器有六亦攝下

偈文有四節初偈即說佛性度一闡提闡

提佛性無明所覆迷真起妄如墮大可二

有一偈無我化外三有六偈皆說欲苦度

於波旬波旬為主諸類皆攝故四有一偈

濟度三乘聲聞法執不了性空緣覺無悲

不隨六道故悲智雙流普教羣生即化苦

衆生流轉愛欲海無明網覆大憂迫至仁勇  
猛悉斷除誓亦當然是其行

次八別中云何普化初化癡愛衆生前半

所救如人墮海五事難出一水深二波迅

三迷闇四蟲執五憂迫失力衆生欲海流

轉亦爾此中愛有二義一已得無厭深廣

如海二於未得處無足如流癡亦二義一

逃不見過二妄見有德結網自纏五由前

癡愛招大憂苦次句舉古佛已行亡身為

物故曰至人後句立誓當作五事難出一水深即愛欲

海二即流轉三即無明四即網覆義兼蟲執羅不得出五即大憂迫次衆生下約法

釋五而四釋蟲執云妄見有德結網自纏

世間放逸著五欲不實分別受衆苦奉行佛

教常攝心誓度於斯是其行

二度著欲衆生上半所救放逸者著欲緣

也著五欲欲事也不實分別欲因也受衆

苦欲果也未得已失皆受大苦正得亦苦

橫生樂想十四況當受三塗故云衆苦次句受

教自修後句立誓轉化

衆生著我入生死求其邊際不可得普事如

來獲妙法為彼宣說是其行

三救著我衆生前半所救著我為因受生

死果未證無我浩無邊際次句救方說二

無我唯佛有之

衆生無怙病所纏常淪惡趣起三毒大火猛

焰恒燒熱淨心度彼是其行

四救惡趣衆生三句所救謂無善可恃顯

唯惡業及惑病因招三惡趣展轉復起三

毒之過因果俱燒末句救方但淨其心因

亡果喪

衆生迷惑失正道常行邪徑入暗宅為彼大

然正法燈永作照明是其行

五救邪見衆生前半所救上句明因迷四真諦惑現境故次句起見邪見翳理即爲闍宅後半能救之方

衆生漂溺諸有海憂難無涯不可處爲彼興造大法船皆令得度是其行

六救著有衆生前半所救三有深廣總喻於海漂至人天還溺惡趣未遇如來多成難處希求不已故名爲憂未有對治故無涯畔具上諸失故不可處後半能救可知衆生無知不見本迷惑癡狂險難中佛哀愍彼建法橋正念令昇是其行

七救無明衆生前半所救由本住無明故不見無住之本迷理惑事狂走於生死之中後半能救佛既授法正念即升也

見諸衆生在險道老病死苦常逼迫修諸方

便無限量誓當悉度是其行

八救險道衆生前半所救人天報危臨墮惡趣名爲險道能救可知

闍法信解無疑惑了性空寂不驚怖隨形六道徧十方普救羣迷是其行

後一偈總結者前半結有教證之智能導無緣之悲次句結有同體之悲能徧十方

六道後句結於所救不越羣迷

爾時光明過十億世界徧照東方百億世界千億世界百千億世界那由他億世界百那

十四

十三

由他億世界千那由他億世界百千那由他億世界如是無數無量無邊無等不可數不可稱不可思不可量不可說盡法界虛空界所有世界南西北方四維上下亦復如是彼一一世界中皆有百億闍浮提乃至百億色



究竟天

第十重光照十方總結無盡長行分二先

明世界數量略有十七漸窮法界

其中所有悉皆明現彼一一閻浮提中悉見

如來坐蓮華藏師子之座十佛刹微塵數菩

諸

三

薩所共圍繞悉以佛神力故十方各有一大

菩薩一一各與十佛刹微塵數諸菩薩俱來

詣佛所其大菩薩謂文殊師利等所從來國

謂金色世界等本所事佛謂不動智如來等

後明彼諸世界所有皆現

爾時一切處文殊師利菩薩各於佛所同時

發聲說此頌言

一念普觀無量劫無去無來亦無住如是了

知三世事超諸方便成十力

十頌明因果圓徧德於中分二前四示佛

因果徧說後六勸物順行今初初一偈因

圓果滿彰有說因初三句三達因圓後句

十力果滿初三句者三達即達三世於中

次句了性過去心不可得故云無去未來

心不可得故云無來現在心不可得故云

無住淨名云若過去過去心已滅若未來

未來心未至若現在現在心無住現在是

住亦生即滅故云無住第三句結知佛如

是知云何如是非唯知無去等亦知其相

又性相無礙又一

念能知為如是了

十方無比善名稱永離諸難常歡喜普詣一

切國土中廣為宣揚如是法

次一偈大用外彰正明說法周徧可知

為利衆生供養佛如其意獲相似果於一切

法悉順知徧十方中現神力

從初供佛意柔忍入深禪定觀法性普勸衆

生發道心以此速成無上果

後一對因辨果初一偈徧因初句為因三

句皆果法供養佛故於法順知普為衆生  
 故能徧用斯即等流名相似果晉經云正  
 心供養明是法供養也後一偈深因故能  
 速證初二句六度自利謂供佛是檀意柔  
 兼戒從初至末是進策也次句利他兼方

便等二行既圓則佛果朝夕故云速成兼方  
 便者勸物涉有故是方便勸生發心即是  
 大願衆生無邊誓願度佛道無上誓願成  
 故即修習力為智決斷佛果朝夕者此有  
 二意一明果速匪朝即夕故一念相應功  
 圓曠劫此為正意結云速成二朝夕是海  
 文選云挹朝夕之池者無以測其淺深請  
 此是佛果大海以深廣  
 故與此相應亦得速成

十方求法情無異為修功德令滿足有無二  
 相悉滅除此人於佛為真見

後六偈勸物順行佛昔如是行今得說法  
 果令物行之亦得斯果初一偈求法行二  
 說法行三聽法行四有三偈破相行今初

達

十四

初句離過勝他名利名為異情次二句顯  
 德一句滿福一句圓智又無異者於一切  
 法都無所求若此之求則見真法身於一切者  
 即淨名經身子  
 念座因有此示  
 普往十方諸國土廣說妙法興義利住於實  
 際不動搖此人功德同於佛

二說法行前半說法益物義利者令衆生  
 得離惡攝善故此世他世益故世出世益  
 故福德智慧益故上四對皆先義後利後  
 半若無說無示同佛說也上四對者即佛地論若無說下  
 亦淨名目連章經云夫說法者無說無示  
 其聽法者無聞無得說約教道示約證道  
 無聞則不如言取故為真聞無得則心無  
 所得方真證得無聞無得即後偈聽法行  
 中今此說法但無說示亦同實積數佛偈  
 云善能分別諸法相於第一義而不動故  
 言同佛

如來所轉妙法輪一切皆是菩提分若能聞

已悟法性如是之人常見佛

三聽法行兼顯法輪之體初句教法次句

即教成行無有一文一法非菩提因豈止

三十七品次句悟理揀去隨文後句理無

廢興故常見佛果也次句悟理者不隨文故無聞悟理故無得

不見十力空如幻雖見非見如盲覩分別取

相不見佛畢竟離著乃能見

衆生隨業種種別十方內外難盡見佛身無

礙徧十方不可盡見亦如是

譬如空中無量刹無來無去徧十方生成滅

壞無所依佛徧虛空亦如是

後三破相行初一正明後二轉釋今初初

三句反顯金容煥目而非形安可以相取

後句正顯法性超乎視聽唯可虛已而求

後二轉釋云何不見前偈以妄喻真衆生

妄惑尚不可窮諸佛契真如何見盡後偈

復轉釋云雖徧十方不可定取如刹徧空

有其四義一多刹滿空二體無來去三不

妨成壞四無別所依佛身徧空亦具四義

一頓徧多刹二恒不去來三應有出沒四

體用無依是故佛身亦不可以徧空而取

耳上來三品答初十句所依果問竟

大方廣佛華嚴經疏鈔會本第十三之三

音釋

蠲滌蠲古玄切潔也滌音狄淨也滯滯直例切凝滯也臻側誼切至也

一闡提闡音善切梵語一闡提此云信不具也漂溺漂音飄浮也溺奴歷切

也切淺

大方廣佛華嚴經疏鈔會本第十三之四 途五

唐于闐國三藏沙門實又難陀 譯

唐清涼山大華嚴寺沙門澄觀撰述

菩薩問明品第十

釋此一品亦有四門初來意中有通有別

通謂上來三品已答十句生解所依此下

正答生解因果故次來也生解因中先答

十住住攬信成將答所成先辨能成又正

答十信故下三品來也後別者三品明信

有解行德解為二本此品先來通謂下明

意直盡第七會來生解因中下唯明下三  
品來意初依古德信住合明又正答下疏  
意別明答信以第二會初十問中脫十信  
問故今三品答之不答住也然賢首意始  
教別開信位如梁論云如須陀洹見道前  
四位謂信位忍世第一善薩道前四位亦  
爾謂十信十住十行十迴向又彼論及佛  
性論皆云地前修四種行謂十信修信樂  
大乘行十修地前修若行十行修三昧行十  
迴向修大悲行如其次第即是四位故又

為除四類障正使故即此四住謂初除聞  
提不信障二除外道執障三除淨德因畏  
苦障四除獨覺捨大悲障又信成淨德因  
種解成我德因種行成樂德因種迴向成  
常德因種又仁王經寄四輪王謂鐵銅銀  
金以上教義故知十信亦成位也若終教  
十信但是十住方便自無別位謂仁王釋  
三賢云十信十止十堅心十信即住故今  
疏不論成位不成位皆以三品別答二釋  
信問別一會答合有問故已如前說

名者菩薩是人問明是法遮果表因故云

菩薩問即是難明即是答然問有二種一

汎爾相問梵云必理車二者難問謂以理

徵詰梵云鉢羅室囊即今品意也答亦有

二一但依問酬答報曰答二若俱為解釋

旁兼異義美言讚述令理顯煥曰明即今

品意也明亦破闇能除問者之疑闇故今

文殊九首互為明難遞作砥柱研覈教理

以悟羣生故以名也又長行明起於問偈

須明解於問故曰問明不云答者欲以明

兼於問故問有二義故得稱明一問中徵  
責詰難理盡使答者亡言此至明之問也  
二以問中進退詰理令現使答者易釋故  
以為明又明即法明以十菩薩問出十種  
法明故曰問明雖諸義不同皆菩薩之問

明依主釋也然問有二下約論通問即是  
答稱明此明局在答者而有二對彼難問故  
為明此明屬自明亦已下二破闕為明此  
約答他令通問答使又長行下二約賓主問  
唯屬問明通問答使又長行下二約賓主問  
甚深中問云心性是一何以種種若云緣  
今種種何以復不相知逆遮其救使其亡  
言使答者易釋者謂問意言既是一性何  
以種種欲言種種復不相知故答云由不

相知能成種種種種無性即不相知故不  
乖一性即答者易釋也又明即法下三約  
理法釋亦是約教義說謂問即是教釋有  
在復故明即法明是義所攝謂十甚深為  
十種法明就此法明又約心境法即是境  
明即是心以智慧明照二諦法故云法明  
三宗趣者亦先通後別通復二義一通分  
宗二通會宗並如會初二別明此品有其

二義一望當品以十甚深為宗依成觀解  
為趣二望後二品則以甚深觀解為宗成  
後行德為趣

四釋文此下至菩薩住處明生解之因配  
十句問如前問中依文次第且分為六初

此下三品明未信令信二第三會已信令

解三第四會已解令行四第五會已行令

起願五第六會已起願今證入六十定品

至住處品已證入今等佛今初三品即為

三別此品明正解理觀次品明隨緣願行

賢首品明德用該收就初分二先問答顯

理後示相結通前中以十菩薩各主一門

顯十甚深即為十段一緣起甚深二教化

甚深三業果甚深四說法甚深五福田甚

深六正教甚深七正行甚深八正助甚深

九一道甚深十佛境甚深此十甚深次第云何緣起深理總該諸法觀解之要故首明之衆生迷此故須教化達化順化有善惡業欲知此業由說法成然說法成善唯佛福田既說順田須持聖教教在勤行行

須助道助必有正殊塗同歸得一道者當趣佛境故爲此次又此十種亦可配於十信但不次耳文殊佛境即當信心文殊主信故佛境即所信故約發心次第信居其初約所信終極最居其後亦明十心不必次故勤首即進心財首爲念心明四念故德首定心心性無念爲上定故智首則慧心慧爲上首兼已莊嚴故有十度法首即不退心如說修行得不退故寶首即戒心三聚無缺如寶珠故業果甚深戒所招故

覺首即護法心緣起甚深是所護故目首即願心福田等一由願異故目能將身如願導行故賢首即迴向心以歸一道即迴向真如一身一智等即是佛果文云如本趣菩提所有迴向心等以是圓融十法故

各兼多義又亦攝十信之十德恐繁不叙前中以十菩薩下先列十名然十甚深即還禪師所立今古同遠緣起深理者若染若淨染淨交徹無不攝故攝論云菩薩初學應先觀諸法如實因緣以成正信及正解故又此十種下先正配釋然十信心謂一信二進三念四定五慧六不退七戒八護法九願十迴向配文可知以是圓融下後通妨難謂有難云信進等相釋處易知今十甚深文義兼廣何得而是十信等耶故爲此答又亦攝者信有十德一親近善友二供養諸佛三修習善根四志求勝法五心常柔和六遠苦能忍七慈悲深厚八身心平等九愛樂大乘十求佛智慧配十甚深者一即正教甚深近佛善友聞教法故二即福田甚深三即業果四即緣起五即正行六即助道七即教化八即一道九即說法十即佛境通說佛智爲所信故既有多舍故文義兼廣

爾時文殊師利菩薩問覺首菩薩言

且為十甚深解然有二義一約行二約法  
言約行者文殊發問九菩薩答明妙慧通  
於眾行九菩薩問文殊為答明眾行成於  
妙慧言約法者初九顯差別義後一顯差

別同歸佛境此二不二成信中之觀解妙慧

通於眾行者文殊為妙慧九首為眾行各  
主一門故而問為能成答為所成故妙慧  
眾行互為能所此二不二者融上二也謂  
行與法不二了法成行行契法故又行法  
師云一人問多表一中解無量故多人問  
一表無量中解一故又文殊是主餘九是  
伴故文殊是總餘九是文中十段皆先問  
別不是全要故略不出

後答又先起明問後解問明今初緣起中

二初問分二初爾時下彰問答之主問覺

首者彼得此門故緣起深義不覺則流轉

故二正顯問端畧啟五門初問所為者有

二義故最初問之一拂異見二顯深理拂

五

見有三一令諸菩薩知法從緣異外道見  
二知從心現捨二乘見三但心性起不同  
權教二顯深理者令諸菩薩於此實義發  
深信解起行證真始終皆實故問斯義起  
信論云有法能起摩訶衍信根是故應說

所言法者謂眾生心依一心法有真如門

及生滅門彼論依此生淨信故二顯深理

二先正明今始涉者便悟心性超乎大方  
故云始終皆實起信論云下第二引證於  
中有四初至應說是論初標文二所言法  
者謂眾生心即立義分論云次說立義分  
摩訶衍者總說有二種一者法二者義所  
言法者謂眾生心是心即攝一切世間出

世間法依於此心顯示摩訶衍義何以故  
是心真如相即是摩訶衍體故是心生滅  
因緣相能示摩訶衍行自體相用故釋曰法  
通執持亦能顯下義故稱為法法於染淨  
大位在世何以故言謂眾生心為染淨依故攝  
世出世何以故言謂眾生心為染淨依故攝  
三大即義大位在果今取通為緣起之本  
故但引法以證真心隨緣三從依一心法  
有真如門及生滅門即義引解釋分顯示  
正義中文以釋前法論云顯示正義者依

一心法有二種門一者真心如門二者心生滅門是二種門皆各總攝一切法盡是義云何以是二門不相離故真心如門者即是一法界大總相法門體所謂心性不生不滅等次下釋心生滅云心生滅者依如來藏有生滅心所謂不生不滅與生滅和合非一非異名阿賴耶識等廣如彼釋今以真如證心性一隨緣生滅而成種種為此深理故四從彼論依此生淨信故即結示為實馬鳴依此造論令物生信何不

信二述問意者謂明心性是一云何見有耶報類種種若性隨事異則失真諦若事隨性一則壞俗諦設彼救言報類差別自由業等熏識變現不關心性故無相違者為遮此救故重難云業不知心等謂心業互依各無自性自性尚無何能相知而生諸法既離真性各無自立明此皆依心性而起心性既一事應不多事法既多性應非一此是本末相違難亦是理事相違亦一異相違亦真妄相違各無自立者起信論云若得無念者則知

心相生住異滅以無念等故而實無有始覺之異以四相俱時而有皆無自立本來平等同一覺故心性既一下二正結先以本難末事法既多下後以末難本故初結云本末相違此結有四一本末約能所生二事理直語體性三一異唯語其相然一有事一有理一今是理一四真妄唯語其體然真亦通事如佛真智等今亦約理為真以含義不同故三揀定所問者準此問有四結大同小異

意離如來藏不許八識能所熏等別有自體能生諸法唯如來藏是所依生亦不可言八識無二類故名心性一以能生種種非相違故亦非第八而為性一熏成種種非相違故心性之言非第八故答中既言法性本無生示現而有生法性即是真如異名正與報事相違故成難耳文殊欲顯實教之理故以心性而為難本欲令覺首以法性示生決定而答海會同證楞伽密嚴皆廣說故三揀定所問者意云此是假名法相即問欲顯法性義非



是法性師問顯成法相義故云揀定亦不  
可言下二遮救也即法相師救云此法性  
師法相義心性是一者八識心王同是  
心故名為性一破云生於種種即眼耳鼻  
舌等故非相連亦非第八下遮轉救云若  
八識非一第八類耶此是一義故今破云  
第八正是所熏心體含多種子薰成種種  
亦非相連心性之言下以理正折第八但  
是心相生滅非唯識性答中既云法性示  
生不言第八無生示生明是真如隨緣義

耳 四會相違者問若爾瑜伽等中異熟類

耶從業惑種辨體而生非如來藏隨緣所  
成如何會釋答瑜伽等中對於凡小約就  
權教隨相假說楞伽密嚴對大菩薩依於  
實教盡理而說既機有大小法有淺深教  
有權實故不相違故密嚴云佛說如來藏  
以為阿賴耶惡慧不能知藏即賴耶識此  
明守權拒實訶為惡慧又彼經云如來清  
淨藏世間阿賴耶如金與指環展轉無差  
別楞伽中真識現識如泥團與微塵非異

非不異金莊嚴具亦復如是皆此義也又  
彼經云如來藏為無始惡習所熏名為藏  
識又入楞伽云如來藏名阿賴耶識而與  
無明七識共俱又起信論云不生不滅與  
生滅和合非一非異名阿賴耶識又如達  
磨經頌云無始時來界為諸法等依攝論  
等就初教釋云界者因義即種子識實性  
論翻此頌云此性無始時等彼論就實教  
釋云性者謂如來藏性如聖者勝鬘經說  
依如來藏故有生死依如來藏故有涅槃  
以此等文故知兩宗不同淺深可見又唯  
識等亦說真如是識實性但後釋者定言  
不變失於隨緣過歸後輩耳四會相違者此門攝前而起  
諸若依上如來藏隨緣成立則達瑜伽  
等文故會之先叙所達玄談已釋後答下  
會通先相宗意後楞伽下申性宗意故密  
嚴下引證初引密嚴自有二文俱是第三

卷微蜜品兩頌相續中間有釋故著又言  
 此常住無始終離四句言說次即云佛說  
 如來藏等彼疏釋云上半名耶更無別體謂是  
 如來藏與妄染合名耶更無別體謂是  
 教說故引佛說下半明會權教謂守權者  
 不能了如來藏作願耶當知惡慧之言  
 訶守權者令歸實說次頌即如來清淨藏  
 等彼疏釋云此頌實說前義上法說淨藏  
 舉下約喻釋成謂如金作指環相虛無  
 全體露現故云無差別如來藏作願耶  
 耶福虛藏性理現亦可迷成願耶悟成如  
 來藏體無有二故云無差別如來藏現  
 識如泥團微塵異者若彼彼文亦爾下云大慧  
 若泥團微塵異者若彼彼文亦爾下云大慧  
 故不異若不異者泥團微塵應無差別如  
 是轉識藏識真相若異者微塵應無差別如  
 異者轉識藏識真相若異者微塵應無差別如  
 減是故非自真相減賢首解云此中真相  
 是如來藏轉識是七識藏賢首解云此中真相  
 甚當但初有二而合有三意少難見此即  
 第一經初明識三相次明三識初云諸  
 種相通於八識謂起心名轉八俱起故皆  
 有生滅故名相動則八之真性盡初業  
 相八識皆動盡名相則八之真性盡初業  
 相經云諸識有三種相則八之真性盡初業  
 次經辨三識云大慧略說有三種識廣說  
 有八種相何等為三謂真識現識分別事  
 識釋曰約不與妄合如來藏心為真現即

第八下經云譬如明鏡現眾色像現識處  
 現亦復如是明是第八類現唯第八分唯  
 識是則三識別為三類現唯第八分唯  
 前七真相約佛是八出纏約凡在第八中  
 亦無餘七然泥團經文含前二段意明三  
 識而參三相之名轉識即轉相之名意是  
 分別事識故唯識中名七轉識藏識即現  
 識此則可知真相但取通八之真故勝相名  
 故勝識名真相者識取通八之真故勝相名  
 經文言若異者識取通八之真故勝相名  
 識則應不同真相及轉識為因既以轉識  
 熏故真識隨緣而成藏識則知不異非以  
 藏識為二識因故下重案定云非自真相  
 一塵但業相滅斯則三事備矣謂喻中有三  
 熏真相滅滅便生業以合水但水滅而塵  
 在故業止而真存若自真相滅者藏識即  
 滅者反顯藏識以真安和而成但其妄  
 減而真體不無故下以水喻如來藏濕性  
 七識合成動海即為藏識但波相滅濕性  
 不壞即斯義也隨緣成識易知言皆此義  
 者皆是如來藏隨緣成識易知言皆此義  
 相者十卷但云自相脫公釋云本覺之心  
 不藉妄緣自性自神解名自真相約不一  
 說又隨無明風作生滅時神解之性與本  
 不異亦名自真相是依不異義說今明無始  
 云等者上辨與七和合為藏識今明無始  
 無明為因故論下文中無明為因生三細  
 於二細三細就屬賴耶已成就藏識即第四

經文具云大慧如來藏是善不善因能徧  
 興造一切趣生譬如伎兒變現諸趣離我  
 我所不覺彼故三緣和合方便而外道  
 不覺計著作者為始虛偽惡習所熏名  
 為識藏生無明住地與七識俱如海浪生  
 常生不斷離無常生過離於我論等又入  
 楞伽下前引楞伽與七識俱次引楞伽為  
 惡習熏今則雙具故復引之大意無異言  
 而與無明七識俱第一者無明俱前第  
 二意與七識俱第一者無明俱前第  
 三論初正引起信即二門之中生滅門初  
 謂不生不滅與生滅和合非一非異名阿  
 賴耶識釋曰初二句標所謂不生不滅下  
 辯相不生不滅者是上如來藏自性清淨  
 心因無明風動舉體隨緣作生滅心不相  
 捨離故云風動合非謂別有生滅來與真  
 此心所以生滅者因無明生此生滅心原  
 從本覺而起故有二義而無二體故下論  
 云如大海水因風波動水相風相不相捨  
 離乃至廣說此中名為舉動不離於水相  
 相動之無動而非濕故動不離於水相  
 於風相無動而非濕故動不離於水相  
 亦如是相無非真故動不離於水相  
 相如是相無非真故動不離於水相  
 如是名為相合此是不生滅心與生滅  
 以是隨緣門故非是生滅與生滅合以  
 此不是向本真如故言非一非異者真  
 如全體動故不一此約三細以為生滅則  
 性故與生滅不一此約三細以為生滅則

第八中已合動靜若楞伽經云七識染注  
 為生滅以如來藏淨法為不生滅以此二  
 和合為阿賴耶識以非一非異廣義如十  
 一異者就顯說然非一非異廣義如十  
 忍品如幻忍明又云性該不生不滅若  
 不生滅等者且公云性該不生不滅若  
 體徧速悟性非解惑故云不生不滅若  
 覺知能令生死不斷名生始覺能滅生死  
 故名為滅又生不達磨經頌下先舉經偈而  
 云達磨經頌者攝論第二釋所知依中云  
 此中最初且說所知依即阿賴耶也世尊  
 何處說阿賴耶識名阿賴耶謂薄伽梵於  
 阿毗達磨大乘經中說釋曰此乃通指大  
 乘經為對法經耳文中但舉上半下半云  
 由此有諸趣及涅槃證得攝論等下初即  
 法相宗等者取瑜伽雜集彼釋云無始  
 者初際無故界者唯雜染非是清淨彼一  
 種謂一切法此唯雜染非是清淨彼一  
 法等所依者能任持故非因性義所依能  
 依性各異故若不爾者界聲已了無假依

言故第三論云此中間熏習為是阿賴耶  
 識自性為非阿賴耶自性下論答云此聞  
 熏習隨在一種所依轉處寄在異熟識中  
 與彼和合俱轉猶如水乳然非阿賴耶自  
 性是彼類耶對治無分別智種子性故下  
 二句易了明知賴耶但是生滅非真性成  
 實性論翻下即法性宗疏中一句但是義  
 引彼論具云無始時來性作諸法依止義  
 性有諸道及證無始時來性第四論彼釋  
 云此偈明何義無始時來性者如經說言

諸佛如來依如來藏說諸衆生無始本際  
 不可得如來說如來藏者如聖者勝蔓經言  
 世尊如來出世間如上藏者法界清淨法身  
 法身清淨如來藏故作諸法依止者如聖  
 者勝蔓經言是故如來依性有諸道者如聖  
 持是建立等次論云依性有諸道者如聖  
 者勝蔓經言世尊生死者依如來藏世尊  
 有如來藏故說生死是名善說故及證涅  
 槃果者如聖者勝蔓經言世尊依如來藏  
 故有生不死依如來藏證涅槃世尊若無  
 如來藏者不得狀若果求涅槃不欲涅槃  
 不願涅槃故此明何義明如來藏究竟如  
 來法身不差別真如體相畢竟云佛性體  
 於一切時一切衆生身中皆無餘盡應知  
 以此等文下先正結以上諸教皆如來藏  
 而為識體故知心性即如來藏此外無法  
 故論云此諸法勝義亦即是真如常如其  
 性故即唯識實性釋曰既用真如為識實

性明知天親亦用如來藏而成識體但後  
 釋論之人唯立不變故云過尋後尋況世  
 親造佛性論  
 廣用勝蔓

佛子心性是一

五釋文分三初佛子下立宗案定謂心之  
 性故是如來藏也又心即性故是自性清

達五

十二

淨心也又妄心之性無性之性空如來藏  
 也真心之性實性之性不空如來藏也皆  
 平等無二故云一也又妄心之性等者此  
 有二意一如次成上謂妄心之性成心之  
 性以性相不同故真心之性成上即性真  
 心即性故二者通成謂此之性別名二  
 藏前之二性皆具二藏但為妄覆名如來  
 藏直語藏體即自性心故此自性清淨真  
 心不與妄合名為空藏具恒沙德名不空  
 藏前明即離此明空有故重出也皆平等  
 無二者上二即離不即由心之性故不即  
 白心即性故不離不即由心之性故不即  
 二即空之實為不空即實之空為空藏空  
 有不二為心之性然空有無二之  
 性即是不即不離之性故但云一

云何見有種種差別

二設難相違難分二初云何下總顯相違  
 謂心性既一云何而有五趣諸根總別殊  
 報故云種種身是總報業由於因中有瞋  
 忍等於人總報而有妍蚩名別報業唯識  
 亦名為引滿業能招第八引具報果故名  
 引業能招第六滿異熟果名為滿業俱舍  
 亦云一業引一生多業能圓滿猶如續像

先圖形狀後填眾彩等然其引業能造之  
思要是第六意識所起若其滿業能造之  
識起

所謂往善趣惡趣諸根滿缺受生同異端正  
醜陋苦樂不同

二所謂下別示相違十事五對約總報明  
趣有善惡善謂人天惡謂三塗下四對皆

約別報諸根下於前善惡趣中各根有滿  
缺謂眼等內根受生下於前滿缺中各生

有同異謂四生不同勝劣處異端正下於  
上同異生處各貌有妍媸苦樂下於上妍

媸各受有苦樂上之五對前前皆具後後  
後後必帶前前展轉異同成多差別故云

種種不同心性是一其義安在  
展轉異同  
等者都有  
六十二句謂初對是善惡為二第二對開  
二成四兼前二成六第三對開四成八配  
前六成十四第四對開八成十六兼前十  
四成三十第五對開十六成三十二配前

三十成六十二此約以後添前故成六十  
二剋實而言但有三十二以後開前更  
無體故如開善惡趣各成滿缺但有四耳  
謂一善趣根滿二善趣根缺三惡趣根滿  
四惡趣根缺此四之外更無有別善惡趣  
故又若二二開之唯成三十二若更展其  
四生則復成多句謂第三對先以四生乘  
上四句四成十六句更有勝劣乘十六  
已有三十二配六已成三十八後後開之  
句數更多第四對開成六十四第五對開  
成一百二十八若從初善惡開為六趣則  
句數更多並可思準故云後後必帶前前  
展轉異同  
成多差別

業不知心心不知業受不知報報不知受心  
不知受受不知心因不知緣緣不知因智不  
知境境不知智

第三結成前難此文意稍難見略為二解  
一依古德作遮救重難如前第二問意中  
辨二直結成前難且依此釋文自有三意  
由前難意亦有三故一直問所以故今結  
云非但本性是一我細推現事各不相知

既有種種何緣不相知既不相知誰教種  
 種若謂業令種種業不知心若謂心令種  
 種心不知業一一觀察未知種種之所由  
 也二懷疑重難故結云既不相知為是一  
 性為是種種三作相違難結云一性隨於  
 種種即失真諦種種隨於一性即失俗諦  
 今見種種又不相知此二互乖云何並立  
 二正釋本文亦有十事五對畧為二解一  
 通二別初通謂總觀前來總別二報業不  
 下就先業因約能所依以難然有二意一  
 約本識謂業是能依心是所依離所無能  
 故云業不知心離能無所故云心不知業  
 以各無體用不能相成既各不相知誰生  
 種種下並準之二約第六識業是所造心  
 是能造並皆速滅起時不言我起滅時不

言我滅何能有體而得相生成種種耶一  
 本識者業是心所故依於心是第八為  
 根本依離所無能下釋不相知義以相待  
 門釋言離所無能者既無所依心王亦無  
 能依之業今依心有業業從緣生故無自  
 性不能知今由業成所依者雖能依業則心  
 非所依今由業成所依者雖能依業則心  
 知業以各下結謂各從緣成性空無體相  
 依無力故云無用覺首亦云無體用故故  
 不相知二約第六識者即以第六識名心  
 從於積集通相說故謂第六識人執無明  
 迷真實義異發理故以善不善相應思造  
 罪等三行熏阿賴耶能感五趣受非受等  
 種種報但云六者謂五識無執不能發  
 潤故非迷理無挂度故不能造業雖造滿  
 業亦非自能但由意引方能作故並皆速  
 滅者明不相知通相而言皆約無體用故  
 別相而言用門不同此用二門一無常門  
 故言並皆速滅淨名弟子品云優波離一  
 切法如幻如電諸法不相待乃至一念不  
 住諸法皆妄見故心業皆空下經云衆報  
 隨業生如夢不真實念無滅壞如前後  
 亦爾故由無常不能相知起時不言我起  
 下即無我門約法無我明不相知故淨名  
 問疾品云又此病起皆由著我是故於我  
 不應生著既知病本即除我想及衆生想  
 當起法想應作是念但以衆法合成此身  
 起唯法起滅唯法滅釋曰上以法遣我次  
 經云又此法者各不相知起時不言我起

滅時不言我滅釋曰此總顯我空明不相  
 知次經又云彼有疾菩薩為滅法想當作  
 是念此法想者亦是顯顯顯顯顯顯顯顯  
 應我應難之云何為難顯顯顯顯顯顯  
 離我我所謂離二法云何離二法謂不念  
 內外諸法行於平等云何平等謂我等濕  
 集等所以者何我及涅槃此二皆空以何  
 為空但以名字故空如此二法無決定性  
 釋曰此破法顯空今但取我法不相知義  
 故略用二句次下經云得是平等無有餘  
 乘准有空病空病亦空釋曰此以空空破  
 空非今所要因便引來成一段義畢耳  
 受不下約得報果時難能所受謂受是報  
 因即名言種為業所引受所受報離報無  
 受故云受不知報離受無報故云報不知  
 受以並無體故準前應知受不知報報不  
 知受受是能受之因報是所受之報此上  
 總明謂受是報因下別釋即名言種者唯  
 識第八云復次生死相續由諸習氣然諸  
 習氣總有二種一名言習氣二我執習氣  
 三有支習氣一名言習氣者謂有為法各別  
 親種名言有二一表義名言即能詮義音  
 聲差別二顯境名言即能了境心所法  
 隨二名言所熏成種作有為法各別因緣  
 釋曰言各別親種者非名故名是聲上屈曲  
 聲者揀無詮聲彼非名故名是聲上屈曲

唯無記性不能熏成色心等種然因名起  
 種名名言顯顯境名言即七識見分等心  
 非相分心相分心者不能顯境故此見分  
 等實非名言如言說名顯所詮義此心  
 於法能顯所了境如似彼名能詮義故隨  
 二名言皆熏成種二我執習氣三有支習  
 氣並如六地有支即是今文為業所引能  
 引之業故唯識云三有支習氣謂招三界  
 異熟業種有支有二一有漏善即能招可  
 愛果業二諸不善即能招非愛果業隨二  
 有支所熏成種今異報果善惡趣別故論  
 頌云由諸業習氣二取習氣俱前異報既  
 盡復生餘異報此能引業即諸業習氣此  
 名言種即二取習氣言為業所引者即彼  
 俱義親辦果體即由名言若無業種不招  
 苦樂如種無田終不生芽故此名言由業  
 引起方受當來異報之果苦樂之報故六  
 地云業為田識為種離報無受下釋不相  
 知亦約相心不下約名言因就能所依難  
 待空故心不下約名言因就能所依難  
 謂前能受報因依心無體故無相知餘義  
 同前三約名言等者標也即將第二對中  
 識前以業依識難今以種依現行難謂前  
 能受報因下釋不相知但釋受不知心不  
 解心不知受故結云餘義同前若具應云  
 所依心體若離能依亦無所依無所依故  
 不能因不下約因緣親疎相假難謂所引  
 相知

名言為因能引業為緣相待相奪各無自

性如不自生等準之四約因緣等者取前第二對中所引名言

及能引業相對以明此即標也謂所引下

出體相待相奪下釋不相知言相待者業

無識種不親辨體識無業種不招苦樂既

互相待即各無自性言相奪者以業奪因

唯由業招故因如虛空以因奪緣即唯心

為體故業如虛空互奪獨立亦不能相知

互奪兩亡無可相知如不自生等者引例

以釋以緣奪因故不自生以因奪緣故不

他生因緣合辨相待無性故不共生互奪

雙亡無因豈生以此不生類於不知居然

易了即以為自以緣為他合此為共離

此為無因互有尚不相知互無豈能相知

智不下約境智相對相見虛無難謂境是

心變境不知心心託境生心不知境以無

境外心能取心外境是故心境虛妄不相

知也五約境智等者相即相分見即見分

當辨諸境是心變下明不相知義先約唯

識能所變釋後以無境外下約當經互融

以說故下經云無有智外如為智所入亦

無如外智攝境則無心外之境舉境攝心則

無境外之心以性無二相即性故相隨性

融隨一皆攝上約真心後心境虛妄下約

其妄心真即互融妄俱無體故下答中云

能緣所緣力種種法出生速滅不覺停念

念悉如是即顯妄無性故不相知也然上

五對初及第四唯約因中第二一對因果

對辨第三一對心舍因果第五一對義通

因果修因二取即名言等故唯識論釋二

取二中總有四義一者相見二者名色三

者王所四者本末末即六識異發本即第

八異發四種二取皆能熏發親能生彼本

識上功能名二取習氣所變之境是果心託

也又能變之心是因所變之境是果心託

境生俱二別觀者以初二對結趣善惡趣

通因果二別觀者以初二對結趣善惡趣

善惡者正由業熏受總報故第二別觀者

對之中一前一通前善惡趣等五對本難今

即以此斯五對別對前五而後鈎鎖但有

四重細尋可見以初二對結趣善惡者標

也趣善惡者正由業熏是第一對業不知

心

知

報

受

初

對

以

名

言

種

對

能

依

本

識

二

復

以

第



由識種往所生處故初地云於三界田中  
復在苦芽次對以名言等者即心不知受  
受不知心受即名言種心即能依本識者  
依名言種招現行識故識為能依則此心  
言通因及果上約因中本識故 **三復以第**  
為所依今約果中故為能依

**三及第四對結苦樂不同及端正醜陋初**

**對觀現受時次對觀苦樂因及彼妍媸皆**

**由緣令異謂損益因成苦樂果以瞋忍因**

**成妍媸果** 三復以第三等者即通以此二  
對雙結前二對初對觀現受時

者即心不知受受不知心謂亦由受因受  
苦樂體及妍媸故若無識種本識此二亦  
無所依次對觀苦樂等者即因不知緣  
緣不知因謂損益下別示二對之相由損  
他業感於苦報由益他業感於樂報以噴  
恚業感於醜陋由忍辱業感於端正此中

言因召緣為因此  
中言果是別報果 **四復以第四及第五**

**結諸根滿缺亦由滿業因緣有損他益他**

**之異故成內六處滿缺之果又由內根有**

**滿缺故於分別位了境不同並皆無性各**

**不相知既不相知誰令種種** 四復以第四  
等者此上總

明亦由滿業下別說其相滿業即第四對  
因不知緣緣不知因緣即由益他六根等成  
由損他眼耳成盲聵等由益他六根等成  
六處滿足又由內根等者即第五對智不  
知境境則受果中亦具五根明利勝上若  
之滿足則受果中亦具五根明利勝上若  
智於境信等隨關或非深厚則得果時五  
根隨缺或成下品並皆無性下上別釋中  
但出能對所對二種法體今則總明不相  
知義在文易了意云並各相依從緣無性  
何有能所熏等而能相知既不相知若此  
但約第一直問意結亦應帶疑云為是種  
種為是一性結成難云一性隨於種則  
失真諦種種隨於一性則失俗諦一性即  
不相知亦應結云種種隨於種種則失真諦  
失俗諦不相知隨於種種則失真諦

大方廣佛華嚴經疏鈔會本第十三之四

音釋

遞 大計切 礎 椎 礎 知林切 研 覈 究也嚴切  
華切 環 關 鬘 莫班切 配 滂佩切 軌 古委切  
考也 胡對切 填 亭年切  
績 胡對切 填 亭年切

大方廣佛華嚴經疏鈔會本第十三之五 途六

善于闐國三藏沙門實叉難陀 譯

唐清涼山大華嚴寺沙門澄觀撰述

時覺首菩薩以頌答曰

仁今問是義為曉悟羣蒙我如其性答惟仁

應諦聽

途六

一

二答中分二初時覺首下讚問許說上半

讚問謂文殊自究深旨一向為他仁心弘

益也次句許說分齊稱性說故也後句勸

聽言同意別也故令諦受

諸法無作用亦無有體性是故彼一切各各

不相知

二正答答勢縱橫具答前來三重問意分

為二前五答前結成之中以何因緣而不

相知用此釋成答前難故首而明之後五

正答前難今初分二先一法說後四喻況  
今初意云特由從緣種種故不相知也

即此偈上半出因下半結歸本宗後四即

為同喻量云眼等是有法定不相知故是

宗法因云從緣無體用故同喻云如河中

水河水無體用河水不相知眼等無體用

眼等不相知若以緣起相由門釋者初句

因緣相假互皆無力次句果法含虛故無

體性至下喻中別當釋之是故虛妄緣起

略有三義一由互相依各無體用故不相

知二由依此無知無性方有緣起三由此

妄法各無所有故令無性真理恒常顯現

現文但有初後二意初因明立量懸指後

中但有宗因二緣起相由然緣起相由具  
力無力及有體無體今顯不相知理但明  
無力無體又因中亦有無體義今取義使  
因緣相假但明無力謂因假緣故因無力

緣假因故緣無力果上亦有無力義今取  
義顯但明無體謂全攬因成緣成無性故  
云舍虛無體下四喻中皆有無體用義故  
指下明三結示緣起深旨然此正結緣起  
相由門兼結上因明立量以立量中亦說  
不相知為宗或即三義中初義現文但有  
初後二意者全取一偈即是初意唯取不  
相知言即是後意其第二意至後五偈答  
本難中方言諸法者非唯舉前十事五對  
用斯義

途六

二

亦該一切有為法也果從因生果無體性  
因由果立因無體性因無體性何有感果  
之用果無體性豈有酬因之能又互相待  
故無力也以他為自故無體也下半結中  
是故者是前體用俱無故故彼一切法各  
各不相知也果從因生等者上取義便但  
因無力說果無體今欲盡理  
故具舉之則上句諸法通於因果先以因  
緣門明因果俱無體因無體性下以上無  
體釋成因果無用體尚不立用安得存又  
互相待下以相待門明無體用先明因果  
無用故云無力以他為自下明  
因果無體既全攬他故無自體

譬如河中水湍流競奔逝各各不相知諸法

亦如是

第二喻況略有二意一以此四喻通釋諸  
法不相知言二別對前文諸不相知兼通  
前設難今初以四大為喻然各上三句喻  
況下句法合然此四喻各顯一義一依水  
有流注二依火焰起滅三依風有動作四  
依地有任持法中四者一依真妄相續二  
依真妄起滅三妄用依真起四妄為真所  
持然此法喻一一各有三義一唯就能依  
二依所依三唯所依今初喻中唯就能依  
者流也然此流注有十義不相知而成流  
途六  
注一前流不自流由後流排故流則前流  
無自性故不知後二後流雖排前而不到  
於前流故亦不相知三後流不自流由前  
流引故流則後流無自性故不能知前四

三

前流雖引後而不至後故亦不相知五能  
 排與所引無二故不相知六能引與所排  
 無二故不相知七能排與所排亦無二故  
 不相知八能引與所引亦無二故不相知  
 九能排與能引不得俱故不相知十所排  
 與所引亦不得俱故不相知是則前後互  
 不相至各無自性只由如此無知無性方  
 有流注則不流而流也肇公云江河競注  
 而不流即其義也然上云前後者通於二  
 義一生滅前後謂前滅後生互相引排二  
 此彼前後即前波後波小乘亦說當處生  
 滅無容從此轉至餘方而不知無性緣起  
 之義耳然此流注下二別示不相知謂欲  
 顯不相知理故寄前後流異成其  
 十門若不說前後之流將何不相知耶一  
 河之水不出前後則千里九曲皆悉無性  
 不相知矣然雖十義本唯二流成兩重能  
 所前流望引為能望排為所後流望排為

能望引為所以斯四義相集成十初及第  
 三以五為所故無性無知二四兩門約不  
 到五六二門約無二體以後流是能排即  
 所引故前流所排即能引故七八約緣成  
 故無二謂七中能排是後所排是前亦無  
 二者要有所排方能排此二相成故亦  
 無二八約能引亦能引九十約不俱故無  
 者然其能排是後能引是前不得俱者後  
 為能排前須為所排不得即此名為能引  
 義門別故名為不俱第十則此名流為所  
 排時後流須為能排不得為所引故云不  
 俱肇公下四句論云既無往返之微朕有  
 相連總而有四句論云既無往返之微朕有  
 何物而不可動乎然則旋嵐偃岳而常靜江  
 河競注而不流野馬飄鼓而不動日月歷  
 天而不周復何怪哉今四喻中但用水風  
 彼無火地然上云下五別釋前後二字一  
 生滅前後者此即堅說如壯與老謂此流  
 水利那生滅前利那滅後利那生二此彼  
 前後者猶如二人同行狹徑後人排前前  
 人引後此即橫說分分之水皆有前後乃  
 至毫滴亦有前毫後毫故聚眾多皆成流  
 注則無性矣小乘亦說下六揀定不相知  
 理先舉小乘而不知下舉大異小乘即  
 俱舍論業品中釋身表許別形非行動為  
 體以諸有為法有剎那盡故論文初句論  
 主標有宗義下三句破正量部以正量部  
 謂以動身為身表體故論破之然正量部  
 今論主明有為法皆有剎那何以知有後

有盡故既後有盡知前有滅故論云若此  
處生即此處滅無容從此轉至餘方釋曰  
此生此滅不至餘方同不遷義而有法體  
是生是滅故非大乘大乘之法緣生無性  
生即不生滅即不滅故遷則不遷則其理  
懸隔然肇公論則舍二意顯文所明多同  
前義故云傷夫人情之惑久矣目對真而  
莫覺既知往物之不來而謂今物而可往  
往物既不來今物何可往何則求向物於  
向於向未嘗無責向物於今於今未嘗有

於今未嘗有以明物不來於向未嘗無亦  
明物不去覆而求今今亦不往是謂昔物  
自在昔不從今以至昔今物自在今不從  
昔以至今故仲尼曰回也見新交臂非故  
如此則物不相往來明矣既無往返之微  
朕有何物而可動乎即云然則旋嵐等下  
文又云若古不至今今亦不至古事各性  
住何物而可去來釋曰觀肇公意既以物  
各性住而為不遷則溫小乘無容從此轉  
至餘方下論云故談真有不遷之稱導物

有流動之說則以真諦為不遷而不顯真  
諦之相若但用於物各性住為真諦相寧  
非性空無可遷也不真空義方 二依所依  
顯性空義約俗諦為不遷耳  
者謂前流後流各皆依水悉無自體不能  
相知然不壞流相故說水流  
三唯所依者流既總無但唯是水前水後

水無二性故無可相知是則本無有流而  
說流也

二法中三義者一流喻能依妄法二妄依  
真立三妄盡唯真初中妄緣起法似互相  
藉各不能相到悉無自性故無相知是則

有而非有也二依所依者謂此妄法各各  
自虛舍真方立何有體用能相知相成即  
由此無知無成舍真故有是則非有而為

有也三唯所依者謂能依妄法迥無體用  
唯有真心挺然顯現既無彼此何有相知  
正由此義妄法有即非有以非有為有復

說真性隱即非隱以非隱為隱 妄法有即  
義隱即非隱是第二義以正為事隱之時  
而有所依故以非隱為隱即第三義理常  
現此上三意即三種答答上三種問思之  
故思之者以易見故若具說者第一妄法有  
而非有答前直問既有種種何緣不相知

謂種種是妄有體即非有故不相知二答  
 懷疑為是種種為不相知故今答云能依  
 妄法依所依真妄常種種真常無和故三  
 答結成難者即妄即真故種種不乖不相  
 知也

何故以水喻真心者以水有十義同真  
 性故一水體澄清喻自性清淨心二得泥  
 成濁喻淨心不染而染三雖濁不失淨性  
 喻淨心染而不染四若澄泥淨現喻真心  
 惑盡性現五遇冷成冰而有硬用喻如來  
 藏與無明合成本識用六雖成硬用而不  
 失軟性喻即事恒真七煖融成軟喻本識  
 還淨八隨風波動不改靜性喻如來藏隨  
 無明風波浪起滅而不變自不生滅性九  
 隨地高下排引流注而不動自性喻真心  
 隨緣流注而性常湛然十隨器方圓而不  
 失自性喻真如性普徧諸有為法而不失  
 自性略辨十義少分似真故多以水為喻

此義見文雖似不具而大通眾經  
 亦如火聚猛燄同時發各各不相知諸法  
 亦如是

第二依火焰起滅喻中三義同前初唯焰  
 者謂焰起滅有其二義一前焰謝滅引起  
 後焰後焰無體而不能知前焰前焰已滅  
 復無所知是故各各皆不相知二前焰若  
 未滅亦依前引無體故無能知後焰未生  
 故無所知是故彼亦各不相知妄法亦爾  
 剎那生滅不能自立謂已滅未生無物可  
 知生已則滅無體可知是故皆無所有也  
 斯則流金爍石而不熱也第二依火等者  
下之三喻文勢  
 稍略隨其三義便以法合今初唯燄喻中  
 二義一明後不知前二明前不知後二合  
 先總謂已滅下別然法喻俱用生滅門釋  
 而有小異喻中用前念滅後念生釋今法  
 合中亦用前滅後生正合前燄後燄兼三  
 時門今初已滅者前念也未生者後念也

故此二念一向無物生已即滅者前後二  
 念皆即生即滅並皆緣生故言無體體無  
 實故言兼三時門者謂一念之上即有三  
 時已滅為已生未生為未生已即滅是  
 生時故淨名云若過去生過去生已滅若  
 未來生未來生未至若現在生現在生無  
 住經云比丘汝今即時亦生亦老亦滅故  
 三時無體無可相知也斯則流金者即莊  
 子意說於至八大水稽天而不滿大早金  
 石流火山燒而不熱然其本意非是水不  
 能溺火不能燒意云乘時處順不以水火  
 而為患也亦不橫為所燒溺也正同今意  
 燒而不燒但彼約順時二依所依者謂彼  
 此約無性理懸隔矣  
 火焰即由於此無體無用不相知故而有  
 起滅虛妄之相是則攬非有而為有也妄  
 法亦爾依此無所依之真理方是妄法是  
 亦非有為有也二依所依者亦先喻後合  
 以水為所依今以水為所依而為所依若  
 倒前流依於水者應以火為所依火是熱  
 性身所觸故皎是色動有形顯故若依此  
 釋應云前皎後皎皆依於火以無自性故  
 無相知是則依水依火明二空所顯不空  
 真理以為所依若無體用為所依者則顯  
 依他無性即是圓成二空真理以為所依  
 顯義無方故有影略下唯所依亦準斯釋

又若例後風喻風依物動則火依薪有新  
 為可燃火是能然故以然因可然則然無  
 體可然因然則可然無體三唯所依者推  
 則以無性可然而為所依  
 起滅之焰體用俱無無焰之理挺然顯現  
 是則無妄法之有有妄法之無湛然顯現  
 遂令緣起之相相無不盡無性之理理無  
 不現是則無妄下二結上三義也然有  
 妄法之有則無定性之有非斷無矣有妄  
 妄法之無是真空之無便為妙有是故若舉  
 妄取真則妄有真空如三論說若真妄對  
 辨則妄空真有如涅槃明遠令緣起下覆  
 成上義上句成無妄法之有下句成有妄  
 法之無相無不盡是初門理無不現是第  
 三門合上二上三義中亦如次喻答前三  
 句為第二門  
 問也下二喻準知上三義中下對問會通  
 直問也能依種種所依無二答懷疑也即  
 事同真故不相違答設難也在義易了故  
 云準知若賢首意問者據其初義答者用  
 其後二亦是一理是則初義兩家共用下  
 當重  
 又如長風起遇物咸鼓扇各各不相知諸法

亦如是

第三依風有動作喻妄用依真起三義同

前三依風有動作喻有標釋結而無對一問即以水樹等而為所依餘大同前

唯動者離所動之物風之動相了不可得無可相知妄法亦爾離所依真體不可得

故無相知斯則旋嵐偃岳而常靜也斯則旋嵐偃岳而常靜者即肇公言亦云隨嵐即二與雲之風北方風也亦是劫壞時風

依所依者謂風不能自動要依物現動動無自體可以知物物不自動隨風無體不能知風法中能依妄法要依真立無體知

真真隨妄隱無相知妄

三唯所依者謂風鼓於物動唯物動風相皆盡無可相知妄法作用自本性空唯所

依真挺然顯現

是故妄法全盡而不滅真性全隱而恒露

途六

能所熏等法本自爾思之可見是故妄法下結文有

兩對具上三門妄法全盡而不滅者單取妄法全盡是初門將上而不滅對下真性全隱為第二門以不滅為能依全隱為所依故下句中而恒露即第三門

又如眾地界展轉因依住各各不相知諸法亦如是

第四依地有任持者喻妄為真所持三義

同前

初地界因依有二種義一約自類二約異

類前中從金剛際上至地面皆上依下下持上展轉因依而得安住然上能依皆離九

所無體而能知下然下能持皆亦離所無途六

體可令知上又上上能依徹至於下無下可相知下下能持徹至於上無上可相知

是故若依若持相無不盡所現妄法當知亦爾必麤依細謂苦報依於業業依無明



造無明依所造展轉無體無物可相知斯

則厚載萬物而不仁也肇公亦曰乾坤倒

覆無謂不靜也初唯能依此中立名與前

動今初云地界因依則喻勢小異一約自

特仁德也老子云天地不仁以萬物為芻

狗經云譬如大地荷四重任而無疲歇也

次肇公下亦不遠論末總結云然則乾坤

倒覆無謂不靜洪水滔天無謂其動苟能

契神於即物斯不遠而可二約異類者如

知矣坤即是地故得引之

下文地輪依水輪水輪依風輪風輪依虛

空虛空無所依準此妄境依妄心妄心依

本識本識依如來藏如來藏無所依是故

若離如來藏餘諸妄法各互相依無體能

相知是則妄法無不皆盡二約異類者即

依喻然其合文與此不二依所依者地界

同今但借其四輪用耳正由各無自性而得存立向若有體則不

相依不相依故不得有法是故攬此無性

以成彼法法合可知

三唯所依者謂攬無性成彼法者是則彼

法無不皆盡而未嘗不滅唯無性理而獨

現前

餘義同前上通答釋成前難竟餘義同前

結然餘義有二一者結前三門應云一妄

無不盡是初門理無不現是第三合二為

第二全在第三唯所依中故云第二別對

諸不相知及通前難者初水流轉喻前二

對不相知答趣善惡難以善惡趣流轉體

故第二別對等者上之四喻通喻五對不

相知義今則別對言及通前難者即往

善趣等五對難也初水流轉者即業不知

心心不知業受不知報報不知受受趣善

惡者上云心性是一云何見往善趣惡趣

答云善趣惡趣即是總報由業熏心受所

受報如水源流言流轉體者體即願耶故

唯識云恒轉如瀑流釋論云如瀑流水非

常住境界風所動等二地經云二大火喻一切眾生為大瀑水波浪所沒

第二三對不相知答前諸根受生如火依

薪有生滅故二大火喻者此亦鈞鎖第二對前已用竟今復喻之謂受

不知報報不知受及心不知受受不知心答前諸根受生者答前二難由前問云心性是一何以見有諸根滿缺及受生同異故今答云諸根滿缺受生同異皆由識種

受所受報亦依於次以長風喻前因緣答心如火依薪故

前好醜遇物鼓扇現諸相故此以長風者因不知絲絲不知因答前好醜者謂前問云心性是一云何見有端正醜陋故今答云今所受報有妍媸者由業緣異今報好醜如風東西今物僅仰相各不同

以地界亦喻因緣答前苦樂展轉因依似輕重故又喻前境智答前諸根隨種種所生

根等異故

答前苦樂者喻不相知則同於風答前苦樂則不同風謂上問

言心性是一云何見有受苦受樂故今答云善因樂果惡業苦報苦樂多種如地輕重又喻前境智者前以風地二喻同喻因緣一不相知今一地喻二不相知答前諸根者以諸根有二義一約眼等諸根則大喻三信等今地喻以答地雖是一

隨種生芽心性雖一隨根上來總別並答成異故信進等各各不同

釋成中以何因緣各不相知竟

第二五偈答前設難文分為三初三偈正

答前難次一偈釋成前義第三一偈拂迹

入玄今初先明大意次正釋文今初前問

有三重今此三偈一一具答上之三問謂

第一直耳問云既有種種何緣得不相知

前五偈答竟既不相知何緣種種答有四

因一妄分別故二諸識熏習故三由無性

不相知故四真如隨緣故初偈具二三餘

二各一義然此四因但是一致謂由妄分

別為緣令真如不守自性隨緣成有諸識

熏習展轉無窮若達妄源成淨緣起諸宗

各取並不離象受一非餘斯為偏見第二

答前設難今初前問有三下即先明大意於中有二第一總彰偈文之意二初正明

然此四因下二融會言諸宗者上四因中  
 初一通性相二宗二即法相宗三即無相  
 宗四即法性宗據其實義四因不方成  
 緣起甚深之趣隨情執見則乖聖旨如盲  
 摸象不全見象然不離象盲不識乳則一  
 同奪之今盲摸象則是分奪取其不離並  
 順望教此喻即淫繫第三十二南經三十  
 答師于吼衆生若有佛性不須修道自得  
 菩提答意云衆生若有者定當得故後舉此  
 喻云善男子譬如有王告一大臣汝牽一  
 象以示盲者爾時大臣受王勅已多集衆  
 盲以象示之時彼衆盲各以手觸大臣即  
 還而白王言臣已示竟爾時大王即呼衆  
 盲各各問言汝見象耶衆盲各言我已得  
 見王言象爲何類其觸牙者即言象形如  
 蘆葦根其觸耳者言象如箕其觸頭者言  
 象如石其觸鼻者言象如杵其觸脚者言  
 象如木其觸脊者言象如牀其觸腹者言  
 象如木其觸尾者言象如蛇善男子彼  
 衆盲者不說象體亦非不說若是衆相悉  
 非象者離是之外更無有象善男子王喻  
 如來應正徧知臣喻方等大涅槃經象喻  
 佛性盲喻一切無明衆生是諸衆生聞佛  
 說已或作是言色是佛性釋曰彼經喻  
 意明一切衆生雖有佛性見不明了互執  
 不同然非全離所執之法皆佛性故而非  
 全見今借此喻以深教深旨總喻於衆諸  
 宗異見如盲所觸並合聖理故云不離然  
 非圓了故云非是說象故脇尊者云依之  
 修行無不獲益言受一非餘斯爲偏見者

言象如笑不信如曰斯爲大迷但信諸識  
 不信無性真如隨緣故爲偏見離世間品  
 云受一非餘上第二疑云爲是種種爲是  
 魔所攝持  
 一性今答云常種種常一性第三難云一  
 性隨於種種則失真諦種種隨於一性則  
 壞俗諦今答云此二互相成立豈當相乖  
 性非事外曾何乖乎種種種種性空曾何  
 乖乎一性由無方有一性能成種種緣生  
 故空種種能成一性由無方有上下辯不  
 相乖今明相成然事  
 三相作義今用後二其第一義是問家所  
 用是以緣起之法總有四義一緣生故有  
 即妄心分別有及諸識熏習是也二緣生  
 故空即上云諸法無作用亦無有體性是  
 故彼一切各各不相知是也三無性故有  
 論云以有空義故一切法得成經云從無  
 住本立一切法即上隨緣是也四無性故

空即

切空無性是也

是以緣起之法下

空有之義謂緣生故有是有義無性故空  
 是空義二義是空有所以謂無性故有是  
 有所以緣生故空是空所以所以即緣生  
 緣所以無性是故緣生是無性空之所以也  
 何以緣生得為有義釋云特由無定性故  
 方始從緣而成幻有是故無性是有所以  
 故中論四諦品云若人不知空不知空因  
 緣及不知空義是故自生惱如不善呪術  
 不善提毒蛇若將四句總望空有則皆名  
 所以故云緣生故名有緣生故名空無性  
 故名有無性故名空良以諸法起必從緣  
 從緣有故必無自性由無性故所以從緣  
 緣有性無更無二法而約幻有萬類差殊  
 故名作論無性一味故名真諦又所以四  
 句唯第三句引證成者無性故有理難顯  
 故若具證者一緣生故有者法華云但以  
 因緣有從顛倒生故說淨名云以因緣故  
 諸法生中論云未曾有一法不從因緣生  
 等皆因緣故有義也二緣生故空者經云  
 因緣所生無有生論云若法從緣生是則  
 無自性若無自性者云何有是法三中言  
 以有空義故一切法得成者亦四諦品由  
 前諸品以空遠有小乘便為菩薩立過云  
 若一切法空無生無滅者如是則無有四  
 聖諦之法菩薩反答云若一切不空無生  
 無滅者如是則無有四聖諦之法謂小乘  
 以空故無四諦菩薩以不空故則無四諦

若有一切法得成若無空義者一切則不成  
 即無性故有也經云從無住本立一切法  
 者前已引竟今當重引即淨名第二推善  
 不善之本故經云善不善孰為本答曰身  
 為本又問身孰為本答曰欲貪為本又問  
 欲貪孰為本答曰虛妄分別為本又問虛  
 妄分別孰為本答曰顛倒想為本又問顛  
 倒想孰為本答曰無住為本又問無住孰  
 為本答曰無住則無本又問無住孰  
 本立一切法觀公釋公無住即實相異名  
 實相即性空異名故從無性有一切法餘  
 如別說四中應引淨名云以何為空但以  
 名字故空如是二法無決定性經云法性  
 本空寂無取亦無見又云一切法無性是  
 則佛真體八地云無性為性中論始末皆  
 顯真空 是以無性緣生故空則非無見  
 斷見之空為真空也無性緣生故有則非  
 常見有見之有是幻有也幻有即是不有  
 有真空即是不空空不空空故名不真空  
 不有有故名非實有非空非有是中道義  
 是以無性緣生故空中第二會中道意明  
 此中空有皆是中道文中有三初揀非顯  
 是無性緣生故空者雙標前四句中兩種  
 空也此二種空並離斷見謂定有則若常

定無則著斷今緣生故空非是定無無性  
故空亦非定無定無者一向無物如龜毛  
兔角今但從緣無性故非定無此上揀非  
為真空也二顯是言無性緣生故有者亦  
雙樣前之二有並非常見之有常見之有  
是定性有今從緣有非定性有況由無性  
有豈定有耶亦是上揀非是幻有也顯是  
幻有者從緣無性如幻化人非無幻化人  
幻化非真故云幻有亦各妙有以非有為  
有故名妙有然斷常見既由有無則有無

見即斷常見既何重緣此有深意斷常見  
見多是邪宗即五利使邊見所攝其有無  
見通涉正法但取空有和未契理為有  
無見此有無見究竟遠離唯大菩薩故淨  
名云說法不有亦不無以因緣故諸法生  
有無二邊無復餘習下經善友歷事諸佛  
已證法門尚云猶於諸法中無而計為有  
等幻有即是不有有下第二立中道義此  
中有三中道一幻有上有自為中道謂有與  
不有此二無礙故為中道故云有是不有

有言不有者舉體全空無所有故重言有  
者亦名非不有謂不待破差別相故故大  
品云諸法無所有如是有故非有非不有  
名為中道是幻有義二言真空是不空空  
者即真空上以明中道謂不空與空無障  
礙故言不空者以空無空相故重言空者  
亦名非不空謂餘一切相無不盡故是故  
非空非不空名為中道是真空義經云空  
不空不可說名為真空中論云無性法亦  
無一切法空故重言不空空故名不真空  
十四

不有有故名非實有者傍會異義意不殊  
前即通會肇公不真空論康公云萬法不  
真故空不得肇意遠公云不遺當俗俗則  
不生不真為真但名說却得肇意此中  
真空非是前文對妙有之真空此中真空  
是所破病人謂真諦一向無物為真空義  
是故肇公以不不之云不一向是無物故  
云不真空謂即萬有之無性名為真諦何  
魯一向是空故云不真空也此不真空即  
前真空不有有故名非實有者對上下真

空故為此揀真空實有並是二邊不真非  
實即為正理非真空非有三結成中道然  
其正意合前真空二義總名非空合前幻  
有二義皆名非有空有不二故為中道又  
以幻有為非空以真空為非有皆中道義  
實則上空有之上有二中道兼此為三下  
融合中更 又開此空有各有二義一真空  
當廣說 必盡幻有以若不盡幻有非真空故二真  
十五

空必成幻有以若礙幻有非真空故又開  
有下二開義有二先正明一真空必盡幻  
有是相害義亦法界觀中真理奪事門以  
事攬理成遂令事相無不皆盡唯一真理  
平等顯現以離真理外無有少事可得故  
如水奪波波無不盡般若中云是故空中  
無色無受想行識等二真空必成幻有者  
是相作義及無礙義亦法界觀中依理成  
專門講事無別體要因真理而得成立以



合為一真空為真諦中道前一為即相無  
 相之中道此一為即性無性之中道亦有  
 混無二義又非空與有無二為一幻有者  
 上一對空有自合此下一對空有四義交  
 絡而合今此第三即取真空中非空義及  
 幻有上有義二義相順明其不二然是非  
 空上取即是有義非有上取遮斷滅義故得  
 共成幻有為非空非有存混無礙之中  
 道空與非有無二為一真空者即第四取  
 真空上空義幻有上非有義二義相順明  
 其不二然是空上遮定有義非有上即是  
 空義故二相順得成真空為非有非不空  
 存混無礙之中道三是在俗混真此是存  
 真混俗又三是在空徹於有今是有徹於空  
 皆二諦交徹又幻有與真空無二為一味  
 法界者即第五總合前四令其不二然上  
 各合交徹並不出於真空幻有故今合之  
 為一味法界為二諦俱融之中道然三四  
 雖融二諦而空有別融今此即空有無礙  
 即是非空非有無礙舉一全收若以真同

俗唯一幻有融俗同真唯一真空空有無  
 二為雙照之中道非空非有無二為雙遮  
 之中道遮照一時存混無礙故第二結歎  
 云離相離性無障無礙無分別法門以幻  
 有為相真空為性又空有皆相非空非有  
 為性又別顯為相總融為性今互奪雙融  
 並皆難也無分別法但約智說唯無分別  
 智方究其源矣無障無礙通於境智謂上  
 之五重多約境說心智契合即為五觀五  
 境既融五觀亦融以俱融之智契無礙之

現則心境無礙心中無盡之境境上有  
 無礙之心故要亡言方合斯理總為緣起  
 甚深之相餘義復次性有二義一者有義  
 如玄中已明 復次性有二義一者有義  
 二者空義復有二義一者不變二者隨緣  
 以有義故說二空所顯即法性本無生也  
 以空義故說依他無性即是圓成即各不  
 相知以有義故說於不變以空義故說於  
 隨緣此二不二隨緣即是不變不變故能  
 隨緣復次性有二義下第四別釋性義於  
 四結勸修學今初文有四節一雙標二門  
 二以有義故說二空所顯下釋空有義三  
 以有義故說於不變下即將初門釋變不  
 變四此二不二下雙融不變隨緣二門就

第三釋變不變中云何有義說於不變既  
 以二空所顯真如則湛然常存體無變易  
 云何以空義故說於隨緣由依他無性即  
 是空義要在緣中方顯空理故知隨緣四  
 中上來且隨一義以收二宗以法相宗唯  
 不變故無相宗中唯性空故須第四雙  
 融二門具足無礙方顯圓融法性宗意二  
 義既即空有亦即隨緣即是不變故空性  
 即是非實有將何隨緣而成諸法如本無

水將何隨風 若唯不變性何預於法若但  
 而成波浪 隨緣豈稱真性故隨其流處有種種異而  
 其本味停留雪山又若性離於法則成斷  
 滅法離於性則本無今有又法若即性性  
 常應常性若即法法滅應滅 若唯不變下  
 第二反成唯

不變性何預法者則性如虛空法如星象  
 虛空不為星象之性真如何得為諸法性  
 則性與法異何相干耶若但隨緣豈稱真  
 性者緣有生滅則非真故隨其流處下借  
 淫繁經以成二義隨流有異是隨緣義本  
 味停留是不變義即第七經南經第八如  
 來性品答迦葉問顯性是常經云復次善  
 男子譬如雪山有一味藥名曰藥味其味  
 極甜在深叢下人無能見有人聞香即知  
 其地當有是藥過去世中有轉輪王於彼  
 雪山為此藥故在在處處造作木箭以接  
 是藥是藥熟時從地流出集木箭中其味  
 真正王既沒已其後是藥或酢或鹹或甜  
 或苦或辛或淡如是一味隨其流處有種  
 種異是藥真味停留晉在山猶如滿月凡  
 薄福難以掘鑿加功苦至而不能得復有  
 聖王出現於世以福因緣即得是藥真正  
 之味善男子如來秘藏其味亦爾為諸煩  
 惱叢林所覆無明衆生不能得見一味藥  
 者譬如佛性以煩惱故出種種味所謂地

獄畜生餓鬼天人男女非男非女刹利婆  
 羅門毗舍首陀佛性雄猛難可毀壞是故  
 無有能殺害者若有殺者則斷佛性如是  
 佛性終不可斷若可斷者無有是處如我  
 性者即是如來秘密之藏如是秘藏一切  
 無能毀壞燒滅雖不可壞然不可見若得  
 成就阿耨多羅三藐三菩提爾乃證知以  
 是因緣無能殺者釋曰以法對喻文亦易  
 見然彼如來必藏佛性以法對喻文亦易  
 中如來藏性不變隨緣二義分明但雪山  
 喻經其過去王喻過去佛復有聖王即是  
 合中若得菩提餘並可知又若性離於法  
 下覆成上義上云性何預法即昇離義即  
 成斷滅者性離於法非即預法空故性成斷  
 言法離於性本無今有者性出自古此為  
 本有法既離性故本無今有本無今有若  
 何過耶則虛空中本無今有常出衆生若  
 爾法即於性應非本無今有何以論云從  
 無之有曰生自有還無稱滅釋曰緣會事  
 顯則是有本無今有無始衆生不可得言本  
 無今有況涅槃云本有今無本無今有三  
 世有法無有是處上半約相下半約性既  
 相與性不得相離則本無之法非全法無  
 今有之法非全新有是故下云三世有法  
 無有是處此偈廣義已見初品又法若即  
 性等有是然常無常非即非離此以不即  
 其全即性若即法者謂水若即波波滅水  
 滅今但波滅而水不滅則法若滅時而性  
 不滅則非全即也故大品中佛問須菩提  
 心若生時為即性不答言即性此心滅不



答云生法必滅佛言真性滅不答云不滅  
 佛言此處可思議不答云不可思議即斯  
 義故二相成非常非斷此二相奪故說非  
 矣  
 有非空為中道義故二相成下三結歸中  
 道略有三重上非即非  
 離為中道由此故成非斷非常非  
 有非無亦應言非變非不變也 苟得其  
 會不惑百家異說願諸學者虛已求宗得  
其會下四結勸修學使  
 無偏執上已明大意

大方廣佛華嚴經疏鈔會本第十三之五

音釋

競共朕切  
 爭也 整訖逆切  
 磚坏 瀑蒲報切  
 疾流 摸末各切  
 捫也  
 湍池端切  
 急瀨也 肇直紹切  
 直紹 廩于芮切  
 于芮 挺徒兩切  
 徒兩切 詔眉病切  
 眉病  
 切辨別也 絡歷各切  
 歷各切 酢倉故切  
 倉故切 掘具月切  
 具月切

第一三三冊 大方廣佛華嚴經疏鈔會本 一五·一五五七

六三五 龍藏

大方廣佛華嚴經疏鈔會本第十三之六途七

唐子闕國三藏沙門實又難陀譯

唐清涼山大華嚴寺沙門澄觀撰述

眼耳鼻舌身心意諸情根以此常流轉而無能轉者

途七

次正釋文且第一偈答三問者初答何因

種種此具二意先答何因下標也謂此一偈具四因中第二八識熏

習第二由無定性一以八識熏習而成故初句五

識次句心是本識集起義故意通六七七

謂審思量故六謂意之識故了別義故偈

文窄故不立識言亦諸情攝此從別義通

則八識皆得心意識名諸情根者通於八

種類非一故五依色根六依第七七八互

依又第七識為染汙根第八又為諸識通

依云諸情根言以此者以上八識為能所

熏展轉為因而常流轉無別我人故云無

能轉者又識外無法亦為無者次句心是本識者成

雅識第五云云何應知此第七八識離眼

等識別有體耶述曰以小乘謂此但是第

六入過去故故為此問論云聖教正理為

定量故謂薄伽梵處處經中說心意識三

種別集起名心思量名意了別名識是三

別義述曰此上總解謂小乘謂未來名心

過去名意現在是識種種分別然無別體

今顯經證論如是三義雖通八識而隨勝

顯第八名心集諸法種起諸法故第七名

意緣藏識等恒審思量為我等故餘六名

識於六別境蠢動間斷了別轉故釋曰謂

為一切現行所熏是集諸法現法為依

種子為因能生一切故云起諸法言緣藏

識等者因中有漏唯緣我境因中無漏緣

於第八及緣真如果上許緣一切法故論

云等也言蠢動者易了名蠢轉易名動不

續名間各有所緣故得別名論如入楞伽

第九伽陀中說藏識說名心思量性名意

通別之義喻伽六十三亦但有別名大同

唯識已下更無別釋通則八識下通出八

識皆得三名之相說者應云若以集起以

解心第八獨名心若積集以解心八識皆

無間以解意八識皆名意若以了別別境

以解識前六獨名識謂了差別六塵境故

若以了別一疏云八識皆名識即別識之  
 義唯識第一疏云了別境及顯顯境唯  
 前六名居然易了諸情根者通於八識皆  
 有根義已成非一沉就八中復有二類前  
 五依色後三依心三依中復有單雙互  
 依之異若具說者復有多少不同故唯識  
 第四云諸心所皆有三依一因緣依謂  
 自種子諸有為法皆託此依離自因緣必  
 不生故二增上依謂內六處諸心所皆  
 託此依離俱有根必不轉故三等無間依  
 謂緣前滅意諸心所皆託此依離開導  
 根必不起故釋曰根識同時名俱有也前  
 滅識等猶能開避導引後生名開導也然  
 此三依言生轉起別相云何生約依前開  
 體而生轉約隨順與力令轉起約由前開  
 路令後得起然其八識說俱有依四師不  
 同今用第四護法廣說俱有義結云由  
 此五識俱有所以依定有四種謂五色根六  
 七八識隨闕一種必不轉故同境分別染  
 淨根本所依別故釋曰同境即五色根根  
 識共同緣一境故分別是第六分別差別  
 故染淨是第七依此能起染污識等故根  
 本是第八若離第八餘不立故論曰聖教  
 唯說依五根者以不共故又必同境近相  
 順故釋曰此會遠也謂對法第一但言眼  
 識依色根會云不共者眼根但為眼識依  
 故非餘識依餘四亦然六七八識通餘識  
 依又必同境者根必與識同緣境故又近  
 相順者六七等識即是遠故是故五識定

有四依論曰第六意識俱有所依唯五識  
 種謂七識隨關一意識俱有所依唯五識  
 俱取境明了而淨依故同轉識攝近相順  
 故釋曰論中有三初正明次雖五識下通  
 外問謂有問云意識得五緣境明了何不  
 亦用五識之時能獨緣答云不定有故意識  
 得五識之法通亦有三初明是彼染淨根故  
 亦是對法通亦有三初明是彼染淨根故  
 二者六七同是轉識故三多引意識起染  
 汗執故名相順論集意識俱有所依但  
 有一種謂第八識藏識若無定不轉故如  
 伽陀說阿賴耶為依故有未那轉依止心  
 及意餘轉識得生阿賴耶識俱有所依亦  
 唯識論恒與末那俱轉若無定不轉故論  
 說染汗此即末那釋曰上引伽陀即楞伽  
 依染汗此即末那釋曰上引伽陀即楞伽  
 經上引論即末那釋曰上引伽陀即楞伽  
 差別不同故今疏云種類非一而順諸聖  
 教從多而說故於五中取不共依六取染  
 汗故各舉其一餘義含在類非一中及次  
 疏文重明七八二識中攝既七為染汗根  
 即與前六為染淨依八為通依即與前七  
 為根本依矣言染汗根者第四論云此意  
 任運恒緣藏識與四根本煩惱相應其四  
 者何謂我見我思我執我慢我愛我名我  
 癡者謂我見我思我執我慢我愛我名我  
 我癡我見我思我執我慢我愛我名我  
 故名我見我思我執我慢我愛我名我  
 高舉故名我慢我愛者謂我執我慢我愛  
 我名我見我思我執我慢我愛我名我

深生就著故名我愛并表慢愛有見慢俱  
 遮餘部師不相應義彼疏釋云餘部即薩  
 婆多見慢愛三不得俱起故論云此四常  
 起擾濁內心令外轉識恒成雜染有情由  
 此生死輪迴不能出離故名下煩惱釋曰由  
 此四惑常俱等故名染汗根下論依中往  
 往皆名爲染汗意第八又諸識通依者即  
 根本依也言諸識者不唯第七識心所等  
 法皆依此故直統第七名染汗根若六  
 依則通染淨故名爲染淨依以上八識等  
 皆釋第三句前七爲能熏第八爲所熏故  
 通云八識爲能所熏十熏八種七見八因  
 八合七種八是七因故云展轉又依種起  
 現復熏種故展轉無窮然此能熏所熏  
 通性相宗先依法相宗說唯識第二廣顯  
 其義論云依何等義立熏習名烟所熏能  
 熏各有四義令種生長故名熏習烟何  
 等名爲所熏四義翻一堅住性若法始終  
 一類相續性能持習氣乃是所熏此遮轉識  
 及風聲等性不堅住故非所熏釋口轉識  
 謂七轉識兼舍心所若許七識能持種者  
 初地已破四惑應失一切有漏種者明是八識  
 上識成平等性猶有漏種以間斷相顯  
 能持言風聲等者此揀根塵及法處所顯  
 故偏語之理實等字等取根塵及法處所  
 攝色等一切皆揀至無色界即無色故入  
 滅定等心亦無故名不堅住論云二無記  
 性若法平等無所違逆能容習氣乃是所  
 熏由此遮善染勢無所遠逆能容習氣乃是  
 熏由此如來第八淨識唯帶舊種非新受

熏釋曰善染如沉麁雜等故不受熏無  
 記如素帛故能受熏佛第八識以極善故  
 亦非所熏唯於因中曾所熏故帶彼舊種  
 論曰三可熏性若法自在性非堅密能受  
 習氣乃非所熏此遮心所及無爲法依他  
 堅密故非所熏第八同時五種心所得自在故  
 可是所熏無爲之法體又堅密如金石等  
 故非所熏論曰四與能熏共合性若與  
 故非所熏論曰四與能熏共合性若與  
 能熏同時同處不即不離乃是所熏此遮  
 他身剎那前後無和合義故非所熏釋曰  
 他身剎那前後無和合義故非所熏釋曰  
 故剎那前後無和合義故非所熏釋曰  
 識熏後念故論曰唯異時揀於經部前念之  
 是所熏非心所釋曰此總結也非心所  
 者即第八同時心所釋曰此總結也非心所  
 論曰何等名爲能熏四義取所餘如上所揀  
 一有生滅若法非常能起作用生長習氣  
 乃是能熏此遮無爲前後不變無生長用  
 故非能熏二有勝用若有生滅勢力增長  
 能引習氣乃是能熏此遮異較心一所等  
 勢力羸劣故非能熏釋曰勝用有二能  
 綠勝用即揀諸色爲相分熏非綠二能  
 強盛勝用謂不任運起即揀別類與綠心  
 等有綠慮用無強盛用無能緣用異較心  
 熏由斯色等有強盛用無能緣用異較心  
 等有能緣用無強盛用無能緣用異較心  
 俱無皆非能緣用無強盛用無能緣用異較心  
 可增可減攝植習氣乃是有增減若有勝用  
 自滿善法無增無減故非能熏彼若能熏

便非圓滿前後佛果應有勝劣釋曰有塔  
 減者第七末那至無漏位亦有增減唯除  
 佛果言有勝劣者前佛應勝而轉若與所  
 子多故論曰四與所熏和合而轉此他  
 熏同時前後無和合義故非能熏釋曰此  
 身利那前無名論上二皆云共和合者心  
 第四義大應異名論曰唯七轉識及彼心  
 合即是相應與名論曰唯七轉識及彼心  
 所有勝勢用上結能熏論云如是能熏與所  
 能熏釋曰上結能熏論云如是能熏與所  
 熏識俱生俱滅熏習義成令所熏中種子  
 生長如熏芭藤數有熏習義其狀文繁第一  
 宗意下經數數有熏習義其狀文繁第一  
 法性宗者上法相宗所熏第三能熏第一  
 正揀真如受熏之義今法性宗亦七識等  
 而為能熏八為所熏其第八中如來藏  
 隨緣成立含有生滅不生滅義故熏第八  
 即熏真如故起信云復次有因種法熏習  
 義故染法淨法起不斷絕云何為因一志  
 淨法名為真如二者一切染因名為無  
 三者安心名為識四者妄境界所謂六  
 塵熏習義者如世衣服實無於香若人以  
 香而熏習故則有香氣此亦如是真如淨  
 法實無於染但以無明而起染法則有染  
 相無明染法實無淨業但以真如而熏習  
 故則有淨用云何熏習起染法不斷所謂  
 以依真如法故有於無明以有無明染法  
 因故即熏習真如以熏習故則有妄心以  
 有妄心故則熏習無明以有無明染法故  
 覺念起現妄境界以有妄境界染法緣故

即熏習安心令其念著造種種業受於一  
 切身心等苦廣如彼論是則真如亦為能  
 熏亦能受熏故楞伽云不思議熏不思議  
 變是現識因謂不可熏而熏故名不思議  
 熏真如不變而隨緣成立名不思議變亦  
 即不染而染也賢首云安心通業識及事  
 識今據其本言業識耳言熏習故有染相  
 者真如本無相隨熏現相又顯安法無體  
 故但云相此釋經中如來藏為惡習所熏  
 等上即生滅門中真如言有淨用者此是  
 生滅門中本覺真如故有熏義真如門中  
 則無此義由本覺內熏不覺令成歇求  
 反流順真故云用也此釋經中由如來藏  
 故能歇生死苦樂求涅槃也涅槃經云聞  
 提之人佛性力故還生善根彼言佛性力  
 者即此本覺內熏之力良以一識舍此二  
 義更互相熏編生染淨此中佛者是覺性  
 者是本故名本覺緣如彼說無別我下釋  
 第四句然有二意一破我執者即人也二  
 又識外下破於法執即此言者通一切法  
 二明由不相知方成種種上半出種種以  
 此者以前不相知故舉體性空方成流轉  
 即此八識各無體性故無實我法而為其  
 主向若有性不可熏變安得流轉二明不  
 成種種者即第二段明前四因中第三因  
 也但由偈中以此二字取義不同故一偈

文通於二義取文全別前薰習義別以此  
 二字全指上半為流轉因今願無性即上  
 半為流轉果工半出種種即以此二字  
 指前五句法喻所明不相知義為流轉因  
 即此八識下釋第四句既於流無性何有  
 能轉若耶其主者通於人法向若有性下  
 上來喻得此下反釋由如金石各有堅性  
 不可令易今此無性猶如於水遇冷成冰  
 逢火便燒故中論云集若有定性先來所  
 不斷於今云何斷道若有定性先來所不  
 修於今云何修等故知若有定性一切諸  
 法皆悉不成若無定性一切皆成故中論  
 云以有空義故一切法得成若無空次遣  
 義者一切即不成無性即空義也  
 疑者以虛妄中有二義故一虛轉二無轉  
 故常種種常一性也次遣執下釋第二番  
 為是一性為是種種故今答云常一常多  
 一虛轉者無性故有也二無轉者無性故  
 空也虛轉故常種種無轉  
 故常一性勿滯二途也 **次答難者虛轉**  
**故俗不異真而俗相立無轉故真不異俗**  
**而真體存故互不相違也**後答難下即答  
謂前難云一性隨於種種則失真諦種種  
隨於一性則失俗諦故今意明不相違也  
虛轉等者轉故是俗虛故不異真既言虛  
轉則俗相立無轉等者無轉即真也以即

轉言無故不異俗即轉是空故真體存俗  
 法離真而無別體故示相立真不可見但  
 云體存上句俗不違真下句真  
 不違俗故疏結云互不相違  
 法性本無生示現而有生是中無能現亦無  
 所現物  
 第二偈亦答三問初明真如隨緣故成種  
 種者答所以也初句印上心性是一是不  
 變義次句答上云何見有種種是隨緣義  
 唯心變現全攬真性生非實生故云示現  
 下二句印上業不知心等者以是隨緣不  
 失自性義故是以諸趣種種了不可得生  
途七  
 即無生無能現者性不動故無所現者妄  
**法虛故**唯心變現音正釋真如隨緣之義  
謂即依前諸識薰習之緣所薰真  
如隨緣成法故云全攬真成以離如來藏  
無有實體為能所熏故云全攬真成正揀  
法相真如之外有能所薰真性即如來藏  
性如來藏性即生滅門中真如生非實生  
正釋示現字亦仍上起謂既攬真生相  
即虛故云示現以是隨緣者如水遇風緣

而不成波浪濕性不失如來藏性雖成種種  
而不失於自清淨性此中隨緣即是前經  
見有種種此中不失自性即前業不知心  
等對上問中故云諸趣種種了不可得對  
今經文故云生即無生生即諸趣無生即  
不相知躡上示生之句經云此中即下八  
字是不失自性無能現者真如隨緣成一  
切法如即能現不失自性名性不動何有  
能現妄攬真成次遣疑者常生常無生上  
故自處無體遠七

半即無生之生業果宛然故勝鬘云不染  
而染難可了知下半生即無生真性湛然  
故勝鬘云染而不染難可了知又法性本  
無生不空如來藏也此中無能現空如來  
藏也上半即無生之生者由上疑云為是  
種種為是一性故今答云無生之生  
即常種種生即無生故云一性本未染淨  
既相交徹安可凡情而了知耶又法性本  
無生者上約不變隨緣今約二空即以能  
隨緣者為不空藏故有種種即上半也隨  
緣不失自性名為空藏以妄法不染故即  
是下半又約二藏體即是一性不礙隨緣  
故有種種不空即是答第三難者此中無  
一性空藏即不相知

示現而有生性不違相亦無所現物相不  
違性無二為二二即無二無礙圓融豈有  
乖耶答第三難者謂上難云一性隨於種  
種則失真諦種種隨於一性則失俗  
諸亦性相相違今答意明性相無違然疏  
有二意一明性相雙絕故無可相違即下  
平意又示現下第二明性相相成故不相  
違即是上半即無生之性不違示生之相  
言亦無所現物者雖牒第四句連取第一  
句正示現生即無所現故不違性無二為  
二者結也一體而分能現所現云無二而  
二性相無違為二即無二步云圓融豈得  
種種乖於一心言法性者法謂差別依正  
等法性謂彼法所依體性即法之性故名  
為法性又性以不變為義即此可軌亦名  
為法此則性即法故名為法性此二義並  
約不變釋也又即一切法各無性故名為  
法性即隨緣之性法即性也言法性下隨  
法性後解本字今初有三前之二義雖有  
依主持業不同然皆與法不得相即以不  
變之性非妄法故第三隨緣與本有二義  
法不離不即不離方為真性

一約不變本謂源本本來不生隨緣故生  
 二約隨緣有此法來本不自生非待滅無  
 即示現生時本不生故故下云無能現也  
 本有二義者釋本無生由於法性有共不  
 變隨緣義故今本亦二本即是性未即是  
 相前不變本與未不即後隨緣本與未  
 不離不即不離融無障礙為真本也

眼耳鼻舌身心意諸情根一切空無性妄心  
 分別有

第三偈答三問者初答所以者上三句種  
 種即一心性亦印前文殊不相知等下句  
 出因由妄分別故有種種正答前問此復  
 二意一上二句依他起也次句圓成實也  
 後句徧計性也由徧計故能起依他依他  
 無性即圓成實故唯識云依他起自性分  
 別緣所生圓成實於彼常遠離前性故此  
 與依他非異非不異

此復二意下上來總明此下別釋會性相

宗初三性釋通於二宗疏文有三初直屬  
 經文是法性意依他無性為圓成故由徧  
 計下二正釋偈意由妄分別有上眼等既  
 從緣生故體即空即圓成故唯識下三  
 引文證成二宗三性已見玄文今此略引  
 依圓二性初之二句是依他性故彼釋云  
 妄分別緣即是徧計然妄分別是徧計  
 眼等依他染分依他故此徧計能起依他  
 由此能生染分依他故此徧計能起依他  
 是彼依他故圓成實下釋圓成性一偈分二

上半正釋下半明與依他起性非一異義  
 彼論釋云謂圓滿成就諸法實性顯此常  
 徧體非虛謬揀白共相虛空我等此即於  
 彼依他起上常遠離前徧計所執二空所  
 顯真如為性說於彼言顯妄所執能所取  
 起不即不離常遠離言顯妄所執能所取  
 性理恒非有前言為顯不空依他性顯二  
 空非圓成實真如離有離無義故釋曰玄  
 文已釋但釋論意分前性字二義不同遠  
 離前言已空徧計故是離有而性者自  
 屬真如故能離無是以結云真如離有離  
 無相故若依此釋則空無性妄分別有皆  
 是徧計前偈法性方是圓成今順法性依  
 他無性即是圓成故一偈中三性具足設  
 順彼宗離有離無遠離前性離徧計有又  
 此偈云此諸法勝義亦即是真如常如其  
 性故即唯識實性此則離無未失彼宗何  
 須傷巧離前性字若會二宗依他起上無  
 徧計性即是圓成此無性為性故此與依他  
 離有無故八地云無性為性故此與依他



下釋非一異謂由圓成於依他起遠前性  
故成非一異故云故此彼論釋云由前理  
如此圓成實與彼依他非異不異應真  
如非彼所依不異此性應是無常彼此俱  
應淨非淨境則本後智用應無別釋曰圓  
成唯淨智境依他通淨非淨豈得全同  
**二者上二句因緣所生法也次句我說即**  
**是空也後句亦為是假名此二不二是一口**

**道義**二者上二句下別會法性宗三觀欲  
生法我說即是空亦為是假名亦是中道  
義配經可知然中道言經文所無但含下  
半空有為中若取別顯亦在前偈法性無  
生即前偈中亦具三觀初句中道次句假  
名下半即空中亦具三觀初句中道次句假  
耳又真如隨緣亦不殊三觀上別出二宗  
取文小異若以義會二宗無違因緣所生  
法即總舉三性所依之法我說即是空徧  
計性也亦為是假名依他起也亦是中道  
義圓成實也但三性迥然即法相宗今皆  
言即是法性宗但即不即小有不同便成  
天隔然法相宗亦非即離多成不即法性  
宗中亦非即離多成非即離多成不即法性  
徧計是空但是空無法性則明由無徧計  
令依他空便成天隔後人隨計二互相乖  
虛已而求大旨無別顯經包攝備舉二文  
又經旨無差  
**又妄心分別有者情計謂有**  
二宗隨取

然有即不有故云一切空無性常有常空

是即萬物之自虛豈待宰割以求通哉

心下二答懷疑問謂上問言為是一性為  
是種種故今答云常空故常一性常有故  
常種種也是即萬物下筆公不具空論意  
也意云萬物自虛即常一常多矣故彼論  
云尋夫不有不無者豈曰祿除萬物杜塞  
視聽寂寥虛豁然後為真諦者乎誠以即

物順通故物莫之逆即偽而真故性莫之  
易性莫之易故雖無而有物莫之逆故雖  
有而無雖有而無所謂非有雖無而有所  
謂非無如此則非無物也物非真也物非  
真故於何而物故經云色性自空非色敗  
空以明聖人之於物也即萬物之自虛豈  
待宰割以求通哉釋曰此明 **又前偈從本**  
**體法即空非折法明空也**

**起末末不異本此偈攝末歸本本不礙末**

**豈相乖耶**又前偈下釋第三重結成難謂  
以空無性為本眼等為末攝末歸本此偈  
不乖一性非本無末一性豈乖種種欲顯  
起未攝末逆順具足故引前偈非獨此偈  
不能答難若獨此偈答者謂眼耳等即無  
性故種種不乖一性無性要依眼耳等故一  
性不乖種種又從本起末即不動真際建  
立諸法攝末歸本即不礙  
假名而說實相義理無妨

如理而觀察一切皆無性法眼不思議此見非顛倒

第二一偈釋成前義然有二義一者云何得知無性以法眼觀稱性非倒成淨緣起當知此理甚為決定二者前偈訶其見有

種種是妄分別此不應依此偈印前觀察無性各不相知斯為法眼固應依止即依智不依識也

若實若不實若妄若非妄世間出世間但有假言說

第三一偈拂迹入玄者謂前法性無生一切皆空實也示現有生眼等差別非實也妄心分別有妄也如理觀察非妄也以妄為緣生世間流轉以如理觀成出世間非根皆是名言而無真實何者如言取

故第三一偈拂迹入玄先正釋倘文然實即如如及相下即妄想正智並屬於名五法具矣而其疏文雙牒前二偈文細尋可知切略標亦約智說故曉公云如言而取所說皆非得意而談析說皆是十地論云如言取義有五過失若不取著實非實等並皆契理故中論云一切法真實一切法非實亦實亦非實非實非實是名諸佛法則其妄等一一例然無非常也

欲言其實而後示生欲言不實體性即空欲言是妄妄不可得欲言非妄能令流轉欲言世間即涅槃相欲言出世無世可出則染淨兩亡是以物不即名以就實名不即物而履真然則實理獨靜於言教之外豈文言之能辨哉故但假說是以什公云唯忘言者可與道合虛懷者可與理通冥心者可與真一遺智者可與聖同耳

十一

公本無論後結成言也彼論具云本無者  
 情尚於無多觸言而賓無故非有本旨直以  
 也非無無即無也尋夫立言之本旨直以  
 非有非真無非無此直好無之談豈謂順通  
 有非無無彼無此直好無之談豈謂順通  
 事實即物之情哉夫以物物於物則所物  
 而不可物以物物非物故雖物而非物是以  
 物不即名以就實名不即物而履真然則  
 真諦獨靜於教名之外豈文言之能辨哉  
 今但引其結文兩對耳言物不即名以就  
 實者物體虛無無當名之實也名不即物  
 而履真者名但假立無得物之功也若名  
 即物召火即應燒口若物即名見物即應  
 知名今不爾者明俱非實故不相得也是  
 以什公下第二引燈即悟玄序其前文云  
 夫玄道不可以設功得聖智不可以營事  
 知真諦不可以存我會至功不可以營事  
 為今疎即次下之言此上二對反顯難思  
 疏文所引即順明難思忘言者捨筌蹄也  
 虛壞者離取著也實心者不已見也遺智  
 者法能證也道理真聖大同小異然上三  
 即法後一約人道者虛通即前玄道理揀  
 於事即前至功所契真揀於俗即前真諦  
 聖揀於凡即前聖智故有心不契遺智方  
 知若有契合後應拂迹故彼次云雖云道  
 合無心於合合者合馬維云聖同不求於  
 同同者同馬無心於合即無合無散不求  
 於同即無同無異起非於百非之外非所  
 不能非馬忘是於萬是之內是所不能是  
 馬非所不能非則無非矣是所不能是則

無是矣無異無同故怨親無二無是非  
 則毀譽常一夫然則幾於道矣今略引二  
 對足令 又後三偈亦如次明三無性觀  
 得意 三偈下第二攝壹釋上之十偈從後漸  
 收於中有二先收中自有三重第一收後  
 三偈為三無性觀者唯識論云即依此三  
 性立彼三無性初則相無性次無自然性  
 後由達離前所執我法性釋曰謂依徧計  
 所執性說相無自性性由彼體相畢竟非  
 有猶如虛空花繩上蛇故今偈云一切  
 空無性妄心分別有次依依他起性立生  
 無自性性此如幻事託眾緣生無始妄執  
 自然性故今偈云如理而觀察一切皆  
 無性後依圓成實性立勝義無自性性謂  
 即勝義由遠離前徧計所執我法性故  
 今偈云若實非實非實若妄若妄皆假  
 說實即圓成實非實非實若妄若妄皆假  
 世並是假名實尚不實何況非實舉況出  
 總結故云非實妄及世間一時總遺 又  
 此五偈合前四喻初以流轉合水漂流次  
 頌合火火本無生隨緣生故次頌合風風  
 即空無因見物動妄謂有故次頌合地法  
 眼見理無分別故後一總顯令亡言故此  
 五偈下二合前四喻由依此義十偈正答  
 亦可分四初諸法無體性一偈法說宗因

次四偈舉四同喻五有四偈別合前又前  
 喻四者末偈結成前義則五分具矣  
 五偈是印成答次四出所以答後一奪令  
 亡言

文殊一問以含多意覺首縱答體勢無方

逆順研窮以顯深致幸諸學者不咎文繁

途七  
 文殊一問下第二結歎以緣起深理幽玄  
 該博故問答包含今釋竭愚發揚玄旨勿  
 以經少責疏繁文

大方廣佛華嚴經疏鈔會本第十三之六

音釋

麝神夜切 蒜蘇意切 豁呼括切  
獸名 筆蓮也 疏通也

大方廣佛華嚴經疏鈔會本第十三之七 途八

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時文殊師利菩薩問財首菩薩言

第二教化甚深先問中二初標告告財首

者彼得此法財益生門故

佛子一切衆生非衆生

二正問中二初立宗衆生即非衆生彼此

同許亦可躡前覺首八識皆空

云何如來隨其時隨其命隨其身隨其行隨

其解隨其言論隨其心樂隨其方便隨其思

惟隨其觀察

二云何下設難謂衆生既空佛云何化若

佛不見生空則無大智便成謗佛若見空

而化豈不違空空有相違進退何據於中

先明十隨辨所化差別後明三輪顯能化

不同今初一隨根生熟時如是時中堪如

是化又此句為總謂隨何壽命時等下九

為別各有二義謂隨其壽命脩短而化又

以無命者法而教化之身二義者謂隨其

所受何等類身而受化故又宜以觀身空

寂等而得度者以彼化故餘準此知故下

答中多說後意行謂三業善惡解謂識解

差別言論者國俗教誨此六多約未發心

前餘準比知者上三各顯一義下七不依繁文故今例知若具說者行二義者一

隨修何行時二以何行化之其能化行與

所行行未必全同如行施行時或以施行

化或以禪慧行化故解二義者一隨有深

淺之解二說諸佛菩薩之解化故言論二

者一隨何國俗言說二後四多約發趣已

去心樂者有所欣求方便者隨所進趣思

心樂二

者一隨

惟者依法求義觀察者如說修學

希求何法二稱根為說諸願樂故方便二者一隨何進趣時二隨用何善巧等化故思惟二者一隨思求何義二說云何思化故觀察二者一如修學時二稱宜為說觀故

於如是諸眾生中為現其身教化調伏

二於如是下能化差別先牒十隨後現三

道八

二

業教化調伏通於語意為以十隨化故眾生非空耶為以眾生空故十隨虛設耶

時財首菩薩以頌答曰

第二財首答中準諸深經及此偈文略有

四意一佛見眾生本來自空非斷空故不

礙隨化偈云諸法空無我眾報隨業生故

二佛知眾生不能自知真空故悲以隨化

偈云隨解取眾相顛倒不如實故三隨化

即空不異眾生空故二不相乖偈云寂滅

多聞之境故四融上諸義良以攬空為眾

生生與非生唯一味故不增不減經云即

此法身流轉五道名曰眾生法身即眾生

眾生即法身法身眾生義一名異以斯義

故佛見眾生舉體自盡本是法身不須更

化大智現前見於法身隨緣即眾生故大

悲攝化今以寂滅非無之眾生恒不異真

而成立故是不動真際無化而化以隨緣

非有之法身恒不異事而顯現故不壞假

名化即無化所化既空有不二能化亦悲

智不殊一佛見下初一空不礙化答二佛知下智不礙悲答三隨化下化不

礙連空答四融上等者即總攝上三共為

致也然前三中初後即性相交微中一乃

悲智雙運故今融成悲智性相皆無障礙

就文更三初明所化性相無礙即前第一

意以斯義下二攝前初意以辨能化即前

第二意悲智無礙悲對前事智對前理今

以寂滅下三更融前能所兼具前三意

方成一味初融所化性相無礙以成能化

無化而化即前三化不失空所化既空下對

能化成前三化不失空所化既空下對

於所化成前第二能  
化悲智無礙之義

不礙有而觀空方能  
入理不動真而隨化方能究竟化他眾生  
不知此理故流轉無窮今今眾生悟如斯  
法是則真實隨化非直十隨不違空理亦  
由此十方契真空故淨名云當為眾生說

如斯法是即真實慈也

不礙有而觀空下  
第二結釋於中有

五一既云不礙有而觀空方能入理結成  
問意則前以空難隨化非得意也二既云  
不動真而隨化結成答意三眾生下結成  
化意四非直下正結無違非但無違兼能  
相成五故淨名下引證但證為眾生說如  
斯法即觀眾生品維摩詰問文殊師利云  
云何觀於眾生文殊答言我觀眾生如第  
五天如第六陰如第七情如十三入等意  
明畢竟空故次淨名問云若爾云何行慈  
答曰當為眾生說如斯法是即名為真實  
慈也然上云寂滅非無之眾生者體雖寂  
滅不無眾生之相由寂滅故恒不異真由  
非無故而恒成立是故不動真際等者即  
智論意謂不動真際而建立諸法不壞假  
名而說

此是樂寂滅多聞者境界我為仁宣說仁今

應諦受

十頌分二初一舉法勸聽上半以人顯法  
已舍答意上句體深下句用廣即聞之寂  
則聞無所聞故無眾生大經亦云若知如  
來常不說法是名具足多聞即寂多聞則

善解藥病不礙隨化下二句許說勸聽

大經  
亦云下即二十六  
經教體中已辯

分別觀內身此中誰是我若能如是解彼達  
我有無

分別後九頌別答前問文勢多舍略為二  
釋一者一一別答謂初三答隨身次一隨  
命三一頌答隨觀察四一頌答隨行及方  
便五一頌答隨心樂及解六一頌答隨言  
論七一頌答隨思惟時通此九二謂依前  
五隨答後四隨亦時通於九今依此消文

文分為六初三頌教依隨何身時隨其心  
樂修其方便思惟觀察此四徧於五段二  
有一頌依命時三二頌依行時四一頌依  
解時五一頌依言論時六一頌教離二取  
通結上文今初三頌若著我時作界分別

建八

觀分別觀身皆無我故若愛染身時作念  
處觀觀於內身及心法故總相而言即二  
空觀初一我空次一法空後一類通一切  
總相而言者謂界分別及四念處皆明二  
空故便以二空科判經文我空下即界分  
別觀謂十八界等 今初上半即尋思觀觀  
中求我不得故

於內身四六五蘊若即若離尋求主者不  
可得故下半觀益如實知於假我則有計  
實我無 上半尋思觀者斯為方便即顯下半是如實觀  
此身假安立住處無方所諦了是身者於中  
無所著

次偈觀身實相法無我觀上半諦了身空  
謂攬緣假立來無所從故本無住處緣盡  
謝滅去無所至無停積處虛假似立實無  
所住下半觀益 謂攬緣假立者此釋初句來無所從下釋次句虛假似立下雙  
結二句

於身善觀察一切皆明見知法皆虛妄不起  
心分別

後偈類通以身觀身既明見自身二我皆  
空則知萬法皆是虛妄此觀亦寂故不起  
心 以身觀身者即借老子之言彼云以身觀身以家觀家以國觀國以天下觀天下此觀亦寂者此釋不起心分別言此句有二意一既物我皆虛故不分別物我皆異此意則淺故畧不出今明知空之心即是此觀二我既寂觀何由生若觀不忘非是空矣則空病亦空能所雙寂矣 若作念處釋者內身揀  
於外器及他身故念處有二一通二別通  
則身等皆無我等別則觀法無我今是通



也復有二種一小二大此中是大觀身性  
 相同虛空故空無二我誰是我言已兼二  
 我次偈觀受不在內外中間故無方所後  
 偈觀心及法不得善法及不善法故云知  
 法虛妄心如幻故不起分別內身下微四地中有於三  
 身智論瑜伽各有解釋今即瑜伽意一以  
 自身為內身二以外器餅衣車乘等為外  
 身三以外有情妻子男女等為內外身故  
 今揀於後二念處有二下釋此中誰是我  
 句謂有問言準念處觀觀身不淨觀受是  
 苦觀心無常觀法無我今何觀身為無我  
 耶故今答云有過有別上以別難今約通  
 說故於觀身得作無我及苦無常不淨之  
 觀今但舉無我耳復有二種下通釋一偈  
 以為通妨謂有問言下既別觀受及心法  
 法應無我何無不淨苦等觀耶故今答云  
 約大說故然大乘中具有一觀謂約世論  
 則觀身等為不淨等約第一義則觀身等  
 同虛空等今約大小對辨則不淨等唯屬  
 小乘觀身性相同虛空等唯屬於大雖是  
 我下上約界分別觀釋誰是我但遣人我  
 次第二偈方達法我今約大乘念處故兼  
 二我謂於四大五蘊求其主宰了不可得  
 但蘊等合則人無我觀蘊又別則身受不  
 等相緣成故空則法無我

同通則受等皆身是故三偈皆致身言別又  
 則身受不同下此亦通妨謂有問言大小  
 二觀皆觀身受心法今何三偈皆有身言  
 故此通以身受心法但合五蘊五蘊皆身  
 亦猶淨名方便品云是身如聚沫不可撮  
 摩是身如芭蕉中無有堅是身如燄從渴愛  
 生是身如芭蕉中無有堅是身如燄從渴愛  
 則起此則如次喻於五蘊皆名為身若別  
 說者應言色知聚沫受如水泡想如熱  
 時談諸行如芭蕉諸識猶如幻今皆言身  
 明知四處皆得稱身故云通則受等皆身  
 前問意云眾生既空云何如來隨其身化  
 今釋意云以彼不知身本空寂教如是觀  
 故說如來隨眾生身而教化也下皆準之  
 壽命因誰起復因誰退滅猶如旋火輪初後  
 不可知建八  
 二一頌今於壽命思惟觀察命謂命根能  
 令色心連持故名為命壽謂壽限即命根  
 體實謂由業種力引一期報眾同分體住  
 時分限假立壽命命謂下先釋壽命二字先依小乘即俱舍根品

偈云命根體即壽能持燭及識論引對法  
 云云何命根謂三界壽謂有別法能持燭  
 識說名命根此有三法壽為能持故名為  
 體疏云色心色即是燭燭必依色實謂由  
 下約大乘釋即唯識第一廣破小乘離色  
 心外別有命根竟示正義云然依親生此  
 識種子由業所引功能差別住時決定假  
 立命根而疏云引眾同分體者過大小乘  
 大乘是假小乘是實故俱含云依同分及  
 命令心等相續又云同分有情等謂身  
 形等同互相似故分者因義謂由此分能  
 令有情身形等同言有情者同分所依揀  
 非情也等者揀於不等正顯能依同分義  
 也論云別有實物名為同分彼言眾同分  
 者眾多同分故唯識廣破竟示正義云然  
 依有情身心相似分位差別假立同分即  
 大乘義具從業緣起起即無起業盡便滅  
 如疏文

滅無所滅本無主者況剎那生滅實無自  
 性從業緣起下二通顯上半先以因喻以  
 緣門釋後况剎那下以生滅門釋火輪謂旋火速轉不見始終生滅過流寧  
 知本際又薪火不續識鈍謂輪命實遷流  
 妄謂相續又輪資火有命假心明待他而  
 成固無自體喻以火輪下釋偈下半疏有  
 三意初二皆喻上生滅門而

初就所知二就能知第三意喻上因緣門  
 然上法說因果對明今合喻中能所對說  
 命為能依心為所依依心假立故是因緣  
 故生公云如杖薪之火旋之成輪輪必資  
 火而成照有情亦如之必資心而成  
 用也以彼情依於心類此命依於心  
 智者能觀察一切有無常諸法空無我永離  
 一切相

三二偈今依行時思惟觀察成四種觀一  
 無常觀二空觀三無我觀四無相觀於中  
 初偈略標其四一切有者三有也亦一切  
 有為然無常等經論異說今且依辨中邊  
 論以三性釋之初約徧計名無性無常以  
 性常無故約依他起名生滅無常有起盡  
 故約圓成實名垢淨無常位轉變故空亦  
 有三一無性空性非有故二異性空與妄  
 所執自性異故三自性空二空所顯為自  
 性故無我亦三一無相無我我相無故二

異相無我與妄所執我相異故三自相無

我無我所顯為自相故無相亦三一相都

無故二相無實故三無妄相故然無常者

皆說下等三位皆廣示之今依中邊蓋是

一義即第二論彼論具有無常苦空無我

論云無常三者一無性無常謂編計所執

此常無故二生滅無常謂依他起有起蓋

故三垢淨無常謂圓成實位轉變故苦三

種者一所以取苦謂編計所執是補持伽羅

我執所取故二事相苦謂依他起三苦相

故三和合苦謂圓成實苦相合故空有三

者一無性空謂編計所執此無理趣可說

為有由此非有說為空故二異性空謂依

他起以妄所執不如實有非一切種性全

無故三自性空謂圓成實二空所顯為自

性故無我三者一無相無我謂編計所執

此相本無故名無相即此無相說為無我

定八

即是圓成釋此句云唯圓成實亦有非有  
唯有非有於此性中許為真實釋曰論意  
云具有非無有非有故為其實其無字  
屬上非是無真實也意明二性皆依於此  
真實上立今經無苦而有無相疏依二無  
我開三無相故被論釋無我之中皆有無  
相又亦依此三種無相對於然皆融攝則  
三苦以論對疏廣略可知

此宗意而偈正意多約前二性辨  
衆報隨業生如夢不真實念念常滅壞如前  
後亦爾

後一偈略顯二觀上半明空觀報從業生  
如夢從思起不實故空下半明無常觀由  
上不實故念念無常前即過去已滅事顯  
例後現未嘗滅不殊

世間所見法但以心為主隨解取眾相顛倒  
不如實  
四一偈依解令入唯識量觀境即心變故  
心為主然此唯識略有二分一相二見今

隨其見分之解取其相分之相心外取故

為顛倒也然此唯識者以唯識第二四師

陀立二謂相見二分陳那立三加自證分難

莫法立四於前三上加證自證分依彼論

宗即以四分而為正義故今說云畧有二

分以諸經論及彼論文多說二故謂離二

取等而論安慧有一分於二分中破之傍出

明立四而安慧一分於二分中破之傍出

初立二分論云然有漏識自體生時皆似

所緣能緣相現彼相應法應知亦爾似所

緣相說名相分似能緣相說名見分釋曰

謂依他二分似能緣相說名見分釋曰

相分名行相能取所緣故見分名事是心

心所自體相故今似心外之境名似所緣

是心外法此中無故所變相分為所緣耳

若明相分未是顯顯回心外取方為倒耳

又言見者是能緣境義通心所非推求

義推求義者唯慧能故次破安慧唯立自

證分論云若心所無所緣相應不能緣色

曰此反難也謂心外法無緣而能緣  
 所緣此虛空等無能緣亦應緣所緣論云  
 故心外法必有二相如契經說一切唯有  
 覺所覺義皆無能覺所覺分各自然而轉  
 釋曰此即厚嚴經上半明無外境下半明  
 有見相二分各各自從因緣所生名自然  
 而轉下結正義論云達無離識所緣境者  
 則所變相分是所緣見分名自行相相見  
 所依自體名事即自證分釋曰此中雖是  
 立二分家義已有三故次論云若無此者  
 應不自憶心法如不曾更境必不能  
 憶故釋曰此明有自證分意云相離於見  
 無別自體但二功能故應別有一所依體  
 若無自證應不自憶心法如不曾更境  
 境必不自憶謂如見分不更相分之境則  
 不能憶要曾更之方能憶之若無自證已  
 滅心所則不能憶今能憶之明先有自證  
 如見分不曾更境今能憶之明先有自證  
 已曾緣故如於見分憶曾更境故次下立  
 三分論云然心所一一生時以理推微  
 各有三分所量能量量果別故相見必有  
 所依體故釋曰所量是相分能量是見分  
 量果是自證分中說以境相所量一能取  
 如集量論伽陀中說以境相所量一能取  
 相二自證三即能量及果此三體無別釋  
 曰所量如絹能量如尺量果如解數智果  
 是何義成滿因義言無別體者同一識故  
 則離心無境次立四分論云又心所若  
 細分別應有四分三分如前第四證自證  
 分若無此者誰證第三心分既同證皆證

故釋曰見分是心分須有自證分自證是  
 心分應有第四證論云又自證分應無有  
 果諸能量者皆有果故釋曰見分是能量  
 須有自證果自證量見分須有第四果恐  
 彼故云却用見分爲第三果故次論云不  
 應見分是第三果見分或時非量攝故由  
 此見分不證第三證自體者必現量故釋  
 曰意明見分通於三量三量者謂現量比  
 量非量即明見緣相時或量非量不可非  
 量法爲現量果或見緣相是於比量及緣  
 自證復是現量故自證是心體得與比量  
 非量而爲果見分非心體不得與自證而  
 爲其量果故不得見分證於第三證自體  
 者必現量故第三四分既是現量故得相  
 證無窮失矣意云若以見分爲能量但  
 用三分亦得足矣若以見分爲所量必須  
 第四爲其量果若通作喻者縮如所量尺  
 如能量智爲量果即自證分若尺爲所使  
 智爲能使何物用智即是於人如證自證  
 分人能使用智智能使人故能更證亦如明  
 鏡鏡像爲相鏡明爲見鏡面如自證鏡背  
 如證自證依於背背復依於銅銅依於鏡  
 亦可以銅爲證自證鏡依於銅銅依於鏡  
 此上四分即獲法之後方有此義論如是  
 四分或攝爲三第四攝入自證分故果體  
 一故論或攝爲二後三俱是緣性故攝  
 論爲二亦攝入見故論或攝爲一體無別  
 故如入楞伽見說論中說由自執著心似  
 外境持彼所見非有是故說唯心如是處  
 處說唯一心此一心言亦攝心所故識行

相即是了別了別即是識之見分釋曰此  
 上論文釋了字雖開合不同今但畧舉  
 相見二分故彼論初便立二分處處多說  
 謂相爲外心外取故是名顛倒故上釋云  
 依他二分似於偏計相見二分今約偏計  
 故成顛倒上之四分文則  
 似橫法相之要故畧引耳  
 世間所言論一切是分別未曾有一法得入  
 於法性

五一偈依言論時令尋伺名等入如實觀  
 謂了名等唯意言分別無別名等意即意  
 識分別言即名言名言既唯意之分別者  
 下之義亦無別體故所言論以兼名義  
 伺名等者此借唯識加行位中四尋伺觀  
 四如實觀以解經文四尋伺者一名二義  
 三自性四差別今云名等尋取下三謂了  
 名等下即以意言釋尋伺觀於中有三今  
 初總釋意即意識下即引攝論第七釋意  
 之相論云意謂意識覺觀思惟但緣名言  
 分別無別有義可緣又必依名分別諸法  
 故云意言分別三名言下會論釋經顯四  
 尋伺相名詮自性句詮差別名句  
 皆名自性差別皆義故但云名義既隨分

別則妄計意流尚未了唯心安入法性隨

分別下二釋下半未嘗有一法得入於法

性此句釋上攝論及經一切是引楞伽釋成

云既隨分別妄計意流者即引楞伽釋成

彼經第三因說破外道所說皆是世論未

後婆羅門問言癡愛業因故有三有耶為

無因耶我時報言此二亦是世論彼復

問言一切法皆入自相共相耶我復報言

此二亦是世論婆羅門乃至意流妄計外

塵皆是世論故云妄計意流尚未了唯心

者上躡前分別之義為不入法性之由此

下舉况釋不入義然其要觀畧有二種一

唯心識觀二真如實觀唯心觀淺尚未能

了真如觀妙彼安能入若能如是自覺通

法性即是真如異名若能如是自覺通

達是入唯識之方便也即復此心無相可

得妄想不生便入法性順釋經文不入之

義今此反顯能入之義即如實觀於中先

入唯心識觀言自覺者對上楞伽楞伽云

彼婆羅門又問頗有非世論不佛答云有

外道不能知以於外性不實妄想虛偽計

若故謂妄想不生覺了有無自心現量妄

想不生不受外塵妄想永息是名非世論

此是我法非汝有也今言自覺畧其大意

令覺自心耳其通達之言即攝論意通達

唯是意言分別無有實法即為入唯識方

便不取外相即入唯心即復此心下引起

信論成真如實觀故彼論云心若馳散即

當攝束令住正念其正念者當知唯心無

外境界釋曰此即唯心識觀次云即復此

心亦無自相念念不可得釋曰此即真如

實觀妄想不生亦楞伽經已上約心乖體

如前引便入法性結成上義非不即又不入者妄想體虛無可入故

心乖等者通難重釋謂有難言如淨名等

一切皆如文字性離即是解脫下經亦云

一切法皆如諸佛境亦然三毒四倒皆亦

清淨如何言說不入法性今通有二一約

修人心不入理非約法體不即法性二約

所觀亦無可入故下文云如來深境界其

量等虛空一切衆生入而實無所入

能緣所緣力種種法出生速滅不暫停念念

悉如是

六一偈通結亦近結次前二偈能緣所緣

即見相也又觀一切法唯是意言未能除

遣此境亦為能所也以此為方便得入唯

心種種法出生者此相見二分由無始數

習有種種法相似生謂能緣心生則種種

境生所緣境起則種種心起起法必滅安

得暫停六有一偈通結五段令離能所亦

前偶又觀一切下明結後偈以意言觀從

成如實亦有能所云未除違如行偈云現

前立少物謂是唯識性以有所得故非實

住唯識故但為方便得通達位方入唯心

此相見二分等者即唯識意而言似者顯

其無真但似二相若執有實便成偏計起

法必滅下釋下半然盪上半起上既心境

相藉則皆從緣生主法必滅一向絕故刹

那不住故云若了相無相生無有生名了

安得暫停云若了相無相生無有生名了

種種則了唯心若了無性心境兩亡則住

無分別自覺智境不動法界名入法性若

相下正顯偈意上順釋偈文明二取之失

今令了之則令離二取是經之意是則反

釋經文而順經意則了唯心成唯心識觀

若了無性下成具如實觀心境兩亡則住

無分別如上所引通達位偈云若時於所

緣智都無所得爾時住唯識離二取相故

自覺智境即楞伽意不動法界即大般若

意文殊室利分云繫緣法界一念法界不

動法界知真法界不應動搖謂若言我不

動法界已動法界能所兩亡入相斯寂故不

入法性是故末後偈結上諸觀令亡觀相

也故末後下總出此佛如是化應如是知

幻人化幻皆無化化也佛如是化下

大方廣佛華嚴經疏鈔會本第十三之七

音釋

詰救吉 暨昨濫切 燻乃管 遄純圓切

大方廣佛華嚴經疏鈔會本第十三之八 途九

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時文殊師利菩薩問寶首菩薩言

第三業果甚深問中亦二初標能所問人

以事中顯理是可貴故問寶首也

佛子一切衆生等有四大無我無我所

二佛子一切下正顯問端中三初舉法按

定謂諸衆生身但四大假名四大無主身

亦無我安有所彼此同許以為按定大四

無主等者即淨名第二云四大合故假名  
為身四大無主身亦無我又此病起皆由  
著我是故於我不應生  
若今取彼文以釋今經

云何而有受苦受樂端正醜陋內好外好少

受多受或受現報或受後報

二云何下正設疑難能造能受是謂為我

所造所受即是我所以無我故無能造受

誰令苦樂無我所故無所造受能造能受者我在因

中即為能造業為所造我在果中即為能受報為所受此中且順我所言故淨名

云無我無造無受者若僧伽師能造但是冥性我是受者而非造者若衛世師我為能造亦何以現見而有苦等十事五對一

為能受

苦樂者約麤相說三塗為苦人天為樂二

就苦中各有妍媸三於其樂中有內身外

境四通於苦樂受中若時若事皆有多少

此上皆約生報前生作故五現作現受名

現報隔一生去受名為後報

然法界中無美無惡

三然法界下結難謂二無我理即真法界

中定無善惡未知苦樂從何而生此問所

以也為無我故無我所耶為有所受亦有

我耶此致疑也以聖言量及正理量達於



現量如何可通結成難也此問所以者此中取前緣起甚

深三重問意以釋今文第二答意云達體業亡迷真

業起報因業起何須我耶業報攬緣虛無

自體故無我所業報攬緣下上以業道由我此下以緣達於我所

法無我非斷滅故業果不亡斯乃正理聖

教所明不違現事由法無我下上明二我俱空此下明不壞業果

之相空有無礙二諦雙存是正理量聖教所明即聖言量故淨名云說法不有亦不

無以因緣故諸法生無我無造無受者善惡之業亦不亡中論云雖空而不斷雖有而不常罪福亦不失是名佛所說言不違

現事者即是現量以現見苦樂等報舉體即空不法若定有不可造受便違正理法若

定有下反以釋成故中論云若無空義者一切則不成

時寶首菩薩以頌答曰

隨其所行業如是果報生作者無所有諸佛

之所說

在文分二初一法說餘九喻況今初上半

述九

二

約俗諦緣生即業報相屬答前現見次句

勝義即空印其按定此二不二故不相違

無所有言該上業果則亦無我所後句是

聖教量智論第二云有業亦有果無作業

果者此第一甚深是諸佛所說無所有者案文但云

作者無所有以偈文窄故實乃作者所作皆無所有

譬如淨明鏡隨其所對質現像各不同業性

亦如是

下九喻顯通相而明喻於業果從緣無性

不壞事相別彰喻意喻各不同初三頌喻

業報無性不壞虛相次一偈喻無造受者三

三一偈喻性一相殊後四喻體無來處初

中初偈雙喻業果皆真心現雖無實體而

相不同次偈喻能生因緣相虛後偈喻所

生業果無實

今初若法相宗唯以本識為鏡今依法性

宗亦以如來藏性而為明鏡鏡亦以藏性為

鏡體言亦以者非揀本識識亦喻鏡故楞

伽云譬如明鏡現眾色像現識處現亦復

如是但法相宗不用如來藏為鏡今雙用

二義故致亦言言如來藏為鏡者起信論

釋本覺內體相合明中云復次覺體相者

有四種大義與虛空等猶如淨鏡云何為

四一者如實空鏡遠離一切心境界相無

法可現非覺照義故二者因熏習鏡謂如

實不空一切世間境界悉於中現不出不

入不失不壞常住一心以一切法即真實

性又一切染法所不能染習體不動其足

無漏熏眾生故三者法出離淨明故四者

出煩惱礙智礙離和合相淨淨明故四者

緣熏習鏡謂依法出離故徧照眾生之心

令修善根隨念示現故釋曰四鏡之名者

一空鏡謂離一切外物之體二不空鏡謂

體不無能現萬像故三淨鏡謂已磨治離

塵垢故四受用鏡置之高臺須者受用四

中前二自性淨後二離垢淨又初二就因

隱時說後二就果顯時說又前二約空不

空為二後二約體用為二又前二體後二

相故云覺體相者今約眾生即前二鏡合

而用之以第二為能現以第一顯本淨故

後之二鏡既在果位約佛為鏡故於福田

甚深然有二義一隨境界質現業緣影故

中用

合云業性亦如是二隨業緣質現果影像

故前偈云隨其所行業如是果報生二文

影畧共顯業果似有無體然有二義下第

三事一鏡二本質三影像以喻就法鏡則

無二質影各二謂一是因影境界為質故

合云業性二是果影業緣為質故法說云

果報生也淨名云是身如影從業緣現是

故結云二文影畧下引中論重 合云業者

化之義正顯因果俱從緣空 謂善惡等三性者通性及相謂此業體以

無性之法而為其性不失業果之相而為

其性 合云業者下第三出業體等取無記

上是理性此即事 由無性故能成業果由

性如火熱性等 不壞相方顯真空故中論云雖空亦不斷

雖有而不常業果亦不失是名佛所說不

失業果方顯中道又如鏡現穢像非直不

汙鏡淨亦乃由此顯鏡喻淨如來藏現生

死業果亦然非直不損真性平等亦乃由

此知如來藏自性恒淨也此有四位一能

現位復有二義一由真淨故現染二由真

淨故不為汗二所現位亦有二義一由相

虛故不能汗二由虛故虛相現三相對位

亦有二義一由分明現染方顯性淨二由

性本恒淨令染妄現四真淨虛染鑄融一

味無礙圓融思之此約染淨門以但有所

現即為染故由無性故下第二顯義於中

二性交微無礙以成中道又如此鏡現微像

下第二約染淨初界明上及此段俱證由

不壞相方顯真空此段亦中道義此有四

位下廣釋亦二先王顯染淨然但知以鏡

喻如來藏影喻生死業果則法喻昭然一

由真淨故能現者即四鏡中第二鏡義二

由真淨故不為汗即第一鏡義亦前即不

染而染二即染而不染又前即能隨緣二

即體不變然二皆是能現之德如玉之性

雖染不汗若第三相對方顯正在泥中染

達九

隨緣德四真淨等者以如來藏舉體成生

死如來藏外無生死故生死即空是如來

藏離生死外無如來藏如波與水一味無

差此約染淨下結成上義謂真如現他時

設有淨分亦名為染如鏡現像不揀淨穢

皆非鏡體故唯能現得名為淨所現皆染

更約喻中以一異門釋謂一鏡是定一門

二所現染淨妍媸等殊是定異門染淨雖

虛不能相攝故是異也鏡現染處不異現

淨故是一也三像不異鏡是非異義鏡外

無像故鏡不異像是非一義正現像時去

像亦失鏡故上二即非一非異門四像雖

即鏡而不壞像鏡雖即像而不礙鏡是亦

一亦異門也更約喻中下二約一異門釋

言鏡是定一者謂如來藏唯

一味故所現定異者生死緣差故染淨雖

虛下通難釋成先通異難謂有問言染淨

皆虛豈非一耶此約喻難生死涅槃二俱

攝寂豈非一耶此約法難故此釋云不相

龍藏

涅槃有煩惱時非無煩惱故就虛相而說  
 異耳欲令一者要如來藏而以統之是第  
 三義鏡現染淨豈非異耶如來藏能成  
 中既能現染淨豈非異耶如來藏能成  
 生死能成涅槃豈非異耶如來藏能成  
 淨處無異體故生死涅槃一性現故三像  
 不異鏡者謂像本是一鏡本是一像今像同  
 鏡故非異也故次釋云鏡外無像故同鏡  
 一異相便無生死本異如來藏本一今生  
 死即如來藏故生死非異以如來藏外無

生死鏡不異像者鏡本是一像本非一今  
 鏡同像故非一也正現像時去像亦失鏡  
 者釋成上義謂去像失鏡明鏡同像言同  
 像者同像非一非約鏡與像一也如來藏  
 性本來是一生死非一今如來藏全體為  
 生死故同生死之為差正成生死時若去  
 是非約與死來藏此明如來藏同生死之  
 亦異門者但約不壞性相則一異歷然四  
 門一換則一異無礙染淨相融方為事  
 無礙之  
 鏡像也

亦如田種子各各不相知自然能出生業性  
 亦如是

二田種生芽喻能生者田喻業緣也種子  
 喻於識種因也此二相待無性故不相知

由不相知方能生於後有苦芽故云自然  
 能出生也亦本識為田名言為種田喻業緣者即  
 六地經云業為田識為種無明所覆愛水  
 為潤見網增長我慢既灌生名色芽謂若  
 不造業識不成種如穀不入田終不生故  
 亦本識為田者上約因緣合辨故以業為  
 田今約本識含於種子能起現行故以本  
 識為田若初地中亦云於三界田中復生

苦芽則約當果生處亦得名田顯  
 義無方也成不相知類前可解

又如巧幻師在彼四衢道示現象色相業性  
 亦如是

三幻師現幻喻喻所生者若幻色喻報則  
 幻師喻業若幻色喻業則幻師喻業因以

業亦緣生同報無體而幻相不亡故中論

內以化復現化喻業果俱空若幻唯喻報  
 業則不空四衢以喻四識住造業處故幻師

現幻者所生通因果若幻色喻報下別釋  
 先明果為所生後若幻色喻業下辨業為  
 所生業亦緣生若如受五戒為人業必假  
 戒師言教三業之具方成業故業亦緣生

故中論下義引論文證業果俱空彼論得云譬如幻化人復作幻化人如初幻化人是則名為紫幻化人所作則名為業果既業果皆幻故知並空若幻喻報下反成上義四衛喻四識住者喻伽八十四云謂色受想行此之四蘊是識蘊所住

如機關木人能出種種聲彼無我非我業性

亦如是

連元

二機關出聲喻無造受者機關緣造體虛

七

無人喻業從緣故無造者從機出聲尤更

非實喻報因業起安有受人夫無我者因

對我無既無有我何有非我若無我者亦

是倒故

亦如衆鳥類從殼而得出音聲各不同業性

亦如是

三出殼音別喻性一相殊者如鳥在殼合

聲未吐喻業同一性出殼聲別猶感報無

差然鷄子之中終無鳳響業雖無性善惡

冥熏 如鳥在殼者殼為鳥卵為母所附者含聲未吐者庾信云團團竹上禽白

五裏黃金裏有思晨鳥 含聲未吐音借其言用

譬如胎臟中諸根悉成就體相無來處業性

亦如是

四有四偈喻體無來處皆從緣來即無來

故然亦不同初一喻因舍於果故無來處

又如在地獄種種諸苦事彼悉無所從業性

亦如是

次偈果酬於因故無所從此二喻內異熟

業果也

譬如轉輪王成就勝七寶來處不可得業性

亦如是

次偈轉輪王七寶喻外增上業果也 輪王七寶

若非在身內故言無來處者輪王登位從空忽來言七寶者一輪寶大如一由旬或云四俱虛舍三輪各減一俱虛舍二珠寶其狀八楞大如人脰三象寶即金脇山八

千象中之最下者四馬寶印帝釋殿中若  
五兵寶印是夜又六主藏臣寶印是地神  
七女寶印上者帝釋賜下者人間或乾闥婆  
女輪印北方天王令四夜又持之歸則在  
門之上由旬住帝釋所賜若依此說則  
有來處多是約教有殊故小乘中說輪王  
後後收在鐵圍山間又有相似七寶謂一  
切寶二皮寶三股寶四林寶五林寶六衣  
寶七履寶如智論及  
薩遮尼乾經第三說

又如諸世界大火所燒然此火無來處業性亦如是

後偈喻無漏業果無漏智火焚蕩有漏智

因漏發故亦無來業果寂然方依幻住

爾時文殊師利菩薩問德首菩薩言

第四說法甚深亦可名應現甚深問及答

中通三業故以說法化勝故從此立名先

問中初總標告問德首者顯佛德故

佛子如來所悟唯是一法

二正顯問端中三初舉法按定謂佛證一

味法界彼此共許

達九

云何乃說無量諸法現無量剎化無量眾演  
無量音示無量身知無量心現無量神通普  
能震動無量世界示現無量殊勝莊嚴顯示  
無邊種種境界

二云何下正設疑難謂證悟既一說現乃

多為一耶多耶為定一耶下有三重問  
意此上亦直問所以偏

取互妨二云偏取互妨者是第二帶疑  
問由滯一多二途不知何據並

立相違就法即體用相違約佛是證教相

違三云並立相違者即第三或難問  
也證一乖於說多說多違於證一下辨

十種相違前九是別後一總結

而法性中此差別相皆不可得

三而法性下釋成前難謂非唯佛悟於一

我觀法界亦不有多能證所證既並不殊

以何因緣而現多種將無如來乖法界耶

能證所證等者能證即前  
素定所證即釋成中法性

答有二意一云  
所證雖一隨機現多多在物情佛常無念

二者所悟一法即無礙法界即事之理全

在多中所現乃即理之事全居一內以即

多之一是所悟即一之多是所說既無障

礙何有相違二意所悟等者上之一意以法就機許其有一有多出多

所以是答直耳問意也此下唯就法體常

一常多違其第二懷疑及第三難上疑意

云為是一耶為是多耶今云亦一亦多上

第三難云並立相違今云相即故不相違

又不壞相故可一多豈唯不違亦由得一方能廣現

由多現故方令悟一豈唯不違下重成第

三答難之意尚能相

成豈相違耶

時德首菩薩以頌答曰

佛子所問義甚深難可了智者能知此常樂

佛功德

偈中分二初一歎問利益上半歎深但言

一理深而非甚今即多是一故曰甚深即

一之多尤更難了不可但以一多知故下

半知益知此甚深方知愛樂

後九喻答皆三句喻況下句法合喻中皆

上二句即體之用二三兩句即用之寂又

初二句以一成多次句不礙常一故不相

違然此九喻別答九種無量總顯境界無

量然此九喻等下上總顯得意此下別釋

偶文古但直釋今將配問總答境界者

下之九事皆佛分齊之

境故境界為總句故

譬如地性一衆生各別住地無一異念諸佛

法如是

初地一持多喻答現無量刹依住勝劣地

無異故

亦如火性一能燒一切物火燄無分別諸佛

法如是

二火一燒多答化無量眾物從火化不擇薪故

亦如大海一波濤千萬異水無種種殊諸佛法如是

三海一波異答說無量法義海波濤無窮述九

盡故

亦如風性一能吹一切物風無一異念諸佛法如是

四風一吹異答震無量界隨物輕重動有異故

亦如大雲雷普雨一切地雨滴無差別諸佛法如是

五雲雷普雨答無量音圓音普震法雨無差故

亦如地界一能生種種芽非地有殊異諸佛

法如是

述九

六地一芽異答無量莊嚴芽莖華實為藻飾故

如日無雲曠普照於十方光明無異性諸佛法如是

七廓日普照答知無量心無私普照窮皂白故

亦如空中月世間靡不見非月往其處諸佛法如是

八淨月徧見答無量神通不往而至隨器現故

譬如大梵王應現滿三千其身無別異諸佛法如是

九梵王普應答現無量身不分而徧彌法界故

不分而徧等者即出現品意彼身業中云譬如梵王住自宮普現三千諸



梵處一切天人咸得見實不分身向於彼  
諸佛現身亦如是一切十方無不徧其身  
無數不可稱亦不分身分別畧引一文  
餘可例取故將頌文別對前問文理分明

爾時文殊師利菩薩問目首菩薩言

第五福田甚深問中初標告以福田是照  
導引生又施為諸度之前導故問目首也

佛子如來福田等一無異

二顯問端分三初舉法按定佛為生福之  
田名為福田田德無二名為等一此理共  
許

云何而見衆生布施果報不同所謂種種色

種種形種種家種種根種種財種種主種種  
眷屬種種官位種種功德種種智慧

云何下正顯疑難謂田既是一植福應齊  
施報有差由何而起前等此異即緣果相  
違別顯十事文並可知

而佛於彼其心平等無異思惟

三釋成前難云田雖齊等心有高下容可  
有殊既心無異思報云何異

答有數意一約衆生由器有大小心有輕  
重故得報有差非如來咎一約衆生等者  
然俱舍等說由

主財田異故施果差別前難約田今答約  
財主然第一意正約主異舍於財異謂多  
財重心少財輕心等故然器約  
觀解淺深心之輕重復通深淺二約佛徧  
稱差別之機方稱平等即一之多差不乖  
等即多之一等不礙差由心平等無私方  
能隨現多果終令解脫一味曾何異哉約  
佛

可知

時目首菩薩以頌答曰

譬如大地一隨種各生芽於彼無怨親佛福  
田亦然

十頌舉十喻喻上諸義初一總喻印成後

九別顯所以前中初句等是緣等彼此共許次句異乃因異答別之由次句無異思惟誠如所見下句總合

又如水一味因器有差別佛福田亦然眾生心故異

後九別中皆上半喻下半合一水喻器有差九

大小方圓任器故

亦如巧幻師能令眾歡喜佛福田如是令眾生敬悅

二幻喻體外方便貴且悅心體外方便者無而假設如

無三說三等

如有才智王能令大眾喜佛福田如是令眾悉安樂

三王喻體內方便終得實樂上二喻佛巧稱物機體內方便者即佛機智鑒事差別即體上大用為體內方便

譬如淨明鏡隨色而現像佛福田如是隨心獲眾報

四鏡喻約眾生謂隨妍媸而影殊心高下而報別與前鏡喻因緣不同餘義無異後

五皆約佛明

與前鏡喻者前業果中喻如來藏約其自心故是因也今

將喻佛是喻緣故起信論云真如內熏為因善友外熏為緣約四鏡中即後二鏡已出纏故正取緣熏習鏡義無法出離鏡以法出離是緣熏習鏡之體故義如前引餘義無別者亦有一異染淨等義則以佛為淨以生為染自他相望而論一異謂心佛眾生三無差別

如阿揭陀藥能療一切毒佛福田如是滅諸

煩惱患

五藥喻即多之一具百味故普去一切煩

惱毒故

普去一切者阿伽陀此云普去故

亦如日出時照耀於世間佛福田如是滅除諸黑暗

六日喻即一之多無幽不燭大小之闇並除

亦如淨滿月普照於大地佛福田亦然一切處平等

七月光普照喻佛平等拂上諸迹雖隨機

現要且無私

譬如昆藍風普震於大地佛福田如是動三有衆生

八大風普震喻徧動羣機

譬如大火起能燒一切物佛福田如是燒一切有爲

切有爲

九大火普燒喻終歸寂滅又此五喻喻滅

惑智二障至平等智地普動諸有皆證無

爲前四即善巧隨機此五則終令造極豈

不等耶

又此五喻下履躡重釋於中有二先正釋五偈阿伽陀喻喻滅或障

日破闇喻喻滅智障月光普照喻喻至平等智地平等智地即法華意故彼經云究竟至於一切智地風喻普動諸有火喻皆證無爲至於智地即是菩提是滅智障果二果亦融普動諸有者即所化生普令衆生滅二障之病證菩提涅槃之果是此意也前四已下總彰答意

爾時文殊師利菩薩問勤首菩薩言

第六正教甚深問中初標問人以破懈怠

故問勤首

佛子佛教是一

二正顯問端中四初佛教是一者舉法按

定一有二義一謂斷煩惱集證出離滅此

義不殊彼此共許二謂多人同見所見不

異

衆生得見云何不即悉斷一切諸煩惱縛而

得出離

二衆生下正設疑難難亦有二一對初義

見教之後何以久而不脫故云云何不即

斷惑出離一對初義者謂約一人豎論教能斷惑亦見即合斷惑何以久而不

斷而二對後義多人同見何以有脫不脫

故言云何不悉斷惑而出二對後義約多人橫說同見斷

惑之教何以一斷一不斷耶悉者俱合斷故

然其色蘊受蘊想蘊行蘊識蘊欲界色界無

色界無明貪愛無有差別

三然其下釋成前難正釋後義多人苦集

皆不殊故五蘊是正三界通依此苦果也

癡愛發潤為集因也兼顯初義前後苦集

亦不殊故

是則佛教於諸眾生或有益或無利益

四是則下結成相違出者有益不出無益

佛教是一其義安在 ○答意云修有勤

惰障有深淺機有生熟緣有具闕智有明

昧功有厚薄故成有遲速答初難也修與

不修故見同益答後難也上之別義不出

勤惰二門故修有勤惰等者先答初意總有六對略收下喻勤惰是總

意障有淺深是樵濕喻機有生熟亦是上

喻及鑽火喻未熟數息是機生故緣有具

闕即闕緣求火下三喻功有厚薄即毛滴

見不修不益修則有益時勤首菩薩以頌答曰

佛子善諦聽我今如實答或有速解脫或有

難出離

十頌分二初一開章許說謂上半許稱實

而說下半開二章門

若欲求除滅無量諸過惡當於佛法中勇猛

常精進

餘九別釋初一釋速解脫後八釋難出離

今初上半牒疑下半為釋勤則通策萬行

離身心相故能速出然有五相一有勢力

由被甲精進故謂於佛法中發大誓願二

勇捍謂於廣大法中無怯劣精進故三堅

猛由寒熱蚊蚋等所不能動精進故四常

不捨善軌由於無下劣無喜足精進故五

精進由加行精進故由斯五相發勤精進

速證通慧滅障解脫下八以喻釋難出障

總相翻前皆名懈怠然有五相等者即喻

又有五相發勤精進速證通慧謂有勢力

者由被甲精進故有精進者由加行精進

故有勇捍者由廣大法中無怯劣精進故

有堅猛者由寒熱蚊蚋等所不能動精進

故有不捨善軌者由於無下劣

無喜足精進故今但次不同耳

譬如微少火焦濕速令滅於佛教法中懈怠

者亦然

速九

十七

行速廢故成懈怠難出離也

如鑽燧求火未出而數息火勢隨止滅懈怠

者亦然

二鑽火數息喻喻修有懈怠然此下喻多

通三慧以辨懈怠此喻約聞即聽習數息

明解不生約思即決擇數息真智不生約

修即定慧數息聖道不生聖道如火能燒

惑薪爇頂已前皆名未熟已熟而息火尚

不生未熟數息雖經年劫終無得理故遺

教對此明小水長流則能穿石聖道如火

消經即俱舍論文謂聖道如火能燒惑薪

道火前相故名為燄燄頂已前者謂七方

便中前三方便即五停心觀別相念觀總

相念觀也以矯法為熱故燄頂忍世第一

法此四方便為四善根是加行位然大小

乘釋小有不同大乘之義至初地廣釋言

忍不墮惡趣第一入離生至於燄位猶尚

斷善故云已熱而息未入見道為火向不

生未熟數息即三方便更加辦息何由造

證故遺教等者即是彼經八大人覺中釋  
精進相經云汝等比丘若勤精進則事無  
難者是故汝等當勤精進譬如小水流  
即能穿石若行者之心數數懈廢譬如鑽  
火未熱而息雖欲得火火難可得是名精  
進釋曰彼以鑽火數息以沉懈怠小水長  
流以此精進故云禪宗六祖共傳斯喻願  
對此名小水長流禪宗六祖下三結勸初  
諸學者銘心書紳引內教結勸自速磨教

可即用此喻展轉相承但云六者後分南  
北多紛競故願諸學者引外典結勸言銘  
心者猶如刻銘長記不滅言書紳者即論  
語第十七子張問行子曰言忠信行篤敬  
雖蠻貊之邦行矣言不忠信行不篤敬雖  
州里行乎哉立則見其參於前也在與則  
見其倚於衡也夫然後行子若直就修行  
張書諸紳注曰紳大帶也

以釋當以智慧鑽注於一境以方便繩善  
巧迴轉心智無住四儀無間則聖道可生  
譬爾起心暫時亡照皆名息也若直就下  
相以智慧鑽注於一境等者心一境性名  
之為定一境之言通於事理故遺教經云  
制之一處無事不辦下經云禪定持心常  
一緣等如了法無生名為般若無生即境  
此理一境了即智慧無住住故名注一境  
則能入理言方便繩者帶空涉有照事照

理喻之以繩有動用故善巧迴轉者若了  
無生而入理者或觀生法求生不得或忘  
能了入無念門或起大悲方能入理如是  
種種若事若理且約理名巧迴轉言心智無住者  
亦通事理且約理名巧迴轉言心智無住者  
境若以智了心是智住心若內若外皆名  
為住若住無住亦名為住故經云若心有  
住則為非住應無所住而生其心謂生無  
住心則非住契理亦名方便故大品云以  
住心生即此契理亦名方便故大品云以

無所得而為方便若不任事理生死涅槃  
則事理無礙之方便也四儀無間者設爾  
有斷亦須知斷若不斷時亦知無斷常無  
念知則無間矣譬如觀起心即失止也又違  
違南宗寂照雙流即無斯過  
如人持日珠不以物承影火終不可得懈怠  
者亦然

建九

十六

三關緣求火喻物者艾等也教詮聖道等  
彼火珠要持向智日以行承之則聖道火  
生空持文字不能決擇心行乖越道何由  
生  
譬如赫日照孩稚閉其目怪言何不覩懈怠

者亦然

四閉目求見喻智微識劣喻彼孩稚約聞  
慧者雖對明師不肯諮決約思修者雖對  
教日心眼不開責聖道之不生何其惑矣  
如人無手足欲以芒草箭徧射破大地懈怠  
者亦然

樂九

十九

五闕緣心廣喻喻愚人無淨信手以持定  
弓復無戒足以拒惑地以劣聞慧箭欲徧  
射破業惑厚地空欲難遂  
如以一毛端而取大海水欲令盡乾竭懈怠

者亦然

六毛滴大海喻謂以少聞思欲測法海妄  
生希欲懈怠尤深  
又如劫火起欲以少水滅於佛教法中懈怠  
者亦然

七少水滅火喻劫火徧熾喻觸境惑增少

分三慧安能都滅

如有見虛空端居不搖動而言普騰躡懈怠  
者亦然

八不動徧空喻喻雖知性空智未游履而

言徧證亦增上慢人也

爾時文殊師利菩薩問法首菩薩言

第七正行甚深問法首者以行法故

佛子如佛所說若有衆生受持正法悉能除  
斷一切煩惱

二顯問端中三初出聖教受謂心領義理

持謂憶而不忘

何故復有受持正法而不斷者隨貪瞋癡隨  
慢隨覆隨忿隨恨隨嫉隨慳隨誑隨諂隨諂勢  
力所轉無有離心

二何故下申其所疑佛言能斷今有不斷  
 即教行相違先標相違隨貪已下出所不  
 斷勢力已下結成不斷謂有持法非唯不  
 滅舊惑亦乃隨解新增十一種惑勢力所  
 轉前四根本後七隨惑皆言隨者雜集第

七說諸煩惱皆隨煩惱有隨煩惱而非煩  
 惱由此即顯根本煩惱亦得名隨隨他生  
 故通釋貪等如九地中今約依法新起者  
 說即貪求名利瞋所不解迷其自行恃法  
 自高覆藏已短論難生忿結恨擬酬疾彼

勝已怪自所知不解言解廢法逐情第七  
 等者解妨既分根本隨惑何皆名隨故為  
 此通故彼論云隨煩惱者謂所有諸煩惱  
 皆是隨煩惱有隨煩惱非是煩惱釋曰非  
 煩惱者所謂忿等但隨大惑名隨煩惱而  
 非根本名非煩惱而貪瞋癡名隨煩惱者  
 心法由此隨煩惱故隨於心今不離染  
 令不解脫今不斷障故名隨煩惱如世尊  
 說汝等長夜為貪瞋癡隨所惱亂心恒染

汗釋曰論意云一切煩惱根本隨惑隨逐  
 衆生今心所隨順染汗故皆名隨是以  
 隨惑正是經意謂諸行人心隨貪等通釋  
 貪者指廣在餘然九地中釋其別相若隨  
 名釋如唯識第六云云何為貪於有有具  
 染著為性故釋曰有謂後有三有異熟之果  
 取蘊生故彼業中有謂後有三有異熟之果  
 有具謂彼苦具增患為性能障無真不安  
 為真於苦具增患為性能障無真不安  
 惡業不善性故釋曰苦謂三苦苦具謂一  
 切有漏無漏但能生苦者謂邪見等諸無  
 漏故亦能生苦論云云何為癡於諸理事  
 迷暗為性能障無癡一切雜染所依為業  
 謂由無明起疑邪定貪等煩惱隨煩惱業  
 能指後生雜染法故釋曰獨頭無明多迷  
 諦理相應無明亦迷事相謂於諸等生猶  
 豫故論云云何為慢恃已於他高舉為性  
 能障不慢生苦為業謂若有慢於彼有德  
 心不謙下由此生死輪轉無窮受諸苦故  
 然人本有六疑及惡見此中不說者以解  
 唯識隨惑總有二十煩云隨煩惱謂念恨  
 覆惱嫉慳恚莊詭與害惱無慙及無愧掉舉  
 與昏沉不信并懈怠放逸及失念散亂不  
 正知此二十中有其三品謂初念等十各  
 別起故名為小隨煩惱無慙等二徧染心故  
 故名為中隨煩惱掉舉等八徧染心故名  
 大隨煩惱今唯小隨為成十故但舉其七



略無惱害及惱三事亦憍屬慢攝惱害嘆  
收故而言覆者謂於自作罪惡失利譽  
藏為性不能障不覆悔惱為業謂覆罪者後  
必悔惱不安隱故忿謂依對現前不健益  
境憤發為性能障不忿執取為業謂健忿  
者多發暴惡身表業故恨謂由忿為先懷  
惡不捨結怨為性能障不恨熱惱為業謂  
結恨者不能舍忍恒熱惱故嫉謂徇自名  
利不耐他榮妬忌為性能障不嫉受感為  
業謂嫉妬者聞見他榮深懷發感不安隱  
故慳謂耽著財法不能惠捨秘吝為性能  
障不慳鄙畜為業謂慳吝者心多鄙惡畜  
積財法不能捨故謂謂為獲利舉矯現有  
德詭詐為性能障不詐邪命為業謂矯詐  
者心懷異謀多現不實邪命事故諂謂為  
網冒他故矯諛異儀險曲為性能障不諂  
教誨為業謂諛曲者或網冒他曲順時宜  
矯設方便為取他惑或蔽已失不任師友  
正教誨故然諂誑並以貪癡一分為體慳  
唯貪一分嫉恨念三以真一分覆以貪癡  
一分為體恐失利譽是貪  
不憚當苦是癡餘可例知

能受持法何故復於心行之內起諸煩惱

三能受持下結成難也佛言受法能斷煩  
惱今受還起其故何耶答意云法是法藥  
要在服行服與不服有斷不斷非醫咎也

故十行品云如說能行如行能說智論云

能行說為正不行何所說若說不能行不

名為智者故如說行方得佛法不以口言

而可清淨法是法藥等者淨名云應病與藥令得服行服與不服等者即

遠教經八大人覺後云汝等比丘於諸功

德常當心捨諸放逸如離怨賊大悲世

尊所說利益皆已究竟汝等但當勤而行

之若於山間若空澤中若在樹下閑處靜

室念所受法勿令忘失常當自勉精進修

之無為空死後致有悔我如良醫知病說

藥服與不服非醫咎也又如善導導人善

道聞之不行非導過也此皆勸行智論云

能行說為正等者即第六論文

故如說修行等者即第三地經

時法首菩薩以頌答曰

佛子善諦聽所問如實義非但以多聞能入

如來法

十頌分二初一勸讚畧說初句勸聽遠離  
貢高輕慢怯弱三種雜染方名善聽求悟  
解故專一趣心聆音屬耳掃滌其心攝一

切心方名諦聽次句讚問顯行稱理故名

如實下半略說遠離貢高者即瑜伽論

遠離貢高難染由四種相遠離輕慢難染

由一相遠難怯弱難染言六相者一應時

聽二放重聽三恭敬聽四不為損害五不

為隨順六不求過失言四相者一恭敬正

法二恭敬說人三不輕正法四不輕說人

言一相者不自輕蔑具上諸義方名善聽

求悟解者論云由五相故無散亂心一求

悟解心二專一趣心三聆音獨耳四掃滌

其心五攝一切心疏文具

足具此五心得名審諦

言非但者要兼

修行獨用多聞不能證入故下諸偈皆云

於法不修行多聞亦如是此名不行之失

非毀多聞若無多聞行無依故是以不行

為失如調達善星行之為得如何難身子

故自利利他之行並須明達誓窮法海為

種智因但應善義勿著言說言非但等下

釋一句顯一章大意此明不行等下以人

多言此章

故為此

行不令

行不令

聞無解依何而行後是以不行為失下三

結成上義多聞不行調達等是是經所訶

多聞而行身子等是經所不責善星是佛

之子調達是佛之弟並解十二部經不依

修行生身陷入阿鼻地獄阿難身子多聞

行故親得授記故自利下結要聞但應

下通伏難謂有難言一切經論皆說無言

商主天子經云無有不毀語言而得道者

涅槃二十六云若知如來常不說法是名

具足多聞者又涅槃二十六云寧願少聞

多解義理不願多聞於義不了故為此通

涅槃但令解義不毀多聞商主等經但令

莫著豈當不婆沙四十二云多聞能知法

許衆生聞教

多聞能離罪多聞捨無義多聞得涅槃淨

名云多聞增智慧以為自覺音下經推度

生之方便乃至不離善巧多聞婆沙四十

引證總引二論三經先引一論二經證須

多聞淨名即第二答普現色身菩薩之偈

下經即第三地

經前文已引

上單顯聞

涅槃四事為近

因緣即雙美聞行故智論云多聞廣智美

言語巧說諸法轉人心行法心正無所依

如大雲雷震洪雨如是教理無量無邊恐

繁且止 上單顯聞下二雙引聞行先引

第七功德云善男子菩薩摩訶薩修大

繁微妙經典作是思惟何法能為大

繁而作近因若言勤修一切若行是

繁近因緣者是義不然所以者何若

法得涅槃者無有是處何等為四一

近善友二者專心聽法三者繫念思

者如法修行善男子譬如有人身遇

若冷若熱虛勞下瘧眾邪鬼毒到良

良醫即為隨病說藥是人至心醫受

隨教合藥如法服之服已病愈身得

有病之人喻諸菩薩大良醫者喻善

良醫所說喻方等經善受醫教喻善

方等經義隨教合藥喻如法修行三

助道之法病除愈者喻滅煩惱得安

喻得涅槃常樂我淨故云涅槃四事

聞行故智論者然彼論第六總有四

第一偈次偈云多聞辯慧巧言語美

法轉人心自不如法行不正譬如雲

不能顯發法寶藏譬如有雲無雷雨

學問無智慧不能說法無好行是辨

無慙愧譬如不雲無雷雨此上行為

以辯為雷以問智為雲合是以辨為

後總具故今引之次一闕行次偈闕

智論次前云有智無多聞是不知實

如晴夜中有目無所見多聞無智慧

知實相譬如大明中有燈而無目多聞  
智慧是所說應受無聞無智慧是名  
牛及餘諸經  
其文甚廣

如人水所漂懼溺而渴死於法不修行多聞

亦如是

九頌喻明皆上半喻況下半法合初懼溺

渴死喻喻貪隨文義失謂義門波濤漂蕩

其心慮溺溺他無暇修行自絕慧命故名

渴死

如人設美饌自餓而不食於法不修行多聞

亦如是

二設食自餓喻喻隨說廢思失說法施人

多求名利不思法味損減法身

如人善方藥自疾不能救於法不修行多聞

亦如是

三醫不自救喻喻善知對治而不自治

如人數他寶自無半錢分於法不修行多聞亦如是

四貪數他寶喻說佛菩薩功德不能求諸身心故無分也

如有生王官而受餒與寒於法不修行多聞亦如是

燒光

三五

亦如是

五王子饑寒喻謂王子違王法教於內起過故受饑寒學人亦爾生在法王教法官中行違佛教起惡惑業故無慚愧忍辱之

衣寧餐法喜禪悅之味故饑寒也

如聾奏音樂悅彼不自聞於法不修行多聞亦如是

六聾樂悅彼喻喻不解自說夫謂夫真說聞者必忘說聞逐語而說為自不聞

如盲續眾像示彼不自見於法不修行多聞

亦如是

七盲畫示彼喻喻不見自義失

譬如海船師而於海中死於法不修行多聞亦如是

八船師溺海喻謂將導眾人游佛法海倚

自所解不慎身行為法所淪

如在四衢道廣說眾好事內自無實德不行亦如是

九巧言無德喻謂亦說修行或談已德內

無實德但有虛言獨此一偈三句是喻合

文但云不行亦如是彌顯不毀多聞又此

九偈亦可別對隨貪等義如理應思

又此九偈

者一漏水喻隨貪愛水故二喻隨慳不自食故三喻隨嫉是內病故四喻隨諂數他德故五喻隨瞋及忿違王之法受飢寒故六喻隨覆若掩耳偷鈴欲人不聞故七喻隨癡盲無見故八喻隨慢恃已慣故九喻隨誑無德說德故



大方廣佛華嚴經疏鈔會本第十三之九 途十

唐于闐國三藏沙門實又難陀 譯

唐清涼山大華嚴寺沙門澄觀撰述

爾時文殊師利菩薩問智首菩薩言

第八助道甚深問智首者以顯智為正道

之體統其助故

佛子於佛法中智為上首

二正顯問端中三初舉法按定謂斷惑證

理導行得果唯是大智彼此同許謂斷惑等者謂

以智慧綱殺煩惱賊故無分別智方證如

故言導行者智論云五度如盲人般若為

有目故能明見夷途開導萬行御心中道

如來何故或為衆生讚歎布施或讚持戒或

讚堪忍或讚精進或讚禪定或讚智慧或復

讚歎慈悲喜捨

二如來下正設疑難謂既智為上首應唯

讚智那亦讚餘此是正助相違難

而終無有唯以一法而得出離成阿耨多羅

三藐三菩提者

三而終下結成前難前難云智為上首已

應不合讚餘況非以一法成佛固當不合

偏讚結成前難者此下亦有三重問意初

用智為隨一行皆得佛耶二為要假多若

隨一得成亦違智為上首進退皆妨三若

得成者結成下答意中印其初後釋其中

相違難也間謂智為上首誠如所言智如明王衆之

御故大品云般若如目五度如盲故印後

義云終無唯以一法實如來歎三世諸佛

皆具說故以餘萬行資於智故釋其中間

別讚乃有多意謂隨心令喜故隨時生善

故所治蔽殊故入門不同故衆生不能盡

受故下當屬文又智論云般若必具一切

行是故讚一即是讚餘讚餘即是讚智其釋

中間下釋中間總有五意前四即四隨後

一統攝今初隨心令喜即下隨樂亦世界

悉檀二隨時生善即下隨宜亦為人悉檀

三所治蔽殊故即下隨治亦各第一對治悉檀

四入門不同即下隨義亦各第一對治悉檀

悉檀此云義宗即智論中意諸佛說法不

離此四故又智論下即第五意般若統攝

諸行今讚一般若即是讚餘餘是般若中

已讚般若

時智首菩薩以頌答曰

佛子甚希有能知衆生心如仁所問義諦聽

我今說

十頌分二初一歎問許說

過去未來世現在諸導師無有說一法而得

於道者

餘九正答所難畧分為二先二頌開二章

門後七雙釋二章今初初偈標衆行成果

章謂正助相假必萬行齊修故諸佛同說

言無有說一者必具說也

佛知衆生心性分各不同隨其所應受如是

而說法

後偈標隨機別讚章文具禪經四隨謂初

句即隨樂也將護彼意稱悅其心故性不

同者即隨宜也附先世習令易受行習以

成性故分不同者即隨治也觀病輕重設

藥多少謂貪分多者教不淨等隨其所應

度者即隨義也道機時熟聞即悟故稱悅

其心

者謂前人樂行布施即勤布施樂行持戒

即勤持戒等隨順世界順意樂故附先世

習者心未必樂但風世曾作勤則易成如

昔曾坐禪今勤坐禪則易得定樂約現欲

宜約有根亦猶鍍金之子宜令教息等隨

治可知隨美謂隨以何法得入第一義故

有人因禪悟道有人因慧悟道  
六度萬行皆為入理之門戶故

慳者為讚施毀禁者讚戒多瞋為讚忍好懈  
讚精進亂意讚禪定愚癡讚智慧不仁讚慈

愍怒害讚大悲憂感為讚喜曲心讚歎捨

下別釋中二初三釋隨器別讚章後四釋

衆行成果章前中二初兩偈半別釋隨治

後兩句結前生後今初然六度成其行四

等曠其心四等多約利他六度多明自利

六度如初會四等如下說然並通四隨畧

舉一治耳涅槃云慳者之前不讚布施者

即隨樂意也然並通四隨者會經文也標

耳故引涅槃以證有四之義謂如一布施

有樂施者勸之即隨樂也昔曾修行能生

度善即隨宜也因施見理解財如夢心事

俱捨即隨義也涅槃云慳者等即三十四

經迦葉菩薩品佛告迦葉我於餘經中說

五種衆生不應還為說五種法為不信者

不讚正信為毀禁者不讚持戒為慳貪者

不讚布施為懈怠者不讚多聞為愚癡者

如是次第修漸具諸佛法

二結前生後中上句結前下句生後

後四偈釋衆行成果中各上半喻下半合

然有二意一仍前漸具之義便得釋成智

為上首二正明所用不同故須兼具然攝

論第九明立六度通有三意一為除惑故

二為生起佛法故三為成熟衆生故前段

具初意此段通具三謂二二合者對治別

故先基後室等即漸具故皆為利他即成

熟故一仍前者即前如是次第修漸具

正明等者行本防獲與樂別故故須兼具

前意釋印初義此意釋印後義然攝論下

不讚智慧何以故智者若為是五種人說  
是五事當知說者不得名為具足知諸根  
力不得名為憐愍衆生何以故是五種人  
聞是事已生不信心惡心嗔心以是因緣  
於無量劫受苦果報今疏引之以成今文  
應具四義言是隨樂者彼不樂故亦是不  
宜讚故



引論成經  
通於前後

如先立基堵而後造宮室施戒亦復然菩薩  
衆行本

文中初偈二度為治不發行因故合云行  
本謂著財不發施著家不發戒故基堵有

二義一基即是堵即施為進善之首戒為

防惡之初並稱基也二堵為環牆即檀為

萬行首基也戒防未非堵也官室者解脫

譬如建城郭為護諸人衆忍進亦如是防護

諸菩薩

次偈二度已發修行心為治退弱心因故

謂不能忍生死苦事長時修助善品有疲

怠故今忍城防外惱之敵進郭長內行之

衆通說則此二皆能防外養內通說則此

外養內者諦察法理養內德也二皆能防  
進防懈怠衆魔不入防外敵也五

譬如大力王率土咸戴仰定慧亦如是菩薩  
所依賴

次偈二度治壞失心因故謂散亂壞靜慮

邪智壞正解故今菩薩定靜感亂慧鑑萬

法動寂自在故菩薩依之以發通慧賴之

以證理果其由有力之王澄清四海明鑑

萬機故率土戴恩天下仰則澄清四海喻

萬機喻上慈也戴思仰則喻依賴也

亦如轉輪王能與一切樂四等亦如是與諸

菩薩樂

後一偈四等為因自他安樂招果無盡故

招果無盡如慈一定得十五果三地當明

爾時文殊師利菩薩問賢首菩薩言

第九一道甚深亦名一乘問中標問賢首

者至道柔順故又賢猶直善佛佛皆同一

直道故

佛子諸佛世尊唯以一道而得出離

二正顯問端中三初標宗按定謂佛佛所

乘同觀心性萬行齊修自始至終更無異

徑故云一道此理共許同觀心性者即正

一法性不並真故萬行齊修者義兼正助

千佛同轍今古不易之一道也則明流類

云何今見一切佛土所有眾事種種不同

二云何下正設疑難先總後別前中謂因

道既一果應不別云何現見佛刹等殊為

果異故因非一耶為因一故無異果耶若

雙存者即因果相違謂因道既一者疏

總句亦有三重問意一直問所以故云云

何現見二為果故下帶疑三若雙存下辨

所謂世界眾生界說法調伏壽量光明神通

眾會教儀法住各有差別

下別辨十事所謂下經文在文易一界有

染淨等殊於餘九二大小三所依四形狀

五體性六莊嚴七清淨八佛出九劫住十

劫轉變此即世界成就品十門中八不取

起具因緣以將因同難果異故不無差

別門今難差別門也為欲滿十故加染淨

及與大小大小即分量故亦形狀開出染

淨即對清淨開出通餘八門如娑婆為染

安樂為淨等小如恒河沙三千界大如法

華富樓那國如一恒河沙三千界量等下

之九門多如二居人善惡等異二居人者

世界上或唯地前或通此三諸乘等別廣畧

二或三乘一乘等也或有國土說一乘或二

等殊或三或四或五如是有至無有量或廣

畧者如釋迦如來廣制戒學迦四或三學

調伏或強輒折伏乘教等調攝眾生或戒

調練或定以柔伏或慧以攝御言強軟者

剛強難化故佛為說剛強之語以調伏之

言是地獄是畜生是餓鬼是愚人行是身

邪行是身邪行報等譬如象馬龍虎五壽

不調加諸楚毒乃至徹骨然後謀伏

有修短五或壽有修短者如佛名經第七  
 說梵聲佛壽十億歲月面佛壽一  
 日一夜智度論說須扇多佛朝見暮寂阿  
 彌陀佛壽命無量無邊阿僧祇劫釋迦壽  
 命不滿六光明或色相不同或常放具闕  
 百年等六光明或色相不同者如十  
 或照有遠近六光明或色相不同者如十  
 定品或見如來放黃金色光  
 或見如來放白銀色光等言或常放具闕  
 者釋迦則具謂常光一尋放眉間光照萬  
 八千等若普明佛常七隨染淨土居人異  
 放光明無別常光故七隨染淨土居人異  
 故現通亦殊七隨染淨土居人異  
 多不同故如普現如來國  
 土其中衆生皆悉成就自然神八衆會異  
 足等則佛為彼現必異此方  
 者此有三種一多少二會數三凡聖大小  
 一多少者或菩薩多聲聞少或反此或俱  
 多俱少故世界成就品明佛出云或化多  
 衆生或調伏少衆生等佛名經說彌留勝  
 玉佛初會聲聞八十億百千那由他等斯  
 即多也二會數者如佛名經第七云彌留  
 勝王佛四會說法華勝佛一會說法聲德  
 佛三會說法放跋佛十會說法或一經多  
 會說如華嚴般若或一會說多經如無量  
 義法華彌勒世尊龍華三會七佛說法會  
 數不同三凡聖大小或集聲聞等或唯善  
 薩或三乘九教儀者如此土以音聲為教  
 同會等

香積以衆香教化等九教儀如教體中而  
 言等者有二一豎視  
 等二化儀前後或先小後大先大後小十  
 或顯密不同頓漸等異並如教攝中說十  
 法住者有久近故各有差別者通上十位  
 十法住久近者如法華說華光佛正法住  
 世三十二小劫像法住世亦三十二小劫  
 若光明佛正像各二十小劫山海慧自在  
 通王佛壽無量千萬億阿僧祇劫正法住  
 世亦倍壽命像法住世復倍正法則正然  
 法二無量千萬億阿僧祇劫像法亦爾然  
 若約一佛十事各不同者德首已明今問  
 諸佛十事互望不同耳然若約一佛下二  
 揀濫也恐人誤謂  
 一佛一門西有多果故為此揀明此是多  
 佛同修一因何以見果種種差別一佛證  
 一而果異者如前已明謂文殊問德首云  
 如來所悟唯是一法云何乃說無量諸法  
 現無量利化無量衆  
 等故云德首已明  
 無有不具一切佛法而成阿耨多羅三藐三  
 菩提者  
 第三無有下結成前難謂若諸佛於因行  
 法有具不具可有刹等不同今皆同具刹

等那別同具即是一

第二答中意云非唯因同果德亦同而見

異者隨機感耳非佛自位而有差別何者

諸佛因果具同異故謂同滿行海是同因

也將此同因隨所調伏種種迴向應機之

果是異因也由此異因感差別果由上同

因同感真應身土等果

印其因同釋其果異異自在物同是佛同

何者諸佛下二廣微釋於中有二初徵文

殊向以因同難於果異今明果亦有同何

以不知因亦有異故互為不說故云俱有

同異是則以佛就機因果俱異廢機說佛

因果俱同然果同因異相隱因同果異相

顯故文殊以顯難其所隱使物齊明成于

一謂同滿行海者二利行也二得此同因

義一因滿行海者二利行也二得此同因

下辨異因相亦用上來二利行也然法相

果是則約佛即同能隨異約機同處而見  
 異以生就佛雖異而常同以佛就生雖同  
 而見異以佛望佛能異之必同其猶錦窠  
 常同常異是則約佛下第二結成同異上  
 會釋然有五句此句唯約佛既將同因迴  
 成異因故即同果能為異果二約機者唯

約生說心自異故三以生就佛者猶如四  
 心同觀一境一境不差成本同義四以佛  
 就生者如雖一境今四心見殊成能異義  
 五以佛望佛者佛佛皆能隨機見異即是  
 同義結云猶如錦窠常同常異 瑜伽三十  
 者融上五句不離同異無礙

八諸佛平等唯除四法一壽量二名號三  
 族姓四身相意明隨機故除此四事餘皆  
 等也 隨機故一句是疏釋論餘皆論文  
 就果同中自性身土一向體同自受用者  
 平等無二相似名同餘二身土亦相似名  
 同而隨機見異故成唯識云自性身土一  
 切如來同所證故體無差別自受用身及

所依土雖一切佛各變不同而皆無邊不  
相障礙餘二身土隨諸如來所化有情有  
共不共所化共者同處同時諸佛各變為  
身為土形狀相似不相障礙展轉相雜為  
增上緣今所化生自識變現謂於一土有

一佛身為現神通說法饒益於不共者唯

一佛變諸有情類屬佛異故引證即第十

論於中四種身土分之為三初釋自性身  
土既同所證明是體同如一室之空二自  
受用如千燈光同照室內三餘二身土即  
他受用及變化者正證於前亦相似名同  
而非隨機見異有共不共者共為異故名共  
非是同義不共隨化別故上二皆異然共  
不共亦相似名同今其各見共不共差即  
隨機見異所化共者下第二釋也於中三  
初釋共義佛各變者如今釋迦化身若一  
類眾生昔與阿闍彌陀藥師寶集皆悉有  
綠應受其化所化之者身不可分在賢劫  
時閻浮之處則阿闍彌陀如來化一佛身為釋  
迦文阿彌陀佛亦化身為釋迦文藥師  
瑠璃光亦化身為釋迦文寶集如來亦  
化一身為釋迦文同在一毗菩提樹下一  
時成佛今諸眾生但謂是一釋迦文佛如

五蓋燈同照一物共發一影實有多光各  
發一影而相雜故謂之為一如其一人屬  
於五佛如上所明若百千人同屬五佛亦  
如是見五佛為一於不共者二釋不共設  
見十方百千化佛亦是一佛化現諸身耳  
諸有情類者第三雙結釋成就上來共不  
共義上來皆是論文唯屬佛異故一句是  
義引彼論具云諸有情類無始時來種性  
法爾更相繫屬或諸多屬一或一屬多故所  
化生有共不共不獨多佛久住世間各事

劬勞實為無益一佛能益一切生故釋曰  
不爾已下即彼論一文彈餘師義然應更有

或多屬多或一屬一文無者略又彼論云  
無始時來種種性法爾今難取彼共不共義

但約結緣不必法爾然攝論中有三師義  
一云共一皆度一切等故二云不共以

類佛本來相屬別故如慈氏釋迦同事底沙  
佛佛見釋迦所化先熟為之入定令其七

日忘非別耶三云有共不共若一向共何  
成豈非別耶三云有共不共若一向共何

用多佛若一向不共不應歷事多佛願度  
一切不應以已所化眾付屬後佛今唯

識論即第三正義略  
彈共家不彈不共

時賢首菩薩以頌答曰

文殊法常爾法王唯一法一切無礙人一道

出生死一切諸佛身唯一法身一心一智

慧力無畏亦然

偈中義理多含故文勢非一旦分為二初

二偈印其立宗明真身無二餘偈答其疑

難辨應有異同今初初句總印先標文殊

者警其聽受法常爾者明因果無異法爾

常規餘顯一相畧明四一初句法一以法

常故諸佛亦常次句人一次句因一後偈

果一畧舉其五一者身一此有二義謂若

約所證法界為身則體同為一若兼能證

無障礙智為身即相似名一下既別明心

智則正當初意然體同義異二心一八識

心王俱不可知故三智慧一四智三智二

智一智皆無別故四十力一五無畏一此

五亦畧攝諸德畧明四一者上以因一難

於果異今此且明因果一相然體同義異者通妨恐有難云既取初

義體同為一則一佛證時一切皆證若約

出現實如是十所難佛見眾生皆以證竟今約  
一事故為此通以體就空體無二以空  
一室所照同空以燈就空各屬本燈佛義  
就燈有照未照隨燈各取非佛無心但深妙  
亦爾八識心王等者以非佛無心但深妙  
女與難知相耳故出現品云如來心意識  
俱不可得但以智無量故知如來心既云  
知如來心則非無心矣彼有十相一皆  
云是為如來心第一相等諸菩薩摩訶薩  
應如是知今取佛佛之心皆不可知故名

一耳

如本趣菩提所有迴向心得如是刹土眾會

及說法

二答疑難中分二初二偈總明隨機見異

於中前偈約佛後偈約機前中即隨本異

因為物迴向各得差別故云如是如是即

差別之義也畧舉十中三事耳即隨所化

眾生而取佛土即隨本等者如眾生宜以

直心土化菩薩即將直心因取直心土等即隨諸眾生應以何國起

染淨等土菩薩根而取佛土等故云得如是佛土謂

相不一故

一切諸佛刹莊嚴悉圓滿隨衆生行異如是見不同

後偈約機者約佛則刹等皆圓約機隨行見別如直心為行則見不諳之國故衆生之類是菩薩佛土

佛刹與佛身衆會及言說如是諸佛法衆生其能見

餘六偈展轉釋疑分四初一偈有疑云若皆圓滿何以不見答意云衆生不見豈得云無然有三義一約他受用則地前凡小

衆生不見二約自受用則等覺衆生亦皆不見若約即應同真權教菩薩不見

答意云衆生不見者即同淨名經云爾時舍利弗承佛威神作是念若菩薩心淨則佛土淨者我世尊本行菩薩道時意豈不淨而是佛土不淨若是佛知其意即告舍利弗口月豈不淨耶而盲者不見對曰不也世尊是盲者過非日月咎舍利弗衆生罪故不見

如來佛國嚴淨非如來咎舍利弗我此土淨而汝不見即其義也其心已清淨諸願皆具足如是明達人於此乃能觀

次偈有疑云若皆不見何以知有釋云有見者故亦有三義初則淨意樂地已去由願自在力故見他受用二淨無塵習普賢

願滿方見自受用三圓解之人則名心淨即應見真意在初後義兼中間亦有三義初則淨意樂地者此中三義對前三義由初他受用身地前不見此辨登地則見下二例知

隨衆生心樂及以業果力如是見差別此佛威神故

三有一偈疑云若應由物見何名佛土釋云佛威神故則知生佛共成既攬同成異亦稱體成益既攬同成異等者既是如來機即應身真故將其同因以取異果故令圓云稱體成益

佛利無分別無憎無有愛但隨眾生心如見有殊

四有三偈釋疑云上云眾生不見淨刹又

云佛神力令異為刹體處別佛有分別耶

故釋云刹實同處佛亦無心物自見異耳

於中初半顯實云刹無分別佛無憎愛分

別即差別義故晉經云佛刹無異相如來

無憎愛若順今經亦可此二通佛及刹次

半偈明異自在物若順今經者上取晉經

但屬刹無憎愛約心意無分別是無差別故

佛具無分別無憎愛以無分別智心平等

故刹亦無分別無憎愛以境但無心即無

分別何有憎愛是則佛宇兩用佛無分別

之過答

次半偈明正見刹異次半偈彰非佛答次半

偈等者此明見之因因心及業故下半正明見異一切諸世界所應受化者常見人中雄諸佛法如是

次三句釋佛無憎愛有感便現非佛有愛無感不見非佛有憎末後一句總結一切

諸佛法皆如是隨機隱顯具體常存亦通

結一段

爾時諸菩薩謂文殊師利菩薩言

第十佛境界甚深十信觀圓便造佛境於

中亦先問後答問中分二初標能所問人

大眾同問者攝別歸總故總別無礙六相

圓融問文殊者佛境甚深除般若妙德無

能達故始信終智皆託佛境故無按定結

難者表尊敬故若人若法難致詰故十信

等者此明來意亦辨在後之義始信終智觀圓

等者文殊主二法門一主信故善財初見



便發信心二主智故善財後見便見普賢  
始入之信亦信佛境能度之智亦證佛境  
故文殊說

佛子我等所解各自說已唯願仁者以妙辯  
才演暢如來所有境界

二佛子我等下正申請問又分為二初結

前標後如讚妙辯者敬上首故

何等是佛境界何等是佛境界因何等是佛  
境界度何等是佛境界入何等是佛境界智  
何等是佛境界法何等是佛境界說何等是  
佛境界知何等是佛境界證何等是佛境界  
現何等是佛境界廣

二何等下別顯問端句有十一初總餘別

初境界有二一分齊境界謂從十地因後  
果位之法是佛所有二所緣境界謂佛所  
知之境並非餘測總為佛境二請問佛境

以何為因三請佛境界度生儀式四應機普  
入世間五能知之智六所知之法七圓音  
起說八明知體相九內證平等十顯現何  
法十一量之大小並非因位作用所及亦  
非下位能知故云佛境若約能知能度等

即是分齊約所知等名曰所緣能所雙融

異即非異言思道斷是佛境也並非因位

此結分齊境亦非下位所知者通結二境

時文殊師利菩薩以頌答曰

答中十頌次第而答唯廣一義獨在於初

與總合辨欲顯分量徧於總故即深而廣

故

如來深境界其量等虛空一切衆生入而實  
無所入

初句總標體深次句分量廣大故佛地論

引經釋云諸佛境界唯除虛空無能為喻  
 次句釋上廣後句釋上深然有三義一約  
 一切衆生即如來藏更何所入翻迷之悟  
 故云證入二約理非即非異故云入無所  
 入三約心境心冥真境故說為入若有所  
 入境智未亡豈得稱入實無所入方名真  
 入即廣之深本超言念即深之廣安則其  
 涯然有三義者五獨第四句而實無所入  
 言仍取第三句釋之故皆有證入之言  
 此三別者初一以理對悟說二以理對事  
 說謂生是事與理非即故有入言與理非  
 異故無所入三正約心境契合說謂正冥  
 境時不作入解故即廣之深下總結一偈  
 意

如來深境界所有勝妙因億劫常宣說亦復  
 不能盡

二答因問謂此因無限畧示三義一殊勝  
 以行超絕無等等故二微妙以證理深玄

盡法源故三廣大以多劫說少亦不盡故  
一殊勝等者三  
 義並在渴中  
 隨其心智慧誘進咸令益如是度衆生諸佛  
 之境界

三答度問謂隨其心器意樂不同隨其智  
 力解悟差別誘引進修令各獲益以徧法  
 界委悉無謬差別難知故云佛境

世間諸國土一切皆隨入智身無有色非彼  
 所能見

四答入問謂世間即是衆生世間國土即  
 器世間一切者徧法界故入有二義一以  
 智身潛入密益衆生故二以色身現入顯  
 益衆生智身難知文中偏顯

諸佛智自在三世無所礙如是慧境界平等  
 如虛空

五答智問上半權智橫無不知故云自在

賢達三際故無所礙下半實智故云慧境

平等如空無若干也虛空之言亦兼喻上

無罣礙也權實無礙方為佛境無若干者即淨名第

三其無礙慧無若干也

卷十

十六

法界衆生界究竟無差別一切悉了知此是

如來境

六答法問法界是理生界是事攬理成事

理徹事表故云無別是故事則不待壞而

恒真理則不待隱而恒俗非直廣大無限

亦乃甚深無際究盡了知故稱佛境答法問疏

有二釋前釋但融二境後釋境智雙融前有中攬理成事者是依用此二即顯無別此者是真理即事門但用此二即顯無別此影畧明耳亦應云理依事顯即事能顯理門事徹理源即事法即理門是故事則不待壞者成上二句此成前句以事全攬理非色滅空色性自空故下句成下理徹事表故不待隱而恒俗也非直廣大下結謂

生稱真則一一廣大理非事外是謂甚

深又理徧於生故云廣大即生即理故曰

甚深此則結歸初又法界是所證生界是

總偈中深廣義也所化了知是能證能化究尋其本亦無差

別是難知之佛境也又法界下第二釋融

別有其兩向向上融二界通向下融能所了故云究尋其本亦無差別即能所契合

同法界也一切世界中所有諸音聲佛智皆隨了亦無

有分別

七答說問一切言音隨性隨相皆悉了知

未曾起念故無分別以一切差別言音即

是如來法輪聲攝故以斯答說音聲實相

即法輪故說以一切下通妨謂有問云上問答云所了之聲是佛法輪聲攝故隨其類音為說法故出現品云音聲實相即法輪故賢首品亦云能今三界所有聲聞者皆是如來音故上疏云隨性隨相皆悉了知了性體融一攝一切

非識所能識亦非心境界其性本清淨開示諸羣生

八答知即心體知即心體者此句標示上之智今直語靈知真心異了別即非真知乎木石者通能所證也此句即遣南宗禪以通故非識所識了別下雙會南北宗禪也謂

識以了別為義了見心性亦非真知淨名云依智不依識謂分別名識無分別名智今有了別之識故非真智起亦非真知故非心境界宗起亦非者此釋第二句遣北故以集起名心起心看心是即妄想故非真知是以真知忘心遺照言思道斷故勝天王般若問云何菩薩學甚深般若若通達法界佛告勝天王言大王即是如實世尊云何如實大王即不變異世尊云何不變異大王所謂如世尊云何如難大王此可智知非言能說離相無相遠難思量過覺觀境是謂菩薩修行甚深般若了達甚深法界釋曰但以無念心稱此而知即同佛知見經云如實即無念是用無念心常見聞覺知一切事如實體離念即非有法心常寂靜即如來藏心體離念者雙會念可無故云性本清淨二宗釋第三句以

北宗宗於離念南宗破云離念則有念可離無念則本自無之離念如拂鏡無念如本淨今為會之起信既云心體離念亦本自離非有念可離亦同無念可無即性淨也非看竟方淨若無看之看衆生等有或亦猶無念念者則念真如衆生等有或翳不知故佛開示皆令悟入釋第四句即用法華開示悟入佛知見意謂開除惑障顯示真理令悟體空證入心體也大意然矣此有多釋已如前引今更畧舉禪門釋之北宗云智用是知慧用是見見心不起名智智能知五根不動名慧慧能見是佛知見心不動是開關者開方便門色不動是示者示真實相悟即妄念不生入即萬境常寂南宗云衆生佛智妄隔不見但得無念即本來自性寂靜為開寂靜體上自有本智以本智能見本來自性寂靜名示既得指示即見本性佛與衆生本來無異為悟悟後於一切有為無為有佛無佛常見本性自知妄想無性自覺聖智故是苦薩前一聖所知轉相傳授即是入義上二各是一理前之畧釋即體之用故問之以是跋本意餘如別說即體之用故問之以知即用之體故答以性淨知之一字衆妙之門若能虛已而會便契佛境即體之用前問問知今答性淨都無知言何以會通故為此會故水南知識云即體之用名知

即用之體為寂如即燈之時即是光即光之時即是燈燈為體光為用無二而二也知之一字衆妙之門亦是水南之言若能虛已下勸修即可以神會矣難以事求也能如是會非唯空識而已於我有分也

非業非煩惱無物無住處無照無所行平等

行世間

九答證問即證大涅槃三德圓也非業繫

故解脫也非煩惱者轉煩惱即菩提是般

若也無物者虛相盡故法身顯也非業繫下釋相

於中有三初經中無住處者成上法身無

所在也無照者成上般若能證相寂也無

所行者成上解脫無業行之用也二無住處下八

字拂三德相三以第由無用故用彌法界

由無照故無所不知由無在故無所不在

故結句云平等行世間也由無用下釋第

不二故功是謂三德祕藏佛之境也是謂三德

下結三德廣義已見玄甲下出現品復重解釋此但撮畧對文耳

一切衆生心普在三世中如來於一念一切悉明達

十答現分上半所現初句橫盡十方次句

豎窮三際下半能現並於如來圓鏡智中

無念頓現故出現品云菩薩普現諸心行

即斯義也上來辨十甚深即問答竟

爾時此娑婆世界中一切衆生所有法差別

業差別世間差別身差別根差別受生差別

持戒果差別犯戒果差別國土果差別以佛

神力悉皆明現

自下第二現事結通於中二先現事後結

通今初因何而現上來十首法光開曉衆

生身心故佛力暫現示相而答令其自驗

而欣厭故因何而現下疏文有三初來所

現有十第一法即所行之法謂三學等殊  
 二業謂正行漏無漏等三集因苦果四身  
 類不同五根機差別六四生非一七持戒  
 則人天勝劣八犯戒則三塗重輕九國土  
 則依處染淨十說法則近報淨居聰明利

智速具佛法此經文闕晉本具之

七持戒者如第

二地中說法者皆智論文論第十三引育王經云育王常供養眾僧有一比丘口內馨香育王懷疑試而驗之方知本有問其所因比丘答云迦葉佛時說法之果復聞說法果唯爾耶答此是華報問云果報云何因說偈云大名聞端正得樂及恭敬威光如日月為一切所愛辯才有大名能盡一切結苦滅得涅槃如是名為十又

此亦可配十甚深以是示相答故一法首  
 正教甚深二寶首業果三勤首懈怠難出  
 四財首觀內身等五德首佛法一味隨根  
 異說等六覺首往善惡趣七智首六度順  
 行通為持戒之果八目首佛田平等但犯

達十

二十

戒布施得果差別九賢首隨心世界有差別等十晉經既有說法即是說佛境界法也

又此亦可者重會前文不為此釋則現事無由理必合耳但文影畧故致亦可

言之

如是東方百千億那由他無數無量無邊無

等不可數不可稱不可思不可量不可說盡

法界虛空界一切世界中所有眾生命法差別

乃至國土果差別悉以佛神力故分明顯現

第二如是下結通廣徧於中二初結東方

南西北方四維上下亦復如是

達十

主

後南西下類餘九方亦現十事以此處說

法則現事通於十方餘處說法亦應類此

總為一法界大會思之問明品辨信中解

竟

大方廣佛華嚴經疏鈔會本第十三之九

音釋

隴戾

隴力董切音例隴戾不調也

瞪除庚切窠

切若木

諂丑刻切

瞽匹菱切也

大方廣佛華嚴經疏鈔會本第十四之一 滅一

唐于闐國三藏沙門實叉難陀 譯

唐清涼山大華嚴寺沙門澄觀撰述

淨行品第十一

釋此一品五門分別初來意者夫欲階妙

位必資勝行有解無行虛費多聞故前品

明解此品辨行又前明入理觀行今辨隨

事所行又前行此願並義次第故次來也

來意有三初通對前後辨來謂欲成妙位是後上佳故前品明解即是對前二又前

明入理下此及第三俱是對前二即以行對行但理事不同三即以願對行則二品

全別故前品具解行二次釋名者梵云具義此品具行願二義

折囉此云所行波利此云皆也徧也成輪

律提云清淨也謂三業隨事緣歷名為所

行巧願防非離過成德名為清淨又悲智

雙運名為所行行越凡小故稱清淨以二

乘無漏不能兼利非真淨故得斯意者舉

足下足盡文殊心見聞覺知皆普賢行文

殊心故心無濁亂是曰清淨普賢行故是

佛往修諸佛菩薩同所行也所行即淨持

業釋也 文殊心下覆成上二然即賢三宗首品初生起之意尋文可知

趣者以隨事巧願防心不散增長菩薩悲

智入行為宗成就普賢實德為趣

四解妨者問文中但辨一百餘願何有行

耶答文中辨行略有數重謂就所歷事中

始自出家終於卧覺皆是行也觸境不迷

善達事理智行也以願導智不滯自利大

悲行也上二不二悲智無礙行也遇違順

境心不馳散止行也智不沉沒觀行也即

止觀雙運行也又對於事境善了邪正當

願眾生皆假觀也知身空寂心無染著空



觀也見如實理中觀也或先空後中或先假後空或一或二或一念頓具斯為妙達三諦觀之行也又所造成行皆施眾生不起二乘之心安忍強軟兩境或增善品心不異緣妙達性空善巧迴轉皆願利物同

趣善提二乘滅天魔所不能動善知藥病決

斷無差即十度齊修之行也又皆願利生

皆成佛德見惡必令其斷見善必令其具

即四弘誓願之行也故智首總標諸德以

求其因文殊令善用心頓獲眾果但言性

願豈不惑哉答文中下初列六中前三谷

行二理行三事理無礙行以願導智下第

二對中含於三行一大悲行二觸境不迷

善達事理是一行三雙達事理為事理無

礙行過遠順下三對悲行總為智行故一

智二悲三悲智雙運又對於事下四中有

五別明空假中為三四三觀次第為一行

處可知三觀如前後說滅一復有問言夫妙

行者統唯無念今見善見惡願離願成疲役身心豈當為道答若斯見者離念求於無念尚未得於真無念也況念無念之無礙耶又無念但是行之一也豈成一念頓圓如上所明也行學之者願善留心

爾時智首菩薩問文殊師利菩薩言

第五釋文中二先智首問舉德徵因後文

殊答標德顯因今初亦先標問答之人後

陳所疑之問今初此二菩薩為顯圓修歷

事巧願必智為導故事近旨遠唯圓行故

文殊則般若觀空智首則漚和涉事涉事滅三

不迷於理故雖願而無取觀空不遺於事

故雖空而不證是為權實雙游假茲問答

漚和涉事者梵語俱舍羅此云方便善巧

即肇公宗本論文論云漚和般若者大慧

之稱也諸法實相謂之般若若能不形證漚和功也適化眾生謂之漚和不染塵累般

若力也然則般若之門觀空滙和之門涉有涉有未始迷虛故常處有而不染不厭有而觀空故觀空而不證是為一念之力權慧具矣一念之力權慧具矣好思歷然

解二陳所問中有二十云何總十一段段各十句成一百一十種德第一段明三業難過成德二得堪傳法器三成就眾慧四

具道因緣五於法善巧六修涅槃因七滿

菩薩行八得十力智九十王敬護十能為

饒益十一超勝尊貴意業此十一中若就

相顯二四與六此三唯因八及十一此二

唯果餘通因果或攝為四對因果初二十

句問福因福果先因後果次二十句問慧

因慧果先果後因三二十句問巧解因觀

行果四有五段問修行因成德果初一為

因餘四為果或分為二初十云何問淨行

體是問因義後十云何問行所成是問果

義以善修七覺等亦是淨行之能故皆言

云何得者為修何行而得之耶初十望後

故說為因望歷緣巧願成淨行體即是於

果未是圓果而是分果故上總云舉果徵

因以善修七覺下解妨謂有問云其初意中二四與六此三明因如何今十皆得

名果故為此通以約相顯並善提涅槃此

二為因是初十成故得稱果皆言下釋云

何得言從初十望後下重通復難問初十

既因何以前科云智首舉德徵因答意可

知則智首總問因果之德文

殊總舉歷緣巧願則皆成矣

佛子菩薩云何得無過失身語意業云何得

不害身語意業云何得不可毀身語意業云

何得不可壞身語意業云何得不退轉身語

意業云何得不可動身語意業云何得殊勝

身語意業云何得清淨身語意業云何得無

染身語意業云何得智為先導身語意業

今分為二初之一段總問其果後十別明

今初十句得此十種三業成下十果由無過三業故超勝尊貴由不害害故常為饒益由無餘惑不可譏毀故十王敬護由惡緣不可壞得佛十力由修行不退轉滿菩薩行由遠離諸相如如不動成涅槃因由德行殊勝故於法善巧由體清淨如虛空故成具道緣由涉境無染故德堪傳法器由智先導故成就眾慧

總問其果疏文分三初依總別科釋則十一段皆是所成之果兼舍料揀中第三意初十為能成下十為所成從後倒勝十果案次釋文謂第一無過失三業得第十一超勝尊貴果第二不害三業得第十能為饒益果三成第九四成第八五成第七六成第六七成第五八成第四九成第二十成第三唯後二前却耳亦可如次猶涉境無染故成眾慧智為先導成就法器其中加字已當釋文如云無害害以志釋害以涉意釋於無染約體釋於清淨等細尋歷

又由後十能成就此十以十三業永無失等唯佛不共分分無失亦通於因又

滅

五

此十句初一總顯無過次八別顯無過後總出其因若以智慧為先導身語意業常無失故又於中八前二離過後六成德又由後十下二先果後因釋以初十句為果後之十段百句為因故云永無失等唯佛不共永無失等者等下九句不害業等言不共者即十八不共法謂一身業無慢失二無卒暴音三無種種想四無不定心五無忘失念六無不擇捨七欲無退八念無退九精進無退十定無滅十一智慧無減十二解脫無滅十三身業智為先導隨智而轉十四語業智為先導隨智而轉十五意業智為先導隨智而轉十六知過去無著無礙十七知未來無著無礙十八知現在無著無礙廣如別章今以十句通攝十八謂初二即初三一由三業無過宮故次二即初三由有念定慧故不可毀壞故三皆云無五六即七八九七即定慧解脫三種無礙故稱殊勝八九即後三三三無著無礙故云清淨無染十即三十四十五智為先導隨智而轉故疏云永無失等唯佛不共今約又後九中不隨於瞋故不害不隨於慢故不可毀不隨於惡見故不壞敗不隨於疑故不退動恒修勝行不隨於

貪故清淨無染不隨於癡故智為先導所

作稱真如是等業云何而得三當句對惑釋以破六根

本惑成斯十句疑攝二句貪攝於二餘四各一故六攝九

云何得生處具足種族具足家具足色具足

相具足念具足慧具足行具足無畏具足覺

悟具足

後十段別明中初一異熟果次四士用果

次二離繫果次一增上果後二等流果今

初即修道之器以菩薩起修行時要具此

十方成二利之行初一異熟果者俱舍顯相頌云異熟無記法有

情有記生等流似自因離繫由慧盡若因彼力生是果名士用除前有為法有為增上果釋曰初二句異熟果相但是無覆無記不通非情從善惡感名有記生次句等流果相似於同類徧行自因次句離繫果相由慧盡者慧即擇也盡即滅也謂此擇滅離繫所顯故將擇滅釋離繫果次二句士用果相若法因彼勢力所生如因地加行心力上地有漏無漏定生及因清淨靜慮心力生得變化無記心等離繫名為

不生士用為因道力證得亦得士用果名後二句增上果相有為法生餘法不障是增上果故唯有為除前已生有為之法謂果望因或俱或後必無前果後因故云除也除此前外餘諸有為之增上果論云增上之果問士用增上二果何殊答士用果名唯對作者增上果稱通對所餘如匠所成對能成匠俱得士用增上果名對餘非匠唯增上果非匠不造故非士用增上果三十八云習不善故樂住不善等為等流

果或似先業後果隨轉釋曰此有二義釋於等流後義果似於因即俱舍意如殺生因等得短壽果前義即於後果之上行因似因如前世殺生今亦好殺等瑜伽又云以道滅惑名離繫果四人工等事由此成辦稼穡財利等果為士用果若眼識等是眼根等增上果身分不壞是命根增上果二十二根各起自增上果當知一切名增上果餘例可知然上所引俱舍即是根品彼論以六種因成斯五果非今所要

伽具釋一常生中國有佛法處二種族尊貴非下賤等三生信向三寶修善之家非外道等家四形色端嚴非醜陋等五具丈天相諸根不缺六正念不忘亦宿念現前七慧悟高明善解世法八柔和調善離過

修行九志力堅強故無怯弱十性自開覺

不染世法瑜伽第六回向初當廣釋之即有八種異熟今開成十句今生

亦財位四即大色果五人種性果非不男

常壽命離過修行無天逝故九大力果十

力覺悟故又無畏者依智度論菩薩有四

種無畏一總持無畏於法記持不懼忘失七

二知根無畏知根受法不懼差失三決疑

無畏隨問能答不懼不堪四答難無畏有

難皆通不懼疑滯今並皆得故云具足無畏

下隨難又此十事若約法者生在佛家是

生處具足等思之又具足者唯佛一人云

云又此十事下約法生在佛家者菩提心

謂自性住性習所成等三明明家即真如為

家亦四家故四家如七地四明見佛性如

見色故涅槃云佛性有二一色二非色如

來所見為色故五相謂有悲智等為菩薩

相故餘之五句經自約法可知又具足下

之說

云何得勝慧第一慧最上慧最勝慧無量慧

無數慧不思議慧無與等慧不可量慧不可

說慧

第二十慧下四段明士用果中一慧為揀

擇二力謂修習三善巧謂智四道品助修

悉以三業而得成就今初言慧者即道之

體十中一勝世間故二過二乘故三揀權

教故四佛果超因故上四揀劣餘六當體

一無分量二無若干三超言念四無等匹

五難比較六唯證相應欲言其有無相無

形欲言其無聖以之靈欲言俱者慧無二

體欲言雙非非無詮顯故不可說

云何得因力欲力方便力緣力所緣力根力

觀察力奢摩他力毗鉢舍那力思惟力

觀察力奢摩他力毗鉢舍那力思惟力

第三力者即具道因緣皆言力者此十各有資道之能故一因力者即是種性謂已有習種無倒聞熏與性種合故名爲因梁攝論云多聞熏習與阿賴耶識中解性和合一一切聖人以此爲因無性攝論云此聞

熏習雖是有漏而是出世心種子性即是種性

者謂種性位由於習種合於性種方名種性也性種即自性住性爲正因性即是涅槃第一義空性也習即新熏修成之性決爲佛因稱爲種性引證可知言無性攝論者即第八論釋因緣云諸菩薩因緣即有言聞熏習是無分別智及如理作意釋論中云因即能作因緣義有言者大乘言音聞謂聽聞由此引功能差別說名熏習以此爲因所生意言順

理清淨名如理作意二欲力者有勝欲樂

希大菩提及起行故三方便者謂造修力

依六方便成悲智故一慈悲願戀二了知

諸行三欣佛妙智四不捨生死五輪迴不

染六熾然精進攝論廣說攝論廣說即第七論瑜伽四十一

五明內外各有六方便此即內六四緣力謂善友勸發五所緣力即所觀察悲智之境六根謂信等七觀察者謂於自他事理藥病善揀擇故八奢摩他此云止也九毗鉢舍那此云觀也瑜伽起信等論深密涅槃等經廣辨其

相具如別章今略顯其相以爲十門一心

行稱理攝散名止二止不滯寂不礙觀事

三由理事交徹而必俱遂使止觀無礙而

雙運四理事形奪而俱盡故止觀兩亡而

絕寄五絕理事無礙之境與泯止觀無礙

之心二而不二故不礙心境而一味不二

而二故不壞一味而心境兩殊六由即理

之事收一切法故即止之觀亦見一切七

由此事即是彼事故令止觀見此心即是

彼心八由前中六則一多相入而非一七

則一多相是而非異此二不二同一法界  
止觀無二之智頓見即入二門同一法界  
而無散動九由事則重重無盡止觀亦普  
眼齊照十即此普門之智為主故頓照普  
門法界時必攝一切為伴無盡無盡是此

華嚴所求止觀瑜伽等者前第一經疏中  
已引起信今界引瑜伽即  
善薩地品中彼論亦引深密慈氏問世尊  
如來說四種所緣境事一有分別影像所  
緣境事二無分別影像所緣境事三事邊  
際所緣境事四所作成辦所緣境事幾奢  
摩他所緣境事毗鉢舍那所緣境事一奢  
摩答云初一事後二事是俱所緣境事釋曰  
初一即事二即是理故無分別智緣三四  
通事理故用二為能緣則是以事對觀義  
也故前第一經疏中出意但不順無分別  
智燈如中義耳廣如彼說今取一義故不  
言是非以明十重從處至細白淺暨深故  
初二止觀別行一即輪仰奢摩他品二即  
毗鉢舍那品下八皆雙運品而三正是雙  
運對第四雙遮此為雙照若取別義雙照  
皆觀雙遮皆止上四以理事為能成止觀  
為所成五融於心四所融故絕事理即第  
初二事理即三四所融故絕事理即第

第一三三冊 大方廣佛華嚴經疏鈔會本 一五·一五五七

門中境無礙即第三門中境混止觀即第  
四門止觀無礙止觀即第三門混止觀即第  
二重止觀無礙止觀即第三門混止觀即第  
相故二體無異故不融二雖融心境方是事  
理無礙之門但言相融不說何者是止是  
觀者此通三意一但融上二重止觀即是  
此門止觀二者照斯二而不二不礙而二  
即是於觀不取諸相即名為止三者不礙  
心境而一味或即觀之止不礙一味而心  
境成即止之觀後五即事無礙門中止  
觀六是一多相容不同門七是諸法相即  
自在門八即今前即入義當同時具足門  
九即因陀羅網境界門十即主伴圓具  
德門欲顯後深於前前故合即入耳餘  
可思準此亦一處明示 十思惟者籌量應  
止觀兼廣演玄言耳

云何得蘊善巧界善巧處善巧緣起善巧欲  
界善巧色界善巧無色界善巧過去善巧未  
來善巧現在善巧

第四於法善巧皆約流轉以明前四流轉  
之體三界流轉之處三世流轉之時三科  
之義略如前釋廣如別章緣起六地廣明

七〇五 龍藏

三界三世如前後釋皆言善巧者一善知彼法空無所有二善知不壞假名分別法

相三加能攝無盡彌善巧也皆約流轉者由善巧義通

還滅故總釋善巧乃有三義一知理二知事三加能攝無盡正是事事無礙兼於事理無礙故大品云一切法趣色色尚不可得云何當得有趣非趣一切同歸於空諸

法之空不異色空故即事理無礙意今取一攝一切即事事無礙善巧開此為二便有四義瑜伽五十六七廣說三科善巧多約相說即第二義

云何善修習念覺分擇法覺分精進覺分喜

覺分猗覺分定覺分捨覺分空無相無願

第五修涅槃因七覺三空十地品廣說

云何得圓滿檀波羅蜜尸波羅蜜羸提波羅

蜜毗黎耶波羅蜜禪那波羅蜜般若波羅蜜

及以圓滿慈悲喜捨

第六滿菩薩行此下二種明離繫果初六

度四等修即士用滿即離繫治諸蔽故

云何得處非處處智力過未現在業報智力根

勝劣智力種種界智力種種解智力一切至

處道智力禪解脫三昧染淨智力宿住念智

力無障礙天眼智力斷諸習智力

第七具足十力並見上文

云何常得天王龍王夜叉王乾闥婆王阿修

羅王迦樓羅王緊那羅王摩睺羅伽王人王

梵王之所守護恭敬供養

第八十王敬護是增上果十王敬護等者即有力增上由

已具德令彼護故

云何得與一切衆生為依為救為歸為趣為

炬為明為照為導為勝導為普導

第九云何得與一切衆生為依下二段明

等流果由本願力為依救等由本行力為

第一等今初能為饒益依等十句如迴向



初由本願下即瑜伽前意行以昔修故由  
本行力為第一等者即第二意果似昔  
因既為第一  
故是行果

云何於一切衆生中為第一為大為勝為最  
勝為妙為極妙為上為無上為無等為無等  
等

第十為第一下超勝尊貴十地論釋今就  
佛果略釋其相謂如來功德海滿更無所  
少故稱第一此亦總句大者體包法界故  
勝者自利圓滿故最勝者利他究竟故妙  
者煩惱障盡故極妙者所知障盡故上者  
望下無及故無上者望上更無故無等者  
望下無儔故無等等者望儔皆是無等者  
故所以廣舉諸德者欲顯行之勝故上來  
問竟

爾時文殊師利菩薩告智首菩薩言善哉佛

子汝今為欲多所饒益多所安隱哀愍世間  
利樂天人問如是義

第二文殊答中文分為二第一歎問成益  
饒益者利益也安隱者安樂也利樂者即  
上二也佛地論第七有五重釋利樂之義  
已見光明覺品佛地論第七有五重者一  
修善因得樂果故二離惡  
攝善故三此世他世並故四出世並故  
五福德智慧並故上之五重各先義後利  
佛子若諸菩薩善用其心

第二佛子下正酬其問於中二先標因成  
德酬其舉德後指事顯因酬其徵因今初  
先標其因謂善用其心心者神明之與心  
正則萬德攸歸言善用者即後歷緣巧願  
觸境入玄如上所辨  
則獲一切勝妙功德  
二則獲下顯所成德初總後別總謂一切

勝妙功德皆因用心一百一十門德何足

難就可謂一言蔽諸勝謂獨尊妙謂離相

又德無不備云勝障無不盡名妙此之總

句亦即酬上十種三業之總句也可謂一  
言蔽諸

者即論語云詩三百一言以蔽諸曰  
思無邪包曰蔽猶當也謂歸於止

於諸佛法心無所礙住去來今諸佛之道隨

眾生住恒不捨離如諸法相悉能通達斷一

切惡具足眾善當如普賢色像第一一切行

願皆得具足於一切法無不自在而為眾生

### 第二導師

餘九別顯句雖有九義亦有十如次酬上

十段之德一於諸佛法心無所礙者即初

第一堪傳法器德念慧覺悟皆具足故二

住去來今諸佛之道即上成就眾慧三世

諸佛唯以佛慧為所乘故三隨眾生住恒

不捨離即上具道因緣成就種性欲樂方

便常以眾生為所緣故四如諸法相悉能

通達即十善巧義無惑也五斷一切惡即

七覺二空揀擇棄惡無越此故六具足眾

善即六度四等七當如普賢色像第一由

此故得十王敬護八一切行願皆得具足

即是前文成就十力得佛果位方具足故

故晉經無此一句而有成就如來一切種

智斯為十種智力定無惑也唯此一段望

前不次以內具種智外具色相此二同在

果圓前後無在或譯者不迴九於一切法

無不自在故能與物為依為救為炬為明

十而為眾生第二導師即是上文於眾超

勝上求第一唯佛一人今纔發心則道亞

至尊故云第二然舊經中亦云而為眾生

第一尊導故知第二譯者意也

佛子云何用心能獲一切勝妙功德

第二佛子云何不指事顯因於中三初總徵次別顯後總結成益

二別顯中五門分別一總明大意文中總

有一百四十一願菩薩大願深廣如海應

如迴向非止爾也此蓋示於體式餘皆倣

此又非無表一百者十信圓融一一具十

也四十一者即四十一位也明此諸位所

有惑障由此能淨所有勝行由此能行故

即四十一位者此約行修有障等四十二即妙覺位是所求故無障非行故

通顯文旨然此諸願句雖有四事但有三

義開為六言三事者謂初句願所依事次

句願所為境後二句是願境成益開為六

者初事有二一者內謂菩薩自身根識等

經云菩薩等故二者外謂他身或依正資

具等經云在家等故次事亦一種一能發

願者二所願衆生經云當願衆生故後事

亦二一者自益由此諸願成前諸德故二

者益他由此發願願衆生故此後二句或

前句是因後句是果如云所行無逆成

切智等或二俱是因如云巧事師長習行

善法等或二俱是佛果如云永離煩惱究竟

寂滅等或俱通因果如云以法自娛了妓

非實等或三四二句共成一句如云演說

種種無乖諍法法等亦可後二句中初句所

入法如云知家性空等後句所成益免逼

迫等以不必具故合為一

三別開義類然上三事中願所依事雖有

多類不出善惡依正內外隨義準之二願

所為境其一願盡該法界一切有情不同權小談有藏無故又願即是行成迴向故一一皆成所行清淨善業行故如云知家性空則菩薩之心必詣空矣二願所為境成利益中由願於他成種種德自獲如前所說功德然有二義一通二別通則隨一一願成上諸德斯為正意二別顯者如願於他得堅固身心無所屈則自必成十種三業離過成德之德也二願於他具足成滿一切善法則自成就堪傳法器三願於他深入經藏智慧如海則自成眾慧四願於他具諸方便得最勝法則自成就具道因緣五願於他語業滿足巧能演說則自成就十善巧德六願於他得善意欲洗除惑垢則自成七覺三空七願於他所作

皆辦具諸佛法則自成滿菩薩行德八願於他捨眾聚法成一切智則自成就如來十種智力九願於他皆如普賢端正嚴好則自成就十王敬護十願於他統理大眾一切無礙則自成饒益為依救德十一願他得第一位入不動法則自成就超勝第一德以斯十一配上答中總別十一段文並可知通別交絡應成四句謂一切願成一德一切願成一切德等以因願一多相即故成德亦一多鎔融不同權小等者小乘謂唯佛一人有大覺性權即五性談其有者藏其無者在有佛性中故又云通別類異通即皆有別則有有佛性有無佛性四對辨成例謂若以初後二事相對辨例略有十例一會事同理例如菩薩在家事也性空理也二處染翻染例如若得五欲染也拔除欲箭翻染也三相

似類同例如有施令一切能捨等四世  
 同出世例如上升樓閣願升正法樓等五  
 以因同果例如正出家時願同佛出家等  
 六捨偽歸真例如著瓔珞願到真實處等  
 七以人同法例如見病人願離乖諍等八  
 似類同例如有施令一切能捨等四世  
 同出世例如上升樓閣願升正法樓等五  
 以因同果例如正出家時願同佛出家等  
 六捨偽歸真例如著瓔珞願到真實處等  
 七以人同法例如見病人願離乖諍等八  
 以境成行例如見涌泉願善根無盡等九  
 以妄歸真例如見婆羅門願離惡等十以  
 近同遠例如受和尚教願到無依處等  
 五正釋經文長分為十初有十一願明在  
 家時願二有十五願出家受戒時願三有

願明寤寐安息時願

大方廣佛華嚴經疏鈔會本第十四之一

音釋

荷荷於宜切 覺覺訖岳切 羸羸初眼切 提提梵語也此云忍 澡澡漱  
 灑灑先泰切 盥盥古玩切 灑灑手也 盥盥古玩切 灑灑手也

大方廣佛華嚴經疏鈔會本第十四之二 滅二

唐于闐國三藏沙門實義難陀 譯

唐清涼山大華嚴寺沙門澄觀撰述

佛子

菩薩在家 當願眾生 知家性空 免其逼迫

孝事父母 當願眾生 善事於佛 護養一切

妻子集會 當願眾生 寬親平等 永離貪著

若得五欲 當願眾生 拔除欲箭 究竟安隱

妓樂聚會 當願眾生 以法自娛 了妓非實

若在宮室 當願眾生 入於聖地 永除穢欲

著瓔珞時 當願眾生 捨諸偽飾 到真實處

上昇樓閣 當願眾生 并正法樓 徹見一切

若有所施 當願眾生 一切能捨 心無愛著

眾會聚集 當願眾生 捨眾聚法 成一切智

若在厄難 當願眾生 隨意自在 所行無礙

今初在家有十一願初一總舉在家以家是貪愛繫縛所故若了性空則雖處居家不能迫次一在家行孝願以是至德行本故首而明之大集經云世若無佛善事父母事父母者即是事佛父母於我為先覺故今翻令事佛者生長法身故護養一切者一切眾生皆我子故護之一切男女皆我父母故養之生生無不從之受身故平等敬之法身佛故以是至德等者即外曾子曰先王有至德要道民用和睦上下無怨汝知之乎注云至德者孝悌也要道者禮樂也故上至天子下至庶人皆當行孝無始終也言行本者俗典以孝為百行之本下引佛教證菩薩戒亦云者次四受養師僧父母孝名為戒亦名制止 宮餘皆名室次五在家所作事業等願在頸曰瓔在身曰珞珞以持衣瓔以繫冠一

切悉捨亦捨心也了聚無性成佛智也

捨居家時 當願衆生 出家無礙 心得解脫

入僧伽藍 當願衆生 演說種種 無乖諍法

詣大小師 當願衆生 巧事師長 習行善法

求請出家 當願衆生 得不退法 心無障礙

脫去俗服 藏二 當願衆生 勤修善根 二 捨諸罪軌

剃除鬚髮 當願衆生 永離煩惱 究竟寂滅

著袈裟衣 當願衆生 心無所染 具大仙道

正出家時 當願衆生 同佛出家 救護一切

自歸於佛 當願衆生 紹隆佛種 發無上意

自歸於法 當願衆生 深入經藏 智慧如海

自歸於僧 當願衆生 統理大眾 一切無礙

受學戒時 當願衆生 善學於戒 不作衆惡

受闍黎教 當願衆生 具足威儀 所行真實

受和尚教 當願衆生 入無生智 到無依處

受具足戒 當願衆生 具諸方便 得最勝法

第二捨居家下出家受戒時有十五願初

一正捨俗家次三出家方便僧伽藍者此

云衆園衆有六和法則事理一味故無諍

也大師謂佛衆所宗故小謂和尚親所教

故若約束末世三師為大七證為小靡不有

初鮮克有終故希不退次四正落髮出家

袈裟者不正色依也亦云染色表心染於

法要無所染方曰染也然二乘之染亦非

真染必心染大乘故云具大仙道為於正

法除其結使方為究竟寂滅落髮披衣之

後為正出家 然二乘等者即涅槃第二南

經哀歎品佛訶三修比丘云

汝諸比丘勿以下心而生知足汝等今者

雖得出家於此大乘不生貪慕汝諸比丘

身雖得服袈裟染衣心猶未染大乘淨法

汝諸比丘雖行乞食經歷多處初未曾求

大乘法食汝諸比丘雖除鬚髮未為正法

除諸結使汝諸比丘當真實教勅汝等

我今現在大眾和合如來法性真實不倒  
 是故汝等應當精進攝心勇猛推諸結使  
 釋曰此以小乘方大尚未能除所知餘七  
 無明染法空法常住妙法故云爾也  
 受學戒時初三自歸佛在之日則五受之  
 一佛滅之後受五八戒必依三歸歸要三  
 者翻彼外道邪師邪教及邪眾故猶如良  
 醫良藥及看病人煩惱病愈故為與眾生  
 為緣念故三寶之義至下當釋受學戒者  
 即十戒也亦通五戒優婆塞戒經云欲受  
 菩薩戒先應徧受五戒十戒二百五十戒  
 若尼則受六事及五百戒受謂受戒學即  
 隨戒願中即止作二持闡黎者此云正行  
 軌範教授故云具足威儀和尚此云親教  
 亦云力生道力自彼生故故翻云入無生  
 智依之得戒故翻無依具足戒言義舍二  
 種一則比丘戒二則菩薩戒亦制意地

方為具足 則五受之一者一善來二上法  
三三歸四八敬五羯磨多釋不  
同多依此五歸要三者前歸敬序中已廣  
說竟言至下當釋者即明法品前是抄廣  
故此指下和尚等者此是昔時梵語即龜  
茲以來梵言正云鄔波陀耶此云親教具  
足戒等者依比丘戒則五八十皆為方便  
五眾之最為最勝法若菩薩戒為具足則  
比丘戒亦為方便超二乘上為  
最勝法願所成者明是佛果

若入堂宇 當願眾生 昇無上堂 安住不動  
 若敷牀座 當願眾生 開敷善法 見真實相  
 正身端坐 當願眾生 坐菩提座 心無所著  
 結跏趺坐 當願眾生 善根堅固 得不動地  
 修行於定 當願眾生 以定伏心 究竟無餘  
 若修於觀 滅二 當願眾生 見如實理 永無乖諍  
 捨跏趺坐 當願眾生 觀諸行法 悉歸散滅  
 第三若入堂下七願明就坐禪觀時願初  
 四為修方便次二正修止觀後一修行事  
 訖



下足住時 當願衆生 心得解脫 安住不動

若舉於足 當願衆生 出生死海 具衆善法

著下裙時 當願衆生 服諸善根 具足慙愧

整衣束帶 當願衆生 檢束善根 不令散失

若著上衣 當願衆生 獲勝善根 至法彼岸

著僧伽梨 當願衆生 入第一位 得不動法

第四下足住時下明將行披挂時六願下

衣蓋醜故願得慙愧上衣即衫襖之輩前

已辨袈裟故此直云僧伽梨僧伽梨者義

云和合新者二重故者四重要以重成故

云和合即是三衣中第一衣故

手執楊枝 當願衆生 皆得妙法 究竟清淨

嚼楊枝時 當願衆生 其心調淨 噬諸煩惱

大小便時 當願衆生 棄貪瞋癡 蠲除罪法

事訖就水 當願衆生 出世法中 速疾而往

滅二

五

洗滌形穢 當願衆生 清淨調柔 畢竟無垢

以水盥掌 當願衆生 得清淨手 受持佛法

以水洗面 當願衆生 得淨法門 永無垢染

第五手執楊枝下澡漱盥洗時有七願楊

枝五利是曰妙法去穢爲淨西域皆朝中

嚼楊枝淨穢不相雜此爲常規凡欲習誦

別須用之盥者凜也揚枝五利者一明目

辨味五消食新經有十義朝中嚼楊枝淨

穢不相雜此兩句語全是無行禪師於西

域寄歸之書南海 手執錫杖 當願衆生 設大施會 示如實道

執持應器 當願衆生 成就法器 受天人供

發趾向道 當願衆生 趣佛所行 入無依處

若在於道 當願衆生 能行佛道 向無餘法

涉路而去 當願衆生 履淨法界 心無障礙

見昇高路 當願衆生 求出三界 心無怯弱

滅二

五

見趣下路 當願衆生 其心謙下 長佛善根

見斜曲路 當願衆生 捨不正道 永除惡見

若見直路 當願衆生 其心正直 無詬無誑

見路多塵 當願衆生 遠離塵金 獲清淨法

見路無塵 當願衆生 常行大悲 其心潤澤

若見險道 當願衆生 住正法界 離諸罪難

第六手執錫杖下乞食道行時總有五十

五願更分爲三初十二願遊涉道路次見

衆會下十九願所覩事境後見嚴飾下二

十四願所遇人物今初錫者輕也明也執

此杖者輕煩惱故明佛法故更有多義具

如經辨今略明二用一執爲行道之儀二

振以乞食故發相似之願無依之道是真

道也向無餘法真涅槃也真淨法界心所

履也險道有二一多賊鬼毒獸二陘徑阻

絕初惑業罪苦凡夫之險道也六後自調滯

寂二乘之險道也皆爲難處不斷生死而

入涅槃正法界也

若見衆會 當願衆生 說甚深法 一切和合

二覩事境願初覩衆會謂衆聚多談無義

故願說深法衆心易乖故令和合

若見大柱 當願衆生 離我諍心 無有忿恨

二大柱者舊經云大樹梵云薩擔婆去聲

此云樹也薩擔婆入聲此云柱也由茲二

物呼聲相濫古今譯殊柱有荷重之能一

舍由之而立翻此願離我能之諍忿恨何

由而生

若見叢林 當願衆生 諸天及人 所應敬禮

三德猶叢林森聳可敬

若見高山 當願衆生 善根超出 無能至頂

見棘刺樹 當願衆生 疾得翦除 三毒之刺

見樹葉茂 當願衆生 以定解脫 而為蔭映

若見華開 當願衆生 神通等法 如華開敷

若見樹華 當願衆生 衆相如華 具三十二

若見果實 當願衆生 獲最勝法 證菩提道

若見大河 當願衆生 得預法流 入佛智海

若見陂澤 當願衆生 疾悟諸佛 一味之法

十一陂澤者畜水曰陂不集諸流故願一味

若見池沼 當願衆生 語業滿足 巧能演說

十二說文曰穿地通水曰池沼即池也取其盈滿引法流故亦可巧思穿鑿能有說故

若見汲井 當願衆生 具足辯才 演一切法

十三汲者取也辯才演法猶緷汲水

若見涌泉 當願衆生 方便增長 善根無盡

若見橋道 當願衆生 廣度一切 猶如橋梁

若見流水 當願衆生 得善意欲 洗除惑垢

見修園圃 當願衆生 五欲園中 耘除愛草

見無憂林 當願衆生 永離貪愛 不生憂怖

若見園苑 當願衆生 勤修諸行 趣佛菩提

無憂林者處之忘憂故

見嚴飾人 當願衆生 三十二相 以為嚴好

三見嚴飾下二十四願所遇人物

見無嚴飾 當願衆生 捨諸飾好 具頭陀行

見樂著人 當願衆生 以法自娛 歡愛不捨

見無樂著 當願衆生 有為事中 心無所樂

見歡樂人 當願衆生 常得安樂 樂供養佛

見苦惱人 當願衆生 獲根本智 滅除衆苦

六云獲根本智滅衆苦者若得見道無分

別根本智則斷惡道業無明故三塗苦滅

則三苦八苦亦皆隨滅死及取蘊直至金

剛後根本智則能永斷三苦八苦等者由

病苦亦滅由斷此惑不造十惡業故無怨

憎會苦由斷分別欲貪故無求不得苦及

愛別離苦從此唯有死及取蘊至金剛無

間道根本智斷彼二苦雖有漏善法此時

猶在行苦所隨由被勝智照同法性於解

脫道不待擇滅任運棄捨功歸無間上約

法相說取正體無分別智名為根本以望

加行得名雖通諸位而見道金剛二處最

顯故畧舉之又約法性以本覺為根本

智以與始覺為根本故此唯約解脫道證

理時與根本冥合乃名獲得本覺根本從

此求無死及取蘊雖斷惑證理立二道名

然同一刹那獲智亦爾是故無間道斷

見修二障種時即是解脫道時斷也

見無病人 當願眾生 入真實慧 永無病惱

七願入真實慧永無病惱者此有二種一

約入真見道之慧斷身病之苦惱及煩惱

病謂一切惡趣諸煩惱品所有麤重是分

別起亦為身病遠因至歡喜地真見道中

一刹那斷頓證三界四諦真如身病及惑

求不復有二約金剛心慧頓斷一切諸煩

惱病及習氣隨眠證極圓滿真實勝義諸

惑求亡依上解者真實慧者即根本智但

約所滅惑苦不同耳一約入真見道者亦

身病之苦憐前所斷及煩惱病是此所斷

謂一切下出所斷體羸重即是種子分別

揀於俱生亦為身病遠因者非近因故如

房色過度是身病近因由貪故爾即為遠

因一刹那斷者至初地中廣釋頓證三界

四諦真如至十迴向中釋二約金剛心等

者即俱生也此上所轉捨

依上解下結成前二也

見疾病人 當願眾生 知身空寂 離乖諍法

八四大乖違成病知空則永無所乖

見端正人 當願眾生 於佛菩薩 常生淨信

見醜陋人 當願眾生 於不善事 不生樂著

見報恩人 當願眾生 於佛菩薩 能知恩德

見背恩人 當願眾生 於有惡人 不加其報

於佛菩薩能知恩德者諸佛菩薩始自發

心普緣衆生難行苦行不顧自身垂形六

道隨逐衆生見其造惡如割支體迄成正

覺隱其勝德以貧所樂法誘攝拯救見其

憐恻示迹涅槃留餘福教以濟危苦故自

頂至足從生至死皆佛之蔭斯之恩德何

可報耶得人小恩常懷大報不知恩者多

遭橫死故經云假使頂戴經塵劫身為牀

座徧三千若不傳法利衆生畢竟無能報

恩者故唯自利利人如說修行爲報佛恩

耳諸佛菩薩下文中有三初列十恩一發

苦吐甘捨頭目髓腦國城妻子刺身千燈

皆爲衆生三不顧自身者一向爲他思曾

無一念自爲於已猶如慈母但令子樂自

及他人但以最上智慧心利益衆生故迎

寂滅之樂而垂形六道徧入三塗長劫救

物入於地獄以身救贖一切衆生五隨逐  
衆生思上辦橫徧六道今約長劫不捨如  
子見父視父而已無出離心如來隨之如  
續逐母備將萬行隨逐救攝如須彌音徧  
淨天王得隨諸衆生永流轉生死海解脫  
門六見其造惡如割支體即大悲深重思  
故善財童子謂無憂德神云聖者譬如  
人唯有一子愛念情至忽見被人割截支  
體其心痛切不能自安菩薩摩訶薩亦復  
如是見諸衆生造煩惱業墜三惡趣受種

種苦心大憂惱若見衆生起身語意三種  
善業生人天趣受身心樂善薩爾時生大  
歡喜今畧舉慈悲深善亦深故七蓮成正覺  
隱其勝德者即隱勝彰劣思十蓮華藏塵  
毅相海滴聲稱無盡之德並隱不彰但云  
百劫修成三十二相三十四心斷見修成  
五分法身覺樹初圓如老比丘同五羅漢  
故法華中脫珍御服著弊垢衣執除糞器  
往到子所入以貧所樂法誘攝拯救即隱  
實施權恩圓頂一乘隱而不說乃以三衆

人天小法教化衆生此上二句即淨名經  
第三香積品中彼諸菩薩問維摩詰今世  
尊釋迦牟尼以何說法維摩詰以此土衆  
生剛強難化故佛爲說剛強之語以調伏  
之是地獄是畜生是餓鬼是諸難處是  
愚人行是身邪行是身邪行報等乃云如  
是剛強難化衆生故以一切苦切之言乃  
可入律彼諸善薩聞說是已皆曰未曾有  
也如世尊釋迦牟尼佛隱其無量自在之  
力乃以貧所樂法度脫衆生斯諸菩薩亦

能勞謙以無量大悲生是佛土九見其雲  
 志示跡涅槃者示滅生善思故法華經云  
 若佛久住於世薄福之人不種善根貧窮  
 下賤貪著五欲入於憍恣妄見網中若見  
 如來常住不滅便起憍恣而懷厭怠不能  
 生難遭之想恭敬之心是故如來以方便  
 說比丘當知諸佛出世難可值遇乃至云  
 斯眾等聞如是語必當生於難遭之想  
 心懷懇慕渴仰於佛便種善根四十七經  
 有涅槃佛事與此大同十留餘福教以濟  
 危苦者即悲念無盡思謂世尊同人中壽  
 應壽百年留二十年福以此未法弟子大  
 集月藏分第十卷云悲愍眾生故捨壽第  
 三分令我法海滿流浴諸天人假使毀禁  
 戒悉住不退地若有過打彼即為打我身  
 若有罵辱者則為毀辱我又云留白毫之  
 福以覆弟子言留教者即三藏八藏廣益  
 眾生依之修行皆得成佛形像塔廟乃至  
 舍利一與供養千返生天等故自頂至足  
 下結成思重得人下引經證成共引三經  
 初即涅槃第二十八二不知思者即此經  
 四十八隨好品故經云下三引他經先一  
 偈具足經文唯自利下取意引彼亦一偈  
 云唯有傳持正法誠宣揚教理施羣生修  
 習一念契真如即是真  
 報如來者會意可知

若見沙門 當願眾生 調柔寂靜 畢竟第一  
 沙門此云止息畢竟止息唯大涅槃

卷二

十一

見婆羅門 當願眾生 永持梵行 離一切惡  
 見苦行人 當願眾生 依於苦行 至究竟處  
 見操行人 當願眾生 堅持志行 不捨佛道  
 見著甲冑 當願眾生 常服善鎧 趣無師法  
 世之甲冑隨於師旅進忍甲冑趣於無師

見無鎧仗 當願眾生 永離一切 不善之業  
 見論議人 當願眾生 於諸異論 悉能摧伏  
 見正命人 當願眾生 得清淨命 不矯威儀

能離五邪方為正命謂一詐現奇特二自  
 說功德三占相吉凶四高聲現威令他敬  
 畏五為他說法行此五事若為利養皆邪

命也第三句通願離五第四句但離初一  
 能離五邪者即智論二十二其第五名  
 稱說所得供養以動人心前四全同

若見於王 當願眾生 得為法王 恒轉正法  
 若見王子 當願眾生 從法化生 而為佛子

若見長者 當願眾生 善能明斷 不行惡法  
若見大臣 當願眾生 恒守正念 習行眾善

明斷方稱長者守王正法始曰大臣

若見城郭 當願眾生 得堅固身 心無所屈

若見王都 當願眾生 功德共聚 心恒喜樂

見處林藪 當願眾生 應為天人 之所歎仰

第七若見城郭下二十二願到城乞食時

願初三總處王都則賢達輻輳林藪則眾

德攸歸

入里乞食 當願眾生 入深法界 心無障礙

到入門戶 當願眾生 入於一切 佛法之門

入其家已 當願眾生 得入佛乘 三世平等

次三入家未入則諸家差別入已唯一無

多如入佛乘無二三也

見不捨人 當願眾生 常不捨離 勝功德法

表二

十三

見能捨人 當願眾生 求得捨離 三惡道苦

若見空鉢 當願眾生 其心清淨 空無煩惱

若見滿鉢 當願眾生 具足成滿 一切善法

若得恭敬 當願眾生 恭敬修行 一切佛法

不得恭敬 當願眾生 不行一切 不善之法

見慙耻人 當願眾生 具慙耻行 藏護諸根

見無慙耻 當願眾生 捨離無慙 住大慈道

次八乞食得不

若得美食 當願眾生 滿足其願 心無羨欲

得不美食 當願眾生 莫不獲得 諸三昧味

得柔輒食 當願眾生 大悲所熏 心意柔輒

得麤澀食 當願眾生 心無染著 絕世貪愛

若飯食時 當願眾生 禪悅為食 法喜充滿

若受味時 當願眾生 得佛上味 甘露滿足

飯食已訖 當願眾生 所作皆辦 具諸佛法

次七得食正食

若說法時 當願眾生 得無盡辯 廣宣法要

後一食訖說法亦為報施主之恩也其中

云藏獲諸根者瑜伽名善守根門淨名云

所見色與盲等乃至云知諸法如幻相是

也 瑜伽名善守根門者即第二十三論云  
云何根律儀謂如有一能善安住密護  
根門防守正念乃至廣說云何名為密護  
根門謂防守正念常委正念乃至防護意  
根及正修行意根律儀等淨名云所見色  
等者即迦葉章今迦葉以空聚想人於聚  
落所見色於旨等所聞聲於響等所嗅香  
與風等所食味不分別受諸觸如智證知  
諸法如幻相無自性無他性本自不然今  
則無滅等是故藏獲諸根則不犯塵境成

六自在王豈為  
六賊所劫奪耶

從舍出時 當願眾生 深入佛智 永出三界

若入水時 當願眾生 入一切智 知三世等

洗浴身體 當願眾生 身心無垢 內外光潔

盛暑炎毒 當願眾生 捨離眾惱 一切皆盡

暑退涼初 當願眾生 證無上法 究竟清涼

第八從舍出下還歸洗浴時節炎涼五願

可知

諷誦經時 當願眾生 順佛所說 總持不忘

若得見佛 當願眾生 得無礙眼 見一切佛

諦觀佛時 當願眾生 皆如普賢 端正嚴好

見佛塔時 當願眾生 尊重如塔 受天人供

敬心觀塔 當願眾生 諸天及人 所共瞻仰

頂禮於塔 當願眾生 一切天人 無能見頂

右繞於塔 當願眾生 所行無逆 成一切佛

繞塔三匝 當願眾生 勤求佛道 心無懈歇

讚佛功德 當願眾生 眾德悉具 稱歎無盡

讚佛相好 當願眾生 成就佛身 證無相法

第九諷誦下習誦旋禮時有十願右者順

義故普耀經第二亦云菩薩降神趣石脇



者所行無逆故佛功德者謂如來十力等

若洗足時 當願衆生 具神足力 所行無礙

以時寢息 當願衆生 身得安隱 心無動亂

睡眠始寤 當願衆生 一切智覺 周顧十方

第十若洗足下寤寐安息時三願一切智

覺者非唯三世齊明抑亦十方洞曉一日

始終既爾餘時類然

佛子若諸菩薩如是用心則獲一切勝妙功

德一切世間諸天魔梵沙門婆羅門乾闥婆

阿修羅等及以一切聲聞緣覺所不能動

第三佛子若諸菩薩下結歎因所成益若

能如上為善用心若此用心則內德齊圓

外不能動心遊大智故人天不能動心冠

大悲故二乘不能動不動有二一修行時

此等不能惑亂故二不希彼故

五二

十四

大方廣佛華嚴經疏鈔會本第十四之三

音釋

盥 古玩切 澡 居也 全 蒲悶切 塵 磨也 陂 彼馬切 藪 音鎧 改 苦  
 切 甲 矯 詐也 天 切 澀 色立 寢 七檢切 寤 五故  
 也 縷 古杏切 輻 輳 方六切 髮 此率切 髮 擊也

大方廣佛華嚴經疏鈔會本第十四之三 滅三

唐于闐國三藏沙門實叉難陀 譯

唐清涼山大華嚴寺沙門澄觀撰述

賢首品第十二

初來意者夫行不虛設必有其德既解行

圓妙必勝德難思收前行願成信德用故

次來也又前智首舉果徵因文殊廣顯其

因略標其果云獲一切勝妙功德故問賢

首今廣斯言是以偈初躡前起後夫行不虛設者

此有二來意初對前行以成今德後又二前智首下廣前所成之德故次來也

釋名者謂體性至順調善曰賢吉祥勝德

超絕名首即以此名菩薩演說此法賢即

是首賢首之品以當賢位之初攝諸德故

偏舉賢名

三宗趣者於信門中成普賢行德而自在

莊嚴無方大用建立眾生通貫始終該攝諸位以為其宗令起圓融信行成位德用而為意趣

今起圓融等者天台智者依此一品立圓頓止觀止觀第一云

此菩薩隨圓法起圓信立圓行住圓位以圓功德而自在莊嚴以圓力用建立眾生今

宗即圓法意趣有五信即起圓信二行三位四德五用皆以上圓融貫之彼釋開

法云謂開生死即法身煩惱即般若結業即解脫雖有三名而無三體維是一體而

並三名是三相一相其實無有異法身究竟般若解脫亦究竟般若清淨餘亦清淨

解脫自在餘亦自在開一切法亦復如是是各開圓法云何起圓信信一切法即空

即假節中無一二三而一二三無一二三

是遠一二三而一二三是一二二三無遮無照直入中道皆究竟清淨自在開深不

怖開廣不疑開非深非廣應而有勇是各圓信云何行圓行一向專求無上菩提不

餘趣向三諦圓修不為無邊所寂不為有邊所動不動不寂直入中道是名圓行其

位德用之圓全引今經若自取當經開圓即開上同時具足等十種玄門及依正無

礙等依此起信即是圓信其圓行等並廣如前說今此一多廣圓德用耳

爾時文殊師利菩薩說無濁亂清淨行大功

德已欲顯示菩提心功德故以偈問賢首菩

薩曰

四釋文者文有三分初文殊發起次賢首

廣說三十方現證今初分二初經家敘述

二正明發起二段各有結前生後今初先

結前已說順違皆順客塵不能濁其心悲

智雙游萬境不能亂其慮是曰清淨行矣

大功德者即前所成之果後欲顯示下生

後文含始終約終則顯示信滿菩提心殊

勝功德廣具五位因行盡故約始但於生

死誓證菩提萬德攸依故今顯示

我今已為諸菩薩說佛往修清淨行仁亦當

於此會中演暢修行勝功德

二偈正發起中前半結前偈文窄故略無

所成之德後半勸說令說修行之德則與

減三

二

長行文有影略則與長行等者長行起後但起發心偈中起後但起

修行故二處起後互為影略就結前中長

行有大功德無佛往修偈有往修復闕功

爾時賢首菩薩以偈答曰

第二時賢首下賢首廣說於中先總標舉

以偈答者此略有二一少言攝多義故二

美詞讚說令淨信故以始德該終散說難

盡故顯此勝妙之功德故

善哉仁者應諦聽彼諸功德不可量我今隨

力說少分猶如大海一滴水

減三

三

第二正顯偈詞有三百五十九頌半大為

三分初四頌謙讚許說分次三百四十六

偈半正說勝德分三九偈校量勸持分初

中分二初偈總明前半讚問勸聽後半謙

已少說海喻次下當明

若有菩薩初發心誓求當證佛菩提彼之功  
德無邊際不可稱量無與等

何況無量無邊劫具修地度諸功德十方一  
切諸如來悉共稱揚不能盡

如是無邊大功德我今於中說少分譬如鳥  
足所履空亦如大地一微塵

後三開章以發心之德沉出修行巧顯深  
廣於中初偈舉發心章次偈沉出修行章  
初心祈於當證德已巨量況長時入位徧  
修故多佛不能盡說後偈許說分齊前半

法說如是者雙指發心修行下文具顯故  
前文雙問故後半喻明然有二意一顯喻  
少分謂發心行德如太空大地所說者隱  
如足履一塵二密喻不異謂鳥足之空不  
異太空微細之塵不殊大地故此略說義

無不周若廣若略皆無邊故出現品云如  
鳥飛虛空經於百年已經過處未經過處  
皆不可量何以故虛空無邊際故等彼就  
果行此就因德然普賢行德似同佛果是  
故皆以虛空為量上下文中皆同此說

三後

開章下此段有二先正釋釋文此初發心與下文十住初

發心住及發心功德品各何別耶此中發  
心該於初後取其成德乃是信終取其為  
本乃在初發雖如輕毛功歸初發故十住  
初發即是此終成彼初發此終能為發彼

減三

四

是所發此正是發起之發義兼開發彼是  
開發之發義兼發起其發心品正顯十住  
初心之功德耳以斯甄別非無有異故瓔  
珞云發心住者是人始從具縛未識三寶  
乃至值佛菩薩教法中起一念信便發菩

提心既云始從凡夫最初發心明知此中發心該於初後以斯既別者此中異下二處之文故釋經云下證成發心通始義也彼經第二初釋經義云佛子發心住者是人始從具縛凡夫未識三寶聖人未識好惡因之與果一切不識不解不知佛子從不知始於凡夫地值佛菩薩教法之中起一念信便發菩提心是人爾時住前名信相善薩亦名假名字善薩其人略行十心所謂信心進心念心定心慧心戒心迴向心護法心捨心願心又云佛子發心住是上進分善根人若一劫二劫乃至一恒二恒佛所行十信心信三寶常住等明知此中發心該於初後者具縛未識初發為始而一劫二劫修行方得勿住住前但名信相善薩問此既是初何得乃具後諸行位及普賢德耶古德釋此略有二門一行布次第門謂從微至著從淺至深次第相乘以階彼岸如瓔珞仁王起信瑜伽等說二圓融攝門謂一位即具一切位等如此經所說亦如大品等中一行具一切行此中有二門一緣起相由門二

三

五

法界融攝門前中普攬一切始終諸位無邊行海同一緣起為普賢行德良以諸緣相望略有二義一約用由相待故有有力無力義是故得相收及相入也二約體由相作故有有體無體義是故得相即及相入是也此經之中依斯義故行位相收總有四說一或始具終如此門中具一切行位普賢德海者是也二或終具始並在十地位後如下文十定十通等說三或諸位齊收並在十住等一一位中各收一切悉至究竟如下文十住十行等說四或諸位皆泯行德顯然如離世間品說二法界融攝門者謂此諸位及所修行皆不離普賢無盡法界然此法界圓融無限隨在一位即具一切今在信門收無不盡下諸位中

皆具一切者並準此釋如下文十定十通等說者定通二品義該始終故等者取十忍下經十忍之中有音聲順忍等謂約五忍明義七八九地得於無生已過信順況於等覺今明等覺有音聲等故是攝初十住十行等說者謂位位滿處皆成佛故一住若不收諸住云何說得位滿成佛故十住後有灌頂住海幢灌頂之後便說佛故如離世間品說菩薩世間品具二千行法如次配於住行

而不存其他名但有問下發心功德品亦與位相應之行故說初心具無邊德與此何別答此據行首信門所具彼約行本善提心具問約法相收是則可爾約人修行豈十千劫修信纔滿即得如此無邊德海答以法是圓融具德法故若諸菩薩行此法行是彼所收或無量劫或無定限十千劫言非此所說如下善財童子及兜率天子等所行所得並是其人不同行布次第教中之所說也又十千劫乃是一經瓔珞但言一劫二劫此

經縱有行布亦皆圓融又十千劫乃是一經縱有行布下三通伏難謂有難言如上所說既有行布此與諸經復云何異故今答云行布乃是亦有引此下文證成此信乃是捨異生性成就聖性出無明地生如來家以有則獲灌頂而升位等非是信故

若爾初地豈得灌頂升位等耶若云展轉進入佛地何以不得始自於信展轉入耶若許從信展轉入者何以要判此乃捨凡入聖下文自有十地之會此中尚隔住行向等判為入地乃孟浪之談下發心品亦判為初地發心義同此會亦有引此下第安國法師於中有三初正立意明此中發心是切地證發心非信成就發心以其作用殊勝非地前故以有則獲灌頂而昇位等下引文證成而言等者彼有十義以證此中非信成就謂一以說斷除疑網出愛流便得堅固不壞心故以若未入聖何以度疑若是不壞故二若未入地不應得有常

持戒故三不應云在如來家故四凡夫不  
 得身語意業常無失故五不應則獲功德  
 法性身故六不應云則獲十地十自在故  
 七不應則獲灌頂而昇位故八不應云則  
 身充備於虛空故九何以菩薩具智慧故  
 十信大乘者猶為易能信此法倍更難故  
 豈有凡法難於聖法故知此品正教捨凡  
 展轉乃至進入佛地今疏文中略引彼證  
 故致等言是其一意若爾已下辨非文有  
 五段初正以其所引難其所立但難其一  
 餘九例知謂既十地中方得灌頂縱是初  
 地豈得灌頂若云展轉下二順設彼教反  
 以成立若許從倍下三假縱彼教結破彼  
 立下文自有下四廣引文證顯彼立非孟  
 浪者出莊子已見華藏品下發心品下五  
 例破後文所立非理以彼下文亦判彼品  
 為初地發心故此問下云無量德劫勤修  
 既立彼居然非問下云無量德劫勤修  
 學得是無上菩提智斯則非一生也亦非  
 十千以為無量通斯難者應有二義一此  
 約行布展轉義故二約圓融展促無礙故  
 如上所辨故善財見仙人執手一一佛所  
 經無量劫故脩短難思特由於此故賢首  
 菩薩云信大乘者猶為易能信此法倍更

難以初心即具一切功德故難信也問下云下  
 第三引妨會宗於中有二先問即此品文  
 安國堅執屬證發心經多劫故非是初心  
 一生故也亦非十千以為無量德  
 救自義況有救云無量即十千故  
 菩薩發意求菩提非是無因無有緣於佛法  
 僧生淨信以是而生廣大心

第二菩薩發意下正明發心修行勝德文  
 分為五初五頌發心行相二信為道元下  
 略示勝能三若常信奉下所具行位四或  
 有利土下無方大用五一一切如來下喻況  
 玄旨然此五段初一顯正發心後四發心  
 之德第三亦兼修行此及後二皆修行之  
 德第三亦兼修行者以所具行位即修  
 行故位即亦是修行之德故云此及後  
 二皆修今初發心行相中初偈總標餘文  
 行之德別顯瑜伽菩薩地明發心有五種相一自  
 性二行相三所緣四功德五最勝今文五

偈具之謂發意即是正願為發心自性也  
 希求菩提及下作有情義利即行相也菩  
 提三寶有情皆有所緣能攝一切菩提分  
 法為其功德不求五欲等反顯菩薩所求

最勝瑜伽等者疏文有二先釋科文行相  
 之言便引瑜伽明具五義而行相為

總故為言因緣者謂親能發起求大菩提

曰因假之助發為緣因即自性住性內熏  
 之力緣即習所成性又上二皆因善友及  
 境外熏為緣瑜伽云由有四因四緣四力

菩薩發心四因者一種性具足二賴佛菩  
 薩善友攝受三多起悲心四長時猛利難  
 行苦行無所怯畏四緣者一見聞佛神變  
 威力二聞法微妙三見法欲滅四見生受  
 感業苦四力者一自力二他力三因力以  
 宿習故四加行力謂於現法親善聞法修

善加行故若具上因緣及初三二力當知  
 不退若因二四力心不堅固今經即初及  
 三也又起信論智印經有七因緣如彼應  
 知下別顯中以三因四緣攝上諸義三因  
 者謂信悲智四緣者三寶眾生初中因緣  
 之外更加

四力緣謂見聞境界因謂內心發起力謂  
 有所幹能然即前四因正望發心以明力  
 用自力即從種種性因發他力即是善友所  
 攝因力即是多起悲心加行力即長時苦  
 行又四力成就即名為因親能發故今經  
 即初及三者文中無人勸故不言因加行  
 故又起信下論云信成就堪能發心者依何等  
 人修何等行得信成就堪能發心所謂依  
 不定聚眾生有熏習善根力故信業果報  
 能起十善獸生死苦欲求無上菩提得值  
 諸佛親承滅三供養修行信心經一萬劫信心  
 成就故諸佛菩薩教令發心或大悲故能  
 自發心或因正法欲滅以護法因緣故能  
 自發心如信信心成就得發心者入正定  
 聚畢竟不退名住如來種中正因相應若  
 有眾生善根微少等未經萬劫於中遇緣  
 亦因發心所謂或見佛色相而發其心一  
 或因供養眾僧而發其心二或因二乘之  
 人教令發心三或學他發心四如是等發  
 心者悉皆不定遇惡因緣或便退失墮二



乘地智印經 今文中後半總以信智因緣

中亦同此 三寶境信謂於實德能深忍樂欲心淨為

性故云淨信然實謂一切事理德謂三寶

淨德能謂世出世善有其力能今法寶中

已攝初後亦三寶中皆具此三體實具德

大用救生故大者智心求大菩提廣者悲

心廣濟合識翻彼二乘小墜心也信謂於

者唯識第六云云何為信於實德能深忍

樂欲心淨為性對治不信樂善為業此

然信差別略有三種一信有實謂於諸注

實事理中深信忍故二信有德謂於三寶

世出世善深信有力能得能成起希望故

釋曰實德能三即信依處忍樂欲三如次

配之言能得能成者信已及他今得後成

又無為得有為成故論云由斯對治彼不

信心愛樂證修世出世善釋曰上釋信業

下欲揀別故又問答論云忍謂勝解此即

信因樂欲謂欲即是信果確陳此信自相

亦然者同前愆等何別亦是心王俱時法

故論曰此性澄清能清濁水熱等雖善非

心淨名如水清珠能清濁水熱等雖善非

淨為相此淨為相無溫彼失又諸染法各

別有相唯有不信自相渾濁復能混濁餘

心為相也如極微物自穢微他信正翻彼故

淨性體應即欲又應苦集非信所緣此

三性體應即欲又應苦集非信所緣此

解欲若印順者即勝解故若樂順者即是

欲故離彼二體無順相故此

知心淨是信然今疏文略引標釋義已

隔偶今法寶下以論配經復有二意一者

別配謂法有事理即是初實也法有五行

如出世善等故是後能故云今法寶中已

攝初後亦三寶中皆具此三者義以前三

次大者下釋下句也

不滅求五欲及王位富饒自樂大名稱

別中初半偈揀去偏偽謂攝眷屬過所不

能染故文中不求五事求即過故一若求

人天五欲此能長貪多是鬼因二求王位

長瞋多地獄因三求富饒長癡是畜生因

實通三塗各從多說四求自樂是二乘因

難初持業釋次依主釋後鄰近釋言為難

等何別心俱淨法為難非心所若令心淨漸

心淨言若淨即心應非心所若令心淨漸

是淨言若淨即心應非心所若令心淨漸

信因樂欲謂欲即是信果確陳此信自相

下欲揀別故又問答論云忍謂勝解此即

信心愛樂證修世出世善釋曰上釋信業

又無為得有為成故論云由斯對治彼不

配之言能得能成者信已及他今得後成

釋曰實德能三即信依處忍樂欲三如次

世出世善深信有力能得能成起希望故

實事理中深信忍故二信有德謂於三寶

然信差別略有三種一信有實謂於諸注

者唯識第六云云何為信於實德能深忍

五求大名稱若勝負心是脩羅因若我慢  
心是外道因又以理求樂是人天因為王

攝屬是魔羅因有二乘心目之為偏有餘

心者名之為偽初半獨揀去偏偽者即天

當第五米明十法成乘中有真正發菩提

心故云揀去偏偽故下疎云有二乘心者

目之為偏等二者第一卷中明有五略謂

發大心修大行感大果裂大網歸大處今

即第一發大心中文然彼復分為三初方

言次揀非後顯是方言易了今將不求一

行當彼揀非也餘文即當顯是今初彼文

云道亦有通有別今亦揀之略為其十若

增月念專貪嗔癡攝之不還拔之不出日

地獄心行火上道一若其心念欲多眷

屬如海吞流如火焚薪起中品十惡如調

達誘眾者此發畜生心行血塗道二若其

心念欲得名聞四遠八方稱揚歎詠內

無實德虛比賢聖起下品十惡如摩健提

者此發鬼心行刀塗道三若其心念欲

勝於彼而耐下人輕他珍已如鷄高飛下

視人物而外揚仁義禮智信起下品善心

行阿修羅道四若其心念欣世間樂安

其臭身悅其癡心此起中品善心行於人

道五若其心念知三惡苦多人間苦樂

相間天上純樂為天上樂開六根不出六

塵不入此起上品善心行於天道六若其

心念欲發大威勢身口意業繞有所作一

切念欲得利智辨聰高才勇哲鑿達六

合十方顯此發勝智心行尼捷道八若

其心念五塵六欲外樂蓋微三禪之樂

由如石泉其樂內熏此發覺心行色無色

道九若其心念知善惡輪環凡夫耽湎

賢聖所訶破惡由淨慧淨慧由淨禪淨禪

由淨戒尚此三法如飢如渴此發無漏心

行二乘道十若心若道其非甚多略舉十

耳結今疏欲具此十非故於經文委曲而

取不爾故五事下正釋經文配成十非然不

必全爾故致多言以隨一煩惱有三塗因

故又但取意略明但尋上引疏文居然易

了但八天因舍其三界一人二欲天三上

二界餘文可知有二乘下結成即前九為

偽後一為偏也

但為永滅眾生苦利益世間而發心常欲利

樂諸眾生莊嚴國土供養佛

受持正法修諸智證菩提故而發心深心信

解常清淨恭敬尊重一切佛於法及僧亦如

是至誠供養而發心

深信於佛及佛法亦信佛子所行道及信無上大菩提菩薩以是初發心

後三偈半直顯真正別釋因緣於中初偈悲因下救嚴土供佛亦為調生故滅苦是悲利樂是慈次一偈半大智上供上二不

二為真正發心後偈總結成信兼信因行

其中對上四因四緣可以意得其中對上等者深心

信解及深信諸佛及佛法即第一種性具足因恭敬尊重一切佛即第二類佛菩薩攝受因以恭敬故但為永滅眾苦即第三多起悲心也常欲利樂諸眾莊嚴國土供養佛即第四長時猛利難行苦行也四因具矣言四緣者恭敬尊重一切佛者

以見聞神變威力故即第一緣受持正法修諸智者以聞法微妙故即第二緣又受持正法者見法欲滅故即第三緣但為永滅眾苦者即見生受惑業苦是第四緣見苦即緣長悲即因故雖一文因又上從緣具足此中四力不具故不會之

不求五欲下即顯信心之德故瓔珞經云修十信心須具十德今文並具但不次耳

或三

十二

或三

十二

一遭苦能忍即前反顯二正顯中初二句即慈悲深厚三次句及莊嚴國土即修習善根謂利他善及淨土因故四有三字即供養諸佛五受持一句志求勝法六證菩提故即求佛智慧七一句即深心平等八

次二句即親近善友九次二句即心常柔和謂至誠供養柔和善順於佛法故十有

二句即愛樂大乘十德備矣又上從不求經文以上來所釋恭古德意此下一向新意不十舊解文自有五一約信德經文五

偈應分為二初一偈標信發心後四偈彰信之德今文並具等者彼經次云一親近

善友二供養諸佛三修習善根四者志求勝法五心常柔和六遭苦能忍七慈悲深厚八深心平等九愛樂大乘十求佛智又慧四有三字者以供養佛字全同故

此十德即求菩提之意下經休舍云欲教化調伏一切眾生盡無餘故發菩提心等又此十德下二明菩提意而云發菩提心等者彼廣有文略舉十四廣結無邊今但

舉一以等十三謂二欲承事供養一切諸  
 佛悉無餘故發菩提心其悉無餘下八字  
 一皆有三欲嚴淨一切諸佛國土四欲  
 護持一切諸佛正教五欲成滿一切如來  
 普願六欲往一切諸佛國土七欲入一劫  
 諸佛會八欲知一切諸佛世界諸劫  
 次第九欲知一切衆生心海十欲知一  
 衆生根海十一欲行海十二欲滅一切衆  
 欲知一切衆生行海十三欲滅一切衆生  
 煩惱海十四欲拔一切衆生煩惱習氣海  
 悉無餘故發菩提心善男子以要言之菩  
 薩以如是等百萬阿僧祇方便行故發菩  
 提心善男子善薩行普入一切法皆證得  
 故普入一切世界悉願乃盡拔一切衆生煩  
 惱習氣盡我願乃滿釋曰上皆菩提心所  
 爲也對今經又末後偈初句即自性住佛  
 文可以意得又末後偈初句即自性住佛  
 性以信心佛衆生無差別故方是真法可  
 謂深信次句即引出佛性後句即至得果  
 性又末後下三約佛性卽隨難重顯種性  
 顯體分三因品論云復次佛性體有三種  
 三性所攝義應知三種者所謂三因三種  
 佛性三因者一應得因二加行因三圓滿  
 因初卽二空所顯真如由此應得菩提心  
 乃至道後法身故二加行因者謂菩提心  
 由此心故得三十七品十度十地乃至道

後法身三圓滿因者卽加行因由此故得  
 一切圓滿三種佛性者應得因中具有三  
 性一住自性者謂道前凡夫位引出性釋  
 曰住自性者窮有學聖位又文有四弘以  
 發心已上窮有學聖位又文有四弘以  
 至得果性者無學聖位又文有四弘以  
 意得不求五欲等卽顯煩惱無邊誓願斷  
 但爲永滅衆生苦卽衆生無邊誓願度受  
 持正法修諸智卽法門無盡誓願學證苦  
 提故卽佛道又上云深心信解常清淨者  
 無上誓願成又上云深心信解常清淨者  
 與理相應方曰深心若昔染今淨淨則有  
 始始卽必終非常淨也信煩惱卽菩提方  
 爲常淨由稱本性而發心故本來是佛更  
 無所進如在虛空退至何所慨衆生之迷  
 此起同體大悲悼昔不知誓期當證有悲  
 故不爲無邊所寂有智故不爲有邊所動  
 不動不寂直入中道是謂真正發菩提心  
 又上云等下五結歸真正先顯真正菩提  
 心體有其三意初約三心菩提二約三觀  
 三約四弘今初明大智心次慨衆生迷此  
 下大悲心後悼昔不知下大願心卽菩提

心燈大悲為油大願為炷大智為光  
法界故上如次即直心大智深心也  
約三觀者悲願為假觀前大智心中  
本性清淨即是空觀煩惱即菩提本  
佛即中道觀三約四弘者初通立理  
圓教四弘故稱三約四弘者初通立  
下別顯四弘初即煩惱無邊誓願斷  
稱本性而發心故下即佛道無上誓  
三慨眾迷此法門無盡誓願學此明  
昔不知下法門無盡誓願學此明四

指上四弘上但指文今將深心之言  
此四今圓妙耳有悲故下二正結歸  
及經耳故止觀第五明十法成乘中  
真正發菩提心云既深識不思議境  
一切苦自悲昔苦起惑耽酒乃至云  
彼我愛痛自他即起大悲願斷眾生  
無邊誓願如空之煩惱即起大悲願  
虛空誓願如空之煩惱即起大悲願  
普斷無所由之煩惱即起大悲願

而度底之多之眾生雖知煩惱無邊  
無邊底之多之眾生雖知煩惱無邊  
佛之眾生雖知煩惱無邊底而斷  
之煩惱神何者若但拔苦因不果此  
雜毒故須觀空者若偏觀空則不見  
度是名著空者若偏觀空則不見眾  
可度即墮愛見大非解脫道今則非  
非偽故名為真非空邊非有邊故不  
如鳥飛空終不住空雖不住空跡不  
雖空而度雖度而空是故誓與虛空

故名真正發菩提心釋曰此上釋須三  
所以又云又識不思議心一樂心一  
心我及眾生皆雖求樂不知樂因如  
磔謂如珠妄指螢光呼為日月今始  
解故起大悲與兩誓願謂法門無盡  
知無上佛道誓願成雖知法門永寂  
誓願修行永寂雖知法門永寂所有  
中吾故求之莊嚴雖知法門永寂所  
而有誓願畫繪莊嚴雖知法門永寂  
所成如空中種樹使華果雖知法

門及佛果非修非不修非證得非不  
以無所證而證而得對是名非修非  
之為真非空非愛見名之為正如是  
誓願與不思議境智非前後同時俱  
慧悲即智慧智慧即慈悲無緣無念  
一切任運般若自然與樂不同毒害  
但觀上引之文疏文居然易了即攝  
但觀上引之文疏文居然易了即攝  
大慈而為此疏顯經深玄然此經上  
提心義文理淵博見其撮略故取而

信為道元功德毋長養一切諸善法斷除疑  
網出愛流開示涅槃無上道  
第二信為道元下七頌略示勝能於中初  
一頌總標次五頌別釋後一頌總結今初

初句又標道有二義一果所謂菩提涅槃  
 二因謂三賢十聖乘一直道元亦二義一  
 本義菩提本故其猶滔滔之水始於濫觴  
 二首義元者善之長也即一因之初功德  
 二義通因及果母有二義生長養育下三  
 句共釋初句長養即母二義亦道元義一  
 切善法及第二句即因功德第三一句即  
 果功德無上道者即大菩提由信長善得  
 此菩提由信斷疑出愛成涅槃證不信身  
 心如來知見豈能開示菩提涅槃一本義  
等者意

以本義為果德元首善為因德元耳言元  
 者善之長也即周易乾卦文言稱乾元亨  
 利貞四德云元者善之長也亨者嘉之會  
 也利者義之和也貞者事之幹也君子體  
 仁足以長仁嘉會足以合禮利物足以和  
 義貞固足以幹事君子行此四德者故曰  
 乾元亨利貞今但用其一字義耳不信身  
 心下反成上義知見相為菩提知見性為  
 涅槃故法華論釋開佛知見  
 為無上義謂雙開菩提涅槃

信無垢濁心清淨滅除憍慢恭敬本亦為法  
 藏第一財為清淨手受眾行  
 信能惠施心無恡信能歡喜入佛法信能增  
 長智功德信能必到如來地  
 信令諸根淨明利信力堅固無能壞信能永  
 滅煩惱本信能專向佛功德  
 信於境界無所著遠離諸難得無難信能超  
 出眾魔路示現無上解脫道  
 信為功德不壞種信能生長菩提樹信能增  
 益最勝智信能示現一切佛

減三

次信無垢濁下別顯中有二十句一句辨  
十六  
 一勝能一心淨為性故能翻不信濁二信  
 理普敬故翻憍慢三十藏之內信即是藏  
 七聖財中信為第一四信手受取奉行五  
 信財如夢故無所恡六智論云佛法大海

信爲能入七增福智因八到二嚴果九十  
五根五力各在初故十一信本無惑方斷  
惑根十二若向餘德不名淨信十三信境  
本空故無所著十四正信之人不生八難  
十五非不正信十六正信解脫十七成不  
壞本十八爲菩提根十九增佛勝智二十  
究竟見佛謂信自己心自佛出現信外諸  
佛諸佛現前故下經云一切諸佛從信心  
起

是故依行說次第信樂最勝甚難得譬如一

切世間中而有隨意妙寶珠

三是故下一偈總結勝能前法後喻信樂  
者信三寶性已於方便諸度求欲修行信  
樂二字是菩薩正意由此二故於諸行有  
能故名最勝非佛不信故云難得喻如意

珠略有五義一勝義法寶中王故二希義

非佛輪王餘無有故三淨義能清不信濁

故四貴義出位行寶等不可盡故五蘊義

蘊衆德物無障礙故

喻如意珠等者取與  
信相應義耳若準寶

性論寶有六義頌云真實一世希有二明  
淨三及勢力四能莊嚴世間五最上不變

等六今此勝義攝真實最上二義餘四則  
同四卽勢力五卽莊嚴或無莊嚴加此蘊  
義然疏五義皆言  
含法喻思之可知

若常信奉於諸佛則能持戒修學處若常持

戒修學處則能具足諸功德

戒能開發菩提本學是勤修功德地於戒及

學常順行一切如來所稱美

若常信奉於諸佛則能興集大供養若能興

集大供養彼人信佛不思議

第三若常信奉下五十頌半廣明信中所

具行位然有二意一行布二圓融古約圓

融故名信中所具於中三初明所具行次  
 辨所具位三結歎功德今初八頌半分二  
 先五頌明信三寶以成諸行後三頌半明  
 信展轉以成諸行前中初三頌信佛成行  
 初二句標章持戒惡止也修學處善行也  
 瑜伽云既發心已應於七處修學故名學  
 處謂一自利處二利他處三真實義處四  
 威力處五成熟有情處六成熟自佛法處  
 七無上正等菩提處次一偈半雙顯二德  
 若不持戒尚不能得疥癩野干之身況於  
 菩提戒止妄非則性淨菩提開發因果功  
 德皆依學處而生故云地也尚不能得等  
者即薩遮尼  
捷子經 後一偈別明成供養行謂財法供  
第四 養故云大也

若常信奉於尊法則聞佛法無厭足若聞佛

滅三

十八

法無厭足彼人信法不思議

次一信法

若常信奉清淨僧則得信心不退轉若得信  
 心不退轉彼人信力無能動

後一偈信僧文並可知

若得信力無能動則得諸根淨明利若得諸  
 根淨明利則能遠離惡知識

若能遠離惡知識則得親近善知識若得親  
 近善知識則能修習廣大善

若能修習廣大善彼人成就大因力若人成  
 就大因力則得殊勝決定解若得殊勝決定  
 解則為諸佛所護念

二有三頌半成展轉行展轉依前功歸於  
 信

若為諸佛所護念則能發起菩提心若能發



起菩提心則能勤修佛功德

若能勤修佛功德則得生在如來家若得生

在如來家則善修行巧方便

若善修行巧方便則得信樂心清淨若得信

樂心清淨則得增上最勝心

增三

十九

二若為諸佛下三十九頌明所具諸位於

中成後四位即為四段初三頌明十住位

有六句初句發心住次句治地修行二住

次句生貴住次句方便具足住次句正心

住後句增上是不退住最勝心是後三住

準下釋之

初明十住者下明諸位皆含義理並如本品後句增上等者由

前正心但聞讚毀不動今聞無有利害更

深而心不退故為增上餘當下文尋之然

皆隱位名存其中行或合或開或略或廣

不全次第者意明圓融信門即頓具故亦

猶離世間品六位頓成為二千行位位頓

若得增上最勝心則常修習波羅蜜

若常修習波羅蜜則能具足摩訶衍若能具

足摩訶衍則能如法供養佛若能如法供養

佛則能念佛心不動若能念佛心不動則常

見見無量佛

見見無量佛

二若得增上下二頌半明十行位波羅蜜

是十行總名摩訶衍是異二乘行初二行

收如法供養是順理行次二行攝念佛心

不動及常見佛並是定慧行故屬後六行

釋相可知

若常覩見無量佛則見如來體常住若見如

來體常住則能知法永不滅

若能知法永不滅則得辯才無障礙若得辯

才無障礙則能開演無邊法

若能開演無邊法則能慈愍度眾生若能慈

愍度眾生則得堅固大悲心

三若常觀見下三頌明十迴向位通顯三種迴向佛體常住是向菩提法永不滅是向實際餘向眾生

若得堅固大悲心則能愛樂甚深法

四若得堅固下三十頌半明十地位初半

頌是初地謂深法是所證真如愛樂是極

喜異名

若能愛樂甚深法則能捨離有為過

二半頌是離垢地以離犯戒有為過故

若能捨離有為過則離憍慢及放逸若離憍

慢及放逸則能兼利一切眾

三一頌離慢等是三四二地以三地於禪

不著故無慢又以求法不懈亦名離慢第

四地得出世間道品故云無放逸然不捨

攝生故云兼利

滅三

二十

若能兼利一切眾則處生死無疲厭若處生死無疲厭則能勇健無能勝

四有一頌明五地謂雖得出世而還處生死故無厭真俗互違難合能合餘地不過故云勇健無能勝此是難勝之名也

若能勇健無能勝則能發起大神通若能發起大神通則知一切眾修行

五有一頌明第六地悲智不住般若現前謂神通攝物是大悲行知眾修行是十二

緣生是大智行

滅三

三一

若知一切眾修行則能成就諸群生若能成就諸群生則得善攝眾智

若得善攝眾智則能成就四攝法若能成就四攝法則與眾無無限利若與眾無無限利則具最勝智方便

六二頌半明七地謂初一明有中殊勝行  
後一頌半明空中方便智準釋可知

大方廣佛華嚴經疏鈔會本第十四之三

音釋

篲 求位切 甄 稽延切  
 土籠也 明也 兜率 兜當侯切 梵語  
 慨 口漑切 悼 大號切 濫 盧賦切 溢 云知足  
 感慨也 傷也 傷 濫 泛觴也 齋 齋  
 拜切 癩 憍慢 憍舉喬切 恣也 鴉 抽知切  
 落蓋切 慢 莫安切 侶也 鴉 屬  
 咽也 古杏切

大方廣佛華嚴經疏鈔會本第十四之四 滅四

唐于闐國三藏沙門實叉難陀 譯

唐清涼山大華嚴寺沙門澄觀撰述

若具最勝智方便則住勇猛無上道若住勇

猛無上道則能摧殄諸魔力

滅四

若能摧殄諸魔力則能超出四魔境若能超

出四魔境則得至於不退地

若得至於不退地則得無生深法忍若得無

生深法忍則爲諸佛所授記

七若具最勝下三頌明第八地略辨六義

一道勝謂無功用道故云勇猛無上二力

勝謂智力摧魔三用勝謂超四魔境捨分

段故無蘊魔無捨命故無死魔惑不現行

故超煩惱魔覺佛十力故超天魔四位勝

不動地故云不退也五行勝謂得無生忍

六因勝謂此位中當大授記位也

若爲諸佛所授記則一切佛現其前若一切

佛現其前則了神通深密用

若了神通深密用則爲諸佛所憶念若爲諸

佛所憶念則以佛德自莊嚴

八二頌明第九地作大法師略辨四義一

諸佛加持名佛現前二解了諸佛深密之

法三佛憶念增其慧力四佛德自嚴爲衆

說法

若以佛德自莊嚴則獲妙福端嚴身若獲妙

福端嚴身則身晃耀如金山

若身晃耀如金山則相莊嚴三十二若相莊

嚴三十二則具隨好爲嚴飾

若具隨好爲嚴飾則身光明無限量若身光

明無限量則不思議光莊嚴

九若以佛德下十九頌明第十地位分五  
初八頌三業殊勝德初五身業於中前三  
頌明身體德殊勝

若不思議光莊嚴其光則出諸蓮華其光若  
出諸蓮華則無量佛坐華上

示現十方靡不徧悉能調伏諸衆生若能如

是調衆生則現無量神通力

後二頌明身業大用

若現無量神通力則住不可思議土演說不  
可思議法令不可思議衆歡喜

次演說一頌語業勝說法益生

若說不可思議法令不可思議衆歡喜則以智  
慧辯才力隨衆生心而化誘

若以智慧辯才力隨衆生心而化誘則以智  
慧爲先導身語意業恒無失

後二頌意業勝智先導故

若以智慧爲先導身語意業恒無失則其願  
力得自在普隨諸趣而現身

若其願力得自在普隨諸趣而現身則能爲  
衆說法時音聲隨類難思議

若於一切衆生心一念悉知無有餘則知煩  
惱無所起永不沒溺於生死

二若以智慧爲先下四頌明三業廣大功

三輪攝生德初一頌身業次一語業後二

意業

若知煩惱無所起永不沒溺於生死則獲功

德法性身以法威力現世間

若獲功德法性身以法威力現世間則獲十

德法性身以法威力現世間

若獲功德法性身以法威力現世間則獲十

地十自在修行諸度勝解脫

三若知煩惱下二頌辨得法結位

若得十地十自在修行諸度勝解脫則獲灌

頂大神通住於最勝諸三昧

若獲灌頂大神通住於最勝諸三昧則於十

方諸佛所應受灌頂而昇位

若於十方諸佛所應受灌頂而昇位則蒙十

方一切佛手以甘露灌其頂

四若得十地下三頌明三昧分大盡分受

位分並顯可知

若蒙十方一切佛手以甘露灌其頂則身充

徧如虛空安住不動滿十方

若身充徧如虛空安住不動滿十方則彼所

行無與等諸天世人莫能知

五若蒙下二頌明大用難測亦是釋名分

事也謂以法智雲含眾德水能蔽如空塵

重故又若蒙下二頌亦是進入佛地也

菩薩勤修大悲行願度一切無不果見聞聽

受若供養靡不皆令獲安樂

彼諸大士威神力法眼常全無缺減十善妙

行等諸道無上勝寶皆令現

第三菩薩勤修下三頌結歎其德初二法

說後一喻況前中賢首云初二句悲願內

滿謂菩薩勤修等者結前若字下義無不

果者結前則字下義以若有彼則有此非

是前後鈎鎖相因唯是本位信中有此則

有彼同時具有而說有前後是故信門具

足一切行位之相然行雖無量皆以悲願

爲首故就此結之次二句明此悲願益物

不空欠一頌結前所具行位初句舉人標

法威神即信爲能具之由次句結能證智

眼證如如永常故次句結所證道十善舉

二地行等取餘地及餘位餘道謂教證等

勝寶皆現以若有彼等者諫濫明此是圓融義纒得一位即得諸位如十

味香纒燒一丸如小芥子十氣齊發若有聞香十味齊聞若得沉氣時則得檀氣若

得酥合則得龍腦等十味九藥服者齊得亦準此知非如鈎鎖由得於前方能得後

非如涉路若行一里則得二里若行二里則進三里故此位中不存位名或開或合

正在於此思之思之

譬如大海金剛聚以彼威力生眾寶無減無

增亦無盡菩薩功德聚亦然

後一頌喻況唯喻後偈初句及威力喻前

初句信體堅固以喻金剛並居智海之內

以信威力能生所生眾寶即喻前第三句

行位第三句喻前法眼常全

或有刹土無有佛於彼示現成正覺或有國

城四  
五

土不知法於彼爲說妙法藏

無有分別無功用於一念頃徧十方如月光

影靡不周無量方便化群生

於彼十方世界中念念示現成佛道轉正法

輪入寂滅乃至舍利廣分布

第四或有刹土下二百三頌明無方大用

分彼能無邊大用者由普賢德徧一切時

處法界無限故略辨十門三昧業用一圓

明海印三昧門二華嚴妙行三昧門三因

陀羅網三昧門四手出廣供三昧門五現

諸法門三昧門六四攝攝生三昧門七俯

同世間三昧門八毛光照益三昧門九主

伴嚴麗三昧門十寂用無涯三昧門以無

不定心故皆云三昧作用不同略辨十種

又初門依體起用末後明用不異體中間

並顯妙用自在又十三昧皆具此三十門辨  
 等者然還源觀立一體二用三偏四德五  
 止六觀亦不出此言一體者即自性清淨  
 圓明體即通為十定之體言二用者一海  
 印森羅常任用即此第一三昧二法界圍  
 明自在用即華嚴三昧言三偏者一一塵  
 普周法界偏二一塵出生無盡偏三一塵  
 舍容空有偏此三並是因陀羅網三昧門  
 言四德者一隨緣妙用無方德二威儀住

持有則德三柔和質直攝生德四普代眾  
 生受苦德即次下第六三昧門言五止者  
 一照法清虛離緣止二觀人寂怕絕欲止  
 三性起繁典法爾止四鏡光顯現無念止  
 五事理玄通非相止言六觀者一攝境歸  
 心真空觀二從心現境妙有觀三心境祕  
 密圓融觀四智身影現眾緣觀五多身入  
 一鏡像觀六主伴互現帝網觀上之止觀  
 並是教用無涯三昧門故此十門無不  
 收矣廣釋一體六觀等具如還源觀辨今

初六頌明海印三昧文分為二前五別明  
 業用周徧後一總結大用所依前中三初  
 三佛事次一三乘後一類餘總顯十法界  
 之化也前中初一總明現佛說法次一體  
 用自在初句棟非二義一念無分別二動

無功用下三句顯正二義謂無念之念一  
 念徧於十方無功之功多門攝於羣品月  
 喻四義準法可知

或現聲聞獨覺道或現成佛普莊嚴如是開  
 闡三乘教廣度眾無量劫

二一頌辯三乘

或現童男童女形天龍及以阿脩羅乃至摩  
 睺羅伽等隨其所樂悉令見

三有一頌類餘

眾生形相各不同行業音聲亦無量如是一  
 切皆能現海印三昧威神力

後一結用所依海印之義昔雖略解未盡  
 其源今以十義釋之以表無盡之用下經  
 云如淨水中四兵像乃至莫不皆於水中  
 現又云海有希奇殊特法能為一切平等



印衆生寶物及川流普悉包容無所拒故  
大集十四云如閻浮提一切衆生身及餘  
外色如是等色海中皆有印像以是故名  
大海爲印菩薩亦爾得大海印三昧已能  
分別見一切衆生心行於一切法門皆得

減四

慧明是爲菩薩得海印三昧見一切衆生  
心行所趣然此經文多同出現但出現  
於四天下像又約佛菩提大集唯閻浮約  
菩薩所得然皆見心所趣等了根器也此  
文所現形類應根器也二文互舉皆是所

現菩薩定心以爲能現下經云下第二總  
他經以示能現所現海印之相言乃至莫  
不皆於水中現者其中間云各各別異無  
交雜劍戟殊類甚多鑿宵車與非一種  
隨其所有相差別莫不皆於水中現而水  
本自無分別菩薩三昧亦如是即第十五  
經又云海有希奇等者即此卷中下合云  
無盡禪定解脫者爲平等印亦如是福德  
智慧諸妙行一切普修無厭足大集十四

下疏文分二先正引後解釋前中即虛空  
藏菩薩品頭有一善男子言此中亦爾彼  
云亦復如是餘皆全同然此經文下解釋  
此即此上大集也出現四天下像等者文  
云佛子譬如大海普能印現四天下中一  
切衆生色相形像是故共說以爲大海諸  
佛菩提亦復如是普現一切衆生心念根  
性欲樂而無所現是故說名諸佛菩提下  
偈文云如海印現衆生心以此說名爲大  
海菩提普印諸心行是故說名爲正覺

言十義者一無心能現義經云無有功用  
無分別故二現無所現義經云如光影故  
出現品云普現一切衆生心念根性欲樂  
而無所現故三能現與所現非一義四非  
異義經云大海能現能所異故非一水外  
求像不可得故非異顯此定心與所現法  
即性之相能所宛然即相之性物我無二  
五無去來義水不上取物不下就而能顯  
現三昧之心亦爾現萬法於自心彼亦不  
來羅身雲於法界未曾暫去上之五義與

鏡喻大同六廣大義經云徧十方故普悉  
 包容無所拒故明三昧心周於法界則衆  
 生色心皆定心中物用周法界亦不離此  
 心七普現義經云一切皆能現故出現云  
 菩提普印諸心行故此與廣大異者此約

減四

八

所現不揀巨細彼約能現其量普周又此  
 約所現無類不現彼約能現無行不修八  
 頓現義經云一念現故謂無前後如印頓  
 成九常現義非如明鏡有現不現時十非  
 現現義非如明鏡對至方現經云現於四  
 天下像故四兵羅空對而可現四天之像  
 不對而現故云非現現也以不待對是故  
 常現該三際也具上十義故稱海印諸佛  
 窮究菩薩相似經云徧十方者即是今經  
 於一念頃徧十方也普悉  
 包含無所拒者即指上引十義所引皆上  
 總中所引之經及出現品文多易了但第

十云以不待對是故常現者此以第十釋  
 成第九即為揀異由十成九故云釋成而  
 九豎論十是橫  
 說故為揀也 問仁王三賢都無八相之  
 文初地方云方生百三千一時成正覺此  
 之八相豈在信門答即上所引大集亦云  
 灌頂住菩薩得佛神力若菩薩成就如是  
 等法能於無佛世界示現八相乃至廣說  
 彼說住終若占察經漸次作佛略有四種  
 何等謂四一者信滿法故作佛所謂依種  
 性地決定信諸法不生不滅清淨平等無  
 可願求故二解滿作佛三證滿作佛謂淨  
 心地四一切功德行滿作佛依究竟菩薩  
 地起信依此說信成就發心能八相作佛  
 文據昭然況圓融門中不依位次寄終教  
 說信滿即能因果無礙以因門取常是菩  
 薩以果門取即恒是佛或雙存俱泯自在

減四

九

難思又此化現非唯一位依一類界而能

具攝一切地位徧於時處故云念念徧十

方也問仁王三賢下問也即上卷菩薩教

化品經云若菩薩住百佛國土中作

聞浮提王王四天下修百法明門二諦平

等心化一切衆生下偈云善覺菩薩四天

下雙照二諦平等道權化衆生遊百國始

登一乘無相道釋曰此前更無成佛之文

答即上所引下第二答中有三初指前引

答謂上引大集灌頂即第十住故云住終

則初賢已得八相何得徧引仁王三賢無

文若占察經下次引別文答謂占察經作

佛有四初是信滿正與今文相當餘三因

便故來耳二解滿作佛即同前大集灌頂

受位三證滿者初證名證滿故云淨心地

即初地故四究竟菩薩地即第十地後故

起信云菩薩地盡覺心初起心無初相以

遠離微細念故得見心性心即當住名究

故故為此通明其無礙正在因時即有果

果中有因隨門不同名因果俱泯則果後

故得圓融雙存則亦因亦果俱泯則果後

離言又此化現非唯等者重揀前文以圓

融非唯一位則顯具一切地位第一海

非依一類界則顯徧於時處也

印三昧竟

嚴淨不可思議刹供養一切諸如來放大光

明無有邊度脫衆生亦無限

智慧自在不思議說法言辭無有礙施戒忍

進及禪定智慧方便神通等

如是一切皆自在以佛華嚴三昧力

第二嚴淨下華嚴三昧文有十句略辨七

行前六句各一行七八是十度行九結上

自在十總結所依萬行如華嚴法身故餘

如別說萬行等者遺忘集說畧有十觀一

實無礙觀四隨相攝主觀五緣起相收觀

六微細容攝觀七多相即觀八帝網重

即事理無礙法界四即事法界次五即事  
 事無礙法界五即一多相容不同門六即  
 微細相容安立門七即諸法相即自在門  
 八即因陀羅網境界門九即主伴圓融具  
 德門其第十觀果海絕言通為前四之極  
 則四法界十種玄門皆約因分然此十觀  
 畧收萬類不異玄中故指在餘又釋題中  
 廣顯華嚴義竟又還源觀釋云廣修萬行  
 稱實成德普周法界而證菩提如華有結  
 實之用行有感果之能今則託事表彰所  
 以舉華為喻嚴者行成剋果契理稱真性  
 相兩亡能所俱絕顯煥炳著故名嚴也良  
 以非真流之行無以契真何有飾真之行  
 不從真起斯則真該妄末行無不修妄徹  
 真源相無不寂故曰法界自在圓明無礙  
 用為華嚴三昧也若更總釋總以萬行嚴  
 於法界成於法身為華嚴也行有行布圓  
 融成佛亦有十身總別如普眼長者以  
 十波羅密嚴成十身融如八地一念之中  
 十度圓修成佛之時十身無礙故曰華嚴  
 餘如 **第二華嚴三昧竟**

一微塵中入三昧成就一切微塵定而彼微  
 塵亦不增於一普現難思刹  
 彼一塵內眾多刹或有有佛或無佛或有雜  
 染或清淨或有廣大或狹小

卷四

十一

或復有成或有壞或有正住或傍住或如曠  
 野熱時燄或如天上因陀網  
 如一塵中所示現一切微塵悉亦然此大名  
 稱諸聖人三昧解脫神通力

第三一微塵中下四頌明因陀羅網三昧  
 門於中初二句標定心境然有二意一由  
 一多相即故入一定能成多定由成多定  
 令一塵內有一切塵一一塵中現一切刹  
 二但令一塵現刹一切亦爾故云成就一  
 切微塵定次二句明不壞相而普現故云  
 不增次二頌明一塵中所現刹相無礙如  
 焰重現如帝網次半頌舉一例餘亦有二  
 意一例上一塵之內所具之塵二例如一  
 塵入定示現餘塵入定示現亦然次半頌  
 者前意  
 對前第一意既一塵之中有多塵向來方  
 說一塵攝刹今方說塵內所具餘塵攝刹

後意對前第二意此所列塵非前後二句  
塵內是前塵外徧法界中塵也  
結用所因略辨三門一三昧力此同標中  
二不思議解脫力如不思議品云於一塵  
中現三世佛刹等三神通力謂幻通自在  
並如下說 三因陀羅網三昧門竟

若欲供養一切佛入於三昧起神變能以一

手徧三千普供一切諸如來

十方所有勝妙華塗香末香無價寶如是皆

從手中出供養道樹諸最勝

無價寶衣雜妙香寶幢幡蓋皆嚴好真金為

華寶為帳莫不皆從掌中雨

十方所有諸妙物應可奉獻無上尊掌中悉

兩無不備菩提樹前持供佛

十方一切諸妓樂鐘鼓琴瑟非一類悉奏和

雅妙音聲靡不從於掌中出

十方所有諸讚頌稱歎如來實功德如是種  
種妙言辭皆從掌內而開演

菩薩右手放淨光光中香水從空雨普灑十

方諸佛土供養一切照世燈

又放光明妙莊嚴出生無量寶蓮華其華色

相皆殊妙以此供養於諸佛

又放光明華莊嚴種種妙華集為帳普散十

方諸國土供養一切大德尊

又放光明香莊嚴種種妙香集為帳普散十

方諸國土供養一切大德尊

漢四

十一

又放光明末香嚴種種末香聚為帳普散十

方諸國土供養一切大德尊

又放光明衣莊嚴種種名衣集為帳普散十

方諸國土供養一切大德尊

又放光明寶莊嚴種種妙寶集為帳普散十

方諸國土供養一切大德尊

又放光明蓮莊嚴種種蓮華集為帳普散十

方諸國土供養一切大德尊

又放光明瓔莊嚴種種妙瓔集為帳普散十

方諸國土供養一切大德尊

第十四

十三

又放光明幢莊嚴其幢絢煥備眾色種種無

量皆殊好以此莊嚴諸佛土

種種雜寶莊嚴蓋眾妙繒幡共垂飾摩尼寶

鐸演佛音執持供養諸如來

手出供具難思議如是供養一導師一切佛

所皆如是大士三昧神通力

第四若欲下十八頌明手出廣供三昧門

初一總標後一通結中間別顯欲顯勝妙

略舉一手為供所依由於昔時以手持供

供佛施人稱周法界故令真流供具等諸

佛之難思

由於昔時等者此出匠也佛施人約其施行稱周法界約其

真流供具顯出供時心以稱法界手出供具故等諸佛之難思者稱因境也因難專

勝心不稱境非真供養由稱真之因感稱真之果能供

真佛之境 四手出廣供三昧門竟

菩薩住在三昧中種種自在攝眾生悉以所

行功德法無量方便而開誘

第五菩薩住下八頌明現諸法門三昧門

分四初一總標多門

或以供養如來門或以難思布施門或以頭

陀持戒門或以不動堪忍門

或以苦行精進門或以寂靜禪定門或以決

了智慧門或以所行方便門

或以梵住神通門或以四攝利益門或以福

智莊嚴門或以因緣解脫門

或以根力正道門或以聲聞解脫門或以獨

覺清淨門或以大乘自在門

或以無常眾苦門或以無我壽者門或以不

淨離欲門或以滅盡三昧門

二有五頌別顯二十種門供等即門通入

佛果故

隨諸眾生病不同悉以法藥而對治隨諸眾

生心所樂悉以方便而滿足

隨諸眾生行差別悉以善巧而成就

三一頌半結多所因由四悉檀故初半對

治次半世界隨行差別即當為人而成就

言謂第一義初半對治者對治文顯隨心

所樂為世界者順心令喜故  
隨行差別即當為人者心行不同生善異  
故如云心寂靜應教禪定若心明利為說  
智慧悉以善巧而成就文則連上屬於為  
人謂第一義者謂要見理見理方得名成  
就耳又成就言通於上三  
前三悉檀皆為見理故

如是三昧神通相一切天人莫能測

減四

十四

四半頌結用難測 五現諸法門三昧門

竟

有妙三昧名隨樂菩薩住此普觀察隨宜示

現度眾悉使歡心從法化

第六有妙下十七頌明四攝攝生三昧門

文分為二初一偈總標名用

劫中饑饉災難時悉與世間諸樂具隨其所

欲皆令滿普為眾作饒益

或以飲食上好味寶衣嚴具眾妙物乃至王

位皆能捨令好施者悉從化

減四

十五

或以相好莊嚴身上妙衣服寶瓔珞華鬘為

飾香塗體威儀具足度眾生

一切世間所好尚色相顏容及衣服隨應普

現愜其心俾樂色者皆從道

餘頌別顯於中分四初四頌布施攝初一

偈半求受用者恣其所須次半偈求自在者施以王位又此施位即難行施以是可愛著故次偈身行法施後偈妙色悅心是無畏施又後二偈初身行法儀後服世妙飾貴悅物心隨求即與布施攝中前二偈有兩重釋先約財

施所須王位皆屬外財故王位兼於身命亦屬內財又此施位下第二重釋次半偈可愛著物即三種難行之一次法及無畏兼前財三為一切施又將後二屬於遠求然準瑜伽六度四攝各有九門頌云自性一切難一切門善士一切種遠求二世樂清淨自性皆一切或二或三難行皆三一切門皆四善士皆五一切種皆六遠求皆七皆八二世樂皆九清淨皆十四攝即當三十三卷至十行品更說其相今疏言即難行者以難行有三一物少自在施二可愛著物施三極大艱難復財施今當第一難也又後二偈者是遠求施遠求有八一匱乏飲食而求乞者施以飲食二匱乏車乘而求乞者施以車乘三乏衣服四巖具五資生什物六種種塗飾香鬘七舍宅八光明皆如初二句會文可知

迦陵頻伽美妙音俱枳羅等妙音聲種種梵

音皆具足隨其心樂為說法  
八萬四千諸法門諸佛以此度衆生彼亦如其差別法隨世所宜而化度

次二頌愛語攝一切愛語謂慰喻慶悅勝益之言一切愛語等者下所列即三愛語一慰喻愛語二慶悅愛語三勝益

愛語言種種梵音者即八種梵音一最好聲

其音清雅如迦陵鳥二易了聲言辭辨了

三和調四柔輒五不誤六不女七尊慧八

深遠言俱枳羅者亦云都吒迦此云衆音

合和微妙最勝皆愛語之具隨心說法應

咸四

十六

在後偈隨世所宜應在前偈以瑜伽一切

愛語略有二種一隨世儀軌語二順正法

教語今開示佛說八萬法門即順正教也

言種種梵音者文中具列初二疏釋後六但標若釋應云三調和謂大小得中四柔軟者言無麤獷五不誤者言無錯誤六不女者其聲雄朗七尊慧者言無戰懼八深



遠者勝輪發聲道心等者以後偈說八萬法門是順正法教語故應合云隨心為說前偈種種梵音故是隨世儀軌合言隨世所宜而化誘

眾生苦樂利衰等一切世間所作法悉能應現同其事以此普度諸眾生

一切世間眾苦患深廣無涯如大海與彼同

事悉能忍令其利益得安樂

三有二頌明同事攝物見菩薩俯同其事

知有義利而修行故於中初頌一切同事

八風等事皆悉同故後偈難行同事忍於

諸苦而同事初頌一切同事者喻如同

即名同事故利行居先則示同利衰等為一切也等取毀譽稱讚苦樂忍於諸苦等者難行有三亦無別相即同三利行為三難行同事謂一諸未行勝善根因諸有情所行利行二現在耽著廣大財位眾具圓滿諸有情所行利行三餘外道本異邪見邪行所行利行同事例耳今於上三同事皆須忍苦

若有不識出離法不求解脫離誼憤菩薩為

現捨國財常樂出家心寂靜

家是貪愛繫縛所欲使眾生悉免離故示出

家得解脫於諸欲樂無所愛

四有八頌明利行攝謂說趣義利之行以

益有情於中初二偈一切利行此有三種

即名同事故利行居先則示同利衰等為一切也等取毀譽稱讚苦樂忍於諸苦等者難行有三亦無別相即同三利行為三難行同事謂一諸未行勝善根因諸有情所行利行二現在耽著廣大財位眾具圓滿諸有情所行利行三餘外道本異邪見邪行所行利行同事例耳今於上三同事皆須忍苦

若有不識出離法不求解脫離誼憤菩薩為

現捨國財常樂出家心寂靜

家是貪愛繫縛所欲使眾生悉免離故示出

家得解脫於諸欲樂無所愛

四有八頌明利行攝謂說趣義利之行以

益有情於中初二偈一切利行此有三種

利行也二令離十惡即此世他世樂利行

次三句即善士利行慈心勸導等故一即

等者謂一依外清淨有五二依內清淨有五依外五者一無罪利行二不轉利行三漸次四徧行五如應論廣釋其相依內五者一謂諸菩薩於諸有情起廣大悲意樂現前而行利行二諸菩薩於諸有情所作義利雖受一切大苦劬勞而心無倦深心

歡喜為諸有情而行利行三安處最勝第一財位而自謙下如子如僕及離嬌慢而行利行四心無受染無有虛偽真實衷懇而行利行五起畢竟無復退轉慈愍之心而行利行六三句即善士利行者善士有五一於真實義勸導有情二於應時勸導二於能行攝勝妙義勸導四於有情柔軟勸導五於有情慈心勸導此之五相皆是大人之法慈心勸導後等初

若有眾生壽無量煩惱微細樂具足菩薩於

中得自在示受老病死眾患

或有貪欲瞋恚癡煩惱猛火常熾然菩薩為

現老病死令彼眾生悉調伏

次二偈即遂求利行謂眾生為八纏所繞

開解令離故名遂求初偈即化無愧纏以

恃壽長不知進修不知此身但姪欲生終

竟敗壞具諸煩惱故後偈開解無慚纏眾

生餘畧不具初為八纏者論云此畧有八

處為無慚纏之所纏繞方便開解令離彼纏如無慚纏二無愧三昏沉四睡眠五掉

舉六惡作七嫉八

如來十力無所畏及以十八不共法所有無

量諸功德悉以示現度眾生

記心教誡及神足悉是如來自在用彼諸大

士皆示現能使眾生盡調伏

次二偈即一切種利行初偈即應攝受者

而攝受之後偈即應調伏者而調伏等一即

切種利行者被說或六或七總有十三六

者一應攝受者正攝受之二應調伏者正

調伏之三僧背聖教者除其惡惱四處中

狂者今入聖教五於三乘中今其成熟入

已成熟者今得解脫云何七種謂諸菩薩

安處一分所化有情於善資糧守護長養

所謂一依下乘出離二依大乘出離三於  
遠離四於心一境性五於清淨諸障六於  
二乘而正安處七於無  
上正等菩提而得安處

菩薩種種方便門隨順世法度眾生譬如蓮  
華不著水如是在世令深信

後一偈即一切門利行謂不信令信故亦

總結諸利行也後一偈即一切門等者此  
畧有四一不信令信二犯

戒有情令戒圓滿三惡慧有情令慧圓滿  
四慳吝有情於捨圓滿今疏文中畧舉其  
一 瑜伽廣說利行居先略明同事居後此

則先略明同事者以利行中若以行勸修  
與愛語相近若自示行即同事相近同事

即是利行利行未必同事此二相近廣略

互影耳又次下三昧亦同事故影六四攝

攝生三昧門竟

雅思淵才文中王歌舞談說眾所欣一切世  
間眾技術譬如幻師無不現

或為長者邑中主或為賈客商人導或為國

王及大臣或作良醫善眾論

或於曠野作大樹或為良藥眾寶藏或作寶

珠隨所求或以正道示眾生

若見世界始成立眾生未有資身具是時菩

薩為工匠為之示現種種業

不作逼惱眾生物但說利益世間事呪術藥

草等眾論如是所有皆能說

一切仙人殊勝行人天等類同信仰如是難

行苦行法菩薩隨應悉能作

第七雅思下十七頌俯同世間三昧門於

中三初六身同世間利益眾生若依若正

無不示為

或作外道出家人或在山林自勤苦或露形

體無衣服而於彼眾作師長

滅四

三

明次三別顯後一總結

或邊呪語說四諦或善密語說四諦或人直語說四諦或天密語說四諦

分別文字說四諦決定義理說四諦善破於他說四諦非外所動說四諦

或八部語說四諦或一切語說四諦隨彼所解語言音為說四諦令解脫

次別中云或邊呪語者梵云達邏鼻茶曼

達邏鉢底鞞言達邏鼻茶者是南印度中

邊國名也此云消融曼達邏者呪也鉢底

漢四

三

鞞者句也謂其國人稟性純質凡所出言

皆成神呪若隣國侵害不用兵仗但以言

破之彼自喪滅故曰消融呪句也或云唯

童男童女方得言成呪句餘不得也又天

密語等者婆沙七十九說世尊有時為四

或現邪命種種行習行非法以為勝或現梵

志諸威儀於彼眾中為上首

或受五熱隨日轉或持牛狗及鹿戒或著壞

衣奉事火為化是等作導師

或有示謁諸天廟或復示入恒河水食根果

等悉示行於彼常思已勝法

或現蹲踞或翹足或卧草棘及灰上或復卧

杵求出離而於彼眾作師首

如是等類諸外道觀其意解與同事所示苦

行世靡堪令彼見已皆調伏

次六示同外道救彼邪黨初五別辨後一

總結義如別說

眾生迷惑稟邪教住於惡見受眾苦為其方

便說妙法悉令得解真實諦

三眾迷惑下五頌明語業大用初一總

天王以聖語說四諦二王領解二不能解  
 世尊憐愍故以南印度邊國俗語說四諦  
 二天王中一解一不解世尊憐愍故復以  
 一種筏戾車語說四聖諦時四天王皆得  
 領解婆沙七十九者彼云毗奈耶說世尊

說四聖諦謂塵泥迷泥輪部達驪刺筏戾  
 車語說四聖諦謂摩奢奢奢奢奢奢奢奢  
 但囉毗刺達論引淨名圓音為難下釋有  
 七一云有作是說佛以聖語說四聖諦能  
 令一切所化有情皆得領解何以作此等  
 語說答為憐彼意故彼天欲聞故下並取  
 意引之二復次世尊欲顯於諸言音皆能  
 善解故謂有疑佛不能餘語等三復次有  
 所化者依佛不變形言而得受化有所化  
 者依佛轉變形言而受化者四復有說者  
 佛以一音說四聖諦不能令一切所化有  
 情皆得領解世尊雖有自在神力而於境  
 界不能改越如不能令耳見諸色等通圓  
 音云答不須通非三藏故諸讚佛頌言多  
 過實如常在定不睡眠等皆遍實也五復  
 次如來言音遍諸聲境隨所欲語皆能作  
 之故復如陀云佛以一音演說法眾各  
 速疾轉故云復次如來言音雖有種種而  
 各隨所辯七復次如來言音雖有種種而  
 同有益故說一音釋曰然上七解前三可

通後四淺近即彼小乘三藏說故筏戾車  
 者三藏云惡中惡亦云奴中奴皆義翻五  
 善破於他者以因明比量等真能破故非  
 外所動者真能立故不為他破  
 所有一切諸佛法皆是說無不盡知語境  
 界不思議是名說法三昧力

後一偈類結非唯說四諦六度萬行等皆  
 然一心說法得語實性能起隨類之用名  
 三昧力 七俯同世間三昧門竟

大方廣佛華嚴經疏鈔會本第十四之四

音釋

掉杜弔切音摧殄殄徒典切絢煥絢許遠切  
 煥煥文彩切繪疾陵切饑饉饑居依切餒餒居依切餒餒居依切  
 光光明貌切莫莫莫切恆恆恆切謹謹謹切憤憤憤切謹謹謹切  
 也也也切躡躡躡切躡躡躡切翹翹翹切足足足切躡躡躡切足足足切  
 亂亂亂切躡躡躡切躡躡躡切躡躡躡切躡躡躡切躡躡躡切躡躡躡切

捷	邏
渠馬切	郎果切
鎧	鞞
可亥切	駢迷切
也	箴
甲切	戾
甲切	車
	戾車切
	莫結切
	梵語
	邊地

大方廣佛華嚴經疏鈔會本第十五之一 滅五

唐于闐國三藏沙門實叉難陀 譯

唐清涼山大華嚴寺沙門澄觀撰述

有勝三昧名安樂能普救度諸群生放大光

明不思議令其見者悉調伏

第八有勝三昧下八十九頌半明毛光照

益三昧門智契解脫之門慈熏身語意業

故得身同法界大用無涯毛光觸物為益

壽品徧於時處緣者會之是謂菩薩圓建

立衆生也文分為五初一頌標門總辨二

所放光明下別明一毛光明業用三如一

毛下類顯一切毛光業用四如其本行下

釋成分齊五若有聞下聞信光益今初就

所益說故名安樂

句約智亦約表釋謂毛孔表解脫門光明

表智慧故二正明智慧故云智契解脫之

門慈熏等者約悲智釋以菩薩曠劫慈悲熏修三業故

所放光明名善現若有衆生遇此光必令獲

益不唐捐因是得成無上智

彼先示現於諸佛示法示僧示正道亦示佛

塔及形像是故得成此光明

就第二段中二初略辨四十四門光用後

如是等下結略顯廣就四十四光中皆有

四義一標光名二辨光用三出光因四結

光果類例相從分為十段五對初有二光

顯示三寶二有四光令發大心上二即三

寶四弘對三有二光總圓福智四有二光

入理持法上即二嚴二持對五有六光六

度行圓六有七光四等救攝即六度四等

對七有一光總彰三學八有八光雜彰萬

行供養為先為三學萬行對九有六光令

六根內淨動與理會十有六光明六塵外  
 淨觸境皆道即根清境淨對今初二光中  
 前一顯現於中初句標名以近初標但云  
 所放不言又放次三句辨用後偈辨因中  
 示三寶令其正歸示正道令其正向上通  
 一體及別相三寶亦示佛塔令其正信義

兼住持

又放光明名照曜映蔽一切諸天光所有暗  
 障靡不除普為衆生作饒益

此光覺悟一切衆令執燈明供養佛以燈供  
 養諸佛故得成世中無上燈  
 然諸油燈及酥燈亦然種種諸明炬衆香妙  
 藥上寶燭以是供佛獲此光

後一光照耀用有七句一偈辨因並顯可

知

成五

二

又放光明名濟度此光能覺一切衆令其普  
 發大誓心度脫欲海諸群生

若能普發大誓心度脫欲海諸群生則能越  
 度四瀑流示導無憂解脫城

於諸行路大水處造立橋梁及船筏毀訾有  
 為讚寂靜是故得成此光明

第二四光令發大心中即四弘願也初一  
 令衆生無邊誓願度因中興有為而毀有  
 為

又放光明名滅愛此光能覺一切衆令其捨

離於五欲專思解脫妙法味

若能捨離於五欲專思解脫妙法味則能以  
 佛甘露雨普滅世間諸渴愛

惠施池井及泉流專求無上菩提道毀訾五  
 欲讚禪定是故得成此光明



二一光令煩惱無邊誓願斷因中興有爲而讚禪定上二皆事理兼修

又放光明名歡喜此光能覺一切衆令其愛慕佛菩提發心願證無師道

造立如來大悲像衆相莊嚴坐華座恒數最

勝諸功德是故得成此光明

三上欣佛果

又放光明名愛樂此光能覺一切衆令其心

樂於諸佛及以樂法樂衆僧

若常心樂於諸佛及以樂法樂衆僧則在如

來衆會中速成無上深法忍

開悟衆生無有量普使念佛法僧寶及示發

心功德行是故得成此光明

四愛樂三寶窮盡法門因中四弘之終故

總云及示發心功德

又放光明名福聚此光能覺一切衆令行種種無量施以此願求無上道

設大施會無遮限有來求者皆滿足不令其心有所乏是故得成此光明

又放光明名具智此光能覺一切衆令於一

法一念中悉解無量諸法門

爲諸衆生分別法及以決了真實義善說法

義無虧減是故得成此光明

第三有二光總圓福智智因中分別法相

決了真理無虧理事不減佛法故得一念

悉解多門

又放光明名慧燈此光能覺一切衆令知衆

生性空寂一切諸法無所有

演說諸法空無主如幻如焰水中月乃至猶

如夢影像是故得成此光明

又放光名法自在此光能覺一切衆令得無盡陀羅尼悉持一切諸佛法  
 恭敬供養持法者給侍守護諸賢聖以種種法施衆生是故得成此光明

第四二光入理持法初一慧入二空即義

持也後一具四總持於法自在後一具四總持者一

法持二義持三呪持四無生忍持七地廣說四持並具何不自在

又放光明名能捨此光覺悟慳衆生令知財

寶悉非常恒樂惠施心無著

慳心難調而能調解財如夢如浮雲增長惠

施清淨心是故得成此光明

又放光明名除熱此光能覺毀禁者普使受

持清淨戒發心願證無師道

勸引衆生受持戒十善業道悉清淨又令發

向菩提心是故得成此光明

又放光明名忍嚴此光覺悟瞋恚者令彼除瞋離我慢常樂忍辱柔和法

衆生暴惡難可忍爲菩提故心不動常樂稱揚忍功德是故得成此光明

又放光明名勇猛此光覺悟懶惰者令彼常

於三寶中恭敬供養無疲厭

若彼常於三寶中恭敬供養無疲厭則能超

出四魔境速成無上佛菩提

勸化衆生令進策常勤供養於三寶法欲滅

時專守護是故得成此光明

又放光明名寂靜此光能覺亂意者令其遠

離貪恚癡心不動搖而正定

捨離一切惡知識無義談說雜染行讚歎禪

定阿蘭若是故得成此光明

又放光明名慧嚴此光覺悟愚迷者令其證

諦解緣起諸根智慧悉通達

若能證諦解緣起諸根智慧悉通達則得日

燈三昧法智慧光明成佛果

國財及已皆能捨爲菩提故求正法聞已專

勤爲衆說是故得成此光明

第五六度光中戒因中云發大心者謂若

發二乘心則破淨戒大心尊善不在人天

勤策萬行慧爲上首各加一偈餘可思之

又放光明名佛慧此光覺悟諸含識令見無

量無邊佛各各坐寶蓮華上

讚佛威德及解脫說佛自在無有量顯示佛

力及神通是故得成此光明

第六有七光四等救攝中初一慈光與佛

慧真樂見無量佛此有二義一見事佛真

樂因故二見心佛一一心華有覺性故

又放光明名無畏五此光照觸恐怖者非人所

持諸毒害一切皆令疾除滅

能於衆生施無畏遇有惱害皆勸止拯濟厄

難孤窮者以是得成此光明

次三悲光拔苦初一厄難苦

又放光明名安隱此光能照疾病者令除一

切諸苦痛悉得正定三昧樂

施以良藥救衆患妙寶延命香塗體酥油乳

蜜充飲令以是得成此光明

次一疾病苦

又放光明名見佛此光覺悟將歿者令隨憶

念見如來命終得生其淨國

見有臨終勸念佛又示尊像令瞻敬俾於佛

所深歸仰是故得成此光明

後一死苦令見佛者一捨命不恐二惡道

不畏又要臨終勸者智論二十八云臨終少時能勝終身行力以猛利故如火如毒依西域法有欲捨命者令面向西於前安一立像亦面向西以幡頭挂像手指令病人手捉幡脚口稱佛名作隨佛往生淨土之意兼與燒香鳴磬助稱佛名若能行此非直亡者得生佛前抑亦終成見佛光也若神游大方去留無礙者置之言外不爾勉旃斯行

又放光明名樂法此光能覺一切衆令於正法常欣樂聽聞演說及書寫法欲盡時能演說令求法者意充滿於法愛樂勤修行是故得成此光明又放光明名妙音此光開悟諸菩薩能令三界所有聲聞者皆是如來音

以大音聲稱讚佛及施鈴鐸諸音樂普使世間聞佛音是故得成此光明

次二光令生法喜初則欣法聽說法喜已充終則觸境無非佛法成喜之極

又放光名施甘露此光開悟一切衆令捨一切放逸行具足修習諸功德

說有爲法非安隱無量苦惱悉充徧恒樂稱揚寂滅樂是故得成此光明

後一令成大捨捨除放逸衆惑之根

又放光明名最勝此光開悟一切衆令於佛所普聽聞戒定智慧增上法

常樂稱揚一切佛勝戒勝定殊勝慧如是爲求無上道是故得成此光明

第七一光總彰萬行三學攝盡故曰普聞又放光明名寶嚴此光能覺一切衆令得寶

藏無窮盡以此供養諸如來

以諸種種上妙寶奉施於佛及佛塔亦令惠

施諸貧乏是故得成此光明

又放光明名香嚴此光能覺一切衆令其聞

者悅可意決定當成佛功德

人天妙香以塗地供養一切最勝王亦以造

塔及佛像是故得成此光明

又放光名雜莊嚴寶幢幡蓋無央數焚香散

華奏衆樂城邑內外皆充滿

本以微妙妓樂音衆香妙華幢蓋等種種莊

嚴供養佛是故得成此光明

又放光明名嚴潔令地平坦猶如掌莊嚴佛

塔及其處是故得成此光明

又放光明名大雲能起香雲雨香水以水

塔及庭院是故得成此光雲

減五

八

第八八光雜明諸行供養爲先前五供敬

田

又放光明名嚴具令裸形者得上服嚴身妙

物而爲施是故得成此光明

又放光明名上味能令飢者獲美食種種珍

饌而爲施是故得成此光明

又放光明名大財令貧乏者獲寶藏以無盡

物施三寶是故得成此光明

後三施悲田

又放光名眼清淨能令盲者見衆色以燈施

佛及佛塔是故得成此光明

又放光名耳清淨能令聾者悉善聽鼓樂娛

佛及佛塔是故得成此光明

又放光名鼻清淨昔未聞香皆得聞以香施

佛及佛塔是故得成此光明

減五

九

又放光名舌清淨能以美音稱讚佛求除塵惡不善語是故得成此光明

又放光名身清淨諸根缺者令具足以身禮佛及佛塔是故得成此光明

又放光名意清淨令失心者得正念修行三昧悉自在是故得成此光明

第九六光內淨六根

又放光名色清淨令見難思諸佛色以衆妙色莊嚴塔是故得成此光明

又放光名聲清淨令知聲性本空寂觀聲緣起如谷響是故得成此光明

又放光名香清淨令諸臭穢悉香潔香水洗塔菩提樹是故得成此光明

又放光名味清淨能除一切味中毒恒供佛僧及父母是故得成此光明

又放光名觸清淨能令惡觸皆柔輒戈鋌劍戟從空雨皆令變作妙華鬘

以昔曾於道路中塗香散華布衣服迎送如來令蹈上是故今獲光如是

又放光名法清淨能令一切諸毛孔悉演妙法不思議衆生聽者咸欣悟

因緣所生無有生諸佛法身非是身法性常住如虛空以說其義光如是

第十六光外清六境文並可知戈者平頭戟也鋌者小矛也

或五

十

如是等比光明門如恒河沙無限數悉從大仙毛孔出一一作業各差別

第二如是等比下結略顯廣一毛之用光有塵沙

如一毛孔所放光無量無數如恒沙一切毛

孔悉亦然此是大仙三昧力

第三如一毛下類顯一切毛光業用及結用所依謂三昧力

如其本行所得光隨彼宿緣同行者今放光明故如是此是大仙智自在

第四如其下釋成分齊如是等光今何不  
見謂有緣者見如目覩光無緣不覺盲瞽  
常關於中分二初偈總明如其本行牒前  
往因所得光者牒前果用若有宿緣及曾  
同行者則隨其所見如是差別

往昔同修於福業及有愛樂能隨喜見其所  
作亦復然彼於此光咸得見  
若有自修眾福業供養諸佛無央數於佛功  
德常願求是此光明所開覺

後六偈別顯於中初二法說後四喻說前

咸五

士

中初偈宿緣宿有四緣一昔同業二愛其

咸五

士

行三能隨喜四但見所作後偈現因不必  
有緣但功行內著光明爰燭有三種因一  
修廣福二供多佛三求佛果即福智二嚴  
也上之七類皆蒙光照

譬如生盲不見日非為無日出世間諸有目  
者悉明見各隨所務修其業

大士光明亦如有智慧者皆悉見凡夫邪  
信劣解人於此光明莫能覩

二喻說中雙明見與不見二喻皆有法合

初日喻喻光為益因合中謂法日常明有  
智慧者心不住法如人有目則能得見有  
三類人則不能見一者凡愚二邪信外道  
三劣解二乘皆無因緣如人無目  
摩尼宮殿及輦乘妙寶靈香以塗蓋有福德

者自然備非無德者所能處

大士光明亦如是有深智者咸照觸邪信劣

解凡愚人無有能見此光明

後寶嚴喻喻光正益明法寶常存中福無

福有處不處

若有聞此光差別能生清淨深信解永斷一

切諸疑網速成無上功德幢

第五若有下一頌明聞信光益謂信仰解

了不生疑惑則成佛果不以不見疑菩薩

之無光不以極苦莫救謂光明之無益亦

不高推果用謂菩薩不能故云永斷諸疑

不以不見等者此下別釋絕疑之義絕於

三疑一以不見疑無光明二不救劇苦謂

光明無益經文以如盲不見日等雙釋二

疑三亦不高推果用下又遣一疑謂此作

用是佛果用 非十信故 八毛光照益三昧門竟

藏五

十三

方諸國土佛子眾會無倫匹

第九有勝三昧下六頌主伴嚴麗三昧門

亦是出現三昧文分三別初一標門顯意

有妙蓮華光莊嚴量等三千大千界其身端

坐悉充滿是此三昧神通力

復有十刹微塵數妙好蓮華所圍繞諸佛子

眾於中坐住此三昧威神力

宿世成就善因緣具足修行佛功德此等眾

生繞菩薩悉共合掌觀無厭

譬如明月在星中菩薩處眾亦復然大士所

行法如是入此三昧威神力

次四明一方業用於中前三法說後一喻

合既言量等三千則不壞次第劣於十地

及等覺也 既言量等者此亦遮其不信十

不壞次第謂十地菩薩受職有大蓮華量

等百萬三千大千世界十定品緯等覺菩



薩有一蓮華量度法界周法界唯  
大百萬億中但言三千故劣後一

如於一方所示現諸佛子眾共圍繞一切方

中悉如是住此三昧威神力

三一頌類顯十方 九主伴嚴麗三昧門

竟

有勝三昧名方網菩薩住此廣開示一切方

中普現身或現入定或從出

第十有勝三昧下三十四頌半明寂用無

涯三昧門約處名為方網約相是謂寂用

亦總顯上來動寂無二故文分為三初一

標名總辨十方交絡出入縱橫故名爲網

或於東方入正定而於西方從定出或於西

方入正定而於東方從定出

或於餘方入正定而於餘方從定出如是入

出徧十方是名菩薩三昧力

盡於東方諸國土所有如來無數量悉現其

前普親近住於三昧寂不動

而於西方諸世界一切諸佛如來所皆現從

於三昧起廣修無量諸供養

盡於西方諸國土所有如來無數量悉現其

前普親近住於三昧寂不動

而於東方諸世界一切諸佛如來所皆現從

於二昧起廣修無量諸供養

如是十方諸世界菩薩悉入無有餘或現三

昧寂不動或現恭敬供養佛

二或於下三十二頌半正顯業用三是名

下一頌總結難思就業用中分三初二頌

於十方處交絡出入明於器世間自在二

有五頌十方佛所入出無礙明於智正覺

世間自在三於眼根下二十五頌半通顯



大方廣佛華嚴經疏鈔會本第十五之二 滅六

唐于闐國三藏沙門實義難陀 譯

唐清涼山大華嚴寺沙門澄觀撰述

於眼根中入正定於色塵中從定出示現色  
性不思議一切天人莫能知

滅六

於色塵中入正定於眼起定心不亂說眼無

生無有起性空寂滅無所作

於耳根中入正定於聲塵中從定出分別一

切語言音諸天世人莫能知

於聲塵中入正定於耳起定心不亂說耳無

生無有起性空寂滅無所作

於鼻根中入正定於香塵中從定出普得一

切上妙香諸天世人莫能知

於香塵中入正定於鼻起定心不亂說鼻無

生無有起性空寂滅無所作

於舌根中入正定於味塵中從定出普得一

切諸上味諸天世人莫能知

於味塵中入正定於舌起定心不亂說舌無

生無有起性空寂滅無所作

於身根中入正定於觸塵中從定出善能分

別一切觸諸天世人莫能知

於觸塵中入正定於身起定心不亂說身無

生無有起性空寂滅無所作

於意根中入正定於法塵中從定出分別一

切諸法相諸天世人莫能知

於法塵中入正定從意起定心不亂說意無

生無有起性空寂滅無所作

二於眼下通顯於三世間自在文分爲四

一明根境相對以辨自在二童子下明於

他身自在三鬼神下微細自在四一切塵

下器界事中以辨自在今初十二頌六對

一一對中有十義五對無礙之相欲辨無

礙先須明識定慧此中云三昧起者觀也

入正受者定也定慧雖多不出二種一事

二理制之一處無事不辦事定門也能觀

心性契理不動理定門也明達法相事觀

也善了無生理觀也諸經論中或單說事

定或但明理定二觀亦然或敵體事理止

觀相對或以事觀對於理定如起信論止

一切相乃至心不可得為止而觀因緣生

滅為觀或以理觀對於事定下經云一心

不動入諸禪了境無生名般若是也或俱

通二如下云禪定持心常一緣智慧了境

同三昧是也或二俱泯非定非散或即觀

之定但名為定如觀心性名上定是也或

之定但名為定如觀心性名上定是也或

即定之觀但名為觀如以無分別智觀名

般若是也或說雙運謂即寂之照是也所

以局見之者隨囑一文互相非撥偏修之

者隨入一門皆有剋證然非圓暢今此經

文巧顯無疑制之一處者即遺教經文然

事放即是彼經八大人覺中第二明情進

初云汝等比丘已能住戒當制五根勿令

放逸乃至云此五根者心為其主是故汝

等當好制心心之可畏甚於毒蛇惡獸怨

賊大火越逸未足喻也喻如有人手執蜜

器動轉輕躁但觀於蜜不見深坑譬如狂

象無鈎猿猴得樹騰躍跳擲難可禁制當

急挫之無令放逸縱此心者喪人善事制

之一處無事不辦是故此比丘當勤精進折

伏汝心能觀心性等者上句即涅槃經意

彼第二十七師子吼品云以彼立三品定

故經云善男子一切眾生具三種定謂上

中下上者謂佛性也以是故言一切眾生

悉有佛性中者一切眾生具足初禪等下

者十大地中心數定也今但義引耳從契  
理不動即義說也觀其心性即是觀門而  
云定者心性為理觀即契理與理相應湛  
然不動故名為定明達法相事觀者如起  
信等善了無生者即七地經云云何修行止  
名般若是也如起信者論云云何修行止

觀門所言止者謂止一切境界之相隨順  
奢摩他觀義也所言觀者謂分別因緣生  
滅之相隨順毗鉢舍那觀義故云何隨順  
以此二義漸漸修習不相捨離雙現前故  
次論云若行若住若卧若起皆應止觀俱  
行所謂雖念諸法自性不生而復即念因  
緣和合善惡之業苦樂等報不失不壞雖  
念因緣善惡業報而亦即念性不可得釋  
曰此中先止不礙觀後觀不礙止皆止約  
入理觀約觀事第一經中已廣引文無辯  
大意以疏對論文相可知或以理觀者即  
七地得文然今經云於道不動即修禪忍  
受無生名般若蓋其義引小有不同禪定  
持心者即第三十三經彼具明十度云如  
其迴向行布施亦復堅持於禁戒精進長  
時無退怯忍辱柔和心不動禪定下同今  
此但取定言五對者第一對根境無礙謂  
慧文耳

境唯是一心緣起無二理性融通是故根  
觀根入定應從根出而從境出者為顯根

入境出耳境入根出亦然言五對者即為  
五別然其五對

皆約經文取文不同第一對取根境如初  
偈作上於眼根中對下於色塵中作義於  
中命三初明根入境出為顯下二出所以  
所以無礙者畧有三義一唯心現故二緣  
起相由故三法性融通故廣如玄中以是  
最初故具出所以多總畧二境入下即

創釋第二對理事二定無疑謂分別事相  
後偈應入事定而入理定欲觀性空應入理定  
而入事定以契即事之理而不動故入理  
即是入事制心即理之事而一緣故入事  
即是入理而經文但云入正定不言理事  
及乎出觀境中即云分別色相斯事觀也  
根中即云性空寂者即理觀也亦合將根  
事對於境理以辨無礙第二對者即於入  
正定中作義於中

文四一正明分別事相等者緣從色塵中  
出明知眼根中入是其理定欲觀性空等  
者緣於眼起等是理起明知於色塵中入  
是事入以契即事之理下一明所以唯約

事理無礙明所以於中又二先成上分別  
事相應入事定而入理定後制心即理之  
事下二成上欲觀性空應入理定而入事  
定而經文下三出二定得名所以顯上入  
正定所對之文由對觀故亦合將根事者  
四結例謂合有偈云於眼根中入正定於  
色起定心不亂了色無生無有起性空寂  
滅無所作於色塵中入正定於眼根中三  
昧起分別眼性不思第三對事理二觀無  
議諸大世人莫能知

礙謂欲分別事相應從事觀起而反從理觀起者以所觀之境既真俗雙融法界不

二故分別事智即是無生之智二觀唯是一

心故亦應將境事理對根事理以辨無礙

礙第三對者即約經文從定起對於後半以作義疏文有三初正明中疏文但作

初偈不作後偈若具應云欲了真理應從

是事則色塵中三昧起義當理觀也後偈

說眼無生無有起是理性則前眼根起定

心不亂義當事觀也亦應將境者三反例

此意稍隱先應問言上辨二定但云亦合

將根事對於境理今何雙言將境事理對

根理事故應答言以上二定不能自別要

因起觀方知事理如眼入定未知何定以

見塵上了色差別是其事觀欲令無礙故

說根定是其理定境入根起既了根性空

故說境中入於事定則經文中已辨根理

對於境事故但合例以將根事定對於境

理今此二觀不應定別根上境上各有二

觀謂根入定即於境上從事觀起而分別

事於色入定即於根上從事觀起分別於

理經文已有此二未於境上從事觀起分

別於理及與根上從理觀起分別於事若

作偈者應云於眼根中入正定於色塵中

事觀起說色無生無有起性空寂滅無所

作及於色塵中入正定於眼根中理觀起  
分別一切上妙眼諸天世人莫能知斯則  
境上事起觀理以對根上理起觀事故云  
亦應以境事理對根理事以辨無礙也

第四對出入無礙以起定即是入定故起  
定而心不亂若以事理相望應成四句謂  
事入事起事入理起等若以根境相望又

成四句謂根事入境事起等一一思之皆  
有所由第四對者即於經入正定對從定起言及起定不亂作義若以事理

相望下句數料揀事理四句但出其二等  
取餘二謂三理入事起四理入理起上且

單說有其四句若單復相望應成九句於  
前四上更加五句謂事入事理起理入事

理起故為九句又成四句者即根境出入  
成四但舉其一若具應云二境事入根事  
起三根理入境理起四境理入境起若  
更交絡乃成十句謂根事入境起境事

入根理起境事理起境事理起四句故但云四  
耳 第五對二利體用無礙謂於眼根起定  
心不亂是體也自利也而不礙現於廣境

是用也人天不能知利他也良以體用無

二故自利即是利他第五對者此有兩重

二利無礙下雙牒釋言心不亂是體用無礙二  
用根起三句以對境起中後二句作義則  
根起三句為體亦為自利謂於眼起定心  
不亂說眼無生無有起性空寂滅無所作  
而言不礙現於廣境者即取前示現色性  
不思議諸天世人莫能知為廣境亦全用

此二句為利他良以下以體用無礙釋二  
利無礙然上疏但約眼色根境以為體例  
後五根此上十義同為一聚法界緣起相  
境可知

即自在菩薩善達作用無礙思之思之又

經且約根境相對亦應境境相對謂色塵

入正受聲香三昧起等此如下童子身中

入正定等中明復應根根相對謂眼根入

正受耳根三昧起等一塵入正受多根三

昧起等並略不說又經且約根境下例顯

他身自在中攝故此不明根根相對等但  
畧無耳例亦合有若具說者應云於眼根  
中入正定於耳根中從定起示現耳性不  
思議諸天世人莫能知於耳根中入正定

六

六

從眼起定心不亂說眼無生無有起性空  
寂滅無所作等成六根互用一塵入正受  
等者亦畧無耳若其應云於色塵中入正  
定於六根中從定起示現六根不亂諸  
天世人莫能知於六根中入正定於色起  
定心不亂說色無生無有起性空寂滅無  
所作等復應有一根入多塵起故云等也  
等字等於兩重一等多根入一塵起二  
一入多塵起若具應云於眼根中入正  
定於六塵中三昧起分別六境不亂諸  
天世人莫能知於六境中入正定於眼根  
起心不亂說眼無生無有起性空寂滅無  
所作餘根對塵亦上來無礙深妙難思始  
然故云並畧不說

學之流如何趣入今當總結但能知事理  
無礙根境一如念慮不生自當趣入上來  
下第四總示入門先問後今當下正示知  
事理無礙根境亦如總觀也念慮不生總  
正也即禪 又向云色性難思等即色等總  
門大意 持是色陀羅尼自在佛等亦應云分別眼  
性難思有眼陀羅尼自在佛等又眼中云  
性空寂滅即眼之度門眼等本淨亦應云  
色等度門色等本淨不唯取相為染無心

為淨而已也又有智論三觀束之分別色相等是假名觀也性空寂滅是空觀也此二不二色性難思中道觀也三無前後皆是一心對此三觀應辨三止謂方便隨緣止體真止離二邊分別止既止觀雙運亦

名一心三止也即一而三即三而一雙照

三一雙遮三一是一無礙也一一釋文準思

可見又向云下第五彰其舍攝於中又二

其舍攝並稱總持等會佛名經然十二入約

羅蜜約其性本清淨皆解脫門約其覺性

圓明並得稱佛故佛名經云眼陀羅尼自

在佛乃至意陀羅尼自在佛色陀羅尼自

在佛乃至法陀羅尼自在佛等不唯取相

為染等者結彈北宗禪門但得一分之義

謂彼云眼見色意同知染法界意不同知

淨法界不同知即眼陀羅尼自在佛眼總

持度門等今謂亦是一義但得不起心之

一義耳不同上來十重五對無礙自在等

又有智論下第二以三觀會智論於中有

三初明三觀先明次第三觀後三無前後

即一心三觀言此二不二色性難思中道

觀也此有二種中道一但合上二以為中

道此之中道大乘初門二色性難思即佛性中道斯為圓妙欲辨包含故雙出耳對此三觀下辨三止一方便隨緣止即假觀家止謂方便涉有隨一緣住一境故二體真止即空觀家止體達真理與理真故三離二邊分別止即中道家止不取有無等二相也以上對經文之次故以假觀為初今對上觀亦以方便居首若智論先空次假後中義如前辨既止觀雙運下雙結上二於中又二先結止觀諸處多明一

心三觀既有雙運則亦合言一心三止若具亦可言一心三止觀也即一而三下二結三一通於止觀即一而三體隨相用故然雙遮三一互奪雙泯謂即體同用故非一即用同體故非三一釋者今將三觀以對經文三止遮照等亦然謂色相難思是假觀眼定即是體真止色性難思是中觀觀色定即是離二邊分別止以色性有二義若根即是離二邊分別止以色性有二義若

以變礙為性即假觀攝若以真實難思為性即中道攝二觀皆用雙運即是根境對辨二俱宛然即是雙照二俱無礙互奪雙亡即是雙遮此是菩薩圓融功德而自莊嚴觸目對境常所行用希心玄趣幸願留神童子身中入正定壯年身中從定出壯年身



中入正定摩尼樹上從定出

摩尼樹上入正定佛光明中從定出佛光明

中入正定於河海中從定出

於河海中入正定於火大中從定出於火大

中入正定於風起定心不亂

於風大中入正定於地大中從定出於地大

中入正定於天宮殿從定出於天宮殿入正

定於空起定心不亂

四一切塵下四頌半器界事中周徧入出

然菩薩身普徧略有四位一普徧一切十

方刹海二徧彼刹內樹等物中三徧一切

塵毛等中皆圓徧非分徧是故皆全身顯

現四以是法界身故不異不分恒在此常

在彼無有前後

是名無量功德者三昧自在難思議十方一

薩以衆生身作自身如下十身相作等是

故於彼身入此身出而彼不覺知唯應度

者知得度也

鬼神身中入正定一毛孔中從定出一毛孔

中入正定一切毛孔從定出

一切毛孔入正定一毛端頭從定出一毛端

頭入正定一微塵中從定出一微塵中入正

定一切塵中從定出

三鬼神下二頌半微細自在謂毛孔約正

報即佛及衆生毛頭約空處微塵是色相

多約器界並身在中入定出定爲顯三昧

純熟隱顯自在故亦通觀彼入出定等即

於境無礙也若唯約身在彼下十定中亦

云無生法中入起安有處耶

一切塵中入正定金剛地中從定出金剛地

中入正定摩尼樹上從定出

摩尼樹上入正定佛光明中從定出佛光明

中入正定於河海中從定出

於河海中入正定於火大中從定出於火大

中入正定於風起定心不亂

於風大中入正定於地大中從定出於地大

中入正定於天宮殿從定出於天宮殿入正

定於空起定心不亂

四一切塵下四頌半器界事中周徧入出

然菩薩身普徧略有四位一普徧一切十

方刹海二徧彼刹內樹等物中三徧一切

塵毛等中皆圓徧非分徧是故皆全身顯

現四以是法界身故不異不分恒在此常

在彼無有前後

是名無量功德者三昧自在難思議十方一

切諸如來於無量劫說不盡

第三是名下一頌總結初句以德命人次

句依人顯德後半明說不盡近結第十定

用無盡遠結前十定用無盡以是無盡之

法門故 十寂用無涯三昧門竟

一切如來咸共說衆生業報難思議諸龍變

化佛自在菩薩神力亦難思

欲以譬喻而顯示終無有喻能喻此

第五一切下喻況玄旨分亦名舉劣顯勝

分以上所說普賢行德窮于佛境蓋是信

藏六

十

滿之位既越常規乖於視聽滯情封教取

信無由故舉斯近事以鏡玄趣令開悟也

七十九頌分爲三段初二總標喻意二七

十六頌別顯喻相三一頌結說顯德今初

先一偈半明非喻能喻後半偈借喻通玄

今初舉四難思意在菩薩神力瑜伽決擇分有六種不可思議謂一者我二有情三世間四有情業果五諸修靜慮者靜慮境界六諸佛世尊諸佛境界今眾生舍其前三加龍變化所以有四菩薩神力即靜慮者境界舊經梵本皆云禪定力用故然眾生業報四因難思謂處所差別故事差別故因差別故異熟果差別故諸龍變化不起心念六天四洲雲雨不同等故難思也佛自在者有五難思謂真如甚深故自在

轉故無漏界證得故無障礙故成立有情所作事故菩薩神力由三種相除佛後二以今經文分同佛五以皆超言念故無可同喻今眾生等者以業報二字是第四故則初一舍四菩薩神力等者以無障礙約二障盡故成立有情未周徧故

減六

十一

然諸智慧聰達人因於譬故解其義

後半中然取分喻以小喻大令聞喻者忘

象領意故褒以智者然取分喻者由上云無可同喻今何喻耶

故云分喻無可喻者下經云三界有無一切法不能與佛為譬喻言分喻者喻有八

種一順二逆三現四非五先六後七者先

後八者徧喻如涅槃說前文已引則有徧

喻今對徧喻但取少分如言佛面猶如滿

月但取圓滿無缺義故今喻亦然以小喻

大者若易中射隼于高墉以况天下等其

事甚多今聞喻等者易畧例云夫象者出

意者也言者明象者也盡意真若象盡象

莫若言言生於象故可尋言以觀象象生

於意故可尋象以觀意意以象盡象以言

著言者所以明象得象而忘言象者所以

存意得意而忘象猶象者所以在兔得兔

而忘兔筌者所以在魚得魚而忘筌也然

則言者象之筌也象者意之筌也是故存

言者非得意者也存象者非得意者也象

生於意而存象焉則所存者非其象也

言生於象而存言焉則所存者非其言

也然則忘象者乃得意者也忘言者乃得

象者也得意在忘象得意在忘言故立象

以盡意而象可忘也盡言以盡情而盡可

忘也是故觸類可忘也其象合義可為其徵

今疏用此文故令忘象領意謂如水現四

兵是喻是象但知菩薩無心頓現則水印

可忘矣諸命皆然若能忘象得意斯為智者執象失意乃成愚滯故法華云諸有智者以譬喻得解

聲聞心住八解脫所有變現皆自在能以一身現多身復以多身為一身

於虛空中入火定行住坐卧悉在空身上出

水身下火身上出火身下水

如是皆於一念中種種自在無邊量彼不具足大慈悲不為衆生求佛道尚能現此難思事況大饒益自在力

二聲聞下別辨中略顯二十種大喻以況

菩薩之德初有三頌半明聲聞現通喻況

菩薩自在益生德先明喻末偈舉劣顯勝

不為衆生無大悲也不求菩提無大智也

大饒益者具悲智也

譬如日月遊虛空影像普徧於十方泉池陂

澤器中水衆寶河海靡不現

菩薩色像亦復然十方普現不思議此皆三

昧自在法唯有如來能證了

二有二偈日月現影喻況菩薩普應羣機

德

如淨水中四兵像各各別異無交雜劔戟弧

矢類甚多鎧冑車輿非一種

隨其所有相差別莫不皆於水中現而水本

自無分別菩薩三昧亦如是

三有二頌水現四兵喻菩薩海印現像

漢六

十一

德

海中有神名善音其音普順海衆生所有語

言皆辯了令彼一切悉歡悅

彼神具有貪惠癡猶能善解一切音況復總

持自在力而不能令衆歡喜

四有二頌善音巧辨喻喻菩薩總持巧說德

有一婦人名辯才父母求天而得生若有離惡樂真實入彼身中生妙辯

彼有貪欲瞋恚癡猶能隨行與辯才何況菩

薩具智慧而不能與眾生益

減六

十三

五二頌女授辯才喻喻授法益生德

譬如幻師知幻法能現種種無量事須臾示

作日月歲城邑豐饒大安樂

幻師具有貪恚癡猶能幻力悅世間況復禪

定解脫力而不能令眾歡喜

六譬如幻師下二頌幻師巧術喻喻不思

議解脫德

天阿修羅鬪戰時修羅敗而退走兵仗車

輿及徒旅一時竄匿莫得見

彼有貪欲瞋恚癡尚能變化不思議況住神通無畏法云何不能現自在

七二頌修羅隱形喻喻勝通隱顯德

釋提桓因有象王彼知天主欲行時自化作

頭三十二一一六牙皆具足

一一牙上七池水清淨香潔湛然滿一一清

淨池水中各七蓮華妙嚴飾

彼諸嚴飾蓮華上各各有七天主女悉善技

藝奏眾樂而與帝釋相娛樂

彼象或復捨本形自化其身同諸天威儀進

止悉齊等有此變現神通力

彼有貪欲瞋恚癡尚能現此諸神通何況具

足方便智而於諸定不自在

八五頌象王隨變喻喻定用自在德

如阿修羅變化身踏金剛際海中立海水至

深僅其半首共須彌正齊等

彼有貪欲瞋恚癡尚能現此大神通況伏魔  
怨照世燈而無自在威神力

九二頌修羅大身喻喻法界身雲德同於  
上文主伴嚴麗

天阿修羅共戰時帝釋神力難思議隨阿修  
羅軍衆數現身等彼而與敵

諸阿修羅發是念釋提桓因來向我必取我  
身五種縛由是彼衆悉憂悴

帝釋現身有千眼手持金剛出火焰被甲持  
仗極威嚴修羅望見咸退伏

彼以微小福德力猶能摧破大怨敵何況救  
度一切者具足功德不自在

十有四頌帝釋破怨喻降伏衆魔德

切利天中有天鼓從天業報而生得知諸天

減六

十四

衆放逸時空中自然出此音

一切五欲悉無常如水聚沫性虛偽諸有如  
夢如陽焰亦如浮雲水中月

放逸爲怨爲苦惱非甘露道生死徑若有作  
諸放逸行入於死滅大魚口

世間所有衆苦本一切聖人皆厭患五欲功  
德滅壞性汝應愛樂真實法

三十三天聞此音悉共來升善法堂帝釋爲  
說微妙法咸令順寂除貪愛

彼音無形不可見猶能利益諸天衆況隨心

樂現色身而不濟度諸羣生

減六

十五

十一切利天下六頌天鼓說法喻況菩薩  
以無功用現身說法德

天阿修羅共鬪時諸天福德殊勝力天鼓出

音告其衆汝等宜應勿憂怖

諸天聞此所告音悉除憂畏增益力時阿修  
羅心震懼所將兵衆咸退走  
甘露妙定如天鼓恒出降魔寂靜音大悲哀  
愍救一切普使衆生滅煩惱  
十二有三頌天鼓安慰喻況菩薩慈音除

惱德

帝釋普應諸天女九十有二那由他令彼各  
各心自謂天王獨與我娛樂  
如天女中身普應善法堂內亦如是能於一  
念現神通悉至其前爲說法  
帝釋具有貪恚癡能令眷屬悉歡喜況大方  
便神通力而不能令一切悅  
十三有三頌天王普應喻喻普應悅機德  
他化自在六天王於欲界中得自在以業惑  
苦爲罣網繫縛一切諸凡夫

彼有貪欲瞋恚癡猶於衆生得自在況具十  
種自在力而不能令衆同行

十四二頌魔繫愚夫喻喻攝生同行德  
三千世界大梵王一切梵天所住處悉能現  
身於彼坐演暢微妙梵音聲

彼住世間梵道中禪定神通尚如意況出世  
間無有上於禪解脫不自在

十五二頌梵王殊現喻況菩薩解脫自在  
德

摩醯首羅智自在大海龍王降雨時悉能分  
別數其滴於一念中皆辯了

無量億劫勤修學得是無上菩提智云何不  
於一念中普知一切衆生心

十六魔醯下二頌自在數滴喻況菩薩一  
念普知德

衆生業報不思議以大風力起世間巨海諸

山天宮殿衆寶光明萬物種

亦能興雲降大雨亦能散滅諸雲氣亦能成

熟一切穀亦能安樂諸羣生

風不能學波羅蜜亦不學佛諸功德猶成不

可思議事何況具足諸願者

十七三頌大風成事喻喻大願宿成德

男子女人種種聲一切鳥獸諸音聲大海川

流雷震聲皆能稱悅衆生意

況復知聲性如響速得無礙妙辯才普應衆

生而說法而不能令世間喜

十八二頌衆聲悅意喻喻四辯悅機德

海有希奇殊特法能爲一切平等印衆生寶

物及川流普悉包容無所拒

無盡禪定解脫者爲平等印亦如是福德智

減六

十七

慧諸妙行一切普修無厭足

十九二頌大海包含喻喻禪慧普修德

大海龍王遊戲時普於諸處得自在

二十大海龍王下二十四頌半龍王遊戲

喻喻菩薩遊戲神變德文分爲二初二十

二頌半明龍王大用不同後二頌正明舉

劣顯勝前中初半偈總標

與雲充徧四天下其雲種種莊嚴色

第六他化自在天於彼雲色如真金化樂天

上赤珠色兜率陀天霜雪色

夜摩天上瑠璃色三十三天碼碯色四王天

上玻瓈色大海水上金剛色

緊那羅中妙香色諸龍住處蓮華色夜叉住

處白鵝色阿修羅中山石色

鬱單越處金焰色閻浮提中青寶色餘二天



下雜莊嚴隨眾所樂而應之

餘頌別顯於中四初四偈半雲色不同喻

菩薩身雲各異

又復他化自在天雲中電曜如日光化樂天

上如月光兜率天上閻浮金

夜摩天上珂雪色三十三天金焰色四五天

上衆寶色大海之中赤珠色

緊那羅界瑠璃色龍王住處寶藏色夜叉所

住玻瓈色阿修羅中碼碯色

鬱單越境火珠色閻浮提中帝青色餘二天

下雜莊嚴如雲色相電亦然

次有四頌電光差別喻菩薩光明等殊第

三偈云寶藏色者梵云室利揭娑此云勝

藏勝藏即寶名也閻浮提中帝青色者梵

云天帝火焰摩尼色亦珠寶名也

他化雷震如梵音化樂天中大鼓音兜率天

上歌唱音夜摩天上天女音

於彼三十三天上如緊那羅種種音護世四

王諸天所如乾闥婆所出音

海中兩山相擊聲緊那羅中簫笛聲諸龍城

中頰伽聲夜叉住處龍女聲

阿修羅中天鼓聲於人道中海潮聲

三有三頌半雷聲不等喻菩薩三昧多種

他化自在雨妙香種種雜華為莊嚴化樂天

雨多羅華曼陀羅華及澤香

兜率天上雨摩尼具足種種寶莊嚴髻中寶

珠如月光上妙衣服真金色

夜摩中雨幢幡蓋華鬘塗香妙嚴具赤真珠

色上妙衣及以種種衆妓樂

三十三天如意珠堅黑沉水栴檀香鬱金雜

羅多摩等妙華香水相雜雨

護世城中雨美饍色香味具增長力亦雨難

思眾妙寶悉是龍王之所作

又復於彼大海中淫雨不斷如車軸復雨無

盡大寶藏亦雨種種莊嚴寶

滅六

緊那羅界雨瓔珞眾色蓮華衣及寶婆利師

十九

迦末利香種種樂音皆具足

諸龍城中雨赤珠夜叉城內光摩尼阿修羅

中雨兵仗摧伏一切諸怨敵

鬱單越中雨瓔珞亦雨無量上妙華弗婆瞿

耶二天下悉雨種種莊嚴具

閻浮提雨清淨水微細悅澤常應時長養眾

華及果藥成熟一切諸苗稼

四有十頌所雨不一喻菩薩說法多門言

曼陀羅者此云悅意澤香即塗香也雞羅

多摩者雞羅此云華藥多摩此云天上華

謂此香是天華藥所作故也婆利師迦者

此云雨時生華末利香即華名其色猶黃

金

如是無量妙莊嚴種種雲電及雷雨龍王自

在悉能作而身不動無分別

彼於世界海中住尚能現此難思力況入法

海具功德而不能為大神變

第二如是無量下二頌正舉劣顯勝謂娑

竭羅龍於六欲天等總十五處現斯作用

而身不動捏心無分別但由業報之力現

斯自在菩薩亦爾住無功用不動不思於

十方界應現多種亦以菩薩功德之力隨

機現殊此就喻意顯勝可知

彼諸菩薩解脫門一切譬喻無能顯我今以

此諸譬喻略說於其自在力

第三彼諸一頌結說難思前半非喻能喻後半結上略說引諸喻者略有二意一顯菩薩自在不同二貴令眾生起信且江南之人不信千人毳帳河北之者多疑萬斛

之舟皆耳目不暨故耳所以或舉目擊或

據具縛之人自在若斯菩薩之用固當無

惑今猶疑者豈不傷哉且江南之人者即顏之推家訓罪心

篇中之語也

第一智慧廣大慧真實智慧無邊慧勝慧及

以殊勝慧如是法門今已說

大文第三第一智慧下九頌校量勸持分

此廣大用人皆有分見而不習誠為自欺

故中人可勸而進也於中分二初一頌結

前所說略就六慧結之第一者上無加故

減六

二十

二廣大者語其分量超二乘故三真實者明其體性內證無虛故四無邊者有二義一量智普知故二離種種二邊故即中道慧也五勝者超地位故六殊勝者同普賢故

此法希有甚奇特若人聞已能忍可能信能受能讚說如是所作甚為難

二此法下八頌明信受難得於中初一總

顯餘七別明前中希有者佛出懸遠已難

可遇唯初成頓說故希有也奇謂初能具

減六

于二

後特謂迥出諸乘此句讚也下文勸耳聞

謂遇經忍可謂信因信則心淨受謂領文

領義讚乃通言通筆說唯約言上皆所作

總說皆難

世間一切諸凡夫信是法者甚難得若有勤

修清淨福以昔因力乃能信

後別明中三初二偈半明難信次半偈況出餘行後四偈舉事校量前中初一偈明人天之器信為甚難若爾今或能信何耶由二力故一現修淨福稱所求故二昔因

聞熏今發種故今不信者願少聽聞為毒

塗鼓終成堅種

為毒塗鼓者即淫繫第九如來性品云復次善男子

譬如有人以雜毒藥用塗大鼓於衆人中擊之發聲雖無心欲聞聞之皆死唯除一人不橫死者鼓合涅槃死喻滅惑不橫死者喻一闍提終成堅種者即出現品如上引頻

一切世界諸羣生少有欲求聲聞乘求獨覺

者轉復少趣大乘者甚難遇

趣大乘者猶為易能信此法倍更難

後一偈半舉三乘之信展轉難得況於一

乘明文昭然權實有據

況復持誦為人說如法修行真實解

第二半偈況出餘行中信忍尚難況具餘行難中之難也真實解者亦有說行而不信圓融之旨非真實解也願諸學者善擇知見

有以三千大千界頂戴一劫身不動彼之所

作未為難信是法者乃為難

有以手擎十佛刹盡於一劫空中住彼之所

作未為難能信此法乃為難

十刹塵數衆生所悉施樂具經一劫彼之福

德未為勝信此法者為最勝

第三四頌舉事校量初三校量難信初二

舉二難以況信難後一舉福勝以彰信勝

十刹塵數如來所悉皆承事盡一劫若於此

品能誦持其福最勝過於彼

後一校量餘行之難唯明誦持餘略不說  
亦顯修行真解非可校量也此之四事後  
後過於前前巧辯深勝

時賢首菩薩說此偈已十方世界六反震動  
魔宮隱蔽惡道休息十方諸佛普現其前各

以右手而摩其頂同聲讚言善哉善哉快說  
此法我等一切悉皆隨喜

大段第三時賢首下顯實證成分於中有

四一動世界大機發故二蔽魔宮唯佛境

故三息惡道利樂深故四佛現證契佛心

故於中摩頂讚善隨喜即三業皆證勸物

信行第二會竟

大方廣佛華嚴經疏鈔會本第十五之二

減六

二三

音釋

曠 未欲切 視 孤 弓也 胡 劔 女六切 竄 匿 竄 七  
也 甚也 切 竄 匿 切 僅 渠 遠 切 悴 蔡 醉 切 胃 古  
謂 藏 竄 隱 匿 也 躁 則 到 切 挫 祖 悴 也 切 褒 博  
切 網 霍 之 戍 切 蹀 輕 疾 也 挫 祖 悴 也 切 褒 博  
也 揚 霍 諸 延 切 蹀 輕 疾 也 挫 祖 悴 也 切 褒 博  
美 也 揚 霍 諸 延 切 蹀 輕 疾 也 挫 祖 悴 也 切 褒 博

壙 以中切音 容城也

大方廣佛華嚴經疏鈔會本第十六之一 滅七

唐于闐國三藏沙門實叉難陀 譯

唐清涼山大華嚴寺沙門澄觀撰述

升須彌山頂品第十三

初來意者先辨會來前信此解義次第故

又答十住問總有二段前信是住之方便

此明正位故次來也二品來前品說信究

竟此品趣後說住故次來也前信此解者即疏本意以

信會答第二會初所脫信問故次住有二段即古德意二釋名亦先

辨會名約處名切利天會約人名法慧菩

薩會約法名十住會皆依主釋二品名須

彌正云蘇迷盧此云妙高如來以自在力

不起覺樹應機現彼故云升也

表位漸增不處人間顯位清淨故居天也

若天表淨何獨妙高妙有十義如於法故

一者體妙謂四寶所成二者相妙謂八方

四級三者色妙謂四正色土金東銀南吠

瑠璃西頗胝迦一切草木鳥獸等物隨所

至處則同其色自常不變四者德妙謂八

方猛風不能令動五眷屬妙謂七金山七

重圍繞及七香海海印旋流六依持妙唯

天依住得通者居七作業妙不離本處而

鎮四洲映蔽日月而成晝夜八生果妙謂

波利質多能益天眾九為首妙於四洲地

最在先成十堅固妙於輪圍中最在後壞

高者高八萬四千由旬入水亦爾下據金

剛上隣空界頂上縱廣量亦如之獨出九

山故稱高也謂七金山者俱舍世間品偈云蘇迷盧處中蘇即妙也迷

盧高也次踰健達羅此云持雙以山頂有二道春山能持此故以為名也但沙駄羅

山此云持軸山峯上聳猶如車軸山頂持

故場地洛迦山俱舍疏云此即西方樹名

大疏但依狀翻不出其名須疏云此方亦  
 有名捨水山山上實樹形似彼故蘇達梨  
 舍那此云尋見有稱善領濕縛鷄等此  
 云馬耳山形似彼故毗那但迦山此云象  
 鼻山形似故尼民達羅山俱舍疏云此云  
 其魚背尖山形似故華嚴音義釋云此云  
 持邊山於大洲等外有鐵輪圍山前七全  
 所成蘇迷盧四寶入水皆八萬妙高出亦  
 然餘八半半減度皆等量釋曰上來所  
 引正證七金餘因便來下疏方要及土香  
 海者俱舍頌云山間有八海前七名為內  
 最初廣八萬四邊各三倍餘六半半狹第  
 八名為外三洛又二萬二千踰躡那釋曰  
 前七名內七金內故第八名外七金外故  
 外在鐵圍之內亦名山間最初八萬即持  
 雙之內海也七金內海皆八功德水故云  
 香水旋流外海鐵圍因便故來唯天依住  
 者俱舍頌云妙高層有四相去各十千傍  
 出十六千八四二千蓋堅手及持髮恒攝  
 天王衆如次居四級亦住餘七山釋曰謂  
 始從水際盡第一層相去十千傍出十六  
 千上三層級向上相去數同傍出漸減一  
 半第二層八千三即四千四即二千向上  
 漸狹此四層級直上方盡妙高下半四萬  
 踰躡那第一級有藥叉神王管故云唯天依  
 第四是四天王餘皆四王管故云唯天依  
 住妙高頂八方復三十三天居故皆天住  
 謂波利者波利此云偏也亦曰周而質多  
 羅此云間錯莊嚴謂此樹衆雜色華周而  
 莊嚴或云圓妙莊嚴即俱舍園生樹也故  
 減七

俱舍云東北園生樹西南善法堂論釋云  
 其園生樹樂根深廣五十踰躡那聲於上  
 升枝條傍布高廣量等百踰躡那聲於上  
 華妙香芬馥順風熏滿百踰躡那聲於上  
 遊樂之所餘文可知 十住之行亦復如  
 是聞思修解而為妙體四德八聖以為妙  
 相四辯為色令物解同雖同眾音自智不  
 變八法不動而為妙德七支奉戒金山圍  
 繞七識流轉而為海印第一義天依持而  
 住可以神會非情能升不離本處徧應十  
 方映蔽佛日及菩薩月而成涅槃生死晝  
 夜生教行果而為妙樹世界初成菩薩先  
 出為眾生理種種資具世界將壞菩薩後  
 沒為說上定令免三災高者具成八萬四  
 千諸度法門自在障外為眾生成入生死  
 海亦具八萬四千諸度法門據金剛性隣  
 勝義空又智入佛慧必窮其底德超方便  
 減七

迥出羣峰

為顯十住功德妙高是故須升妙高山頂  
四王處半旁而非正表住不退異信輕毛  
故越彼天居妙高頂善財童子於妙峰山  
頂見德雲者亦表斯位彌顯有由

四王處半下通

伏難謂有難言若以妙高為表四三亦然處妙高後為次第何不處此故為此通

上所釋皆圖教意故下發心品云應知此人即與三世諸佛同等與三世佛功德平等得如來一身無量身纔發心時即為十方一切諸佛共所稱歎不可同於方便教說若約觀心妙高者謂三昧須彌寂然不動無思無心不收不攝任性而定稱本心地入佛智海湛然不遠是妙法樂觸境自在合本性淨是四德寶而自莊嚴斯則本覺如來升法須彌之頂

三宗趣者先約會以十住行德為宗攝位德果為趣二品以嚴處請佛赴感為宗根緣契合說法為趣

爾時如來威神力故十方一切世界一一四天下閻浮提中悉見如來坐於村下各有菩

薩承佛神力而演說法靡不自謂恒對於佛

四釋文者此會六品分為二分初二品方便發起後四品當會正說前中初之一品唯是由致偈讚一品義有兩兼一是方便謂前品化主赴機後品助化讚佛主伴圓

備方演法故二是所依謂三天說法各有偈讚欲顯三賢皆依佛智有差別故離如來智無自體故獨為方便甚抑讚詞行向二會同此科判偈讚一品者前是古意後是新意可知今初一品長分十段一本會齊現二不離齊升



三各見佛來四各嚴殿座五皆來請佛六

俱時入殿七樂音並止八各念昔因九同

讚如來十殿皆廣博嚴淨也十段科中皆有皆俱齊等

言者以約結通周法界故言爾時者即前二會時主伴

齊徧演前二會之法也今此明徧即十番

說處中第一重也何須舉此欲明前會不

散成後會故後必帶前合成法界無礙會

故一一諸會無休息故後後諸會皆同時

故若散前會即無後故所以唯約覺樹會

者此為本故得佛處故理實第二亦同此

徧若同時徧何有九會前後若有前後何

名同時應云即用之體同時頓徧即體之

用不壞前後猶如印文今此明徧者即第一疏說經緣中初

此閻浮是也所以唯約覺樹下通妨難此

通二難一有難云既不散前應舉二會何以唯言不起覺樹故此通云初會為本又

第二會近切會故二若同時下復通一妨

文中先難後應云下通釋可知

爾時世尊不離一切菩提樹下而上升須彌

向帝釋殿

第二爾時下明不離覺樹各升釋天問動

靜相違去住懸隔既云不離何得言升古

有多釋一云本釋迦身不起道樹別起應

化以升天上一云不起是報升天是化一

云不起是化身升天是化用並非文意以

此文中俱是毗盧遮那十身雲故古有多釋下次

序昔順違皆有五義而文三節初併序三師二序第四三序第五以初三師並約三

身義類大同欲併破故先序於昔並非文意下二辨違通有二違一違現文去住皆

是遮那佛故二違經宗十身非三一云以

去即非去故名不起非去即去是以升天

如不來相而來等若爾但是升相離故非

是樹下別有不起之身故不可也一云以去者二

序第四師以不來三身但此一身體性相  
 故即是事理無礙宗中之意不違本體不  
 順今文如不來相下即是古人引例證成  
 此是淨名經問疾品中淨名之言經云時  
 維摩詰謂文殊師利言善來文殊師利不  
 來相而來不見相而見文殊師利言如是  
 居士若來已更不來若去已更不去所以  
 者何來者無所從來去者無所至所可見  
 者更不可見今但引淨名之言餘畧不引  
 故公釋云文殊心棲實相形貫法身內外  
 真寂都無來相都無來相能以之來此用  
 心真至理體絕去來應物隨緣不壞來去  
 而下文殊答者即得意相領印成其言則  
 以三時門領其不來相而來以合不合門  
 成其不見相而見前中三時畧舉其一以  
 相顯故言三時者即中論去來品偈云已  
 去無有去未去亦無去去時亦無去去  
 則云已來無有來未來亦無來來時亦無  
 來請已來已滅不可言求未來未有何得  
 言來來時不住已亦分之故亦無來無去  
 亦然故下經云若過去生過去生已滅若  
 未來生未來生未至若現在生現在生無  
 住而淨名所見文殊自卷圍而來卷圍衆  
 會謂文殊為去故文殊言非唯居士見我  
 不來而來從卷圍見我為去我亦不去而  
 去也所以者何下文殊自欲釋上義謂若  
 先有法從彼而來既非先有緣會而來故  
 於三時無有來矣無去亦然來必有從去  
 必有至故三句釋別又有來去不出三時  
 今三時無來故無所從三時無去故無所

至言所可見者更不可見者即以合不合  
 門成上不見相而見謂見必有三謂能見  
 所見及以見者方成於見所見因於二成  
 故無所見所見無故餘二寧有故中論云  
 見及所見者是三各異方如是三法異終  
 無有合時異法不可合非異無可合又論  
 云見不能見非見亦不見若已破於見  
 則為破見者故正見時即無見矣若爾但  
 是下二辨達但是升即非升似去即非去  
 何有樹下不動之身若卷圍有文殊毗耶  
 更見妙德可以證此有云此佛神通同體  
 彼此義異何得接引  
 業用即住是去去即是住住是體徧去是  
 用應應是體應雖升後而不離前體是應  
 體雖不離前而升後若爾何殊第三師不  
 起是法又以住釋於不起而言住是體徧  
 減七  
 何得獨住菩提樹耶升天何得非體徧耶  
 減六  
 菩提樹下寧非用耶有云此佛神通者三  
 記主以體徧為不動以用應而為升若爾  
 何殊等者第二辨達也此有二破一指同  
 前義破前義不立此義自破二又以住下  
 直就所立破唯往覺樹非有體徧徧於去  
 處何得去非體徧然覺樹亦用獨言是體  
 升天有體但言是用故有所違非責本立

同體業用故下正義亦是即體業用今顯正義然佛得菩提  
智無不周體無不在無依無住無去無來  
然以自在即體之應應隨體徧緣感前後  
有住有升閻浮有感見在道樹天宮有感  
見升天上非移覺樹之佛而升天宮故云  
不離覺樹而升釋殿法慧偈云佛子汝應  
觀如來自在力一切閻浮提皆言佛在中  
此不離也我等今見佛住於須彌頂此而  
升也文理有據更以喻顯譬猶朗月流影  
徧應且澄江一月三舟共觀一舟停住二  
舟南北南者見月千里隨南北者見月千  
里隨北停舟之者見月不移是爲此月不  
離中流而往南北設百千共觀八方各去  
則百千月各隨其去諸有識者曉斯旨焉  
古德釋此略有十義一約處相入門以一

處中有一切處故是故此天宮等本在樹  
下故不須起然是用彼故說升也二亦約  
相入門以一處入一切處故樹徧天中亦  
不須起欲用天宮表法升進故云升也三  
由一切即一故天在樹下四由一即一切  
樹在天上不起等準前五約佛身謂此樹  
下身即滿法界徧一切處則本來在彼不  
待起也機熟今見故云升也是故如來以  
法界身常在此即是在彼六約佛自在不  
思議解脫謂坐即是行住等在此即在彼  
皆非下位測量故也七約緣起相由門八  
約法性融通門九約表示顯法門十約成  
法界大會門然此十解前五立門次四所  
以後一總意欲成十義相參而立雖似雜  
亂不違經宗並可用也然此十解下文舍  
二意初即總明

然此中相望有四對法相即無礙一此處  
 彼處二此身彼身三若去若住四若一若  
 多約處此處彼處相即無礙應如十中前  
 四約身相即無礙應如五六及前正顯又  
 十中後四通於身處約處唯有此彼約身  
 更加去住謂此身即是彼身去身即是住  
 身若身若處俱通一多上來諸法同在一  
 時無前後也一多相望應成四句一不離  
 一切樹下升一天宮即如今文二不離一  
 樹升一切天三不離一切樹而升一切天  
 經云十方世界悉如是故四不離一樹而  
 升一天經中欲顯一多相即故舉初句升  
 釋天既爾升餘天亦然如後二會升天既  
 爾往餘處亦然復應樹樹相望而成二句  
 謂不離一樹下常在一切樹不離一切樹

第七

而常在一樹復應以不起餘處類不起樹  
 下展轉相望皆悉周徧不壞前後自在難  
 思又既一處有一切處亦有微細義所用  
 不同有隱顯義若加前時後時有十世義  
 唯見說住及於餘法有純雜義後後帶於

前前有帝網義比天望餘成主伴義十玄

具矣然此中下正明義類經中欲顯等者

顯理中不盡之由若云不離一樹而

升一天難思之相不顯若言不起一對而

升一切利天者則不能顯本會圓徧若

言不離一切樹而升一切天則無一多無

礙之相故唯出初句下法慧劍云十方悉

亦然方有升一切句即俱多句又既一處

下例釋十玄以古德玄文與意相參但有

四玄前五但二九為託事十問帶前起後

為同時故今加六十玄具矣

事理應齊何故三賢獨有斯旨答顯異義

故謂初二會相隣接故不假帶前此三人

天隔越故須連帶又此三會同詮賢位六

已入證不假帶前第七即位中普賢居然

不假第八頓彰五位體用已融第九唯明  
證入體用一味故並皆不假

時天帝釋在妙勝殿前遙見佛來

第三時天帝下明各見佛來約佛則用從  
體起約機則境從心現隣而未即故云遙

見

即以神力莊嚴此殿置普光明藏師子之座  
其座悉以妙寶所成十千層級迥極莊嚴十  
千金網彌覆其上十千種帳十千種蓋周迴  
間列十千繒綺以爲垂帶十千珠瓔周徧交  
絡十千衣服敷布座上十千天子十千梵王  
前後圍繞十千光明而爲照曜

第四即以下各嚴殿座表嚴根欲之殿爲  
法器故置師子座表十佳之法門故文有  
十句初總餘別總云普光明藏者此是解

位智照法空含衆德故從信始入故有置

言別中初句約體餘並顯嚴皆云十千者

萬行因感故言層級者萬行熏成故金網

防護慈悲帳蓋以育以覆四攝繒綺以爲

周垂圓融行願交絡萬善柔忍慚愧以覆

法空第一義天清淨梵行繞斯法體一一

智照故日光明於生死中遣長夜闇舉斯

果德令物行因下行向中約位漸增表法

無異

爾時帝釋奉爲如來敷置座已曲躬合掌恭

敬向佛而作是言善來世尊善來善逝善來

如來應正等覺唯願哀愍處此宮殿

第五爾時帝釋下請佛居殿於中三業崇

敬以爲請儀言善來者應機來故不來相

而來故帶法界會來故三稱善者喜之至

故舉三號者略歎德故願哀處者希仗勝  
田生大福故

爾時世尊即受其請入妙勝殿十方一切諸  
世界中悉亦如是

第六爾時下俱時入殿謂根緣契合成益

不虛十方如是通上六段入殿事訖故一

結通下四段文殿中之事

爾時帝釋以佛神力諸宮殿中所有樂音自  
然止息

第七爾時下樂音止息謂攝散歸靜得定

益故

即自憶念過去佛所種諸善根而說頌言

第八即自下各念昔因獲智益也散緣既  
止勝德現前寂然無思發宿住智種善根  
者即下十佛曾入此殿聞法供養故亦表

減七

十一

見自心性同昔佛故

迦葉如來具大悲諸吉祥中最無上彼佛曾  
來入此殿是故此處最吉祥

第九迦葉下同讚如來然三世諸佛皆於  
此處說十住法獨讚十者表說十住及無

盡故所以讚者義乃有四一十佛曾處則

殿勝可居二互舉一德例讚本師三叙昔

善根慶遇堪受四昔佛同說表法常恒文

中先明此界後辨結通今初十頌各上半

標名讚德上句別下句通下半以人結處

唯初一句諸佛不同然佛別名多因德立

讚者取德以釋上名初迦葉者此云飲光

若從姓立示生彼族若就佛德一者身光

蔽餘光故二者悲光飲蔽邪光故

此中疏以別德釋其別名於中數佛當  
若現家以文就義觀下二會義更昭然

九同讚  
如來者

拘那牟尼見無礙諸吉祥中最無上彼佛曾  
來入此殿是故此處最吉祥

拘那牟尼舊曰金仙亦云金寂寂故無礙  
金故明見

迦羅鳩馱如金山諸吉祥中最無上彼佛曾

來入此殿是故此處最吉祥

迦羅鳩馱者具云迦羅鳩村馱此云所應  
斷已斷如金已淨如山不動亦可見無礙  
者是此佛德如金山者是前佛德

毗舍浮佛無三垢諸吉祥中最無上彼佛曾  
來入此殿是故此處最吉祥

毗舍浮者亦云毗溼婆部毗溼婆者此云  
徧一切也部者自在也亦云徧勝無三垢  
故無不自在而超勝也三垢者現種及習  
尸棄如來離分別諸吉祥中最無上彼佛曾

來入此殿是故此處最吉祥

尸棄亦云式棄那此云持髻亦云有髻無  
分別智最為尊上處心頂也又髻中明珠  
即無分別也

毗婆尸佛如滿月諸吉祥中最無上彼佛曾

來入此殿是故此處最吉祥

毗婆尸者此翻有四謂淨觀勝觀勝是徧  
見如月圓智滿是徧見也魄盡惑亡是淨  
觀也既圓且淨是勝觀勝見也

弗沙明達第一義諸吉祥中最無上彼佛曾

來入此殿是故此處最吉祥

弗沙亦云勃沙此云增盛明達勝義是增  
盛也

提舍如來辯無礙諸吉祥中最無上彼佛曾  
來入此殿是故此處最吉祥

提舍亦云底沙西域訓字底邏那此云度也沙是睹沙此云說也謂說法度人或但云說辯才無礙者即能說也

波頭摩佛淨無垢諸吉祥中最無上彼佛曾來入此殿是故此處最吉祥

波頭摩者此云赤蓮華身心如蓮華淨無塵垢

然燈如來大光明諸吉祥中最無上彼佛曾來入此殿是故此處最吉祥

然燈者智論云此佛從初現生乃至成佛舉身常光如然燈故身智光明普周稱大然十中後七乃過去劫佛如何賢劫曾入殿耶古釋有二一約時劫相即入故二約其處有麤細故麤隨劫壞細者常存如法華天人見燒我土不毀又梵王見淨身子

見穢今此天帝是大菩薩同梵王見亦弗加故

如此世界中忉利天王以如來神力故偈讚十佛所有功德十方世界諸釋天王悉亦如是讚佛功德

二如此下結通十方

爾時世尊入妙勝殿結跏趺坐此殿忽然廣博寬容如其天衆諸所住處十方世界悉亦如是

第十爾時世尊下殿皆廣博即示如意相廣殿同處以遣局情亦表廓大慈悲等衆生界又如來入殿即覺智現前忽然廣博則身心無際十方已下結通無盡唯結後四前已結故

大方廣佛華嚴經疏鈔會本第十六之一



音釋

頗 頤 滂 承 切 脂 旨 而 切 莞 涇 失 入 擊  
語 頗 脂 迦 此 云 永 王 切

大方廣佛華嚴經疏鈔會本第十六之二 滅八

唐于闐國三藏沙門實叉難陀 譯

唐清涼山大華嚴寺沙門澄觀撰述

須彌頂上偈讚品第十四

初來意者既明化主赴感今辨助化讚揚

將演住門先陳體性性即佛智先讚如來

故品來也先陳體性者即第一二來意如前品明

二釋名者須彌約處讚稱佛德依處有讚

故立此名亦頂上之讚揀餘處也

三宗趣者以集眾放光偈讚為宗為成正

說為趣又顯佛德為宗令知住體為趣

爾時佛神力故

第四釋文總為三分第一集眾分第二放

光分第三偈讚分今初文有十同義兼三

異謂五六七一集因同皆佛力故亦同前

會時

十方各有一大菩薩

二十方下主首同

一各與佛刹微塵數菩薩俱

三一各下眷屬數同

從百佛刹微塵數國土外諸世界中而來集

會

四從百佛下來處量同前十此百位已增

故

其名曰法慧菩薩一切慧菩薩勝慧菩薩功

德慧菩薩精進慧菩薩善慧菩薩智慧菩薩

真實慧菩薩無上慧菩薩堅固慧菩薩

五其名下表法名同慧即十解能見法故

菩薩名異至偈釋之

所從來土所謂因陀羅華世界波頭摩華世

界寶華世界優鉢羅華世界金剛華世界妙  
香華世界悅意華世界阿盧那華世界那羅  
陀華世界虛空華世界

六所從來下世界名同同名華者位相創  
開無著感果故別即次第配於十住一發

心主導世間故二淨治心地如蓮開故三

修行圓淨故四水生之貴故五方便堅誓

故六正心無相如香氣故七不退意悅故

八阿盧那者此云日出時紅赤之相童真

明淨故九那羅陀者此云人持以華香妙

人皆佩故王子佩持法王軌度故十智徧

如空故亦可別明十住勝進十法思之可

知別即次第者下之所釋闡引經文如以  
知主導世間釋因陀羅者因陀羅此云帝  
也主也即下發心住勤學十法中云所謂  
勤供養佛樂住生死主導世間令除惡業  
乃至為苦眾生作歸依處皆為主義從二  
已下但取名上之義不引經文亦可別明

者初之一住已引經文餘九思者二以治  
地勝進云習誦多聞虛閑寂靜近善知識  
了達於義等皆如蓮華開敷義故三謂觀  
察眾生法界等謂智實故四為了知三世  
佛法等為最勝故五知眾生無邊無量無  
數不思議等為大乘如金剛誓願心故六  
學一切法無相無體不可修等如香氣故  
七說一即多說多即一文隨於義義隨文  
等可悅意故八知利持利觀利諸利領受  
佛法為明淨故九善學法王善巧軌度等

為可持故十學十  
種智如空徧故

各於佛所淨修梵行所謂殊特月佛無盡月

佛不動月佛風月佛水月佛解脫月佛無上

月佛星宿月佛清淨月佛明了月佛

七各於下所事佛同同名月者表位中佛

果智明闡息恩益清涼應器周故別名即

十住自分十法之果

智德闡息斷德清涼恩德應器周故亦是  
智德又具上三德故能徧應別名即十住  
者前利配勝進故此  
配自分具如下文  
一以十難得法可謂  
殊特二發十大心不可窮盡三觀於空等

不可傾動四了知業行生死涅槃如風不住五饒益安樂一切衆生如水普潤六聞十種法心定不動故得解脫七聞十不退可謂無上八三業無失如星明淨隨意受生燦然滿空神足自在若依空運轉九善知煩惱現起習氣故得清淨十觀察無數衆生根欲智慧心境餘不能知唯自明了以此十因成茲十佛上且隨要相屬以為此釋委明其相如十住文

是諸菩薩至佛所已頂禮佛足

八是諸已下申禮敬同

隨所來方各化作毗盧遮那藏師子之座於其座上結跏趺坐

九隨所來下威儀住同

如此世界中須彌頂上菩薩來集一切世界

悉亦如是彼諸菩薩所有名字世界佛號悉等無別

十如此下結十方同又上十方從東次第如名號品問準此結通即於十方盡空世界皆有菩薩而來集會者且如東方過百剎塵土外亦有衆集未知彼因陀羅華世界為在何處餘界亦爾答如名號品如名號品者不欲繁文故令尋彼但遠近小異義理全同若剎若人皆備法界重重無盡爾時世尊從兩足指放百千億妙色光明普照十方一切世界須彌頂上帝釋宮中佛及

大衆靡不皆現

第二爾時下如來放光分文義有六一時

二主三處四數五相六業處謂兩足指足指拒地得住有力成位不退而行有恒數位過前加於千也相表解顯故云妙色普

照十方顯佛衆會一光照於一切則一切亦爾重疊無礙無不互見爲一法界圓明大會

爾時法慧菩薩承佛威神普觀十方而說頌

曰

滅八

佛放淨光明普見世導師須彌山王頂妙勝殿中住

第三爾時法慧下偈讚分中十菩薩說卽爲十段初一是總餘九爲別以法慧是說法主故總敘此會本末事義總顯佛德餘九歎佛差別之德總別共顯如來無礙之會此十菩薩名亦表十住其所說法表位勝進勝進有二一趣後位二趣佛果今約佛果今初東方方法慧總了佛法故勝進中云欲令菩薩於佛法中心轉增廣文中觀

滅八

五

佛現用及與往修皆周徧故十頌分三初五敘因佛光見多盛事初一敘此品放光一切釋天王請佛入宮殿悉以十妙頌稱讚諸如來

次一敘前品請讚

彼諸大會中所有菩薩衆皆從十方至化座而安坐彼會諸菩薩皆同我等名所從諸世界名字亦如是本國諸世尊名號悉亦同各於其佛所淨修無上行

餘三重敘此品

佛于汝應觀如來自在力一切閻浮提皆言佛在中我等今見佛住於須彌頂十方悉亦然如來自在力

次二勸觀佛力更發勝心卽前品不起而

升二頌勸觀下前品成於四句亦從此生謂前一偈半卽指上文是不起一切處

而升一處後十方悉亦然單取十方須彌頂亦然即是不離一切處而升一切處取上一閻浮提對比則是不離一處而升一切處取上一閻浮對我等今見佛生於須彌頂即不離一處而升一處如來自在力通於四句

一一世界中發心求佛道依於如是願修習菩提行佛以種身遊行徧世間法界無所

礙無能測量者慧光恒普照世暗悉除滅一切無等倫云何可測知

後三舉因結果初一舉因後二結果由因中行願剎剎齊修故果位身智徧應徧斷爾時一切慧菩薩承佛威力普觀十方而說頌言

假使百千劫常見於如來不依真實義而觀救世者是人取諸相增長癡惑網繫縛生死獄盲冥不見佛

第二南方一切慧者了一切法真實之性

淨心地故頌意為顯於諸衆生增長大悲

以稱實而觀救世者故了一切法者約偈文釋言淨心地者

約表治地住釋頌意等者約彼位中勝進行釋以稱實等者約當偈釋十頌

分六初二違理觀佛非見佛次四了法真

性真見佛三有一偈迷性取法不見佛四

一偈佛即同法為真佛五一偈引已了法

為見佛六一偈推功有本了真佛初中前

偈出其妄觀假設長時以况覿見後偈明

其有損由上不依真實則取相乖真但見

集網繫於苦獄盲無慧眼冥然不見佛之

法身然此遮取相故假設長時無有多劫

全不了義以見如來增智慧故

觀察於諸法自性無所有如其生滅相但是

假名說一切法無生一切法無滅若能如是

解諸佛常現前法性本空寂無取亦無見性

空即是佛不可得思量若知一切法體性皆如是斯人則不為煩惱所染著

第二四偈了法真性真見佛於中二前二真觀後二真止前中初二句空觀緣生無性故次二句假觀隨俗假名故次二句中

觀由前生滅一切諸法即無性故相體即

是不生滅也後二句觀益諸法如即是佛

如無生滅佛體本常觀稱於如則佛常現

況三觀一心則佛之體用無不現矣初二句空

觀等者約三觀釋皆初牒經標觀後句取經意釋成中觀疏釋成中有二義釋一云

由觀前生滅一切諸法即無性故者一切法故非無即無性故非有由前但觀無性是空但觀假名是假今二相即故非空非假是中道義此約即緣生法以明中道二云相體即是不生滅也者約三性義以辨中道然無生多義略有二種一事無生緣生之相即無生故二理無生圓成實體本不生故今既經言該一切法不揀相性則相體皆無生矣則編計無生是空觀緣生假有是假觀緣生無生及圓成無生皆中

道觀則性相二宗三觀皆具然此二偈亦可但為性空觀則初二句正辨性空故言自性無所有次假觀二句通妨謂有難言現見生滅那言無生故釋云隨世假說次二句中觀正示不生之理依此釋者極順常解三論中意而未得於龍樹玄旨故疏取論三後二真止中以觀觀法能所紛動觀釋之故須寂之初句牒前法性次句泯其能所

法性本空非觀之使空故無所取何有能

見次二句心冥性佛故止絕思求法性本空者此

以性室門顯無所取次云何有能見者即以相待門違其能見此中語略合云若有所取則有能取既無所取故無能取能因於所而得立故亦曰相因門然取與見皆通能所今所取中則存於取略無能取於能見中略無所見所見即所取故又

上來空以遣有假以遣空如則雙遣空假

形奪兩亡又上來者此別為一釋不分止中初二句以空遣有次二句以假遣空次

二句以如不生滅雙遣空假次二句且結觀益第三偈若謂雙非還成戲論故辨起即遣雙非

心皆妄絕念方真念本自無斯絕亦滅故

中論云如來寂滅相分別有亦非如是性  
空中思惟亦不可用斯文也

以上來疏重舉前文生此得故故此正釋  
於中初舉所破次故辨起心皆妄下以偈  
正破起心皆妄絕念方真釋其上念本  
自無斯絕亦滅釋其下引證即如來品初  
不可思故中論云下引證即如來品初  
廣破有如來竟末後結云若於一異中如  
來不可得五種求亦無云何受中有又所  
受五陰不從自性有若無有自性云何有  
他性以如是義故受空受者空云何當以  
空而說空如來次破於空四句皆拂頌云  
空則不可說非空不可說共不共巨說但  
以假名說何以故寂滅相中無常無常等  
四寂滅相中無邊無邊等四次問云若如  
是破應無如來次偈答云邪見深厚者則  
說無如來如來寂滅相分別有亦非如是  
性空中思惟亦不可如來滅度後分別於  
有無次總拂偈云如來過戲論而人生戲  
論戲論破慧眼是皆不見佛長行釋云戲  
論名憶念分別有此彼又云此如來品初  
中後思惟如來定性不可得故偈說如來  
所有性即是世間性如來無有性世間亦  
無性此上諸偈文義相連疏家但引同今  
經偈用此文者明是龍後一顯觀益心冥  
樹取此經意而為論偈

體性惑何由生亦合三止意也  
亦合三止者上云心

冥性佛即停止止心安正理故止絕思求  
即止息止今偈疏文即心冥體性停止  
也惑何由生止息止也直就經文體性皆  
如即是對不止止也謂法性非非不止  
而詔性為止故 又亦通結止觀稱上而觀  
云對不止止 見惑性空即同佛性何能染哉  
又亦通結 四偈結上三偈而止已先  
明故此疏文但結上

凡夫見諸法但隨於相轉不了法無相以是  
不見佛

第三一偈迷性中上半取法次句迷性末  
句結過

牟尼離三世諸相悉具足住於無所住普徧  
而不動

第四一偈佛即同法如謂同空法故離三  
世同假法故相具足同雙遣故無住無著  
同如體故徧不動搖

我觀一切法皆悉得明了今見於如來決定



無有疑

第五一偈引已中此親自證希衆無惑

法慧先已說如來真實性我從彼了知菩提

難思議

第六一偈推功有本者非師心也亦謙已

推人異乎凡情令法鈎鎖殊塗同致下八

準之第六偈推功下此有四意一明義意相承有本二亦謙已下揀異凡情三

令法下辨法相承四殊途下彰法體連合次八菩薩例有此四

爾時勝慧菩薩承佛威力普觀十方而說頌

言

如來大智慧希有無等倫一切諸世間思惟

莫能及

第三西方勝慧以解佛勝智隨空心淨故

以為名頌意為顯欲令菩薩智慧明了即

大智了如及佛性故十頌分四初一讚智

為迷悟本次四正顯迷悟次四喻前得失

後一推功有在今初由難思故迷難則容

有思者故有悟約此偈明隨空心淨即表位中義故彼文云所謂觀

一切法無常一切法若一切法空等故云隨空心靜下七菩薩初釋名中皆有二意

細尋準此

凡夫妄觀察取相不如理佛離一切相非彼

所能見迷惑無知者妄取五蘊相不了彼真

性是人不見佛

次四迷悟中初二迷後二悟迷中初一心

外取境生想違理故不能見無相之佛後

偈取內蘊相不了蘊性故不見心佛亦是

愚法小乘故名無知者

了知一切法自性無所有如是解法性則見

盧舍那因前五蘊故後蘊相續起於此性了

知見佛難思議

後二悟中前明倒想內外俱妄今有了因  
 內外皆悟初偈翻前外取謂了一切法即  
 心自性性亦非性情破理現則見舍那稱  
 於法性無內外也謂了一切法等者即心  
 自性此是表詮由一切  
 法無性故即我心之實性言性亦非性者  
 此是遮詮即止真性以無性為性也即心  
 自性如圓成性性亦非性如勝義無自性  
 性以偈但云一切法自性無所有故故復  
 遣後偈翻前內取了蘊性相則見自心之  
 佛與盧舍那非一非異故難思議

然此一偈文含多意一但是蘊縛無有我  
 人則破前凡夫取我相也二前後因依相

續無性則破凡小取法相也一但是蘊縛  
 二十九師子吼難云如佛所說一切法有  
 二種因一者正因二者緣因以是二因應  
 無縛解是五陰者念念生滅如其生滅誰  
 縛誰解世尊因此五陰生後五陰此陰自  
 滅不至彼陰雖不至彼能生彼陰如子生  
 芽子不至芽而能生芽眾生亦爾云何縛  
 解下佛碟以為答引蝶印印塗印環文成  
 喻意云生時諸根有具不具具者見色則

生於貪生於貪故則名為愛狂故生貪是  
 名無明貪愛無明二因緣故所見境界皆  
 悉顛倒無常見常無我見我無樂見樂無  
 淨見淨以四倒故作善惡行煩惱作業無  
 作煩惱是名繫縛以是義故名五陰生此  
 中意云雖復生滅不妨繫縛故今用云但  
 是蘊縛無此性即第一義空第一義空即  
 有我人此性即是下會通佛性然宗顯文  
 是佛性但辨二空理已玄矣觀其法喻包

是佛性但辨二空理已玄矣觀其法喻包  
 運繫經佛性深義故復顯之此中文勢連  
 環先總示佛性即師子品初如前玄中已  
 廣引又上性無所有正因性也前解此了

皆了因性又上性下別示諸因先指經以  
 明性無所有者即前偈自性無  
 所有內外維異皆是第一義空故指前偈  
 亦即此偈於此性也既以第一義空為正  
 因佛性故性無所有即正因也前解此了  
 者前偈云如是解法性故云前解此偈云

於此性了知故云此了並是了因明知一  
 切眾生雖有第一義空智慧之性若無般  
 若等為了因若終不成此蘊相續即是正  
 佛上通二偈以出正了  
 因亦名生因言正因者是中道義中道即  
 是佛性謂現在陰滅中陰陰生是現在陰  
 終不變為中陰五陰故現陰非常如種生

牙種不至牙雖不至牙而能生牙此現在  
 陰雖不至後而能生後則現陰非斷而中  
 陰五陰亦非自生不從餘來因現五陰生  
 中陰陰斯則後陰非無因故後陰非常既  
 能續前故後陰非斷非常是中道義  
 止因性也能生佛果故曰生因衆生佛性  
 有二種因一者正因二者緣因正因者謂  
 諸衆生是故五陰即正因也緣因者謂六  
 波羅蜜非蘊相生名緣因也今以了因了  
 彼正因故曰於此性了知了即般若亦緣

**因也** 言正因下即雙釋也然欲解諸因先  
 須知彼經文二十八云善男子因有  
 二種一者生因二者了因能生法者是名  
 生因能照物名為了因煩惱諸結是名  
 生因衆生父母名為了因穀子名生水土  
 名為六度阿耨多羅三藐三菩提名為了因  
 因佛性阿耨多羅三藐三菩提名為了因  
 復有了因謂六波羅蜜佛性復有了因謂  
 首楞嚴三昧阿耨多羅三藐三菩提復有  
 了因謂八正阿耨多羅三藐三菩提復有

生因謂信心六度又云善男子因有二種  
 一者正因二者緣因正因者如乳生酪緣  
 因者如酥暖等又云正因者名為佛性緣  
 因者發菩提心又云正因者謂諸衆生善  
 男子僧名和合者名十二因緣常佛性亦常  
 因緣中亦有佛性十二因緣常佛性亦常  
 是故我說佛性有佛性故下疏云然復生必  
 對了正必對緣已引經文次當釋疏言正  
 因者是中道義中道即是佛性者總示其  
 體故二十七云佛性即是無上菩提中道  
 種子謂現在陰滅下出中道相即今因前  
 五陰故偈是中道義其下所用涅槃經文  
 即前二十九答師子吼陰縛難文上引難  
 文則具引答則略今當具引佛答之文經  
 云善男子如人捨命受大苦時宗親圍繞  
 善男子如人捨命受大苦時宗親圍繞  
 哭懊惱其人惶怖莫知依放雖有五情無  
 所知覺肢節戰動不能自持身體虛冷暖  
 氣欲盡見先所修善惡報相善男子如日  
 垂沒山陵地阜影現東移理無西逝衆生  
 業報亦復如是此陰滅時彼陰續生如燈  
 生闇滅燈滅闇生善男子如蠟印印塗即  
 與塗合印滅滅文成而是蠟印不變在塗文  
 非塗出印滅處來以印因緣而生是文現  
 在陰滅中陰陰生是現在陰終不變為中  
 陰五陰中陰五陰亦非自生不從餘來因  
 現陰故生中陰中如印印塗印塗文成名  
 雖無差而時節各異是故我說中陰五陰  
 非肉眼見天眼所見釋曰此上具引今疏  
 用經便以義問但觀經文自分主客然百

論唯識皆說因緣相生續故不斷滅故不  
 常不斷約果續不常約因滅今疏以中論  
 中義於因果中各有斷常現陰為因先明  
 滅故不常後雖不至芽而能生芽此現在  
 下以有功能照現陰不斷而中陰下約後  
 陰明非斷常先明非無因常以中論明無  
 因則墮常過如外道立時方微塵等故既  
 能續前下明續故不斷能生佛果者上釋  
 正因今釋生因前有六對生了二因前二  
 對以因為生因緣為了因皆就生後二  
 對以因望果以論生了今是前意如乳是  
 生因酪等為了因故乳等即喻眾生望於  
 佛果而為因也

譬如暗中寶無燈不可見佛法無人說雖慧  
 莫能了亦如目有翳不見淨妙色如是不淨  
 心不見諸佛法又如明淨日瞽者莫能見無

有智慧心終不見諸佛若能除眼翳捨離於  
 色想不見於諸法則得見如來

第三四偈喻前得失者前三喻失後一喻  
 得前中二初二喻內取失於中初一顯無  
 緣了不見正因闇中寶者正因性也圓滿

可貴所以稱寶居於無明五陰室內如在  
 闇中燈喻緣了之因下半法合無人說者  
 關於緣因雖慧莫了義舍二意一慧即正  
 因合上寶也關於緣因故不能了二佛法  
 即寶以闕緣因雖內有慧不成了因不見

真性初止釋本文中下非法合下釋合然  
 有成見謂寶與燈以成正因緣因後義則  
 三法成見應須加眼以喻於慧此中法喻  
 應各四句謂一有眼無燈不見二無眼有  
 燈不見三無眼無燈不見四有眼有燈則  
 見則眼為因燈為緣因緣合故方得見寶  
 因緣隨缺則不成見以喻善友為緣如燈  
 有慧為因如眼因緣具故方見亦有四句  
 一者有慧無友不見二無慧遇友不見三  
 無慧無友不見四有慧有友則見共第四  
 句則是得人因緣和合方成了因今喻前  
 失友無此句三句失中唯合初一其無眼  
 有燈影在後喻瞽者不見明淨日中則明  
 因緣互缺不見況全缺  
 耶故不明於無眼無燈然則緣因即是了  
 因了因未必是於緣因有親疎故善友是  
 於緣因而必是了佛性名為了因未必是

緣此約智慧性故若以第一義空為佛性者唯是正因而非了因但為了因所了而非生因所生若以智慧為佛性者即是了因若以五蘊為佛性者名為正因亦名生因然復生必對了正必對緣然即緣因下第二揀定二

因於中有二先標二別因有親疎者總示別義疎者是了亦是緣因親者是了非是緣因善友是於下出其二相善友是疎亦緣亦了如醇暖等是酪了因亦是緣因佛性名為下顯上了因未必是緣以是親因故言智慧性故者亦是了相以無漏智性本自具足本有真實識知徧照法界義故生了二因中云六度阿耨多羅三藐三菩提是名生因佛性何得多羅三藐三菩提是名了因六度能生菩提故為菩提生因佛性能了菩提明知佛性之體即是了因若以第一義空等者揀異智慧性也然涅槃云佛性者名第一義空第一義空名為智慧此二不二以為佛性然第一義空是佛性性名為智慧即佛性相第一義空不在智慧但名法性由在智慧故名佛性以性從相則唯衆生得有佛性有智慧故攝空我樂無有智慧故無佛性若以相從性第一義空無所不在則墻壁等皆是第一

義空云何非性故下經云知一切法即心自性論云以色性即智性故色體無形說名智身以智性即色性故說名法身偏一切處明體本均今分性相故分二義若以智慧者結成上義生下五蘊是正是生不得名了五蘊名生者能生諸法故名生因今因五蘊能得菩提豈非生因如乳生酪如穀生芽皆生因故然復生必對了者以疏參用為順今經依涅槃今燈一喻雙喻明義有二對並如上引

緣了闇中之寶雙喻正了義意包含具如涅槃二十六七所辨又上燈喻既是正義何以涅槃師子吼立佛不許耶故師子吼言一切衆生有佛性性如乳中酪以有性故要須緣因何以故欲明見故緣因者即是了因譬如闇中先有諸物為欲見故以燈照了若本無者燈何所照故佛難言若使乳中定有酪性即是了因若是了因復何須了又善男子一切衆生有佛性者何須修習無量功德若言修習是了因者已

同酪壞結正義云乳有酪者以定得故佛

性亦爾衆生有者以當見故今燈一喻下

旨魚指理源涅槃二十六七者此足南經

北經即當二十八九又上燈喻下初師子

乳立然疏引文隨要略引若經具云師子

乳若言世尊一切衆生有佛性性如乳

中酪性若乳無酪性云何佛說有二種因

一者正因二者緣因緣因者一磷二暖虛

空無性故無緣因佛言善男子若使乳中

定有性者何須緣因師子吼菩薩言世尊

以有性故須緣因何如欲明見緣

因者即是了因世尊譬如暗中先有諸物

為欲見故以燈照了若本無者燈何所照

如土中有餅故須人工水輪繩杖等而為

了因如尼拘陀子須地水糞而作了因乳

中酪暖亦復如是須作了因是故雖先有

性要毀了因然後得見以是義故定知乳

中先有酪性善男子若使乳中定有酪性

自他是一故了因不能自了亦不了他善  
 男子一切衆生有佛性者何故修習無量  
 功德若言修習是了因者已同酪壞若言  
 因中定有果者戒定智慧則無增長我見  
 世人本無禁戒禪定智慧從師受已漸漸  
 增益若言師教是了因者當師教時受者  
 未有戒定智慧若了因者當師教時受者  
 乃了戒定智慧令得增長師子吼言世尊  
 若了因無者云何得有名有酪善男子  
 世間答難凡有三種一者轉答如先所說  
 何故名戒以不悔故乃至為得大涅槃故  
 二者嘿然答如有梵志來問我言我是常  
 耶我時嘿然答三者疑答如此經中若了  
 有乳中何故不得有二善男子我今轉  
 答如世人言乳有酪性佛性亦爾有衆生  
 有佛性以當見故釋曰此上所引對今疏  
 文則知廣略但要須了義然澤州釋云自  
 下第五師子以其緣正二因證性本有如  
 來對破佛破有三一就喻二就法三雙就  
 法喻初就喻中云若使乳中有酪性即是  
 了因者乳中既得有共酪性由了有明  
 知乳中即復何須了破性以內徵外乳中  
 若了因復何須了破性以內徵外乳中  
 先自了因復何須了破性以內徵外乳中  
 即自了因復何須了破性以內徵外乳中  
 有佛性者下今就云又善男子一切衆生  
 難破了之令現故舉破之體雖有須修了  
 因應有性了現故舉破之體雖有須修了  
 因破此同彼名同酪壞喻既已破法全同

喻何得不破疏結正義云下指彼最後結  
文並如上引但觀上來所引經疏則此中  
疏居然 然上諸義總有二意一燈了於寶  
可了 為正義者約因性故師子吼立佛不許者  
約果性故二者燈喻正者約其體性與有  
不異佛不許者約其現惑與無不殊故知

若言定有名為執著若言定無是則妄語

應言衆生佛性亦有亦無然衆生智慧是

佛性因菩提涅槃是佛性果然則佛性非

因非果 然上諸義者第二決擇經意然有  
二意前義即澤州意後意即疏正

意所以更加後意者若但用前意猶招來  
難次下當明約其體者如蟻有金性波有

濕性約其現惑與無不殊者不得其用如  
水成冰無水之類若言定有名為執著者  
暗引經證即涅槃三十五云善男子是故  
如來於是經中說如是言一切衆生定有  
佛性是名執著若無佛性是名虛妄智者  
應說衆生佛性亦有亦無三十六又云善  
男子若有說言一切衆生定有佛性常樂  
我淨不作不生煩惱因緣故不可見當知  
是人謗佛法僧若方便說言一切衆生都無  
佛性猶如兔角從方便生本無今有已有

還無當知是人謗佛法僧若有說言衆生  
佛性非有知虛空非無如兔角何以故虛  
空常故兔角無破虛空如是說者不謗亦無有  
破免角無破虛空如是一法不名十法不名  
男子夫佛性者不名一法不名十法不名  
百法不名千法不名萬法未得阿耨多羅  
三藐三菩提一切善不善無記盡名佛性  
如來或時因中說果中說因是名如來  
隨自意語隨自意語故名三藐三佛陀然  
語名阿羅訶隨自意語故名三藐三佛陀然

衆生者此下第二遮於外救即前意家救  
然疏雖雙存二義以後意為正故假以前  
師設難救前救云汝意加後者豈不以前  
義為未造玄因果二性皆有明文如何不  
許故經云佛性有因有果有因有果有果  
因者即一二因果因有因有果有果有果  
謂大菩提果果者謂大涅槃既有四種前  
二本有後二當有文理昭然如何不信因  
果二性更別說理故為此通欲通此義先  
應反難前師云向引四性是一處文謂有

處說是因非果名為佛性是果非因如大  
涅槃是因是果如十二因緣所生之法非  
因非果名為佛性是果非因是第四性是  
因非果為第三者是理亦可通非因非果  
佛性如何可通明知直語佛性之體體非  
因果因中取之名為因性果中取之名為  
果性非是佛性分界中因果如餅取空是餅  
衆生智性取空是佛性因菩提涅槃是佛性果

非是佛性分因果故結今此經宗宗於

示云然則佛性非因果非果法性故以法性而為佛性則非內非外隨

物迷悟強說升沉佛性要義不可不知廣

如別章及涅槃師子吼品等說今此經宗下結示正

宗於中有二先結正義宗於法性者以無

障礙法界為宗則法性即佛性知一切法

即心自性若以心性為佛性者無法非心

性則不隔內外而體非內外內外屬相性

不同相何有內外然迷一性而變成外外

既唯心何有非佛所變無實故說墻壁言

無佛性以性該相無非性矣如煙因火煙

即是火而煙鬱火依性起相相翳於性而

相即性如水成波波即是水境因心變境

不異心心若有性境寧非有況心與境皆

即真性真性不二心境豈乖若以性從相

不妨內外若以外境而側於心今有覺知

修行作佛即是邪見外道之法故須常照

不即不離不一不異無所感夫故云即非

內非外隨物迷後偈目有翳者此喻了因

悟強說升沉與惑俱故見不清淨以不淨故不見佛法

佛法即是佛性故涅槃云佛性二種一者

是色二者非色色者諸佛菩薩非色者一

切衆生色者名為眼見非色者名為聞見

佛性者非內非外雖非內外然非失壞故

名衆生悉有佛性此喻了因者翳喻於惑

全不見然見空華無而謂有不見於無即

不見法故涅槃下引證即二十八經但初

云善男子佛性復有二種一者是色下疏

全是經直至然非失壞一段終畢然有二

意一以非內非外然不失壞證強說升沉

二證可見謂佛菩薩見之了了如眼見色

言非色者以未證如聞他說故故云聞見

若二十七經云善男子佛性亦色非色非

色非非色及歷相非相非常等下釋云

色者金剛身故非色者十八不共等故非

色非非色者無定相故釋曰此約佛性之

體名色非色以如來身智等皆果性故非

今所二一偈喻上外取之失瞽謂全無於

用漢六目如鼓皮故則全不見佛無垢障為明淨

目取相是識非智慧眼故不見也

三一偈喻前悟中抉去取相之翳捨於空

華之像絕見契如則見如佛

切慧先說諸佛菩提法我從於彼聞得見



盧舍那

第四一偈推功有在準上可知

大方廣佛華嚴經疏鈔會本第十六之二

卷八

十九

音釋

級居立切 綺去倚切 醫於計切 瞽音古  
階級也 文綺也 目病也 有蹇而  
 也無明 塗音泥 醇古孝切

大方廣佛華嚴經疏鈔會本第十六之三 滅九

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時功德慧菩薩承佛威力普觀十方而說  
須言

諸法無真實滅九妄取真實相是故諸凡夫輪迴  
生死獄

第四北方功德慧者生在佛家善解佛德  
故此頌意顯於三世中心得平等了知自  
心窮法空故十頌分四初四明凡小妄覺

次四示其真覺三有一偈佛覺雙圓後一  
偈推功有本今初分二初一偈說凡迷緣  
起之無性執著相而輪迴

言詞所說法小智妄分別是故生障礙不了  
於自心不能了自心云何知正道彼由顛倒

慧增長一切惡不見諸法空恒受生死苦斯  
人未能有清淨法眼故

後三頌通凡小初一辨迷執隨言作解可  
謂小智心外取法為妄分別餘二偈明過  
失初二句曲徑趣寂迷一直道次半有常

等倒長世間惡有無常等長無明惡次半  
不見二空受二死苦後半無實諦觀何有

法眼三乘縱有亦不名諦初二句等者迷  
迷曲徑趣寂唯是小乘若起卓大方不歷  
二乘速成正覺名為直道若先證二乘後  
方入大名為曲徑曲徑謂其迂迴趣寂明  
其沉滯入無餘依權教不迴若實教中終

竟發意但動經八萬取三昧酒故次半有  
常等者以上言通凡小故此說凡惡下說  
小乘之惡三乘縱有者二乘不見法空居  
然不淨權教大乘謂事理不融亦未為淨

我昔受眾苦由我不見佛故當淨法眼觀其  
所應見若得見於佛其心無所取此人則能  
見如佛所知法若見佛真法則名大智者斯

人有淨眼能觀察世間無見即是見能見一切法於法若有見此則無所見

次四示其真覺中初偈引已之損勸物成益次偈教其真見謂見佛無取即是見如如即佛所知也次偈教其了俗上半躡前

證真下半方能了俗後偈拂前二見以成真見謂上半取真俗之見忘方見真俗之正理下半反釋謂有真俗之可見不能見

真俗之真源

故智論云若人見般若是則為被縛下半

意也若不見般若是則得解脫上半意也

故智論云下引論通釋即第二十論彼論偈云若人見般若是則為被縛若不見般若是亦為被縛若人見般若是則得解脫若不見般若是亦得解脫脫之與縛俱通見不見今疏隨經之次便以論偈隨義解釋初言下半意者謂下半真俗之見不忘此是取著之見故被縛也言上半意者是論第三句是忘見之見同無分別智故得

滅九

二

解若人見般若是則為解脫即第六七偈

意也若不見般若是則為被縛即第四偈

意也唯忘言者可究斯旨即第六七等者以第六偈見佛

無取即無取而見是見般若得解脫義第七偈證真了俗亦真見般若故得解脫即第四偈者第四不見諸法空是無真見故不見般若豈不縛耶唯忘言等者見與不

見俱通縛解豈得隨於見不見言須領見等下意若言見而被縛即知是取著之見若言見得解脫即須知是無分別見故什公云唯忘言者可與道合虛懷者可與理通冥心者可與真一遠智者可與聖同矣

一切諸法性無生亦無滅奇哉大導師自覺

能覺他

滅九

三

第三一偈顯佛二覺雙圓不可覺中而自

覺故是曰奇哉知無衆生而能覺他大導

師也

勝慧先已說如來所悟法我等從彼聞能知

佛真性

第四可知

爾時精進慧菩薩承佛威力觀察十方而說

頌言

若住於分別則壞清淨眼愚癡邪見增永不見諸佛

第五東北方精進慧以勤觀真理集無量

善俱無住故頌意為顯欲令其心轉復精

進無所染著文中由離分別如實見故十

頌分二前九觀法後一推功前中三初三

所執無相觀於中初一舉分別過初三所執無相

觀者然此中明於三性上修三無性觀言  
三性者一偏計所執性二依他起性三圓  
成實性三勝義無自性性三性之義已見  
自性性三勝義無自性性三性之義已見  
上文今疏科文中一一含二今言所執  
無相觀者所執即論計所執無相即相無  
自性性觀次三緣起無生者緣起即依他  
起性古經論中亦名緣起性今疏文從簡  
故云緣起言無生者即生無自性性觀後  
二圓成無性者圓成即圓成實性言無性

者即勝義無自性性偏言無性者向真性  
上說無性故亦是古名並從簡耳又皆雙  
明者以其三性即三無性故唯識云即  
依此三性說彼三無性初則相無性次無  
自然性後由遠離前所執我法性故三種  
三性不相去離然法相宗三性即有性三  
無性則無性有無義殊故彼偈云故佛密  
意說一切法無性意云既言密意說三無  
性則不礙於三有性也若法性宗此二三  
性有無無礙互奪雙亡皆悉自在初舉分

別過者分別即偏計所執也古謂為分別  
性今疏從簡亦欲辨起心動念皆成分別  
故並成過故云以心分別一切法邪不以  
唯嫌揀擇但不  
憎愛洞然明白

若能了邪法如實不顛倒知妄本自真見佛

則清淨有見則為垢此則未為見遠離於諸

見如是乃見佛滅九

後二顯無相觀一離所取上半知於情有

下半知於理無如迷木見鬼知鬼是迷有

名如實知鬼知鬼本無舉體是木名為見

木二顯無相觀者正修三無性中初無性也一離所取者謂二偈中初一偈所取

即備計所執也上半知於情有者即備計  
中二義謂情有理無今知情有即是理無  
則知此行雲月朦朧見一杌木以無月光  
如人夜行雲月生鬼想衆生亦爾行死  
情懷怖畏而生鬼想衆生亦爾行死  
妄想浮雲蔽於慧月觀緣生法不了性空  
謂有定性如生鬼想衆生亦爾行死  
若了知鬼是因迷有則知所執定性之法  
皆由妄情是人名為妄識所執故名悟人  
如實知鬼此釋上半知鬼本無者釋下半

也約法云知妄所執本無但是依圓  
為舉體是木則見依圓故名見木故知妄  
本目真則鬼是木見  
佛別清淨名為見木

故上半舉失如若見鬼即不見木下半顯

得離於鬼見方為見木如若見鬼者有妄

故則為垢不見依圓名不見木執有定性  
不見依圓之實名未為見下離於鬼見

者謂離於定性執見則見  
圓成之實方名為見木

世間言語法衆生妄分別知世皆無生乃是

見世間

次三明緣起無生觀一遣所緣然依他二

義一者幻有從分別生即是上半二者無

性即是下半然依他二義者三性各二義  
分別生釋依他義依他起自性分別緣所  
生今言世間語言法即所起之法衆生妄  
分別即是能生且順三性義釋亦可諸世  
間法各無定性但是衆生妄心分別謂有  
實耳二者無性者知世皆無生無生即無  
也

若見見世間見則世間相如實等無異此名  
真見者

二泯能緣上半牒前生過有無生見同世

非實下半見等無生名真見者有無生見

知世皆無生今牒此言云若見見世間謂  
見世無生既有此見見即是生故同世間

非真實也故古人云無生終不住萬象徒  
流布若作無生解還被無生願即其義也  
下半見等者以經文言若見等無異謂見  
等所見同無生故能所兩忘名真見者

若見等無異於物不分別是見離諸惑無漏

得自在

三辨觀益

諸佛所開示一切分別法是悉不可得彼性清淨故

後三明圓成無性觀一牒前二無謂能所分別皆不可得者即圓成性淨故

法性本清淨如空無有相一切無能說智者

如是觀

一正顯真性初句體有次句相無此二融

即故無能說

初句體有者圓成有二義一體有二相無法性本清淨故

是體有如空無相故是相無體有即是相無相無即是體有本自相融何能說之欲

言其有即相無故欲言其無即性有故

遠離於法想不樂一切法此亦無所修能見

大年尼

三觀成利益

如德慧所說此名見佛者所有一切行體性皆寂滅

第二推功文並可知

爾時善慧菩薩承佛威力普觀十方而說須

言

希有大勇健無量諸如來離垢心解脫自度

能度彼我見世間燈如實不顛倒如於無量

劫積智者所見

第六東南方善慧菩薩成就般若慧鑑不

動可謂善矣此頌為顯欲令其心轉復增

進得不退轉無生法忍文中離垢解脫無

體性故十頌分四初二見佛次三見法次

滅九

六

三觀成利益後二推見有依今初前偈讚

所見上半標讚下半釋成智離所知心脫

煩惱兼二利故二障難除衆生難度自強

不息為希有勇健

智離所知者下半初句明離二障言離垢者離

所知障是慧解脫故言智離所知言心解脫者是離煩惱障是心解脫故云心脫煩

極解脫之義通二解脫言為二利者即第一  
四句自度能度彼以自度二障亦令他人  
脫二障故則侯度苦澁也二障難除下總  
舉下半釋成初句一障難除則難斷能斷  
今難度能度為自強不息是希有勇健義  
也然自強不息即周易乾卦大象象曰天  
行健君子以自強不息謂乾者剛健之象  
君子當法天剛健故自強進德而不休息  
今借用之明佛勇猛自勵策修後偈中能  
煉磨其心得成正覺為勇健耳

見謂我如實見如大菩薩見如大菩薩見者大菩薩即

於無量劫積習之者

一切凡夫行莫不速歸盡其性如虛空故說

無有盡智者說無盡此亦無所說自性無盡

故得有難思盡所說無盡中無眾生可得知

### 眾生性爾則見大名稱

次三見法中約眾生說初偈正顯盡即有

為諸行無常速起滅故有為之性湛若虛

空便是無為體常徧故盡即有為者淨名

菩薩欲還本土以求少法當念如來佛告諸菩薩有盡無盡法門汝等當學何謂有

盡謂有為法何謂無盡謂無為法如菩薩  
者不盡有為不住無為何謂不盡有為謂  
不離大慈不捨大悲等何謂不住無為謂  
修學空不以空為證修學無相無作不以  
無相無作為證等諸行無常者釋成盡是  
有為之義故涅槃云諸行無常是生滅法  
速起滅者剎那不住故有為之性者釋其  
性如虛空故說無有盡其性即上有為性  
故其性之言畧有二義一但約無性之性  
以有為法緣生性空緣生性空即同無為

豈窮三際曰常橫無不周曰徧故是無為  
則上淨名但明不盡有為不住無為二相  
猶別未能顯為即無為矣今明即性之相  
是名有為即相之性便是無為故是玄矣  
二者其性如虛空即如來藏性體離斷常  
故如虛空故勝鬘云邊見者凡夫於五受  
陰我見妄想計著生二見是名邊見所謂  
常見斷見見諸行無常是斷見非正見見  
涅槃常見常見非正見妄想見故作如是  
見於身諸根分別思惟現法見壞於有相

續不見起於斷見妄想見故於心相續愚  
暗不解不知剎那間意識境界起於常見  
妄想見故又云死者諸根壞生者諸根起  
非如來藏有生有死如來藏離有為相如  
不藏常住不變是故如來藏是依是持是  
建立釋曰據上經文以盡即無盡是故雙  
非常無常見故次文云智次二偈拂迹入  
者說無盡此亦無所說  
玄上中拂前無為謂既如虛空何有無為

之相次四句拂前有為謂既約自性論無盡則不壞於盡故曰難思盡即無盡故無衆生也後二句觀成利益見法身也

謂既如虛

空者體無可盡故如虛空非謂有於一物若高山之出雲用之無盡也故云智者說無盡此亦無所說由盡即無盡即非盡非無常矣無盡既如虛空則非無盡非是常矣是為雙非常無常雙離盡不盡亦雙非為無為故中論云若有有為法則有無為法既無有為法何得有無為則不壞於盡者此有二意一者拂上有為二者上來雙遺今則雙存自性無盡則有無盡有難思盡則有盡矣以混不礙存故存亡無二方曰難思而向言拂上有為者謂盡則無盡故非盡矣上來盡即無盡意雖暗拂而其性如空別示無為故今方說拂有為耳

無見說為見無生說衆生若見若衆生了知無體性能見及所見見者悉除遣不壞於眞法此人了解佛若人了知佛及佛所說法則能照世間如佛盧舍那

次三觀成中初偈顯法空由下半了能所

減九

八

見緣成無性故上半能所之見自亡次二句顯我空能所之法尚空誰為能見之者後二句顯實但除上病不除眞法二空之體及所顯圓成即眞佛也

但除上病者即側用淨名第二

但除其病而不除法二空之體者以法性宗一空即真如及所顯圓成者以法相宗

二空非真如二空所顯為真如故真如即是圓成然空有無礙故雙存兩宗

三

一偈雙結知佛法益文顯可知正覺善開示一法清淨道精進慧大士演說無量法若有若無有彼想皆除滅如是能見佛安住於實際

減九

九

四有二偈推見有依者謂佛說一道清淨故能遣有進慧演無量門復能遣無想滅理現方知如來乃住無有無之際也又智論云法性為實證實為際凡夫有實未能證也



爾時智慧菩薩承佛威力普觀十方而說頌  
言

我聞最勝教即生智慧光普照十方界悉見  
一切佛

第七西南方智慧者決斷不動所以名智  
頌意為顯於一切法皆能出離文中生死  
涅槃皆善離故十頌分二初一引已勸眾  
此中無少物但有假名字若計有我人則為  
入險道

餘偈希眾同已於中亦二前六示迷後三  
啓悟前中亦二初一人執理實無人橫計  
成險

諸取著凡夫計身為實有如來非所取彼終  
不得見此人無慧眼不能得見佛於無量劫  
中流轉生死海

餘皆法執於中初二執世法後三雙執世  
出世今初初二句明執謂計蘊為實不能  
觀身實相餘皆明過初二句執實事理不  
見佛次二句無慧不見佛後二句但益流  
轉

有諍說生死無諍即涅槃生死及涅槃二俱  
不可得若逐假名字取著此二法此人不如  
實不知聖妙道

後三雙執中亦分為二初二執法後一執  
佛前中亦二一立理二起執初中上半假  
立謂待前流轉生死以立涅槃煩惱名諍  
觸動善品損害自他故名為諍此有漏法  
諍隨增故名為有諍有彼諍故故生死者  
有漏為體無彼煩惱故稱涅槃下半雙非  
謂生死涅槃俱因煩惱假立其名何有真

實又二互相待故俱空二互相奪故皆寂

煩惱名譯者即俱舍界品頌云有漏名取  
蘊亦說為有諍及苦集世間見處三有等  
今用第二句從煩惱名譯下至有彼諍故  
全是彼文從故生死者有漏為體即是前  
段後義彼疏後云猶如前說有彼漏故名  
為有漏釋曰此證成有彼諍故下文結云  
如是等類是有漏法差別眾名故今結云  
故生死者有漏為體所以論初名有漏無

漏法也又二互相等者謂上約因緣因他  
立稱故無真實不融二體今明變融此有  
三意一相待二指即三相奪今初相待俱  
空即相待門謂因涅槃方說生死要因生  
死方說涅槃若高下相形若無有高則無  
有下若離涅槃則生死不存若離生死則  
涅槃不立故俱空也次言二互相奪故皆  
寂者此有二意一者相即門生死實性即  
是涅槃則涅槃之相假說生死如波與水  
舉一全收故生死即涅槃涅槃即生死二

由相即故便互相奪生死即涅槃即無生  
死涅槃即生死則無涅槃故涅槃非寂靜  
生死亦無喧 後偈起執上半執下半損  
故皆寂也

若生如是想此佛此最勝顛倒非實義不能  
見正覺

後一執佛中亦上半執下半損執有三義

滅九

十一

一佛佛相望二三身等相望三心佛相望

一佛佛相望者如云阿彌陀佛有四十八  
願能攝衆生餘則不能禮於此佛滅罪則  
多禮於餘佛滅罪即少不知諸佛行願功  
德無不平等隨根隨緣說有優劣故為顛  
倒二三身等相望者謂念化身功德則少  
乃至法身功德則勝等而言三身等者等  
取四身五身十身無量身故以不知三身  
體融十身無礙謂有優劣故為顛倒三心

佛相望者謂佛已成道功德難思我心妄  
惑則名為劣雖無叨濫不了真源心佛衆  
生三無差別 故為顛倒

能知此實體寂滅真如相則見正覺尊超出  
語言道言語說諸法不能顯實相平等乃能  
見如法佛亦然

後三啓悟中亦二初二順理之得後一舉

佛釋成前中亦二半偈明順理而知餘顯

順知之益益中亦二半偈標一偈釋云何

超言若取知能知寂未免於言有所緣故

知自知知亦非無緣故須能所平等不

失照故無知之知不同木石故云能見若

知能知寂者此即用於禪宗知識之偈獨  
中具云若以知寂此非無緣知如手執  
如意非無如意手若以自知知亦非無緣  
知如手自作奉非是不奉手亦不知知  
亦不自知知不可謂無知自性了然故不  
同於木石手不執如意亦不自作奉不可  
謂無手以手安然故不同於木石斯為  
宗之妙故今用之而復小異以彼但顯無

緣真智以為高道若奪之者但顯本心不  
隨妄心未育智慧了心源故云故須能  
所平等若不失照為無知之知此知  
知於空寂無生如來藏性方為妙耳

正覺過去世永斷分別根未來及現在是故

說名佛

後偈舉佛釋者上云佛然佛云何然釋云

覺於三世離分別故種習斯亡為斷根也

又亦無心捨於分別名為斷根

爾時真實慧菩薩承佛威力普觀十方而說

頌言

寧受地獄苦得聞諸佛名不受無量樂而不

聞佛名所以於往昔無數劫受苦流轉生死  
中不聞佛名故

第八西北方真實慧菩薩心不顛倒是真  
實慧頌意為顯欲令增進於一切法皆得  
善巧文言於法不顛倒如實覺了是善巧

義十頌分二前二明依實立名名能益物

後八顯名下之實辨益所由今初前頌明

損益受苦聞名速解脫故受樂不聞反沉

淪故後頌叙昔以成今說後頌叙昔等者

偈意乃成今說既執我受  
苦明昔說無我為正說也

於法不顛倒如實而現證離諸和合相是名

無上覺現在非和合去來亦復然一切法無

相是則佛真體若能如是觀諸法甚深義則

見一切佛法身真實相

後八中分三初三覺長證實是覺察義次

一雙覺二諦是覺照義後四非覺而覺是

妙覺義初覺妄等者顯其三覺一覺察者如睡夢覺亦如人覺賊賊無能為

妄即賊也二覺照者即照理事也亦如蓮

華開照見自心一真法界恒沙性德如共

勝美覺諸法故三妙覺者即上二覺離覺

所覺故為妙耳非更別覺故楞伽云一切

無涅槃無有涅槃無有涅槃速離覺

所覺若有若無有故為妙覺故起信云又

心起者無有初相可知而言知初今初也

相者即謂無念此明非覺而覺也

初偈證實立名初句揀似比量無常計常

常計無常等是顛倒法名似比量次句證

真現量如眼見故次句揀似現量顯真現

量謂男女天地等見一合相名似現量一

合相相不可得故故名為離非唯所覺離

合亦無如外之智與如合也下句結名初句

揀似比量者然準因明總有八義今此有

四故論云能立與能破及似唯悟他現量

與比量及似唯自悟謂能立能破現量比

量此之四義各百真似故成八耳言八義

者一對敵申量三分圓明開曉於賓故名

後偈成現觀後偈成現觀者即前真現量也現觀有六十地當釋今通

諸和合相次偈例去來

非唯已下又拂能所證跡為真現量謂若

有如外之智與如合者猶有所得非真實

證能所兩亡方為真現故唯識云若時於

所緣智都無所得爾時住唯識離二取相

故故下經云無有智外如為智所入亦無

如外智能證於如是方為真現量也是

故經云維次偈例去來

諸和合相

非唯已下又拂能所證跡為真現量謂若

有如外之智與如合者猶有所得非真實

證能所兩亡方為真現故唯識云若時於

所緣智都無所得爾時住唯識離二取相

故故下經云無有智外如為智所入亦無

前

於實見真實非實見不實如是究竟解是故名為佛

次一覺照者真諦名實無和合故俗諦非

實假和合故互融無雜名究竟解夫實見

者尚不見實何況非實見非實者知其即

實故中論云一切法真實一切法非實亦

實亦非實非實非非實是名諸佛法夫實見者

即淨名經入不二法門品樂實菩薩曰實不實為二見實者尚不見實何況非實所以者何非肉眼所見慧眼乃能見而此慧眼無見無不見是為入不二法門此明實

者真實之理非實者緣生假合今尚不得所證之如並况如外假有之法見非實者即諸經意云若見非實即真名見非實下引中論即是法品前光明覺品已廣引克然實有二意且就一相理實為實事相非實即真俗二諦俗則一切皆俗佛亦隨俗立名真則一切皆真如妄本自真故雙勝為俱存互奪即雙寂

佛法不可覺了此名覺法諸佛如是修一法

滅九

十四

不可得

後四非覺而覺者初偈正顯如智相離名

不可覺寂無遺照故名了此要不可得方

是真修

知以一故眾知以眾故一諸法無所依但從

和合起無能作所作唯從業想生云何知如

是異此無有故

次二偈展轉釋成初偈釋無一之義上半

相待而有通同異體下半緣生故空則一

多相盡矣後偈上半釋前偈下半無能所

作故無所依從業想生故是和合下半釋

成上半云何知無能所異業想外無我所

故

一切法無住定處不可得諸佛住於此究竟

不動搖

滅九

十五

後有一偈結成妙義上半所住下半能住  
 由無住故無所不住謂不住有以即空故  
 故能住有契有實故亦不住無無即有故  
 不住俱有無無二體故不住雙非不壞二  
 相故

由無住者即般若中意彼前更反釋  
 云若有所住則有所不住謂不住有

下疏釋上文由無  
 住故無不住義 能住例知既以無住為

住則心絕動搖方契本覺湛然常住

能住  
 剎如

者上辨四句唯住有句其住不住義下三  
 皆界若具住無應云亦不住無無即有故  
 故能住無契無實故俱句云故能住有無  
 契二實故俱非句云故能住非有無契非  
 有無實故既以無住下釋第四畢竟不動  
 搖句即大般若曼珠室利分亦前已引從

方契以下是疏釋義  
 結歸諸佛住於此義

爾時無上慧菩薩承佛威力普觀十方而說

頌言

無上摩訶薩遠離衆生想無有能過者故號  
 為無上

第九下方無上慧名如初頌又從法王教  
 生當紹佛位故名無上頌意為顯欲令增  
 進心無障礙文云無著無念不住法故十  
 頌分三初一釋已名義次八顯佛勝德後  
 一推功結益

諸佛所得處無作無分別處者無所有微細  
 亦復然

次八中分二前六內證德後二外化德前  
 中亦二前偈正明證入後五照境顯理今  
 初即菩提涅槃以無所得得菩提故處即  
 涅槃本覺自然故非造作悟亦冥符則智  
 無分別三細已盡六麤居然又不可以識  
 識故無麤者不可以智知故無細者又有  
 能所證名之為麤無能所證目之為細皆  
 言語道斷故並無之菩提涅槃絕心行故

本覺自然者即將第二句無作字釋初句處字悟亦符下將第二句無分別字囑初句所得字三細已下釋三四二句即起信論然由無明為因生三細境界為緣生六處故彼論云復次依不覺故生三種相與彼本覺相應不離云何為三一者無明業相以依不覺故心動說名為業覺則不動動則有苦果不離因故二能見相以依動故能見不動則無見三者境界相以依能見故境界妄現離見則無境界以有境界緣故復生六種麤相云何為六一者智相依於境界心起分別愛與不愛故二者相續不斷故三者執取相依於相續緣念境界住持若樂心起著故四者計名字相依於妄執分別虛假名言相故五者起業相依於名字尋名取著造種種業故六者業業苦相依業受果不自在故當知無明能生一切染法以一切染法皆是不覺相故釋曰據此則六義遠亦從無明生就顯著說境界耳故楞伽云境界風所動起信亦云因無明風動又不可以識識等者即取淨名見河問佛品釋此麤細又有能所下此中三重釋此麤細此當第三初約述真起妄說後二約反本還源說而二約識智對論三者理智對辨

諸佛所行境於中無有數正覺遠離數此是

佛真法

滅九

十七

後五中初偈正明照境境即俗境有能所故即俗而真故云無數心同無為故云遠離是佛真法雙結能所  
如來光普照滅除眾暗冥是光非有照亦復非無照

後四遣相顯理皆躡迹遣滯初偈雙非顯中照理滅障菩提涅槃離有無故

於法無所著無念亦無染無住無處所不壞於法性此中無有二亦復無有一大智善見者如理巧安住

次二偈釋前雙非一偈半釋非照義初句是總次句能照無著故云無念亦不染此無念次句所照無著以無處所為所住故次句不壞能所次二句雙遣性相次二句釋非無照稱理照故  
次二句雙遣性相者二即是相相差別故

一即是性性不並真故今云無二  
 即違相也亦復無一即遺性也  
 無中無有二無二亦復無三界一切空是則  
 諸佛見

後偈拂前無二之迹言無二者但言無有  
 二非謂有無二若存無二之見則還成二

以無二必對二故遺之又遺之以至於無

遺故云三界一切空空謂第一義空諸佛

同見三拂前無二者即無中無有二偈初

句標前無二之跡次句遺之言無二

者標初句也非謂有無二下正釋第二句

而是反釋若謂有無二即執藥成病若存

無二下出謂有無二之過遺之又遺之下

拂跡若不得意于重遺之未免於二何者

謂有人聞無二亦復無謂無無二為是亦

有所著故中論云諸佛說空法為離諸有

見若復見有空諸佛所不化以楔出楔以

賊逐賊無有已時心無所著當法即絕故

故至於無遺若以無遺為是亦有著矣此

亦借老子損之又損之以至於無為之言

凡夫無覺解佛令住正法諸法無所住悟此  
 見自身非身而說身非起而現起無身亦無

見是佛無上身

後二外化德中前偈正顯令住無住之覺

後偈釋成身即非身故無可悟悟身見起

此見如身身見兩亡真法身也觀身實相

觀佛亦然故就佛結悟身見起者前釋非

身而說身此釋非起

而現起由悟非身又生非身之見此見若

有執復隨生身既非身見亦非見故云此

見如身身見兩亡下釋下半身見兩亡則

法界一相為真法身也觀身實相下通妨

妨云向來觀身是菩薩觀那言是佛無

一身耶通意可知即是淨名阿闍佛品

如是實慧說諸佛妙法性若聞此法者當得

清淨眼

推功可知滅九

爾時堅固慧菩薩承佛威力普觀十方而說

頌言

偉哉大光明勇健無上士為利群迷故而興  
 於世間



第十上方堅固慧者智力成就不可壞故

頌意為顯欲令增長一切種智文云得淨

慧眼了佛境故十頌分四初偈總歎為物

與世智光徧照大悲勇健第十菩薩智力成就者智力成

就即十住中第十住智慧增故得佛十種智故不可壞即成今文堅固之名頌意已

下即彼勝進經文云云已下即今得意

佛以大悲心普觀諸眾生見在三有中輪迴

受眾苦唯除正等覺具德導師一切諸天

人無能救護者若佛菩薩等不出於世間無

有一眾生而能得安樂如來等正覺及諸賢

聖眾出現於世間能與眾生樂

次四別示悲相初偈觀機次二反以釋成

後一正明兼顯僧寶

若見如來者為得大善利聞佛名生信則是

世間塔我等見世尊為得大利益聞如是妙

法悉當成佛道諸菩薩過去以佛威神力得

清淨慧眼了諸佛境界今見盧舍那重增清

淨信

次三頌半見聞利益

佛智無邊際演說不可盡勝慧等菩薩及我

堅固慧無數億劫中說亦不能盡

後一頌半結德無盡此為終極故總舉前

十

大方廣佛華嚴經疏鈔會本第十六之三

音釋 名稱稱昌 遠離並云 偉哉偉羽鬼切大也

大方廣佛華嚴經疏鈔會本第六之四 滅十

唐于闐國三藏沙門實叉難陀 譯

唐清涼山大華嚴寺沙門澄觀撰述

十住品第十五

初來意者上由致既彰正宗宜顯故次來

也又前辨所依佛德今辨能依十住故次

來也又前辨所依下上即通明此下別顯

二釋名者慧住於理得位不退故名爲住

本業下卷云始入空界住空性位故名爲

住然住義多種寄圓說十總言十住帶數

釋也下諸品有十準此可知二釋名然住

能所合釋故言慧住於理則理是所住慧

是能住二唯約慧釋信未終極慧未安住

得入正位位不動搖故云得位不退然住

不退復有二義一約三乘至第七住位方

不退二約終教入初住位即云不退異輕

毛故今依後義則通十住位皆不退從初

受名本業云始入空界即證 三宗趣者以

十住行法爲宗攝位得果爲趣

四釋文者四品分二前三當位行德後一

勝進趣後前會無勝進者但是趣位方便

未成位故迴向是位無進趣者三賢位滿

總爲趣地之方便故亦顯趣無分別離趣

相故前會無勝進下上正科經文此下對

難也三賢位滿下通通有二意一明有勝

進總攝前三故不別立二亦顯下明無勝

證無分別智故

爾時法慧菩薩承佛威力入菩薩無量方便

三昧

今初分三初品辨位次品辨行後品明德

初亦名解文分七分一三昧分二加分三

起分四本分五說分六證成分七重頌分

今初何故入定略辨六意一此三昧是法

體故二非證不說故三顯此法非思量境

故四觀機審法故五為受佛加故六成軌

儀故餘如玄說畧辨六意者前三取下論勢然其三意大同小異異

相云何一是指證法體欲說此法要須心

實此體二非證不說者揀異未證之人亦

許心合法故三非思量境者絕思方說亦

通未證故四觀機則識病所宜審法則知

藥功力不觀人根不應說法不審而說理

事或手應病與藥今得服行矣五散心不

堪諸佛加故六菩薩常定但為物文有三

軌菩薩將說尚須入定况凡夫耶文有三

別一入定人法慧入者是眾首故餘入則

亂不調伏故顯十住法慧能說故二入定

依謂承佛力推功化主表無慢故三入定

名為揀果定故云菩薩任性能知觀解善

巧故名方便十住各攝多門善巧故云無

量心詣於法故云入也又一切三昧皆有

三

三相謂入住出五識對境意從門出遠境

護根意識却入此通權小今即照之寂故

名為入即寂之照故名為出入已未起故

名為住餘三昧等並如前釋是眾首者此

義相云是眾首言餘入則亂者此却論意

謂有問言豈此海會無如法慧故應答云

眾雖德齊眾人爭入眾則亂故次應問曰

何不亂入答云眾調伏故今疏云亂起

則不調伏顯十住下二約表法說任性能

知下釋方便言此有二意一以絕分別心

名為方便如下文云以無所得而為方便

初地經中無分別智名大方便二約善巧

事理無礙故

如常所明

以三昧力

二以三昧下加分於中三初總辨因緣二

明加所為三別顯加相今初又三一標加

所因二加緣顯現三讚說因緣今初謂以

三昧力故論云所以偏加金剛藏者得此

三

定故前由佛力能入今由定力佛現互為

增上力相云何謂無作三昧顯自覺智寂

不失照冥同佛心故感佛現三業加也

互為

增上者前則佛力為入定

緣今則入定為佛現緣

十方各千佛刹微塵數世界之外有千佛刹  
 微塵數諸佛皆同一號名曰法慧普現其前  
 二十方下加緣顯現來處佛數皆云千者  
 望行猶劣故多佛加者顯於法及法師增  
 敬心故又顯諸佛同說故加佛同名法慧  
 者得法不異故論云此菩薩聞同已名增  
 踊躍故但諸佛於此住門中現皆名法慧  
 以法力故法應爾故普現其前者不來而  
 至故

言望行猶劣者行一萬故行向有前  
 望前辨過今前未有故望後言劣餘  
 義多同十地雖賢聖五殊儀範  
 相似又圓教十住似十地故

告法慧菩薩言善哉善哉善男子汝能入是  
 菩薩無量方便三昧善男子十方各千佛刹  
 微塵數諸佛悉以神力共加於汝又是毗盧  
 遮那如來往昔願力威神之力及汝所修善  
 根力故入此三昧令汝說法

三告法慧下讚說因緣於中二讚有加  
 因能入定故言汝能者希越之辭此定難  
 得汝今乃能入故舉定名者向來默入眾  
 未知名故舉數之令眾仰故二善男子十  
 方下雙說加定因緣於中先別顯四因一  
 伴佛神力諸佛自說者令眾敬仰故二主  
 佛宿願三主佛現威四法慧善根略無大  
 眾機感後入此三昧令汝說法二句結因  
 所屬謂由上四事前三為緣第四是因因  
 緣合故入此三昧故前四定因令汝說法  
 即是加因故論云何故加為說此法故故  
 十行十向之中皆云令汝入是三昧而演  
 說法故又此令汝說法亦是後文之總

今  
 說法者意明加因亦有其四故下正釋後  
 三復為加因更添說法即是四因然為說  
 法即是入定故下引諸會合說法與定為  
 一入定本為說法入定既為加因則說法

即是加因故初標云一讚有加因諸然十  
佛遮那皆由願力故二願皆為加因

地論釋諸佛遮那皆由先願故加則此四

段俱是加因以彼經中諸佛但云加汝威

神遮那則云本願力故加古人便將諸佛

之加為得定因下之三緣轉為加因便令

得定無後三因則又字何用既結云令汝

入是三昧何得後三不為定因非唯違經

文理亦乃乖論所釋言四段者即上四因

二威神為三自喜為四而論但有二因今

以彼經下初出昔解之源然具論經云諸

佛皆司一號加汝威神此是盧舍那佛本

願力故加古人下二正申昔解昔人見上

諸佛威神加而得定下云此是盧舍那佛

本願力故加而得定下云此是盧舍那佛

經後二皆如因而言轉為加因者不連上

減十

五

既上是定因下是加因何用又字二違結  
文既列二因竟云入此三昧今汝說法明  
知此三皆定因也然此經文今汝二字在  
三昧下今疏乃安三昧上者有二義故一  
以義迴既云善根力故入此三昧則知令  
汝義合在上二以行向二品為例十行亦  
先列四因竟即云令汝入是三昧而演說  
法十迴向亦是列四緣後即云今汝入是  
三昧以此故知理必後三通定因也非唯  
違經下結破言違理者自無善根主佛不

如何能入定亦乖論者論釋同號佛加云  
何故同號金剛藏加如來願力故何故如  
來作是願顯示多佛故又此三昧是法體  
故汝今既以願屬遮那彼顯願因云此三  
顯願為三昧因矣下疏正釋更出其相如  
實義者此之四因通於二義一由此四為  
得定因如上所辨二由後三復是加因諸

佛即以願力而為加因論主為顯斯旨故  
云彼佛先作是願今復自加如實義下三  
初一唯得定因後三通二諸佛即以下通  
妨難也謂有問云前三通二諸佛即以下通  
何加因但取後三故今釋云初因有二一  
約現文此是十方諸佛共加於汝即是加  
相只得以此為得定因不應以加自為加  
因若依論云諸佛皆願故加則諸佛亦為

加因是故前云四皆加因下引論文證成  
 願為加因之義蓋通論意而其疏意加因  
 亦四自以入定為問加之與定何先後耶  
 其一耳如上所明問加之與定何先後耶  
 若先定後加則不應云汝能入此三昧此  
 是十方諸佛共加於汝乃至云及汝善根  
 力故入此三昧若先加後定則不應在三

昧分後方說加分又十地論云何故加為  
 說此法故不言為入三昧故又云唯加金  
 剛藏不加餘者以是菩薩得此定故既俱  
 文證如何會通古人答云加定同時謂若  
 未定而加則散心不能勝受若未加而定  
 則自力不堪入此深定是故同時此解亦  
 違教理現言入三昧竟諸佛方現身稱讚  
 得定及說加所為竟方與三業之加而云  
 同時豈不違文若言同時為因不成斯則  
 違理亦不應引俱有因證以此二事容相

離故若正釋者加有二種若約內外善根  
 威神願力實資令其得定則在定前若約  
 與智讚述摩頂勸說三業顯加則居定後  
 二文昭著何其惑哉後亦不應下遮救恐  
 有互為果如大相所相心於心隨轉釋曰  
 俱有者俱時而有也互為果者釋俱有因

義論云若法更互為士用果彼法更互為  
 俱有因下二句指法體此有三類一如大  
 者謂四大種互相假藉生所造色故互相  
 望為俱有因二相所相者即生等四大相  
 也此四大相與所相法更互為果謂此能  
 相相所相故復由所相能相轉故互為  
 果三心於心隨轉者謂心王心所隨轉法  
 亦更互為果釋曰謂彼救云俱有因果既  
 得互為云何不可故今遮云彼三類法皆  
 不相離如相所相所相無相不成有為能  
 相無所無有依止今或有加而不入定或  
 時入定不必須加二許相離云何成例  
 為增長佛智故深入法界故善了衆生界故  
 所入無礙故所行無障故得無等方便故入  
 一切智性故覺一切法故知一切根故能持  
 說一切法故所謂發起諸菩薩十種住

第二為增長下辨加所為且對加因名加

所為然加所為正在說法此十亦即說法

所為展轉相成

言展轉相成者舉佛願等為得加故所以加者為說

法故若更進釋則有四重一諸佛願等為

入三昧故二入三昧者為得加故三所以

減十

七

加者為說法故四說法為何

為令菩薩增長佛智等故 文分二別初

十句別明後一結說前中文合二意望加

所為即是別說望於說法即說法之意謂

加為說法說法為何為增佛智等然說法

所為即加所為於十句中初總餘別總謂

說十住法令信解諸菩薩修行增長性習

二性生菩提智故又此因智即同佛智亦

得言增增智何用深入法界等故九句五

對初二證真了俗對謂入無入相故云深

入了相了性故云善了次二無障無礙對

由入法界離煩惱礙由了衆生離所知障

次二圓因趣果對謂巧安真俗無等故因

圓入薩婆若故云果滿次二識法知根對

後一句雖非文對而是義對謂內持諸法

外說利他所謂下總結所說謂若說十住

則前所為皆得成就

善男子汝當承佛威神之力而演此法

第三善男子下正辨加相分三先口加勸

說以增辨二意加冥被以益智三身加摩

頂以增威今初可知

初口加者此中有三亦加益下二業例此

是時諸佛即與法慧菩薩無礙智無著智無

斷智無癡智無異智無失智無量智無勝智

無懈智無奪智何以故此三昧力法如是故

二是時下意加中先加後釋前中與十種

智初總謂四無礙解智是說法所依故餘

皆樂說無礙一無著者論名不著辨才於  
 所說法無住著故即七辨中捷辨須言即  
 言故無著也二無斷智即無斷辨謂相續  
 連環終無竭故三無癡者即是迅辨明於  
 事理心無癡闇言則迅疾如懸河故四無

減十

八

異者即應辨也應時應根無差異故五無  
 失者即無錯謬辨凡說契理無差失故六  
 無量者即豐義味辨名數事理皆無量故  
 七無勝者即一切世間最上妙辨此有五  
 德一甚深如雷二清徹遠聞三其聲哀雅  
 如迦陵頻伽四能令衆生入心敬愛五其  
 有聞者歡喜無厭具斯五義故云無勝上  
 即七辨八無懈者通策前七無疲倦故九  
 無奪者具前總別無能制伏令退屈故  
 不著者所為小異與辨等大同故得  
 引論以釋今經廣有義相如十地疏何以

故下徵釋先徵意云諸佛有力能與有慈  
 能普何故十智唯與法慧下釋云法慧得  
 此三昧法爾如是得諸佛加  
 是時諸佛各伸右手摩法慧菩薩頂  
 三是時下身加一令增威二令起故然三

加同時隨義為次承前說便故先語加為  
 令起定身最居後準地論經有諸佛不離  
 本處則去住無礙手又不延則延促無礙  
 同時觸頂一多無礙故是奇特要摩頂者  
 楞伽云若有不為如來二種神力之所建  
 立而能說法無有是處一者身面言說神  
 力即前語加二者灌頂神力即智灌心頂  
 手摩身頂頂受摩者上稟尊力故右手者  
 法慧所說順理機故諸佛隨順法慧說故  
 然三加同時下上釋文此下辨次楞伽云  
 下引證彼經第二云復次大慧如來以二

減十

九



種神力建立菩薩摩訶薩頂禮諸佛聽受  
問義云何二種神力建立謂三昧正受為  
現一切身面言說神力及手摩頂神力大  
慧菩薩摩訶薩初地菩薩住佛神力所謂  
入菩薩大乘照明三昧入是三昧十方世  
界一切諸佛以神通力為現一切身面言  
說如金剛藏菩薩摩訶薩頂及餘如是相功德  
成就菩薩摩訶薩下又大慧若菩薩摩  
訶薩離佛神力能辨說者一切凡夫亦應  
能說釋曰今疏義引正引後反釋之文兼

取前列  
二相

### 法慧菩薩即從定起

第三法慧菩薩下起分略由四意一三昧

事訖故二已得勝力故三說時至故四定

無言說故此四後後以釋前前此四後後者亦展轉

通難謂有難云云何事訖入定為受佛加  
今已得勝力故為事訖復應問曰雖得勝  
力何不且定答云說法時至故次又  
問云何不定中說答云定無言說故

告諸菩薩言佛子菩薩住處廣大與法界虛  
空等佛子菩薩住三世諸佛家

第四告諸下本分文分為三初總顯體相

次標以許說後別陳其名今初然十住體  
略有三種一約所依即前三昧依此說於  
十住法故論云三昧即法體故二者約本  
即下所辨三剋性體若約所緣即真俗二  
境若約能緣即悲智二行二境既融悲智

不別境智冥契同一法界也然十住體者若立章門十

住畧以五門分別一釋名二出體三辨相  
四定位五諸門分別今經疏皆具一名中  
有總有別總如品初別名如本分出體即  
今文辨相即經文定位次下當說諸門分  
別合在前後文中今此出體畧有三重 今約本體若直觀經

文則住處二字總示其體廣大已下略顯

其相住三世佛家結示住處今依地論類

例以解則住處為總餘皆是別總即示體

此云住處十行名行業十向名願十地名  
願善決定皆當位體也而得名不同者何  
耶然三賢十聖皆以菩提心而為其體菩

提心有三一者直心正念真如法故二者  
 深心樂修一切諸善行故三者大悲心救  
 護一切苦眾生故所念真如亦即本智本  
 覺智故後二顯是恒沙性德然此三心有  
 一必兼餘二而二賢互有增微十住直心  
 增故故名爲解解爲行願本故首而明之  
 十行深心增故名爲行依於前解以起行  
 故十向大悲增故名爲願迴前解行願諸  
 衆生離苦得樂故十地三心等證故名決  
 定而大悲爲首故舉其願是以論云願善  
 決定者如初地中發菩提心即此本分中  
 願十信通信此三等覺此三等佛故知菩  
 提心是諸位通依今此住位名住處者若  
 從增勝則以深般若住於真如即復由此  
 而爲行願之所住處若從通說俱住上三

菩提心家故住處梵本名爲俱羅此云家  
 也家即家族是以舊譯名爲種性即四種  
 性中習種性也良以此家菩薩所居故翻  
 名住處下文還就佛家以結直心增名解者正念真如是智解故三心等證名善決定者證理無差故而大悲爲首下通妨妨云若總三心何以地體名願善決定通意別中句乃有可知大悲爲首即下經文 二義乃有三一廣大與法界等是勝住處  
 然地經總句是於決定不應學彼此中廣  
 大即是勝義其法界言舍於四義一正念  
 真如同理法界深無際限勝諸凡夫亦勝  
 二乘偏真理故二普該菩薩無邊行相大  
 悲深心同事法界無有邊量勝二乘故三  
 者三心無礙同無礙法界事理融故四同  
 圓融法界一一塵中無不具故此與第三  
 勝權菩薩別中句乃有二下第二釋別句於初句中分成二義謂與法界

等與虛空等是勝住處者下論釋云大勝  
高廣一體異名故彼經云廣大如法界然  
地經下彈古亦取下論立其三義而  
云一勝善決定二因善決定三不怯弱善  
決定故今破云彼中總句是決定故別句  
為六決定今經總句是住處即合別句為  
二住處但取類例如何一向學彼則好  
學太過也此三義理應尋下十地經

虛空等者是因住處因有二種一無常愛

果因是因如虛空依是生色色不盡故二

常果因今是地前故闕此也古德又云一

一位中如空包含無邊行海又如空周徧

非至非不至又如空無礙故

今是地前者且依行布未

證真如故無常果因盡未來際如空包含者此三義中一事次理三即無障礙法界

然類六決定而但有三者餘三證如方得有故謂一觀相善云無雜二真實善云不可見三大善云普能救護一切

眾生皆未證如故無此三矣 三住三世

諸佛家準論此名不怯弱住處謂菩薩所

住即佛所住故名佛家進住佛家是不怯

弱若直釋經文即結示也謂向言住處何

減十

十二

所住耶謂住佛家佛家即是大菩提心諸

佛住此生菩薩故真如悲願究竟唯佛方

能住故言三世者是讚勝也

彼菩薩住我今當說

二彼菩薩下牒以許說可知

諸佛子菩薩住有十種過去未來現在諸佛

已說當說今說

三諸佛子菩薩住有十種下別陳其名文

有三別初標數引證二依數列名三總結

顯勝今初謂三世佛果無不由此十住因

成如大王路法爾常規故同說也

何者為十所謂初發心住治地住修行住生

貴住具足方便住正心住不退住童真住法

王子住灌頂住

一何者下依數列名初發心住者瓔珞云

是上進分善根人若一劫二劫一恒二恒  
 佛所行十信心信三寶常住八萬四千般  
 若波羅蜜修一切行一切法門乃至始入  
 空界住空性位故名爲住依仁王起信即  
 十千劫來修信行滿入位不退創起大心  
 發心即住名發心住三種發心中即信成  
 就發心也二治地者謂常隨空心淨八萬  
 四千法門清淨潔白故爲練治心地使悲  
 智增明名治地住三巧觀空有增修正行  
 故四生佛法家種姓尊貴故五帶真隨俗  
 習無量善巧化無住故六成就般若故聞  
 讚毀真正其心念不動故七入於無生畢  
 竟空性心心常行空無相願止觀雙運緣  
 不能壞故八心不生倒不起邪魔破菩提  
 心故九從法王教生解當紹佛位故十從

上九住觀空得無生心最爲上故諸佛法  
 水灌心頂故乃至始入者乃至二字中間  
 心不生邪見則有所越皆信受行常起信  
 處常值佛法廣多聞慧多求方便始入空  
 界住空性位故名爲住此後復云空理智  
 心習故佛法一切功德不自造心生一切  
 功德故不名爲地但名爲住釋曰學他非  
 自有故名住不名地餘可知十皆彼經二  
 中謂練治下疏釋三中經但云長一切行  
 四中云生在佛家種性清淨五中云多習  
 無量善六中成就第六般若七中止觀下  
 疏意八九全同十中諸佛下疏取經意  
 然此十住得名有三謂四八九十從喻爲  
 名第七離過受稱餘約功德從其所喻皆  
 持業釋若從能喻或依士釋然此十住下  
 謂於釋名門

中有總名別名各有得名釋名今皆具足  
 從其所喻下即是釋名會六釋故謂發心  
 即住爲持業釋若從能喻等者喻劣法故  
 此一即依主釋中開出然六釋義上下多  
 有今當累出謂西方釋名有其六種一依  
 主二持業三有財四相違五帶數六鄰近  
 以此六種一一具二若單一字名即非六  
 釋以不得成離合相故初依主者謂所依  
 爲主如說眼識識依眼起即眼之識故名  
 眼識舉眼之主以表於識亦名依士釋此

即分取他名如名色識如子取父名名為  
 依主父取子名即名依士所依劣故言離  
 合相者難謂眼者是根識者了別合謂此  
 二合名眼識餘五離合準此應用能持業  
 者如說識識識識識識識識識識識識  
 體亦能持業識識識識識識識識識識  
 業亦名同依釋藏取含藏用識取了別用  
 此二同一所依故云同依也言有財者謂  
 從所有以得其名為覺者此即分取他名二如  
 有覺之者名為覺者此即分取他名二如  
 俱舍對法藏對法藏者是本論名為依根  
 本對法藏造故此亦名對法藏論此全取  
 他名亦名有財釋言相違者如說眼及耳  
 等各別所詮皆自為主不隨順故曰相  
 違為有及與二言非前二釋義通帶數有  
 財言帶數者以數顯義通於三釋如五蘊  
 二諦等五即是蘊二即是諦此用自為名  
 即持業帶數如說五逆為五無間無間是果  
 依主帶數如說五逆為五無間無間是果  
 即因談果此全取他名即有財帶數言鄰  
 近者從近為名如四念住以慧為體以慧  
 近念故名念住既是鄰近不同自為名無  
 持業義通餘二釋一依主鄰近如有人近  
 長安住有人問言為何處住答云長安住  
 此人非長安以近長安故云長安住以分  
 取他名復是依主鄰近二有財鄰近如問  
 何處人答云長安以全取他處以標人名  
 即是有人財以近長安復名鄰近頌曰用自  
 及用他財以近長安復名鄰近頌曰用自  
 種釋然下諸品多用本名但云依主持業

是名菩薩十住去來現在諸佛所說

等可以意得

三是在名下總結可知  
 若定位者略有十義一依唯識等五位之  
 中即當初位言五位者一資糧位即是三

賢從初發心積習福智為道資糧為眾生  
 故修解脫分善二加行位順解脫分既圓  
 滿已為入見道復修加行亦名順決擇分  
 三通達位即是見道謂初入地二種見道  
 四修習位始從初地第二住心乃至金剛  
 無間心位名為修道五究竟位金剛心後  
 解脫道中盡未來際皆此位攝一若定位者  
 五位即論第九第十總有五頌位各一頌  
 一資糧二加行三通達四修習五究竟位  
 初資糧偈云乃至未起識求住唯識性於  
 二取隨眠猶未能伏滅論曰從發深因六  
 善提心乃至未起順決擇識未生唯識真  
 勝義性齊此皆是資糧位攝為趣無上正

等菩提修習種種福智資糧故為諸有情  
 勤求解脫由此亦名順解脫分釋曰謂修  
 福智二事資糧益已身故名為順分者因義  
 為解脫行行不違故名為順分者因義  
 支義是解脫因之一分故二加行頌云現  
 前立少物謂是唯識性以有所得故非實  
 住唯識論曰菩薩先於初無數劫善備福  
 德智慧資糧順解脫分既圓滿已為入見  
 道住唯識性復起加行伏除二取三通達  
 位頌云若時於所緣智都無所得爾時住  
 唯識離二取相故下文云加行無間此  
 智生時體會真如名通達位初照理故立  
 見道名四修習位頌曰無得不思議是出  
 世間智捨二塵重故便證得轉依釋曰從  
 初入地二見道後住心已去名修習位論  
 曰菩薩從前見道起已為斷餘障證得轉  
 依復數修習無分別智五究竟位頌曰此  
 即無漏界不思議善常安樂解脫身大年  
 尼名法此後四位至十地品當廣分別今  
 是三賢之初即初位之初名初攝則知  
 第四五會亦初位攝十地即是二三四攝  
 第七一會是修習餘乃第五攝具等妙覺  
 故下之九義雖但釋住則以二依攝論第  
 例釋差別因果俾思可知

六說有四位即當初位之初言四位者一  
 勝解行位始從十信終於地前餘三見修  
 究竟同五中後三二依攝論等者即彼論  
 入所知相分中論云何

乘能入謂即於彼有見似法似義實可  
 乘道中於一切法唯識性隨處隨處  
 如理通達故治一切障故離一切障故  
 謂釋云何處能入者謂於大乘法相是  
 於生決定行相似法似義言能入於此  
 境界能入是用所入境界是入是持於此  
 意言或能入在勝解行地於一切法唯識  
 性中但隨聽聞生勝解故或有能入左見  
 道中如理通達此意言故或能入在修  
 道中此修習對治煩惱所知障故或有能  
 入在究竟道中最極清淨離諸障故如是  
 四種是能入位釋前本論中有四第一明  
 所入二意言為能入三勝解行地下明能  
 入位四位能入四於一切法唯有識下出  
 中已攝破配竟

三依瑜伽四十七說十  
 二住當其第二之初言十二者一種性住  
 謂彼菩薩性自仁賢性自成就菩薩功德  
 任持一切佛法種子性離麤垢不能現起  
 上煩惱纏二勝解行住謂從初發心乃至  
 未得清淨意樂所有一切菩薩行是三極  
 喜住四增上戒住五增上心住六七八三

名增上慧分成三種謂六覺分相應增上

慧住七諸諦相應增上慧住八緣起流轉

止息相應增上慧住九無相有功用住十

無相無功用住十一無礙解住十二最上

菩薩住十三最上如來住言十二住就菩

薩說加後如來為十三住第二即是三賢

第三已去如次十地三依喻如等者論云

南云種性勝解行極喜增上戒增上心三

慧無相有功用無相無功用及以無礙解

最上菩薩住最極如來住長行釋云謂菩

薩種性等具列其名而無次第今疏依下

釋加於次第後便引釋文已畧釋竟然彼廣

釋中皆先問後答今初先有問云云何菩

薩種性住此問云何菩薩住種性住此問

人今疏引答具答二問文有三段初答後

能住人問謂由性仁賢性能成善薩行人任

不由思擇制約有折防護故即善行人任

持等者二答前位體問也此言猶具足

減十

十七

減十

十六

中立有五性此即菩薩種性人也性離羸  
垢下三約煩惱輕微重釋能住人也此言  
亦具足論云又諸善薩種性住性離羸  
垢不能現起上煩惱由此故無造無業  
或斷善根二勝解行住者釋文具足論也  
彼疏釋云即以此生有渴種現及無渴種  
諸善為體而猶未證真寂之理但印持決  
定而起諸行故名勝解行三極喜住者即  
以所得無為有為無漏善等而為其體下  
諸位體皆同此體但約初得以及受別名廣

如地品三即初地從四至十四亦依瑜伽

二配二地至十地易故不釋四亦依瑜伽

及顯揚第七於十三住建立七地一種性

地二勝解行地三淨勝意樂地即前三住

四行正行地謂從第四乃至第九住五決

定地即第十住六決定行地即第十一住

七以後二住為到究竟地前六唯菩薩第

七菩薩如來雜立為地四亦論復以下即回

大同束為七地一約種性二約賢位三初

入聖故三住即為三地四從二地至七依

聖道修功用行滿故東為一名行正行地

五以八地無功用起利他行故名決定六以  
九地依無功用起利他行故名決定五依仁  
定行七因因果滿名到究竟地也

王下卷說十三法師各住一位即當第一  
言十三者一習種性二性種性三道種性  
四善覺摩訶衍五德慧六明慧七爾焰八  
勝達九常現真實十玄達十一等覺即八  
地十二慧光神變即當九地十三觀佛菩

薩義當十地及等覺而佛非十三之數

仁王等者即奉持品若新經如次釋十住  
行向十地之名今依舊經名異義同經云  
大牟尼言有修行十三觀門諸善男子為  
大法王從習忍至金剛頂皆為法師依持  
建立汝等大眾應如佛供養而供養之應  
持百億天華天香而以奉上經便釋之應  
釋其文繁廣亦不列次今畧列其名加以  
次第今初言一習種性者此即十住經云  
善男子其法師者是習種性菩薩若在家  
婆差優婆塞若出家比丘比丘尼修十  
善自觀已身地水火風空識分不淨復  
觀十四根所謂五情五受男女意命等有  
無量罪過故即發無上菩提心常修三  
一切念過故即發無上菩提心常修三  
佛家修六和敬所謂三業同戒同見同學  
行八萬四千波羅蜜道等下皆廣釋今但  
釋難言善覺者即歡喜地初證真如得無  
分別智故二地戒德清淨入修慈故三地

聞持發慧光故故舊為明地四地是欲慧  
故亦云爾燄亦云所知燒於所知慧燄增  
故五地入真達俗為難勝故六地般若寔  
智常現前故七地依空涉有為玄達故八  
地得一切法如寔覺故九地善慧其四十  
辯普應多會使情非情皆說法故十三菩  
薩地盡能入佛境故言義當十地  
等覺者仁王不立等覺故云義當  
王上卷五忍之中此當伏忍之下言五忍

者謂伏忍信忍順忍無生忍寂滅忍各有

上中下如次配三賢十地等覺妙覺

仁王  
等者即教化品新經即菩薩行品十忍品  
廣明今當畧示言如次配三賢者伏忍下  
品當十住中品當十行上品當十迴向故  
彼經云佛言大王五忍是菩薩法謂伏忍  
上中下信忍上中下地忍上中下  
中下下信忍上中下地忍上中下  
為諸善薩修般若波羅蜜今以瓔珞亦  
有五忍寂滅亦分三品中品即當等覺七  
亦依仁王五十二位當其第二  
上品五忍以文云善男子初發相心信恒  
河沙眾生修行伏忍於三寶中生習種性  
十心心精進心念心慧心定心施心戒  
心護心願心迴向心是為菩薩能少分  
眾生已起過二乘一切善地之一切諸佛  
薩長養十心為聖胎釋曰此之十心是習



種性中為十住因開因果故加此十剋實唯五十一開等覺故亦通諸經有五十

二八依瓔珞四十二賢聖位當於下賢十

住以不立十信十信攝在十住中故八依瓔珞

等者但除十信信未成位故故彼經云佛告敬首菩薩汝言義相云何者所謂十住

十行十迴向十地無垢地妙覺地我今當說九依瓔珞六種性十九

亦當第一言六性者一習種性二性種性

三道種性四聖種性五等覺性六妙覺性

若依楞伽等無復地位九依瓔珞等者即總收大位為四後

二因圓果滿為二並如十忍品釋依楞伽

等者此非立位不別為門而欲成五教故

此附出以十門中前四是始教次五終教

此楞伽當頓教十即圓教小非大位故畧

不十依此經說四十二位無別資糧加行

論等名然所說位依法性立行布圓融二俱

無礙如玄文辨十信開合已見賢首品十依

此經者雖言四十二以具圓融行布則融

第一三三冊 大方廣佛華嚴經疏鈔會本 一五·一五五七

佛子云何為菩薩發心住

第五佛子云何為下說分即是行相釋此

十住即為十段一一段中皆先徵復釋釋

中皆先明自分後明勝進又前是住位後

是起行今初發心住先徵可知

此菩薩見佛世尊形貌端嚴色相圓滿人所

樂見難可值遇有大威力或見神足或聞記

別或聽教誡或見衆生受諸劇苦或聞如來

廣大佛法發菩提心求一切智

釋自分中二先明發心之緣後正明緣境

發心今初文列十緣義舍四因謂信悲智

及種性也見佛世尊是初總相發菩提下

結前生後中間十句別顯不同一形貌容

儀二顯色大相三具隨好故人所樂見上

三觀外相也四時乃一出出便利益故為

八五一 龍 藏

難遇此通內外五十力無畏降魔制外此  
 明內德六神變難思即神足輪此唯外用  
 於上六中隨見一事發生淨信欣心上求  
 此若可修我定當取七聞授記舍於二義  
 一聞授記作佛希預其數二聞記當事希  
 得此知皆託心輪八聽教誠知惡可斷善  
 可進修即教誠輪上皆信智為因九見受  
 苦起悲未必聞教以種性內具法爾慈恕  
 即悲因也十聞廣大法謂佛功德義兼法  
 滅或傳或護因通悲智種性之因義通前  
 十此之十緣與賢首品所引瑜伽四緣但  
 開合之異耳謂前六見佛緣次二聞法緣  
 次一見生受苦緣後即見法滅也後結前  
 生後者唯證菩提方成前事結前也求一  
 切智生後緣難得法而發心也

此菩薩緣十種難得法而發於心何者為十  
 所謂是處非處智善惡業報智諸根勝劣智  
 種種解差別智種種界差別智一切至處道  
 智諸禪解脫三昧智宿命無礙智天眼無礙  
 智三世漏普盡智是為十

第二此菩薩下正明緣境發心前言求一

切智十種智力即一切智文有標徵列名  
 結數而義見初品大同初地為得十力故  
 等又此十力於一實智而開為十化生事  
 足義含悲智故略舉之非不緣佛餘之功

德 六同初地者即彼住分中當為何義彼  
 有十句總云為得佛智故為得十力故  
 為得大無畏故等十力乃是別中一句雖  
 廣畧有異然皆求佛果故云大同又此十  
 力下通妨妨云若言大同那唯一別句耶  
 答意云既言大同何妨多異顯於初賢劣  
 初地故又以十力攝義寬長故畧舉此一  
 如十力章故非不緣餘蓋文畧是以下得  
 廣斯十力及餘  
 諸義皆發初心

佛子此菩薩應勸學十法何者為十所謂勤  
供養佛樂住生死主導世間令除惡業以勝  
妙法常行教誨歎無上法學佛功德生諸佛  
前恒蒙攝受方便演說寂靜三昧讚歎遠離  
生死輪迴為苦眾生作歸依處

第二勝進文分為三初總標次徵列後徵  
釋今初謂欲求勝位應自勸勵亦勸他學  
列中有十不出悲智供佛為總通財及法  
下九為別行下九事真供養故一樂住生  
死大悲為首故智了其空無所懼故二住  
為主道除惡三即能導理教之法四示果  
令欣即教之所至五學佛德行以為能至  
六成德依緣故生佛前七寂前上求下化  
之紛動八寂必遠離生死輪迴九不失悲  
故常為物依亦是總結前義諸所施為皆

為眾生大悲增上故

問八遠離生死初令樂住此云何通略有  
三意一勸物遠離自處無厭二要自無縛  
方能攝物三即智之悲故樂住生死即悲  
之智遠離輪迴故瑜伽云菩薩厭離生死

過於二乘百千萬倍非不厭也斯則不斷

生死而入涅槃不動真際常隨流轉成不

住道畧有三意初約二利說二約利他三

約悲智悲明利他智約自利如實義

者自他皆具如悲濟九類智了無生而可

度者即一向利他有悲無智即墮愛見有

智無悲即滯二乘無智不能觀空無悲不

能起行多約自利故與初別然前釋樂住

生死具悲智二意今為對遠離義故但舉

悲故瑜伽下引文證顯引瑜伽證厭離義

恐有悞解謂唯二乘有厭離故開引二經

雙證二義一即淨名舍利弗章已如前引

二不動真際即大品意及智論文成不住

道者上釋是俱住義由俱不住故能雙住

樂住生死六復云何生諸佛前亦有三義

一為誘物故二求攝物之方故三悲智無礙故又十藏約實智契捨聞諸佛土不願

往生此約權不壞事故生諸佛土又初下更有一

問答亦具三意一自不要生為引眾生今修淨土因故二如人不善於水見子墮水若便入者自他俱沒應求船筏而濟度之三悲故樂住智故往生下通十藏難約標

實智說

何以故欲令菩薩於佛法中心轉增廣有所聞法即自開解不由他教故

三何以以下徵釋何須學此今得通別二種益故別謂增勝廣大此之別益皆希後位

準下頌文亦令不退有所聞下諸位通益以解從內法故不由他他有三種一人二者心外三者性外自解亦三一者熏習成性故能自解二了唯心三了唯性故下云知一切法即心自性若爾云何復言有

所聞耶謂汎爾聞故滅十或自披尋聞乃約法開悟約義必不假人委曲指授故不由他

究竟則是佛無師智下諸位中並同此釋有云從自種生云不由他但是初意何足

可尚又引下文雖知諸法悟不由師然求善知識無有歇足亦非此意彼據雙行此

約自悟故自解亦三者次第對上謂一由內性成故不隨他人二了唯心故不心外取法三由了性故如性外一法亦無

佛子云何為菩薩治地住第二治地住中亦二先徵可知

此菩薩於諸眾生發十種心何者為十所謂

利益心大悲心安樂心安住心憐愍心攝受心守護心同己心師心導師心是為十

二釋中自分內文有四別一標二徵三列四結下諸自分皆做此知列中十心有其

二義一於一一衆生各起十心二爲辨差別對八種衆生一於怨衆生非直不念加報亦乃授與利益二於貧苦衆生欲令遠離故起悲心三於危懼無樂衆生令得樂具不盡四於惡行衆生令安住善行五於得樂衆生以矜憇心不令放逸六於外道未發心者攝令正信發心七已發心同行者守令不退八於一切攝菩提願衆生取如已身於此開二謂於乘大道集進趣者推之如師集具足功德者敬之如佛此十大同第二地集義中釋以斯十心治自心地

佛子此菩薩應勸學十法何者爲十所謂誦習多聞虛閑寂靜近善知識發言和悅語必知時心無怯怖了達於義如法修行遠離愚

迷安住不動

減十

三四

二勝進亦三列中十法有通有別通相知別依展轉一總求多聞爲二利行依二聞已閑靜思修三聞必依友四於友求請言必和悅五問不非時六不怖深法而不能受不怯行法而不能行七以思慧力解達深義非但多聞於義不了八如說修行涅槃經說親近善知識聽聞正法繫念思惟如說修行是大涅槃近因緣故今展爲十九成行伏惑故離愚迷十觀智照理決定究竟故安住不動非但多聞者即涅槃願少聞多解義理不願多聞於義不？經高貴德王品云寧

何以故欲令菩薩於諸衆生增長大悲有所聞法即自開解不由他教故

三徵釋所以修者上十多約智以智導悲

今轉增也通益可知

大方廣佛華嚴經疏鈔會本第十六之四

疏十

三五

音釋

髻 吉詣切 燦 倉晏切 錯謬 錯七各切 謬靡切

劇 竭吉切 甚也